

FRANCISCI ANNATI ...
OPUSCULA
THEOLOGICA AD
GRATIAM
SPECTANTIA

François Annat





FRANCISCI
ANNATI

SOCIET. IESV

OPVSCVLA
THEOLOGICA
AD GRATIAM SPECTANTIA.



LVTETIÆ PARISIORVM,
Apud SEBASTIANVM CRAMOISY, & SEBASTIANVM
MABRE-CRAMOISY, Regios Typographos, sub Ciconiis.

M. DC. LXVI.
CVM PRIVILEGIO REGIS.

FRANCISCI
ANNATI

SOCIET. 1854

OPUSCULA
THEOLOGICA
AD GRATIAM SPECTANTIA



LIBRERIA PARISIENSIS

M. DC. LXVI

ANNO 1854

INDEX OPVSCVLORVM,

CAPITVM,

AC PARAGRAPHORVM.

I.

Catholica Disceptatio de Ecclesia præsentis
temporis.

- | | |
|--|---|
| CAP. I. D VORVM nouæ
Theologia Prin-
cipum sensus circa præsentis
Ecclesiae infallibilitatem.
pag. 19 | gustino. 39 |
| CAP. II. Quid sentiant eorum
discipuli. 25 | CAP. VI. Nullis minùs quàm
Nou-Augustinianis explo-
ratam esse traditionis disci-
plinam. 59 |
| CAP. III. Certitudo Tradi-
tionis Ecclesiae antiquae sta-
re non potest sine infallibi-
litate hodiernae. 28 | CAP. VII. Non sufficere ad in-
fallibilitatem Ecclesia quòd
illa rectè credat, & fidem
suam palam in precibus &
orthodoxis loquendi formulis
profiteatur, si erret in eorum
intelligentia. 67 |
| CAP. IV. Augustinus docet in
Ecclesia seruari depositum
Catholicae doctrinae, à Pa-
tribus tradita. 31 | CAP. VIII. Illa Baianorum
Theologia secum pugnat. 77 |
| CAP. V. Ecclesia primitiua in-
fallibilitatem asserit Eccle-
siae non primitiuae ex Au- | CAP. IX. Bicephalorum me-
ditationes merito suspectae. 82 |
| | CAP. X. Parallelum Baiano-
rum & Caluinistarum. 87 |

INDEX OPUSCULORVM I. I.

De incoacta Libertate disputatio quadripartita, qua monstratur ex doctrina potissimum S. Augustini, atque etiam S. Thomæ; Indifferentiam, hoc est agendi & non agendi potentiam, & quidem proximam, & expeditam, ad libertatem arbitrii esse necessariam.

Admonitio ad Lectorem circa relationes Sancti - Amorii in suo Diario. 93

CONTRA NOVVM AVGVSTINVM
IPRENSIS EPISCOPI.

- | | |
|--|---|
| CAP. I. I ansenii sententia refertur, & precipua ejus fundamenta conuelluntur. 105 | itate. 115 |
| §. 1. Quid sentiat Iansenius. 105 | CAP. II. Probatur triginta |
| §. 2. Explicatur Augustini doctrina, de iis quæ dicuntur esse in nostra potestate. 108 | quinque testimoniis S. Augustini, voluntatem, seu valuationem quæ supponitur esse libera, eo ipso supponi esse à potentia indifferente. 120 |
| §. 3. Augustini doctrina de concordia præscientiæ cum libertate nihil iuuat causam Iansenii. 113 | §. 1. Priora tria testimonia colliguntur ex locis, à Iansenio pro sua sententia citatis. 120 |
| §. 4. Nihil magis iuuat quod docet Augustinus de duplici neces- | §. 2. Testimonia reliqua. 123 |
| | §. 3. Miracula Ianseniana. 172 |

INDEX.

CONTRA VINCENTIVM LENEM.

Examinantur aliquæ Vincentii Lenis cogitationes
super ista controuersia.

CAP. I. **D**E quibusdam
Vincentii Le-
nis, atque aliorum Jansenia-
norum opusculis, & quid
ille tum de Iansenio sentiat,
tum etiam de se. 176

CAP. II. Examinatur dis-
tinctio duplicis necessitatis
simplicis; quarum altera tol-
lit, altera seruat arbitrii li-
bertatem. 179

§. 1. Iansenii & Vincentii discre-
pantia. ibid.

§. 2. Ostenditur distinctionem il-
lam Vincentianam stare non
posse. 181

CAP. III. Examinatur alia
distinctio duplicis libertatis,
essentialis, & accidentalis. 185

§. 1. Explicatur Vincentii distin-
ctio. ibid.

§. 2. Refutantur quæ dicunt de li-
bertate Essentiali. 186

§. 3. Refutantur quæ addit de li-
bertate accidentali, & ostendi-
tur causa libera necessariam esse
proximam agendi, & non agen-
di potentiam, consentientibus

Thomistis, quibus Vincentius
imponit. 187

§. 4. Destruitur pons à Vincentio
fabricatus, & lucerna Fulgen-
tii extinguatur. 192

CAP. IV. Expenditur Vir-
centiana interpretatio Con-
cilii Tridentini, & ipsa ex-
plicatione ostenditur quàm
sit inanis. 193

CAP. V. Quomodo soluat Vin-
centius locum D. Thomæ ex
questione sexta de malo, art.
unico.

§. 1. Refertur doctrina D. Th.
Rejicitur intempestiva, & pa-
rum decora Vincentii fabella, &
solutio, quam affert ab inconue-
nienti: frustra conari Vincen-
tium Thomistas implicare Ianse-
nianis controuersis. 198

§. 2. Ostenditur ex doctrina cita-
te questionis, S. Thomam requi-
rere ad libertatem, agendi &
non agendi potentiam, & qui-
dem immediatam. 200

§. 3. Quidquid faciant Iansenia-
ni, non posse dissimulare quam
animo conceperunt parum aquam
de doctrina D. Th. opinionem. 203

INDEX.

CONTRA APOLOGISTAM IANSENII.

Expenditur quod respondet Apologista Iansenii.

- CAP. I.** **C**onsilium Apo-
logistae querere
praesidia suae sententiae à Scri-
ptoribus Scholasticis exem-
plo Iansenii: & de approba-
tione Illustrissimi Vabrensis
Episcopi circa librum de Li-
bertate Dei & creatura. 207
- CAP. II.** **V**trum Iansenius
admisit libertatem homi-
num viatorum esse indiffe-
rentem. 211
- §. 1. Probatur admississe. ibid.
§. 2. Ostenditur reuera negasse. 212
§. 3. Probatur amplius, speciem
tantum inanem indifferentiae à
Iansenio admissam. 217
§. 4. Contradicere Iansenium sibi
ipsi, Augustino, Tridentino,
Scripturae sacrae, & communi
mortalium sensui. 221
- CAP. III.** **A**n recte Ianse-
nius dixerit indifferentiam
ad contraria, vel contradi-
ctoria non pertinere ad ra-
tionem liberi arbitrii, sed pos-
se adesse, vel abesse, stante
illaesa libertate.
- §. 1. Ostenditur hoc dixisse Ianse-
nium, & in eo secum pugnare,
nec ab Apologista bene defendi.
231
§. 2. Pugnatur etiam cum sensu Ec-
clesiae & S. Augustini. 229. b.
§. 3. Inferuntur ex dictis aliqua
contradictiones in Ianseniana
Theologia. 232. b.
§. 4. Rejicitur quod dicit Apologi-
sta, ita se habere indifferentiam
ad definitionem liberi arbitrii,
sicut esse mortale ad defini-
tionem hominis. 235
§. 5. Necessitas indifferentiae ad li-
bertatem arbitrii probatur ex
Tridentino, & ex Bulla contra
Baïum, & Iansenium. 237
- CAP. IV.** **D**e sententia S.
Thomae.
- §. 1. Explicatur quod obijciatur ex
S. Thoma, 3. contra gentes
cap. 138. 241
§. 2. Ostenditur pluribus aliis te-
stimoniis ex eadem Summa con-
tra Gentiles, indifferentiam ad
libertatem arbitrii necessario re-
quiri. 242
§. 3. Soluitur aliud testimonium ex
quaestione decima de Potentia. 247
§. 4. Quam mereantur fidem nar-
rationes Apologista. 248

INDEX.

CONTRA COMMENTATOREM.

Examinatur commentarius Anonymi in tertiam propositionem à Sorbonicis Doctoribus damnatam.

- CAP. I. **C**ausa & ratio scribendi hujus Commentatoris.
- §. 1. De gestis apud Sorbonam in causa Iansenii. 250
- §. 2. Commentator proscriptam propositionem aperte tuetur. 252
- CAP. II. Expenduntur quæ affert testimonia Sancti Thomæ.
- §. 1. Intactâ Thomistarum doctrinâ damnabilem esse doctrinam Iansenianorum. 254
- §. 2. Proponuntur decem S. Thomæ testimonia, quæ nullo modo probant indifferentiam non esse libero arbitrio necessariam. 257
- §. 3. Diluitur undecimum testimonium, & quid passim intelligatur apud S. Thomam, & alios Patres, nomine coactionis, consentientibus ipsis Iansenianis. 260
- §. 4. Explicatur locus ex 3. Sent. dist. 18. art. 2. ad 5. Quod determinatio ad unum numero, non tollit rationem meriti & laudis. 262
- CAP. III. Probatur quinquaginta duobus testimoniis Sancti Thomæ, indifferentiam esse ad libertatem arbitrii necessariam. 265



III.

Informatio de quinque propositionibus, ex Iansenii Theologia collectis, quas Episcopi Galliæ Romano Pontifici ad Censuram obtulêre.

Admonitio ad Lectorem, & Nota in Diarium Sant-Amorii. 287

Prefatio, in qua præcipua quædam vitia libri de Gratia victrice breuiter perstringuntur. 295

INDEX.

DE PRIMA PROPOSITIONE.

Q uid sentiat Iansenius.	355	Qua sit doctrina S. Augustini.	369
Quid sentiant Hæretici.	358	Notantur aliquot Iansenii fallaciae	
Quid sentiat Ecclesia.	361	in referenda Sancti Augustini	
Quid respondeant Ianseniani.	362	sententia, ac possibilitate dimo-	372

DE SECUNDA PROPOSITIONE.

Quid sentiat Iansenius.	418	Quid respondeant Ianseniani.	
Quid sentiant Hæretici.	420		424
Quid sentiat Ecclesia.	ibid.	Qua sit doctrina S. Augustini.	426

DE TERTIA PROPOSITIONE.

Quid sentiat Iansenius.	429	Quid respondeant Ianseniani.	
Quid sentiant Hæretici.	431		435
Quid sentiat Ecclesia.	433	Qua sit doctrina S. Augustini.	438

DE QUARTA PROPOSITIONE.

Quid sentiat Iansenius.	442	Quid respondeant Ianseniani.	
Quid sentiant Hæretici de ho-			447
stiori parte propositionis.	445	Qua sit doctrina S. Augustini.	
Quid sentiat Ecclesia.	446		450

DE QUINTA PROPOSITIONE.

Quid sentiat Iansenius.	452	Quid sentiat Ecclesia.	454
Quid sentiant Hæretici.	453	Quid respondeant Ianseniani.	
			465

INDEX.

<i>Doctrina S. Augustini.</i> 466 <i>De Deo omnes saluare volen-</i> <i>te, mens Augustini.</i> 472 <i>De Christo pro omnibus mor-</i> <i>tuo, mens Augustini.</i> 484	<i>Epilogus ; ad quinque supra</i> <i>refutatas Propositiones.</i> 498 <i>Fasciculus sententiarum ex</i> <i>Theologia Ianseniana colle-</i> <i>ctarum.</i> 503
--	--



I V.

Iansenius à Thomistis Gratiae per seipsam effica-
cis defensoribus condemnatus.

<i>Admonitio ad Lectorem, & Nota in Diarium Santamorii.</i>	513
<i>Praefatio circa V. Propositiones quae Romae examinantur.</i>	521

THOMISTÆ CONTRA IANSENIVM.

D E prima propositione. De tertia proposi. 546. & seq. 525. & seq. De quarta proposi. 561. & seq. De secunda proposi. 538. & seq. De quinta proposi. 569. & seq.



V.

Cauilli Iansenianorum contra latam in ipsos à Se-
de Apostolica sententiam : seu Confutatio li-
belli trium columnarum & aliarum conjectura-
rum, queis Ianseniani obtinere conantur vt non
videantur esse damnati.

<i>Admonitio ad Lectorem, & Nota in Diarium Santa-</i> <i>morii.</i>	583
---	-----

INDEX.

Constitutio Sanctissimi in Christo Patris ac D. N. D.
Innocentii Diuinâ Providentiâ Papæ X. Quâ decla-
rantur, & definiuntur quinque Propositiones in ma-
teria Fidei. 600

Litteræ Innocentii Papæ X. ad Episcopos Galliarum. 605

CAP. I. **A**N damnata Pontificis? 634
propositiones fabricatae sint à Sorbonicis
Doctoribus, an ex ipso Ian-
senio desumptæ. 609

CAP. II. Quo sensu damnatae sint Iansenianæ Propositio-
nes. 616

CAP. III. Quid significet ex-
ceptio, quâ usus est Summus
Pontifex dum declarauit non
esse mentem suam damnare
Doctrinam S. Augustini, 628

CAP. IV. Quid probent alia
quedam conjecturae Iansenia-
norum circa mentem Summi
Pontificis? 634

CAP. V. An Quinque Pro-
positiones damnatae sint tan-
tùm in genere? 639

CAP. VI. An seruatus sit or-
do legitimus in hoc negotio,
dum recurritur ad Pontifi-
cem, non præmisso Episcopo-
rum Galliarum Concilio. 642

CAP. VII. Tertia columna
Iansenianorum examinatur.
648

CAP. VIII. Quæ sit vera co-
lumnarum dispositio ad repræ-
sentandam Iansenianorum
doctrinam, & censura Pon-
tificiæ vim intelligendam.
654

Constitutio Alexandri VII PP. quâ damnantur Quinque
Propositiones, excerptæ ex libro Cornelii Iansenii. 659

SUMMA PRIVILEGII.

CAVTUM est auctoritate Regis, ne quis in Regno
ejus, aliisque locis ejus ditioni subditis, librum, qui
sic inscribitur, FRANCISCI ANNATI Societatis
IESU Opuscula Theologica ad Gratiam spe-
ctantia, in tres digesta tomos; quovis charactere
aut formâ excudere, aut alibi excusum vendere, aliôve quo-
libet modo distrabere possit, intra decem annos, computandos
à die absoluta hujus editionis, præter Sebastianum Cramoisy,
Regis & Regine Architypographum, Regie Typographiæ
Gubernatorem, necnon urbis Exconsulem. Qui secus fecerit,
multa est indicta, prout fusiùs in diplomate Regio contine-
tur, dato Parisiis, die 10 Maii 1666. & signato de
mandato Regis, BEGVIN.

AD LECTOREM.



VM prouum esset ad diuinandum, doctrinam quam Ianseniani meditabantur, in Ecclesiæ iudicium & damnationem incursum, illi muniendam putauere proposito ejusdem Ecclesiæ statu duplici. Alium enim olim fuisse, dum illa Principum Ethnicorum defuncta persecutionibus, sub Patribus doctrina & sanctitate conspicuis, explicare cœpit veluti florentem omni virtute ac sapientiâ iuuentutem : alium postremis hisce temporibus, quibus pro conditione rerum humanarum, senectutis & ipsa detrimenta patitur, & consuetos ætatis jam effatæ ac deficientis casus experitur. Vides, LECTOR, illa distinctio quò pertineat : neque id Ianseniani dissimularunt. Ecclesiam scilicet in illo priore statu vocauere *Ecclesiam in sua puritate*, à qua repetendæ sint & morum & Catholicarum veritatum regulæ. Caue autem vltcrius interroges, neu scire velis, quid igitur sentiant *de Ecclesia præsentis temporis*. Statim enim os obstruunt, & ita loquendum esse negant ; Ecclesiam siquidem vti & Christum esse heri & hodie & semper eandem : id quod ego satis intelligo, sed tamen peto, dicine possit Ecclesia tempore Innocentij X. esse *in sua puritate*, sicut erat tempore Innocentij primi ? Si enim potest, cur tam procul nos mittunt, vt habeamus certas credendorum regulas, cum videamus oculis nostris, &

AD LECTOREM.

auribus audiamus Ecclesiam viua voce loquentem? Si non potest, quis securos faciet regularum Ecclesiæ olim existentis *in sua puritate*, cùm Ecclesia quam potissimùm jubemur audire hoc tempore, impura sit? Nempe hoc intendunt, vt qui per vocem Ecclesiæ in qua viuimus discendum putamus quid illa olim docuerit, è contrario, erigamus aurem, ad audiendum quid olim doceret, & ex ea regula reformemus minùs puram hoc tempore senescentis Ecclesiæ doctrinam.

Hanc ego hujus sectæ peruersitatem, quam nemo non videt totius fidei Christianæ fundamenta conuellere, vt pro virili reprimerem, monstrandum suscepì, ex dato à Iansenianis principio, quòd Ecclesia olim in sua puritate fuerit circa veram fidei morumque doctrinam, consequens esse, vt hodieque seruari credatur eandem puritatem; antiquam enim Ecclesiam certò promittere puritatem ejusmodi perseueraturam: quòd si vera fuit promissio, perseuerare igitur in Ecclesia hoc tempore doctrinæ puritatem: si vera non fuit, nec illam quam dicunt Ecclesiam fuisse puram, quippe quæ falsa suæ perpetuitatis imagine ludificata, totam quoque posteritatem ludos fecerit. Hoc est vnicum hujusce opusculi argumentum, quod ego ante annos circiter quindecim auctore potissimùm Augustino disceptatum, quando Ianseniani vnicum hunc esse voluerunt nostrarum controuersiarum arbitrum, in lucem dedi.

Erat id temporis, inter eos qui partes Iansenii sequebantur, celebris in paucis Fromundi mentio, vt pote quem Iansenius ipse *Augustini sui Tutorem Cura-*

AD LECTOREM.

torémque testamento scripserat. Ad hunc ergo putavi disceptationem hanc esse dirigendam ; itaque *Vincentio Leni*, quo ille nomine tegi voluit in his certaminibus , opponendum censui *Vincentium Seuerinum*. Quem ego ludum , Erudite Lector , vereor ut satis probes , cum vtriusque causam & merita agendique rationem penitus inspexeris. Constabit enim fortasse , neque illum lenitatis , neque me seueritatis quidquam habuisse præter nomen.

Iam tempus esset confutare hoc loco quæ refert farmentitium illud & tot mendaciis , tot erroribus , totque calumniis infame *Diarium Santamoris* , qui postquam librum hunc à me nominatim scriptum intellexit , insigniuit Auctorem duplici titulo , *Impostoris & Nequam* : vultque inter eorum exempla numerari , qui errores fingunt ut habeant unde aliorum innocentiam calumnientur. Hæc ille opponenda putauit amplissimo eruditissimi *Holstenij* testimonio , atque ipsius etiam Eminentissimi Cardinalis Barberini graui iudicio , quos fateri cogitur opusculum hoc valde probauisse. Ego verò vicissim oppono huic maledicentiæ talium virorum commendationem , quæ in *Santamoris* censura quædam est.

Possem addere illis Approbatoribus Eminentissimum Cardinalem *Roma* , qui librum hunc proprium habere se velle monstrauit , cum amica expostulatione quòd ego illam significationem non præuertissem. Et quando incidit tanti viri mentio , dedocendi sunt si qui fortè fidem aliquam habuissent Auctori *Diarij* , qui post præclarum atque etiam verissimum tanti Cardinalis elogium , indoluisse dicit in ejus funere

Triumuiros Iansenianos (quartus enim jam abierat) quòd non dubitarent se certum habituros fuisse in ejus suffragio patrocinium. Quæ cùm ego legerem vix risum tenui, quòd probè scirem, non vt Sanctamorius ex aliorum testimonio, sed ex ipsius ore, quàm esset ille alienus à Iansenismo, & quantopere cuperet ejus progressui limites figi, cùm diceret, *Nullum hoc tempore in Ecclesia Dei occurrere majoris momenti negotium.* Quare indoluimus quidem omnes in tanti viri funere, sed Orthodoxi doloris causam habuere verissimam: Ianseniani, admodum falsam. Non est omittenda egregia quædam & reconditæ plena sapientiæ cogitatio, quæ Sanctamorius suum in tanto luctu dolorem solari conatus est. Dicit enim occurrisse animo suo

“speciem hanc, posse Deum vnus patroni jacturam
 “compensare mille alios suscitando, vt olim poterat
 “duodecim legiones Angelorum ad Christi defensionem mittere. sublimis enimvero, & cordato viro digna contemplatio.

Quod autem dicit me Iansenianis imponere contrariam ei doctrinæ quæ in hoc libro proponitur, sententiam, facilè probauerit, si poterit ostendere quæ profero ex Iansenio, ex Sancyrano, ex Arnaldo, apud eos non legi, vel alium ab eo quem impugno habere sensum: quod si obtineri non potest, tuæ, Lector, æquitatis erit pœnam talionis adjudicare falso huic imposturæ & nequitie accusatori.



CATHOLICA
DISCEPTATIO
DE
ECCLESIA
PRÆSENTIS TEMPORIS.

Auctore VINCENTIO SEVERINO
Clarauallesi.

VINCENTIVS SEVERINVS

VINCENTIO LENI

SALVTEM.

VINCENTIORVM, ut video, hac causa est, ideóque ad eam normam tractanda quam Augustinus Vincentio tradit, cum dicit, Melius est cum seueritate diligere, quam cum lenitate decipere. Epist. 48. ad Vincent. Ea me ratio compulit, Vincenti Leni, cui periculo tua te, ac sectatores tuos lenitas exponat admonere, disputatione fortè quàm velles seueriore, sed amica, si me noueris, seueritate, & quia exemplo, consilióque commendatur Augustini, etiam sancta. Mellita quippe uenena huiusmodi lenitate tua & hauris ipse, & aliis propinas: dumque Augustini colore quæsito, leniter errando, leniter fallendo Caluini rem amplecteris; eos quibus superest sensus aliquis caritatis accurrere cogis, atque conari lethale tibi poculum eripere, vel inuito. Et optandum quidem erat, ut hoc officium sola lenitas regeret, sed quando animo es ita obfirmato, ut neque tui Principis mandatis, nec communis omnium Pastoris voce moueare; tempus est quo sibi qui te amant, dictum intelligant, Solum lenitatis genus est, in hac re esse seuerum.

Atque ego quidem mirabar quí fieri posset, ut tu Leni tibi nomen assumeres, quando tam asperè repugnas; cum mentem subiit cogitatio, ita te fortasse lenitatem oppugnantibus objecisse, ut rebelles aliquando solent mattas, culctras, & id genus tormenta; non parendi studio, sed amore vincendi: ut oppositu mollium munimentorum stupefaciant tormentorum bellicorum impulsus, quos fragiles muri ferre non possunt. Iussu Pii concepta Bulla est contra Baium, iussu Gregorii promulgata, iussu

Epist. prod
pag. 93.

Urbanus renouata, & ab Innocentio tandem feliciter Ecclesiam gubernante commendata. Tu tamen, Vincenti, leniter pertinax es: & Ecclesiâ Romanâ nequicquam prohibente, doctrinam toties damnatam reponere non cessas. Cùmque ita sis animo comparatus, Nos, inquis, Romanæ & Apostolicæ Sedis Matris nostræ filij obedientissimi sumus, omniâque nostra dicta, factâque libentissimè ei subijcimus: eam quippe Magistram veritatum, & morum agnoscimus. O te Doëtorum omnium lenissimum! Atqui Ecclesia illa damnat Baii propositiones quas defendis. Non damnat, inquis, sed prohibet, idque ad tempus tantùm. Primum esto. Solum prohibeat; cur tu rem à Matre sanctissima prohibitam usurpas, ô fili obedientissime! illâ præsertim significante nondum elapsum esse tempus prohibitionis? Nam hoc ut minimum voluere Urbanus, & Innocentius, dum Nouum Augustinum damnauerunt. Deinde in Bulla quid scriptum est? Quomodo legis? Quas quidem sententias stricto coram nobis examine ponderatas, quanquam nonnullæ aliquo pacto sustineri possent, in rigore & proprio verborum sensu ab Auctoribus intento, hæreticas, erroneas, suspectas, temerarias, scandalosas, & in pias aures offensionem immittentes, respectiuè, ac quæcumque super iis verbo, scriptoque emissa, præsentium auctoritate, DAMNAMVS, CIRCUMSCRIBIMVS, ET ABOLEMVS. Quid dicis, Vincenti, non sunt damnatæ propositiones quas damnat, circumscribit, abolet Apostolica Sedes; Sed tantùm prohibet? Sed perge. Deque eisdem & similibus posthac quocumque pacto loquendi, scribendi, & disputandi facultatem quibuscumque interdiciamus..... Caterum, ut jam commoti his de rebus tumultus, & contracta odia faciliùs comprimi possint, simulque
animorum

animorum salutem plenius consulatur, dilecto filio nostro Antonio Tituli S. Bartholomæi Cardinali Granuellano nuncupato, per Apostolica scripta mandamus, ut ipse quid ad PERPETUAM dictarum sententiarum, & scripturarum ABOLITIONEM; quid ad arcenda huiusmodi proloquia & disputationes: quid denique ad vnionem, & pacem cum communi, & Ecclesiæ Catholicæ satisfactione componendam facto opus sit, in primis diligenter expendat. *Ad tempus tantum prohibita sunt quarum imperatur perpetua abolitio, adimittiturque omnibus facultas de iis posthac disputandi? Et audes qui tam pugnaciter disputas de earum veritate, Magistræ veritatem agnoscere cui repugnas? Quis neget te durissimæ lenitatis Doctorem esse, qui Magistræ tam apertè obloqueris?*

Et quid tibi venit in mentem postulare, ut promulgetur bulla contra Molinam, veluti finem impostura toti huic controuersie? Promulgetur, inquis, illa bulla, & debellatum est. Non dico te chimæram inuocare, Vincenti, dum appellas bullam contra Molinam. Non postulo ut probes fuisse illam non solum promulgatam, non solum subscriptam, sed vel saltem scriptam aut etiam conceptam Pontificum iussu. Non contendo nihil aliud esse, quàm otiosum quoddam experimentum, & priuatam, atque umbratilem exercitationem præludentium, verbi gratiâ, iudicio, ante finitam litem contestationem. Non defendo ex illis quinquaginta propositionibus, quæ in ea censentur, multas esse, quæ nusquam apud Molinam reperiuntur, multas, quæ passim occurrunt apud Thomistas, quippe quæ innoxie sunt, & nullâ dignæ censurâ. Et quia dicis à te visum esse scriptum hoc, quasi plurimum iuuaret ad faciendam fidem: non addo, & à me pariter visum esse, sed quo modo vidit aliquando Hieronymus

Lib. 1. The-
rac. cap. 9.
sect. 2.

Pauli, & Theclæ periodos, & totam baptizati leonis fabulam. Denique totam de bulla contra Molinam contro-
uersiam prætereo, & tua tantum verba expendo, quibus dicis,
Promulgetur illa bulla, & debellatum est. Ecce promul-
gata est bulla contra Baium, quare igitur bellum trahis? promul-
gata est contra Nouum Augustinum, quare tergiuersaris? O
fili obedientissime! Loquitur Apostolica Sedes: Loqui-
tur Mater nostra, & Magistra veritatum, ac morum,
quare non audis? Cur chimærica bulla tantum tribuis, qui ve-
ras flocci pendis? Et quod putas aliis fore satis ad faciendam
deditionem, & arma ponenda, cur tibi non sufficit?

Ep. prod-
Pag. 68.

Sed intelligo tuum, Vincenti, consilium: leniter nimirum
illudis, obedientiam pollicitus, sed conditionatam. Parere vis,
dummodò qui jubent tuo velint subesse iudicio. Quid enim
est quod dicis, Modò illa Sedes, cui adhæremus, & nos,
nostraque subijcimus, S. Augustini castra, in quibus
militemus, non proscribat, parum, aut nihil pensi ha-
bemus. Fieri potest, ut castra veritatis proscribat Apostolica
Sedes, necne? Si potest, conclamatum est, nec ulla usquam
restat Mater & Magistra veritatum. Si non potest, cur
times ne dum proscribitur Noui Augustini doctrina, antiqui
etiam castra proscribantur? Adeo-ne timidus es, ut malis
etiam impossibilibus terreare? Cui etiam vis committi iudicium
hoc, an proscribantur Augustini castra nuperis sanctionibus?
Tibi, qui damnatione illa, omnis homo mendax, conclu-
deris; an Sedi Apostolicæ, quæ priuilegio gaudet fidei nun-
quam defectura? Non vides, si vera, si necessaria est Augu-
stini doctrina, nullibi tutius seruari posse, quam apud Magi-
stram veritatum, ac morum: nec aliunde certius repeti? Neque
hoc animaduertis, ita te S. Augustinum prætexere, quemad-
modum hæretici Scripturam sacram: nec rationem superesse,

quâ conuincatur eorum pertinacia, si legitimum est quod opponis? Quæ te suspicio sollicitat? Cede Matri, cede veritatum Magistræ, promulgata bulla est, sit etiam amabo te, Vincenti, debellatum.

Non fuimus, inquis, auditi. Deus immortalis! Decem anni sunt, ex quo vestris clamoribus cælum omne personat, & non fuistis auditi? Tot editiones Noui Augustini, tot Apologia, tot Theses, tot Examina, tot Triades, tot Querimoniae, tot Planctus, tot Monita, tot Notationes, tot Approbationum ostiatim mendicarum mantica, incognitam causam esse sinunt? Quod unquam iudicium fuit instructius & ubiore Scripturarum hinc inde propositarum varietate? Et ubi est illa, quam vos agnoscere fingitis, Sedis Apostolicæ prærogatiua? Quid enim est, non fuimus auditi? Ita infallibilem putatis, ut tamen possit violare jus naturæ, inauditam partem damnamando, & proscribendo doctrinam incognitam, & simul veram? Ergo postquam illa controuersiam aliquam diremerit, promulgatâ toto orbe dogmaticâ definitione doctrinæ, liberum erit priuato cuilibet suspendere assensum suum, dum sciat an utramque partem audiuerit, & causam plenè cognouerit, quam iudicabat? Ecquod esse potest tribunal infelicius, quàm illud, cujus decreta priuatorum censura sunt obnoxia, effectum nullum habitura, si videatur iis, quorum interest, non fuisse riè concepta? Quæ est illa infallibilitas, & quid iuuat, si neminem securum reddit? Quem autem reddat securum, si pronuntiare potest in causis fidei absque debita cognitione, & dum ita pronuntiat, etiam falli? Necessè enim erit hasitare vnumquemque, quamdiu nescietur an causa fuerit plenè cognita: & hoc unde poterit sciri, ab iis præsertim, qui procul degunt?

Sed Baii olim condemnatio, Vincenti, qualis fuit? Num ipsa etiam fuit illegitima, & ante causæ cognitionem præcipi-

tata ? Si affirmas , errauit ergo Ecclesia tota istis septuaginta annis quibus illegitima atque injuste damnationi acquieuit , & repugnante nemine ritè proscripam putauit Baii doctrinam. Si negas , ergo neque *Novus Augustinus* incognitâ causâ damnatus est. Illius enim condemnatio duo tantum capita continet. Primum est , proscripam meritò fuisse Baii doctrinam , quod jam conceditur. Secundum , doctrinam eo modo proscripam fuisse à *Nouo Augustino* renouatam. Et hoc profitetur *Novus ipse Augustinus* : & tu quoque , *Vincenti* , cum negare non possis propositionum utriusque identitatem , cauillaris non fuisse in Baio damnatas , sed prohibitas. Ex hac igitur parte nihil etiam est cur quisquam objiciat damnari reos inauditos , cum damnentur etiam confitentes. Quid est ergo , *Vincenti* , quod audiri cupis , & cur te inauditum quereris ?

Examinandum erat , inquis , an *Iprensis Augustini* doctrina sit eadem cum doctrina *Hipponensis*. At , inquam , hoc non queritur , & ea quæ fertur sententia , nec eandem esse dicit , neque diuersam : alterius iudicii materia hæc est. Interea quod iudicatur est , legitimam fuisse contra *Baium* sententiam , quod si negas , & Ecclesiam totam accusas , & peculiari ratione *Academiæ Louaniensem* , quæ in illam damnationem iurauit. Si concedis , restat aliud caput , nimirum , geminas esse Baii , & *Novi Augustini* propositiones. Quod cum fateamini , uti jam monstratum est , qui damnatas pronuntiauit quas fatemini geminas esse damnatis , quid peccauit , aut quid aliud audire debuit quàm quod ipsi ultro fatemini ?

Verùm fac integram adhuc esse quæstionem , tibi quæ , *Vincenti* , factam esse legitime defensionis copiam ; rogo quid vis probare ? Probabo , inquis , meritò restitutam à *Nouo Augustino* doctrinam , quæ fuerat in Baio proscripta , quando constat ipsissimam esse doctrinam senioris *Augustini*.

Bene habet. Ergo cum non possit in perpetuum aboleri quod quandoque restituendum est; sequitur postquam, iudice te, meritò restituta est doctrina Baii, immeritò antea fuisse in perpetuum abolitam. Ergo jugulum semper stringit idem laqueus: & si non stat equitas Bullæ Urbani, stare non potest Bullæ Pii, idem enim quod Urbanus abolet, Pius abolendum decernit: & quod Urbanus renouari non patitur; Pius etiam prohibet ne posthac renouetur: & quacumque ratio probabit contra Urbanum posse renouari, probabit etiam contra Pium non potuisse aboleri. Ergo vel errant, qui Urbano resistunt; vel errauit totus orbis septuaginta & amplius annis quibus consensit Pius. Habes aliud, Vincenti, quod audire velis?

Ego verò à te audiri velim non Urbanum modò, non Pium, non Gregorium; sed Ecclesiam totam ipsorum ore loquentem, ipsis adhaerentem, ipsis consentientem Baianam doctrinam proscribentibus. Augustinus illam tibi proponit iisdem quibus olim Donatistas alloquebatur verbis. Ecce Ecclesia, rogo quid patimini. Audiuius planctum Augustinianæ veritatis in Belgio oppressæ, vidimus inutiles lachrymas. Suspiria doluimus emissa sine causa & grauioribus seruanda malis: & quia sapientis consilium est, offerimus siceram mœrentibus, & vinum iis, qui amaro sunt corde ab Augustini cellariis missum. Ecce Ecclesia, rogo quid patimini? Opprimatur veritas in Belgio; rogo quis opprimit? Ecclesia. Opprimere veritatem Ecclesia potest? Quis igitur, secularis potestas? Quomodo autem veritatem opprimit secularis potestas, Ecclesiæ contradicendo, an obediendo? In Belgio quid exigitur? ut aboleantur Pontificiæ sanctiones, an ut recipiantur? ut recipiantur, inquis. O vos! Ergo veritatem opprimit qui Episcopi Romani decreta in rebus fidei recipi curat? Quod si qua vis in eo est; si qua cuiquam importatur injuria:

cujus erit illud crimen, exequentis, an mandantis? Ergo Romanus Episcopus cujus mandatis obtemperatur, veritatem opprimit in Belgio? factus est veritatis persecutor, qui fuerat à Deo constitutus Defensor? Vincenti quid dicitis? Magistra veritatis veritatem opprimit? Ego cum oppressam legi veritatem, cogitabam prima Ecclesie tempora rediisse, & Neronem quendam, vel Decium, vel aliquem Diocletianum Martyria quoquo versus imperare si quis idolothyta non comederet. Forè Valentem, aut Constantinum ab inferis redituum Orthodoxos insectari, suisque pellere sedibus: aut quod propius erat, praevaluisse Batanos, & ademptâ Catholicarum Liturgiarum facultate Romanos cogere innocare Calvinum: & ecce, quæ veritatem opprimit in Belgio ipsissima est Romana Sedes. Deus immortalis, adeò susque deque mutata sunt omnia, & omni providentiæ turbatus ordo, atque confusus! Romana Sedes in Belgio veritatem opprimit! O Baiani, fieri potest ut in vos cadat qui proprius est errantium in fide timor? Permittite hoc Geneuensibus, ut malè sibi metuant à Romana Sede. Ut quid causam nostram cum eorum causa conjungitis? Hoc vobis dolet, quod ut illis eueniat bonis omnibus optandum est! Idem est ventus qui tempestatem utrisque facit?

Sed amabo te, Vincenti, Romanis Pontificibus per Bullas sub, & obrepticias, ut dicitis, veritatem opprimantibus, Ecclesia quid facit? Et quia non hodie tantum hoc accidit, aut nudius tertius, nec clam, nec ab uno; sed iam ab octoginta ferè annis à Pio, à Gregorio, ab Urbano, ab Innocentio promulgatis receptisque orbe toto diplomatibus, Ecclesia ubi fuit, & quid fecit? Restitit oppressoribus veritatis? Atqui nullum unquam fuit dissensionis vestigium inter caput & membra. Dissimulauit? Sed quomodo sana fide quam sponso debet, dissimulare potuit oppressionem veritatis ipsius curæ commissæ?

Nesciuit? Quasi verò nescire potuerit quod adeò publicum erat. Consensit igitur? Et non vides peremptorium esse verbum hoc, & omnem solui controuersiam, cum dicitur aliqua doctrina Ecclesiâ consentiente à Romanis Pontificibus oppressa? Non vides esse potius conuertendam orationem, nec amplius dicendum oppressam Augustinianam veritatem, sed Iansenianum errorem: nec esse plangendi locum, sed jubilandi? Ecce, inquam, Ecclesia, quid patimini. Mater est, & materna curæ quod impenditur beneficium. Nouerca sit quæ filios alienos immeritò vexat. Matrem quis credat suppeditare filiis materiam planctus, nisi omninò depositis, & quorum spes omnis bonæ frugis sit desperata?

Tuam tamen, ô Vincenti, cogitationem intelligo. Confugere ad Ecclesiam non reuuis, sed ad illam, quæ sancti Augustini doctrinam approbauit: & absit ut ego etiam id recusem. Intereâ tamen expone qualem fuisse putes Ecclesiam, quæ sancti Augustini doctrinam approbauit, fallibilem, an infallibilem? Si fallibilem, quid facis, dum ejus testimonio niteris, quam tutè mendacem profiteris? Non vides ab Ecclesia fallibili non posse in Augustinum deriuari, nisi magis adhuc fallibilem auctoritatem? Si verò infallibilem, quamdiu vis permansisse illam infallibilitatem? Quando desisse? Putâsne certo sæculorum numero circumscriptam fuisse promissionem specialis prouidentie, quâ fundabatur Ecclesiæ infallibilitas, ut elapso tempore constituto desierit esse infallibilis, cœperit autem posse falli? Cedo ubi legatur temporarius ille Christi amor in Ecclesiam, & limitata definito temporis spatio priuilegia? Quod si eadem est, & uniformis Ecclesiæ conditio sæculis omnibus; ergo vel errare non potuit, quæ jam à septuaginta, & amplius annis adhæsit Romano Pontifici Baii doctrinam in perpetuum abolenti; vel errare potuit, quæ approbauit doctrinam

Augustini. Elige, Vincenti, utrum mauis. Potuit errare, quæ doctrinam approbauit Augustini? Nulla est igitur Augustini auctoritas, sequendi necessitas nulla. Errare non potuit, quæ consensus Romano Pontifici Baii doctrinam proscribenti? Ergo meritò illa proscripta est: ergo perperam est restituta: ergo meritò damnatus, qui post huiusmodi proscriptionem eam restituit Nouus Augustinus: ergo si quem tangit solus amor veritatis studiũque boni communis, non debet plangere, sed exultare, veluti de medio sublato, ad quod offendere poterat simplicitas bonarum mentium, scandalo, sepulchroque fidei communis aduersario.

Iterũ, ac tertio, Ecce Ecclesia, Vincenti. Et quia præterita videri non potest, præsentem intueri, ac præsentis temporis. Si te non fallit, ex illa cognosces qualis fuerit antiqua, & quantum Augustino tribui voluerit; si te fallit, quid te securum faciet de fide antiquioris? Ecce Ecclesia, nusquam occurret, apud quam tutius deponas dolorem tuum. Si causam probauerit Belgici Planctus, salua res erit, veritate statim illo testimonio liberatã. Si non probauerit, etiam sic salua res erit, veritate, pro qua sola pugnatur, illo ipsa testimonio statim manifestatã. Quò fugis ab Ecclesia præsentem: viuente consule, audi loquentem. Vetusioris, & præterita nihil superest, nisi quantum in præsentem conseruatur. At, inquis, audiri solum postulamus. Sed falleris, Vincenti, audiri enim estis, vultis probari. Et quomodo dicitur aliquando Deus ea nescire, quorum non habet scientiam approbationis: ita surdam ipsi putatis Ecclesiam; quia vobis non præbet aures approbationis. Hoc quod est non audiri vos ab Ecclesia, non probari est. Hinc verò intelligatis necesse est, non esse probabilia, quæ proponitis. Et si ut oportet animo ad utrumque parato Ecclesiam consulis, ipsa quoque repulsa beneficio deputanda est: quippe quã
id

id obtinetur quod queritur, ut innotescat veritas & error conuincatur. Hæc si poteris meditari animo, Vincenti, libero, minimèque occupato, cessabit Planctus, & cithara vertetur in gaudium. Quòd si lugere tamen iuuat tibi latandi major est occasio; nec se auelli animo sinit mæror pertinax; per me licet ut ad solatium plangentium, & testimonium oppressæ veritatis ejus sepulchro inscribatur hoc Epitaphium:

Hic iacet Augustiniana veritas, quam Christi Vicarii legitimi Petri successores, Romanæ, atque Apostolicæ Sedis Episcopi, communicatis cum toto orbe Christiano decretis, Ecclesiâ infallibili consentiente, oppressere, adnitentibus piis, atque Catholicis Principibus. Perge, viator, & quia ridere non decet, indignari non licet, vel gratulare feliciter infelicibus, vel iniquorum suæ fortunæ interpretum miserere.

Vale, VINCENTI, dum expectatur occasio tecum pluribus agendi.





CATHOLICA
DISCEPTATIO
DE
ECCLESIA
PRÆSENTIS TEMPORIS.

CAPVT PRIMVM.

*Duorum nouæ Theologiæ Principum sensus circa præsentis
Ecclesiæ infallibilitatem.*

I. **N**OV-AVGVSTINIANI vehementer queruntur grauari se suspicionibus & rumoribus, ipsorum fidei & obseruantia erga vniuersalem Ecclesiam & Sedem Apostolicam contrariis. Et si quidem vel falsus rumor, vel temeraria est illa suspicio; meritò queruntur. grauis enim calumnia est. Sin autem obijciuntur illis aut certò comperta, aut conjecturis adèd probabilibus nixa, vñ vim faciant negare cupientibus; iustissima est accusatio, atque insuper necessaria lupis auertendis, qui sub ouina pelle inter agnos latitantes Dei gregem deuastant. Neque verò mouere nos debent con-

Apol. Ianc.
2. lib. 4.
c. 13.

testationes illæ quibus uti solent *perfectæ*, ut dicunt, *submissi-
onis erga Ecclesiam, & S. Sedem*, quam & eorum Magistri ex-
hibuerint semper, & exhibere pergant discipuli, *humilitatis
eorum, & obedientiæ, sicut & sententiarum hæredes*. Sunt enim hæ
solemnēs nascentium hæreticorum cantilenæ. Qui cū intel-
ligant Ecclesiasticæ auctoritatis mole se statim opprimendos,
si apertè resisterent; animum simulant parere promptum, &
fictitiâ submissæ voluntatis significatione tamdiu declinant
propositas pertinacibus pœnas, donec adulto jam errore la-
tiùsq; propagato, sperent se impunè repugnatorios. Fraudis
huius atque perfidiæ luculentissimum exemplum dedit Lu-
therus. Qui cū se pedibus Leonis Decimi prostratum ab-
jiceret initio, *Cum omnibus*, inquit, *quæ sum & habeo*, clama-
rétque, *vinifera, occide: uoca, reuoca: approba, reproba ut placuerit.
Vocem tuam, vocem Christi præsentis & loquentis agnoscam. Si
mort. m. merui mori non recusabo, &c.* Paulò pòst appellare cœ-
pit à *sanctissimo*, ut ipse loquitur, *Domino nostro P. pa non bene
informato, ad sanctissimum D. nostrum D. Leonem diuinâ prouiden-
tiâ Papam Decimum, melius informandum*. Et deinde an. 1518.

Ep. ad Leo-
nem anno
1517.

Luth. to. 1.

menfe Nouembri audaciâ crescente, appellauit à Leone *non
rectè consulto, ad futurum Concilium legitimè, & in loco tuto con-
gregatum*, pollicitus se nihil velle dicere contra unam sanctam
Catholicam & Apostolicam Ecclesiam, quam esse totius orbis Ma-
gistrum & principatum tenere non ambigeret. Verùm hæc quo-
que repagula breui perrupit indomitus furor & desperatio. Si-
quidem biennio circiter qui priùs erat pater & dominus, &
Christi præsentis in terris Vicarius, factus illi est *Anti-Chri-
stus, inuocat ad eum extinguendum omnes Principibus*. Hinc
sequuta celebris illa Decretalium & Iuris Canonici ad flam-
mas condemnatio; primatus Ecclesiæ Romanæ, frigidissimis,
ut ipsi videtur, argumentis ab Echio probati, oppugnatio,
& abjuratio totius Catholicæ doctrinæ, cū diceret in suis
thesibus an. 1523. *Nullam fuisse hæresim & malitiam maiorem
quàm Papiſtarum*. Talia quædam apparere Nou-Augustiniano-
rum initia haud temerè iudicabit, qui notauerit Constitutio-
nem Urbani VIII. contra Nouum Augustinum reputatam ab
illis fuisse primùm supposititiâ: deinde cū vrgeret Pontifi-
fex, & veram esse testaretur, dictam esse *sub & obrepticam*;

Apologista
Ianc. apol. 2.

circumuentum enim fuisse Papam Molinistarum arte, falsisque delationibus, & quidquid continet contra illum Auctorem, *in eam irrepisse prater & contra intentionem Pontificis*. Hoc verò quid est aliud quàm quod dicebat Lutherus *malè informatum fuisse Papam*? Et ideo Romam iuere qui causam agerent Noui Augustini, & melius informarent, quæ fuit quasi appellatio quædam à *malè informato ad melius informantem*. Sed cum post omnes huiusmodi informationes perstaret nihilominus Pontifex, & repetitis Breuib; ad Gubernatores, ad Episcopos, ad Academiâs, ad priuatos Doctores acceptationem vgeret Bullæ; vltiores promere cœperunt cogitationes; & jam scripta quædam circumferuntur queis dicunt. *Si ea Bullæ sententia esset, quam asserunt, qui Nouo Augustino aduersantur, reuocandum esse ne tandem reuocetur, & pari atque olim animorum motu agitetur antiqua illa controuersia, an in causis fidei à Pontifice ad futurum Concilium pronocare non liceat. Nec deesse qui Bullas pontificias etiam in materia fidei & doctrinæ licitè suspendi posse existiment, nimirum ab iis quibus proponuntur*. Hæc est perfecta illa *submissio* discipulorum Noni Augustini erga sanctam Sedem, hæc hereditaria humilitas & obseruantia, quam ab eo vnâ cum patrimonio doctrinæ acceperunt.

Atque hoc probarunt nostri quoque Bicephali, qui cùm essent, vt dixi, professi se de S. Sede Apostolica, non nisi præclaras & obseruantia, ac religionis plenas fouere cogitationes: agnoscere se illud esse vnitatis centrum, à quo nefas esset vsquam deflectere: esse petram immobilem, cui necesse sit inniti Christianorum fidem: velle se quod etiam debere probè sci-
rent, suos omnes sensus illius iudicio subicere, & id genus alia; quando tandem damnata est à Summo Pontifice, *duorum Capitum assertio*, quid non fecere filii obedientissimi, quid non dixerunt? non legisse Censores libros quos damna-
bant: certè non intellexisse, vt pote Gallicè scriptos; eosdem huic iudicio partes simul ac iudices præfuisse: Cardinalem de Lugo teneri adhuc obedientiæ voto erga Generalem Iesuitarum: Cardinalem Carrafas eiusdem Generalis esse fratrem; periti, scilicet, genealogi: Cardinalem Spadam qui jam antea censuram frustra tentauerat, pudore consiliorum minimè succedentium stimulatam, *existimationis vindicanda studio cor-*

In Nota-
tionibus ad
Decretum

tionem cum Iesuitis factâ exarsisse, ad eandem censuram tandem aliquando extorquendam: falsa & Gallico nomini contumeliosa insusurrata Pontifici: & rem totam *politicis magis quàm Ecclesiasticis & Theologicis momentis expensam atque libratam esse*. Hæc est illa Bicephalorum erga S. Sedem obseruantia. Iudicari nimirum apud illam volunt, sed eâ lege vt secundum ipsorum voluntatem pronuntiet. Præjudicatas enim afferunt causas, & quod de Donatistis Augustinus refert in ipsos cadit. *Quod volumus sanctum est*, iniquum, illegitimum, irritumque reputabitur Sedis Apostolicæ iudicium omne quod repugnabit.

De statu
puræ natu-
ræ lib. 3.
cap. 11.

Lib. Pro-
cem. cap. 3.

Restat vt Ecclesiam ipsam, & Concilia suspicentur. Sed neque hoc restat, jam enim perfectum est. Duo sunt Ecclesiæ reformandæ capita, quæ in secessu Cantabrico post collata multis annis studia & consilia sua, magnâ animorum consensione in vnum coaluerunt, & quamuis loco postea distarent, non destitire tamen idem opus promouere. Nouus Augustinus, Louanii, doctrinæ; Parisiis alter. (quem vocare possis Aurelium) morum ac disciplinæ reformationem adornauit. Et scitum est solitos illos præterea ex interuallo Rothomagum condicere apud certos cœnobitas, vt suscepti negotii progressus, & impedimenta, & rationes inuicem communicarent. Quid ille de Ecclesia sentiret ostendit quod aliàs notatum est, scholasticorum irruptione aded turbatam esse fidei doctrinam, vt capitalia quædam dogmata fuerint *obliterata*, atque à duobus Pontificibus Pio V. & Gregorio XIII. ad tempus ideo prohibita, quod eorum propositio scandalum daret fidelium animis per contrarios errores occupatis: Ecclesiam seruare quidem rectam fidem in suis canonibus & oratione dominica, sed in conclusionibus deinde, vel in expressiori eorum intelligentia & interpretatione, contingere posse tale quidpiam, quale contingit iis, qui in administratione Sacramentorum intentionem habent vniuersalem bonam faciendi quod Christus instituit, particularem verò malam & erroneam: contingere inquam hoc posse *in maiori parte Ecclesiæ*. Et quia nihil obstat quominus ex hac maiori parte Concilium cogatur, facile est ad intelligendum quid hinc sequatur.

Alter eodem se spiritu afflatus multis manifestisque ar-

gumentis probauit. Extant ipsius litteræ, quibus profitetur se nihil scire præter Ecclesiam duodecim seculorum, nescire quippe volebat illam quæ sæcula numerat septemdecim. Extant instructiones quibus monet Sacerdotes ut amorem erga Ecclesiam primis sæculis addicant, ad eum modum quo ille qui hominem amat COR ET CAPUT POTISSIMUM AMAT. Quæ nugatoria esset atque insulsa cogitatio, nisi supponeret postremis hisce sæculis restare tantum pedes Ecclesiæ: & quâ illâ parte nos tangit, exordem esse ac sine cerebro. Vnde subjungit, cum fuerit Ecclesia primis illis temporibus in maxima virtutis ac disciplinæ perfectione, quæ eam sincerè quærit, aliàs minimè reperiendum. Nec virtutem ergo, nec disciplinam inueniet in hodierna Ecclesia qui eam quærit? Inueniet, inquit, sed deriuatam ex antiqua. Verum vndecumque sit deriuata parum interest, satis est quòd in ea sit, ut possimus attendere ad illius vocem, ex eaque discere perfectionem virtutis ac disciplinæ. Non esset scutica dignus aut fuste, qui propterea quòd auri fodinæ sint in Potosino, negaret aurum *alibi reperiendum*? Nebulo, quare non reperiatur vbicumque inde portatum est? Et quare cum laboris & periculorum compendio quæri non possit in omni loco in quem scitur esse delatum? Quis non videt sub his imaginibus latere venenum Theologiæ nefandæ, dum putant adulteratum esse in decursu quidquid ex antiqua in hodiernam Ecclesiam defluxit?

Extat hujusce rei confirmatio ab testibus omni exceptione maioribus. Publica enim est Epistola Illustriss. Episcopi Lingon. quâ testatur se comperisse hominem hunc ab *usu & sensu præsentis Ecclesiæ alienum*: Inter arcana ipsius mysteria hoc etiam esse, *Concilium Tridentinum non esse verum Concilium: nec haberi posse fidem ipsius decisionibus, propterea quòd non esset antiquorum Conciliorum ritu celebratum*. Addit, Moniales quasdam hisce placitis imbutas, eò adductas ut raro admodum ad Pœnitentiæ, multo verò rariùs ad Eucharistiæ Sacramentum sibi accedendum crederent: nihilque frequentius haberent, vel in cogitatione, vel in sermone quàm S. Augustinum de Gratia, sanctum Paulum de Prædestinatione, Concilia antiqua, Canonæ, Patres, Ecclesiam denique primitiuam. His consonant quæ circumferuntur earum litteræ quibus Confessarium

Reliq. San-
cyr. 2. edit.
pag. 44.

quemdam Ecclesiæ primitivæ requirunt: aliûmque repudiant, quòd sequatur methodum præsentis temporis. Publica est Illustrissimi Vabrensis narratio, quâ refert in sua *fidei defensione*, hunc Mystem suos discipulos initiare solitum imprefso doctrinæ communis & receptatum Ecclesiæ consuetudinum contemptu, dum *clausis oculis*, pendente in partem alteram capite, *sublimi gestu manûque propulsante* exclamaret, *Ignorantia, ignorantia, tenebre, errorum prodigia, ubique cecitas.*

Ib. pag. 23.

Publica testificatio viri eruditione ac dignitate conspicui Abbatis Cisterciensis Ordinis, qui juratus affirmat quibusdam in congressibus quos habuit cum Doctore illo dicente *absolutionem sacramentalem supponere peccatorum remissionem si contritionis perfectæ jam peractam: & ideo esse judicium tantum declarativum: abusum esse quod passim usurpatur, dum confessionem peccatorum statim sequitur absolutio.* Et cum ipse opponeret argumenta, quæ Theologia suppeditat, id illum vehementer improbasse, asserentem, scholasticam Theologiam, quæ vulgò traditur, *perniciiosam esse doctrinam.* Addidisse cum Ecclesiæ auctoritas objiceretur, *Ecclesiam nihil esse quàm quod erat ante sexcentos annos: Quæ nunc est Ecclesia, nec alio sensu, nec aliâ ratione veram Ecclesiam esse, quàm quia successit in locum vera, ad eum modum quo aqua lutulenta & corrupta quæ in aluenum successisset quò antea defluebat illimis & nitida, ejusdem nominis flumen esset: Tempus esse ædificandi & tempus destruendi: Ecclesiæ vera destructionem iamdiu cæpisse: Sanctum Thomam veram Theologiam perdidisse, adductis in eam humanis rationibus: In Concilio Tridentino præcipuas fuisse partes Papæ & Scholasticorum, qui doctrinam Ecclesiæ plurimum immutarunt.* Et alia id genus, quæ ab aliis etiam juratis testibus sunt confirmata, inter quos annumeratur qui nunc est Apamiensis Episcopus, tunc autem Fuxensis Abbas. Quæ si quis conferat cum iis, quæ scripta sunt in ejus Apologia, ubi dicitur Deus implevisse sanctorum scientiâ, conjunxisse divinum ignem cum igne illo caelesti quo ingensum ejus inter homines emicabat: Extinctis humanis omnibus cogitationibus in ejus pectore, unicam remansisse de rebus caelestibus, de divina gloria, de obsequiis Ecclesiæ præstandis sollicitudinem: Non aliud fuisse illius consilium quàm ut evaderet defensor idoneus Catholicarum veritatum & Ecclesiæ jurium: Connemisse in eundem hominem ad componendum *ex perfectissimis hujus sæculi Theologiæ, incredibilem ingenii*
vinacitatem

viuacitatem, soliditatem iudicij admirabilem, consummatam eruditionem, & quod pluris interest, sublimiorem illis omnibus ornamentis pietatem. Qui hæc, inquam, & similia quamplurima quæ in eo libro referuntur, descripta non ex Aurelii vita; sed ex perfectissima quadam sanctitatis idea, contulerit cum iis quæ iurati testes de moribus illius, deque doctrina juridicè manifestarunt; meritò requireret, quid cogitarit Apologista, vel quid intenderit tam immoderatâ mendaciorum profusione, apologiam texere an comœdiam?

CAPVT II.

Quid sentiant eorum discipuli?

1. **D**VORVM nouæ Theologiæ capitum discipuli, sunt quod se esse profitentur, earumdem scilicet hæredes sententiarum. Id facillè intelligi potest ex iis, quæ tradunt de *Primitiua Ecclesia*. Illam enim definiunt, *Ecclesiam in sua puritate*, adduntque definitionem hanc esse *propriam*. Vnde colligunt Ecclesiam primitiuam non esse aliam, quàm *Ecclesiam temporis S. Basilij, S. Ambrosij, S. Augustini*: Et rationem afferunt, quòd id temporis Ecclesia fidelium laxitate nondum esset mutata. Quod cum dicunt, apertè significant se illam Ecclesiam distinguere contra Ecclesiam quam vocant *senescentem, deficientem, finalem*, & jam mutatam, seu, vt illi loquuntur, *alteratam*. Age ergo, postquam propria est illa Ecclesiæ primitiuæ descriptio, consequens omninò est, vt non possit aptari *non primitiua*, hoc est, nostræ huic senescenti. Ergo neganda est hæc nostra esse *Ecclesia in sua puritate*, mutandùmque Symbolum, atque dicendum, *Credo in Spiritum sanctum, & impuram Ecclesiam Catholicam*, si profitemur nos credere in Ecclesiam præsentis temporis, quòd ea non sit ampliùs Ecclesia in sua puritate.

Vide præfationem lib. de Frequenti communionem.

2. Sed hîc statim occurrunt, immobilibus principiis confici, Ecclesiam nequaquam dici posse *Ecclesiam præsentis temporis*. Ecclesiam enim esse Christum, de quo scriptum est, *I E S V S Christus heri & hodie ipse, & in sæcula*. Ita isti Theologiæ censores Scripturæ verbis abutuntur ad suas præstigias, vt ludificentur

Apolog. Sancy.

oculos imperitorum , & improuisa cogitationum perturbatione rationes confundant, quibus error conuincitur. Age enim, quæ sunt amabo illa principia, quæ potius probant non posse dici Ecclesiam præsentis temporis, quàm Ecclesiam præteriti? Qui dicit Ecclesiam primitiuam, & temporis S. Basilij, non dicit Ecclesiam præteriti temporis? Rectè loquitur qui appellat Ecclesiam temporis sancti Ambrosii, non fuerit autem rectè loquutus, qui appellauerit Ecclesiam temporis S. Caroli.

3. At, inquis, ideo appellatur Ecclesia præsentis temporis, ut opponatur Ecclesiæ antiquæ, quod nefas est, cum eadem sit Ecclesia. Bene habet. Ergo cum ipse appellas Ecclesiam *primitiuam*, & *temporis S. Basilii*, hoc est, Ecclesiam præteriti temporis, vis illam opponere hodiernæ, & admittis quod nefas est. An non est ita? Quod si propter identitatem Ecclesiæ quolibet tempore existentis, non licet præsentis temporis Ecclesiam dicere, ne non videatur eadem esse cum Ecclesia temporis antiqui; quare liceat laudare Ecclesiam antiqui temporis, cum sit idem periculum ne non videatur eadem esse cum Ecclesia temporis præsentis? Ecclesia, inquiunt, sicut Christus, est heri & hodie. Esto illud. Sed si rectè dicitur Ecclesia heri & hodie, sequitur verè quoque dici hesternam, & hodiernam. Quid est autem verè dici hesternam, & hodiernam, quàm rectè dici & temporis præteriti & præsentis? Quid igitur peccat, qui dicit Ecclesiam præsentis temporis, cum non neget eandem esse & præteriti? Et cum liceat illis hesternam dicere, ac temporis præteriti, dum recurrunt ad tempus sancti Basilii & sancti Ambrosii; quo jure licere nolunt aliis hodiernam vocare, ac temporis præsentis, Urbani & Innocentii pontificatu designato.

4. Et quando timent ne violetur vnitas, & identitas Ecclesiæ ab iis, qui ita loquuntur; dicant nobis, num reuera sentiant sicuti Christum, ita & Ecclesiam eandem esse heri & hodie, hoc est eandem esse hesternam, & hodiernam? Si non est eadem, quare à nobis postulant vnitatis, & identitatis confessionem, quam priores ipsi repudiant? Si est eadem, quare nolunt hodiernam aspicere, ut intelligant cujusmodi fuerit hesternam. Alios videlicet terrent, unde ipsi nihil for-

midant: & qui præsumptione identitatis nos vrgent, *alterationem* vltro profitentur, opponuntque ipsi antiquam hodiernæ, hoc est, *puram* vt loquuntur *alterata*, quo scilicet hanc, hoc est hodiernam impuram, reformare possint ad imaginem antiquæ, quippe quæ aliàs extitit in sua puritate.

5. Quòd si dum ita sentiunt, spectarent more tantum antiquorum, & hodiernorum Christianorum; ferendi fortasse fuerint. Verum id ipsi de disciplina interpretantur, quæ regulis agendorum, & fugiendorum in Ecclesia continetur. In quibus si pura non est Ecclesia hodierna, si est alterata, quid superest nisi vt ipsam accusemus, sicuti causam illius corruptionis, quæ moribus inest malorum Christianorum, doleamusque nos traditos esse illius curæ non tam instituendos, quàm deprauandos.

6. Neque disciplinam tantum accusant Ecclesiæ hodiernæ suspectam etiam esse doctrinam satis ostendunt. Vide enim quid colligant ex illa Ecclesiæ temporis antiqui puritate. Nempe, *Nullam aliam agnoscendam esse regulam Catholicarum veritatum, præter Ecclesiasticam traditionem*: atque hoc colligi ex solida illa Ecclesiæ cognitione. Ex illa videlicet cognitione, quòd Ecclesia primitiua, seu temporis sancti Basilii & sancti Ambrosii sit Ecclesia in sua puritate: quòd non sit dicenda Ecclesia presentis temporis: quòd Ecclesia post sæcula illa sanctorum Patrum sit alterata, rectè colligitur, *nullam aliam agnoscendam esse regulam Catholicarum veritatum, nisi traditionem Catholicarum*, inquam, *veritatum*: hoc est sanæ doctrinæ atque hæresibus oppositæ. Ac proinde quemadmodum necessitatem recurrendi ad Ecclesiæ antiquæ traditionem in iis quæ spectant ad Ecclesiasticam disciplinam in eo fundant, quòd Ecclesiæ hodiernæ disciplina sit *alterata* atque etiam *corrupta*: ita necesse est, vt similis recursus necessitatem in his, quæ spectant ad *veritates Catholicas* pariter fundent, in quadam alteratione doctrinæ, quam esse suspicantur in Ecclesia hodierna. Si enim integram esse doctrinam minimèque alteratam supponerent, ridiculi essent dum ex sola disciplinæ corruptione argumentantur, vt probent ex antiqua Ecclesiæ repetendas etiam esse Catholicas veritates.

CAPVT III.

Certitudo Traditionis Ecclesiae antiquae stare non potest sine infallibilitate hodierna.

1. **S**ED excutere iuuat tantisper hanc Traditionem. Traditio, inquit, nos certos facit Catholicarum veritatum. Assentior. Sed cum nulla possit esse traditio nisi ab aliquo tradente, interrogo, Cujus sit illa Traditio, seu quis tradat ejusmodi veritates? Ecclesiam dicent, ideo enim vocatur traditio *Ecclesiastica*. Verum, si Ecclesia est quæ veritates Catholicas certo tradit, accipite ergo quod illa vobis per Concilium Tridentinum porrigit, & sit vobis Catholica veritas, possibilitas mandatorum, & adiuuans gratia, vt ea implere possint ii, quibus imputatur transgressio. Sit Catholica veritas, liberi arbitrii sub gratia mouente potestas dissentendi, atque adeo indifferentia ad consentiendum, vel dissentiendum. Sit Catholica veritas, Christum mortuum esse pro iis quoque, qui mortis ejus beneficium non recipiunt: itaque latius patere intentionem moriendi pro salute hominum, quam ejus fructum. Sit Catholica veritas, firmissimam spem à justificatis in diuino auxilio collocandam, eo quod Deus non deserat nisi deseratur: vnde certo colligitur gratia sufficiens ad perseuerandum, iis etiam concessa qui non perseuerant. Sit Catholica veritas, potestatis esse hominis, non impositæ necessitatis, quod vias suas malas faciat. Sit Catholica veritas, honestum esse pœnarum timorem, etiamsi non sit actus caritatis: & cum sacramento etiam sufficientem ad justificationem, &c.

2. Et quia non modò per manus Conciliorum Catholicas veritates tradit Ecclesia, sed per manus etiam summorum Pontificum; accipite quas tradidère quatuor summi Pontifices Pius V, Gregorius XIII, Urbanus VIII, Innocentius X, in condemnatione Michaëlis Baii: atque hoc etiam reponite inter Catholicas veritates, damnatam fuisse doctrinam quam Nouus Augustinus reduxit, ideoque scandalum ab eo Ecclesiæ datum: spretam sanctæ Sedis Apostolicæ authorita-

tem : & inuestam orbi Christiano perniciem. Ecce , manus adhuc extentas habet Innocentius , vt Bullam tradat prædecessoris , quâ id explicatur , quâque omnino seruandam esse tum verbis ostendit , quæ referre potuerunt Louanienſes Deputati ; tum scriptis ad multos Breuib ; tum factis , dum ob eam causam ad Episcopatus aspirare vetuit addictos Nouo Augustino Calenum atque Fromundum. Traditio hæc est indubitata ipsius Ecclesiæ ; accipite igitur regulam hanc , atque hac metimini Catholicas veritates.

3. Hic videas hos præcones Traditionis , vt accusatores olim adulteræ , alium post alium terga vertere , ad hunc vsque diem accipere recusantes quod Ecclesia Romana per summos Pontifices porrigere non cessat , aliis atque aliis ad euadendum cuniculis apertis. Ecclesiam enim traditionis auctricem , non aliam intelligunt quàm antiquam : & ideo vetant appellari *Ecclesiam præsentis temporis* : eadẽque causa est , cur eos , quos putant SS. Patrum scriptis addictos , elogio singulari vocent , *Discipulos Traditionis* : & qui ritus antiquos hodiernis præferunt , *Defensores Traditionis* : & qui doctrinam nudius tertius damnatam propugnant , per speciem conformitatis cum doctrina SS. Patrum , Augustini præsertim , *versatos in Theologia Traditionis* : vnde est illa Noui Augustini commendatio , qua vocatur *Magnus diebus nostris Episcopus* , magnitudine petita ex eo , quod mentem suam non alia impleuerit scientia , quàm Scripturæ & *Theologia Traditionis* , id est , inquit , *Conciliorum & Patrum*. Vbi vides Traditionem dici , non qua Catholicæ veritates accipiuntur ab Ecclesia , quæ nobis præsens est ; sed qua petuntur ab antiqua & jam inde à temporibus Sanctorum Patrum.

A polog.
Sancyr.

de fre-
quenti
comm.

4. Nec aliud sentire possunt qui omnia queruntur à Scholasticis Doctoribus pessundata , & aberrasse hoc tempore clamitant ferè omnes ab antiquorum doctrina : faciem veritatis ab Augustino accensam in Ecclesia , humana philosophia nebulis sensim innolutam : ideoque eductum singulari Dei prouidentia Nouum Augustinum : vt caliginem illam dissiparet , reddita veritatis die. Ex quibus patet , Ecclesiam hoc tempore his Doctoribus ita videri alteratam , in his etiam quæ spectant ad cognitionem veritatis , vt quæ illi restituendæ necessaria putatur regula tra-

Apol. Ians.
lib. 3. cap.
29.

Examina-
tor excet-
pt. prop.
P. 4.

ditionis, longiùs petenda sit; nimirum ab Ecclesia quidem ipsa, sed vt existente in sua puritate, hoc est, vt existente sancti Augustini, atque aliorum sanctorum Patrum temporibus. Hac igitur ratione emendari, & corrigi volunt Ecclesiam ab Ecclesia in rebus fidei, hodiernam à præterita, & senescentem ab adolescente, & hoc quidem per regulam traditionis.

5. Sed cum in traditione coexistentia quædam necessaria sit, hoc est, mutua inter eum qui tradit, & qui accipit præsentia: neque fieri possit vt vel ipsi manus extendamus ad vsque tempora sanctorum Patrum, vel sancti Patres ad vsque nostra produxerint; agite, ô *Discipuli Traditionis*, quo medio ad vos pervenere, quas sancti Patres tradiderant, Catholicæ veritates? Quod nunc accipitis, quis dat? Ecclesiane ad nos detulit, an membranæ scriptis eorum consignatæ? Ecclesiam omnino respondere debetis, si vultis audire Basilium, qui servari vult in Ecclesia *dogmata illa quæ ex traditione Apostolica ad nos deferuntur*: nec fieri potest vt alia deferat ad nos hæc dogmata, quàm ea quæ servat. Si igitur in Ecclesia servantur, accipite ab Ecclesia non scripta modò sanctorum Patrum, sed & sensum & germanam intelligentiam. Quod si membranas præponitis, nec aliud vos debere putatis Ecclesiæ, quàm quod sanctorum Patrum scripta servavit ad hunc vsque diem; primum, quid amplius datis Ecclesiæ, quàm quod Ecclesia concedit Iudæis, quos non negat Scripturas servasse quibus confutantur? Quid amplius quàm quod eidem Ecclesiæ Lutherus, Calvinusque acceptum referunt, dum & eandem scripturam & sanctorum etiam Patrum monumenta se ab ea sumpsisse non dissententur? An hoc eam tantum vobis debere vultis quod per vos liceat illi dicere se veritatem in tabulis conservasse, & sua secum instrumenta ferre quibus hodierna ejus prædicatio & doctrina erroris conuincatur? An vobis satis salua videbitur ejus authoritas, si cadat in illam quod dici solet, *contra suas Bullas ipsam predicare?*

6. Deinde, quam habebimus regulam vt nascentes circa sensum & veram sanctorum Patrum interpretationem controuersias definiamus? Vnica, vt dicitis, regula est traditio. Quid si non satis intelligamus quid tradatur? Quid si verac-

mur ne mutatum in itinere sit quod tradebatur, neve admixtum aliquid aliunde? Quid si periculum sit, ne ipsius quoque accipientis manus erret; vel excidere quidpiam patiatur; vel sibi videatur apprehendere, quod revera non traditur? Dicite amabo quamnam hîc erit tenenda regula ne fallamur? Quærite fidelem manum, quæ depositam veritatem & religiosè seruarit, & tutò reddat. Agnoscite columnam veritatis, quæ monumentis antiquitatis & integritatem præstet, & germanam addat intelligentiam. Illa est Ecclesia, quæ fluminis instar à primis temporibus ad hæc nostra decurrens, quas accepit initio veritatis merces vehit secum, populisque fidelibus quos alluit, succedentibus sæculis ad propriam cujusque ripam exponit. Excipere quisque debet ex suo portu, hoc est ab Ecclesia ut sibi præsentem, quod procul missum est. Quid intenditis in Ecclesiam hesternam quæ nec est, nec agit, nec loquitur nisi per hodiernam? Quod heri dicebatur? hodie quis audiat, nisi sit à quo fideliter hodie quoque referatur? Ecquæ ridicula est cogitatio, ut qui secundum idem flumen dispositi sunt, sua quilibet ex ripa haurire non debeant unde bibant? Quis Auenionenses jubeat Lugduno petere vndam Rhodani quam potent? *Potam vite* vocat Irenæus Catholicas veritates, quas Ecclesia propinat, manum manui admouete, nec sitis adeò inepti, ut de manu alterius temporis vos cuppam apprehensuros speretis. Sed quia Dogmatistæ Augustinum, Augustinum ingeminant, consentio ut controuersiam hanc Augustinus dirimat.

Lib. 3. cont.
hæret.

CAPVT IV.

Augustinus docet in Ecclesia seruari depositum Catholica doctrine, à Patribus tradita.

1. **N**ON negabunt, opinor, Nou-Augustiniani doctrinæ Catholicæ, atque antiquæ traditionem ab eo fieri debere cui seruanda commissæ est. hoc enim per se statim apparet manifestum. Sed neque hoc etiam negare possunt, necessariæ rem esse prouidentia, ut qui decedens alteri deposi-

2. con. Iul.
lib.

tum committit, committat superstiti, & qui pertingat ad idem tempus quo sunt victuri qui depositum repetent. Esset enim ridicula conuentio, atque illusoria, qua quis dum abito depositum relinqueret in manu depositarii, simul etiam abeuntis. Vnde sequitur, si maiores nostri quidquam sapiebant, & si sapiens etiam erat diuinus ille Spiritus, quo agebantur, & qui futuris sæculis prospiciebat, Catholicarum veritatum depositum, quod tradendum nobis erat, si fuit ab illis Ecclesiæ commissum, committi debuisse Ecclesiæ superstiti, & ad nostra tempora peruenturæ: nec proinde accipi aliunde posse depositum illud, quàm de manu præsentis Ecclesiæ. Sunt enim hæc necessariâ deductione connexa. Nec aliud superest, quàm vt videamus cuinam sancti Patres Catholicam doctrinam commendauerint ad posteros deferendam, & quando ita lubet ea de re Augustinum consulamus de sanctis Patribus ita differentem: *Quod inuenerunt in Ecclesia tenuerunt; quod à patribus acceperunt, hoc filiis tradiderunt. Hauserunt Catholicam fidem in lacte, in cibo deinde sumpserunt: ac demùm, & lac, & cibum paruis, magnisque ministrarunt. his post Apostolos plantatoribus, rigatoribus, adificatoribus, nutritoribus Ecclesia creuit: ideo profanas voces vestrae nouitatis expauit, & canta, ac sobria ex admonitione Apostolica, ne sicut serpens Euam seduxit astutia sua, sic & mens ejus corrumpetur à castitate qua est in Christo, Catholica fidei virginali insidias vestri dogmatis surreptentis exhorruit, & tanquam caput colubri calcauit, obrinuit, abiecit. Addit accusatores sanctorum Patrum, quorum meminerat, accusatores esse vniuersa Ecclesia, cui diuina familia dominica cibaria fideliter ministrantes, ingenti in Domino gloria claruerunt. Tota ergo sanctorum Patrum intentio circa Ecclesiam occupata fuit. Quidquid in ea suxerunt doctrinæ cælestis à prioribus, facti ex discipulis Magistri, id ipsum posterioribus tradidere. Vnde contigit, vt quos Ecclesia heri pepererat, postridie parentes haberet, ab eis videlicet plantata, rigata, nutrita, adificata. Accepit ab illis dominica cibaria, quæ seruaret, quibusque velut antidoto vteretur contra subnascentes postea errores, persistente illibata ejus virginitate. Ergo in Ecclesiæ thesauro, & non solum in chartis doctrina Patrum quaerenda est. Quid timemus? vt aruerit humor ille quo rigata est? vt alimenta nesciat quibus creuit? vt in oleastrum*

strum degenerauerit, quæ olea fuerat plantata? ut amiserit formam, quam accepit à suis architectis? ut tanto intervallo cibaria dominica consumpserit, quæ sancti Patres ministraverant? Denique ut virginitatem amiserit, quam illi contra corruptores inunierant? Ergo illam interrogemus, ut sciamus & quas illi Catholicas veritates sancti Patres tradiderint, quæue fuerit eorum doctrina, vel quæ interpretatio scriptorum illorum, quæ ad nos peruenerunt: & tunc demum erit indubitata regula traditionis.

3. Atque ut constet ita omninò faciendum esse ex Augustini præscripto, quærere iuuat ex Nou-Augustinianis, vtrâ illis videatur potior traditio, Apostolorum an Patrum? Opinor Apostolorum. Atqui Augustinus Apostolorum traditioni non fidei, nisi Ecclesia securitatem præstet: nec aliam agnoscit custodem doctrinæ ab illis depositæ. Quid enim aliud sibi vult illud, *Euangelio non crederem, nisi me auctoritas Ecclesie commoueret*? Apostolorum scripta, nisi de manu Ecclesiæ, securè Augustinus non accipit; quid igitur Nou-Augustinianis persuasit, & alteri traditas à SS. Patribus, & aliunde accipiendas Catholicas veritates, quàm ab eadem Ecclesia? Ecquis certam facere poterit traditionem, quam ejus auctoritas non confirmauerit? Quæ verò alia intelligitur Ecclesia, nisi illa in qua viuimus; quemadmodum illam etiam Augustinus designabat, in qua vivebat ipse?

Con. Ep.
fund. c. 5.

4. Huc etiam pertinet quod Augustinus argumentum Apostolicæ traditionis petit ex *communi observatione per omnes Ecclesias*, & argumentum non Apostolicæ, sed *libere observationis*, ex eo quod per *Ecclesias* aliquid *varietur*. Quis enim dubitet quin is qui sic erat animo dispositus, Catholicam veritatem à Patribus atque addeò ab Apostolis traditam crediturus non fuerit, quæ communi per omnes Ecclesias fidei repugnaret? Ejusmodi autem esse quæ ab Nou-Augustinianis proferuntur dogmata, ne ipsi quidem negare audent. An ergo putauerit, quod isti putant, addeò fuisse *oblitteratas* per omnem Ecclesiam veritates Catholicas, ut earum propositio scandalum daret, omnium animis opinione contraria occupatis? Adde quod etiam contra Donatistas Augustinus urget, *Nec nos ipsi tale aliquid audere possumus asserere*, de valore scilicet

2. De bapt.
cont. Donat.
nat. cap. 7.
Epist. 118.

Ibid. cap. 5.

baptismi ab hæreticis collati, *visi vniuerse Ecclesie concordissima auctoritate firmati. Cui & ipse Cyprianus sine dubio cederet, si illo tempore questionis hujus veritas eliquata & declarata per Concilium plenarium solidaretur.* De traditione loquitur Augustinus, quâ vult constare qui sint idonei ministri baptismi. Petit autem illius firmitatem à *concordissima* auctoritate Ecclesie sui temporis, quæ quia non tam explorata fuerat tempore S. Cypriani, existimat inde habere illum potuisse aliquam excusationem erroris, quem fuerit sine dubio retractaturus, contrario Ecclesie sensu perspicuè cognito. Putat ergo Ecclesie tantum traditam esse à Deo veritatem illam custodiendam, quando negat se posse illam tunc aliunde accipere, atque ita certissima est illi, firmissimæque traditionis regula; consensus Ecclesie pro illo tempore quo quisque viuit. Regula, inquam, hæc illi vnica est, ad omnem controuersiam dirimendam, *Credendum testimonio Ecclesie, quam veracem esse Christus testatus est: sufficere Catholicis quod eam teneant Ecclesiam, quæ manifestissimis sanctarum, & canonicarum Scripturarum testimoniis demonstratur:* Si quis sapiens existeret, cui Dominus testimonium perhiberet, quale perhibuit Ecclesie, faciendum quod ille diceret, *ne non tam ipsi, quam Domino Iesu Christo cuius testimonio commendabatur, repugnare iudicaremur:* Qui igitur Ecclesie non assentiatur, *ipsi Saluatori contra salutem suam perniciosissime reluctaturum, quod Ecclesie non credat ejus testimonio commendatæ, cui non credere nefarium est. In operis immorari qui contradicunt ne aperta cogantur fateri.* Ecce Ecclesia, inquit, rogo quid patimini. Ecce Ecclesia tot manifestissimis sanctarum Scripturarum testimoniis commendata & expressa, *prædicta & demonstrata...* Quid tergiversaris quomodo suscipiaris, Donatista, *cur detrectas sic suscipi, quomodo suscipis cui testimonium perhibet qui mentiri non potest?* Et quamuis hæc à sancto Doctore in peculiari controuersia de baptismo hæreticorum dicantur, est tamen manifestum concludere illum contra Donatistas ex principiis communibus, ac supponere in vniuersum, Ecclesiam à Deo constitutam custodem vnica eorum veritatum quas Christus & per se ipse, & per suos Apostolos, perque ipsos sanctos Patres proponi hominibus voluit.

5. Et ideo non solum Donatistas, sed Manichæis etiam

De vnit.
Eccles. cap.
19.

Ecclesiam opponit Augustinus, tanquam idoneum confundendis eorum erroribus argumentum. Nam cum supponat pertinuisse ad diuinam circa salutem hominum prouidentiam, mediam quamdam auctoritatem constitui, quâ homines ab insipientia perducerentur ad Deum, hanc dicit in Ecclesia constitutam, idque *per Prophetarum vaticinia per humanitatem doctrinamque Christi, per Apostolorum itinera, per Martyrum contumelias, cruces, sanguinem, mortes; per sanctorum pradicabilem vitam, atque in his vniuersis digna rebus tantis, atque virtutibus pro temporum opportunitate miracula.* Vnde concludit: Cum igitur tantum auxilium Dei, tantum profectum, fructumque videamus, dubitabimus nos ejus Ecclesie condere gremio, quæ usque ad confessionem generis humani ab Apostolica Sede per successiones Episcoporum frustra hæreticis circumlatrantibus, & partim plebis ipsius judicio, partim Conciliorum grauitate, partim miraculorum maiestate damnatis, culmen auctoritatis obtinuit. Vides ut ex Augustini sententia, omnes diuinæ prouidentiae curæ, consilia omnia, operaque id vnum spectauere potissimum, ut Ecclesie conciliaretur auctoritas, & ad præcipiendum & ad persuadendum necessaria? Iam verò quis sit adeò ridiculus, ut alteri creditam putet doctrinam quæ persuadenda erat, alteri verò auctoritatem ad persuadendum? Ecclesie igitur credita doctrina est: Ergo quicumque tutò accipere illam cupit, ab Ecclesie traditione accipere debet.

De vilit.
cred. c. 17.

6. Hinc est illud quod etiam dicit contra Donatistas Ecclesiam matrem esse, *quæ omnibus gentibus & regenerandis sinum pandit, & regeneratis vbera infundit*, qua imagine aliàs quoque sæpissimè Ecclesiam exprimit, ut in oratione contra Paganos, Iudæos, & Arrianos, cum dicit, *Nec mirum, si hæc* Cap. 19: *ruinas quotidie fabricatis, qui Christum in fundamento habere noluitis: qui à vestro errore separat veritatis filios, quos sic fouet ut nutriet, non sic blandiendo decipit ut occidat.* Et ut intelligatur vbinam hi veritatis filii nutrantur, subjungit statim: *Apud* Cap. 10: *Catholicam, dilectissimi, noueritis tantum esse veram fidem, germanam pacem, perpetuam salutem. Non enim in angulo est, sed ubique tota est. Et paulò pòst, Hæc est mater vera, pia mater, & casta, intrinsecus viri sui dignitate ornata, non forinsecus mendacio fallente surpiter colorata.* Sola igitur Ecclesia ex Augustino ma-

Epist. 103.

ter illa est, cui veritatis pabulum est commissum, ut inde nutriantur veritatis filii: Ergo qui pabulum hoc se aliunde accepturum sperat, quàm de manu Ecclesiæ; non pabulum veritatis, sed erroris venenum accepturus est.

Cap. 12. &
13,

7. Et in secundo libro de symbolo ad Catechumenos, cum dicit, *Certè ex me nemo scire quærat quod me nescire scio, nisi furè ut nescire discat, quod sciri non posse sciendum est. Sed per fidem & patientiam*, ET SANCTAM MATREM ECCLESIAM SPEREMVS NOS ACCIPERE QUIDQVID MAGNIS ET PVSILLIS DIGNATVS FVERIT ILLE DONARE. *Sancta Ecclesia, in qua omnis huius sacramenti terminatur authoritas, mater & virgo, corpore casta, prole fecunda, sponsa Christi superius declarata, pie nutris filios, quos Deo patri dignos assignare contendit. Filii boni amate tantam matrem, &c.* Et paulò post, *Vos autem dilectissimi, qui ab initio vberibus sanctæ matris Ecclesiæ nutriti, usque ad solidum cibum estis ab ea perducti, manete in ea*: hic necessariò compellendi sunt Traditionis discipuli ut regulam sequantur, quam præscribunt. Ex traditione cognosci volunt Catholicas veritates; & nos quoque. Traditionis huius Auctorem Augustinum nominant; agnoscimus. Accipite ergo quod tradit Augustinus, ô Discipuli Traditionis, Monitum tradit ut ad Ecclesiam potiùs, quàm ad ipsum recurramus: ut ab illa nos speremus accipere quidquid Deus dat pusillis, & magnis: ut & lac fidei ab ejus vberibus, & cibum solidum ab ejus penu expectemus: ut in ea credamus terminati auctoritatem omnem, qua niti debet traditio. Riuus est igitur omnis Augustini doctrina, qui ad locum vnde exierat reuertitur, hoc est, ad Ecclesiam; Et quemadmodum id, quod Deus dat per semetipsum, Ecclesiæ tradit pusillis & magnis distribuendum; ita & quod dat per sanctos suos Ecclesiæ Pastores, & Doctores, eidem Ecclesiæ tradit per succedentes alios pastores, doctoresque distribuendum posteris: & quando auctoritas omnis ex Augustino in illa terminatur, interroganda illa est ut sciamus quæ fuerit Augustini fides: & quidquid conjiciemus aliunde commentando, vel falsum erit, vel incertum, utpote auctoritate necessaria destitutum, quæ sufficiens nulla nisi ab Ecclesia, haberi potest. Accipite, ô Nou-Augustiniani, traditionem hanc ab Augustino.

8. Et in libro de moribus Ecclesiæ dum sic eam appellat, Meritò Ecclesia Catholica mater Christianorum verissima, non solum ipsum Deum, cujus adeptio vita est beatissima, purissimè atque castissimè colendum prædicas, nullam nobis adorandam creaturam inducens, cui servire jubeamur: & ab illa incorrupta, & inuiolabili eternitate, cui soli homo subjiciendus est, qui soli rationali anima coherendo non misera est, excludens omne quod factum est, &c. Sed etiam proximi dilectionem, atque caritatem ita complecteris, ut variorum morborum quibus pro peccatis suis anima egrotanti, omnis apud te medicina prapollcat. Tu pueriliter pueros, fortiter iuvenes, quietè senes, prout cujusque non corporis tantum, sed & animi ætas est, exerces ac doces. Tu fæminas, &c. ac decursis omnibus officiis Christianæ vitæ, quorum disciplinam ab Ecclesia tradi ostendit, addit. Quod unum isti hæretici intelligere si valerent, nusquam profectò Deum nisi apud te, atque in tuo gremio minimè superbi, & bene pacati venerarentur. Ecce Doctrinam fidei omnem, & speculatiuam & practicam, qua & Dei cognitio & officia Christianæ vitæ omnia continentur, Augustinus Ecclesiæ tanquam verissimæ Christianorum matri acceptam refert. Ab illa petenda dicit omnia remedia spiritalium morborum, utpote apud quam prapollat omnis hujusmodi morborum medicina. Et ut sciamus inter eos morbos ignorantiam quoque, atque infirmitatem fidei numerari; ab ea doceri docet pueros, iuvenes, senes, prout cujusque non corporis tantum; sed & animi ætas est. Denique hæreticorum superbix tribuit quod alibi quàm apud Ecclesiam, & in Ecclesiæ gremio Deum quærant. Est igitur indubitatum apud Augustinum, omnem doctrinam quâ voluit Deus, ut errores hominum pellerentur, in Ecclesiæ gremio fuisse depositam, ac proinde etiam illam quæ traditur per sanctos Patres, quippe quæ ipsa quoque necessaria est, & indiget custode ac depositario fideli. Vnde sequitur ex lege prouidentix per Ecclesiam fieri debere illius traditionem: & hanc esse regulam ad certitudinem traditionis necessariam: Et alienos esse à Christiana humilitate, qui aliunde haurire volunt Catholicas veritates, quòd hoc sit proprium superbix tantum hæreticorum.

9. Addit quod dicit in tractatu de cantico nouo, vbi ne- Cap. 5.

Cap. 6.

gat audiendam esse prædicationem, qua prædicatur Christus, nisi Ecclesiæ auctoritate fulciatur. *Si quis tibi Christum prædicat, inquit, attende, & considera qualem prædicet, ubi prædicet. Christus enim veritas est, per Scripturas sanctas prædicatur, non in angulis, non occultè, sed palam, publicè. In Sole posuit tabernaculum suum: hoc est in manifesto collocavit Ecclesiam suam. & paulò post, Si veritate fulcitur prædicatio tua, publica sit doctrina tua, demonstra mihi Ecclesiam tuam.* Demonstrare Nou-Augustiniani non possunt nisi contradicentem, postquam constat, ipsorum etiam confessione, obliteratam in ea esse doctrinam quam prædicant, & ob receptas contrarias opiniones, scandalosam.

Lib. 7. Con-

fess. cap. 7.

10. Atque hoc principium de auctoritate Ecclesiæ ad confirmandas doctrinæ traditiones, Augustinus ipse fatetur sibi à Deo penitus impressum ab initio suæ conversionis, cum adhuc circa cætera fluctuaret: quod videlicet & necessarium esset fundamentum ad totam illam, quæ superædificanda erat fidei, atque doctrinæ molem fulciendam: & certa etiam regula quâ deinde facile erat cæterorum quæ adhuc supererant dubiorum rationem inuenire. *Sed me non sinebas, inquit, ullis fluctibus cogitationis auferri ab ea facile quâ credebam, & esse te, & esse incommutabilem substantiam tuam, & esse de hominibus curam & iudicium tuum, & in Christo filio tuo Domino nostro, atque in Scripturis sanctis, quas ECCLESIAE TVÆ CATHOLICÆ COMMENDARET AVCTORITAS, viam te posuisse salutis humane ad eam vitam, quæ post hanc mortem futura est.* Hæc erat Augustino regula credendæ scripturæ, traditio scilicet Ecclesiæ Catholicæ, non corticem tantum literæ tradentis, sed & interpretationem. Loquitur autem Augustinus de Ecclesia, in qua vivebat ipse, & quam sibi superstitem fore putabat, ut esset etiam posteris eadem regula, idemque recursus ad Ecclesiam in qua quisque vivit, ut monstratum est, & vberius adhuc est monstrandum.



CAPVT V.

*Ecclesia primitiua infallibilitatem asserit Ecclesiæ
non primitiua ex Augustino.*

I. **V**IDENTVR Nou-Augustiniani dum dicunt vnicam regulam Catholicarum veritatum esse traditionem Ecclesiæ primitiua, idem facere quod ille qui dicebat se somniasse non esse credendum somniis. Supponimus enim ita distingui Ecclesiam primitiuam à non primitiua, vt distinguitur homo iuuenis à seipso sene. Ad illam verò distinctionem pertinere dicunt tanquam propriam Ecclesiæ primitiua differentiam, quòd sit *Ecclesia in sua puritate*, cùm non primitiua *alterata* sit: ex quo consequens esse putant, vt Ecclesia primitiua propter illam puritatem sit vnica regula Catholicarum veritatum, quod non primitiua esse non potest, eo quòd sit *alterata*. Iuuat autem in hunc modum argumentari. Ecclesia primitiua est vnica regula Catholicarum veritatum, ergo quod illa tradit est Catholica veritas. Sed illa tradit Ecclesiam etiam non primitiuam esse infallibilem in doctrina fidei: ergo Ecclesiam non primitiuam esse infallibilem in materia fidei est Catholica veritas. Iam verò, Omnis Ecclesia infallibilis in materia fidei est regula Catholicarum veritatum. Sed Ecclesia non primitiua est infallibilis: Est igitur regula Catholicarum veritatum: ergo vnica regula Catholicarum veritatum dicit se non esse vnicam, quia dicit non solùm Ecclesiam primitiuam esse regulam, sed etiam non primitiuam. Atque ita qui credunt Ecclesiam primitiuam esse vnicam regulam ad distinctionem non primitiua, credunt dicentem se in eo non distingui à non primitiua, sed esse illam quoque perinde regulam earundem veritatum, deberèque illas ex ejus traditione perinde recipi. Nec aliud restat quàm vt hoc probemus, nimirum Ecclesiam primitiuam non primitiua, adolescentem senescenti, & incipientem finali testimonium hoc infallibilitatis dedisse. quod, quando ita volunt, ex vno August. probandum est.

Con. Ep.
fund. cap. 5.

2. Probatur ergo primò. Quia alioqui Augustinus aërem verberaret, dum ad omnem hæresim confutandam Manichæorum, Arianorum, Donatistarum, Pelagianorum, adhibet auctoritatem Ecclesiæ aliunde probatam. Si enim putasset casualem fuisse puritatem illam doctrinæ, quam Ecclesia prædicauerat ad suum vsque sæculum, nec quidquam vetare quo minùs consequentibus annis corrumpetur; quid dicere poterat respondentibus jam cœpisse quod ipse breui futurum non negaret: & cùm fortuita esset atque contingens puritas illa, nulla certa, perpetuæque promissione firmata, nulloque certo tempore definita; nullam habere ipsum rationem, cur hucusque perseuerasse diceret contra negantes, deinceps autem perseueraturum negaret. Atque hîc Manichæi retorquere possent Augustini objectionem, cùm dicit: *Si autem dixeris, rectè credisti Catholicis laudantibus Evangelium, sed non rectè illis credidisti vituperantibus Manichæum: vsque adeò me stultum putas, ut nulla reddita ratione quod vis credam, quod non vis non credam?* Diceret, inquam, Manichæus Augustino: Si dixeris, rectè credidisti Catholicos annis sequentibus non seruaturus doctrinæ puritatem: sed non rectè credis annis præcedentibus vsque ad meam ætatem inclusiuè non seruasse; vsque adeò me stultum putas, ut nulla reddita ratione quod vis credam, quod non vis non credam?

Lib. 11. c. 1.

3. Retorqueri posset & quod vrget etiam contra Faustum, qui cùm diceret mendosas esse sancti Pauli Epistolas: & quod in eis fauere videbatur doctrinæ Manichæorum, scriptum esse ab Apostolo, quod autem repugnaret, irrepisse aliunde; Augustinus ridiculum reddit cùm infert: *Tu es ergo regula veritatis, quidquid contra te fuerit non est verum.* Atenim quia statim objicit, *Ecclesiæ Catholicæ auctoritatem, quæ ab ipsis fundatissimis sedibus Apostolorum, vsque ad hodiernum, diem succedentium sibi met Episcoporum serie, & tot populorum consensione firmatur:* si crederet Augustinus non duraturam auctoritatem illam & firmitatem annis sequentibus, sed erraturam Ecclesiam; Faustus regeret, successio Episcoporum à fundatissimis sedibus Apostolorum, & populorum consensio Ecclesiæ dat auctoritatem vsque ad hoc tempus; postea verò tamen perseueret eadem & successio, & consensio, non dabit, nec illi tutò credi

credi poterit. Tu es ergo regula veritatis, qui successioni illi & consensioni, quandiu tibi fauet, assentiris, quandiu non fauet, contradicis: & cum sit eadem semper authoritatis ratio, pro tempore quo tibi placet, illam agnoscis, pro tempore quo non placet, repudias: Tu es ergo regula veritatis. Supponit igitur Augustinus *authoritatem illam Catholicam*, qua se cogi putat ut perinde credat veteri, ac nouo Testamento, & Actibus Apostolorum sicuti & Euangelio, perpetuitatem habere in diuina promissione fundatam.

4. Atque hoc est argumentum, quo Augustinus Donatistas premit, tale aliquid Ecclesiæ contigisse calumniantes ante Augustini tempora, quale consequentibus sæculis Nou-Augustiniani contigisse suspicantur. Dicebant enim Ecclesiam periisse, perdita videlicet illa, quam Augustinus toties celebrat, virginitate fidei, & doctrinæ castitate. Urget autem illos Augustinus Scripturarum testimoniis, quibus vel prædicta, vel promissa est Ecclesia, quibus constat illam Ecclesiæ prærogatiuam non alio tempore circumscriptam esse, quam quo duratio ipsius mundi. hoc enim sibi velle quod dicitur, *Fundamenta ejus in montibus sanctis, fundatam esse supra firmam petram, portas inferi non præualituras aduersus eam*, non deferendam à sponso suo dicente, *Ecce ego vobiscum sum usque ad consummationem sæculi*. & alia id genus, ex quibus Augustinus colligit, salua Dei fidelitate, ac veracitate, non potuisse contingere defectionem illam Ecclesiæ, quam somniabant Donatistæ. Quæ dico perinde probare nec illam in doctrina fidei impuritatem, quam Nou-Augustiniani delirant, contingere posse.

5. Et hæc est secunda probatio, collecta ex interpretatione, quam dat Augustinus Scripturæ testimoniis de Ecclesiæ firmitate, cujus quanta sit vis intelligetur facile ex ipsis Augustini verbis.

6. Occurrit ergo primò quod dicit in Epistola ad Vincen-
tium, ubi sponsum Christum Ecclesiæ sponsæ dicenti, *Indica* Epist. 48.
mihi ubi pascas, ubi cubes in meridie, respondentem repræsen-
tat. *Ipsa est cui continuo respondetur, nisi cognoveris temetipsam, o pulchra inter mulieres, exi tu in vestigiis gregum, & pascere hædos tuos in tabernaculis pastorum. O responsio dulcissimi Sponsi! Nisi cogno-*

ueris temetipsam, inquit, quia utique non potest ciuitas abscondi supra montem constituta: & ideo non es operta ut incurras in greges sodalium tuorum. Ego enim sum mons paratus in cacumine montium, ad quem venient vniuersa gentes: Nisi ergo cognoueris temetipsam, non in verbis calumniosorum, sed in testimoniis librorum meorum: Nisi cognoueris temetipsam, quia de te dictum est: porrige longius funiculos, & psalos validos; confirma etiam atque etiam in dextram atque sinistram extende. Sem. n enim tuum hereditabis gentes & ciuitates quae deserte erant inhabitabis. Non est quod metuas, praualebis enim; nec erubescas quod detestabilis fueris, &c. Vbi vides velle Augustinum vt Ecclesia se intelligat in illis testimoniis scripturae, quae perpetuitatem asserunt, vt cum dicitur ciuitas supra montem, qui Christus est, posita, & abscondi non potest: & in illis quibus promittitur omnium gentium possessio, quod nec tempore Augustini impletum erat, necdum etiam impletum est: & in illis quibus promittitur illi victoria de inimicis, non metuas, praualebis enim. quod esse verum nequit, si aliquando corrumpatur. Et ideo paulò post dicit Augustinus: *Ac sic Ecclesia quae per omnes gentes crescit in frumentis Dominicis, conseruata est, ET VSQVE IN FINEM DONEC OMNINO GENTES OMNES ETIAM BARBARAS TENEAT, CONSERVABITVR.* Et hoc ipsum Isaias promittit illo ipso loco, quem Augustinus interpretatur de Ecclesia, subiungit enim post citata verba: *Isa. cap. 54. In momento indignationis abscondi faciem meam parumper à te, & in misericordia sempiterna misertus sum tui... sicut in diebus Noë istud mihi est, cui iuraui ne inducerem aquas Noë ultra super terram, sic iuraui vt non irascar tibi, & non increpem te. Montes enim commoueuntur & colles contremiscunt, misericordia autem mea non recedet à te, & fœdus pacis mea non mouebitur.* In illis verbis vult Augustinus vt Ecclesia, quae peregrinatur & hic militat, & de qua disputat contra Donatistas, contra quos hanc Epistolam scribit, intelligat ipsa se. Vult ergo vt intelligat se perpetuam.

7. Dicere aliquis posset velle quidem Augustinum vt Ecclesia se perpetuam intelligat, sed non perpetuò infallibilem. Sed ridicula est cauillatio. hoc enim ille vult esse perpetuum in Ecclesia, quòd Donatistae negabant, & quòd tum ipsi, tum aliis hæreticis conuincendis necessarium est. Atqui

Donatistæ quando dicebant Ecclesiam periisse, non negabant esse formam ejus aliquam externam, & aliquam diuini verbi prædicationem, & aliquam Sacramentorum administrationem, & vniuersale quoddam caput summum Pontificem, & pastores alios illi adhærentes. Negabant ergo tantum infallibilitatem & doctrinæ puritatem. Corruptam enim esse volebant in vno aut altero puncto, quod spectabat ad valorem baptismi ab hæreticis collati, & ad communionem cum improbis, quam nolebant admittere: & Ecclesiam illis periisse non erat aliud quam in hoc errasse, itaque amissa infallibilitate auctoritatem quoque perdidisse. Augustinus ergo dum ex scriptura probat ejus perseverantiam, nihil facit, nisi probet perseverantiam in recta fide, & in auctoritate illa, quam fundat rectæ fidei infallibilitas. hæc autem Augustinus aperte significat, quando vult Ecclesiam in illis verbis *non potest ciuitas abscondi supra montem posita* ita seipsam intelligere, *ut non sit aperta, ut incurrat in greges sodalium*, qui sodales sunt hæretici. vult ergo non posse incurtere in errorem, & fieri talem, quales sunt illorum Ecclesiæ, quæ non aliter differunt à Catholica, quam quia illæ corruptæ sunt in doctrina fidei, & hæc virgo manet.

8. Item hoc significat Augustinus dum contendit stare perpetuitatem hanc, etiam tum cum videntur hæreses præuallere, quale fuit tempus illud Arianorum, de quo loquitur Hilarius quem laudat. Inuictam enim tunc quoque perstitisse vult Ecclesiam: nec inuictam modò, sed etiam *eminentem in suis firmissimis*. Interrogo autem quis tunc fuerit eorum casus, qui non perstiterunt? Nempe, quia fauere Arianis visi sunt. Quæ autem *firmitas eminentium* aliorum? Nempe quia non permiserunt afflari se illa, communis erroris aura. Ergo ille casus, à quo vult Augustinus ut Ecclesia se ipsa intelligat securam, est casus in errore: & illa firmitas quæ perpetuam facit, non est aliud quam ab errore securitas.

9. Confirmatur. Quia insana esset cogitatio, si quis illas Dei promissiones de futura Ecclesiæ legis nouæ felicitate ita intelligeret, ut esset quidem futura perpetua, sed non habitura perpetuam auctoritatem. Amissuram enim illam, amissâ doctrinæ puritate. Atqui perdere dignitatem, & auctorita-

tem idem est. Quis autem sit adeò demens, ut stare contendat illius fortunas, qui dignitatem & auctoritatem perdit? Et quo modo verum esset quod per Isaiam Ecclesiæ promissum Augustinus asserit, nullum ampliùs fore periculum erubescendi? Non erubesceret irrita & sine honore, quæ perdidisset dignitatem? Quo modo autem retineret doctrinâ fidei corruptâ? Quis putaret ampliùs incumbere sibi obligationem illi adhærendi? Quis fidem erranti committeret, si tutam veller ab errore? Et Augustinus quid consequeretur, dum tanto nisu contendit Ecclesiam præstare? Intendit enim illâ ut aliàs loquitur *fundatissima auctoritate* cogere hæreticos ad parendum Ecclesiæ, eique adhærendum. fac ergo non esse auctoritatem, quòd nec securitas sit in Ecclesiæ doctrina, postquam errare supponitur, poterit Augustinus exigere, ut teneri se credant hæretici ad consentiendum illi, quæ fallitur? Sit Ecclesia, dicet Donatista, dicet Arianus, sed mendax, præcipere potest, ut errantem sequar, ut credam mentienti? Est ergo manifestissimum, Augustinum aut probare prorsus nihil, aut probare perpetuitatem illam, quæ promittitur Ecclesiæ, esse perpetuitatem auctoritatis & dignitatis, & juris ad exigendam à Christianis obedientiam, & adhæSIONem fidei: ac proinde esse perpetuitatem infallibilitatis, & integritatis in fide, atque doctrina.

10. Occurrit secundò quod est in Epistola quæ nomine Fortunati, Alipij, & Augustini scribitur ad Generosum, ubi anathema dicit euangelizanti aliter quàm euangelizatum est à Christo Domino, quando dixit *annuntiandum Evangelium omnibus, & tunc finis erit*. Quibus verbis prædictam putat Ecclesiam perseveraturam usque ad finem mundi. Et quia Donatistæ suorum Episcoporum seriem, ac successionem jactabant, ut aliquam inde auctoritatem conciliarent suo schismati: Subdit Augustinus: *Si enim ordo Episcoporum sibi succedentium considerandus est; quanto CERTIUS ET VERE SALVBRITER ab ipso Petro numeramus, cui totius Ecclesia figuram gerenti Dominus ait, Super hanc petram ædificabo Ecclesiam meam, & portæ inferorum non vincunt eam. Petro enim successit Linus, & subjicit Romanorum Episcoporum seriem usque ad Anastasium, qui tunc vivebat, quando hæc scribebat Augustinus. Quibus tandem hæc addit:*

In illum ordinem Episcoporum, qui ducitur ab ipso Petro usque ad Anastasium qui nunc eandem cathedram sedet, etiam si quisquam traditor per illa tempora subrepsisset, nihil præjudicaret Ecclesie, & innocentibus Christianis, quibus Dominus providens ait de prepositis malis, quæ dicunt facite, quæ autem faciunt facere nolite. dicunt enim & non faciunt. VT CERTA SIT SPES FIDELIBVS, QUÆ NON IN HOMINE, SED IN DOMINO COLLOCATA NVNQVAM TEMPESTATE SACRILEGI SCHISMATIS DISSIPETVR, sicut isti dissipati sunt. Vbi vides primò Augustinum Ecclesiam Catholicam Ecclesie Donatistarum, & cuicumque alie præferre eo nomine, quòd fundata sit supra petram, & quòd portæ inferi non sint præualitura contra eam, ex Christi promissione. Eset autem falsa promissio, si potuisset Ecclesia illa, sicut & alie, post aliquot sæcula, & veram fidem perdere: & quod inde sequitur, auctoritatem ad persuadendum necessariam: & juxta obligandi Christianorum conscientiam ad adhærendum sibi, illa igitur omnia etiamnum perseverant. Vides secundò, Augustinum proponere successionem Episcoporum in Ecclesia sic fundata, velut *certum & salubre* argumentum ad persuadendam unionem cum tali Ecclesia, hoc est, consensionem fidei, & voluntatis obedientiam. Sed perstat hodieque illa successio: & quàm facilè numerabat Augustinus Romanos omnes Episcopos à Petro ad Anastasium, tam facilè ipsi numerare possumus ab Anastasio ad Innocentium: nec hujusce rei controuersiam faciunt vel ipsi hæretici. Ergo perinde valet argumentum hodie, vt valebat ætate Augustini. Vides tertio ex Augustino nihil obfuturum, si aliquis fortè in illam Pontificum seriem irreperet officij proditor, eo quòd morum corruptio non impediatur doctrinæ puritatem. Hoc enim significant illa verba, *Quæ dicunt facite, quæ autem faciunt facere nolite*: non valet igitur argumentum à moribus ad doctrinam. Vides quartò, quam afferat rationem, cur *certa sit spes* eorum, qui fidem habent etiam malè viuentibus Pontificibus, quia inquit, *non in homine, sed in Domino collocata, nunquam tempestate sacrilegi schismatis dissipatur.* Promissio igitur Dei est, quæ facit vt nulla tempestate fallatur eorum spes, qui se turò putant Ecclesie consentire. Vides quintò, quomodo non in Africanis Ecclesiis, quarum vnā Augu-

stinus regebat, non in Asiaticis, non in Orientalibus aut Græcis, sed in Romana, in qua erat successio Episcoporum à Petro ad Anastasium, auctoritatem illam, & stabilitatem in diuina promissione, ac protectione speciali fundatam agnoscat. Ista igitur est, quæ juxta doctrinam Augustini perseveratura est donec *sit finis*, vel, ut dicit etiam paulo post, usque ad *tempus messis*, quod est tempus ultimi iudicii. Illa est, in qua reperitur successio, quam *cerrò & salubriter* attendere debemus, ut cognoscamus Ecclesiam quam debemus sequi. Illa, contra quam portæ inferi non prævalent. Illa, quam nunquam tempestates dissipabunt. Illa, cujus doctrina, non casu aliquo, & fortè fortuna, sed immobili Dei promissione talis est, ut qui ei adhærent, fidelitate Dei, atque infallibilitate, non hominum fide, sint securi. Quæ omnia manifestè conuincunt, vel non esse credendum Ecclesiæ temporis Augustini: vel perinde credendum esse Ecclesiæ temporis Innocentii decimi.

II. Eadem mens est, eadèmq; Augustini sententia in Psalmo contra partem Donati, dum dicit: *Numerate sacerdotes vel ab ipsa Petri sede, & in ordine illo Patrum quis cui successus videte. Ipsa est petra, quam non vincunt superba inferorum portæ.* Quibus verbis talis quædam Augustini argumentatio continetur, esse quandam Ecclesiam, contra quam inferi portæ prævalere non possint, ex Christi promissione, & consequenter, à qua nec Donatistæ, nec alii ulli hæretici possint meritò recedere, quasi verò non sit ampliùs tutum illi consentire: Ejusmodi Ecclesiam aliam esse non posse, quàm illam quam repræsentat is cui facta est promissio illa Christi, & qui veluti nomine Ecclesiæ promissionem illam acceptauit, & is Petrus fuit: A Petro non potuisse aliam Ecclesiam repræsentari, quàm illam, ad quam ipse pertineret tanquam primus ejus Episcopus, & fundamentum Christo subnixum: Nullam Ecclesiam superesse, ad quam Petrus ea ratione pertinuerit, aut esse illam, in qua est ejus sedes continua Episcoporum successione conseruata: Sedem illam, & successionem in Ecclesia Romana tantùm reperiri: Ergo Romanam tantùm Ecclesiam illam esse, cui facta est perpetuitatis illa promissio: cæteris autem catenus tantùm quatenus

& quandiu per adhæſionem titulum illum participant quòd ſint Romanæ : Donatiſtas ergo , & pari ratione alios quofcumque hæreticos Eccleſiam Romanam reſpicere debere tanquam illam , quæ numquam deficit , vi promiſſionis Chriſti ; & quæ proinde priuilegio illo perpetuitatis juſ ſemper habet adhæſionem exigendi ab omnibus qui cadere nolunt.

12. Occurrit tertio, quod docet Auguſtinus toto libro de unitate Eccleſiæ, contra Epistolam Petiliani, ex quo perſpicuè colliguntur hæc quatuor. Primum eſt, Eccleſiam à Spiritu ſancto in ſacris paginis tum noui, tum veteris Teſtamenti promiſſam, eſſe Eccleſiam ex conuerſione gentium omnium congregatam, ac proinde toto orbe diſperſam, contra ſtultam Donatiſtarum cogitationem, qui putabant Eccleſiam nuſquam eſſe, niſi in angulo quodam Africæ, atque in parte Donati. Secundum eſt, huiuſmodi Eccleſiam duraturam uſque ad finem ſæculorum, quod erit tempus meſſis, & ſeparationis frumenti & zizaniorum, & bonorum malorumque piſcium, qui miſcentur hoc tempore in ejus ſagena. Hoc autem dicit, ut reſellat Donatiſtarum reſponſionem, qui dicebant fuiſſe quidem Eccleſiam ex uocatione gentium congregatam, ſed jam periſſe. *Credimus, aiebant, iſta, & completa eſſe fatemur, ſed poſtea orbis terrarum apoſtatauit & ſola remanſit Donati communio.* Auguſtinus è contrario aded clara eſſe dicit ſcripturæ teſtimonia quæ perſeueraturam Eccleſiam dicunt, *ut interpretatione non egeant.* Tertium eſt, Ec-
Cap. 13.
Cap. 19.
 cleſiam hanc ita duraturam uſque ad finem, eſſe illam *amicam*, illam *ſponſam*, *lilium illud* inter ſpinas, cujuſ ſit mentio in Cantico canticorum : Eſſe Hieruſalem illam, de qua Iſaias propheta, *Latere ſterilis, quæ non parit*, & quæ uocatur *uoluntas mea in ea*, &c. Quæ non poſſunt conuenire niſi Eccleſiæ infallibilis fidei. Nam ut omittam amorem illum & uoluntatem Dei, vix eſſe poſſe in Eccleſia errante ; certè intelligi non poteſt quo modo Synagoga ideo repudianda fuerit ut Eccleſiam perinde infidelem Chriſtus aſſumeret : nec ſatis prouidè diſpenſatus fuiſſet Chriſti ſanguis, ut compareret ſibi talem ſponſam. Lilium verò inter ſpinas quò modo diceretur ; aut quo modo à ſpinis diſtingueretur ; cùm

Cap. 21.

per illas designentur errantes Ecclesiæ, & conuenticula hæreticorum ex Augustino? Sed ne videatur infallibilitas illa per quandam tantum deductionem eruta ex verbis Augustini. Quartum quod docet est, Illi Ecclesiæ credendum esse eadem necessitate, quâ credendum est diuino testimonio. Cum enim supponerent Donatistæ nullum esse modum satis idoneum, quo possent ipsi recipi in eam Ecclesiam, quam Augustinus contendebat esse veram, videbantur enim sibi rebaptizandi, & interrogarent, *Quomodo me suscipis? Cui respondes*, inquit Augustinus, *sicut suscipit Ecclesia, cui Christus perhibet testimonium.* & deinde, *Quo modo ergo suscipit ista Ecclesia per omnes gentes incipientibus ab Hierusalem, remotis omnibus ambagibus & tergiuersationibus, sic suscipiendus es.* Quod si non vis, non mihi aut cuiquam hominum qui vult ita suscipere, sed ipsi Saluatori contra salutem tuam perniciosissimè reluctaris, cui te sic suscipiendum esse non vis credere, quemadmodum suscepit illa Ecclesia quam testimonio suo commendat ille, cui fateris nefarium esse non credere. Vbi vides quò tendat tota illa contentio Augustini cum Donatistis pro Ecclesia & vniuersali & perpetua. Nempe vt ad manum habeamus, quo cætera deinde dubia sine ambagibus & tergiuersatione resoluamus. Interrogandam enim tantum Ecclesiam, ejusque responsis assentiendum, nisi ab ipso Christo à quo illa commendatur, velimus dissentire. Atque ita euidenter supponit Augustinus, illam Christi commendationem, esse commendationem Ecclesiæ cui sit credendum. Et quia putare aliquid falsum ab Ecclesia proponi, est illi non credere, consequenter censet eadem commendatione vetari, ne quis putet falsum aliquid posse ab Ecclesia proponi: hoc autem putare nefarium esse, quando nefarium est non credere Deo id vetanti. Quòd si verum est de Ecclesia vique ad finem duratura; verum est de Ecclesia præsentis temporis. Et quia aliis in locis sæpiùs anathema dixit contradicentibus Nou-Augustinianis, qui putant aliunde petendas esse Catholicas veritates, quam ab Ecclesia præsentis temporis, quòd ea sit alterata, cogitandum erit quem alium sint adituri, vt soluantur anathemate quo eos compediuit, quem suum esse mentiuntur Augustinus.

13. Occurrit quartò, quod est in commentario Psalmi 70. *ubi quod dicitur, Deus docuisti me à iuuentute mea, & usque* vers. 17. 18.
nunc pronuntiabo mirabilia tua, & usque in senectam, & senium,
dicat esse vocem Ecclesiæ; cuius iuuentus fuit. Quando venit
Christus, mortuus est, crucifixus est, surrexit, vocauit gentes, cæ-
perunt conuerti; facti sunt martyres fortes in Christo, fusus est san-
guis fidelis, surrexit seges Ecclesiæ: progredientibus autem tempori-
bùs consecratur Ecclesiæ, dicat, usque nunc pronuntiabo mirabilia tua.
Quid postea? Et usque ad senectam & senium annuntiabo mira-
bilia tua: usque ad finem sæculi erit hæc Ecclesiæ. Si enim non hic
futura est usque in finem sæculi, quibus Dominus dixit, Ecce ego
vobiscum sum omnibus diebus, usque in consummationem sæculi?
& deinde, Sed cum ista dicunt, & sine fine moriuntur, & per-
manet Ecclesiæ prædicans brachium Domini generationi omni super-
uentura. Vbi vides clarè perseverantem usque ad finem sæ-
culorum Ecclesiæ. Quam verò Ecclesiæ? Illam ipsam,
quæ fuit Apostolorum, & Martyrum tempore: Illam quam
Deus docuit à iuuentute: Illam quæ Dei mirabilia semper
pronuntiat: Illam quæ prædicat brachium Domini omni
generationi: Illam cui Deus se adfuturum promisit omni-
bùs diebus usque ad consummationem sæculi. Et quia hoc
continetur in Psalmo, quem Augustinus de Ecclesiæ inter-
pretatur: Illam quæ Dei iustitiam & potentiam cantat: quæ
veritatem confitetur: cuius lingua tota die iustitiam medi-
ratur, &c. hæccine conuenire possunt erranti Ecclesiæ? Illi
semper Deus adest, cuius fidem corrumpi sinit? Illa brachium
Domini prædicat & iustitiam, & potentiam, & veritatem,
quæ mendacia spargit? Illa ejus mirabilia annuntiat? Illa
fuit ab eo edocta, quæ aberrat à veritate, & respondet vi-
rilis ætas, quæ falsas admittit opiniones, illi iuuentuti, quæ
tantum sanguinis fudit, vt professionem veritatis conserva-
ret? Nulli ergo dubium esse potest, quin Augustinus uni-
formem statum Ecclesiæ usque ad finem perseveranturæ in-
tellexerit: nec putauerit tam uniformem illius commenda-
tionem quadrare in Ecclesiæ quandam monstrosam & chi-
mæricam, vtpote media sui parte veracem, altera media fal-
laciem. Perstat ergo etiamnum Ecclesiæ verax, & diuinæ
promissione sic perstat: ac proinde perstat infallibilis.

14. Adde quintò quod dicitur in commentario Psalmi 77. *Quis fidelium dubitet Ecclesiam, etiamsi aliis abeuntibus, aliis venientibus ex hac vita mortaliter transit, tamen in æternum esse fundatam?* Quod iterum inculcatur in commentario Psalmi 85. ubi etiam additur, Vnam dici Ecclesiam, & vnam fidelium gentem, quia est omnium *vna fides, vna spes, & vna caritas, vna expectatio.* Vnde manifestè sequitur, Ecclesiam illam quam dicit in æternum fundatam, ita fundatam esse debere, ut eandem fidem retineat. Si enim mutaretur fides, mutaretur vnitas, essentque duæ, non vna Ecclesia, rectè sentiens, & errans: nec posset vlla dici in æternum fundata. non enim illa, cuius amissa jam esset veritas, & veracitas: & multò minùs, illa, quæ mendacium foueret.

15. Adde sextò, quod est in commentario Psalmi 101. ubi refertur calumnia hæreticorum qui dicunt, *Iam hoc factum est, Respondit ei in omnibus gentibus Ecclesia, pariens filios plures, quàm illa, quæ habebat virum. . . . Sed illa Ecclesia, quæ fuit omnium gentium jam non est, peritis.* Quibus ita respondet Augustinus, *Hoc dicunt qui in illa non sunt, ô impudentem vocem! illa non est, quia tu in illa non es? vide ne tu ideo non sis: nam illa erit, etsi tu non sis.* Hanc vocem abominabilem, & detestabilem, presumptionis, & falsitatis plenam, nulla veritate suffultam, nulla sapientia illuminatam, nullo sale conditam, vanam, temerariam, precipitem, perniciosam prævidit Spiritus Dei, & tanquam contra illos cum annuntiaret unitatem: in conveniendo populos in unum, & regna ut serviant Domino; cumque subdidisset, respondit ei, utique laus ejus, utique Hierusalem mater nostra de peregrinatione reuocanda, *fecunda cum multis filiis magis, quàm ea quæ habet virum.* Quoniam quidam dicturi erant contra, fuit & non est: *Exiguitatem, inquit, dierum meorum nuncia mihi. Quid est, quòd nescio qui recedentes à me, murmurant contra me? Quid est, quòd perdidisti me perisse contendunt? Certè enim hoc dicunt, quia fui, & non sum: annuncia mihi exiguitatem dierum meorum. . . . propter illos qui dicunt, implete sunt scriptura, crediderunt omnes gentes, sed apostatauit & peritis Ecclesia de omnibus gentibus.* Atque his in hunc modum propositis, Ecclesiæ quærenti quantitatem ætatis suæ in hoc mundo, Christum inducit respondentem: *Ecce ego vobiscum sum usque ad consummationem sæculi.* Et hanc

esse dicit *exiguitatem dierum Ecclesiæ*, *Quia exiguum est omne quod finitur*, ut jam in aternitatem ab ista exiguitate transeat. Et quasi proprium hoc esset hæreticorum maledictum, dicit postea, *Pereant hæretici*, *Non sibi blandiantur hæretici*, *Nec se extollant hæretici*.

Amabo, quid dicebant hæretici? *Periit Ecclesia*. Et quid intelligebant quando dicebant, *periit Ecclesia*? An putabant factam esse inuisibilem: nec ullam amplius illius speciem superesse? Minimè verò. Ecclesiam illis perisse non aliud erat, quàm *apostataisse*, ut constat ex hoc loco. Apostatare verò quid est aliud, quàm deferere rectam fidem? & quo alio sensu apostatare dicuntur Ecclesiæ, quæ separantur & fiunt hæreticæ, quàm quia fidem perdunt: neque hoc in omnibus articulis, sed vel in vno? Sed quia constans erat communisque tum hæreticorum, tum Catholicorum suppositio, non esse amplius Ecclesiam Christi, quæ aberrasset ab ejus veritate; ideo Donatistæ, qui rebantur id contigisse Ecclesiæ toto orbe dispersæ, dicebant periisse, hoc est, desuisse esse Christi sponsam, quæ simul etiam virgo esse debet, & integræ fidei. Augustinus verò quid reponit? Negat id posse contingere, supposita diuina promissione, qua dixit Christus, *Eccce ego vobiscum sum omnibus diebus usque ad consummationem sæculi*. Negat, inquam, Ecclesiam, cui hoc est promissum, *apostatare* posse. Et contendit Ecclesiam, cui promissa est illa perennitas, esse Hierusalem illam dilectam, quæ dicitur *laus Dei*; Hierusalem, quæ est *mater facies multorum filiorum*, habetque ideo maternum jus obsequium ab illis, & adhesionem exigendi; Hierusalem, in qua gentes omnes, & regna in unum conueniunt, quod intelligi non potest, nisi ratione unitatis fidei. Quomodo *laus Dei* esse potest Ecclesia errans? Qualis mater, quæ filios gignit infideles? & quod jus habere potest ut se filii sequantur in errores ducendi? Quænam etiam fidei unitas, dum nunc fallitur & fallit, nunc recta sentit & docet? Nihil ergo tale Augustinus putauit Ecclesiæ posse contingere.

16. Et notandum est, quòd cum Donatistæ dicerent parti suæ contingere fructum diuinæ illius promissionis: & dictum esse, *vobiscum sum usque ad consummationem sæculi*, Quia

illos prouidebat, Quia pars Donati erat in terra; Augustinus v-
get hoc promitti Ecclesie, in qua conueniunt in vnum populi, &
reges, vt seruiant Domino. Quasi diceret, non quocumque mo-
do promitti Ecclesie, quæ aliquando fuit vniuersalis, ipsam
fore perpetuam, sed illi promitti perpetuam fore ipsius vni-
uersalitatem: & fore vt vsque ad finem sæculi gentium va-
rietatem in vnum colligat. Quod ipsum eadem prorsus ratione
locum habet in fidei, atque doctrinæ integritate, ita vt pro-
mittatur perpetuum fore quod sit laus Dei, quod sit fidelium
mater, quod populos omnes coniungat in unitatem fidei, quod
habeat potestatem, quæ necessaria est ad conseruandam il-
lam unitatem, & consequenter jus imperandi fidem & con-
sensionem: quod Ecclesie mentienti competere non potest.
 Perpetuum ergo in Ecclesia fore Augustinus credidit, hoc
 quod est, esse veram, veracem & veridicam. Plurimum verò
 refert, Nou-Augustinianos aduertere quid Augustinus dicat
 contradicentibus, *Impudentem esse vocem, abominabilem, dete-*
stabilem, præsumptionis, & falsitatis plenam, nulla sapientia illumi-
natam, nullo sale conditam, vanam, temerariam, præcipitem, per-
niciosam. Nam quia delicati sunt sensus, & impatientis ad
 increpationes animi, scire illos expedit, si malè sentire, ac
 loqui pergant de Ecclesia præsentis temporis, impudentiam
 abominatione dignam & detestatione, præsumptionem, men-
 dacia, insipientiam, fatuitatem, vanitatem, & alia id ge-
 neris maledicta, quæ meritò de illis prædicari poterunt, fuis-
 se priùs ab Augustino non ampliùs suo consecrata.

17. Adde septimò, quod in commentario Psalmi 47. vbi
 postquàm dixit Ecclesiam esse montem illum, & ciuitatem,
 in qua *Magnus Dominus & laudabilis nimis*, seu esse ciuitatem
 supra montem positam, quæ abscondi non potest, & lucer-
 nam, quæ sub modio non occultatur: & postquàm monuit,
vt fundamentum nostrum ibi sit; debere nos ibi stabiliri, et non
perflari omni vento doctrinæ. Extra illam qui est nec
audire, nec videre: in illa qui est, nec surdum esse, nec cæcum.
 subdit postea, *Non insultent heretici per partes concisi: non se ex-*
tollant qui dicunt, Ecce hic est Christus, ecce illic. Qui dicit, Ecce
hic est, ecce illic, ad partes inducit, unitatem promissit Deus. Re-
ges in vnum collecti sunt, non per schismata dissipati. Sed fortè ista

ciuitas, quæ mundum tenet, aliquando euerteretur. Absit. Deus fundauit eam in æternam. Quid times, ne cadat firmamentum? Ecce perpetuitatem Ecclesiæ: & illius Ecclesiæ, in qua nos oportet stabiliri, & statuere doctrinæ fundamentum, ne circumferamur omni vento: Ecclesiæ, cui adhærendo, nec cæci, nec surdi ad veritatem esse possumus: Ecclesiæ, cui contradicendo nec audiri verum potest, nec videri: Ecclesiæ ab hæreticorum conuentibus distinctæ, hoc est, ab Ecclesiis, quæ labuntur in errorem: Ecclesiæ demùm in qua est vnitas fidei gentium omnium. O Nou-Augustiniani, hæccine Ecclesia falli potest? Si potest, supponamus factum quod est possibile. Iam quomodo poterimus in tali Ecclesia statuere fundamentum fidei nostræ, in eaque stabiliri? Quomodo veritatem audiet aut videbit, qui erranti credet? Quomodo ad illam cæcus erit, aut surdus, qui contradicet? Vbi erit vnitas in illa errantium & non errantium differentia? Et quomodo ab hæreticis distinguetur quæ similiter errabit? Fatemini ergo perpetuam esse apud Augustinum incorruptæ atque intemeratæ fidei Ecclesiam, atque adedò Ecclesiam vi diuinæ promissionis infallibilem, & quia illa perpetua est, infallibilem esse præsentis temporis Ecclesiam, esseque non ridiculos modò, sed tanquam de matris suæ integritate male suspicaces ad tribunal sancti Augustini plectendos, qui necesse putant regredi ad tempora Basilij, vt stabiliantur & fundamentum inueniant Catholicarum veritatum.

18. Oñtaudò idem eodémque sensu docet Augustinus in commentario Psalmi 61. *Hic tamen fratres, quia non modico tempore futura erat Ecclesia in hac terra, sed hic erit Ecclesia vsque in finem sæculi; ideo hic dixit, inquilinus ero in tabernaculo tuo vsque in sæcula. Non vincetur Ecclesia, non eradicabitur, non cedes quibuslibet tentationibus, donec veniat huius sæculi finis. & deinde, Bene, paucorum dierum velles esse tentationes; sed quomodo colligeret natos omnes nisi diu hic esset; nisi vsque in finem protenderetur. Noli inuidere cæteris post-futuris. Noli quia jam transisti, potem misericordiam velle præcidere. Sit hic vsque in sæcula. Et quid de tentationibus quæ necesse est vt abundant, quanto magis veniunt scandala? Sed illa Ecclesia quæ clamat à finibus terra, in his est de quibus sequitur dicens, Qui persēuerauerit vsque in finem hic saluus erit.*

Vires autem ad perseuerandum trahendas dicit ex eo quod subiungit Propheta, *Cooperiar in velamento alarum tuarum*. Vides vt hic quoque Augustinus ex certitudine diuinæ protectionis colligit Ecclesiam nec vincendam, nec cessuram vquam tentationibus aut scandalis. Iam autem cessisset & victa esset, si conuinci posset alicujus erroris. De qua enim re potissimum certatur? nonne de doctrina? In hoc autem certaminum genere quis vincitur, quisve cedit, nisi ille qui errasse conuincitur? Nulla igitur talis conuictio cadere in Ecclesiam potest, nec consequenter vlla talis accusatio.

19. Nonò, idem quoque in commentario Psalmi 148. vbi dicit Ecclesiam Sanctorum vsque ad tempus messis perseueraturam, hoc est, vsque ad finem sæculi. Et addit, *Ergo Ecclesia Sanctorum Ecclesia Catholica est. Ecclesia Sanctorum non est Ecclesia hæreticorum. Ecclesia Sanctorum illa est, quam præsignauit Deus antequam videretur, & exhibuit vt videretur. Ecclesia Sanctorum erat antea in codicibus, modò in gentibus. Ecclesia sanctorum antea tantummodò legebatur, nunc, & legitur, & videtur. Quando solum legebatur, & colebatur: modò videtur, & contradicitur*. Vix est vt Nou-Augustiniani cunctentur accipere Catholicas veritates ab Ecclesia Sanctorum: aut vt sperent se illas aliunde tutius accepturos quàm ab illa. Atqui Ecclesia Sanctorum futura est vsque ad finem sæculi: & nunquam est futura Ecclesia hæreticorum, hoc est, errantium. Possunt igitur semper accipi Catholicæ veritates ab Ecclesia Sanctorum, & consequenter etiam hoc tempore: seu ab Ecclesia hujus temporis, postquàm hujus temporis Ecclesia est Ecclesia Sanctorum, & non est Ecclesia hæreticorum.

20. Decimò, idem & in tractatu 124. in Ioannem, vbi dicit quando Petro dictum est, *Tibi dabo clauēs regni cælorum*, significasse illum Ecclesiam quæ in hoc sæculo diuersis tentationibus, velut imbribus, fluminibus, tempestatibus quatitur, & non cadit, quoniam fundata est super petram, vnde Petrus nomen accepit, vel vnica, vel præcipua est Ecclesiæ illa tentatio, qua conatur inimicus auulsam à veritate in errorem impellere. Sed vides vt Augustinus nequaquàm putat posse succumbere. Posset autem, si posset errare vel præsentis vel alterius cuiuscunque temporis Ecclesia.

21. Undecimò, idem in libro primo de Symbolo ad Catechumenos, cùm dicit, *Demonstratus Deus, & templum ipsius.* Cap. 6:
Templum enim Dei sanctum est, ait Apostolus, quod estis vos. Ipsa est Ecclesia sancta, Ecclesia una, Ecclesia vera, Ecclesia Catholica, contra omnes hæreses pugnans. Pugnare potest, expugnari tamen non potest. Hæreses omnes de illa exierunt tanquam sarmenta inutilia de vite præcisa. Ipsa autem manet in radice sua, in vite sua, in caritate sua. Porta inferi non præualebunt aduersus eam.

22. Adde quod reperit libro quarto, *Propterea hujus conclusio* Cap. 4:
sacramenti per sanctam Ecclesiam terminatur, quoniam si quis absque ea inuentus fuerit, alienus erit à numero filiorum.... Ecclesia mater est spiritalis. Ecclesia sponsa Christi est, gratia ejus dealbata, pretioso sanguine dotata. Totum possidet quod à viro suo accepit in dote. Lego tabulas matrimoniales ejus, recitabo. Audite hæretici quid scriptum sit. Oportebat pati Christum, &c. Omnes gentes totus mundus est. Ecclesia totum possidet quod à viro suo accepit in dote. Quicumque congregatio cujuslibet hæresis, in angulis sedet: concubina est, non matrona. O hæresis Ariana, quid insultas? quid exufflas? quid etiam ad tempus multa usurpas? Injuriam à te patitur Domina ab ancilla, multas tibi ingeris contumelias. Licet hæc doleat, non te magna metuit sponsa Christi, sancta Catholica. Cùm enim respexerit ille sponsus, ejicietis tu, ut ancilla cum filiis tuis... Cognoscatur una sancta & vera regina Catholica, cui Christus regnum tale dedit: quod eam per totum mundum diffundens, ab omni macula & ruga mundans, totam pulchram suo aduentu preparauit.

Vel fuit expugnata Ecclesia quæ est præsentis temporis, vel non: si fuit expugnata, fallitur Augustinus: si non fuit; ergo ab illa tutò accipi possunt Catholicæ veritates: ergo non est necessarium ascendere retrorsum vsque ad tempus Basilii, ut illæ accipiantur. Item, vel manet in radice sua, & vite, vel non: si non manet, fallitur Augustinus: si manet, ergo nusquam meliùs, aut tutiùs fidem inserimus. Item, vel perinde perstat inuicta contra cæteras hæreses, ac contra Ariana, vel non: si non perstat, fallitur Augustinus, qui nihilo fortiozem putauit contra Arrianos, quàm contra alios hæreticos: si perstat, ergo nullam ab eis accepit erroris impressionem, hoc enim esset vinci. Item, vel conseruat adhuc jus maternum & dotale, & illam sanctitatem, veritatem, vnitatem, auctoritatem, & dignitatem

regiam, & nitorem illum sine macula, & ruga, vel non: Si non conseruat, fallitur Augustinus, qui Christo credidit dicenti, *Porta inferi non praeualebunt aduersus eam*: multum enim praeualuissent, si partem aliquam tam pretiosae dotis detra-xissent: Si conseruat, nullum igitur habet errorem, nullam peruersam legem, aut consuetudinem. Quia si haberet, non esset sine macula, & ruga: nec esset sancta, & vera: nec ser-uaret illam, quae debet esse talis sponsae cum tali sponso con-sensionem: nec est auctoritas vlla, nec ius, nec potestas, quae postulet, vt certò, & sine haesitatione credatur matri, quae putatur à patre dissentire, atque illi contradicere. Denique illi, qui putant errores esse, quae sunt generalia Scholastico-rum dogmata, & maiorem Ecclesiae partem illis posse con-sentire; cum deserant ipsi sensum vniuersalem, & vnitatem communis fidei, vt paucorum opinionem, & exiguae factio-nis placita sequantur; videant in quod diuersorium intraturi sint. Augustinus enim illis hospitium consignauit apud concubinam.

Ep. 56.

23. Duodecimò, insignis locus est in epistola ad Dioscorum, vbi sic loquitur: *Conantur ergo AVCTORITATEM STABILISSI-MAM FVNDATISSIMAE ECCLESIAE quasi rationis nomine, & pol-llicitatione superare. Omnium haeticorum quasi regularis est ista semeritas. Sed ille fidei Imperator clementissimus, & per conuenius celeberrimos populorum, atque gentium, sedesque ipsas Apostolorum, ARCE AVCTORITATIS MVNIVIT ECCLESIAM: & per pauciores piè doctos, & verè spirituales viros, copiosissimis apparatibus etiam inuictissima rationis armavit. Verum illa rectissima disciplina est, IN ARCEM FIDEI quàm maximè recipi infirmos, vt pro eis jam tu-rissimè positis fortissima ratione pugnatur. Duos ad persuaden-dum modos Augustinus proponit: auctoritatem, qua fi-des imperatur; rationem, qua probatur id quod proponitur. Et auctoritatem quidem vides qualem & in quo ponat, sta-bilissimam nimirum in Ecclesia fundatissima. Vides etiam sta-bilitatem illam, & firmitatem Ecclesiae fundatissimae, qua specie repraesentet, arcis videlicet, & quidem inexpugnabilis, postquam turissimè positi dicuntur qui se in eam receperunt. Iam quaero à Nou-Augustinianis, vel durat haecenus Ecclesiae auctoritas illa, vel non: Si non durat, fallitur Augustinus, qui*
stabi-

stabilissimam vocavit, & *fundatissimam*. Si durat, ergo est à quo recipiamus certò, ac sine periculo errandi, Catholicas veritates, Ecclesia, in qua viuimus, quam videmus, & loquentem audimus: nec est necesse recurrere ad tempora Basilii: nec quisquam meliùs docere nos potest quid sentiret Ecclesia tempore Basilii, quàm Ecclesia, quæ fidem imperat *stabilissima* hodieque autoritate. Itém, vel arcem illam error occupauit, vel non: si occupauit, fallitur Augustinus, qui *tutissimè positos* dixit eos, qui se in eam recepissent: & vel malus fuit Architectus, qui fundauit, & fabricauit tam malè fundatam Ecclesiam: vel Imperator ille fidei parum prouidus, qui arcem auctoritatis, qua custodiebatur, occupari passus est: Si non occupauit, stat igitur hodièque in arce illa pura fides nullis erroribus permixta: ac prouidè nullum est periculum, ne Catholicas veritates postulantibus offerat. Et quis non videt, Augustino iudice, rem hanc non esse liberæ optionis, sed adigi quemlibet parendi necessitate, vt assentiatur Ecclesiæ præsentis temporis? Ecce, *Imperator fidei* auctoritatem ad credendum necessariam in Ecclesia posuit, & stabilem posuit, ac proinde ad hoc tempus duraturam, ex Augustino: ergo imperat vt credamus Ecclesiæ ad hoc vsque tempus duranti. Qui enim fidem imperat, imperat vt credamus ei, cui dedit auctoritatem, qua fides niti debet: Sed Deus, qui fidem imperat, dedit illam auctoritatem Ecclesiæ, vt dicit Augustinus, & ad hoc vsque tempus dat, postquam stabilem dedit, & quam ipse semper esset conseruaturus: ergo Deus imperat vt credamus Ecclesiæ: ergo quicumque contradicit, vel suspicatur communem Ecclesiæ hodiernæ fidem, & dubitabile putat, ac disputabile quod illa statuit, Augustino iudice, præcipienti Deo repugnat. Sunt ergo ridiculi *Discipuli Traditionis*, qui Ecclesiam præteriti temporis quærunt in monumentis tantum sanctorum Patrum, cùm constet ex Augustino, Ecclesiam præteriti temporis auctoritatem dare Ecclesiæ temporis præsentis, cui necesse sit subijci.

Et tandem interrogandi sunt, qua se potissimùm arce tutos putent, an illa, quæ fuit & non est; an illa, quæ fuit & adhuc est? Si primum, sunt, vt dicebam, ridiculi, qui securitatem sperant ab arce destructa. Si secundum,

etiamnum ridiculi sunt, qui se tutandos putant, non ab hac arce quatenus est, sed quatenus fuit, quasi verò iuuare aliquid possit, nisi quatenus est.

Ep. 219.

24. Denique ut constet qualem Ecclesiam commendet Augustinus, ut ei credamus; audiendus est cum dicit, *Sed Ecclesia Dei inter multam paleam, multaque zizania constituta, multa tolerat: & tamen* QUÆ SVNT CONTRA FIDEM, VEL BONAM VITAM NON APPROBAT, NEC TACET, NEC FACIT.

Lib. 3. de
stat. pur.
nat. cap. 22.

Dicant Nou-Augustiniani an non tacuerit Ecclesia, quando, ut volunt ipsi, tacere iussit Doctores omnes, ne vulgarent fundamentales antiquæ fidei veritates, nève contradicerent contrariis erroribus jam quaquaversum per Ecclesiam receptis? Addendum & illud, *Ecclesia concessit Christus in spiritu, quod mater ejus habet in corpore, ut & mater, & virgo sit.* Et

De verbis
Dom. ser.
50.

Serm. 119.
de temp.

loquitur de Ecclesia toto orbe diffusa, & usque ad finem perseveratura contra Donatistas, qui contendebant esse illam in parte tantum Africæ. Quod si scire cupis qualis sit Ecclesiæ virginitas, ille ipse docet cum dicit, *Et venit, & virginem fecit, Ecclesiam virginem fecit.* IN FIDE VIRGO EST. Ut quid ergo Nou-Augustiniani malum cogitant in cordibus suis contra matris dignitatem, contra gloriam diuini illius sponsi, contra suum suorumque fratrum proprium quoddam, & singulare decus? Videri nolunt virginis filii, neque alios dici patiuntur: & quam Deus dotalem fecit, esse negant incorruptam Ecclesiæ fecunditatem. *Alteratam* dicunt. Sed res est delicata virginitas, & quæ pati nequit alterationem. Et verò quæ potest esse alteratio sine admixtione contrarii? Contrarium si miscetur, ubi est puritas? Quæ autem & qualis esse potest virgo cui puritas deest? Sed errent illi quantum volent usque ad patris, & matris, & fratrum, & sui etiam ipsorum injuriam, dum constet, teste Augustino, id eos facere contra positam ab ipsis regulam, & Ecclesiam primitiuam quam definiunt *Ecclesiam in sua puritate*, doctrinæ puritatem illam extendere in omnem ætatem: ac proinde puram esse doctrinam Ecclesiæ præsentis temporis,



CAPVT VI.

Nullis minùs quàm Nou-Augustinianis exploratam esse traditionis disciplinam.

I. **T**RADITIONIS vsus, atque authoritas ad doctrinæ confirmationem, Ecclesiæ res est: vixque reperiantur extra qui eo principio nitantur. Platonici, Aristotelici, Hippocratici, Galenici doctrinæ traditionem qui jactet non facile inuenias; nec vlli sunt qui Ptolomæi, vel Euclidis, sed neque Iustiniani, aut aliorum id genus in qualibet facultate principum hæreditariam penes ipsos doctrinam seruari *ex traditione* contendant. Cujus rei non abs re fortasse fuerit causam cognoscere. Nam si nihil aliud requireretur, quàm vt haberemus monumenta, quibus antiqui suam doctrinam tradiderunt, nemo est qui non possit, & Aristotelis, & Platonis, & aliquorum etiam quos olim habuere discipulorum libros ostendere. Nemo etiam impeditur quo minus totam in eis versandis & commentandis ætatem possit conterere. Quòd si cuiquam libuerit, velitque ille quasi singulari quadam nota Philosophiam suam designare, quod sit *Philosophia traditionis*; seque ipsum veluti proprio charactere discernere ab aliis, quòd sit *Discipulus Traditionis*, nemo etiam erit qui non liberaliter rideat ineptam nouorum titulorum ambitionem. Nempe quia insitum animo est, non satis esse quod eorum libri qui tradendis olim scientiis incubuerunt per manus ad nos peruenerint, & à nobis legantur diligenter, & attentè, vt censeamur accipere doctrinam *ex traditione*: Sed aliud quippiam requiritur. Quid verò illud est? Si vna quædam esset schola, in qua constaret Aristotelem docuisse, ac fuisse continuam deinceps in eadem successionem discipulorum, ac docentium id quod erat initio traditum; qui scholam illam frequentarent dici possent *discipuli traditionis*: & illa Philosophia esset *Philosophia traditionis*. Sed quia nulla vsquam est talis schola, ideo neque vlla vsquam est talis Philosophia,

nec tales discipuli. Non est itaque doctrina traditionis illa quæ non est successiua, nec si quis ingenii, ac diligentia suæ beneficio in antiquorum libris verum detegat mediis temporibus incognitum, ideo dici potest didicisse verum *ex traditione*; quod illa interruptio successionem doctrinæ tollat ad traditionem necessariam.

2. Vnde sequitur minimè sufficere inter Theologos quod aliquis Augustini libros per manus ad nos delatos habuerit, eisque intelligendis continuo viginti duorum annorum studio impalluerit, vt dici possit callere ipsum *Theologiam traditionis*. Quidni enim pari ratione diceretur ille callere Philosophiam traditionis, qui Platonis libris ad hoc vsque tempus etiam seruatis similiter incubuisset? Augustini scientia inquires, erat scientia traditionis; vnde qui conantur illam studendo participare, censendi sunt participare scientiam traditionis. Verum supponamus Epicteti, Plotini, Iamblici Philosophiam fuisse Philosophiam traditionis; quin & ipsam Platonis Philosophiam non à Socrate modò, sed à Chaldæis etiam acceptam; num ideo qui totus erit in legenda, & comprehendenda Platonis, & Platoniorum Philosophia, Philosophus traditionis appellabitur? minimè verò. Nec si daremus Galenum didicisse Medicinam ex traditione, ideo dicerentur studiosi operum Galeni, Medici traditionis. Vt enim non est consequens vt si quis quippiam didicerit ex reuelatione, omnis qui ab isto quocumque modo id ipsum accipit dicatur id scire per reuelationem: ita nec sequitur vt si quis successiua, & continua traditione quippiam acceperit à maioribus, id ipsum eadem ratione peruenire dicatur ad eos, qui rem eandem eruunt ex ejus scriptis post hiatum multorum sæculorum quibus ea mansit incognita. Vt omittam ne ipsum quidem Augustinum, si fides habenda Nou-Augustinianis ex traditione accepisse quæ docuit: sed ex propria quadam, atque diuina illustratione. Quis enim illi tradere potuit veritates illas, quæ in Ecclesia incognitæ ante ipsum erant, cæteris Patribus, vt dicunt, Origenem secutus Semipelagianismo præludentem? Et quid est quod dicunt *alijsimam illam Theologiam quam omnis posteritas admiratur*, NEMINE PRÆEVNTE, mox à baptismo illi cælitus inspiratam? Ex traditione acceperit,

quod accepit *nemine præunte*? Restat ergo nihilo magis dici posse discipulum traditionis qui discit Augustini libros legendo, quàm qui discit legendo libros Aristotelis.

Neccessaria ergo successio est, quâ dum continuò manus tradentium, atque accipientium connectuntur, catena fiat: vnde qui vltimum tradit annulum dicere possit & primum sequi. Ac proinde qui repudiata præsentium temporum doctrina, & vno saltu prætergressus duodecim sæcula, resilit in auersum ad ætatem Augustini, vt Catholicas veritates inueniat tot annis sepultas; non dico quàm ille sapienter faciat, quantumve sperare possit ejus operæ pretium; sed hoc pugnaciter contendo, quicumque tandem esse possit hujus consilii fructus, dici tamen illum non posse *discipulum traditionis*, nisi ab iis qui notionem vocum perdiderunt. Quodd si hoc etiam consequutus est labore improbo, quod videmus accidisse Nouo Augustino, vt occupatus iis opinionibus quas se haurire putat ex prioribus sæculis, contradicat iis quæ tradit Ecclesia in qua viuit: vt quid ille traditionem jactet, cùm ejus nec rationem scire nec regulam tenere clarissimum sit.

3. Neque aliud Augustinus voluit quando tories inculcat continuam Romanorum Pontificum successionem ad refellendos hæreticos. Duo quippe intendebat illa probatione; Primum, vbi non esset illa successio, esse non posse traditæ doctrinæ certitudinem. Agitur enim de doctrina fidei, ad quam persuadendam diuina quærenda est auctoritas, qua carent ii, qui recurrere non possunt ad diuinum fidei magistrum: & hic recursus impeditur interrupta serie discipulorum ab illo continuè descendentium; Secundum, vbi esset successio, non posse non esse certitudinem doctrinæ, quando in serie sibi succedentium inueniri non potest aliud doctrinæ, quam docemur, exordium? Ita enim Augustinus, contra Donatistas diuinam institutionem coniicit ex consuetudine, *quam homines sursum versus respicientes non vident à posterioribus institutam. Quod vniuersa tenet Ecclesia, nec Conciliis institutum, sed semper reseruum est, non nisi auctoritate Apostolica traditum rectissimè creditur.* Nec alia fuit ratio, cur Ecclesiam, in qua notum erat successionem hujusmodi fuisse, dixerit

Lib. 4. de
bapt. cap. 6:
& cap. 24.

Epist. 56. Augustinus *authoritatū arce à Deo munitam.*

4. Atque hoc ipsum intendunt alii SS. Patres, ut S. Iræ-
 nus, qui cū dixisset, *Apostolos quasi in depositarium diues*
 Lib. 1. con. hæref. c. 4. *plenissimè in Ecclesiam contulisse omnia quæ sunt veritatis*, addit
 postea, *Obaudire nos oportet presbyteris Ecclesia, qui successionem*
 Lib. 4. c. 43. *habent ab Apostolis*, QVI CVM EPISCOPATVS SVCCESIONE CHA-

RISMA VERITATIS CERTVM, SECVNDVM PLACITVM PATRIS
 ACCEPERVNT. Vbi clarè vides depositum veritatis Ecclesiæ
 manibus ab Apostolis ita commissum, ut ad nos non aliter,
 quàm successionis beneficio perueniret. Iam verò non nega-
 bunt, opinor, Nou-Augustiniani, *Ecclesiæ presbyteros esse*
 Pium V. Gregorium XIII. Urbanum VIII. Innocentium
 X. sed neque hoc negabunt, quod fateri coguntur hære-
 tici, successionem ad illos fuisse continuam jam inde à Di-
 uo Petro Christi Vicario. Petimus autem insuper, an fatean-
 tur accepta pariter fuisse *cum Episcopatus successionem veritatis cha-
 rismata*, necne? Si negare audent, actum est de traditionis
 certitudine. Quis enim illi fidem faciet, & vnde sciam non
 fuisse inuentum quod dicunt traditum? Si concedunt, qua-
 re quas illi tradunt veritates non accipiunt, contra Consti-
 tutiones eorum disputantes.

5. Eadem est Athanasij sententia, lib. 1. de decretis Nicæ-
 næ Synodi. *Ecce nos quidem*, inquit, *à patribus ad patres per*
manus traditam fuisse hanc sententiam demonstrauimus, *vos, ô no-*
ni Iudæi, & Caipha filij, quos tandem nominum vestrorum potestis
ostendere progenitores? Vides hic quoque quomodo beneficio
 successionis veritas ad nos descendit, dum à patribus ad pa-
 tres per manus traditur. Annon igitur ita tradiderunt Basilus,
 Ambrosius, Augustinus? An non similiter, & illi, quibus
 ipsi tradiderant, & consequenter ad nos vsque? Ergo qui
 modò sunt, & qui nudius tertius in Ecclesia successores san-
 ctorum Patrum, per manus acceperint traditionem. Quid
 igitur cunctamur adire vltimos? Et cū eo tantum modo
 fieri possit, ut Ecclesia temporis sancti Basilij ad nos perue-
 nerit, dum continua illa successionem eadem sit cum Ecclesia
 temporis Urbani, & Innocentii, quam ratione persuadere
 nobis certiùs possumus, nos accipere Catholicas veritates ab
 Ecclesia temporis sancti Basilij, quàm quia eas accipimus ab

Ecclesia temporis Urbani, & Innocentij? Apertiùs adhuc Epiphanius hæresi 55. ubi traditiones vocat *successiones doctrinæ*. Vnde sequitur ex ipsius mente propriam traditionis naturam tollere, qui doctrinæ interruptionem, quæ successioni contraria est, inducunt.

6. Tertullianus eodem argumento premit hæreticos, *Edant*, De præfct. inquit, *origines Ecclesiarum suarum, evolvant ordinem Episcoporum* cap. 32. *ita per successionem ab initio decurrentem, ut primus ille Episcopus aliquem ex Apostolis, vel Apostolicis viris, qui tamen cum Apostolis perseveraverit, habuerit auctorem, & antecessorem.* Et patet cur successionem illam Tertullianus requirat. Nimirum ut veritas esse præsumatur in ea Ecclesia, quæ successionem doctrinæ probare potest per successionem Episcoporum, quando constat in Episcoporum ordine nullum assignari posse, qui author sit ipse eorum dogmatum, quæ ad nos pervenere, sed hæres, accepta semper à prioribus eâ fide, quæ posterioribus tradebatur: Esse enim in Ecclesiis illis per Apostolos constitutis, *traducem fidei, & semina doctrinæ*, quæ ceteræ deinde mutuentur: Esse illas *matrices, & originales fidei*; ideoque *deputandam veritati doctrinam, quæ cum illis confites, reliquam omnem de mendacio præjudicandam.* Atqui ut constet hanc esse necessariam traditionibus probationem, audiendum quod paulo antè dixit, nimirum, *ubi apparuerit esse veritatem disciplinæ, & fidei Christianæ, illic fore veritatem scripturarum, & expositionum, & omnium traditionum Christianarum*: hoc autem apparere inquirentibus, quibus competat fides ipsa, à quo, & per quem, & quando, & quibus sit tradita disciplina, qua sunt Christiani. En quò pertineat ille *ab initio decurrens* Episcoporum ordo: ut scilicet dicere possimus id, quod docet is, qui modò præest Ecclesiæ, acceptum esse ab Antecessore, qui rursus à prædecessore sic audiuerat, & sic deinceps usque ad Apostolos, vel Apostolicos viros, citra quos nullum assignatur initium acceptæ doctrinæ. Quò spectabat illud etiam Irenæi dicentis, consulendas esse *antiquissimas Ecclesias*, nempe illas, quæ olim ab Apostolis, vel Apostolicis viris fundatæ sunt, ut hodie nos doceant quod olim audiuerunt.

7. Nimirum ut familiarum, ita & Ecclesiarum, ex successione probatur antiquitas: & ut familia illa, quæ hodie

lib. cap. 20.
21.

lib. cap. 19.

Cont. hæres.
lib. 3. c. 4.

viget, antiqua dicitur, vel antiquæ nobilitatis, ex longa generationum successione ab illo, qui primus nobilitatem intulit; ita & Ecclesiæ dicuntur antiquæ, vel antiquæ autoritatis ex longa successione ordinationum eorum qui ipsi præfuere, usque ad illum à quo fuit principium autoritatis. hanc autem prærogatiuam Ecclesiæ Romanæ vel soli, vel præ cæteris omnibus competere in confesso est apud omnes. Est igitur illa vel sola, vel præ cæteris omnibus sine controuersia *Antiquissima*, est *Matrix Ecclesia*, & *Originalis*, habet *fidei traducem*, & *semina*, *disciplina* pariter *veritatem* continuâ illâ ad hunc usque diem successione firmatam. Ergo si usquam est, in ea est *veritas scripturarum*, & *expositionum*, & *omnium traditionum Christianarum*. Ergo doctrina omnis quæ cum illa non conspirat, *de mendacio præjudicanda est*. Ergo nemo certus esse potest de veritate traditionum, si illa dubitet; multò minùs si contradicat: Ergo hæc potius suggerenda, quærenda, inuenienda est regula & *traditionis*, & *Catholicarum veritatum*: Ergo illi soli sunt probabiles *Discipuli traditionis* qui Romanam Ecclesiam consulunt, ut discant quid traditum sit tum ab Apostolis, tum ab antiquis Patribus, quod pertineat ad fidem: Illi veri *defensores traditionis* qui hujus Ecclesiæ autoritate tuentur quod traditum est, & ritè traditum esse contendunt: Et illa germana est, sincerâque *Theologia traditionis*, quæ argumentatur ex iisdem principiis, ut concludat vel esse vel non esse aliquam traditionem Catholicæ veritatis, prout testimonio perseuerantis ad hunc usque diem Ecclesiæ vel confirmatur, vel reiicitur. Quod si quis hoc testimonio relicto reuolat in priora sæcula, & ex Patribus tantùm ita præsidium accersit, ut Ecclesiam præteriti temporis nosse nolit ex vultu atque sermone Ecclesiæ temporis præsentis; ille nequaquam dici debet Traditionis Defensor, sed Destructor: nec Discipulus, sed Adversarius: nec hujus etiam Theologia, Theologia dicenda est Traditionis, nisi eâ significatione quâ intelligatur esse Theologia proditionis.


8. Quare iuvat sub finem hujus disputationis Nou-Augustinianos compellare iisdem verbis quibus olim Augustinus Donatistas: *Ecce Ecclesia, rogo quid patimini? Ecce Ecclesia tot*

mani-

manifestissimis sanctarum scripturarum, adde & sancti Augustini *testimonis commendata, & expressa, prædicta, & demonstrata*. Scire vultis quæ sit ratio, quæve efficacia gratiæ medicinalis? Quæ sit in Deo circa salutem reprobatorum providentia? Quis modus administrandi sacramenta Pœnitentiæ, & Eucharistiæ? Ecce Ecclesia, interrogate illam: Quo fugitis à præsentem ad absentem? Catholicas dicitis veritates quæ damnata sunt in Novo Augustino-propositiones, ecce Ecclesia cui Deus testimonium perhibet veritatis, & veracitatis. Tradita olim ab Ecclesia prædicatis, quæ somnia vestra sunt. Ecce Ecclesia quæ nihil tradidit quod non etiam servavit, conferte quod desumptum putatis, cum eo quod relictum in ea est. Sed Ecclesia, inquit, nos ad Augustinum mittit: O viri boni! Ecclesia vos ad Augustinum mittit, sed redituros. Augustinum adite per nos licet. Sed audite vos monentem; *Ecce Ecclesia*. Ecce, inquit, Ecclesia, cui Deus successionem promissit perpetuam usque ad finem sæculorum: cuius successionem auctoritatem adjunxit, ad fulciendam fidem: & auctoritati potestatem ad eam imperandam: Et hæc omnia conclusit *arce firmissima, fundatissima, & inferi portis inexpugnabili*. Adite, inquam, Augustinum; sed illum sequimini reducentem vos ad Ecclesiam, atque dicentem quæ præteriti temporis erat, factam esse temporis præsentis. Illam enim ipsam fuisse ad nos usque, ac deinceps duraturam. Credite igitur Augustino, & cum vobis dicitur, *Ecce Ecclesia*, demonstratâ illâ quæ præsens est, quæ vivit, quæ loquitur, quæ vos audit & hortatur, & monet; existimate demonstrari vobis Ecclesiam temporis sancti Basilii, & ipsius etiam sancti Augustini, postquam eam illi dixere ad nos peruenturam. Discite igitur ab illa Catholicas veritates: & tunc eritis veri Traditionis discipuli.

9. Calvinizant scilicet hujusmodi Doctores, ut in aliis pluribus, ita & in hac controversia. Neque enim Calvinus, quem tamen constat acerrimum fuisse Traditionum impugnatores, negare voluit ex Traditione, quæ ad usque tempora sanctorum Patrum Basilii, Ambrosii, Augustini à temporibus Apostolorum pervenit; colligi potuisse Catholicas veritates: cum fateatur nullam quatuor aut quinque illis sæ-

culis factam esse doctrinæ mutationem vel Romæ, vel alibi: ac proinde censeat argumentum petitum ex continua successione Romanorum Pontificum fuisse iis omnibus qui adhærebant Ecclesiæ Romanæ argumentum idoneum ad confutandos omnes errores. Sed quia deinde stante licet Pontificum successione defuisse putat successionem doctrinæ, ideo adduci nunquam potuit, ut quæ consequentibus temporibus ab Ecclesiâ sunt definita reciperet, causatus doctrinam esse corruptam: Videant qui scientiam Traditionum ostentant quid ipsi minùs dicant, dum docent Ecclesiam primis illis temporibus fuisse *in sua puritate*, deinceps verò fuisse *alteratam*: & sciant, si scire volunt, quod docuit Augustinus, non fortè fortunâ, neque ad tempus, ut Calvinus voluit; sed certâ providentiâ, atque immobili decreto Dei constitutum, ut cum perpetua successione pastorum, perpetua esset divinæ doctrinæ propagatio: nec ob aliam causam promissam successioni perpetuitatem, quàm ut perpetua esset doctrinæ veritas: atque hac confessione distingui Catholicos ab hæreticis. Quod si admittunt, iterum atque iterum inculco *Ecce Ecclesia*, petamus ab illa decisionem nostrarum controversiarum. Sed illi *caput torquent*, & *oculos claudunt*, ne præsentem aspiciant, maluntque præteritam somniare: & sub meridiano Sole clamant, *tenebræ, tenebræ, ignorantia, ignorantia, cecitas, portenta errorum*: ac tanquam timerent ne in occurrentem ultro Ecclesiam offenderent, manu etiam sibi cauent, quod solent nocturni ambulatores. Hic erat, ut antea narratum est, habitus Aurelii Bicephalorum Magistri, cui hoc vnum concedi potest, jure illum clamare potuisse, *tenebræ, tenebræ* postquàm oculos clauserat.



CAPVT VII.

Non sufficere ad infallibilitatem Ecclesia quod illa rectè credat, & fidem suam palam in precibus & orthodoxis loquendi formulis profiteatur, si erret in eorum intelligentia.

I. **N**OV-AVGUSTINIANI dicunt Ecclesiam nullo erroris *in fide, aut hærescos crimine sædendam, etiamsi non exigua sed maxima ejus pars in obscuris quæstionibus aliter quàm se res habet opinando conjiceret.* Satis nimirum esse quòd rectè credat, fidemque suam palam in precibus, & orthodoxis loquendi formulis fateatur, etiamsi deinde in eorum intelligentia, & explicatione filii ejus conflictentur variis opinionibus, quibus occultè FIDES IPSA QUAM TVENTVR EVERTATVR. Atque hoc contigisse in plerisque capitibus doctrinæ, in quibus ab Augustino Scholastici recessere. Nempe rectissimam fidem ab vniuersa Ecclesia seruatam in suis canonibus, & precibus, ipsaque oratione Domini; sed quia vim eorum non attendunt, aut non intelligunt; hinc diuersis opinionibus à se diuulsos, QUIBUS INADVERTENTER FIDEM ALIQVI, QUAM CATHOLICE PROFITENTVR, INTERIMVNT. Sed quemadmodum in Sacramentorum administratione, intentio faciendi quod facit Ecclesia, corrigit latenter opiniones, quibus falsa, imò & hæretica de Sacramentorum formis opinantur, ita & hîc fidem immobilem, qua credunt verum esse quod in canonibus, vel oratione ad Deum fusa profitentur; corrigere falsas opiniones, juxta quas cum animi submissione sub tribunal Ecclesia fidem explicant: ita ut inde nulla in animum credentem hærescos labe cadat.

2. Vnde concludunt, Nullam scholasticarum opinionum vetustatem QUANTOCVMQVE PATROCINANTIVM NUMERO ROBORATAM, QUIBUSCVMQVE LOCIS DIFFVSAM, QUOTCVMQVE ÆTATIBVS PROPAGATAM, fidem Ecclesia labefactare, aut maculare: nec impedire quo minùs ea hujusmodi opiniones ad incudem reuocet, & de nouo examinet: nec sapienter facturum qui recentiorum Doctorem numerositate, vel authoritate moueatur,

vnum Augustinum præferendum esse *quantumlibet numerosæ repugnantium multitudini*: Ad ipsum prouocandum *ab omnibus quantumlibet numerosis*: incomparabiliter magis illi vni credendum, *quàm iis, qui sibi de benigniori Ecclesiæ censura gratulantur.*

3. Ex quibus constat id, quod dicunt fieri posse, vt aliqui fidem, quam rectè profitentur in communibus loquendi formulis, & oratione Dominica, praua intelligentia *interimant, & eueriant*; non intelligi tantùm de vno, aut altero, sed de maiori parte Doctorum, & Doctoribus adhærentium, hoc est, de maiori parte Ecclesiæ. Hoc enim ostendit primò, quòd supponunt, *NON EXIGVAM, SED MAXIMAM ECCLESIE PARTEM in obscuris questionibus sentire posse, opinando aliter, quàm se res habeat.* Quod cùm dicunt, non agunt de quadratura circuli, vel de quiete mobilium in puncto reflexionis, sed de fidei doctrina. Volunt ergo in materia fidei *non minimam, sed maximam Ecclesiæ partem*, per ignorantiam, vel obliuionem eorum, quæ reuelata sunt, aut priùs definita, opinando aliter sentire posse, quàm se res habeat. Secundò, id etiam ostendit quod inferunt, opinionum vetustatem *quantocumque patrecinaneium numero roboratam, quibuscumque locis diffusam, quocumque ætatibus propagatam*, non maculare fidem Ecclesiæ, nec impedire quominùs opiniones illas ad incudem reuocet, & de nouo examinet. Quod falsum esset, si supponerent occultam illam vniuersalis fidei euerfionem, & interruptionem, quæ per huiusmodi opinionationes fit, paucis tantùm fidelibus, & minori parti Ecclesiæ posse contingere. Hoc enim supposito necessarium esset argumentum, quo sequeretur verum esse tenendùmque quod maior pars diceret, postquàm non nisi minor falli potest: ac proinde non liceret *à quantalibet numerositate* appellare, vel ad Augustinum, vel ad aliud vllum tribunal. Existimant ergo, etiamsi tanta supponatur numerositas Doctorum, & Doctoribus adhærentium, vt maiorem Ecclesiæ partem conficiat; posse tamen falsâ eorum, quæ in vniuersum rectè credunt intelligentiâ opinando decipi, & occultè *fidem euertere, atque interimere*, dummodò id fiat cum animi submissione, & præparatione ad veritatem recipiendam cùm primùm illuxerit

4. Huc igitur tandem Nou-Augustinianorum doctrina reducitur, ut credatur, *non exigua, sed major pars Ecclesie sentire posse opinando aliter, quàm se res habeat, idque in rebus fidei*: Item ut credatur *major pars Ecclesie* ita posse opinando interpretari quod in vniuersum rectè credit, ut inscianter rectam illam fidem *eueriat, & interimat*: Nec tantum posse illud accidere, sed accidisse reipsa in controuersis, quæ modò tractantur: Majorem videlicet Ecclesie partem, quamuis rectam fidem teneret in suis formulis, & canonibus, & oratione Dominica, falsâ tamen eorum intelligentiâ rectam illam fidem opinando eueruisse, atque interemisse. Et quia doctrina illa, in qua id accidisse putant, continet, ut illi dicunt, *fundamentales doctrinas contra Pelagianam hæresim, & bases fidei*, sit ut credenda sit Ecclesie major pars circa *fundamentales doctrinas, & bases fidei*, opinando aliter sensisse, quàm oporteret, & eueruisse, atque interemisse rectam fidem, quam in suis canonibus, & formulis, & orationibus profiteretur. Iam verò major pars Ecclesie, loquendo simpliciter, & absolute, est Ecclesia: ergo juxta principia hujus Theologiæ, simpliciter, & absolute loquendo, *Ecclesia male intelligens quod rectè credebatur circa fundamentales veritates, & bases fidei, opinando aliter sensis, quàm oporteret, suamque illam fidem rectam occultè euerit, & interemit*. Vnde Lector facile intelligat, an non vtiliter Nou-Augustiniani operam suam posuerint, dum indefesso viginti duorum annorum labore Augustinum versando, hunc doctrinæ thesaurum tam pretiosum, & Ecclesie authoritati confirmandæ, tuendæque contra hæreticos illam oppugnantes, tam opportunum inuenerunt.

5. Nec quidquam iuuat temperamentum, quod adhibent, quando dicunt, Ecclesiam hoc facere *opinando*. Clarum enim est, neminem etiam aliter errare posse, quàm *opinando*. Quid enim? num volunt errorem subtrahere generi opinionis, ut sub genere scientiæ collocent? Ecquid aliud est falsum judicium ideo errorem esse negare quòd sit opinio, quàm Æthiopem negare hominem esse, propterea quòd sit animal? Errat igitur Ecclesia per ipsos: & errat in materia fidei, atque etiam circa ipsas fidei bases, & fundamenta, etiamsi opinando erret. Vnde mirum est quod dicunt, Ecclesiam

De statu
puræ nat.
lib. 3. c. 12.

De statu
nat. lapsæ
lib. 4. cap.
26. & 27.

nullo erroris in fide crimine fœdandam, quamvis aliter sentiat, quàm se res habeat, quod, ut dictum est, intelligitur accidere in materia fidei. Etenim aliter sentire, quàm se res habeat, ut opinor, errare est. Nullo igitur erroris in fide crimine fœdatur Ecclesia, cum errat in fide. Et cum istud aliter sentire, quàm se res habeat, idipsum sit quod aliis verbis expriment, *euertere fidem, atque interimere*; fides autem nec eueri possit, nec interimari, nisi errore contrario: sequitur apud ipsos Ecclesiam nullo erroris in fide crimine fœdari, quamvis errore fidei contrario fidem euertat, atque interimat.

6. Hoc facit Ecclesia, inquit, sine pertinacia, & animo ad amplectendam veritatem cum primum innotuerit præparato: unde fit ut sit error sine crimine: ideoque verè sit dictum non fœdari Ecclesiam *erroris crimine*. Intelligo. Volunt ergo Ecclesiam tantum non posse hæreticam esse, quod non possit esse pertinax? de cætero nihil vetare quominus erret in materia fidei. Atqui Ecclesiæ infallibilitas pro qua pugnatum est omnibus sæculis, immunitate erroris constat, non immunitate pertinaciæ, vel rebellionis. Et ut nemo infallibilem dicit hominem cuius est certa docilitas, & animi præparatio ad consentiendum cognitæ veritati, quandiu contingens est, ut animo licet minimè malo & fallat, & fallatur: ita nullo vero, proprioque sensu dici potest infallibilis Ecclesia, quæ falli, & fallere potest in materia fidei, ex eo tantum quod hunc defectum citra culpam omnem patiatur. Pertinacem esse non posse ad quandam morum innocentiam pertinet; infallibilitas doctrinam spectat, ejusque puritatem munit, & sinceritatem. Ideoque nulla esse potest infallibilitas ubi est alea deceptionis.

7. Addo nec criminis suspensionem vitari, quamvis pertinaciæ culpa vitetur. Neque enim erroris crimen sola pertinacia est: cum sit etiam temeritas, & oscitantia, seu in inquirenda veritate negligentia. Et quid est illud quod dicunt Baiani contingere labem illam intelligentiæ falsæ eorum, quæ rectè creduntur, dum *eorum vim non attendunt, aut non intelligunt*. Nam si, ut volunt, id contingat in *quantalibet numero*, ac multitudine, ac proinde in maxima Ecclesiæ parte: quin & in Ecclesia ipsa tota; sequitur de tota dici

posse quod *non intelligat & quod non attendat*, quorum alterum ignorantia est; alterum verò præcipitationis, aut socordia. Et in ignorantia quidem, esto possit esse inculcata Ecclesia, quæ non tenetur scire quod Spiritus sanctus eam non docuit; sed Spiritus ipse sanctus qui se docturum promisit omnem veritatem, quomodo excusabitur? In illa verò socordia, vel attentionis defectu, quo factum fuerit ut error induceretur in totam Ecclesiam, quomodo nulla erit culpa? Nullane est obligatio conseruandi fidei doctrinam, & quidem necessariam ac *fundamentalem*? Non tenetur ad hoc Ecclesia, cui depositum illud commissum est? Si non facit quod facere tenetur, non peccat? Quomodo ergo huiusmodi errores circa fidei bases, & fundamenta sine crimine admittit? Et vbi fides, vbi vigilantia illorum speculatorum, qui constituti sunt super muros Hierusalem, *ut totâ die, ac totâ nocte in perpetuum non taceant*? Non tacuerunt quando per totam Ecclesiam sparsus est error circa bases fidei? & illud silentium fuerit innoxium? Non jure merito cadet in illos grauis illa reprehensio, *Speculatores ejus cæci omnes, nescierunt vniuersi, canes muti non valentes latrare, videntes vana, dormientes, & amantes somnia . . . ipsi pastores ignorauerunt intelligentiam, &c.* Cæci omninò fuerint qui micantem tot sæculis veritatem non viderunt: *nescierint vniuersi* quod scire debuerant, quandoquidem id jam fuerat diuinitus propositum, & paulò antè per totam Ecclesiam receptum: & *canes muti*, qui suo latratu non indicarunt eos qui diuinam doctrinam superseminatis erroribus corrumpebant: *Pastores* verò dici quis ferat, qui cùm veritatis pabulo pascere tenerentur dominicum gregem, immemores officii *intelligentiam ignorauerunt*. Errat igitur Ecclesia: & errat in fide: & culpabiliter errat, si non errant potius ipsi Baiani: Ideoque dici non potest *nullo erroris in fide crimine fædari*.

8. Nec est tutior illa euasio, dum errorem in fide ideo negant, quòd qui errant, id in quo errant non sic approbent, *tanquam esset catholica fides*. Ridiculū enim est conditionem huiusmodi requirere ad errorem in fide. Quid? Non erraret in fide qui, esto non verum Catholicâ fide, sed tamen ut certum naturali ratione, sibi persuaderet nullam esse Trinitatem, nullum Christum Deum, & hominem, nullam animæ immortalitatem? &c. Et Ecclesia

Isai. 62.

Isai. 56.

Lib.
procem.
cap. 30.

si huiusmodi probabilitates amplecteretur non erraret in fide? Non errant in fide Athei, propterea quòd id quod credunt, non ut diuinâ fide certum credunt? Egregium verò priuilegium Ecclesiæ, si non aliter errare possit in fide, quàm quo modo Athei? Errat igitur, errat, si assensus qui videntur tantùm probabiles admittat, quibus fidei bases, & fundamentales veritates conuellantur.

9. Perspicuum scilicet est, vel æquè, vel magis contrarium esse Catholicæ fidei, negare id esse de fide quod reuera de fide est; quàm asserere id esse de fide quod reuera de fide non est. Dum enim aliquid putatur esse de fide, quod de fide non est; opinando fingitur reuelatio: at dum putatur aliquid non esse de fide, quod reuera de fide est; opinando reuelatio destruitur. Quis autem tolerabilius putet, aut minùs contrarium diuinæ fidei, destruere diuinum testimonium, atque illud, ut sic loquar, contradicendo falsificare; quàm illud fingere, dum putatur id dixisse Deus quod non dixit? Primum facit qui opinando putat verum id esse cuius contrarium de fide est. Eo enim ipso negat illud esse de fide, & contradicit diuino testimonio, quod non facit qui aliquid putat esse de fide, quod de fide non est, vel qui falsam opinionem amplectitur, *tanquam esset fides Catholica*, cum reuera non sit: ille igitur contra fidem errat potius quàm iste.

10. Iam quod dicunt animum præmeditatione, ac præparatione Catholicum, & communibus principiis firmiter adhaerentem, *corrigere falsas opiniones* circa eorum intelligentiam; primum id exponant quo modo recta illa fides vniuersalium principiorum & corrigere dicatur falsas opiniones illas, & tamen ab eis *euertere* atque *interimere*. Ipsi enim utrumque dicunt. Deinde præparatio illa, ut jam dixi, culpam excusat, non errorem: & summum innocentiam Ecclesiæ præstat, non infallibilitatem. Denique nec est illa quam dicunt in Ecclesia præparatio. An enim parata dici potest ad recipiendas propositiones quas solemnî decreto toto orbe recepto, censuit esse *in perpetuum abolendas*? Sunt enim illa verba constitutionis duorum Pontificum contra Michaëlem Baium, cui totus orbis parebat sine vlla tergiuersatione, donec

donec Pseudo-Augustinus vexillum explicuit contradictionis. Iam verò quando accessit aliorum duorum Pontificum confirmatio, & declaratio, quâ constat damnatas esse propositiones, quas ille Theologiæ scilicet reparator restituerat; quis sibi persuadere possit esse illam animi suspensionem in illa majori parte Catholicorum? Adde persuasum illis fuisse, maximam partem illius doctrinæ vel contineri apertis definitionibus Conciliorum, Tridentini præsertim; vel cum illis necessario connecti. vnde minimè fuere ad mutandam sententiam parati, quod etiam experientia comprobavit illius scandali, quod patiebantur ex doctrina Baii, quæ causa fuit ut ea prohiberetur à Pio V. & Gregorio XIII. ut fatetur etiam ipse Novus Augustinus: & illius etiam scandali, quod idem Novus Augustinus præbuit toti Ecclesiæ, ut testatur Urbanus VIII. in sua etiam Constitutione, dum tueri voluit quod fuerat in Baio damnatum. Quod enim, quæso, ex propositione doctrinæ scandalum nasci potest in animis ad eam amplectendam præparatis? Sed & quis non videt quem animum habeant Scholastici, & quàm determinatum in iis, quæ docent, de possibilitate seruandi mandata diuina in omnibus illis, quibus eorum transgressio ad culpam imputatur; de gratia sufficiente ad perseuerandum, & ad præstandum id omne, cuius etiam omissio imputatur; de bonitate attritionis conceptæ ex timore pœnæ, deque illius sufficientia cum Sacramento; de amore Christi erga reprobos, & intentione illos iuandi ad salutem; de indifferentia voluntatis ad exercitium libertatis necessaria, & de potentia dissentiendi cum consentit, & similia: quæ constat non quomodocumque à Scholasticis asserta, sed tanquam res aut apertè definitas, aut cum definitis connexas adeò, ut dissentientes passim no- tent vel erroris, vel temeritatis, vel hæresis? Quæ dispositio cum fuerit in tanta Doctorum numerositate, ac multitudine, ut maiorem partem Ecclesiæ cum adhærentibus conficeret: & tamen erroneum esset, & contra fidem, ut Baiani volunt, quod tam certò docerent; sequitur maiorem Ecclesiæ partem, ac proinde Ecclesiam, absolutè loquendo, errauisse in fide, & errauisse sine illa, quam supponunt, animi suspensione, atque expectatione, quæ dubium aliquod, & dif-

De statu
pur. nat.
cap. 12.

fidentiam significat, sed cum firma ad errorem adhæsiōe.

11. Atque hinc diruitur quæ poterat esse vltima munitio Baianorum, Ecclesiam infallibilem esse tantum, dum aliquid sentit cum potestate, atque auctoritate, & quod sequitur inde, imposita credendi necessitate; aliàs non esse: vt de illa tale quippiam dicatur, quale de Papa, qui errare non potest quando loquitur vt Papa, & vt aiunt, ex cathedra; potest autem, dum agit vt vnus aliquis è numero Doctorum. Quia etiamsi admitteretur illa distinctio, tamen adhuc Baiani comprehenduntur, quando constat non ex simplici Ecclesiæ sensu, sed ex definitionibus Pontificum, & Conciliorum probari falsa, quæ illis sunt *doctrina fundamentales, & bases fidei*.

12. Sed non est in illa distinctiōe quærendum Baianis profugium, quod sit periculi plenum. Est enim certa illa, & fidelibus omnibus velut ingenita persuasio, Ecclesiam non solum non posse fallere, cum res fidei cum auctoritate proponit, sed neque falli, dum eas ipsa credit. Et quis hoc in animum inducat, Ecclesiam Catholicam esto non præcipiendo, aut sanciendo, sed simpliciter credendo fieri posse Pelagianam, Arrianam, Manichæam, Lutheranam, Caluinianam? Video Baianos talem quamdam Ecclesiam somniare, quæ pro temporum differentia, instar Chamæleontis, hæreticorum colores varios recipiat. Semipelagianam fuisse indicant eo tempore, quod inter Origenem, & Augustinum fluxit, dum dicunt, sanctos Patres, *Quotquot Augustini ætatem antecessi sunt, unanimi penè consensione docuisse predestinationem ex præiis meritis*, quæ sententia tamen est, inquit, *perfectè Semipelagiana*: Sed Augustinum, qui, vt ipsi etiam dicunt, *ex reuelatione* contrarium didicerat, cum fuisset initio eodem implicitus errore, Ecclesiam correxisse: & debellatis Pelagianis, ac Semipelagianis, rectam fidem reduxisse, toto orbe Christiano plaudente, ac triumphante. Facta igitur est iterum orthodoxa Ecclesia, stetitque veritatis illa possessio usque ad tempora Scholasticorum, qui rationibus humanis, & Aristotelicæ philosophiæ principiis imbuti, veram doctrinam adeò corruerunt, vt, sepultâ veritate, propositiones, quæ fidei bases erant, ideo fuerint à Pio V. & Gregorio XIII. prohibendæ, quod cum essent penitus *oblitterata*, superinductis

Lib. 7. de
hæres. Pe-
lag. cap. 17.

Ibid. cap. 4.

De statu
pur. nat.
lib. 1. c. 22.

contrariis erroribus, in Ecclesia *scandalum parerent*. Ergo Ecclesia tunc fuerit denuò Pelagiana, vel Semipelagiana, quippe cui hæreticorum illorum errores ita probarentur, vt contrariæ veritates scandalo essent. Et quia non erat futurum illud scandalum, nec illa Pontificum prohibitio, si vnus quidam extitisset ex tanto Doctorem numero, qui posset ostendere, *propositiones illas ab Augustino Doctorem omnium coryphæo, tam intrepide à tot sæculis esse, nemine refragante, sed Ecclesia Romana per diuersos Præsules suos applaudente, traditas*; ideo prouidentia scilicet diuina missus est Nouus Augustinus, qui singulari, qua pollebat, ingenii felicitate, ingressus Antiqui Augustini penetralia, inibique spatio viginti duorum annorum formatus, & reformatus, exiit tandem vniuerso denunciaturus orbi, deceptos fuisse ignorantiam doctrinæ Augustinianæ Romanos Pontifices, dum propositiones prohibuere, quæ fundamentales erant fidei veritates: Errasse pariter Doctores omnes, qui & ante, & post eiusmodi prohibitionem, easdem propositiones rejecerant: præcessisse noctem, diem autem appropinquasse; & tempus esse vt aperiuntur fenestræ Soli reuertenti. Atque hoc jam agitur, vt, canonizatâ Noui Augustini doctrinâ, Ecclesia iterum, & tertiò purgetur à Pelagianismo, fiatque Augustiniana, hoc est, orthodoxa, & verè Catholica, cuius consilii expectatur exitus, adnitentibus omni ratione summis Pontificibus, vt teneat decretum, quo Noui Augustini doctrina declarata est, esse damnata, Baianis verò in contrarium obduratis: & neque Pontificibus, neque Regibus, neque prouinciarum gubernatoribus vrgentibus Constitutionis acceptionem obedire paratis, deuotissimis de cætero matris Ecclesiæ, & sanctæ Sedis Apostolicæ filiis.

13. Satis scilicet intelligebant, ipsorum dogmata probari non posse ab Ecclesia, nisi fieret vniuersalis quædam communium sensuum & doctrinæ, quaquaversum receptæ mutatio, ideòque vt huic innouationi viam sternerent, & animos Christianorum præpararent, subindicare voluerunt vicissitudines istas, & contrariarum sententiarum alternos recursus minimè alienos esse ab Ecclesiæ constantia, atque ab ea, quam proficetur immobilitate fidei. Vide quid dicat No-

Lib.
proem.
cap. 30.

Cap. 3.

uus Augustinus. *Sed absit, ut alterutro modo Ecclesia, siue filii ejus doctrinam Augustini minus intellectam è scholis exturbauerint, siue nouam introduxerint, siue introductam demùm abolendo proscripserint, vllum de suscepto errore discrimen subeat.* Iam notatum est, supponere illum maiorem partem Ecclesiæ istis mutationibus consentire. Atque ita quemadmodum putat Ecclesiæ filios, ipsa consentiente, Spiritus sancti doctrinam initio traditam *exturbasse*, nouâ introductâ inter Origenis, & Augustini tempora; ita eadem consentiente, supponunt ipsius filios Scholasticos *exturbasse* denuò doctrinam Augustini, nouâ introductâ jam à quingentis annis. Et quemadmodum Augustinus diuinâ reuelatione monitus Ecclesiam purgans introductam à tempore Origenis doctrinam illam *abolendo proscripsit*; ita jam sperabant fore vt Nouus Augustinus & eandem purgaret Ecclesiam, & introductam à tempore Scholasticorum doctrinam *abolendo proscriberet*. Hos enim filiorum suorum ludos & pati Ecclesiam, & probare. Vnde est id quod addam, quòd nimirum res illa minimè sit insolita, vel inusitata, Ecclesiam non debere *terreri, aut impediri*, quominus nouo surgente jam Sole, Scholasticorum opinationes, *quantocumque patrocinantium numero roboratas, quibuscumque locis diffusas, quocumque atatibus propagatas*, ad incudem reuocet & examinet, abolendas videlicet & proscribendas, tanquam Augustini sensibus contrarias. Vbi vides huiusmodi Doctores nihil moueri, quamuis concurrant omnes illæ catholicissimi notæ, quas assignat Vicentius Lirinensis, *Vniuersitas, Antiquitas, Consensio*; quominus doctrinam aliquam proscribant. Et quasi Ecclesia esset aliquid præter omnes qui eam componunt, quamuis omnes errauerint, & omnibus locis, & omnibus sæculis, negant tamen ipsam *vllum de suscepto errore discrimen subire*. De cætero vt olim vnus Augustinus antiquos omnes emendauit, ita nunc vni Augustino recenti præ omnibus, & super omnes credendum. O quàm bellè illi, dum talem nobis cudunt Ecclesiam, negotium promouent Lutheri, & Caluini!



CAPVT VIII.

Illa Baianorum Theologia secum pugnat.

1. **V**ERVM dum illi hunc in modum oppugnant infallibilem Ecclesiæ auctoritatem, suas ipsi machinas, & nouorum dogmatum fundamenta deiciunt. Sequitur enim primò Augustinum frustra contra hæreticos producere testimonia Patrum antiquorum Cypriani, Ambrosii, Basilii, Chrysostomi, &c. quod tamen sæpe facit, nisi simul ostendat ea quæ dicunt ab ipsis proponi tanquam determinata jam, & decreta, vel à Conciliis, vel à Romanis Pontificibus. Si enim errare potest Ecclesia, nisi dum res ita proponit, omiſſa illà circumstantiâ, argumentum à sensu Ecclesiæ petitum nihil premere potest responsuros, verum quidem esse, quod ita senserint Patres, & Ecclesia, cujus illi sensum exprimebant, sed falsum esse posse sensum illum, dum Ecclesia non definit, nec præcipit vt approbetur.

2. Sequitur secundò, nullius esse momenti quæcumque illi ex ipsomet Augustino congerunt, quamdiu non ostendent id, quod ab illo traditur esse definitum, & cum necessitate credendi ab Ecclesia propositum. Nam esto vbique loquatur Augustinus ex sensu Ecclesiæ, tamen quia sensus ille potest esse falsus ex hypothesi, nihil repugnat quominus Augustini testimonium falsum sit. Et quemadmodum certus est tantùm sensus Ecclesiæ quando proponitur cum obligatione credendi, vt supponunt, ita certus erit Augustini sensus tunc tantùm, quando talem præ se feret obligationem. Quo semel obtento, Baiani ad singula Augustini testimonia sistentur, vt illam obligationem ostendant, quod tamen raro admodum poterunt.

3. Et crescet illis difficultas ex Cælestini declaratione ad Episcopos Galliæ, qui cùm perspicuè distinguat in Augustini doctrina propositiones necessarias ad convincendos errores à profundioribus quibusdam quæstionibus, quas sicut non audet contemnere, ita nec necesse putat definire; quid-

quid afferetur ex Augustino quod non erit cum prioribus illis propositionibus necessariò connexum, frustra erit: quia non fuerit definitum, eritque reducendum ad quæstiones indecisas: esto fuerit consentaneum communi Ecclesiæ sensui pro illo tempore.

Epist. 118.

Sequitur tertio, Augustinum peccare in principiis, quibus & Catholicos confirmat, & oppugnat hæreticos, cuiusmodi est illud quod ponit in epistola ad Ian. *Esse insolentissima infans* dubitare quin sequendum sit illud, *quod tota per orbem frequentat Ecclesia*, quâ sententiâ significat simplicem usum Ecclesiæ, sed tamen vniuersalem, sumi debere pro regula agendorum. Quis autem non videt eadem ratione simplicem sensum Ecclesiæ, sed tamen vniuersalem, debere similiter sumi pro regula credendorum? Et quæ veri similitudo est, ut consuetudo vniuersalis aliquid faciendi, transeat eo ipso in præceptum illud faciendi; vniuersalis verò consuetudo aliquid sentiendi, non inducat pariter obligationem idem sentiendi? Aut si potest vllâ ratione putari falsum quod generaliter approbatur ab Ecclesia, esto liberè approbetur, & sine antecedenti decreto id approbandi; quid obstat quominus putari possit malum, ac proinde non faciendum, quod generaliter vsurpatur ab Ecclesia, quando ex simplici consuetudine vsurpatur, ac sine præuio ita faciendi præcepto? Quomodo ergo erit *insolentissima infans* hoc dicere, aut cogitare?

Cap. 22.

4. Eodém spectat quod dicit de vnitæte Ecclesiæ, recipiendos hæreticos ad fidem redeuntes, *quemadmodum Ecclesia recipit*. Non dicit quemadmodum præcipit recipiendos, sed quemadmodum recipit. Vult enim Ecclesiæ praxim regulam esse, cui conformari debeamus, propter testimonium, quod illi à Christo datum est, quo testimonio confici putat, *ut sit necessarium Ecclesiæ non credere*. Quòd si licitum esse posset illi non credere in iis quæ docet, nisi addat credendi præceptum, eo quòd aliter falli possit; quare non erit etiam licitum illi non credere in iis quæ facit, quando non addet præceptum imitandi? Scio Bicephalos, qui Ecclesiam in sua disciplina corruptibilem putant, facile concessuros currere paritatem: & neque generalem usum Ecclesiæ, neque gene-

ralem sensum dare nobis certam, aut agendi, aut credendi regulam. Sed ego jam non quæro quid illi sentiant, sed quid sentiat Augustinus: qui cùm *nefarium* putet non conformari Ecclesiæ in receptis ubique consuetudinibus, infallibilitatem ejus posuerit, non in ejus præceptis tantùm, aut canonibus; sed in constanti, & ubique recepto usu, sensuque.

5. Et confirmatur ex eo quòd Augustinus passim minimè confugiat ad præcepta, vel determinationem Ecclesiæ, aut decisiones, sed ad prædicationem ejus, ad commendationem, ad traditionem, ad testimonium, consuetudinem, morem, &c. vt inferat sequendum id esse, quod eo modo proponit. Minimè dubitari vult de veritate scripturarum, quas *commendat*, inquit, Ecclesiæ autoritas. In tractatu de Cantico nouo cap. 5. & 6. audiri vult quod in Ecclesia *prædicatur*. In acceptatione librorum veteris, & noui Testamenti attendit ad *Traditionem* Ecclesiæ. Circa doctrinam de Purgatorio, & vtilitate orationum, quæ fiunt pro mortuis, spectari vult *consuetudinem* Ecclesiæ. Et in rebus, in quibus nihil certi statuit Scriptura diuina, *morem populi Dei pro lege tenendum* dicit. Et in Epistola ad Dioscorum, per paucos piè doctos, & verè spirituales viros, hoc est, per sanctos Patres, *inuietissima ratione* armatam Ecclesiam putat, quod genus munitionis distinguit ab autoritate quam habet ad imperandam fidem: vt ostendat vtroque modo infallibilem esse, & dum imperat fidem per decreta, & canones, & dum constanter aliquid docet sine usu talis imperii. Et quomodo verum esset quod dicit Ecclesiam esse *sine macula, & ruga*? Sensus erroneus, quo jam tradita diuinitus doctrina per totam Ecclesiam corrumpatur, nullane macula est, nulla ruga, nisi spargatur per canones, & decreta? Erroneæ doctrinæ lepra non est lepra, nisi accedat decretum, quo donetur nomine sanitatis?

6. Adde quod dicit lib. 1. cont. Iul. vbi obijcienti Iuliano paucitatem assertorum Catholicæ veritatis, respondet Augustinus, *Quasi parua sit ejus assertio, quòd in hoc fidei firmissimo, & antiquissimo fundamento, ipsa toto orbe diffusa non à se discrepat multitudo*. Quod nihil est, si, vt vult Nouus Augustinus, *quantalibet multitudo* non populi modò, sed & Doctorem, & quod se-

Confess. c.
7. & con.
Ep. fund.
cap. 5.

Serm. 197.
de temp.

Lib. de cura
pro mortuis,
cap. 1.

Ep. 86. ad
Casul.

Ep. 56.

4. de symb.
cap. 13.

Cap. 7.

Lib.
proem. c. 3.
De statu
pur. nat.
lib. 3. cap.
22.

Cap. 4.

quitur inde Præfulum Doctores adhaerentium, quibus-
cumque locis diffusa errare potest, & quidem in illis ipsis
fundamentis, quæ Augustinus antiquissima vocat, & firmissi-
ma, quandoquidem id putat Nouus Augustinus accidere
posse, quin & accidisse reipsa *in plerisque capitulis doctrinae Au-*
gustini, quibus continentur, ut aliàs loquitur, *fundamentales*
veritates, & bases fidei. Huc etiam refer quod dicit Augusti-
nus cont. Ep. fundamenti, dum inter eas rationes, quibus se
in Ecclesia Catholica teneri fatetur, primam ponit *consen-*
sionem populorum, quæ deberet potius vltima censeretur, si pos-
set quantalibet Christianorum multitudo quibuslibet locis
diffusa circa fidei bases errare.

Lib. 4. c. 12.

7. Adde quod etiam dicit contra duas Epist. Pelag. *Pau-*
cas hæreses esse, propter quas damnandas necessitas Synodalis congrega-
tionis existerit: & incomparabiliter plures esse, quæ ubi existerunt
illæ improbari, damnarique meruerunt. Vix enim damnatæ sunt
hæreses vllæ, nisi Ecclesiæ autoritate proposita: quæ si non
virget, nec est necessarium veritatis argumentum, nisi dum
aliquid definit, impositâ consensuendi obligatione; cum hoc
facere nequeat, nisi synodaliter congregata, fuissent passim
cogendæ Synodi: nec illæ tantum provinciales, & pauco-
rum Episcoporum, quippe quæ non habent infallibilem san-
cti Spiritus assistentiam; sed generales, & Ecclesiam vniuer-
sam repræsentantes. Quod cum fuisse factum, aut ut fieret
necessarium Augustinus neget, signum est non credidisse il-
lam infallibilitatem Ecclesiæ alligatam esse determinationi-
bus illis: & sufficere quod alia ratione demonstrari possit hæ-
reticis vniuersalis Ecclesiæ consensus ad corrigendos eorum
errores. Ergo non putaverit Augustinus hunc consensum esse
posse erroneum, cum erroneus consensus erroribus fouendis
potius, quàm emendandis prodesse possit.

8. Ad extremum ex dictis colligi potest inanem esse ratio-
nem illam, quam Baiani suggerunt, ad malum, de quo dis-
putamus, eleuandum, & sanandum, cum dicunt, Ecclesiæ
filios suis illis erroribus, quibus rectam fidem inaduerterter
interimunt, adhærere *cum animi submissione sub tribunal Ecclesiæ*,
& ita sentire animo ad corrigendam opinionem præparato,
si foris scripturis, aut Conciliis, aut Pontificibus Romanis aduersa
declaretur.


*declaretur. Ex dictis, inquam, intelligitur hæc frustra esse. Quia cum hoc malum erronearum opinionum contingere posse dicatur in quantalibet multitudine, quibuscumque locis diffusa, quocumque ætatibus propagata, sequitur, ut jam sæpè dictum est, esse posse malum Ecclesiæ totius: nec abnuunt Baiani, dum fatentur esse posse, malum non exigua, sed maxima partis Ecclesiæ. Quo posito, cum Ecclesia ipsa sit, quæ hoc malo laborat, ubi erit illa submissio sub tribunal Ecclesiæ, quæ excusabit errorem? An submitti volunt Ecclesiam Ecclesiæ tribunali? An duas consententur Ecclesias, vnam inaduerterter errantem, quæ est ista nostra, diffusa per omnes gentes, & aliam in concauo Lunæ sitam, vel in spatiis imaginariis regnantem, cui se nostra ista submittat? Et quod dicunt quis præstabit? Quis, inquam, declarabit contrarium esse scripturis, aut Conciliis, aut Pontificibus Romanis id, in quo Ecclesia tota consentit? Et si cui satis est fiduciæ, ut declarationem huiusmodi obtrudat Ecclesiæ, num rectæ rationi consentaneum putant, ut ei tota Ecclesia credat? non debet ille potius cogitationes suas habere suspectas, quas videt communi consensui Ecclesiæ repugnare? Non debet audire monentem Augustinum, *Agnosce, fili, consonas Catholicas voces, & ab eis desine dissonare?* Non erit tali monomacho obiectendus à quo debelletur, *Vbiq; diffusus Christi exercitus?* Credendum erit usque adeò miscuisse ima summis longum diem, usque adeò tenebras lucem, & lucem tenebras dici, ut videant priuati quidam Doctores, & cæci sint qui lumen sequuntur vniuersalissimæ approbationis Ecclesiæ? Ecquis ordinem instituit adeò peruersum, ut in illa matris tot filiorum cum eorum vno dissensione, cogatur illa immensæ familiæ sententiam vnanimem, atque adeò suam mutare, ut vnus sensum approbet? Vbi præceptum est matri, ut filio credat, quemadmodum præceptum est filio, ut credat matri? Et vbi præceptum est ut credat vni contra omnes, cum, exceptis somniis insanientium, nemo non videat omnibus potius credendum esse?*

Lib. cont. 2.

Iul. cap. 3.

Ib. lib. 3. c. 1.

Ib. cap. 10.



CAPVT IX.

Bicephalorum meditationes meritò suspectæ.

In præ-
fatione libri
de freq.
Com.

1. **H**ic nimirum subintrant Bicephalorum meditationes, qui sollicitè considerandum putant, postquam Deus loquutus est hominibus per Prophetas, per Filium, per Apostolos, per Patres, qui Apostolis successerunt, collabente successu temporis Ecclesiæ disciplinâ, *non aliter loqui, quàm suscitando magnum quemdam Episcopum*, qui verbo, & exemplo ad primam formam omnia reducat: atque hoc voluisse prophetam cum dixit, *Semel loquutus est Deus*. Semel, inquam, quia si non audiat, qui per illum Episcopum loquitur, Deus, in semetipsum ipse recedit, longoque silentio ire homines sinit in desideria cordis eorum. De disciplina loquuntur; sed præterquamquod vel æqua, vel major est ratio, ut ad doctrinam quod dicunt extendatur, spero me ipsis visum iri minimè malum suarum cogitationum interpretem, si supponam hoc exemplum illi meditationi, Deum Ecclesiæ suæ Pelagianismi speciebus, quas impressère Scholastici, deformatæ, non aliter loquutum, quàm suscitato magno Episcopo, qui ad Augustinianæ Theologiæ puritatem hodiernos sensus conformaret: cui etiam magnum quemdam Abbatem adjunxit, ad collapsam disciplinam in integrum restituendam.

2. Hic est ille *Declarator*, qui missus est singulari Dei providentia, ut Ecclesiam doceat, quos habet sensus, contrarios esse *scripturæ, Conciliis, Pontificibus Romanis*: & siquidem huiusmodi declarationem acceptat Ecclesia, non errauerit in fide: si non acceptat, quis ejus errorem excusauerit, cum illa tantum præparatione ad acceptandam veritatem excusaretur? Non puto ullam esse in hoc meo judicio temeritatem: nec vereor ne me illi falsum dicant Declaratorem suorum mysteriorum, sed tantum nimis fortasse perspicuum, nimisque candidum. Mallent enim errorem sensim spoliari, ut oculi paulatim assuescerent: qui dum totum subito monstrum nudum apparet horrere solent.

3. Sed examinandus est hic Declarator. Et in primis, quid quaeso, vult declarare? Contrarium esse, inquires, *Scripturæ, Concilii, Pontificibus Romanis*, quod *non exigua, sed maxima pars Ecclesiæ opinatur*, de statu puræ naturæ, de ignorantia inuincibili, de indifferentia liberi arbitrii, de gratia sufficienti, & oblata reprobis salutis facultate. Quid? Ergo Scripturis sunt ista contraria? Verùm Aduersarii scripturæ testimonia segniter vrgent. Conciliis igitur? Atqui Tridentinum Concilium, Concilium est. Num est contrarius hodiernus ille sensus Ecclesiæ Tridentino? Pontificibus saltem? Sed fuere Romani Pontifices Pius Quintus, Gregorius Decimus-tertius, Urbanus Octauus, Innocentius Decimus. An horum definitionibus repugnant illæ propositiones, quarum contradictorias censuerunt in perpetuum abolendas? Sed Aduersarii neque ista posteriorum temporum Concilia, nec modernos Pontifices Romanos intelligunt. Concilia proponunt antiqua, & Romanos Pontifices illos, qui D. Augustini doctrinam olim probarunt. Nos verò, & antiqua Concilia, & antiquorum Pontificum approbationes, ac definitiones veneramus, & amplectimur; sed cùm modò controuersa sit eorum intelligentia, quidni sequamur & posteriora Concilia, & posteriores Pontificum Romanorum definitiones: cùm præsertim Augustinus regulam tradat, quâ docet priora Concilia posterioribus explicanda? Hic illi spreitis Conciliorum, & Pontificum recentiorum definitionibus, fidem haberi volunt declarationibus suis.

1. de Bapt.
cont. Do-
nat. cap. 3.

4. Atqui Ecclesia contrarias habet definitiones, & declarationes: & in iis, quæ ad ipsa fidei fundamenta pertinent, negat Augustinus vni etiam Episcopo, etiam magno, quin & maximo credendum contra multitudinem aliorum, patiter Episcoporum: neque enim licere tunc vni ab aliis dissentire. *Itane*, inquit, *ista verba Ioannis Episcopi*, de Chrysostomo loquitur, *audes tanquam è contrario tot taliumque sententiarum collegarum ejus opponere; cùmque ab illorum concordissima societate disjungere, & eis aduersarium constituere?* ABSIT ABSIT, HOC MALVM DE TANTO VIRO CREDERE, AUT DICERE. *Alia sunt in quibus aliquando etiam doctissimi, atque optimi regula Catholica defensores, salua fidei compage, non consonant; hoc autem vnde nunc agimus,*

Cont. Iul.
lib. 1. cap. 6.

ad ipsa fidei pertinet fundamenta. Et ideo negat se Chrysostomo adhaerurum, si ejus esset sententiæ, quam illi Iulianus adscribebat. Ad fidei fundamenta pertinere putant Nou-Augustiniani quæstiones illas, in quibus à Scholasticis, atque hodierno Ecclesiæ sensu dissentiunt, ut est quæstio de possibilitate status puræ naturæ, de gratia sufficiente, &c. Ergo juxta Augustinum *malum* erit opponere vnum Episcopum cæterorum collegarum sententiis, eumque ab illorum concordissima societate disjungere in his, & similibus quæstionibus. Ergo si se illis ipse opponat, atque ab eis disjungat, juxta sententiam Augustini, non erit *magnus quidam*, sed *malus quidam* Episcopus. Hæc enim duo Augustinus opponit, & aliud sapere, quàm quod sapit concors aliorum multitudo, & in Ecclesia eminere, cum dicit Chrysostomum alloquens, *Sed absit, ut tu aliud sapires, & in Ecclesia tam præcipuus emineres.* Cui etiam paulò antè dixit discessurum se ab illo, si ab aliis ipse discederet.

5. Quòd si contendat iste Declarator, declaratione sua monstrare Pelagianam esse doctrinam, quam maxima pars Ecclesiæ recipit, quid respondebit objicientibus id ipsum, quod objiciebat Augustinus Iuliano, mutatis tantùm nominibus hæreticorum, *Tantumne apud te possunt Lutherus, &*
Ibid. cap. 5. *Calvinus, ut à Solis ortu usque ad occasum, tot, ac tantos fidei Catholica Doctores & Defensores antiquos, & nostræ ætati consiguos, dormientes, & manentes, non solum deferere, sed etiam Pelagianos audedas appellare? Quot enim & quanti sunt omnes illi Doctores, & Episcopi, qui à quingentis annis ad hodiernum usque diem, Catholicam fidem muniuere contra omne genus errorum, & sine vlla inter se dissensione docuere, quæ vnus quidam nuper post Lutherum, & Calvinum Pelagiana vocare cœpit Placita? Et ille magnus in Ecclesia dicendus erit, qui tantam multitudinem, & talem, non solum deferere, sed etiam Pelagianam audet appellare?*

Augustinus à se reiicit opinionem illam quòd vnus esset,
Ib. c. 7. & 8. *qui Pelagianis resisteret. Vnum me, inquit, dicis egressum, qui in se summam prælij sitam esse optat intelligi. Ecce non ego vnus, sed tot, ac tanti Sancti, eruditique Doctores tibi pro me, vel mecum, pròque omnium nostrum, & tua ipsius si cupis, salare respon-*

dent. Atque hæc est *authoritatis moles*, qua putat *confringi* argumenta Iuliani omnia. Quid simile habuit Augustino Declarator noster, quando vnus egredi ausus est, qui ceteros diceret Pelagianos? vel quid non habet quilibet eorum, qui ei resistunt, cùm dicere possit, ecce non ego vnus, sed tot ac tanti sancti, eruditique Doctores tibi pro me, vel mecum respondent, quotquot videlicet doctrina, & sanctitate floruerunt, saltem vt Baiani etiam fatentur à quingentis annis. Hanc *authoritatis molem* cùm opposuerit quis contrariis declarationibus, Declarator quid respondebit? Quam opponet authoritatem? Sit Episcopus, sed plures alii. Sit Doctor, sed plures alii. Si Sanctum addideris, dicam etiam, sed plures alii, & maiori certitudine Sancti sunt. Et Ecclesia cuius communem doctrinam oppugnat, sancta est. Hæc est *mole authoritatis*, quid habet quo illam sustineat?

6. Augustinus *deuari* posse supponit à *veritate*, in iis quæ scripsere, vel quæ scribunt Episcopi, post canonem Scripturarum, vt ipsi etiam Nou-Augustiniani notarunt: ideoque posse illos *reprehendi*, & per sermonem foris sapientio-rem *causabit in ea re peritioris*, & per aliorum Episcoporum *gravior* authoritatem, Doctorumque prudentiam, & per Concilia. Ecce, non opponimus magno isti Episcopo, & absconditarum veritatum Declaratori, vnum quendam vel Doctorem, vel Episcopum alium, sed numerositatem omnium tum Doctorum, tum Episcoporum, qui tot sæculis floruerunt. Opponimus etiam Episcoporum Episcopos quatuor Summos Pontifices, qui damnarunt doctrinam ab eo declaratam. Opponimus Oecumenici Concilii minimè obscuras sanctiones. Hæccine non est *gravior authoritas*? Tanta mole quomodo non obruatur quidquid ille proponit? & quo jure postulat, vt sibi potius, quàm reliquæ credatur Ecclesiæ?

7. Quærimus etiam vt dicat nobis vnde suas hauriat declarationes. Nam Augustinus semper professus est ex Ecclesiæ ore se pendere: & quæcumque contra hæreticos diceret, in tantum probare, in quantum Ecclesia confirmaret, *ne Evangelio quidem crediturus, nisi Ecclesia fidem faceret.* Ceteros verò Patres ideo laudabat, ideo sequebatur, ideo sequendos existimabat, quòd suam illi doctrinam ab Ecclesia sumpsis-

2. de Bapt.
cont. Do-
nat. cap. 3.
L. preter.
cap. 30.

Cont. Iul.
Lib. 2. c. 10.

sens. *Quod innuerunt, inquit, in Ecclesia, tenuerunt; quod à patribus acceperunt, hoc filiis tradiderunt.* Et antea lib. 1. cap. 7. idem fatetur de se ipso quod de patribus, *docere nimirum quod didiceris.* Satis scilicet exploratum illi erat, Ecclesiæ soli commissum esse diuinæ doctrinæ depositum: ergo ab ea sola esse repetendum. Hic autem declarator unde haurit suas declarationes? An ab Ecclesia? Sed communissimus Ecclesiæ sensus contrarius est, & sententiam, quam ille proponit, *euertit*, atque *interimit*. Ecquas potest Ecclesia suggerere declarationes, quàm quæ sunt intelligentiæ ipsius vniuersali conformes? Vniuersalis est, v. e. illa intelligentia, quæ putatur dari gratia per Christum, quæ sit sufficiens respectu illius effectus, respectu cuius non est efficax; an ergo suggerit Declaratori, *gratiam sufficientem esse monstrum in Theologia?*

8. Sed Ecclesia, inquit, jubet nos Augustino credere: & Augustinus docet nullam esse gratiam illam sufficientem. Primò, Augustinus, vt antea dictum est, nos vicissim reducit ad Ecclesiam, & ab illa jubet expectare credendorum explicationem. Secundò, Ecclesia, quæ nos ad Augustinum mittit, distinguit in ejus doctrina ea, quæ necessariò credenda sunt, ab iis, quæ non sunt necessariò credenda. Tertiò, de mente Augustini controuersia est: & quod ipse putas ab eo confirmatum, ego negatum contendo. Quid ergo facimus, & unde authoritatem accersis declarationi tuæ? Res, inquiunt, ex scriptis Augustini est manifesta. At, inquam, ego eadem scripta lego, & contrarium inuenio. Hic illi præjudicium faciunt de studio viginti duorum annorum. Ego verò præjudicium oppono de studio quingentorum, & non vnius hominis, sed Ecclesiæ vniuersæ. Et quia quò attentius, ac diutius Augustinum lego, eò confusiores inuenio Nou-Augustinianorum declarationes: quid aliud sperare possum, quàm post annos non tantum viginti duos, sed & quadraginta quatuor, si tandiu liceret incumbere illi studio, censenda eorum dogmata magis, magisque ab placitis Augustini abhorrentia? Præoccupatus es, inquiunt, philosophicis opinionibus, & studio partium. Tu verò, inquam, quid dices cum hoc ego ipsum tibi respondero? Quis enim non

videt idem quoque mihi jus esse pariter calumniandi?

9. Ergo quid habebit magnus ille, quem dicunt, Declarator, vnde intelligi possit Deus illius ore homines alloqui? Scilicet hoc vnum restat, vt tandem ad spiritum priuatum, & arcanam Dei prædestinationem res tota reducat, dum dicuntur dati prædestinatis oculi qui videant lucem illarum declarationum; reprobis verò negati. Neque verò id magnopere abhorret ab eo quod dicunt Deum, postquam audiri non potuit magnus ille, quem per interualla temporum mittere consuevit Episcopus, recedere in semetipsum veluti limacem in suam cochleam: ac permittere homines sibi suisque affectibus obnoxios in impœnitentia vitam claudere.

CAPVT X.

Parallelum Baianorum & Calvinistarum.

I. **C**ONFERAT igitur Lector Catholicus huiusce doctrinæ seriem cum principiis Calvinismi, & parallelum hoc inspiciat. Interrupto, seu vt aliàs loquuntur Calvinistæ, corrupto Ecclesiæ veræ statu, necesse fuit sanctos quosdam viros à Deo excitari, vt eam restituerent.

Ex sententia Bicephalorum Ecclesiæ in disciplina doctrinæque alteratæ, Deus non aliter loquitur quàm excitando *magnum quemdam Episcopum*, qui collapsa restituat.

Regula ad quam reformare debent Ecclesiam illi Calvinistarum *sancti*, non alia est, quàm sacra Scriptura. quam ipsa met Ecclesia suppeditat.

Regula ad quam restituenda est Ecclesia à *magno* illo Bicephalorum *Episcopo*, non est alia, quàm Augustinus ab ipsa Ecclesia, & Romanis Pontificibus commendatus.

Obiicientibus Scripturæ obscuritatem Calvinistæ respondent, in iis omnibus, quæ ad salutem spectant, esse perspicuam: nec aliis opus esse adiumentis, ad habendam germanam ejus interpretationem.

Obiicientibus esse dubium, ac disputabile, quid senserit

Augustinus in quæstionibus illis , quæ modò disceptantur ; Respondent Nou-Augustiniani *constantissimam , certissimam , clarissimam* esse illius doctrinam , & attentis tantum oculis opus esse.

Si dicamus Calvinistis , non videre nos lucem illam , quam dicunt Scripturarum : & rationem aliquam petamus , qua ex multis interpretationibus , illa quæ vera est eligatur ; Respondent , loca varia conferenda , alterum enim ab altero illustrari.

Si dicamus Nou-Augustinianis , nobis quoque obscuram esse claritatem , quam dicunt Augustinianæ Theologiæ ; studium longum præscribunt illuminandis oculis , & multiplicem illius lectionem.

Dicimus Calvinistis , post quocumque inspectiones Scripturæ , & quascumque locorum collationes , nondum tamen videre nos quod illi vident ; Illi respondent , id esse tribuendum excæcationi mentis , & arcano Dei judicio , quo negatus est Spiritus , qui testimonium reddat spiritui nostro , quod ea sit veritas.

Dicimus Nou-Augustinianis , post quocumque Augustini lectiones , & quantacumque meditationem , non affulgere nobis illam quam dicunt claritatem. Hic quid illi respondeant ? Locus admonebat , ut nos ad præsentis temporis Ecclesiam , & viua sanctæ Sedis Apostolicæ oracula mitterent. Sed hoc facere non possunt. Postquam enim *Deus non loquitur nisi per magnum quendam Episcopum* : & ego vocem ejus intelligere non possum ; quid superest , nisi ut hæc censeatur esse desertio quædam Dei , & excæcatio ? & verò id etiam illi tribuendum censent *arcano tremendisque Dei judiciis*. Huic verò excæcationi remedium Ecclesia facere nullum potest. Quomodo enim potest , si Deus non loquitur nisi per *magnum illum Episcopum* , qui tamen ex hypothese non admittitur ? Nam hoc semel statuto , non est igitur verbum Dei , quod audio in concionibus. Non est diuina doctrina , quam doceor in Scholis Theologicis. Non est Christiana institutio , quæ traditur in tot libris quot editi sunt , & eduntur quotidie , de rebus ad fidem spectantibus. Non loquitur Deus per Romanos Pontifices. Non per Concilia , quæ ultimis
hisce

hisce temporibus coguntur. Denique secluso *magno illo Episcopo*, non loquitur per Ecclesiam, nisi fortè per Ecclesiam temporis sanctorum Basilii & Augustini, hoc est, per Ecclesiam mutam. Quare non intellecto *magno illo Episcopo* sola restat desperatio, pro tota multitudine, quæ non intelligit: hoc est, pro tota Ecclesia præsentē, quæ illum explodit. Soli ergo supersunt pauculi illi fortunati, quos peculiari Spiritu suo Deus illustravit, ut viderent quod cæterorum nemo videre potest. Atque hæc est prædilectio quædam Bicephalorum & prædestinatio.

2. Iam verò quia Ecclesia in qua Deus non loquitur, spectrum potius est, & cadauer Ecclesiæ, quàm vera Ecclesia; hoc etiam sequitur, repudiato *magno illo Episcopo*, Deoque in suum reducto latibulum, otioso pereuntium hominum spectatore; restare nobis simulacrum Ecclesiæ: ut hic etiam Calvinistis concinant visibilis, & inuibilis Ecclesiæ alternationes fingentibus. Et quomodo non concinunt Aureliani, qui, ut antea notatum est, hodiernam Ecclesiam nec cor habere supponunt, nec cerebrum: ideoque non aliam esse volunt regulam Catholicarum veritatum, quàm Ecclesiam temporis sancti Basilii, & sancti Augustini? Oprabile sit spectaculum, & sapientum oculis dignum, recens à palæstra Bicephalorum pugil cum athleta Geneuensi compositus, in controuersia illa capitali de auctoritate Ecclesiæ, deque suæ cuiusque fidei analysi, dum ille ex Augustino, ex Scriptura iste clypeum facit. Saluus sim, nisi propriis ipsius armis Ipse Geneuensis conficiat, idque eo probabiliore victoria, quodd speciosior sit Scripturæ, quàm Augustini prætextus.

3. Quid ergo, inquires, sibi vult toties repetita solemnis illa testificatio, *Ad extremum usque spiritum Romanam Ecclesiam ducem sequendi, & beatissimi Petri in Romana Ecclesia successorem, tenendi quidquid ab illo præscriptum fuerit, improbandi, damnandi, anathematizandi quod fuerit ab illo improbatum, damnatum, anathematizatum?* Ego verò malim ut huic objectioni respondeant Nou-Augustiniani, qui suæ doctrinæ condemnationem decies inculcatam à Romanis Pontificibus obstinatè pergunt vocare *sub & obreptitiam*, certi non consentire, donec id definiatur, quod ipsis visum est. Si vera sit, sinceræque sui

Lib.
proem.
cap. 39.

Coryphæi promissio, cur non imitantur submissum ac docilem animum? Si non fuit; æquo animo ferant detegi fraudem, & simulatorum officiorum hypocrisim. Nempè ille jam ostendit se artem callere, quâ veram fidei professionem praua intelligentia interimere possit, & euertere. Bona sit, an mala dispositio animorum, relinquendum est iudicio scrutatoris cordium; quod prodit exterius, legitimam dat occasionem existimandi Nou-Augustinianos Calvinianis arare, ac serere: atque hoc agere, ut hæresis de fenestra præcipitata, per posticum reuocetur. Qui legit, intelligat.




DE INCOACTA
LIBERTATE
DISPVATIO
QVADRIPARTITA.

QVA MONSTRATVR EX DOCTRINA
potissimùm S. Augustini atque etiam S. Tho-
mæ ; Indifferentiam , hoc est agendi & non
agendi potentiam , & quidem proximam , &
expeditam , ad libertatem arbitrii esse ne-
cessariam.

Contra { *Nouum Augustinum Iprensis Episcopi.*
Vincentium Lenem.
Apologistam Iansenii.
Commentatorem Quinque propositionum.

THE UNIVERSITY OF CHICAGO
LIBRARY
CHICAGO, ILL. 60637

ADDITIONAL INFORMATION
[Faint, illegible text follows, likely bleed-through from the reverse side of the page.]



ADMONITIO AD LECTOREM
circa relationes Sanct-Amorii in suo Diario.

ERRORES ferè omnes quos Iansenius plurimos sparsit, ex illa vna radice pullularunt, qua censuit libertatem arbitrii excludere totam coactionis necessitatem; itaque cum de moribus agitur appetitus rationalis, idem omnino esse *incoactum*, & *arbitrio liberum*. Hanc ego veluti arcem Theologiæ Iansenianæ expugnandam suscepi Romæ, cum jam quinque propositionum, quarum hæc tertia est, immineret discussio. Occurrebant tunc, inter alios, quatuor hujus arcis præcipui Defensores, ipse in primis Iansenius, Vincentius Lenis, Anonymus Apologista Iansenii, Anonymus item alius quinque propositionum Commentator, quorum ego sigillatim euertere conatus sum proprias cujusque munitiones, atque ut hoc rite ac legitimè fieret, facultatem petii à sacra Inquisitionis Congregatione lucubrationem hanc communicandi cum publico, eamque obtinui suffragante designatorum ab ea examinerum testimonio, adjunctaque de more facultate Magistri sacri Palatii.

Laborabant tunc Romæ quatuor-viri Ianseniani pro suis erroribus tuendis contra impendentem damnationem; quibus quantopere doluerit opusculi hujus editio, nusquam meliùs exprimitur, quàm in illo infami Diario Santaamorii. Si cui enim tanta est inutilium studiorum patientia, tantumque tempus ab honestis occupatio-

Diarium
par. 4. à cap.
2. ad 7.

nibus vacuum, ut legere possit immanem illum aceruum puerilium narrationum, comperiet Iansenianos nullum non mouisse lapidem, ut editionem hanc disturbarent. Quoties per se ipsi conati sunt adire Summum Pontificem? Quoties per Oratorem Christianissimi Regis? Quoties per certos Cardinales? Quoties per viros quosdam religiosos suis partibus, ut ipsi quidem putabant, propitios; si qua ratione obtinere possent, ut Typographo interdiceretur labore suo! Sed tota hæc sollicitudo incassum fuit: nec impedire potuit editionis progressum & manum ultimam Typographi.

Addam quod Auctor Diarii nesciuit, vel potiùs quod nescire voluit. Summus Pontifex ne nullam videretur habuisse rationem tam potentis intercessionis, librum jam editum tradi iussit Eminentissimo Spadæ iterum inspiciendum. Inspexit & injuncti sibi muneris rationem ita reddidit, ut ne vnum quidem apicem tota in hac disputatione vel inducendum, vel mutandum censuerit; auctor etiam fuit, ut adirem ipse Summum Pontificem, & consilii mei rationes coram exponerem: quod & factum est.

Summus verò Pontifex qui nihil aliud cauebat, quàm ne hisce tractatibus insereretur peculiaris duorum Ordinum controuersia, *de auxiliis Diuina Gratia*, ubi se hujusce periculi securum intellexit; nihil aliud habuit quod insuper caueret, quàm ne suffragio quodam suo causa Iansenianorum ante legitimum examen præjudicata videretur: ergo iussit ut tantillum expectarem, dum præmissa controuersia decisione opportunum etiam videretur ad ejus æquitatem tuendam hoc

Opusculum vulgò exponi. Ego verò, quia vrgebat reditus in Galliam, ratus nullum esse locum vbi tutius asseruarentur exemplaria: & vnde certiùs suo tempore reciperentur, rogavi Illustrissimum S. Officii Assessorem, vt ea ex typographia in Palatium S. Inquisitionis transferri iuberet. Transferri iussit, suæ quidem Sanctitatis nomine, sed rogatu meo. Promulgatâ verò Innocentii decimi Constitutione, eodem assentiente, recepta sunt omnia sine mora, traditâque Bibliopolis tum Romæ tum alibi distrahenda: hæc narratio ne superflua videretur, fecit auctor Diarii, qui minutias istas persecutus trahere omnia conatus est in commendationem suæ causæ & veritatis injuriam.

Duo restant, in quibus nescias vtra plus possit, fallendi libido, an fallentis imprudentia. Patrem Fano socium Magistri sacri Palatii retulisse dicit, cùm librum legisset *se duas in eo hæreses Calvinianas animadu-* Diar. par. 4.
cap. 3. f. 188.
nisse: neque tamen obtinere potuisse vt emendarentur, Illustrissimo tunc Albizi, pro ea qua valebat auctoritate Assessoris S. Officii, urgente, vt omni difficultate superata liber ederetur. Non immoror in persequendis aliis hujus narrationis defectibus. Vnum hoc vrgeo, si non potuit obtineri vt purgaretur liber à duabus illis *hæresibus Calvinianis*, relictæ igitur in eo sunt. Ergo etiamnum in editione illa Romana reperiuntur. Vbinam quæso? Possent Ianseniani designare paginam vel partem aliquam vbi hæreses illæ duæ abscondantur? Viri scilicet misericordes nomini meo parcunt, & compertas hæreses deregere nolunt, qui fictas tam facîle tamque lubenter obijciunt.

par. 7. pag.
554.

Ejusdem stuporis est quod sequitur, *librum hunc de incoacta libertate prostare venalem Romæ: Magistrum sacri Palatii agrè facultatem concessisse: & ut concederet Summi Pontificis mandato fuisse coactum.* Nam quoddicit Magistrum sacri Palatii restitisse ne publicaretur liber, cujus edendi facultatem ipse dederat, præeunte sacre Inquisitionis judicio, cui persuadebit? Et quod additur, supremo Pontificis imperio coactum, ut vel inuitus eam facultatem daret, quomodo non aduertit, esse hoc eximium quoddam approbatæ hujus libri doctrinæ testimonium? Est illa quædam Iansenianorum seu fortuna seu fatum, ut cum nihil pensi habeant quibus rationibus sua dogmata confirment, impedire tamen non possint, quin aliqua interdum vera pluribus falsis permixta illis excidant, quæ sufficient ad ingentem mendaciorum struem dissipandam.

Locus admonet, ut quæ dicuntur in Diario de procurata Romæ per Iansenianos quorundam D. Augustini tractatum editione, breuiter recenseam, cum probè sciam quidquid hac occasione gestum est. Inter agendum, ut fieri solet, cum hujus libri mei typographo Ignatio de Lazaris, cum accepissem suum quoque prælum à Doctoribus Parisiensibus occupari, quæsiui ecquid illi tandem edendum Romæ susciperent? Respondit, selecta quædam D. Augustini opera. Erant fortè tunc apud me exigua duo S. Augustini volumina Parisiis nuperrimè missa, vulgò dicta *Augustinus pauperum*, quæ quia jam volveram, & ex eis Iansenianorum artes indolémque ad fallendum compositam certa comprehensione cognoueram, suspicatus

fuspiciatus sum, velle illos fortasse Romanorum fidem ita circumuenire, quemadmodum circumuenerant Parisiensium. Ergo petii ab Ignatio, vt ad me deferret autographum editionis. Attulit, monstrauit, & certam fecit rei quæ dubia prius videbatur cognitionem. Quare cum viderem detegendos esse istorum hominum dolos, eos adiui quorum intererat ista nosse: ostendique quomodo Ianseniani per appositæ marginibus notas, perque præcipuarum sententiarum erroris veneno corruptum indicem, supplere conarentur quod textui deerat, innocentemque Augustini literam in hæreticos sensus detorquerent. Ostendi quod appositum erat ad marginem Epistolæ Celestini, vbi quia Pelagiani & Semi-Pelagiani dicuntur in textu *Noceatissimi liberi arbitrii Defensores*, propterea quod libertatem cum injuria diuinæ gratiæ defenderent; è regione ad marginem scribitur, *Liberi arbitrii Defensores nocentissimi sunt*. Quæ ipsissima est Lutheri Caluinique doctrina. Hæc vbi monstrata sunt ipsis Inquisitorum oculis, legitimam prohibitionem suscepti operis cessatio sequuta est. Sed ne qua falleret sinistra interpretatio, tanquam injuriæ auctoritati S. Doctoris illatæ, Iansenianis querentibus ac vociferantibus data est optio, vt Augustinum darent, vel sine notis vllis ac indicibus, sed nudum & simplicem; vel cum germanis & textui respondentibus. Cujus conditionis priorem illi partem prætulērunt; & ne succubuisse omnino viderentur, cum edenda proposuissent duo volumina, vnico fuere contenti. Quippe qui satis intelligerent, Augustinum jam purum & incorruptum; ad doctrinam Iansenii confirmandam factum inutilem.

Diar. par.
4. cap. 7.
pag 114.

Conatus est tamen Auctor Diarii excusare quam dixi Notam ad Epistolam Celestini, cum dixit, esse intelligendam prout textum respicit. Quæ ridicula quædã est excusatio, quòd ex illa comparatione notæ cum textu, nihil aliud sequatur, quàm textum quidem innocentem esse, scholion verò videri hæreticum. Nimirum sicubi scriptum occurrat Caluinum fuisse nocentissimum Diuinæ gratiæ Defensorem, propterea quòd illam cum jactura libertatis defenderet; licebit Pelagiano exemplo Iansenianorum scribere ad marginem, *Diuina gratiæ Defensores nocentissimi sunt*. Sicubi legatur Arrianos fuisse nocentissimos Diuinæ Trinitatis Defensores, propterea quòd non Personas modò, sed ipsam quoque Naturam multiplicarent; licebit Sabellio ad marginem scribere *Diuina Trinitatis Defensores nocentissimi sunt*. E contrario, sicubi scriptum est Sabellianos fuisse nocentissimos vnius Diuinitatis Defensores, eo quòd Personas solo nomine distinguerent, poterit Arrianus ad marginem scribere, *vnus Diuinitatis Defensores nocentissimi sunt*: & obstrepentibus os obstruetur notam cum textu conferre iussis? Ecquid enim aliud confici poterit illa collatione, quàm innocentissimos esse textus, notas verò nocentissimas?

Hinc facile perspicis, OPTIME LECTOR, jure meritissimo impeditum nocentissimum illud Iansenianorum consilium: & quod Illustrissimum Assessorem veluti hujus impedimenti causam inuerecundè pungunt, eò tantum spectare, vt sapientes cordatique viri non id vlli maleuolentiæ aut nimis incitato partium studio, sed rectissimo ac prudentissimo tuendæ Catholice veritatis zelo tribuendum esse fateantur.

Supereſt vnum in quo ſatisfaciendum eſt Auſtori Diarii in antiquis ſcilicet monumentis verſatiſſimo. Inter Auguſtini teſtimonia contra incoactam Ianſenii libertatem, trigefimum quartum ſumptum erat ex ſermone 191. de tempore. Hic geſtire gaudio Ianſeniani, hic exultare, ſicut exultant victores captâ prædâ, Conſtare ſiquidem hanc eſſe Pelagii hæretici Confeſſionem, non autem Auguſtini doctrinam. Eſt verum, eſſe hanc Pelagii confeſſionem: ſed eſt etiam verum hanc eſſe Auguſtini doctrinam. Conſtat vtrumque ex epiſtolis Zoſimi ad Episcopos Africanos: ex quibus perſpicuè intelligitur, Pelagium authoritate literarum Apoſtolicarum oppreſſum, conſilium iniſſe fallendi Romanum Episcopum, ſicut antea ſefellerat Concilium Palæſtinum, erroris diſſimulatione. Confeſſionem ergo ad Innocentium miſit Catholiciffimam, ſi verba ſpectentur, & mendaciſſimam ſi mens attendatur conſitentis. Perlata Romam eſt, & Celeftio Pelagii diſcipulo ibi fortè tunc degenti conſignata. Celeftius ſuam ipſe quoque Confeſſionem adiunxit, & vtramque obtulit Zoſimo, qui ſucceſſerat Innocentio jam defuncto. Zoſimus qui nondum ſatis compertas habebat iſtorum hominum fraudes, putabátque ſententiam eorum verbis expreſſam, & intus animo conceptam eandem eſſe, illo fretus principio quod eſt in ejus epiſtola, *De occultis animorum ſolius Dei noſtri poſſe eſſe iudicium: & optima mentis iudicium eſſe, prava difficilius credere*; paſſus eſt ſibi perſuaderi Catholicos eſſe, quos Episcopi Africæ tanquam hæreticos accuſauerant: ideóque ad eos ſcripſit cum aliqua etiam increpatione in gratiam Pelagii.

Apud Ba.
101. an 417.

Episcopi Africani, quibus Pelagianorum artes notiores erant quàm Zosimo, ejus literis minimè perturbati, hoc egerunt, tum per suas ipsi literas, tum per Paulinum Diaconum, vt Zosimus experimentum de fide Celestii coram capere vellet: & ejus mente perspecta, de Pelagio quoque pariter judicaret. Ita factum est. Celestius ergo variis interrogationibus circumclusus, mendacem animum atque etiam hæreticum patefacere coactus est: itaque qualis esset ipsius etiam Pelagii animus palam ostendit.

Quamobrem Zosimus, qui se deceptum fuisse sensit, non quòd falsa, sed quòd ficta fuisset fidei professio quam obtulerant; aliis literis Africanorum Episcoporum laudatâ constantiâ Pelagium Celestiumque ab Ecclesiæ Catholicæ finibus exterminauit. Quod judicium sequutus *Piissimus Imperator Honorius, suis legibus damnatos Pelagianos inter hæreticos haberi debere constituit*, vt loquitur Possidius in vita Augustini.

Cap. 18.

Hinc intelligit Lector, quod ait Santamorius, Zosimum reuocasse quam dederat professionis fidei à Pelagio editæ approbationem, falsissimum esse. Professionem enim illam non improbauit sed fictionem: veluti si quis ratus Mahumetanum quendam ex animo proferre quod recitat, Symbolum Apostolorum, pro Christiano habendum credidisset, quem postea imposturâ detectâ, vt verum Mahumetanum & fictum Christianum proscribendum pronuntiaret; Ille-ne censendus esset reuocare quam dedisset approbationem Apostolico Symbolo? Nihilo certè magis censendus est Zosimus reuocasse quam ostenderat Con-

fessionis Pelagii approbationem, quippe quæ, vt Baronius loquitur, *ne pilum quidem habere videretur hæretici*. Hinc ergo factum vt tanquam maximè Catholica inter opera Augustini referri potuerit, quòd & mentem Augustini Pelagio contrariam contineret, & ab eo probatam acceptatamque fortè etiam scriptam fuisse non ambigeretur. Vnde nihil aliud colligi debet quàm S. Augustini doctrinam inter extremos errores, Pelagii & Iansenii, esse mediam.



Eminentissimi, ac Reuerendissimi Domini.

Franciſcus Annatus Aſſiſtens Gallix Societatis Ieſu humillimè exponit Sac. Congregationi, ſe jam ſcripſiſſe aliquos Tractatus, in quibus conatur oſtendere doctrinam Ianſenianam longè diſtare à doctrina S. Auguſtini, intactis prout illis controuerſiis, quæ inter Patres Dominicanos, & Patres Societatis Ieſu vertuntur. Supplicat igitur humillimè Sac. Congregationi vt benignè dignetur ipſi facultatem concedere imprimendi dictos Tractatus, perlectos tamen prius, & examinatos ab iis, quos deputare viſum fuerit Sac. Congregationi.

Feria 4. die 3. Maij 1651.

In Congregatione S. Officij habita in Conuentu S. Mariz ſuper Minerua, coram Eminentiffimis, & Reuerendiſſimis Dominis Cardinalibus Generalibus Inquiſitoribus à Sancta Sede Apoſtolica ſpecialiter deputatis.

Eminentiffimi, & Reuerendiſſimi Domini Cardinales Generales Inquiſitores predicti, dicto memoriali audito, conceſſerunt licentiam imprimendi, ſed liber prius videatur à Reuerendiſſimo P. Abbate Hilarione, ſeu à Magiſtro Modeſto de Ferrara Conſultore S. Officii Urbis.

Approbo, Jo. Anton. Thomas Not.

Io. Antonius Thomas Sanctæ Romanæ,
& Vniuerſalis Inquiſitionis Notarius.

Imprimatur, ſi videbitur Reuerendiſ. P. Mag.
Sac. Pal. Apoſt.

A. Bualdu Viceſg.

Imprimatur.

Fr. Vincentius Fanus, Magiſter, & Socius Reuerendiſ. P. Fr. Vincentii Candidi Sac. Palat. Apoſt. Mag. Ord. Præd.

Diſputationem quadripartitam de Incoaſta Libertate ab adm. Reu. P. Franciſco Annato Societatis Ieſu Galliarum Aſſiſtenti compositam accuratè legi, nihilque in ea reperi, quod Fidei Catholicæ, vel bonis moribus contrarietur, aut quod controuerſias, quæ inter Patres Dominicanos, & Societatis ejuſdem controuertuntur, tangat, propterea Opus hoc digniſſimum cenſeo, quod impreſſione decoretur.


Datum Romæ, ex Conuentu Sancti Saluatoris in Vnda die 21. Nouembris 1651.

Fr. Modeſtus Ganatius Ferrarienſis totius Ordinis S. Franciſci Minorum Conuentualium Procurator generalis, & Sanctæ Romanæ, ac vniuerſalis Inquiſitionis Conſultor, & Qualiſicator.

DE Libertate Incoaſta Diſputationem quadripartitam adm. Reu. Patris Franciſci Annati Societatis Ieſu Theologi, & Galliarum Aſſiſtentiſ exactiſſima qua potui diligentia, & legi, & poſſibili cum ſedulitate conſideraui; Nihilque cum mihi occurreret Fidei orthodoxæ contrarium, Conciliis repugnans, Patribùſque alienum, ſed potiùs tractatus ſumma eruditione reſertus, in quo Author Diui Auguſtini, & Angelici Doctoreſ ſenſus in rem graui, æqua ingenii felicitate, & ſinceritate mentis exponit; quare Opus digniſſimum iudico, vt typis mandetur, eo præſertim, quod ab iis ingenioſiſſimè abſtinet, quæ ex Decretis S. Romanæ, & Vniuerſalis Inquiſitionis in materia de Auxiliis abſque ejus licentia prælo committi non poſſunt. Ex Conuentu S. Marcelli, die 15. Decembris 1651.

Fr. Angelus Maria Cyria de Cremona totius Ordinis Seruorum B. M. V. in Romana Curia Procurator generalis, Patriæ Urbis Theologus, Sanctæ Romanæ, & Urbis Inquiſitionis Qualiſicator, & Sac. Indicis Congregat. Conſultor.

AVCTOR LECTORI.

BTENTA facultate à Sacra Congregatione Sanctæ Romanæ, & Vniuersalis Inquisitionis hunc tractatum edendi, OPTIME LECTOR, habitaque à Censoribus ab eadem Sacra Congregatione designatis approbatione legitima; ut cum hîc Romæ potissimum ederem, ea me ratio compulit. Quia cum hîc ista controuersia jam ferueat, & præsentia partium materiam præbeat quotidianis hominum sermonibus; expedit esse unde informari plerique possint, ne aliqui fortè causa non satis intellecta iudicium præcipitent.

Quia verò eorum qui Iansenio, & Iansenianis fauent solennis est prætextus, autoritas Augustini; in hoc in primis incumbendum censui, ut hæc umbra dissiparetur, constaretque manifestum esse Antiquum inter & Nouum Augustinum doctrinæ discrimen. Quod quamuis præstitum sit tantum circa Tertiam Propositionem ex illis Quinque, quas Episcopi Galliæ circiter octoginta Summo Pontifici ad censuram obtulere; quia tamen illa fundamentalis est, & nexum habet cum cæteris indissolubilem, si constabit quid sit de ea sentiendum, nulla cuiusquam circa reliquas esse poterit hæsitatio.

Ad Sancti Augustini addidi testimonia Sancti Thomæ, ex quo intellexi Iansenianos post repudiatam contumeliosè à Iansenio Scholasticam Theologiam vniuersam, & nominatim Thomisticam, captare tamen auram Thomistarum, eorumque simulata doctrinæ societate ambire patrociniûm. Et spero te,

Optime Lector, judicaturum, si quidem res ista ex sententia S. Thomae sit metienda, fieri nullo modo posse, ut Theologus quisquam idem sit, & Iansenianus, & Thomista.

Atque hinc tandem patebit quàm sit inane canticum illud quod Ianseniani passim occinunt, dum Molinam Molinam se tantùm petere vociferantur. Quippe manifestum fiet, Molinam in hac causa, quatenus à nobis contra Iansenium defenditur, esse Thomistam, atque ipsum habere patronum D. Thomam. Sed fuit hoc stratagemata Iansenianorum fraudulentumque consilium, ad vitandam invidiam impugnatae Catholicae doctrinae, fingere se tantùm in Molinam collimare. Fraudem hanc detegat Sedis Apostolicae iudicium, ad cuius aequitatem, & veritatem meliùs percipiendam, tuum, Optime Lector, animum hac disputatione prae parare consilium fuit. Vale.





DE INCOACTA LIBERTATE DISPVATIO.

CAPVT I.

*Iansenii sententia refertur, & præcipua ejus fundamenta
conuellantur.*



QVIA vnicum fere totius Iansenismi funda-
mentum illo incoactæ libertatis principio niti-
tur, operæ pretium fuerit id examinare seorsim,
ac videre quàm verum sit, quod dicunt, esse
hanc *certissimam clarissimamque* Sancti Augustini
doctrinam, & simul notare, quàm varii nutantésque, atque
inter se contrarii Ianseniani sint in hoc principio tuendo.

§. 1. *Quid sentiat Iansenius.*

ERGO Iansenius postquam ex longa 22. annorum inda-
gine in *Cubile* tandem libertatis, vt ipse vocat, ingres-
sus est, hanc ejus formam expressit iis, quibus non licuit
hæc adyta penetrare. *Implicare contradictionem vs voluntas,*

To. 1. lib. 6.
de gr. Salu.
c. 5. & 6.

seu volitio non sit libera, sicut implicat, ut volendo non velimus: latere contradictionem in eorum dictis qui dicunt voluntatem, id est, volitionem esse posse, qua non sit libera: apud Augustinum, esse liberam & esse aliquam hominis vel Angeli voluntatem, seu volitionem pro iisdem prorsus usurpari: voluntatem seu volitionem, & liberam voluntatem idem esse, sicut etiam velle, ac liberè velle: & esse impossibile ut velle non sit liberum: liberam esse voluntatem ratione sui, eo quòd sit essentialiter libera: Et alia id genus, quæ passim inculcat, & per omnes operis sui partes versat, unde concludit solam necessitatem coactionis esse contrariam libertati voluntatis.

Ioc. cit.
lib. 6. c. 6.

Aduertendum autem est. Primò, Iansenium nomine coactionis non intelligere tantùm strictam illam coactionem, quâ vis ab extrinseco principio infertur passio resistenti; sed latius sumere, ut comprehendit etiam necessitatem, quæ provenit à naturali & intrinseca inclinatione, qualis est in appetitu brutorum, & in motibus indeliberatis concupiscentiæ. Hoc enim ipse significat, cùm dicit, *Hæc ergo necessitas, quæ scilicet libertatem tollit, valde generalis est, & sub se naturales omnes impetus comprehendit, qui non possunt volendo impediri. Nam & isti quantumcumque naturales sint, renitente tamen voluntate, suum effectum operantur. Nam velit nolit homo, nascitur, vivit, &c. Ex quo fit ut quemadmodum necessitas & necessarium apud Augustinum, ita & natura & naturale opponatur voluntario, siue libero. Ex quibus sic postea concludit. Doctrina igitur Augustini, est, necessitatem illam primam, prout etiam naturam sic explicatam complectitur, nec aliud est respectu voluntatis, quam quedam vis aut violentia, aut coactio, quæ operatur id quod potest, etiam volente voluntate, capitaliter repugnare libertati, tamque funditus perimere. Præter hanc duplicem necessitatem, quam sub vno nomine coactionis comprehendit, negat Iansenius aliam ullam esse quæ tollat libertatem: ac proinde quando Sanctus Augustinus & alii Patres asserunt libertatem tolli necessitate operandi, minimè exponendos de simplici necessitate, quæ dicit tantùm determinationem ad vnum; sed de alterutra ex jam dictis, naturali scilicet aut violenta. Unde loco jam citato negat perimi libertatem ab ea necessitate quæ est simul voluntaria: & voluntariam esse sic*

explicat, *qua scilicet simpliciter necesse est aliquid fieri, non repugnante, sed immutabiliter volente voluntate.* Et ut ostendat se quippiam singulare ac paradoxum dicere, subdit, *Mira videbitur Scholasticis ista doctrina, &c.* Nec aliud excipit quàm motus indeliberatos, qui rationem praeveniunt. Nam si sit actus voluntatis deliberatae, hoc est, agentis ex plena cognitione, quamvis sit necessarius, liberum tamen esse contendit, ut patet ex c. 35. lib. 6. Nec alia de causa damnabilem putat propositionem jam à quatuor Pontificibus damnatam, *quod voluntariè sit; etiamsi necessariò fiat, liberè tamen sit*, quam quia non excipit *motus indeliberatos*, eodè lib. c. 36. Et ideo liberrimos fuisse putat, & maximè meritorios actus Christi, dum esset viator, etiam illos qui erant maximè necessarii: Et modò Beatos merituros per actum amoris beatificum, si essent in statu merendi, lib. 7. cap. 15. Dæmones è contrario peccare, ac demereri per actus similiter necessarios: In nobis mutabiles esse, ac transitorias istas necessitates, sibi que vicissim succedere necessitatem bene agendi, & necessitatem malè agendi, *Sed hoc non oriri ex natura liberi arbitrii, sed ex instabilitate quam habet in bono: ... Itaque si etiam, in hac vita Dei inspiratio tam stabiliter, ac delectabiliter Deo operante, inhereret voluntati, ut eam non posset abicere; fortissimum liberrimùmque meritò d'cendum liberum arbitrium: Esse hoc illius vitae privilegium, non posse dissentire gratia Dei, QVOD SI DARETUR ETIAM IN PRÆSENTI EXILIO, NON VIOLARET, SED SUMME PERFICERET ARBITRII LIBERTATEM.* Ita lib. 8. c. 7. Vnde patet Caluini doctrinam negantem voluntatem posse dissentire Deo mouenti, non violare, sed summè perficere arbitrii libertatem. Hinc esse quod antiqui nunquam de necessitate agendi cogitauerint in exprimenda libertate arbitrii, *Nihil, inquit, de necessitate agendi curauerunt, sed non obstante immutabili necessitate omnem omnino voluntatem rationalem, hoc est voluntatis motum, & liberam & electiuam objecti sui posuerunt.* Et ite- Lib. 6. c.
rum, *Nullam immutabilitatis, inenitabilitatis, vel quocumque vo-* 38.
ces nomine, sed solum coactionis necessitatem ei repugnare ex eo-
rundem antiquorum sententia: Indifferentiam autem contra-
ditionis, quâ dicitur liberum arbitrium sic agere, ut possit Lib. 7. c.
non agere, nullo modo necessariam esse: & hoc probari 14. 15.

Lib. 8. c.
5. & 19.

Lib. 8. c. 12.

Lib. 6. c.
17.

septem absurdis quæ sequerentur si esset necessaria : Augustinum in defendenda libertate , conciliandâque cum diuina gratia nunquam ex eo capite defendisse, quòd salua esset indifferentia : Item , ne vnum quidem ex Patribus Latinis ante ætatem Scholasticorum ad eandem indifferentiam recurrisset : Neminem reperiendum, qui ab illa, quam esse putat Sancti Augustini , doctrinâ per annos octingentos discesserit.

§. 2. *Explicatur Augustini doctrina , de iis quæ dicuntur esse in nostra potestate.*

ADVERTENDVM secundò, distinguendas esse quæstiones quas Iansenius inuoluit : non enim quærimus vnde fiat vt mors, verbi gratia, quæ infertur alicui violenter non sit libera voluntati morientis : vel vnde fiat vt motus concupiscentiæ, qui naturaliter excitantur , non sint eidem voluntati liberi; hoc est , non quærimus vnde impediatur hominis libertas in illis actionibus quæ sunt extra voluntatem, cuiusmodi sunt mori, viuere, nutrirî, irasci, timere. Quæstio est de internis actibus ipsiusmet voluntatis, seu de volitionibus, & quidem efficacibus , in quibus potest esse libertas, etiamsi non sit in illis aliis actionibus quæ in homine, vel ab homine fiunt. Mortem enim violenter illatam & non liberam acceptare potest voluntas per actum liberum : & concupiscentiæ naturaliter motæ, per actum similiter liberum potest consentire , aut dissentire : de his ergo actibus quærimus quid possit eorum libertatem impedire.

Aduertendum tertio , Diuum Augustinum nunquam & nusquam dixisse solam coactionem , illo modo antea exposito sumptam; impedire istorum actuum libertatem : vel nullam esse posse aliam necessitatem, quàm duplicem illam, naturalem scilicet , quæ reperitur in motibus appetitus , & violentam, quæ infertur extrinsecus passo renitenti , quâ huiusmodi libertas destruat. Dico nunquam , & nusquam id esse traditum ab Augustino : quod ei facillè persuadebitur qui percurreret omnia quæ Iansenius asserre solet testimonia :

& confirmabitur ipsa Vincentii Lenis confessione qui præter duplicem illum modum interimendæ libertatis, seu duplicem illam necessitatem, aliam inuenit, quâ etiam libertas tollatur, vt postea referam. Ergo quod non exprimitur apud Augustinum, id illi sibi videntur colligere quibusdam ex locis, quæ id minimè continent, si absit praua, & violenta, & à mente Augustini alienissima interpretatio.

Verbi gratia, Iansenius id vrget maximè, quod cùm constet tum ex aliis auctoribus passim, tum ex ipso etiam Augustino, id esse liberum *quod est in nostra potestate*; Augustinus id esse in nostra potestate definiat, *quod cùm volumus facimus*, seu quod quisque, *si vult facit, si non vult non facit*. Additque ex Augustino *hoc maximè conuenire ipsi voluntati* seu volitioni, vnde sequitur ipsam esse maximè liberam: cætera verò quæ fiunt, etiamsi nolimus, vel non fiunt, etiamsi velimus, censeat Augustinus non esse libera. Vnde Iansenius infert, necessitatem simplicem, seu quæ simpliciter determinat voluntatem ad vnâ volitionem, non tollere illius libertatem: quia non impedit quominus verissimum sit de illa volitione, *Voluntas si vult, eam facit; si non vult, non facit*, nullo autem modo dici potest eam facere, etiamsi nolit, quia hoc esset nolentem velle, & volentem nolle, quod implicat.

Sed hæc probatio laborat duplici vitio. Nam primò, concludit contra Iansenium, ne ipsam quidem necessitatem naturalem tollere libertatem. Supponamus enim, quod nimis sæpe contingit, eodem impetu naturæ quo mouetur ira, concipi etiam in voluntate, non expectatâ rationis aduertentiâ, efficacem & absolutam volitionem vindictæ; totum hoc quod dicit Iansenius illi conuenit; sit in voluntate cùm voluntas vult, & quando volet non fieri, statim non fiet. Accedente enim rationis aduertentiâ, si voluntas diuinitus mora nolit vindictam, poterunt quidem adhuc superesse simplices motus iræ, & inefficaces vindictæ velleitates; efficax autem & absoluta illa volitio nullo modo manebit; alioqui voluntas nolens vellet, & volens nollet vindictam quod implicat. Quomodo ergo negabit volitionem illam esse in nostra potestate, & consequenter esse liberam? Et

Loc. cit. lib.
6. c. 5.

Lib. 3. de L.
arb. c. 3.

De sp. &
lib. c. 31.
5. de ciu. c.
10.

tamen illa coacta est necessitate naturali.

Necue dicas hanc volitionem sic expressam ante aduertentiam rationis, non esse actum, seu volitionem appetitus rationalis, vt rationalis est, quia hoc est dicere Sanctum Augustinum non esse idoneum Definitorum; siquidem definiendo actionem liberam omisisset id quod erat illi proprium, esse nimirum actum appetitus rationalis, vt rationalis; & expressisset tantum id quod est commune actioni liberæ cum non libera, quod est, fieri si volumus, & si nolumus non fieri. Sufficit nobis, quod tota illa definitio, prout exprimitur apud Augustinum, & prout explicatur à Iansenio, conueniat etiam actioni, quæ naturali necessitate coacta est. Inde enim sequitur, vel non esse definitionem actionis liberæ, vel malè intellectam esse à Iansenio; vel liberum esse illud quoque, quod naturali coactioni subicitur, quod Iansenius negat.

Et certum est malè intellectam fuisse à Iansenio definitionem Augustinianam, quod est alterum vitium ratiocinationis illius. Quando enim dicit Augustinus id esse in nostra potestate *quod cum volumus facimus*, vel quod idem est apud eum, *quod si volumus facimus, si nolumus non facimus*; loquitur more mortalium omnium, qui aliqua ratione vtuntur, & sciunt quid dicant; nec ita nobiscum agit, vt dum vsitata cæterorum phrasi vtitur, singularem habet, & propriam cogitationem communibus verbis minimè respondentem. Atqui modus ille loquendi, *cum volumus facimus*, vel, *si volumus facimus, si nolumus non facimus* nunquam vsurpatur nisi de re cuius faciendi, & non faciendi potestas adest: contenditque Iansenius id esse verum de illis actionibus, quæ sunt objecta voluntatis, & mediatè liberæ, vnde non putat liberum esse ipsum *crescere, nutrir*, imò nec *irasci aut metuer*, si sumantur prout sunt motus appetitus, quia, inquit, etiam si nolimus, nutrimur tamen, crescimus, irascimur, timemus, hoc est, quia non habemus potestatem impediendi actiones illas, etiam si non desit voluntas: moueri autem motu progressiuo in homine valente, sano, & vinculis atque compedibus soluto liberum est, quia vtrumque est in potestate, moueri & non moueri. Vnde rectè dicimus, si vult mouetur: & si non

CONTRA NOVVM AVGVST. CAP. I. III

vult non mouetur. Cùm ergo dicat Augustinus, id quod affirmatur de actionibus illis externis mediata tantùm liberis quatenus liberæ sunt, maximè conuenire volitionibus immediate, ac primò liberis, consequens omnino est, vt juxta Augustinum de illis volitionibus dici non possit, quod scùm volumus, sunt, & cùm non volumus, non sunt: ac proinde quòd sint liberæ, nisi quando adest potestas eliciendi, & non eliciendi, quæ est indifferentia determinanti ad vnum necessitati opposita. Hæc argumentatio ad formam demonstratiuam sic reduci potest. Id quod facit actiones externas esse mediata liberæ, maximè conuenit volitionibus internis immediate liberis: Sed procedere à principio, quod habet potestatem ponendi, & non ponendi actionem, facit actiones externas esse mediata liberæ: Ergo procedere à principio, quod habeat talem potestatem, maximè conueniet volitionibus intrinsecis immediate liberis. Major, & minor ex Augustino colliguntur, vt jam ostensum est, & adhuc ostendi potest, cùm dicit: *Non est in nostra potestate, nisi quod cùm volumus fit.* 2. Ret.c. 1. VBI PRIVS ET MAXIME EST IPSVM VELLE. Vbi quæro, quare de primis iræ motibus non dicitur, cùm volumus fiunt? quia nimirum fiunt etiam si non velimus: quod non est aliud quàm, quia tametsi oriantur à principio, quod potest elicere, non tamen à principio, quod possit non elicere. Ergo cùm hoc, quod deest motibus illis ad libertatem, conueniat prius, & maximè ipsi velle, vt ait Augustinus, prius & maximè conueniet illi, oriri à principio in quo sit potestas eliciendi, & non eliciendi. Idem clariùs, *Si necessitas nostra illa dicenda est, quæ non est in nostra potestate, sed etiam si nolumus efficit id quod potest, sicut est necessitas mortis, manifestum est voluntates nostras, quibus rectè vel perperam viuunt, sub tali necessitate non esse.* s. de Civ. cap. 10. Multa enim facimus quæ si nollemus non utique faceremus, QVO PRIMITVS PERTINET IPSVM VELLE, quia si volumus est, si nolumus, non est, non enim vellemus, si nollemus. Si tam possemus non mori, quàm possumus mori, perspicuum est, juxta Augustinum non dicendam mortem subesse necessitati, quæ non sit in nostra potestate: ergo per hoc præcisè mors non est in nostra potestate, quia non habemus potestatem non moriendi, sicut habemus moriendi.

Atqui Augustinus in hoc distinguit necessitatem mortis à necessitate volitionum liberarum. Igitur supponit nos, quod non possumus circa mortem, hoc tamen posse, circa liberam volitionem: ac proinde tam posse nos illam non elicere, quàm possumus elicere. Et quid aliud quæso significant verba illa, *multa facimus, quæ si nollemus non faceremus*, quàm, *multa facimus cum potestate illa non faciendi*, & hoc, inquit, *primitus* reperitur in ipso velle, seu in ipsa volitione libera, ergo de illa *primitus* verum est, nos illam facere cum potestate non faciendi: & ab illa primitiva faciendi, vel non faciendi, hoc est volendi, vel non volendi indifferentia, derivatur ea quæ consequentibus inde actionibus externis convenit. Similia habet lib. 1. de lib. arb. cap. 12. cùm dicit, *Quid enim tam in voluntate quàm ipsa voluntas sita est?* & cap. 19. *Noli ergo mirari si cæteris per liberam voluntatem utimur, etiam ipsa libera voluntate per eam ipsam uti nos posse, ut quodammodo se ipsa utatur voluntas, quæ utitur cæteris: sicut se ipsam cognoscit ratio, quæ cognoscit cætera.*

Objici potest Augustinum non dicere actiones externas esse liberas, ex eo quòd procedant à principio quod potest facere, & non facere, sed ex eo quòd procedant à principio, quod potest facere si velimus, & si non velimus non facere: hoc autem *primitus* convenire volitionibus etiam necessariis. Sed objectio friuola est. Nam esse causam, quæ si velimus producit aliquam actionem externam, & si non velimus, non producit; non est aliud quàm esse causam, quæ potest producere, & non producere; cum subordinatione ad voluntatem: hoc autem quod principio, vel causæ actionum externarum convenit cum subordinatione ad voluntatem, hoc ipsum sine subordinatione, sed *primitus* & ex proprio dominio convenire vult Augustinus voluntati ipsi, respectu suorum actuum: ergo voluntati ipsi *primitus*, & ex proprio quod habet in suos actus dominio, non ex subordinatione ad aliam aliquam facultatem convenit posse agere & non agere. Et esset inepta locutio, qua quis diceret, nos actus illos internos, si volumus, elicere, & si non volumus, non elicere, nisi significaretur illa potestas eliciendi, & non eliciendi, quia hoc nunquam dicitur de actu necessario. Sicut enim nemo

CONTRA NOVVM AVGVST. CAP. I. 113

est, qui non putaret eum nugari qui diceret, Pater æternus si vult, generat Filium, & si non vult, non generat; ita nemo non censeat improprie loqui eum qui diceret, Deus si vult amat se, si non vult non amat se; & de Beatis, si volunt, amant Deum, si non volunt, non amant, suppositâ necessitate quoad exercitium illius amoris: quòd scilicet omnes qui aliquid sapiunt, putent eo loquendi modo significari potestatem ad vtrumlibet: & hanc esse mentem Diui Augustini, præter ea quæ jam dicta sunt, paulo pòst monstrabitur.

§. 3. *Augustini doctrina de concordia præscientiæ cum libertate nihil iuuat causam Iansenii.*

VTITVR præterea Iansenius eâ doctrinâ, quam tradidit Augustinus, dum ostendit quomodo præscientia futurorum non adimat libertatem. Augustinus enim non vtitur aliâ ratione, nisi quia quod præscitur est voluntas, & nihil est magis in nostra potestate quàm voluntas. Vnde si necessarium est, vt quod præscitur futurum, sit futurum; necessarium est vt voluntas, quæ præscitur futura, sit futura. Ergo necessarium est tantum, vt sit futurum illud, quod est in nostra potestate, ac proinde quod est liberum: quæ solutio Augustini nulla esset, si posset esse aliqua voluntas, quæ non esset libera. Diceret enim Euodius contra quem disputat Augustinus, est verum præsciri voluntatem, & esse necessarium, vt quod præscitur sit futurum; sed cùm possit esse voluntas, quæ non sit libera, non concluditur, etiam si ex præscientia sequatur futuram voluntatem, illam fore liberam. Valet autem responsio, supposito quòd omnis voluntas, seu volitio eo ipso quod est voluntas, sit libera: hoc igitur supponit Diuus Augustinus. Et quia subesse necessitati simplici ad vnum determinanti, non impedit ne voluntas sit voluntas: consequenter nec impedit ne sit libera.

Verum tota hæc etiam probatio in fumum resoluitur, & tenues auras, si tantum exponatur, quid intelligat Augustinus, nomine *voluntatis*, cuius interpretatio ab ipsis Aduersariis exprimenda est. Nam cùm supponant per voluntatem intelligi actum voluntatis, non ipsam facultatem; statim

Tom. 3. lib.
6. cap. 5.

Ianf. loc.
cit.

monent, non comprehendi eo nomine simplices affectus, habentes necessariam connexionem cum motibus appetitus, qui quòd sint indeliberati, non sunt liberi. Potest etiam illis objici actus efficax voluntatis, qui sæpe concipitur non expectatâ, ut dictum est antea, rationis aduertentiâ, ideòque non est liber ob eandem rationem. Ergo Sanctus Augustinus, per voluntatem illam, quam supponit esse necessariò liberam, intelligit actum voluntatis elicitedum ex plena rationis aduertentiâ. Quid est autem hæc plena rationis aduertentiâ? Loquitur de viatoribus, quorum bonæ malæque voluntates in iudicium deinde vocandæ sunt, præmiòque vel pœnâ afficiendæ, ut ex illo loco patet. Ergo quid est in illis plena hæc rationis aduertentiâ? Nimirum est talis cognitio, quæ si habeat pro objecto bonum infinitum, repræsentat illud & obscurè, & cum difficultate acquirendum: si bona creata, repræsentat eorum modicitatem, & insufficientem faciendæ voluntati bonitatem: necnon & adjunctas alias mali rationes auertendæ voluntati idoneas. Vno verbo, quæ bona quæ repræsentat, eo modo repræsentat, ut perinde non amari possint, atque amari. Et hæc vocatur *indifferentia iudicii*, quæ dicitur radix esse libertatis, ut deinde ex Sancto Thoma monstrabitur: quæ causa est, cur voluntas, quæ tali cognitione regitur, sit indifferenter appetitiva. Quid ergo mirum est, si Augustinus voluntatem ita intellectam, pro volitione scilicet quæ sequitur ex principio constituto in indifferentia amandi vel non amandi, per indifferentem illam cognitionem, dicat illam, eo ipso quod talis est, esse liberam; cum hoc nihil aliud sit, quàm dicere, eo ipso quod talis est, elicitedam esse à principio indifferenti? Est igitur hæc confirmatio potius indifferentiæ ad libertatem necessariæ, quàm impugnatio: & impugnatio necessitatis ad vnum determinantis liberam facultatem, potius quàm confirmatio.

Et crescit solutionis hujus euidentiâ, ex eo quod addit Vincentius Lenis, qui vult Augustinum non solùm intelligi de volitione, quæ supponit illam cognitionis plenitudinem, sed quæ insuper eliciteda connaturaliter. Existimat enim fieri posse, ut stante plenâ rationis aduertentiâ, talis & tanta inferatur voluntati agendi necessitas, ut operatio non sit li-

bera; ac proinde ad ejus libertatem requiri, vt non patiatur talem necessitatem: non passuram autem, si sinatur agere *connaturaliter*. Accipimus ergo quod dat iste Iansenianorum sensuum depositarius & hæres: & dicimus voluntatem, quæ suppositâ cognitionis plenitudine circa objecta creata, vel circa increatum obscure cognitum, connaturaliter operatur, operari hoc ipso cum indifferentia: & operationem inde consequutam, ita esse contingentem, vt possit esse & non esse, stante illâ voluntatis dispositione. Esse igitur verissimum quod docet Augustinus, volitionem illam eo ipso quod est talis volitio, esse liberam: quia eo ipso elicitur à principio indifferenti: & præscientiam ideo non tollere libertatem, quia non impedit quominus id quod præscitur futurum, sit talis voluntas seu talis volitio, quæ scilicet connaturaliter elicitur à principio in indifferentia constituto per cognitionis plenitudinem. Vnde nihil aliud sequitur, quàm in conceptu principii liberi indifferentiam includi, contrariam necessitati ad vnum determinanti. En quò tandem resoluuntur Iansenianorum machinæ.

§. 4. *Nihilo magis iuvat quod docet Augustinus de duplici necessitate.*

TERTIO vrget Iansenius locum illum ex §. de Ciu. vbi Cap. 101. dicitur: *Vnde nec illa necessitas formidanda est, quam formidando Stoici laborauerunt causas rerum distinguere, vt quasdam subtraherent necessitati, quasdam subderent. Itaque in his quas esse sub necessitate noluerunt, posuerunt etiam nostras voluntates, ne videlicet non essent libera, si subderentur necessitati. Si enim necessitas nostra illa dicenda est, quæ non est in nostra potestate, sed etiam si volumus efficit quod potest, sicut est necessitas mortis; manifestum est voluntates nostras, quibus recte vel perperam vinitur, sub tali necessitate non esse. Multa enim facimus, quæ si nollemus non utique faceremus, QUÒ PRIMITVS PERTINET IPSVM VELLE. Nam si volumus, est; si nollemus, non est; non enim vellemus, si nollemus. Si autem ista definitur esse necessitas, secundum quam dicimus, necesse est vt ita sit aliquid, vel ita fiat; nescio cur eam timeamus ne nobis au-*

ferat libertatem voluntatis. Neque enim & vitam Dei & præscientiam Dei sub necessitate ponimus, si dicimus necesse est Deum semper vivere, & cuncta præscire, sicut nec potestas ejus minuitur, cum dicitur, mori fallique non posse, . . . sic etiam cum dicimus necesse est ut cum volumus, libero velimus arbitrio; & verum procul dubio dicimus: & non ideo ipsum liberum arbitrium necessitati subicimus, quæ adimit libertatem. Sunt igitur nostra voluntates, & ipsæ faciunt quidquid volendo faciunt, quod non fieret, si nollemus. Quæ verba ubi retulit Iansenius, Ecce, inquit, clarissimis verbis distinguis hîc duplicem necessitatem, unam quæ non relinquit actum in nostra potestate, hoc est ut ipsemet explicat, quæ nobis etiam nolentibus, seu inuitis & coactis operatur effectum suum: alteram quæ simpliciter necesse est aliquid fieri, sicut vivere, præscire, non mori, non falli respectu Dei; illam repugnare docet libertati, istam minimè. Bene habet. Ergo quia secunda hæc & simplex necessitas non tollit libertatem arbitrii, liberum est Deo libertate arbitrii vivere, præscire, non mori, non falli: & quia jam definiuit id esse liberum quod est in nostra potestate: & illud esse in nostra potestate juxta Augustinum, quod si volumus facimus, si nolumus non facimus; consequens est ut de Deo dicatur, si vult, vivit, si non vult, non vivit: si vult, præscit futura, si non vult, non præscit: si vult, moritur; si non vult, non moritur: si vult, errat; si non vult, non errat. Et quisquam est qui possit ferre ita loquentem? Non mori, non falli, spirare Spiritum sanctum, arbitrarium Deo est? Si vult, existit, si non vult, non existit, si vult, generat Filium & spirat Spiritum sanctum, si non vult, nec generat, nec spirat? O Nou-Augustiniani unde vobis hæc tanta fiducia, ut non vereamini tribuere Augustino cogitationes adeò absurdas, & linguam, quam non nouerat in Ecclesiam inducere? Quomodo igitur, inquires, Augustinum licebit interpretari?

Respondeo, in allato loco esse aliquid clarum & minimè ambiguum, & aliquid obscurum. Quod clarum est, jugulat doctrinam Iansenii, & nostram confirmat: quod est obscurum non debet nocere, & admittit bonam interpretationem. Clarissimum est quod dicit Augustinus, *nostras voluntates non subesse necessitati, quæ non sit in nostra potestate*, & quæ dicat impotentiam, & defectum virtutis ad oppositum ejus, ad quod

determinat ; hoc enim omnino significant verba illa , *Si necessitas nostra illa dicenda est , quæ non est in nostra potestate , sed etiam si nolumus efficit id quod potest , manifestum est voluntates nostras , quibus rectè vel perperam vivimus , non esse sub tali necessitate.*

Hæc dico jugulare doctrinam Iansenii. Nam si necessitas quæ non est in nostra potestate , non cadit in liberum arbitrium , sequitur liberum arbitrium non admittere vllam necessitatem , nisi quæ sit in nostra potestate : & quia jam dictum est ex Augustino , id tantum esse in nostra potestate quod si volumus , est , si non volumus , non est ; sequitur liberum arbitrium non pati aliam necessitatem , quàm illam , quam admittere aut rejicere , retinere aut excutere potest , hoc est , ad quam habendam , aut non habendam est indifferens : atque ita semper stat intrinseca libero arbitrio indifferentia. Si etiam liberum arbitrium non fert illam necessitatem , quæ efficit etiam si nolumus , hoc est , quæ tollit facultatem aliud faciendi , quàm id ad quod determinat ; sequitur pariter libero arbitrio necessariam esse illam facultatem , hoc est necessariam esse facultatem , quæ vtrumque possit facere , & non facere , respectu actionum externarum , & *prius ac primitus* respectu internarum , & ipsarum volitionum , quæ immediate liberæ sunt , vt antè diximus : vnde statuitur hæc etiam ex parte indifferentia ; & hoc est quod clarissimè traditur ab Augustino. Obscurum autem est , quem in finem adducat in exemplum necessitatem , qua necesse est Deum vivere , & non mori. Neque enim eò spectare potest , vt significet arbitriam esse Deo vitam & immortalitatem , aut vitam & immortalitatem esse in potestate Dei , eo sensu quo aliàs definiuit id esse in potestate , *quod si volumus , est ; si non volumus , non est* , quod hæc sit absurdissima cogitatio. Consequenter non potest velle Augustinus volitiones nostras liberas esse libertate arbitrii , etiam si sint ita necessariae , sicut est necessarium in Deo vivere , & esse immortalem. Postquam enim vivere in Deo , & esse immortalem ita est necessarium , vt non pendeat à libero arbitrio ; nec volitiones nostræ censendæ sunt pendere à libero arbitrio , si eo modo sunt necessariae. Ergo quærenda est alia quædam ratio cur Augustinus ejusmodi exemplis vsus sit. Neque admodum difficile est eam

inuenire. Nempe hoc agit Augustinus, ut intelligamus nec omni necessitati subtrahendas esse nostras voluntates, quod velle videbantur Stoici: neque Ciceroni auscultandum, qui ob eandem causam diuinationem & præscientiam futurorum negabat. Et quia ex eo capite videri poterat neganda omnis necessitas, quòd illud sit nomen impotentia, imperfectionis, & seruitutis: cum libertas sit nomen perfectionis & domini; voluit Augustinus umbram hanc dissipare, ostensa necessitate, quæ potius est assertiua, quàm negatiua perfectionis. Quia quamuis omne necessarium explicetur per *non posse aliter fieri*, istud tamen *non posse* interdum significat virtutis & perfectionis excessum potius, quàm defectum: & ita virtutis & summæ perfectionis est in Deo, non posse mori, non posse falli, non posse non viuere, non posse non præscire: *Sic enim hoc non potest* (inquit Augustinus) *ut potius si posset minoris esset utique potestatis*. Hoc igitur sensu concedit esse necessarium, ut cum volumus, libero velimus arbitrio. Quod enim dicit cum volumus, volitionem intelligit, qualis antea descripta est; quæ plenam sequitur cognitionem objectorum, in quæ voluntas fertur, quæque connaturaliter elicitur: talem autem voluntatem esse liberam, proportionem quadam ita est necessarium, sicuti necessarium est hominem esse rationalem. Et quod dicitur esse necessarium ut sit libera, non est aliud quàm esse necessarium ut sine necessitate, & cum indifferentia eliciatur. Atque ita hæc necessitas non sonat imperfectionem, & seruitutem in voluntate, sed perfectionem potius, & dominium in suos actus: & in illa exclusionem seruitutis & miseriae similis est necessitati viuendi, vel non moriendi, quam habet Deus.

Hinc deinde colligit Augustinus præscientiâ minimè destrui libertatem. Quia nimirum si qua inde sequatur necessitas, ea est affirmatiua potius, quàm destructiua ejusdem libertatis. Eò enim spectat, quod sequitur: *Non ergo propterea nihil est in nostra voluntate, quia Deus præscit*. Porro si ille qui præscit quid futurum esset in nostra voluntate, non ut quæ n. hit, sed aliquid præscit; profecto & illo præsciente est aliquid in nostra voluntate. Loquitur Augustinus de libera voluntate: & vides ut ex ejus præscientia libertatem illam confirmet, cum dicit,

porro si ille qui præsciuit non vniue nihil, sed aliquid præsciuit, profecto & illo præsciente est aliquid in nostra voluntate. Hoc enim non est aliud quàm, si qui præsciuit, reuera præsciuit futuram liberam voluntatem, necesse est ex ea hypothesi, vt sit futura libera voluntas: atque ita illa necessitas est libertatis confirmatiua. Quod etiam patet ex tertio de lib. arb. cùm dicit, *Non igitur per ejus præscientiam mihi potestas adimatur, quæ propterea mihi certior aderit, quia ille cujus præscientia non fallitur, adfuturam mihi esse præsciuit.* Quomodo autem id fieri possit, ostendit postea, *Neque enim ideo peccat homo, quia Dñs illum peccaturum præsciuit: imò ideo non dubitatur ipsum peccare cùm peccat, quia ille cujus præscientia falli non potest, non Fatum, non Fortunam, non aliquid aliud, sed ipsum peccaturum esse præsciuit.* Quibus verbis manifestè ostendit consequentem esse necessitatem illam, qua ex præscientia sequitur res futura, non antecedentem. Quod ostendit etiam in lib. 3. de lib. arb. vbi præscientiæ futurorum comparat memoriam præteritorum: nec magis putat obesse libertati rei futuræ, quàm nocetur libertati rei præteritæ, quòd ex nostra recordatione sequatur necessariò, esse præteritam. nempe quia sicut memoria nostra non est causa cur præterierit id cujus recordamur; ita nec præscientia causa est cur futurum sit id quod præscitum est: sed è conuerso, sicut rem præteriisse facit vt possimus ejus recordari, ita rem futuram esse facit vt possit præsciri.

s. de Ciu.
cap. 10.

Cap. 4.

Et quia hæc sunt præcipua testimonia, quibus Iansenius confici putat ex Augustino solam necessitatem, qua vel violenter vel naturaliter aliquid esse cogitur, impedire libertatem; cùm jam constet id minimè ex illis confici potuisse, spero Lectorem sibi persuasurum, neque ex aliis vnquam conficiendum. Restat vt ostendamus esse longè plura & euidetiora quæ contrarium persuadeant.



CAPVT II.

Probatur triginta quinque testimoniis S. Augustini, voluntatem, seu volitionem quæ supponitur esse libera, eo ipso supponi esse à potentia indifferente.

§. 1. *Priora tria testimonia colliguntur ex locis, à Jansenio pro sua sententia citatis.*



POTENTIA agendi, & non agendi, vel quæ ita agit vt possit non agere, & potentia indifferens, se habent vt definitio, & definitum: & ideo vt constet potentiam liberam esse debere indifferentem ex Augustini sententia, satis est quòd constet talem esse debere, quæ possit agere, & non agere: vel quæ sic agit vt possit non agere, hoc autem probatur ex iis tribus locis quibus Iansenius conatur probare contrarium. quia (vt ex dictis constat) quæ ille conatus est erigere contra communem Ecclesiæ doctrinam ita conucluntur, vt eorum ruinâ opprimatur ipsius sententia.

Nam primò ex eo quod docet Augustinus, dum definit quid sit *Aliquid esse in nostra potestate*, resultat hæc ratiocinatio, quæ juxta ejus principia demonstratiua est: Ea ratio propter quam actus externi sunt liberi, & in nostra potestate, primitus conuenit actibus internis liberis, elicitis immediatè à voluntate ex Augustino.

Sed ratio propter quam actus externi sunt liberi & in nostra potestate, ea est ex eodem Augustino, quòd possint esse & non esse, prout voluntas determinauerit: Ergo hoc quod est posse esse & non esse dependenter à determinatione voluntatis; seu quod idem est, voluntatem posse producere vel non producere suum actum est primitiua ratio, quæ conuenit actibus internis liberis, & elicitis immediatè à voluntate: hæc autem est indifferentia necessitati ad vnum determinanti opposita. Ergo &c. Tota hæc ratiocinatio patet ex dictis sup. cap. §. 2.

Secun-

Secundò probatur ex iis, quæ docet Augustinus de necessitate, quæ tollit, & quæ non tollit arbitrii libertatem; loco jam citato de Ciuitate Dei. Quia ex eo constat libertatem arbitrii compati eam tantum necessitatem, quæ est in nostra potestate, hoc est, quam possumus admittere vel rejicere, vt placuerit; sed quæ talis est, est necessitas consequens, & stat cum antecedenti voluntatis indifferentia. Ergo ex Augustino liberum arbitrium compatitur tantum necessitatem consequentem, & quæ stat cum antecedenti voluntatis indifferentia.

Probatur tertio ex discursu Augustini, eodem libro 3. de lib. arbitrio, vbi difficultatem illam tractat de præscientia, quomodo non tollat libertatem. Nam cum tota ratio dubitandi an tollat libertatem, petatur ex eo quod ex præscientia sequi videatur necessitas in rem præscitam: necessitas autem libertatem impediat; Augustinus neque negat vnquam non esse liberam voluntatem, si necessitate fiat: neque recurrit ad distinctionem illam necessitatis violentæ, aut naturalis, quas solas Iansenius putat destruere libertatem. Sic enim facile poterat respondere vno verbo, necessitatem quæ sequitur ex præscientia non esse violentam, nec naturalem, qualis est lapidis deorsum cadentis; sed quasi non dubitaret, quin omnis necessitas antecedens, & causalis tollat libertatem; stat præcisè in illa contradictione, quod si daretur talis necessitas ex præscientia, sequeretur id quod præscitur non præsciri. Præscitur enim voluntas illa, quam jam dixi, quæ significat volitionem connaturaliter elicitam, supposita iudicii indifferentia; superueniente autem necessitate non esset amplius talis voluntas. Atque ita Augustinus nunquam negat oppositionem inter necessitatem & voluntatem; quin potius illam concedit, dum negat ex suppositione quod præsciatur voluntas interuenire posse necessitatem. *Attende, quæso, quanta cecitate dicatur, si præsciuit Deus futuram voluntatem meam, quoniam nihil aliter fieri potest quàm præsciuit, necesse est vt velim quod ille præsciuit: si autem necesse est, non jam voluntate, sed necessitate id me velle fatendum est.* Hæc est obiectio, in qua vides ex præscientia inferri duo contradictoria, nimirum voluntatem seu volitionem liberam, & necessita-

tem. August. autem respondet contradicere ipsum sibi, qui hæc objicit, non enim posse esse necessitatem, si præscitur voluntas, vel non esse voluntatem, si sequatur necessitas. Vide quid dicat, *O stultitiam singularem! Quomodo ergo non potest aliud fieri quàm præsciuit Deus, si voluntas non erit, quam voluntatem futuram ille præsciuit? Quare autem non erit voluntas, Augustine? Nempe quia qui hæc objicit, supponit quòd erit necessitas: & ideo sibi contradicit, dicendo non posse aliud fieri quàm præsciuit Deus, & supponendo præscitam voluntatem. Cùm enim inducat necessitatem, cum qua non stat voluntas; sequitur contra ipsum, aliud fieri quàm præsciuit. Præsciuit enim voluntatem, quæ inducta necessitate non erit. Quod iterum confirmat sequentibus verbis, *Omiso illud aequè monstruosum, quod paulò antè dixisti, eundem hominem dicere, necesse est ut ita velim: qui necessitate superposita auferre nititur voluntatem. Si enim necesse est ut velim, unde voles, cùm voluntas non erit? Vbi manifestum est ab Augustino, contradictionem agnosci in eo quod dicitur, necesse est ut velim, propterea quòd necessitas superposita auferat voluntatem, & ideo quærit, unde voles, cùm voluntas non erit: quæ scilicet per necessitatem aufertur? Hæc est clarissima Sancti Augustini sententia, quam Baiani frustra conantur corrumpere, suâ illâ glossâ de more textui contrariâ, cùm dicunt intelligendam ibi esse violentam, aut naturalem necessitatem. Qui enim obijciunt ex præscientia sequi necessitatem, nusquam significant se loqui de violenta, vel naturali; sed simpliciter de illa omni, quæ causa est ut aliquid fiat. Omnem autem rejicere Augustinum patet ex tribus argumentis evidentibus. Primum petitur ex comparatione, quâ utitur Augustinus, inter præscientiam quam habet Deus eorum quæ facturi sunt homines, & eorum quæ factururus est ipse. Vult enim sicut ex eo quòd Deus præsciat se aliquid facturum, non sequitur necessitate facere quæ facit; ita neque homines. Diuina autem præscientia non solùm non inducit in diuinam voluntatem necessitatem violentam, aut naturalem; sed neque ullam omnino, quæ sit antecedens, & causalis: cùm sit certissimum causalem istam esse veram, Quia Deus vult facere, præscit se facturum: non autem istam, Quia præscit se fa-**

Eturum, vult facere. Augustini verba sunt, *Nonne igitur canes ut tibi dicatur etiam ipsum Deum quacumque facturum est, non voluntate, sed necessitate facturum, si omnia quorum præscius est, necessitate fiant, non voluntate?*

Secundum argumentum est, Quia non aliam ex præscientia futuri necessitatem sequi putat, quàm ex memoria præteriti, ut ibi significat, cum dicit, *Sicut tu memoriâ tuâ non cogis facta esse quæ præterierunt, sic Deus præscientiâ suâ non cogit facienda quæ futura sunt.* Atqui ex memoria non sequitur necessitas vlla antecedens & causalis in rem præteritam: nullam ergo talem sequi putat ex præscientia in rem futuram.

Tertium argumentum est, Quia Augustinus ex illa necessitatis exclusionem infert Deum non esse auctorem eorum omnium quæ præscit, *Et sicut tu, inquit, quadam quæ fecisti meministi: nec tamen quæ meministi omnia fecisti: ita Deus omnia quorum ipse est auctor præscit, nec tamen omnium quæ præscit ipse auctor est. Quorum autem non est auctor, justus est ultor.* Hoc dicit, ut soluat dubium Euodii, qui opposuerat; *Scire vellem quâ iustitiâ puniat peccata, quæ necesse est fieri, aut quomodo non sit necesse fieri, quæ futura esse præsciuit?* Augustinus dicendo, non ideo auctorem esse Deum eorum quæ præscit, quia necesse est ut eueniant, si præscita sunt; significat hanc necessitatem nec violentam esse, nec naturalem, nec vllam aliam antecedentem & causalem: quia quæcumque talis est, sufficit ut is à quo procedit censeatur auctor esse eorum quæ tali ex necessitate eueniunt. Vnde addit, *hinc ergo jam intellige quâ iustitiâ Deus peccata puniat, quia quæ novit futura non facit.* Quia scilicet præsciendo nullam inuehit causalem necessitatem & quâ censeretur fieri quod fit. Illam ergo intelligit, dum necessitatem à voluntate liberâ excludit, ejus autem exclusio indifferentiæ confessio est.

§. 2. Testimonia reliqua.

PROBATVR quartò ex lib. 3. de libero arbitrio.

Quis peccat in eo quod nullo modo caueri potest? peccatur autem; caueri igitur potest. Nulla est ratio cur peccatori non es-

set imputandum peccatum, si caueri ab eo non posset, quàm quia non putaretur peccare liberè: Ergo ad libertatem, quæ necessaria est ad peccandum, requirit Augustinus, ut qui peccat possit non peccare: quod est indifferentem habere libertatem ad peccandum & non peccandum.

Respondent Baiani hæc dici ab Augustino contra Manichæos disputante, cum quibus contentio erat de prima origine mali, & de statu naturæ integræ, cujus primum peccatum nullum fuisset, nisi caueri potuisset. Aliud autem sentire Augustinum quando agit de natura lapsa, cujus peccata consequuntur ex primo illo peccato, quo lapsa est: & ideo non desinunt esse peccata, etiam si caueri non possint à peccante.

Cap. 9.

Contrà. Quæ dicit Augustinus contra Manichæos disputans, eadem valere putat contra Pelagianos: ergo quæ dicit de natura integra, quantum spectat ad hoc caput, extendenda putat ad naturam lapsam. Probatur hoc ex ipsomet Augustino 1. Retractationum, ubi relatis superioribus verbis subjungit, *In his atque hujusmodi verbis meis, quia gratia Dei commemorata non est, de qua tunc non agebatur, putant Pelagiani, vel putare possunt, suam nos tenuisse sententiam. Sed frustra hoc putant.* Quibus verbis Augustinus significat Pelagianos sententiam illam vniuersim accepisse, quasi comprehenderet etiam præsentem statum: ac proinde credidisse, veluti Augustino etiam consentiente, in præsentī statu caueri posse peccata sine gratia, propterea quòd gratia non esset ibi commemorata. *Sed frustra hoc putant*, inquit Augustinus. Quare verò frustra hoc putant? Quia in præsentī statu quisque peccat in eo quod caueri non potest? Minimè. Augustinus nullo modo significat ex eo capite Pelagianos errare. Ex quo igitur? Nimirum ex eo, quòd quia gratiæ nulla fuerat mentio, putant à nobis peccata vitari posse sine gratia: & eadem facilitate qua vitari possent, si esset illæsa natura: nec à concupiscentia per tenebras ignorantiae præcipitaretur, ut modò fit. Confitere gratiam sine qua rectè pieque viui à mortalibus non potest, & de cætero dic quantumcumque voles, *Nemo peccat in eo quod caueri nullo modo potest.* Nec aliò tendit quòd addit postea, se vel tunc cùm Manichæos impugnaret, agno-

nisse etiam per ignorantiam facta quedam improbari & corrigenda judicari : & quedam etiam necessitate facta improbari , ubi vult homo rectè facere , & non potest : unde sunt illa voces ; non enim quod volo bonum hoc facio . Et propterea dicit longè antequam Pelagiana heresis extitisset , se sic disputasse velut jam contra illos disputaret . Neque enim aliam ob causam dicit se contra Pelagianos disputasse , quàm quia dixerat hanc miseriam , ignorantia scilicet & concupiscentia ; non esse naturam instituti hominis , sed pœnam damrati : atque ita docuerat agnoscendum esse peccatum originale , quod Pelagiani negabant ; unde sequeretur diuinæ gratiæ necessitas , quod iterum inculcarat his verbis , *Ad quam miseriam iusta damnationis pertinet ignorantia & difficultas , quam patitur omnis homo ab exordio natiuitatis suæ : nec ab isto malo , nisi Dei gratia quisquam liberatur .* Quod si quis vtrumque illud caput , peccati originalis , & necessitatis gratiæ , concedat ; jam dixi nihil impedire Augustinum quominus quoque verum sit , *peccatur , caueri igitur potest .* Et ideo in lib. de natura , & gratia , ubi Pelagio respondet eadem illa verba , *quis peccat in eo quod &c.* objicienti , Augustinus , *Agnosco , inquit , verba mea sunt , sed etiam ipse dignetur agnoscere superius cuncta quæ dicta sunt ,* de GRATIA QUIPPE DEI AGITVR QUÆ NOBIS PER MEDIATOREM MEDICINA OPITVLATVR , non de impossibilitate iustitiæ . Quæ manifesta est confessio , quod ipse non neget etiam in hoc statu , de quo cum Pelagio disputat , verum esse quod dixerat contra Manichæos . Non enim agere se de impossibilitate iustitiæ , qua continetur impossibilitas cauendi peccatum , sed de necessitate medicinalis Christi gratiæ , cuius beneficio sit vt peccatum caueri possit . Adesse verò huiusmodi gratiam , quotiescumque necessaria est , vt transgressio præcepti imputari possit ad culpam , eaque ratione verum esse caueri posse peccatum , dum peccatur , apertè significat Augustinus eodem loco , dum confirmat quod dixerat in tertio illo libro , *Non tibi ad culpam imputatur quod inuitus ignoras , sed quod negligis querere quod ignoras : neque illud quod vulnerata membra non colligis , sed quod volentem sanare contemnis .* Quod etiam pertinent illa ex eodem libro tertio de libero arbitrio , *Non enim ante omne meritum boni operis parum est accepisse naturale iudicium , quo sapientiam præ-*

Cap. 16.

Cap. 67.

ponat errori, & quietem difficultati: ut ad hæc non nascendo sed studendo perveniat. Quod si agere noluerit, peccati rea tenebitur, tanquam quæ non bene usa sit ea facultate, quam accepit. Quamquam enim in ignorantia & difficultate nata sit, non tamen ad permanendum in eo quod nata est ALIQUA NECESSITATE comprimitur. Ex quibus omnibus perspicuum est ex mente Augustini, etiam supposita ignorantia & concupiscentia, quæ sunt lapsæ naturæ vulnera, verum esse quod dixerat, *Quis peccat in eo quod nullo modo caueri potest, peccatur autem, caueri igitur potest.* Neque fortè deerit qui putet superfluo labore id probatum esse, quòd ipse loquendi modus id omnino præseferat. Illa siquidem interrogatio, *Quis peccat in eo quod nullo modo caueri potest*, æquivaleret huic negativæ vniuersali, *Nullus peccat in eo quod nullo modo caueri potest*, quam falsam & ridiculam reddit, qui negat comprehendere præsentem hominum statum. Destruit enim illius vniuersalitatem & significationem illam per verbum de præsentem, cùm reducitur ad istam per verbum imperfecti præteriti, *In statu innocentie*, in quo erant tantum duo homines, *nemo peccabat in eo quod caueri non poterat.* Certè ille affatim ridendus esset, qui diceret, *Quis moritur qui malit vivere?* quæ huic æquivallet, *Nullus moritur si vivere malit*, quæ vera fuit in statu innocentie. Sed quia jam eo modo prolata præsentem statum designat, ideo simpliciter falsa est, & ejus contraria est vera, etiam apud Augustinum, locis antea citatis, ubi dicit vivere & mori non esse in nostra potestate. Breuiter dico, istarum duarum propositionum, *Nemo peccat in eo quod caueri non potest*, & *Nemo moritur si mori nolit*, apud Augustinum una affirmatur, alia negatur. Apud Iansenium designato statu innocentie utraque eodem modo, eodémque sensu vera est: & utraque falsa, designato præsentem statu: Ergo Augustini & Iansenii contraria doctrina est.

C. 1.

Probatur quintò ex eodem lib. 3. de libero arbitrio, *Restat igitur ut mentis sit proprius iste motus, quo fruendi voluntatem à Creatore ad creaturam conuerit: qui motus si culpe deputatur, unde qui dubitat irrisione dignus tibi visus; non est utique naturalis, sed voluntarius; in eoque similis est illi motui, quo deorsum versus lapis fertur, quòd sicut iste proprius est lapidis, sic ille animi;*

VERVMTAMEN IN EO DISSIMILIS, QVOD IN POTESTATE NON HABET LAPIS COHIBERE MOTVM QVO FERTVR INFERIVS, ANIMVS VERO CVM NON VULT NON ITA MOVETVR, *ut superioribus desertis inferiora diligit: & ideo lapidi naturalis est ille motus, animo verò iste voluntarius. Hinc est, quòd lapidem si quis dicat peccare, quòd pondere suo tendit in infima, non dicam ipso lapide stolidior, sed profectò demens iudicetur. Animum verò peccati arguimus, cum eum convincimus superioribus desertis ad fruendum inferiora preponere. Quibus auditis respondet Euodius, Video & quodammodo tango & teneo vera esse quæ dicis. Non enim quidquam tam firmè atque intimè sentio, quàm me habere voluntatem, eaque me moveri ad aliquid fruendum &c.*

Vbi primò constat euidenter, Augustinum in vniuersum ita loqui, ut comprehendat etiam statum præsentem. Nam quod dicit *arguimus, convincimus*, & quod respondet Euodius, *video, tango, teneo firmè, atque intimè sentio*, quis adeò desipiat, ut transferat ad statum innocentiae? Num exerceat Augustinus præceptum fraternæ correctionis erga Adamum, dum dicit *arguimus, convincimus*? Et Euodius num experitur in se dispositionem animi, quam habuerat Eva dum dicit, *sentio, teneo, tango*? Adde quòd ex his postea infert, opportunè moneri homines, ut spretis inferioribus bonis superna requirant. Quos verò homines? Ad Adamum & Euam scribendas putat paræneses, atque ad futuram, si illi non peccassent, in statu innocentiae rempublicam?

Secundò constat ibidem, in eo distingui motum lapidis à voluntario & deliberato animi motu, quòd lapis, qui mouetur deorsum, non habeat in potestate non moveri: hoc enim est quod dicit, *verumtamen in eo dissimilis, quòd in potestate non habet, lapis cohibere motum, quo fertur inferius*, habet igitur animus, dum voluntario illo motu mouetur, *in potestate* illum cohibere, postquam in eo dissimilis est lapidi.

Tertiò constat hanc assignari causam ab Augustino, cur lapis cadendo peccare non possit: *Hinc est*, inquit, *quod lapidem si quis dicat peccare &c.* Ergo à contrario, eam esse causam putat, cur animus peccet: & nihilo magis peccaturum quàm lapidem, *si non haberet in potestate* motum cohibere, quo mouetur. Atqui hoc est non aliam esse rationem, cur lapis

non peccet, nisi quia non mouetur cum indifferentia vt moueatur vel non moueatur : & cur animus peccet , nisi quia cum illa indifferentia mouetur : siquidem moueri sine potestate cohibendi motum , est moueri sine indifferentia. Manifestum igitur est Augustinum indifferentiam postulare ad libertatem peccando necessariam.

Probatur sextò ex eodem lib. 3. de lib. arbitrio , vbi repræsentat homines expostulantes de diuina prouidentia , quasi ipsis injustè imputaret aliena peccata, scilicet Adami & Eux. *Licunt enim, inquit, si Adam, & Eua peccauerunt; quid nos miseri fecimus, ut cum ignorantia cecitate, & difficultatis cruciatibus nasceremur: & primò erraremus nescientes quid nobis esset faciendum: deinde vbi nobis inciperent aperiri precepta iustitia, vellemus ea facere, & renitente carnalis concupiscentia nescio qua necessitate non valeremus?* hæ sunt hominum querelæ, *Quibus breuiter respondetur, inquit Augustinus, ut quiescant, & aduersus Deum murmurare desistant. Rectè enim fortasse quererentur, si erroris & libidinis nullus hominum victor existeret. hoc est si nullo exemplo vel experientia constaret difficultates illas vinci posse. Cum verò ubique sit presens, qui multis modis per creaturam sibi Domino seruientem auersum vocet, doceat credentem, consoletur sperantem, diligentem exhortetur, conantem adjuuet, exaudiat deprecantem, hoc est, cum gratia, per quam aliqui sunt victores erroris & libidinis, iis etiam adsit qui se vinci patiuntur, non tibi ad culpam imputatur quod inuitus ignoras, sed quod negligis querere quod ignoras: neque illud, quod vulnerata membra non colligis, sed quod volentem sanare contemnis. Quod est dicere, non jam ampliùs damnaris propter peccatum Adami, sed propter propriam negligentiam, quâ oblati à Deo mediis ad cognoscendam veritatem, & sanitatem recuperandam abuteris, vnde addit, *Ista tua propria peccata sunt. NVLLI ENIM HOMINI ABLATVM EST SCIRE VTILITER QVÆRERE, QVOD INVUTILITER IGNORAT. Et humiliter confisendam esse imbecillitatem ut quærenti & confitenti ille subueniat, qui non errat dum subuenit, nec laborat.**

Cap. 67.

Vides ex hoc loco qui totus ab Augustino approbatur contra Pelagianos disputante in libro de natura & gratia, quomodo murmuratores illos, qui querebantur se plecti propter peccata quæ videbantur ab eorum voluntate aliena esse, nimium

mirum propter peccata Adami & Euæ, Sanctus Doctor com-
pescat cum dicit, falsò illos & immeritò suam culpam in
Adamum & Euam conari conicere: esse enim *proprium* ipso-
rum, *Ista tua PROPRIA peccata sunt*. Quare verò sunt propria;
sem propriæ voluntatis peccata? Quia inquit, *ubique præsens est, qui*
multis modis per creaturam sibi Domino seruientem auersum vo-
cet: & ideo nulli homini ablatum est scire utiliter quærere, quod inu-
tiliter ignorat. Hæc est propria voluntatis negligentia, pro-
priūque peccatum.

Ex quibus ita licet argumentari, Tota ratio quam affert
Augustinus cur ignorantia & libido imputentur ad proprium
& personale peccatum, quando quis ab iis superatur, ea est,
quòd iis, qui sic superantur, non desit gratia, qua victores es-
sent, si vellent. Atqui superari cum tali gratia non est aliud,
quàm talem esse eorum voluntatem, vt superari, & non supe-
rari possit: Ergo talem esse voluntatem vt superari & non su-
perari possit, est tota ratio, quam affert Augustinus, cur
ignorantia & libido imputentur ad proprium & personale
peccatum. Sed talem esse voluntatem est esse indifferen-
tem, & liberam à necessitate ad vnum determinante. Ergo
ea est Augustino tota ratio, cur aliquid imputetur ad pro-
prium & personale peccatum.

Atque hoc Augustinus iterum inculcat dum subjungit: Cap. 10.
Non enim ante omnem meritum boni operis, parum est accepisse natu-
rale iudicium, quo sapientiam proponat errori, & quietem diffcultati:
quod si agere noluerit, anima peccati rea jure tenebitur, TAN-
QVAM QVÆ NON BENE VSA SIT EA FACVLTA TE QVAM AC-
CEPIT. Quamquam enim in ignorantia & diffcultate nata sit, non
tamen ad permanendum in eo quod nata est ALIQVA NECESSITATE
COMPRIMITVR. Non comprimi aliqua necessitate, est nulla
necessitate comprimi, quo pacto excluditur, non tantum
violenta & naturalis necessitas, sed quæcumque alia ante-
cedens & causalis: & ea sola est causa, cur anima teneatur
rea ex Augustino, dum per ignorantiam vel concupiscen-
tiam peccat: ergo ratio cur peccet est, quia caret antecedenti
necessitate, quâ seclusâ restat indifferentia.

Et iterum eodem loco, juxta eam sententiam propaga-
tionis animarum, quæ alicui placere posset, quòd scilicet

animæ alibi productæ sua sponte veniant ad corpora, *Negligentibus*, inquit, & sua peccata de infirmitate defendere volentibus, non ipsam ignorantiam difficultatēque pro crimine objiceret Deus, sed quia in eis potius permanere, quam studio querendi atque discendi, & humiliter confitendi atque orandi, ad veritatem ac facilitatem peruenire voluerunt, justo supplicio vindicaret. Vbi iterum vides & reatus imputationem, & supplicii justitiam ab Augustino refundi in facultatem non peccandi, quam habere supponit eos qui peccant, quod est, ad indifferentiam recurrere.

Probatur septimò ex libro de duabus animabus, contra Manichæos, & ex illa definitione voluntatis, quam tradit & approbat, *Voluntas est motus animi cogente nullo*, vbi quid intelligat per *τὸ cogente nullo*, explicat ipse postea cap. 12. *Si ita coguntur animæ peccare, ut potestas resistendi nulla sit, non peccant: si est in potestate sua resistere & propria voluntate consentiant, cur tanta bona in summo malo? cur hoc malum in summo bono?* Vbi clarè vides cogente aliquo apud Augustinum idem esse, ac nullam superesse resistendi potestatem: & nullo cogente, idem esse, ac esse in potestate *τὸ* resistere. Hoc verò quid aliud est, quàm voluntatem esse talem animi motum, ut sit in potestate resistere mouenti, seu esse talem motum, quem animus possit admittere, & reprimere? Hæc autem est indifferentia.

Cap. 15.

Et hoc confirmatur ex primo Retractionum, vbi Augustinus hanc definitionem recognoscit & confirmat, *Quisquis sciens peccat, si potest cogenti ad peccatum sine peccato resistere, nec tamen facit; utique volens peccat. Quoniam qui potest resistere non cogitur cedere.* Vbi iterum vides non coactionem poni in potestate resistendi, & pro eodem haberi, non cogi & posse resistere. Iam verò vide quid addat: *Qui verò cogenti cupiditati bona voluntate resistere non potest; & ideo facit contra præcepta justitiæ, jam hoc ita peccatum est, ut sit etiam pœna peccati.* quæ verba relatiua sunt ad ea quæ præcesserant, cùm dixit, *potest etiam putari falsa esse ista sententia, qua diximus, nusquam nisi in voluntate esse peccatum, quia dixit Apostolus, si autem quod nolo, hoc facio, jam non ego operor illud, sed quod habitat in me peccatum, hoc enim peccatum usque adeò non*

est in voluntate, ut dicat, quod nolo, hoc facio. Quomodo ergo nusquam est nisi in voluntate peccatum? Sed hoc peccatum, de quo sic loquutus est Apostolus, ideo peccatum vocatur, quia peccato factum est, & pœna peccati est.

En quo sensu dicat peccatum illius qui cogenti cupiditati bona voluntate resistere non potest, esse peccatum & pœnam peccati. Nimirum vult esse peccatum, cui quando bene viuitur, non consentit voluntas, quôdque ob eandem causam non est in voluntate: à quo peccato distinguit illud quod etiam in voluntate est, quôdque committitur, dum concupiscentiæ consentitur. *Quamquam, inquit, & hoc peccatum quo consentitur peccato concupiscentiæ, nonnisi voluntate committitur.* Cogi autem homines ad consentiendum cupiditati, pleno & deliberato consensu, dico Augustinum nec dixisse vnquam, nec cogitasse. Ideo autem non cogitavit quemquam cogi, quia putavit nullum non posse resistere. Atque ex his refutatum manet quod Baiani obijciunt, Augustinum hic loqui de voluntate eorum, qui primi peccarunt. Quia jam ostensum est, etiam intelligi de voluntate, qua concupiscentiæ consentitur. Est enim hoc quoque peccatum in voluntate, prout voluntas definita est, quod evidentiùs fiet ex mox dicendis.

Probatur octauò, ex illa definitione peccati, quam tradit Augustinus eodem libro de duabus animabus, cùm dicit, *Peccatum est voluntas retinendi, vel consequendi quod iustitia vetat, & unde liberum est abstinere. Quamquam si liberum non sit, non est voluntas. Sed malui crassiùs quàm scrupulosiùs definire eam rem.* Quod dicit, *est voluntas*, intelligit voluntatem jam à se definitam motum animi, cogente nullo. Et vide quid dicat, suppositâ illâ voluntatis notione, redundare particulas illas in definitione, *unde liberum est abstinere.* Nempe quòd voluntas eo ipso quod est voluntas jam definita, hoc ipsum dicat. Quæ est manifesta quædam confirmatio explicationis jam datæ verborum illorum *cogente nullo.* Sed malui, inquit Augustinus, *crassiùs quàm scrupulosiùs definire eam rem.* O saluberri-mum consilium! Ita enim expediebat sanando stupori hominum, qui capere vel non possunt vel nolunt, quod apud Augustinum expositum est, voluntatem qua peccatur, esse

actum facultatis, quæ potest agere, & non agere: ac proinde facultatis necessitate carentis ad vnum determinante. O felix Augustini peccatum, quo maluit scrupulosas dilecticorum leges violare, quàm vllum ignorandæ, negandæ-ue huiusce veritatis prætextum relinquere! Sed quid fiet Baianorum oculis, qui postquam tam multis annis Augustinum in omnem paginam versarunt, cùm toties occurrisset, nunquam viderunt, *non esse voluntatem, si non sit liberum abstinere*: ideóque contumaciter pugnant, & esse voluntatem: & esse liberam voluntatem illam, quæ sequitur ex necessitate ad vnum determinante: hoc est illam, à qua *non est liberum abstinere*, contra manifestam Augustini sententiam? Neque enim dici potest illud, *unde liberum est abstinere*, cadere in rem volitam, non verò in ipsam voluntatem. Esset enim hoc modo Augustini definitio falsa, & erronea: cùm certum sit peccatum esse etiam voluntatem eius rei, à qua non est liberum abstinere. Quis enim negat voluntatem delectationum concupiscentiæ peccatum esse, quamvis non sit liberum abstinere ab illis? Nempe quia tamen non sit liberum abstinere à delectationibus, est tamen liberum abstinere ab earum voluntate. Ergo illud, *unde liberum est abstinere*, in voluntatem seu volitionem ipsam cadit, non in eius obiectum.

Hic iterum Ianseniani obijciunt, Augustinum intelligendum de primo peccato, quod fuit peccatum tantum, non de consequentibus inde peccatis, quæ modò committuntur in statu naturæ lapsæ. Sed hæc est aperta quædam præuariatio & Augustinianæ sententiæ corruptela. Quia quamvis verum sit, & ipse Augustinus significet, se, quia quærebat primam originem mali, dum hæc disputabat, primum peccatum respexisse; credidisse tamen hoc quod dicebat de primo peccato, illi tantum conuenire, non autem consequentibus, quæ propria & personalia peccata sunt in hoc rerum statu, in quo nunc versamur, deliberatè commissa; non solum falsum est, sed ab ipso etiam Augustino adeò perspicuè declaratum, ut si qui negent, proditiæ veritatis excusari minimè possint. Constat hoc primò ex eo quod dicit Augustinus in opere imperfecto contra Iulianum, qui hanc illi definitio-

nem objecerat, vt probaret contradicere ipsum sibi. Responderet autem Augustinus, etiam nunc multa peccare homines, à quibus liberum est abstinere, *Multa quoque sunt quæ agunt homines mala, à quibus liberum est abstinere.* Num. 48.

Constat secundò ex discursu Augustini in hoc ipso libro de duabus animabus, vbi tantum abest vt quod dicit veritatem habere putet solùm in primo peccato; vt hoc colligat potiùs ex communi hominum sensu circa peccata, quæ jam sunt, & applicet deinde primo peccato. Vide enim quid addat post allatam definitionem. *Nec hi libri obscuri mihi scrutandi erant, unde discerem neminem vituperatione supplicio dignum, qui aut id velit, quod iustitia velle non prohibet, aut id non faciat, quod facere non potest.* Hoc est, ego cùm essem Manichæus, & cum illis vel non crederem, vel nescirem peccatum originale, sequutàmque inde humanæ naturæ corruptionem; non egebam tamen speculatione magna, & scrutatione arcanorum librorum, vt intelligerem verum esse quod jam dixi, neminem videri peccare, quòd non faciat quod facere non potest, quod est peccare in ea re, à qua non est liberum abstinere. Quare autem non egebat Augustinus magno studio, vt hoc intelligeret? *Quia, inquit, nonne ista cantant in montibus pastores, & in theatris poëta, & indocti in circulis, & docti in bibliothecis, & magistri in scholis, & Antistites in sacris locis, & in orbe terrarum genus humanum?* Ex hac autem vniuersali notione mortalium infert Augustinus, se non modò nunc quando instructior est, sed tunc quoque quando cum Manichæis errabat, potuisse peccatum definire vt jam definit, *peccatum est voluntas retinendi vel consequendi quod iustitia vetat, & vnde liberum est abstinere.* De quo autem quæso peccato cogitant pastores in montibus, poëtæ in theatris, indocti in circulis? De quo, inquam, peccato cogitant, quando negant esse peccatum à quo liberum non est abstinere? Alia peccata cogitant quàm ea quæ jam sunt, & quorum experientiam & cognitionem habent? Quid illis cum peccato, quod Christiana tantùm fides reuelavit primum fuisse? Perspicuum igitur est, nihil aliud velle Augustinum, quàm ita esse notum omnibus hominibus, esse intrinsicum & essenziale ipsi rationi peccati, quod est di-

gnum vituperatione & supplicio, ut qui peccat possit non peccare; quemadmodum notum est totum esse maius sua parte, vel quod paulo antè dixit, notum est unicuique se viuere; & se voluntatem habere. Nam superiorem quoque definitionem voluntatis, quâ dicta est, esse motus animi cogente nullo, Augustinus pariter colligit ex communi omnium sensu, cum dicit, *Hoc ubique manifestum esse, & non doctrina, sed natura omnibus promptum: hoc proclamare naturam ipsam in omnibus, quos non absurde interrogare possumus; à puero usque ad senem, a ludo literario, usque ad solum sapientiæ: hac esse luce clariora: nec esse tantum suæ notitiæ, sed notitiæ generis humani, veritatis ipsius liberalitate donatæ, sine voluntate prout jam definita est peccatum esse non posse, idque omnem mentem apud se diuinitus conscriptum legere.* Ergo Augustinus ita progreditur, ut à Manichæis exigat confessionem ejusce veritatis, quam sine studio, sine disciplina, ipsum lumen rationis impressit mortalibus omnibus, peccatum esse non posse supplicio & vituperatione dignum, à quo non est liberum abstinere. Mortales autem omnes dum hoc judicant, non aliud cogitant peccatum, quàm quod eodem lumine naturali cognoscitur conuenire tanquam genus iis speciebus, quæ sunt illis in hoc statu rerum cognitæ, hoc est furtis, adulteriis, homicidiis, &c. Ergo supponit Augustinus veluti rem, quam nec ipse ignorare poterat, dum esset Manichæus, nec modò ignorare potest ullus, qui lumine rationis fruatur, peccatum quod dicitur de iis quæ in hoc rerum statu committuntur, ut sunt adulteria, furta, homicidia & similia, inuoluere voluntatem, à qua liberum sit abstinere. Vnde ulterius procedit, ut ostendat minimè fuisse necessarium ad inueniendam mali originem & primam causam confugere ad permixtionem duarum animarum in eodem homine, quarum vna esset de gente tenebrarum & mala, alia verò ex Dei substantia & ex se bona; posse enim huiusmodi originem inueniri in voluntate vnius & eiusdem animæ, quæ priùs bona, libera tamen voluntate, seu voluntate à qua liberum est abstinere, dum peruersè amat quæ odisse debuerat, vel peruersè odit quæ amare debuerat; initium dedit malo, illæsa Dei bonitate ac prouidentia. Atque ita tan-

rum abest vt Augustinus excluderet ab illa definitione peccata consequentia, quæ committuntur in præfenti rerum statu; vt supponat cognitum prius & iudicatum euidenter euidentiam luminis naturalis istis conuenire: atque ab iis abstractam & præcisam applicari debere peccato, quod primò commissum est, vt confutentur errores Manichæorum, & sanctitas vnus rerum omnium Creatoris ab omni suspitione mali purgetur. Hanc esse liquidissimam Sancti Augustini mentem, si negare pergant Baiani; ne jactent se in inuestiganda Sancti Doctoris sententia plurimos annos consumpsisse: quia nihil aliud obtinere poterunt ab æquis iudicibus, quam se diu laborasse vt eius doctrinam inuoluerent, & absconderent veritatem.

Probaturnonò, ex eodem libro, dum ait, *Dicere animas esse malas, & nihil peccare, plenum est dementia: dicere autem peccare sine voluntate, magnum deliramentum est: & peccati teneri reum quengquam, quia non fecit quod facere non potuit, summa iniquitatis est, & insania. Quamobrem illa anima quidquid faciunt, si natura non voluntate faciant; id est, si libero ad faciendum & ad non faciendum motu animi carent; si denique his abstinendi ab opere suo potestas nulla conceditur, peccato earum teneri non possumus.* Cap. 11.

Si petam à Nou-Augustinianis de peccatis quæ in hoc statu naturæ lapsæ à nobis deliberatè committuntur, vtrum natura fiant, an voluntate; nolent vt opinor contradicere Augustino dicenti, dum hunc librum de duabus animabus recognoscit, *Etiam hoc peccatum quo consentitur peccato concupiscentiæ, non nisi voluntate committi.* Ergo dum peccamus, non naturâ sed voluntate peccamus ex Augustino. Iterum si quæram, quid est hoc, nos non naturâ, sed voluntate peccare? Habentne aptius aliquid quod respondeant, quam Augustinianum illud, *id est? Natura, non voluntate aliquid facere, id est, inquit Augustinus, carere libero ad faciendum & non faciendum animi motu*: atque ita pro eodem habet, naturâ non voluntate aliquid fieri, & fieri sine libero ad faciendum & non faciendum animi motu. Vnde sequitur pro eodem etiam habendum apud Augustinum, aliquid non naturâ sed voluntate fieri, & fieri libero animi motu ad faciendum, & non faciendum. Atqui peccatum non naturâ, sed volun-

tate fieri, & fieri libero animi motu ad faciendum, & non faciendum. Atqui peccatum non naturâ, sed voluntate fit apud eundem Augustinum, etiam in hoc statu naturæ lapsæ: Ergo peccatum, etiam in hoc statu naturæ lapsæ fit libero ad faciendum & non faciendum animi motu. Videamus quam partem huius syllogismi negare velint, cum sit totus Augustinianus. Sed quid opus est argumentatione, cum Augustinus conclusionem ipsam totam ponat, cum dicit, Si animæ quæ peccant, *carent libero ad faciendum, & non faciendum animi motu: si denique abstinendo ab opere suo potestas nulla concessa est; peccato earum teneri non possumus?* Et vide quid excipiat dum relegit hunc locum in retractationibus, *Quod autem dixi,* inquit, *illæ animæ quidquid faciunt: si natura non voluntate faciunt, id est, si libero ad faciendum & non faciendum animi motu carent, si denique his abstinendi ab opere suo potestas nulla conceditur, peccatum earum tenere non possumus: propterea non perturbat de parvulis questio; quia ex illius origine rei tenentur, qui voluntate peccavit, quando libero ad faciendum & non faciendum motu animi non carebat, eique ab opere malo abstinendi potestas summa erat.* Vbi vides Augustinum manifestè supponere, contra id quod dixerat, obijci tantum posse peccatum originale parvulorum, quod scilicet nulla ei occurreret ratio dubitandi, quin peccato actuali & personali, quod propriâ voluntate contrahitur, totum hoc conveniat, quod dixerat, *minimè rem teneri qui caruit libero ad faciendum & non faciendum animi motu, nec habuit potestatem abstinendi ab opere suo.* Ac proinde juxta regulam illam quâ dicitur exceptio firmare legem, cum Augustinus peccatum tantum parvulorum excipiat, propterea quod origine tantum ex Adami voluntate ducta peccatum sit; manifestum est argumentum, comprehendisse Augustinum lege illa omne aliud peccatum, quod non origine, sed propria voluntate contrahitur in hoc rerum statu.

Probatur decimò, ex eodem libro, cum dicit, *Propterea corporea diligendo peccamus, quia spiritalia diligere & justitiâ jubemur & naturâ possumus: & tunc in nostro genere optimi & beatissimi sumus.* Quem locum ubi recognoscit Augustinus, *Queri potest,* inquit, *cur, naturâ & non gratiâ possumus, dixerim, sed contra Manichæos de natura questio versabatur: & vique id*
agis

agit gratia , ut sanata natura , quod vitiata non potest , possit per eum qui venit querere & saluum ficere quod perierat , quanquam etiam gratiam tunc recolens orauit &c. Vbi vides totam illam sententiam approbari , dummodo exprimatur quod erat sub-intellectum de necessitate gratiæ , dicaturque , propterea corporea diligendo peccamus , quia spiritualia diligere , & iustitiã iubemur , & naturã per gratiam adiutã possumus &c. Ergo causam cur peccare censeamur corporea diligendo , Augustinus eam tantum assignat , quod dum diligimus corporea non desit gratia , qua possumus non solum non ea diligere , sed diligere etiam spiritualia. Atqui hoc est dicere propterea peccari , quia habemus facultatem indifferentem vt faciamus , vel non faciamus id in quo peccamus , quod est carere omni necessitate antecedenti , ad vnum determinante.

Probatnr vndecimò , ex insigni loco eiusdem libri , vbi ex honestate , necessitate , & possibilitate pœnitentiæ Augustinus subtilissimè confutat figmentum illud duarum animarum , quarum altera nihil mali committat , altera nihil admittat boni. Ergo ita ratiocinatur Augustinus: Horum simile est quod de pœnitendo nunc dicam. Nam vt inter omnes sanos constat , & quod ipsi Manichei non solum fatentur , sed etiam precipiunt ; vile est pœnitere peccati vox est etiam ista nature , neminem stultum rei huius notitia deseruit , hoc nobis nisi etiam penitus insitum esset , periremus. Potest aliquis dicere , se non peccare : non autem sibi esse , si peccauerit , pœnitendum , nulla barbaries hoc dicere audebit. Quæ cum ita sint , quero ex duobus illis generibus animorum , cuius sit pœnitere peccati ? Scio quidem nec illius esse posse , qui malè facere : neque illius qui bene facere non potest. Quare vt eorum verbis utar , si anima tenebrarum peccati pœnitet , non est de substantia summi mali. Pœnitendi enim affectio illi , quæ prodit malè fecisse pœnitentem , & bene facere potuisse testatur.

Baiani nihilo magis quàm Manichæi negant pœnitendum esse de quolibet peccato : ne non solum Dei testimonium , sed ipsum etiam rationis lumen , quo nulla gens est tam barbara quæ careat , oppugnare videantur : atqui pœnitere , inquit Augustinus , quod ab omni peccatore exigi potest , non potest tamen vt dictum est exigi ab eo , qui bene facere non potest , hoc est qui non potest pœnitere ; quo-

modo ergo peccatum erit impœnitentia? In tantum enim peccatum esse potest, in quantum omittitur quæ meritò exigitur pœnitentia: pœnitentia verò, inquit Augustinus, meritò exigi nequit ab eo qui non potest bene facere: quia hoc ipso quod non potest bene facere, nec potest pœnitere. Quod si dicas, vitio suo peccator contraxit impotentiam illam pœnitendi: & ideo illi imputari debet, quod non pœniteat. Diceret pariter Manichæus, vitio suo incapacem esse pœnitentiæ, quæ mala supponitur, animam, vnde sicut imputantur eius vitio alia peccata, ita & impœnitentiam imputandam esse, supponit ergo in vniuersum Augustinus, non posse præcipi pœnitentiam nisi ei, cui pœnitendi facultas datur aut offertur. Et quia non est potior ratio de pœnitentia, quàm de quolibet alio virtutis exercitio; supponit in vniuersum ad omne peccatum omissionis requiri facultatem faciendi quod omittitur: & à pari, ad omne peccatum commissionis requiri facultatem omittendi quod committitur: quæ est exclusio necessitatis ad vnum determinantis, & assertio indifferentiæ tali necessitati oppositiæ, tanquam requisitiæ ad necessariam ad peccandum libertatem.

Cap. II.

Probaturn duodecimò, ex eo quod dicit Augustinus citato jam primo libro Retractationum, dum retractat librum de duabus animabus. Dicit autem allatam peccati definitionem veram esse, *Quia id definitum est, quod tantummodo peccatum est, cuiusmodi fuit peccatum Adami, & est modò consensus deliberatus voluntatis, quo concupiscentiæ consentit, non quod est etiam pœna peccati, cuiusmodi sunt motus concupiscentiæ, qui voluntatis consensum sollicitant. Nam quando tale est, ut idem sit & pœna peccati, quantum est quod valet voluntas sub dominante cupiditate, nisi fortè si pia est, ut oret auxilium? In tantum enim libera est, quia in tantum liberata est, & in tantum appellatur voluntas: ALIOQVI TVTIVS CVPIDITAS QVAM VOLVNTAS PROPRIE NVNCVPANDA EST. Quærimus quid intelligat Augustinus, dum dicit nos voluntate peccare, voluntate bene viuere, & præscientiam ideo non tollere libertatem, quia semper id quod præscitur est voluntas, qua vel peccaturi sumus, vel bene acturi. Ecce id Augustinus hoc loco explicat, cum dicit, non esse propriè vocandam voluntatem,*

nisi sit ita libera & liberata vt possit facere quod ab ea exigitur. Ergo si supponatur aliquis necessitate peccare, impellente cupiditate; ille non potest dici juxta Augustinum voluntate peccare, *proprie* loquendo: quandoquidem voluntas quæ non est aded libera vel liberata, vt possit excutere jugum cupiditatis, non debet dici voluntas, sed cupiditas. Vnde sequitur, cùm nonnisi voluntate peccetur, voluntas autem non dicatur, quæ non est soluta à necessitate concupiscentiæ, & potens non peccare, vt Augustinus significat; non peccari, quando non est liberum abstinere à peccato, ac proinde quando non est indifferentia.

Quod vt clariùs intelligatur, peto à Baianis, quando constat Augustinum loco citato distinguere voluntatem à cupiditate, quid censeant de propositione ista, *homo in hoc rerum statu non peccat voluntate, sed cupiditate*, vera-ne sit an falsa juxta doctrinam Augustini? Si vera est, erravit Augustinus, qui non solùm de peccato Adami, sed de eo quoque quo à nobis concupiscentiæ consentitur hoc ipso in loco pronuntiavit, *nonnisi voluntate committi*: idque non semel, sed ter, quater, & quinquies. Si falsa est, & consequenter si voluntate peccamus, prout voluntas à concupiscentia distinguitur; Ergo necessaria est ad peccandum indifferentia; quia voluntas illa sine qua non peccatur, non distinguitur à cupiditate, nisi per hoc quòd sit ita libera, vt ei possit non consentire, vt patet ex citato loco.

Dices, Augustinus non loquitur *proprie*, quando dicit nos voluntate peccare, & *proprie* loquitur quando distinguit voluntatem à cupiditate. Sed quid erit certum, & vbi figemus pedem in doctrina Augustini, si liceat ita interpretari, præsertim vbi aliquod nomen in eodem contextu, vt hîc accidit, sæpiùs vsurpatur? Et cùm *voluntatem* eodem modo ponat in definitione peccati, cuius hîc meminit, quando dicit, *peccatum est voluntas &c.* num dicemus voces improprie sumi ab Augustino, etiam in definitionibus, vbi earum proprietas maximè requiritur? Et quomodo quæso accipit voluntatem, dum dicit, peccatum primum *quod juxta damnatio sequuta est, nusquam esse nisi in voluntate*? certè tunc *proprie* voluntas sumi debet: quia tunc non erat cupiditas. Atqui statim subiungit, *quantum & hoc peccatum quo consensi-*

sur peccatis concupiscentia, NONNISI VOLUNTATE COMMITTITVR. Hic ergo non sumit voluntatem eodem modo, sed improprie? Atqui hoc dicere nugari esset. Voluntas utrobique sumitur eodem modo: sed supponitur in nobis tentari & sollicitari à concupiscentia, non autem cogi, vel necessario impelli: quod non fuit in Adamo.

Dices iterum Augustinum hæc subiungere, vnde pateat ipsum interdum confundere voluntatem cum cupiditate. *Quod si quisquam dicat etiam ipsam cupiditatem nihil aliud esse quam voluntatem, sed vitiosam, peccatoque seruientem, non resistendum est: nec de verbis, cum res constat, controuersia facienda.* Respondeo hinc potius confirmari quod dixi, cum constet hanc esse concessionem tantum, ut quis aliter loquatur, quam ipse loquutus sit: vnde manifestè colligitur, ipsum non illo modo de voluntate loquutum.

Probatur decimotertiò, ex libro contra Fortunatum, vbi Augustinus sic loquitur, *Animæ rationali, quæ est in homine, dedit Deus liberum arbitrium, sic enim posset habere meritum, si VOLUNTATE NON NECESSITATE boni essemus.* Cum ergo oporteat non necessitate, sed voluntate bonum esse, oportebat ut Deus animæ daret liberum arbitrium. Liberum arbitrium homini datum, erat arbitrium indifferens; & necessitas, quam excludebat, non erat tantum necessitas coactionis, aut naturalis: sed erat omnis omnino necessitas antecedens, & ad vnum determinans, ut Iansenius passim fatetur. Vide autem quare dicat Augustinus oportuisse ut ita fieret. Nempe, *ut posset habere meritum: & quia oportet non necessitate sed voluntate bonum esse.* Vnde dico, Vel est necessarium in vniuersum tale liberum arbitrium, ad hoc ut sit meritum, & ut sit bonum morale, vel non; si est in vniuersum necessarium: Ergo neque modò possumus habere meritum, si non habeamus idem liberum arbitrium; si non est in vniuersum necessarium: Ergo neque Adamus propterea desuisset habere meritum, & esse bonus, contrà quam dicat Augustinus: qui propterea censendus est ad bonum morale requisivisse arbitrium indifferens in quocumque statu.

Probatur decimoquartò, ex eodem loco, & hisce verbis, *Liberum voluntatis arbitrium in ipso homine fuisse dico, qui*

primò formatus est: ille sic factus est ut nihil omnino voluntati eius resisteret, si vellet Dei præcepta servare. Postquam autem libera ipse voluntate peccavit, nos in necessitatem præcipitati sumus, qui ab eius stirpe descendimus. Hic Baiani gaudio exiliunt, sed pergant legere, Potest autem unusquisque nostrum mediocri consideratione inuenire verum esse quod dico. Hodie namque in nostris actionibus antequam consuetudine aliqua implicemur, LIBERV M HABEMVS ARBITRIV M FACIENDI ALIQVID VEL NON FACIENDI: cum autem ista libertate fecerimus aliquid, & facti ipsius tenuerit animam perniciofa dulcedo & voluptas; eadem ipsa consuetudine sic implicatur, ut postea vincere non possit quod sibi ipsa peccando fabricata est.

Baiani, quid est hoc, *Nos in necessitatem præcipitati sumus, & tamen etiam hodie habemus liberum arbitrium faciendi, aut non faciendi malum, antequam consuetudinem contraxerimus? Nonne hoc est asserere, in natura lapsa indifferentiam ad peccandum vel non peccandum? Nonne hinc intelligi potest necessitatem illam non esse aliud, quàm magnam aliquam difficultatem, qualis nascitur ex malo habitu, quæque non tollit physicam potentiam faciendi contrarium? Nonne tertio hinc colligitur hanc non esse nisi specialem quamdam necessitatem diuinæ gratiæ, quâ iuuante possimus vincere malam consuetudinem, contrariâ inductâ, quæ nos inclinet ad bonum. Id enim verò Augustinus satis indicat, cum subdit: Ipsa nimirum est carnis prudentia, qua quamdiu ita est, legi Dei subijci non potest. Sed illuminata anima, desinit illa esse carnis prudentia; sic enim dictum est, prudentiam carnis non posse legi Dei esse subiectam, quemadmodum si diceretur glaciale m niem calidam esse non posse: Sed quemadmodum illa nix calore resoluitur & desinit nix esse, ut possit calefcere, sic illa carnis prudentia, id est consuetudo facta cum carne, cum fuerit mens illuminata & ad arbitrium legis totum hominem sibi Deus subjecerit, pro illa animæ consuetudine mala, facit consuetudinem bonam. & cò spectare dicit Euangelicum illud, aut facite arborem bonam, &c. Vnde concludit, si* Mauh. 11.

ergo imperatum est nobis ut faciamus arborem aut bonam, aut malam, NOSTRVM EST ELIGERE QVOD VELIMVS. En quæ sit illa necessitas in quam præcipitati sumus. Nimirum illa est quâ prudentia carnis necessariam facit diuinam illustrationem

ad habendam spiritus obedientiam, & mutandam malam arborem in bonam. Sed cùm aduenerit diuinum illud lumen, quid facit? nempe vt facere possimus *arborem aut bonam aut malam*. Et quibus quæso dicitur illud? carentibus diuina gratia? non possunt facere bonam; habentibus diuinam gratiam? non possunt facere malam, per vos: quid ergo est quod addit Augustinus, *Nostrum est eligere quod volumus*? Nostrium est eligere alterum duorum, quando vnum est impossibile? Nonne manifestè colligitur ex hoc loco juxta doctrinam Augustini in hoc statu naturæ lapsæ, & in libertate ad peccandum, quam inuoluit hic status, & in libertate ad bene agendum, quam recuperamus per Dei gratiam, includi indifferentiam ad agendum vel non agendum, & excludi necessitatem insuperabilem ad vnum determinantem?

Probatur decimoquintò, ex libro contra Adimantum, discipulum Manichæi, vbi locum illum de duabus arboribus, altera bona & altera mala, quo Manichæi abutebantur, sic explicat: *Quaquam istæ arbores manifestissimè in similitudine duorum hominum posita sunt, id est iusti & iniusti. Quia nisi quisque voluntatem mutauerit, bonum operari non potest; QVOD IN NOSTRA POTESTATE ESSE POSITVM* alio loco docet, vbi ait, *aut facite arborem bonam, & fructum ejus bonum, aut facite arborem malam, & fructum ejus malum*. Ecce juxta sententiam August. idem est, Christum dicere, facite arborem bonam, facite arborem malam, &c. & docere *hoc esse positum in nostra potestate*. Atqui omni peccatori, etiam peccanti dicitur *vt faciat arborem bonam* & ne faciat arborem malam: Ergo eo ipso docetur etiam peccatorem & peccantem habere in potestate vt benefaciat, & non peccet; Ergo peccat cum libertate, ac potestate non peccandi, imò potius cum libertate, ac potestate bene agendi. Nempe Augustino persuasum erat, vt patet, tum ex hoc loco, tum ex alio simili in libro 2. de actis cum Felice Manichæo cap. 4. Deum nihil posse præcipere quod non sit positum in potestate illius, cui præcipitur; ac proinde dum dicitur, *aut facite arborem bonam*, hoc ipso significari aut dari aut datam esse potestatem homini faciendi arborem bonam. Item nec censendum Deum permittere quippiam aliter, quàm relinquendo illius optioni, cui permittitur, vt fa-

ciat aut non faciat, concessâ vtriuslibet potestate: & hoc significari cùm dicitur, *aut facite arborem malam*: hoc verò quid est aliud, quàm putare nec præcepto, nec consilio, nec permissioni locum esse, nisi vbi adest faciendi & non faciendi potestas, hoc est indifferentia, qua necessitas, quæ ad vnum determinat, excluditur? Et vides minimè hîc locum habere quod dicunt; hæc esse vera in statu naturæ integræ; Cùm sit manifestum locum habere in illo statu, de quo loquitur Christus, cùm dicit, *aut facite arborem bonam, &c.* qui certè non alloquitur Adamum & possibiles in statu innocentix filios.

Sed neque illud effugium prodest, quòd hæc dicuntur ab Augustino, contra Manichæos disputante, quasi aliud dicturus fuerit dum disputaret contra Pelagianos; Constat enim ex 1. Retract. perstare ipsum in eadem sententia, cùm Cap. 21. dicit repetitis superioribus verbis, *Quòd non est contra gratiam Dei, quam predicamus, in potestate quippe hominis est mutare in melius voluntatem, sed illa potestas nulla est, nisi à Deo detur.* Quasi diceret, dummodo potestas non peccandi aut bene viuendi censeatur à Deo data, dic quantum voles in potestate illius cui præcipitur vt bene viuat, esse id quod præcipitur. Atque in hac potestate faciendi, aut non faciendi, fundat Augustinus æquitatem pœnarum, quæ à Deo infliguntur. Intendit enim ostendere quomodo bonus sit Deus, de quo dicitur *non esse malum in ciuitate quod non fecerit.* Augustinus dicit malum illud esse tantùm malum pœnæ: malum autem pœnæ bene fieri posse à summo Iudice, siquidem bene fit, quod iustè fit: *hæc sunt mala*, inquit Augustinus, *quæ Deus facit, id est peccatoribus pœnas; quòd in ignem mittet arbores, quæ in malitia persequerantes fieri bonæ noluerunt.* Nimirum velle hoc poterant, quia jam dictum est fuisse positum in earum potestate, sed noluerunt, & ideo iustè puniuntur.

Probatur decimosextò ex eodem loco, vbi ex illo Pauli Cap. 27. ad Rom. 11. *potens enim est Deus iterum inferere illos, simul etiam ostendit*, inquit Augustinus, *in nostra potestate esse vt vel inferi bonitate ejus, vel excidi seueritate mereamur.* hoc etiam Augustinus approbat in Retract. dummodo non excludatur diuina gratia. Lib. I. c. 12. Quid autem est esse in nostra potestate vt vel inferi, vel excidi mereamur? Si nullus eorum qui inseritur,

vnum potestate? Nempe Augustinus satis intelligebat determinatam illam ad vnum potestatem minimè negari à Manichæis, sicuti neque modo negatur à Caluino; & tamen credidit liberum arbitrium ab illis negari: Ergo præterea requirebat indifferentiam.

Probat decimo octauo, ex eodem loco, vbi probat Manichæum incautum, & contra suam intentionem admisisse liberum arbitrium, cum scripsit, *Hi verò qui negligentiam suam à labe prædictorum spirituum purgari se minimè permiserint, & mandatis diuinis ex integro parum obtemperauerint, legemque sibi à Deo liberatore datam plenius seruare noluerint, neque ut decebat, se se gubernauerint, &c.* quibus relatis subdit Augustinus, *vides in his verbis confirmatum esse etiam à nesciente quid loqueretur, liberum arbitrium. Qui enim seruare legem non vult, in potestate ejus est, si velit.* NON ENIM DIXIT, NON POTVERINT, SED NOLVERINT; hoc certè quòd nolunt seruare legem, non à gente tenebrarum coguntur; si enim coguntur, non nolunt, sed non possunt. Si autem nolunt, non utique coguntur ut non faciant; sed voluntate sua nolunt. hoc ergo quòd in eorum voluntate est ut nolint, peccatum est certè sine aliqua necessitate gentis tenebrarum, & inde vides unde veniant omnes culpa, unde merita culparum, unde distributiones pœnarum. Vbi perspicuum est Augustinum oppositionem agnoscere inter id quòd est non velle, vel nolle obseruare mandatum, & non posse: cum obseruat Manichæum non dixisse, non potuerint, sed noluerint: & consequenter non putare de eo qui non potest, dici debere quòd non vult. Item constat oppositionem agnoscere inter quamcumque necessitatem, & voluntatem: ita ut de eo qui dicitur voluntate aliquid facere, dici debeat id facere sine aliqua necessitate. Sine aliqua verò, & sine vlla idem sunt. Quod clarè significat illis verbis, *hoc ergo quòd in eorum voluntate est, ut nolint, peccatum est certè sine aliqua necessitate*, unde jam interrogandi sunt Baiani: Vel ille qui diuinum præceptum transgreditur, potest velle illud seruare, vel non: si potest velle seruare, ergo illud transgreditur ex indifferenti voluntate ad bonum & ad malum; si non potest velle, ergo malè dicitur ideo transgredi, quia seruare non vult: quia juxta Augustinum, de quo dicitur, quòd ideo non seruet, *quia non vult*, non dicitur, *quòd non possit*:

Item, vel ille qui transgreditur, impellitur *aliqua necessitate*, vel non: si non impellitur aliqua necessitate, ergo habet voluntatem indifferentem: quia indifferentia non tollitur nisi aliqua necessitate: Si impellitur aliqua necessitate, ergo non peccat voluntate: quia ut constat ex dictis, Augustinus ut sit voluntas, requirit ut non sit *aliqua necessitas*. Quod addit, *Inde vides unde veniant omnes culpe, unde merita culparum, unde distributiones pœnarum*. Ostendit Augustinus videri necessariam illam voluntatis indifferentiam ad peccatum, & meritum pœnæ.

Iam dicere hîc non agi de statu naturæ lapsæ ridiculum esset, cùm agatur de eo statu, de quo agebat Christus Dominus cùm diceret, aut facite arborem bonam, &c. eodem enim contextu hæc dicuntur, eodemque referuntur.

Cap. 8.

Probatur decimononò, ex eodem loco, ubi Felici interroganti de illis quibus dicit Christus, *Ite in ignem æternum, Quare non purgati sunt*, Augustinus bis repetit, *quia noluerunt*: & hoc dicit, ut respondeat Felici, qui putabat eludi posse objectionem Augustini de impotentia Dei Manichæorum, qui quòd non potuisset totum purgare, velut tectorium fecisset genti tenebrarum, ut ibi in æternum damnetur quod purgari non potuit. Hanc, inquam, calumniam ut dilueret Felix, interrogat, *isti peccatores*, qui scilicet mittuntur à Christo in ignem æternum, *quare non purgati sunt?* Putabat Augustinum pariter cogendum dicere, *quia non potuerunt*. Sed ille constanter respondet, *quia noluerunt*: ut ostendat non defuisse reprobis facultatem salutis, sed voluntatem. Atque ut hoc probet, recurrit ad liberum arbitrium, per quod etiam *hodie* homines LIBERA VOLUNTATE faciunt consuetudinem, quam cùm fecerint, FACILE SUPERARE NON POSSUNT. Cùm incipiunt ergo, possunt non facere quod faciunt: ideòque habent indifferentiam: nec illa postea perditur impossibilitate, sed difficultate aliter faciendi minuitur, & per diuinam gratiam restituitur. Eos igitur qui concipiunt timorem Dei, & per liberum arbitrium subdunt se sanandos optimo medico: & sicut bono curatori, ita & misericordi Creatori per humilitatem confessionis & pœnitentia sanari: superbos autem per ipsam superbiam suam insanabiles fieri: & non esse indignum ut Deus dicat, *Ite in ignem æternum*, eis qui diuinam miseri-

cordiam per liberum arbitrium respuerunt: & dicat, Venite benedicti, ei, qui per liberum arbitrium fidem ejus susceperunt, peccata sua confessi sunt, &c. Vides quòd pertineat illud, quia noluerunt. Nimirum vt excludatur, non potuerunt. Potuerunt igitur per Dei gratiam (quam Augustinus non expressit quia non erat necessarium, vt ipse monet 2. Retract. cap. 8.) saluari, qui per liberum arbitrium damnantur: & potuerunt per liberum arbitrium damnari, qui per diuinam gratiam saluantur. Damnari autem potentem saluari, quid est aliud quàm vel peccare, potentem non peccare: vel non pœnitere, atque conuerteri, potentem conuerteri ac pœnitere? hoc verò quid est aliud quàm indifferentia, expers necessitatis ad vnum determinantis? Et cum hæc proponat Augustinus, vt Dei justitiam tueatur, & prouidentiam in distribuendis pœnis ac præmiis, quis dubitare potest ex mente ipsius ejusmodi indifferentiam requiri ad imputationem peccatorum & meritum virtutum: & consequenter ad libertatem ad hoc necessariam?

Probatur vigesimò, ex eodem libro, vbi cum Felix tene- Cap. 12.
retur omnino comprehensus argumentis Augustini, nullâ relicta ad euadendum viâ, ex iis quæ dixerat Augustinus de libero arbitrio, occasionem sumpsit obijciendi, *Si in arbitrio nostro sumus, nemo neminem cogat. Quando voluero, ero Christianus: voluntas nobis subjacet, aut esse Christianum, aut non esse.* Ex quibus manifestum est ita ipsum concepisse liberum arbitrium, vt potestatem ad vtrumlibet includeret: idque in præsentî statu naturæ lapsæ, in quo agitur de amplectenda, vel non amplectenda Fide Christiana. Quam ejus cogitationem August. non solum non corrigit, quin potius confirmat, cum dicit, *quia voluntas nobis adjacet, manifestum est, & hoc de diuinis scripturis docui, quod coactus est etiam inuitus dicere, etiam ille qui vos in istum induxit errorem.* Manichæum intelligit, qui allato superiùs sup. arg. 17.
loco meminit eorum, qui Dei legem seruare *nolunt*, quasi non esset dubium quin possint, pergit autem Augustinus: *Quod autem discis, nemo cogatur, quando voluero ero Christianus; nemo plane te cogit, quando volueris, esto. Quia ex voluntate tua hac venisti, & ex voluntate tua, ista disputasti. Et va voluntati mala, si mala est; pax bona voluntati, si bona est. Siue autem mala sit, siue bona sit, voluntas est. Bonam voluntatem sequitur corona: malam sequitur*

pœna, Deus Iudex voluntatum est, Creator autem naturarum. Quæ tota oratio perspicuè significat datam esse homini optionem ut sit vel non sit Christianus, tantum esse illi cauendum, ne malè eligat: Deum enim, etiam si non ita sit Creator voluntatum, quemadmodum est naturarum, quod in voluntatibus sinat homines agere, seque ipsos ad vtrumlibet determinare; at esse nihilominus seuerum iudicem præmii vel pœnæ quam mala electio meruerit.

Cap. 14.

Probatur vigesimo-primò, ex libro contra Secundinum, vbi quod ille dixerat in sua ad Augustinum epistola, *peccare animam carni permixtam, si voluntate sua, cum se ipsam cognoueris, consentias malo*, Augustinus discutit inquirendo quid possit esse ista *consensio* juxta Manichæorum principia, & dicit, *si substantia est ista consensio, quam malam esse constat, inuenimus esse in anima potestate ut aliqua substantia mala vel sit vel non sit, quid est autem aliud substantia, quàm natura? erit ergo aliqua natura quæ nec anima naturalis sit, quoniam si nolis, non eris: nec illi malo, cui anima voluntate consensit, &c.* vbi vides Augustinum supponere tanquam certum *consensionem liberam*, & quâ peccatur, ita esse in potestate illius qui peccat, ut vtrumlibet possit, exprimere illam aut suppressere: alioqui quid valeret ista illatio, *si substantia est ista consensio, inuenimus esse in anima potestate, ut aliqua substantia mala vel sit, vel non sit.* Et cum Augustinus hoc inferat ex eo quod Secundinus concedit, illa consensione peccari; quid aliud intelligere possumus, quàm juxta mentem Augustini non peccari, nisi cum est in potestate nostra vtrumlibet, consentire malo vel non consentire, & hanc esse libertatem, quæ ad peccandum necessaria est?

Cap. 19.

Probatur vigesimo-secundò, ex eodem libro, vbi Augustinus de illa consensione animæ in malum, ita vrget Secundinum. *Deinde si habet in potestate vel consentire vel non consentire, non ergo victa consentit. Quæro igitur unde habeat istam consensionem malam, nulla contraria cogente natura? Si autem cogitur consentire, ita ut non sit in eius potestate aliter facere; non ergo ut dicebas voluntate peccat, quando non voluntate consentit.* Vbi vides quid intelligat Augustinus per illud *cogi*, quo fit ut aliquid non sit liberum, nec in nostra potestate, neque

peccatum, quamuis malum sit. Nempe non est aliud, quàm quo fit vt non sit in ejus potestate qui cogi dicitur, aliter facere. Ergo cùm per omnem necessitatem ad vnum determinantem antecedenter, fiat vt non sit in nostra potestate aliter facere, consequenter omnis hujusmodi necessitas juxta mentem Augustini est illa coactio, quæ libertatem tollit.

Et verò Manichæos non asseruisse cogentem illam necessitatem in eo sensu stricto & proprio, perspicuè colligitur ex iis quæ paulò antè Augustinus disseruit his verbis, *Iam ut arbitror facile est tibi intelligere ex ipsis verbis epistola tua, quibus dixisti, animam, cùm consentit malo, voluntate peccare, nullum malum esse naturam malam, vel dilectionem natura mala. Sed cùm omnes natura in suo genere bonæ sint, malum esse peccatum, quod sit voluntate anima, cùm diligit pro ipso Creatore creaturam, siue suo malo, cùm sit mala; siue alterius persuasû, cùm consentit malo. En tibi persuasionem tantum mali, non violentam coactionem ex epistola Secundini, hoc est, ex doctrina Manichæorum collectam. Quod iterum inculcat cùm dicit, Fateris tamen eam naturam, quam bonam esse dicis, malo consentiendo, malè facere, hoc est voluntate peccare. At ego ambas bonas esse assero, sed unam earum malefacere suadendo, aliam malefacere consentiendo.* de quibus probat Augustinus, admissa illa vnius naturæ persuasionem, alterius consensione, rectè sequi contra Manichæum ambas esse bonas, sed hanc consentiendo malo, illam suadendo fieri malam.

Probatur vigesimotertiò, ex libro de vera Religione, cùm Cap. 1. dicit: *Defectus autem iste, qui peccatum vocatur, si tanquam febris inuitum occuparet, rectè injusta pœna videretur, quæ peccantem consequitur, & quæ damnatio nuncupatur: nunc verò vsque adeò peccatum, voluntarium est malum, vt nullo modo sit peccatum, si non sit voluntarium: & hoc quidem manifestum est, vt nulla hinc doctorum paucitas, nulla indoctorum turba dissentiat. Quare aut negandum est peccatum committi, aut fatendum est voluntate committi. . . . postremò si non voluntate malè facimus, nemo objur-gandus est omnino, aut monendus: quibus sublatâ Christiana lex, ac disciplina omnis religionis auferatur necesse est. . . . Tales enim seruos suos meliores Deus iudicauit, si ei seruirent liberaliter. quod nullo modo fieri posset si non voluntate, sed necessitate ei seruirent.*

Cap. 13.

Quo sensu hic *voluntarium* vsurpet Augustinus, intelligi potest ex 1. Retract. vbi locum hunc recognoscit, & hanc definitionem peccati dicit esse *verissimam*. Nam cum dicat, peccatum, quod hic definitur, esse illud *quod peccatum tantum est*: & Ianseniani sæpe fateantur, peccatum quod *est peccatum tantum*, esse illud quod committitur ab indifferenti voluntate; seu quod ita committitur, vt sit liberum ab eo abstinere; sequitur etiam ex illorum sententia *voluntarium* hic accipi pro eo quod est ita liberum, vt fieri ac non fieri possit, hoc est, pro eo quod sequitur ex voluntate ad agendum & non agendum indifferente. Et ideo putant Augustinum hic definiuisse primum tantum peccatum ab Adamo commissum. Cæteris autem quæ sunt peccata & pœnæ, in tantum conuenire hanc definitionem, in quantum ad illud primum reducuntur.

1. Retr. c.
13.

Sed conuincuntur ab ipso Augustino loco jam citato, vbi clarissimè significat extendi etiam definitionem illam, & comprehendere peccata, quæ jam committuntur. Nempe Augustinus supponit, etiamnum esse peccata quæ sunt tantum peccata, & non pœnæ primi peccati, quod constat ex eius verbis. Nam cum definitionem illam repetiisset, subdit, *Potest videri falsa hac definitio, sed si diligenter discutiatur, inuenietur esse verissima; peccatum quippe illud cogitandum est, quod tantummodo peccatum est, non quod est etiam pœna peccati*. Vides loqui Augustinum per verba de præsentis de peccato, quod est; sed pergit. *Quamquam & illa quæ non immerito peccata non voluntaria dicuntur; quia vel à nescientibus vel à coactis perpetrantur, non omnino possunt sine voluntate committi*. En tibi peccata illa, quæ sunt peccatum & pœna, nempe illa quæ fiunt per ignorantiam, ortam ex peccato originali: & ex impulsu concupiscentiæ, post illud ipsum peccatum rebellis, quæ fieri dicit à coactis. Iam vide quomodo in eo distinguat, quod est pœna, & peccatum. *Quoniam & illo qui peccat ignorans, voluntate utique facit, quod non faciendum non sit, putat esse faciendum*. Quare peccat, quod putat esse faciendum quod faciendum non est? Nimirum quia voluntariè hoc putat: & si vellet adhibere diligentiam, & inquirere, non hoc putaret. Ergo pœna est quod ignorat: sed quod scire negligat

peccatum est, & non pœna. Quod adhuc magis patet in eo quod sequitur. *Et ille, qui concupiscente adversus spiritum carne, non ea que vult facit; concupiscit quidem nolens, & in eo non facit quod vult*, En tibi coactum illum per pœnalem impulsu concupiscentiæ, *sed si vincitur*, CONCVPISCENTIÆ CONSENTIT VOLENS: ET IN EO NON FACIT NISI QVOD VULT, *liber scilicet iustitia, servusque peccati*. En quod est peccatum tantum, & non pœna, consensus scilicet in concupiscentiam. Itaque, & in peccatis ignorantia, & in peccatis concupiscentia, si vera, & propriè dicta peccata sunt, inuenit Augustinus *verissimam esse* definitionem, qua dixerat, *vsque adeò peccatum, voluntarium malum est, ut nullo modo sit peccatum, si non sit voluntarium*. Quia etiam hic inuenit aliquid, quod est peccatum tantum. Nam esto ignorantia sit pœna, & peccatum; pœna propriè, quatenus intuitu peccati originalis subtracta est scientia; peccatum impropriè, sicut scriptura dicitur manus, & sermo dicitur lingua, ut Augustinus aliàs loquitur. Esto etiam non sit voluntaria, nisi in causa, hoc est in peccato Adami; at negligentia discendi, cum possis, & debeas, peccatum est & non pœna peccati Adami. Licet enim in pœnam peccati Adami simus ignorantes, nemo tamen putat, nos in pœnam eiusdem peccati esse negligentes. Esto, pariter concupiscentiæ motus, pœna, & peccatum sint; pœna propriè, quatenus subtracta est gratia originalis rectitudinis, qua rationi perfectè subiciebantur: peccatum impropriè, quòd ex peccato sint, & ad peccatum ducant; deliberatus tamen consensus voluntatis eorum, qui se vinci patiuntur, peccatum est tantum, & non pœna. Neque unquam inuenietur Augustinus dixisse aut censuisse nos volentes & deliberatè consentire concupiscentiæ, in pœnam peccati Adami. In pœnam tentamur, sed in pœnam non consentimus. Et Deus qui pœnæ auctor est, absit ut dicatur auctor illius consensus, nisi apud Calvinum & Manichæos, & si ita velint, Iansenianos.

Et hanc esse mentem Augustini confirmatur ex eo quod sequitur. *Et illud quod in paruulis dicitur originale peccatum: cum adhuc non utuntur arbitrio voluntatis, non absurdè vocatur etiam voluntarium, quia ex prima hominis mala voluntate contra-*

Etum, factum est quodammodo hereditarium. Non itaque falsum est quod dixi, usque adeò peccatum voluntarium malum est &c. En quomodo Augustinus ut prober quod dixerat, definitionem à se datam esse in vniuersum *verissimam* : atque adeò etiam in peccato originali : differentiam tantum ponit inter hoc & alia peccata, recurrendo ad peccatum Adami, ut inueniat in peccato originali suum illud *voluntarium*. Quo recursum non vitur in peccatis ignorantiae, & concupiscentiae, quæ propriè & formaliter peccata sunt, hoc est in culpabili negligentia discendi, & in deliberato consensu voluntatis à concupiscentia tentatae. Nempe quia sine tali recursum Augustinus in his peccatis supponit esse illam de qua loquitur, voluntarii rationem; sed illa ratio indifferentiam inuoluit, ut monstratum est. Ergo indifferentiam Augustinus supponit esse ad peccandum necessariam.

Cap. 89.

Probatur vigesimoquartò, ex libro de Fide contra Manichæos, ubi cum dixisset Augustinus peccatores injustè judicari si non voluntate peccant, & ideo malum esse in potestate, & non esse naturale, subdit. *Sed etsi aliquos naturaliter dicimus malos, propter originem veteris peccati dicimus, in quo jam nostra mortalitas nascitur, totum itaque quod vocatur malum, in hominibus peccatum est & pœna : peccatum fit ab anima rationali, cui liberum hominis arbitrium est : ea pœna infligitur iustitiâ Dei, qua nihil facit injustè.* Vides quomodo præter originem veteris peccati, cujus pœnam Deus justè nobis infligit, Augustinus aliud peccatum in nobis agnoscit, cujus Deus auctor non est, & consequenter quod est peccatum tantum, & non pœna : & cujus causa in libero arbitrio posita est. Et quia Manichæi repugnant, negantes hanc liberam voluntatem, *Non vident, inquit Augustinus, cecitatem suam. Quis enim non clamat stultum esse præcepta dare ei, cui liberum non est, quod præcipitur facere : & INIQUVM ESSE EVM DAMNARE CUI NON FVIT POTESTAS IVSSA COMPLERE ? Et has injustitias, & iniquitates miseri non intelligunt se Deo adscribere ? Sed quid verum est nisi & Deum dare præcepta : & animas libera esse voluntatis : & malum naturam non esse, sed esse auersionem à Dei præceptis : & esse iustum iudicium Dei, quo damnet peccatores ?* Igitur Augustinus distinguens in nobis malum quod est pœna, & originem ducit

Cap. 10.

cit ex veteri peccato, & cujus Deus auctor est vindicans justè vetus illud peccatum istâ pœnâ; & malum aliud, quod est proprium peccatum, & quod est à propria voluntate, non autem à Deo; concludit ideo posse nos hoc non committere, quia non committere jubemur, & stultum est cogitare nobis præcipi quod facere non possumus. Loquitur autem de præceptis quæ Manichæi agnoscebant, quando ex eo *cacitatem* eorum arguit; quòd cùm non negarent imponi hominibus præcepta, negarent tamen esse illos liberæ voluntatis. Manichæi autem non agnoscebant alia præcepta, quàm quæ nobis in hoc statu dantur: nec alias animas peccantes, quàm quæ nunc sunt: nec alias injustitias & iniquitates, quæ Deo adscriberentur, quàm quæ nunc committuntur. Vno verbo loquitur Augustinus de statu præsentis, & vult peccatum quod in eo reperitur, tribui libero arbitrio, & liberum arbitrium probari ex præceptis, quæ jam dantur.

Vide autem quomodo liberum arbitrium ex præceptis probet, nempe quia *stultum est præcepta dare ei, cui liberum non est quod præcipitur facere, & iniquum esse damnare eum, cui non fuit potestas jussu complere*. Atqui hoc est significare non censei liberam voluntatem, quæ non habet facultatem omitendi quod facit: & faciendi quod omittit, quod est non esse liberam, sine indifferentia. Sine indifferentia, inquam, quæ sit quando datur præceptum: quòd præceptum aut stultè detur, si non detur eam habenti, vel habere potenti per gratiam in tempore recipiendam, si non ponatur impedimentum.

Dicere autem imponi posse præceptum ei qui vitio suo indifferentiam perdidit, denegarâ omni ad recuperandum facultate; hoc non est referre sententiam Augustini, sed componere illam ex proprio cerebro. Et ne sic quidem *stultitia* vitatur, quam ille vitare vult: quòd perinde sit huiusmodi homini aliquid præcipere, ac præcipere illi qui sibi oculos effodit, ut stellas numeret. Hujus autem *stultitia* si quis dicat reos esse Iansenianos, qui præcepta in lege veteri data putant, sine *vlla ad implendum facultate*: quin etiam *repugnasse scopo illius legis quod daretur gratia, faciendo quod præcipiebatur necessaria*; tuebatur se auctoritate S. Augustini.

to. 3. lib. 3.
de gr. salu.
c. 5. & 8.

lib. 2. de
gra. Salu. c.
32.

Hæc dixit Augustinus, dum contra Manichæos disputaret, quorum nihil vnquam postea retractauit, dum libros illos recognosceret, post refutatam Pelagianorum hæresim: quin etiam pleraque omnia confirmauit, cum ea sola præcautione, vt vbi non est expressa diuinæ gratiæ necessitas, non putaretur exclusa; vt plus etiam demus, quàm postulet posita à Iansenio regula, *quidquid non retractauit Augustinus in libris quos recognouit, censendum approbasse.* & vt constet constantem hanc fuisse Augustini sententiam.

Probatur vigesimoquintò, ex comm. in Psal. 51. cùm dicit, *Benignitas ante te, iniquitas ante te, compara & elige, & Ante te erat benignitas, illam diligeres, non enim aliquid eras erogaturus, aut quod diligeres de longinqua navigatione allaturus.* Insani hominis est, vel vafri ac perfidi circulatoris, cùm faciat alteri copiam vnus tantùm rei, duas tamen offerre ac dicere, *compara & elige.* Ergo in eo qui diligit iniquitatem, quem Propheta hîc alloquitur, est potestas diligendi benignitatem, ac proinde indifferentia ad diligendam, vel non diligendam iniquitatem, quæ confirmatur ex sequentibus, cùm dicitur eidem iniquitatis amatori: *Ante te erat benignitas illam diligeres, non enim aliquid eras erogaturus, aut quod diligeres de longinqua navigatione allaturus.* Disputamus an ille, qui diligit iniquitatem habeat proximam & expeditam facultatem ad diligendam benignitatem, potuit-ne autem ab Augustino clariùs id exprimi, quàm cùm dicitur, nec perdendum aliquid esse vt possit diligi, nec expectandum aliunde? Atqui totum hoc dicit Augustinus paucis illis verbis, *non aliquid eras erogaturus, aut de longinquo eras allaturus.* Est igitur hæc expressissima immediatæ ad vtrumlibet potentiæ, hoc est indifferentiæ confessio.

hom. 11.

Probatur vigesimosextò, ex libro 50. homil. cùm dicit, *Cùm per Dei adiutorium in potestate tua sit, vtrum consentias diabolo; quare non magis Deo, quàm ipsi obtemperare desideras?* Increpat Augustinus diabolo consentientes; & increpat ex eo quod per Dei adiutorium habeant in potestate, vt consentiant Deo. Nonne hoc est etiam indifferentiam ad consentiendum confiteri, eamque supponere, veluti fundamentum iustæ increpationis? Adde quæ sequuntur. *Rogo*

*ergo vos fratres carissimi, quare Sathanas seducit ad peccandum, cum Deus posuerit homini in potestate non consentire Sathana? Vbi vides per Dei gratiam non auferri, sed conferri potiùs indifferen-
tiam illam, quam Deus homini dedit in prima conditione.*

Probatur vigesimo septimò, ex libro de spir. & lit. dum ad hoc vt aliquid dicatur esse in nostra potestate, requirit *vt voluntati adiaceat potestas*, intelligit autem potestatem facien-
di, vel non facienti, vnde concludit postea *fides esse in no-
stra potestate*, supposito semper auxilio gratiæ, quia quisque credit, si vult, & non credit, si non vult, *Vides nunc vtrum quisque credas, si nolueris, aut non credas, si volueris, quod si absur-
dum est. . . . profectò fides in potestate est*, & deinde, *Cum ergo fides in potestate sit &c.* hoc autem est dicere, libertatem illam, ratione cuius aliquid dicitur esse in nostra potestate, esse debere, vt vtar verbo Iansenii *bicornem*, & quæ spectet vtrumlibet duorum oppositorum.

Et hoc confirmat sensus communis, quem hîc approbat Augustinus, circa eos qui coguntur aliquid facere. Statua-
mus enim duos homines, quorum vnus metu tormentorum cogitur v. gr. prodere secretum. Ille juxta Augustinum, *et-
si non plena & libera voluntate* prodit secretum, non prodit ta-
men *nisi voluntate*. Quare hoc? Quia, inquit, *si tanta volun-
tas sit, vt malis hoc non facere, quàm illud non pati, cogeni pro-
cul dubio resistis, nec facit.* Quod est dicere, ideo voluntate prodit secretum, quia potest non prodere. E contrario, sit alter, qui positus in eadem tentatione, forti voluntate patia-
tur tormenta, ne secretum prodar: si de suis doloribus que-
ratur, *Solent*, inquit Augustinus, *illi qui cogunt vel suadent di-
cere: quod habes in potestate quare non facis, vt hoc malo carcas?* Quod est illum ideo pati liberè, quia habet in potestate non pati, & ideo habere in potestate non pati, quia li-
berè non tollit causam propter quam patitur. Tertius detur qui non possit aperire secretum, quia reuera illud nescit, & cogatur tamen iisdem tormentis: ille excusan-
do respondet juxta Augustinum, *facerem si esset in potestate.* Estque iusta hæc excusatio, quâ significat non debere sibi im-
putari quod patitur, propterea quod non habeat potestatem ad
impediendum ne patiatur. Ex his tribus ergo, primus liberè

prodit, quia potest habere voluntatem non prodendi. Secundus liberè patitur, quia potest habere voluntatem prodendi & consequenter non patiendi. Tertius nec prodit, nec liberè patitur, defectu potestatis in oppositum: & consequenter defectu voluntatis, quam effectus sequi possit, hoc est absolutæ & efficacis. Ex quibus constat juxta mentem Augustini, ex eo censi aliquid esse in potestate, & voluntate fieri, quòd detur potestas in oppositum, quæ subsit voluntati. Sequitur etiam eum, qui cogente metu aliquid facit, posse velle non facere. Et quia non est major ratio de metu, quàm de cupiditate, sequitur à pari eum qui cupiditate aliquid facit, si facit deliberatè, posse non facere. Item eum qui honestatis amore & conscientia remorsu aliquid negat, & tormentis resistit, posse cedere & non resistere: & ex illa ad oppositum facultate hæc omnia imputari, quod est, & dari *bicornem* libertatem, & illi imputari quæ bene, vel malè fiunt: nec esse hanc Peripateticam tantum philosophiam, ut Baiani vociferantur, sed & Augustinianam.

quæ st. 61.

Probatur vigesimo-octauò, ex lib. 83. quæst. vbi dicit eos qui vocati noluerunt venire ad cœnam, *non debere alteri tribuere* quòd exclusi sint, sed sibi; *quia ut venirent vocati, erat in libera voluntate*. Quod est istos quoque habuisse libertatem ad utrumlibet, ut venirent, & non venirent: & propterea illis imputari quòd non venerint. Scio Iansenio videri August. errasse, cum hoc diceret; sed tenet posita ab ipso regula, quando illud non retractavit, cum hunc locum recognosceret, censendum approbasse: & approbandum quoque ab omnibus, qui Augustiniani videri volunt, censuisse.

Probatur vigesimo-nonò, ex eo quod est in libro 2. de Peccatorum meritis, vbi dicit iis qui putant *hominem in hac vita esse posse sine peccato, non esse continuò incanta temeritate resistendum*. Si enim esse posse negauerimus; & libero hominis arbitrio qui hoc volendo appetit: & Dei virtuti, vel misericordia, qui hoc adiuvando efficit, derogabimus. Loquitur ut patet de peccatis actualibus; nam originale non pendet à nostro libero arbitrio. Quod igitur dicit, non esse resistendum iis qui dicunt hominem in hac vita esse posse sine peccato, ut sit verum, concedendum est homines, qui peccant, posse non peccare:

quod est indifferentiam aliquam ad peccandum & non peccandum agnoscere. Iam quod dicit derogare libero arbitrio qui hoc negant, nonne manifestè probat ex mente Augustini pertinere indifferentiam illam ad liberum arbitrium? Nam si non pertinet, qui eam negat, quid nocet libero arbitrio? Atqui Ianseniani eam negant, quia dicunt amissâ libertate ad bonum, vel ad abstinendum à peccato, remanere tamen libertatem arbitrii ad malum: videant ergo qua ratione vitare possint quam Augustinus imprimis notam *is qui INCAVTA TEMERITATE resistunt.*

Iam verò suppositâ huiusmodi doctrinâ proponit Augustinus quatuor quæstiones, quarum tertia est, *cùm voluntate humanâ, gratiâ adjuvante diuinâ, sine peccato in hac vita possis homo esse, cur non sis?* Vides iterum supponi eos qui peccant, gratiâ adjuvante diuinâ posse non peccare, quod est non deesse illis gratiam necessariam ut possint non peccare, quo posito dicit Augustinus, *possem facillimè, & veracissimè respondere, quia homines nolunt.* Non dubitat scilicet quin possint, per adjuvantem illam gratiam: sed quamvis possint, *nolunt.* Et recordandum est, quod antea retulimus ex Augustino, non solere dici de eo, qui non potest facere quod ab illo exigitur, *non vult*; sed dici debere, *non potest.* Homines igitur qui nolunt esse sine peccato, potentes esse nolunt. Quid est autem quod requiritur ut homo sit sine peccato, seu quid debet facere? Certè nihil aliud, quàm velle non peccare, aut non velle peccare. Est enim peccatum primariò in ipsa voluntate; ideòque fieri non potest, ut qui non vult peccare, peccet. Ergo qui potest esse sine peccato, potest velle esse sine peccato: & consequenter dum non vult, potest velle, ac proinde habet indifferentem voluntatem, ut velit, vel non velit esse sine peccato. Et hoc, inquit Augustinus, non solùm facillimum est ad soluendam interrogationem illam, cur homo non sit sine peccato, cùm esse possit; sed etiam *veracissimum.* Ergo *mendacissima* est doctrina, quæ repugnat. Sed quia vidit Augustinus statim quæri posse, cur homines nolint esse sine peccato, cùm velle possint; *Imus in lon-* Cap. 20.
gum, inquit, *verumtamen sine præiudicio diligentioris inquisitionis, breuiter dico, nolunt homines facere quod iustum est; sine quia*

latet an justum sit, sine qua non delectat. Vbi vides interea dum expectatur major inquisitio, solutionem esse, ut vocant *provisionalem*, in qua affertur causa remouens prohibens, ejus quod quæritur. Notum est enim illud, omnis peccans est ignorans: quia licet habeat totam notitiam, quæ illi necessaria est, ut possit non peccare, posset tamen habere majorem: & si haberet, non peccaret. Item, licet habeat in voluntate motus quosdam, quibus & aueritur à peccato, & ad virtutem allicitur, possent illi esse vehementiores, & si essent, voluntas abstinere à peccato. Atque ita Augustinus affert pro causa, defectus illos antecedentes in peccatore, *quia latet, vel non delectat quod justum est*, qui minimè impediunt quominus sufficientem habeat facultatem ad non peccandum is qui peccat: sed impediunt ne habeat id, quo dato, infallibiliter non peccaret. Hæc est Augustini doctrina, quæ procul distat à doctrina Iansenii. Siquidem juxta doctrinam Iansenii, dum quæritur an possit homo in hac vita esse sine peccato, respondebitur quidem esse posse diuinâ gratiâ adjuuante; sed si quæras quo sensu dicatur illud, *diuinâ gratiâ adjuuante*? Debet responderi sensum esse conditionalem, & ita resoluendum, posse si Deus gratiâ suâ adjuuet: non verò absolutum, qui sic resoluitur, potest cum non desit gratia necessaria Dei quæ adjuuet. Vnde si jam instes, cum possit homo esse sine peccato, adjuuante gratiâ, quare non est? Genuina responsio in doctrina Iansenii est, quia deest illa gratia. Nullus enim eorum qui peccant, habet gratiam ad non peccandum. Itaque quod homo possit esse sine peccato, non refertur ad arbitrium hominis, sed ad arbitrium Dei, qui potest dare, vel non dare homini gratiam ad non peccandum necessariam. Ex quibus sequitur primò, si quis absolutè neget hominem in hac vita esse posse sine peccato, verum dicere; & qui absolutè affirmat, dicere falsum. Quia quod non est verum, nisi positâ aliquâ conditione, quando constat sublatam esse conditionem, absolutè falsum est. Conditiō autem diuinæ gratiæ, ex qua pendere dicit Augustinus illud *posse non peccare*, in sententia Iansenii absolutè tollitur; quippe qui putat neminem peccare, qui non careat diuina gratia ad impediendum peccatum necessaria; seu quod idem est, nulli

peccanti adesse gratiam ad impediendum peccatum sufficientem. Vnde conficitur demonstratiuum hoc argumentum in doctrina Iansenii, designato quolibet homine. hic homo non potest esse sine peccato, nisi diuina gratia adiuuet in qualibet occasione peccandi; sed diuina gratia non adiuuat in qualibet occasione peccandi: Ergo hic homo non potest esse sine peccato. Et tamen, inquit Augustinus, hoc non potest dici sine nota *incauta temeritatis*: Ergo ex Augustino Ianseniani hoc charactere notandi sunt.

Sequitur secundò, in eadem sententia interroganti, quare homo non sit sine peccato in hac vita? Obuiam, & quæ statim occurrit, responsionem esse, quia non potest. Cum enim vt hoc possit, necessaria sit gratia; & illa desit in omni occasione, in qua homo peccat; & certò ac necessariò necessitate ad vnum determinante sit non peccaturus, si ea daretur; quicumque interroganti cur homo non peccet, aliam quærit responsionem, effugia quærit & fucos adhibet, quibus abscondat veritatem: Atqui constat Augustinum nolle ita respondere. nempe quia non putat verum esse quod Iansenius dicit.

Sequitur tertio, eos qui ita philosophantur, reos esse duplicis illius peccati, quod Augustinus monuit vt vitaremus, quòd scilicet *derogent, & libero hominis arbitrio, qui appetit non habere peccatum, & Dei misericordia, quæ adiuuando efficit, vt homo hoc possit*. Injuria enim quam Augustinus timere potest inferendam libero hominis arbitrio, non potest esse alia, quàm quod dum homo appetit esse sine peccato, appetat rem impossibilem: Atqui hoc verum est ex principiis Iansenii: Ergo ex Augustino, sententia Iansenii derogat libero arbitrio. Injuria verò quæ infertur diuinæ misericordiæ, quæ hoc adiuuando *efficit*, hoc est quæ adiuuando efficit, vt homo *possit esse* sine peccato; non potest esse alia, quàm quòd reuera hoc non efficiat adiuuando. Atqui in sententia Iansenii hoc non efficit: quia reuera in omni occasione in qua homo peccat, Deus non dat gratiam quæ necessaria est, vt possit non peccare. Ergo ex Augustino, sententia Iansenii derogat Dei misericordiæ.

Sequitur quartò, verum esse quod diximus, propositio-

nem illam Augustini, *hominem divinâ adjuvante gratiâ, esse posse sine peccato*, resoluendam esse per sensum absolutum. *Quia divina gratia adiuvat; & non per conditionatum, ut vult Iansenius, si divina gratia adjuvet.* Absoluta enim est affirmatio, quâ Sanctus Augustinus dicit divinam misericordiam adjuvando efficere, ut possimus esse sine peccato. Et verò sicuti laus liberalitatis non consistit in eo quod habeat adjunctam facultatem benefaciendi, quippe quam etiam adjunctam habere potest avaritia, & tenacitas: sed in usu ipso & exercitio benefaciendi; ita laus misericordiae non consistit in eo quod adjunctam habeat facultatem subueniendi miseri; adjunctam enim habet & rigor atque seueritas: sed consistit in exercitio miserationis. Ergo Augustinus, qui cauet ne divinae misericordiae derogetur, dum dicitur homo in hac vita non posse esse sine peccato; non hoc intendit tantum, ut intelligatur Deus posse iuvare hominem, dando facultatem abstinendi à peccato, sed ut intelligatur re ipsa iuvare: atque hanc facultatem concedere, quotiescumque necessaria est; & hoc est exercitium misericordiae, quod Iansenius tollit, tollendo simul ejus gloriam. Quod valde notandum est, non solum pro indifferentia liberæ volitionis, pro qua jam disputamus, sed etiam pro gratia sufficiente quæ illi *monstrum est*, quippe qui domesticis, ac familiaribus scholarum catholicarum sententiis non satis affuevit.

Cap. 7.

Probatur trigesimò, ex lib. de corr. & gratia, cum dicit, *Iustus videtur excusatio dicentium, non accepimus audientiam, quàm dicentium non accepimus perseverantiam; Quoniam potest dici, homo in eo quod audieras & tenueras, in eo perseverares, si velles.* Quod est, justam esse accusationem, & injustam esse excusationem eorum, qui accepto per Dei gratiam beneficio reconciliationis, non perseverant, propterea quod perseverare potuerint, si voluissent. Ceciderunt igitur potentes stare, hoc est, cum indifferentia, & sine necessitate ad unum determinante: & ideo justè increpantur; & injustè se excusant. Nam quod dicit, *si velles*, manifestum est supponi velle posse quibus hoc dicitur: alioqui nullum est discrimen, quod ponit Augustinus, inter non perseverantem, non accepto dono perseverantem.

seuerantiæ : & non venientem ad Christum , non audito euangelio , cùm dicit iustiores esse huius excusationem. Quare enim iustior est , nisi quia vt audiret euangelium , sine quo ad Christum venire non poterat , non fuit in ejus potestate? Quod si pariter non fuit in potestate ejus , qui non perseverat , *ut vellet perseverare* , hoc est , *si non potuit velle perseverare* , sine qua voluntate perseverantia esse non potest ; quomodo non eandem excusationem habebit , cùm dicet , perseverassem quidem , si voluissem , sed velle non potui? Et eò spectant similes apud Augustinum locutiones , vt cùm dicit in Enchiridio , Corosaitas *potuisse saluos esse , si vel-* Cap. 95.
lent , & quod est in secundo libro de peccatorum meritis , interrogantibus , cur homines non sint sine peccato , postquam adiuuante gratia esse possunt , *veracissimè respondens , quia nolunt* , qui modi loquendi sunt omnino inepti , nisi ii de quibus hoc dicitur , intelligantur velle posse. Et ideo ex communi sensu , loquutiones illæ non vsurpantur , vbi est voluntatis illius impossibilitas : nec quisquam dicit Deum posse cessare ab amore sui , si velit ; aut beatum ab amore Dei. Nempe quotiescumque possibilitas rei alicujus intelligitur pendere à conditione impossibili , hoc ipso creditur nulla esse : & rem esse in tali casu absolutè impossibilem. Et ita non dicimus esse possibile bouem volare , quamuis hoc sit possibile , si haberet alas ; eo quòd habere alas , sit impossibile naturæ bouis. Ergo in illa hypothesi , in qua deest facultas volendi , qui dicit hominem posse aliquid si velit , nugatur , quòd conditio voluntatis , ex qua pender id quod possibile dicitur , supponatur impossibilis : & ideo dici debet in tali casu simpliciter impossibile.

Probatnr trigesimo-primò , ex lib. de bono perseverantiæ , Cap. 5.
 dum dicitur : *Quisquis audet dicere , habeo ex me ipso fidem , non ergo accepi ; profectò contradicit huic apertissimæ veritati* (quid habes quod non accepisti) NON QVIA CREDERE VEL NON CREDERE NON EST IN ARBITRIO VOLVNTATIS HVMANÆ , sed in electis preparatur voluntas à Domino. Ideo ad ipsam quoque fidem , quæ in voluntate est , pertinet , quis enim te discernit? Quid habes quod non accepisti? Quibus verbis confirmat Augustinus quod aliàs dixerat in libro de spiritu , & litera. Attendat , & videat ,

non ideo tantum istam voluntatem diuino muneri tribuendam, quia ex arbitrio libero est, quod nobis connaturaliter concreatum est; verum etiam, quod visorum suasionibus agit Deus, ut velimus, & ut credamus, siue extrinsecus per euangelicas exhortationes, siue intrinsecus, ubi nemo habet in potestate quid ei veniat in mentem, SED CONSENTIRE, VEL DISSENTIRE PROPRIÆ VOLUNTATIS EST. Vbi vides postremam hanc definitionem, sed consentire, vel dissentire gratiæ, nimirum ad fidem mouenti, propriæ voluntatis est, superioribus illis verbis apprimè respondere, Non quia credere, vel non credere, non est in arbitrio voluntatis. His autem perspicuum est significari potestatem ad vtrumlibet, nempe ad credendum, & non credendum, de eo enim qui vnum tantum potest, ut iam suprâ notatum est, nunquam dicitur habere in arbitrio voluntatis, ut alterutrum faciat: nec si nulla sit cymba, quâ fluuius transmittatur, quisquam sit adeò insanus ut dicat, stantem ad ripam, habere in potestate, ut natando, vel nauigando transeat. Quæro igitur quem intelligat Augustinus quando dicit, credere vel non credere possum esse in arbitrio voluntatis? an hominem gratiâ destitutum? an hominem præditum gratiâ ad credendum necessariâ? Si primum, falsum est, & Pelagianum quod dicit, posse illum credere, vel non credere; nam esto possit non credere qui gratiâ destituitur, tamen quomodo diceretur posse credere, nisi ab eo qui negat necessariam esse gratiam ad credendum? Ergo ille vnum tantum potest, non pro arbitrio voluntatis alterutrum. Quod si intelligat Augustinus hominem gratiâ præditum, sicut ostendunt omnino circumposita vtrique loco verba intelligendum esse, quomodo potest esse verum quod dicit, habere illum in libero arbitrio credere, vel non credere: & propriæ voluntatis esse quod consentiat, vel dissentiat? Esto enim dici possit, posse consentire, & credere, ut in sententia Iansenii non potest dici, posse dissentire. Quomodo enim potest, si sequatur ex illa gratia, necessitas ad vnum tantum determinans, ut ille docet? Quomodo potest, si vsus, vel non vsus illius gratiæ non permittatur libero arbitrio? Quomodo potest, si per victricem illam gratiam, quâ fit, ut velle credere sit in potestate voluntatis, excludatur contrarius, & victor concupiscentiæ motus, per quem fit ut nolle credere

seu dissentire in ejusdem potestate similiter sit? Hæc enim sunt Iansenii principia, juxta quæ qui habet gratiam ad credendum requisitam, pro tempore quo illam habet, nullo modo dici debet, posse non credere. Ergo hic quoque non potest alterutrum pro arbitrio voluntatis, *credere nimirum aut non credere*, sed vnum tantum. Ac proinde nunquam reperietur tempus, in quo veritatem habeat effatum illud Augustini, *quod credere vel non credere sit in arbitrio voluntatis*, quia sublatâ gratiâ credere non est in arbitrio: nec eâ præsentē *non credere* juxta Iansenium, qui propterea censendus est tollere indifferentiam, quam adstruit Augustinus.

Sed expendenda sunt adhuc illa verba quibus dicit Augustinus *propria voluntatis esse consentire, vel dissentire*. Supponunt enim manifestè præsentiam gratiæ, cùm nemo consentire dici possit, nisi sit cui consentiat: nemo etiam à non existente dissentire. Ergo si quando verum est hominem pro suo arbitrio posse consentire, aut dissentire, debet tunc supponi esse gratia, cui consentiat, aut dissentiat; Consequenter debet supponi talis gratia, quæ non tollat, *potest dissentire*, hæc est igitur Augustiniana libertas arbitrii. Confirmatur ex simili loco in Ps. 91. *Satanas non cogit inuitum*, IN TVA POTESTATE EST CONSENTIRE, AUT NON CONSENTIRE. Peccatores alloquitur, atque adeò Diabolo consentientes, in quorum potestate cùm dicat esse non consentire, admonente Deo (hoc enim præmisit) sequitur agnoscere illum beneficio gratiæ sufficientis indifferentiam in eo, qui peccat, ad non peccandum.

Probatur trigesimo-secundò, illis omnibus locis quibus docet Augustinus Deum non præcipere impossibilia, quæ cùm plurima sint, emicat tamen inter alia quod est in libro de natura & gratia. Vbi dum Pelagium refutat, qui dicebat posse hominem in hac vita esse sine peccato, & vt esse possit pertinere ad bonitatem Dei, quasi ni posset, putandus esset Deus præcipere impossibilia. Respondet Augustinus aliam esse rationem hominis lapsi, & hominis integri. Nunc, inquit, *de illo agitur, quem seminiuum latrones reliquerunt, qui gravibus saucius confossusque vulneribus, non ita potest ad justitiæ culmen ascendere, sicut potuit descendere. Qui etiam si jam in Ra-*

Cap. 47.

bulo est, adhuc tamen curatur; Et quia murmurare aliquis posset ac dicere; Ergo ab homine lapsio postulat Deus id, ad quod non habet vires; pergit Augustinus: Non igitur Deus impossibilia jubet: sed iuvando admonet, & facere quod possis, & petere quod non possis: Quasi diceret, quotiescumque Deus aliquid jubet, supponit te alterutrum posse: nempe aut facere quod jubet, aut petere faciendi facultatem; atque ita dum præcipit, ejusmodi præcepto admonet, ut alterutrum facias, quandoquidem alterutrum potes. Et ne cui videretur excludi gratiæ necessitas, sequitur: Iam nunc videamus unde possit. Iste, Pelagius, dicit, voluntate non est quod natura potest. Ego dico, voluntate quidem non est homo justus, si natura potest; sed medicina poterit quod vitio non potest. Nempe inter Augustinum, & Pelagium perfectè convenit, quòd Deus non jubeat impossibilia: nec cum eo vult contendere Augustinus utrum possit homo esse sine peccato. Tota inter eos contentio est, unde hoc possit, per naturam, inquit Pelagius, per medicinam, inquit Augustinus, quia natura vulnerata est. Et ideo paulo antè. Nam neque illud nimis curo, utrum fuerint hîc aliqui, vel sint, vel esse possint, qui perfectam, cui nihil addendum esset, habuerint, vel habeant, vel habiuri sint caritatem Dei . . . quoniam id quod voluntate hominis adjurâ per Dei gratiam fieri posse confiteor, & defendo, quando, vel ubi, vel in quo fiat, nimium certare nolo: neque de possibilitate ipsa contendendo, cum sanâtâ, & adjurâ hominis voluntate, possibilitas ipsa simul cum effecta in sanctis proveniat. Vides quòd reducat Augustinus quæstionem cum Pelagianis. Non, an sit aut esse possit homo sine peccato: quod est, an possit servare mandata; sed an possit ea servare sine gratia, quæ naturæ superaddatur ex meritis Redemptoris. Vnde postea cum retulisset Pelagii verba, quibus negabat se defensare illam possibilitatem, sine Dei gratia, quin potius fateri, debere illam Deo tantum deputari; Augustinus subiungit: Si nesciremus quæ sequantur, istis tantum auditis, falsi nos de illis jactante fama & quibusdam fratribus idoneis testibus asseuerantibus credidisse putaremus. Quid enim dici brevius potuit, & verius, quàm possibilitatem non peccandi, quantacumque est, vel erit in homine, non nisi Deo debere reputari? hoc & nos dicimus, IUNGAMVS DEXTERAS. En ut Augu-

Cap. 42.

Cap. 44.

stinus sola confessione Pelagii contentus est, paratúsque ini-
re cum eo pacem, si verbis mens responderet. Vide autem
quomodo quæ rectè dixerat Pelagius, prauâ intelligentiâ
corrumpat. Subdit enim Augustinus: *An audienda sunt cate-
ra? Audienda sunt & corrigenda*, & statim refert Pelagii ver- Cap. 45.
ba hæc: *Nam cum dicitur ipsum posse arbitrii humani omnino non
esse, sed auctoris naturæ Dei scilicet: equi fieri potest, ut ab/que
gratia Dei intelligatur, quod ad Deum propriè pertinere censetur?*
En tibi totum illud venenum erroris Pelagiani. Gratiam ad-
mittit quæ sit à Deo ut auctore naturæ, hoc est gratiam na-
turalibus donis, quæ per creationem accepimus, minimè
superadditam. Hoc solum tolle, & clamat Augustinus, *junga-
mus dexteræ*; hoc autem est Augustinum non solum non negare,
sed asserere possibilia esse, etiam transgressoribus Dei mandata.

Quod iterum perspicuè confirmat sub finem hujus libri Cap. 42.
cùm dicit se *non nimis curare ubi, & quando plenissima justitia
perficiantur, qui proficiunt in virtutibus; sed confirmare se, non nisi
gratia Dei per Christum perfici posse*. Et tandem, *valde autem* Cap. 49.
*bona sunt præcepta, si legitime iis viamur; eo quippe ipso, quo fir-
missimè creditur, Deum justum & bonum impossibilia non potuisse
præcipere: hinc admonemur, & in facilibus quid agamus, & in
difficilibus quid petamus*. Quibus verbis Augustinus clarè si-
gnificat alterutrum nobis esse facile, aut implere quod ju-
bemur, aut implendi vires orando postulare. Quæ causa est
cur paulò antè, negligentix, ac pigritix attribuerit, quod Cap. 48.
homines non bene viuant: ideóque censuerit exhortandos,
terroribus verberandos, præmiorum laudibus erigendos. Ne-
mo autem pigritiam, vel negligentiam agnoscit, nisi in re-
bus possibilibus. His adde quod est in lib. de gratia, & li-
bero arbitrio, *Magnum aliquid Pelagiani se scire putant, quando
dicunt, non juberet Deus quod sciret non posse ab homine fieri. Quis
hoc nesciat? sed ideo jubet aliqua, quæ non possumus, ut nouerimus
quæ ab illò petere debeamus*.

Supponit igitur Augustinus possibilia esse transgressoribus
Dei præcepta, quod est homines potentes ea seruare, non
seruare; hoc autem est supponere homines habere indiffe-
rentiam ad seruandum, & non seruandum. Et quia inde
putat dari locum terroribus, minis, exhortationibus, laudi-

bus, consequenter supponit, pertinere indifferentiam hanc ad libertatem, peccando & merendo necessariam.

Probatur trigesimo-tertiò iis omnibus locis, quibus Augustinus calumniam purgat, à Pelagianis irrogatam, quòd tolleretur liberum arbitrium; quod facit potissimum in libro de gratia, & libero arbitrio. Notandum enim est libertatem indifferentiæ, quam Iansenius *bicornem* vocat (quòd sit ad vtrumlibet) ab eodem censerì libertatem Pelagianam, haustam ex lacunis Philosophiæ Peripateticæ, *Desinat*, inquit, *hic obstrepere Aristotelica Philosophia qua in ista causa cum Pelagio atque Iuliano plenis buccis eam crepante damnata est. Neque enim aliud est quidquam heresis Pelagiana de gratia & libero arbitrio, quàm pura puta Aristotelica Philosophia*: Item, *Ex quo fit ut nihil magis in hoc argumento de libero arbitrio suspectum esse debeat, quàm Aristotelica philosophia, cujus solius armis instructi Iulianus, & Pelagius libertatem humani arbitrii defenderunt. Quibus similia sparsim habet per omnes ferè paginas. Igitur libertas quam Pelagiani queruntur ab Augustino destrui, est libertas ad vtrumlibet duorum, contrariè vel contradictoriè oppositorum: & hoc est liberum arbitrium quod Pelagiani putant se tueri contra Augustinum. Augustinus autem, quid respondet? Absolutè negat se tollere liberum arbitrium: quin potius fusè probat, accumulatis Scripturæ sacre testimoniis esse admittendum, ut constat ex tribus prioribus capitibus libri de gratia & libero arbitrio.*

In præf. lib.
6. de gra.
Sahu.

Iam dico. Vel Augustinus dum affirmat retinendum esse liberum arbitrium, idem intelligit quod Pelagius, vel non: si idem intelligit, habemus intentum, & bicornis libertas Augustiniana est; si non idem intelligit, dolosè cum illis agit, ejusdemque fraudis reus est, cujus aliàs ipse Pelagium accusavit, fingentem se gratiam admittere, sed alterius generis, à gratia quam Augustinus requirebat. Ita enim modò Augustinus liberum arbitrium admittebat, sed aliud intelligendo quàm quod Pelagiani postulant. Quòd si Pelagiani malè concipiunt liberum arbitrium, in eo debebat Augustinus laborare, ut conceptum eorum corrigeret, quod nunquam facit: Legatur enim non solum trigesies sexies, ut legisse dicitur Iansenius, sed etiam milles: & nunquam in-

uenietur aliud corrigere in sententia Pelagianorum, & in eo quod dicebant liberum arbitrium posse facere, vel non facere; quàm vt faterentur *illud posse*, quando salutem respicit, & ad ea refertur quæ pertinent ad vitam æternam, ex gratia esse: seu quod idem est, gratiam efficere vt hoc possumus. Constat hoc, ex loco paulo antè citato ex libro de natura & gratia, vbi Pelagio dextram porrigit, si velit hoc confiteri: quod iterum repetit in eodem libro vbi de possibilitate seruandi mandata, & viuendi sine peccato quam adstruebat Pelagius, *Recte quidem disputas*, inquit *sed hoc unde sit possibile, fateatur, & pax est. Ipsa est enim gratia Dei per Iesum Christum &c.* Constat & ex jam citato libro de gratia, & libero arbitrio; vbi postquam admisit, & admitendum probauit liberum arbitrium; vide quid cauere velit in doctrina Pelagianorum. Non enim illud, vt non concipiatur esse facultas ad vtrumlibet, sed ne ista omnia diuina testimonia, & quæcumque alia sunt, quæ sine dubitatione sunt plurima, in defensione liberi arbitrii sic intelligantur, vt ad vitam piam, & bonam conuersationem cui merces æterna debetur, adiutorio, & gratia Dei locus non relinquatur; & audeat miser homo quando bene viuit, & bene operatur, vel potius bene vivere, & bene operari sibi videtur, in se ipso, non in Domino gloriari; & spem rectè viuendi in se ipso ponere, vt sequatur illum maledictum Hieremie Propheta docentis, maledictus homo &c. Et statim explicans illud, & firmat carnem brachii sui, firmat, inquit, carnem brachii sui, qui potentiam fragilem, atque inuolidam, id est humanam sibi sufficere ad bene operandum putat; nec adiutorium sperat à Domino; Propter hoc enim subiecit, & à Domino discedit eor ejus. Talis est hæresis Pelagiana, &c. Hæc nimirum est hæresis Pelagiana, non quod credat liberum arbitrium includere indifferentiam, quo nomine damnatam esse ab Augustino, neque Iansenius, neque Ianseniani vnquam probare poterunt; sed quod talem habeat indifferentiam, vt ad vitam piam, & æternæ vitæ meritoriam, non relinquat locum Dei adiutorio; sed sufficere sibi putet humana potentia; velitque in seipsa spem ponere, & non in Deo, nec aliud deinde probat toto libro. Ergo Augustini conceptus de libero arbitrio, conceptui Pelagianorum apprime respondet, dum asserit liberum arbitrium, quod

Cap. 44.
& 59.

Cap. 4

isti eum negare mentiebantur : Concedit , inquam , Augustinus id esse liberum arbitrium , quod Pelagiani putant , facultatem scilicet operandi , & non operandi ; sed in iis quæ spectant ad salutem , hanc facultatem nonnisi per Dei gratiam constitui putat.

Cap. 17.

Et confirmatur evidenter ex eo quòd inter ea loca , quibus Augustinus probat liberum arbitrium , citat etiam illud Ecclesi. vbi dicitur homo *positus in manu consilii sui , appositum esse illi ignem & aquam , ut ad quodcumque volueris extendat manum suam : esse in conspectu ejus , vitam & mortem , & quodcumque placuerit , ei dandum*. Quibus verbis significatur evidenter indifferentia ad opposita ; Augustinus vide quid addat , *Ece* , inquit , *aper- tissimè videmus expressum liberum humana voluntatis arbitrium ?* Exprimitur ergo liberum humanæ voluntatis arbitrium , quando exprimitur indifferentia ex Augustino. Et notandum est contra Calvinum , & Iansenianos aliquos , qui volunt locum illum pertinere ad statum naturæ integræ , Sanctum Augustinum agere de libero arbitrio naturæ lapsæ , quia non accusabatur quòd destrueret liberum arbitrium naturæ integræ , sed lapsæ ; ergo ex mente Sancti Augustini locus ille pertinet etiam ad naturam lapsam : eoque significatur vim illam agendi naturæ intelligentis propriam , ita fuisse impressam in natura integra , ut perseveret etiam in lapsa , sicut perseverat esse risibile , esse admirativum , esse capax disciplinæ ; cum ea tantùm differentia , quòd ex originali corruptione nascatur specialis gratiæ necessitas. *Neque negetis Dei gratiam* , inquit Augustinus , *neque liberum arbitrium sic defendatis , ut à Dei gratia separatis , tanquam sine illa vel cogitare aliquid , vel agere secundum Deum ulla ratione possimus , quod omnino non possumus*. Hoc postulat Augustinus , hoc vnum commendat : indifferentiam insuper negare , somnium est.

In epist. vnâ cum libro de grat. & libero arbitrio ad Valentianum missa.

Probatur trigésimo-quartò , ex Sermone 191. de tempore , qui est tertius de Festo Sanctissimæ Trinitatis , vbi S. Augustinus fidei suæ professionem sic concludit. *Liberum sic consistemus arbitrium , ut dicamus nos Dei semper indigere auxilio , & tam illos errare qui cum Manichæo dicunt hominem peccatum vitare non posse , quàm illos qui cum Ioviniano asserunt hominem non posse peccare. Vterque enim tollit arbitrii libertatem. Nos virò dicimus homi-*

hominem semper, & peccare, & non peccare posse, ut nos liberi confiteamur esse arbitrii; hæc est fides, dilectissimi fratres, quam in Catholica didicimus Ecclesia, quàmque semper tenuimus, & tenemus: quam credimus & à n. bis deinceps posse teneri. Manichæi non dicebant hominem esse in continuo actu peccandi; sed volebant tantum in illis occasionibus, in quibus peccat, ita prævalere suggestionem malæ animæ supra bonam, ut hæc non possit vitare peccatum. Hoc est igitur quod Augustinus putat tollere arbitrii libertatem, & pertinere ad hæresim Manichæam: ac proinde censet pertinere ad Fidem Catholicam, quod credatur is qui succumbit tentationi, posse non succumbere: & qui peccat, posse non peccare, quod est indifferentiam pertinere ad liberum arbitrium, etiam prout dicit potentiam expeditam voluntatis ad non faciendum quod facit. Nam remotam non negabant Manichæi, cum non negarent esse mutuas vices in conflictu animæ bonæ cum mala, & bonam aliquando vincere, seu non semper vinci. hoc enim illi nusquam dixisse reperientur, quin potius supposuissent contrarium, præsertim in illis, quos vocabant Electos, & Purgatores partis diuinæ, quam nobis inesse fabulabantur. Iam quod dicit Iovinianum quoque tollere liberum arbitrium, dum negat hominem posse peccare; non eò pertinet, ut nusquam putetur esse liberum arbitrium sine potentia peccandi, sed quia Iovinianus loquebatur de puris hominibus, quos negabat posse subverti si baptizati essent non tantum in aqua, sed etiam in spiritu, ut constat ex libro de hæresibus ad Quodvultdeum, & ex Hieronymo lib. 2. contra Iovinianum; Augustinus, qui videbat in illa suppositione inseparabilem esse potentiam peccandi à libero arbitrio, censuit eum qui hanc negaret, illud etiam negare, voluitque duo hæc principia fixa esse, liberum arbitrium tolli, si negetur is qui consentit concupiscentiæ posse non consentire: item liberum arbitrium tolli, si negatur Christianus in hac vita, in qua videt tantum per speculum in ænigmate, posse peccare dum tentatur.

Claudet hæc Augustini testimonia trigesimum quintum, Cap. 25. ex libro 12. de Trinitate, ubi clarissimè exprimitur, & dominium voluntatis, & indifferentia, tanquam ad peccandum ne-

Cap. 8.

cessaria, his verbis: *Neque enim potest peccatum, non solum cogitandum suauiter, verum etiam perpetrandum efficaciter mente decerni, nisi & illa intentio penes quam summa potestas est, membra in opus mouendi, vel ab opere cohibendi, male actioni cedat & seruiat.* Si Molina quidam, vel aliquis Lessius dixisset, penes liberum arbitrium hominis esse *summam potestatem mouendi, vel cohibendi membra*, Ianseniani centum buccis clamarent, blasphemauit, humanum arbitrium diuino dominio subtrahit. Atqui Augustinus ita loquitur, & S. Thomas approbat, vt postea constabit. Et eundem sensum habet quod dictum erat antea, *In specula consilii præsidere superiorem hominis portionem, eique demandatam temporalium rerum administrationem: & censeri illam consentire immoderato appetitui, cum non cohibet, nec refrenat.* Summa potestas membra mouendi, vel cohibendi; est-ne potestas, clauo necessitatis vni parti affixa? Et quæ aliam atque aliam dispositionem expectat, vt modò in vnum feratur, & postea in aliud, est-ne summa? Numquid ea quoque brutis competit? Quis non rideat præsidem illam in specula consilii, & superiore hominis portione potestatem, quæ sic regit appetitum, vt dum consentit, non possit cohibere, & dum cohibet, non possit habenas laxare? Rem tantulam August. tam speciosis nominibus significauerit? Ergo & indifferentiam Augustinus tanquam ad peccandum necessariam requirit; & talem indifferentiam, quæ sine proxima, & ad vtrumque expedita voluntatis facultate non possit explicari.

§. 3. Miracula Ianseniana.

ro. 3. l. 6.
cap. 8.

HÆc sunt testimonia numero quinque supra triginta, nec tamen omnia, quibus probamus Augustinum in conceptu liberi arbitrii id inclusisse, quod indifferentiæ nomine significatur, hoc est potestatem agendi & non agendi. Sunt verò hæc (si Iansenio credimus) triginta & quinque miracula. Siquidem ille ita animo persuasum habet, necessitatem huic indifferentiæ contrariam, ex doctrina Sancti Augustini, non obesse libertati, vt ingenuè fateatur se miraculi loco habiturum, si in Augustini doctrina ostendi possit, voluntatem quæ potentissimè, & immobiliter, & perpetuò iustitiam diligit, & opera-

tur, non esse in ista volitione, & operatione liberam. Quibus verbis quid intelligat, constat ex superioribus, dum dicit. *In illo acerrimo, diuturnoque conflictu, quo cum Pelagianis de gratia, & libertate voluntatis decertatum est, in nullis Augustini libris, vel semel inueniri posse unum textum, vel vestigium opinionis istius, quod idcirco voluntas, sub gratia quæ facit eam facere, maneat libera, quia cessare potest.* Hoc scilicet huic Auctori miraculum est, inueniri apud Augustinum unum textum, quo significetur causam liberam ideo esse liberam, quia sic agit, ut possit non agere. Videat lector an superioribus locis contrarium satis probatum sit: simulque decernat, si pergant Ianseniani rem adeo manifestam negare, quid sit sentiendum de illa contumacia, quæ triginta quinque miraculis sanari non poterit.

Est verò vicissim magnum hoc miraculum, hominem ingenii, & eruditionis minimè vulgaris, viginti duobus annis Augustini libris incubantem; postquam decies circiter omnia ejus opera legit: & quæ sunt scripta contra Pelagianos facilè sexies & tricesies, nusquam vidisse aut intellexisse quod tam multis locis proponebatur. Cujus ego rei causam vix aliam inuenire possum, quàm quia fascinati amore propriarum sententiarum oculi videre nequeunt quæ illis aduersantur; hinc verò intelligitur quàm merito suspecta esse debeant cætera quæ de Sancti Augustini doctrina hic auctor confidentissimè pronuntiat, quasi ex præjudicio tam diuturni studii minimè dubium cuiquam esse possit, quin affirmet Augustinus quæ ille affirmare testatur, quin neget quæ negare ipsum refert. Quippe jam constat tum hoc experimento, tum aliis multis, minimè tutam esse regulam hanc, nec Lectorem sapienter facturum, qui neglecta propriorum oculorum indagine fidem suam testimonio Iansenianorum committet. Quare facilè quidem admittimus quod dicunt, *miram visum* iri eorum doctrinam scholasticis: *doctrinam hanc inauditam esse recentioribus, & non mediocriter miram videri: ad nomen incoacta libertatis exhorrescere non tantum nonnullos, sed plerosque omnes, catholicos doctores: perstrepere nunc scholas illo modo concilianda libertatis cum gratia; Doctoresque fatigari, vii sub nomine libertatis indifferentiam illam libratam contrarietatis aut contradictionis: munit & stabiliat;*

tom. 3. c. 6.
ibid. c. 11.
ibid. lib. 7.
c. 21. ibid.
cap. 2.

hæc inquam admittimus non inuiti. Neque enim potest non mirum videri quod in Catholicis scholis nouum est: nec recentiores non exhorrescere, dum post Sancti Thomæ sententiam, quâ pronunciauit *hereticam esse* opinionem, quâ putatur voluntas ex necessitate moueri, dummodo citra violentiam, & necessitatem moueatur, *eo quod tollat rationem meriti, & demeriti ad quam requiritur, ut quod sit non ita sit ex necessitate quin visari possit* post manifestam duorum Pontificum definitionem, duas istas Baii propositiones damnantium. *Quod voluntariè sit, etiam si necessario fiat, liberè tamen sit, & sola violentia repugnat libertati hominis naturali*: post decretum Concilii Tridentini, quo ad saluandam contra Caluinum arbitrii libertatem definit *consentientem diuina gratia posse dissentire*, quod est esse indifferentem ad vtrumlibet; post communem Catholicorum omnium sensum, quo putatur Caluinus libertatem arbitrii destruxisse, cum tamen incoactam admiserit; erumpat tamen vnus aliquis è tenebris, & non jam *perstrepenibus*, sed conuenientibus miro consensu scholis omnibus, quamuis suo vnaquaque modo, Geneuense canticum intonet, incoactæ libertatis. Sed quod addunt esse doctrinam hanc in Augustini principiis *indubitata*, & in tot libris, quot exarauit de libero arbitrio contra Manichæos, & de gratia, non tollente libertatem aduersus Pelagianos, vix vllum vestigium reperiri posse, ubi de libertate indifferentia loquatur: Nullam vel tenuem umbram in scriptis suis reliquisse, quod libertas arbitrii in huiusmodi indifferentia collocanda sit: Solicitum esse de sola voluntate seu volitione, nihil curando de libertate, eo quod essentialiter libertas sit conjuncta voluntati: horrorem illum, & admirationem recentiorum oriri ex intolerabili antiquitatis imperitia, remotissimos esse ab ea libertatis intelligentia, quam Augustinus, ac discipuli cum tota Ecclesia antiqua tradiderunt: Argumenta quibus, vel sua probant, vel aliena imprecant, sola doctrina à maioribus tradita ignoratione & humana ratiocinationis libertate niti. Hæc, inquam, & alia id genus multa, quæ concionabundus amplificare Iansenius solet, iudicio Lectoris ita permitto, ut postquam superiora Diui Augustini loca expendit, qua æquitate, ac veritate nitantur, ipse pronuntiet.

Idem dico de illo ferali vaticinio, quo in suam ipse doctrinam malè ominosus sic loquitur: *Fidenter dico, quicumque*

Tom. 3. lib.
6. c. 6. Ibid.
cap. 8.

Ib. cap. 10.

Ib. lib. 8.
cap. 21.

doctrinam istam à nobis traditam erroris insimulare ausus fuerit, non Augustinum, non Bernardum; sed philosophiam fortassis Aristotelis ducem ac patronam habiturus est; & in ista doctrina culmina, & columnina necesse est ut anathema prius dicat. Nempe constare cuilibet potest ex dictis, suffragatorem habere Augustinum, quotquot in hanc Iansenii sententiam anathema dicunt, nec dubium est quin præeuntem Augustinum Bernardus sequatur ejus sectator indiuisus. Omitto rationes alias, aliorumque Patrum testimonia, quia propositum est hoc loco vnius Augustini sententiam exquirere. Sed videamus quid dicant alii quidam Iansenii Sectatores, & quid objiciant. Ex eorum enim refutatione superiora illustrabuntur.



EXAMINANTVR ALIQVÆ VINCENTII
Lenis cogitationes super ista controuerfia.

CAPVT I.

*De quibusdam Vincentii Lenis, atque aliorum Jansenianorum
opusculis, & quid ille tum de Jansenio sentiat,
tum etiam de se.*



INTER eos, qui Iansenianæ Theologiæ tuendæ veluti procuracionem accepisse videntur, eminet in paucis Vincentius Lenis, *Theriace* primùm dispensator, idémque deinde *Fulgentius*, *Lucerna Augustiniana* faber. Siue enim imitari voluit fugitiuos, qui nomen, & professionem cum locorum mutatione subinde mutant: seu Græcos artifices, apud quos, vt ait Tullius, qui citharædi esse non possunt, aulædi fiunt, pharmacopœam primùm professus in componenda *Theriaca*, sub nomine *Vincentii*, in cudenda deinde *Lucerna* sub nomine *Fulgentii*, videri voluit Laternarius. Quin etiam quòd vsu venit malè occupatis opificibus, pertæsus artium ac nominum inutilium, animum adiecit ad militiam, & factus est, *Stratagematis* auctor anonymus. Nec jurare possum, nullam illum habuisse partem in illa celebri venatione, quæ *vulpem captam* anno superiore per Italiam, Galliam, Hispaniam, circumduxit, tanto cum triumpho, vt diceres captam à Romanis Carthaginem. Crediderim equidem nonnullum in exequendo ejusmodi consilio fuisse vsu canis illius, quem alere se Vincentius narrat. Canem enim alere se ne genus humanum ignoraret, sibi narrandum esse duxit, à quo inter duo ossa deliberante, quæ sit indifferentia liberi arbitrii didicerit. Verùm siue ille sit, siue alius quispiam qui vulpem cepisse dicitur, superest nobis non levis scrupulus, dicendum-ne sit captam à cane vulpem, an potius à vulpe canem. Mittamus ambages, Ioannes Martines de

Vincentius
Lenis de suo
cane lib. 1.
Theriace
cap. 22.

Ripalda in opere illo erudito, quod edidit contra Baianos, mille ac mille modis errores eorum conuicit, in vna, & altera citatione, seu propria ipsius hallucinatione, homo enim erat, seu vicio Amanuensium & Typographorum negligentia, à quibus procul distabat, dum ejus scripta ederentur, aberrasse deprehensus est; hic Baiani vocem tollere, plaudere manibus, lætitiâ exultare, totique mundo inexpectatam nuntiare victoriam; *Vulpem captam*. Sed illa, ô viri boni, elapsa est integra & adhuc currit, esto pilos aliquot tanquam ex cauda reliquerit in canum dentibus. Nobis verò haud paulo major est occasio gloriandi ob prostratos atque deuictos eosdem canes, quos vulpes illa densis moribus confossos reliquit.

Fatigatos ex laboriosa venatione ac sitientes expectabat *Collatio Antuerpiensis* instructa bellariis à Ianseniano penu petitis. Nescio cur non maluerint vocare cœnam, quàm vernacula & impropria significatione, *Collationem*. Ita enim ipsi antiquo atque honesto nomine dici potuissent, dipnosophistæ. Collationi ne fructus deessent, & raræ apud Belgas vix recentes; decreta est, *Racematio*, si tamen illa vuarum fuit, & non potiùs labruscarum. Conuiuio musicam addiderunt, sed lugubrem: Nam cùm Summus Pontifex omnino vellet vt obediretur Bullæ contra Baium & Iansenium; cùm eam Rex Catholicus recipi juberet; cùm id vrgeret Serenissimus Gubernator, rati Neroniana rediisse tempora, edidere *Planctum veritatis in Belgio patientis*. Atque vt nullæ forent Musæ quæ Iansenio non canerent: & nouo dogmati litarent pariter Oratores & Poëtæ, addidere rhythmos, hoc est, *Rhythmicam considerationem*, quæ cum sensu Ecclesiæ comparata, dissona est & nomen perdit. Ex quibus intelligi potest, quàm ingeniosi fuerint Ianseniani in inueniendis variis artibus quibus receptæ jam pridem per totum orbem doctrinæ, ac repetitis Sedis Apostolicæ decretis resisterent. Sed Vincentium audiamus, qui sic de Iansenio; *Se oculis clarissimè* Ep. prodr. cernere, & manibus, vt sic dicam, palpare Iansenium Sancti Augu- P28 53. stini & Ecclesiæ mentem diuina prorsus luce, & explicatissimo ordine attigisse. Quæ si vera sunt, necesse est Ecclesiæ hodiernæ excitatem damnemus, damnatam esse Iansenii doctrinam pro-

nuntiantis. Damnari enim non potuit nisi à cæco iudice, quæ veræ, ac veracis Ecclesiæ mentem attingebat. Addit, *clarissimam lucem à diuina sapientia his temporibus, quando caligines, & tenebra in dies crescebant, ingeniosissima illi anima infusam, ut alii etiam inde mutuarentur.* Quod ostendit iniquissimè factum à Pontificibus Romanis, qui damnato Iansenio tanta nobis luce interdixerunt. Denique Iansenium pronuntiat Vincentius, *ceteris Augustiniani aui Doctoribus adiungendum esse*, Ambrosio videlicet, Hieronymo, Augustino, accensendum. Atque vtinam doctrinæ discrimen non impedisset ne in album Sanctorum illorum Patrum referri posset. Sed vereor vt Romanum Calendarium vnquam coniungat, quos tanta discordia sententiarum diuisit. Scire autem velim, non cuius æui, sed cuius Ecclesiæ doctor sit ille, qui cum non nesciret, quid de Ianseniana Theologia pronuntiarint Ecclesiæ Romanæ Summi Pastores ac Præsides, resistere illis in faciem ausus est, atque affirmare, diuinam esse doctrinam, quam illi reprobassent. Hæc est Vincentii de Iansenio sententia; de se autem quid sentiat explicat ipse.

Nam cum aduertisset in his nominibus, *coactionis, violentiæ, necessitatis*, æquiocationem latere, quæ confusionem magnam, & tenebras in doctrinam Sancti Augustini, & Ecclesiæ inuexisset, maximâque parte peperisset ignorantiam istam; qua non pauca etiam magna huius æui ingenia mirum, & miserandum in modum laborant. Ego quoque, inquit, olim, fateor, in hac caligine fui, sed non segni operum Sancti Augustini, & discipulorum ejus lectione adiutus, lucem in ea philosophia, & quæ Sancti Augustini, ac scholæ ejus in re liberi arbitrii sit sensus, tam clarè quàm quidquam aliud philosophiæ humana, me videre jam existimo. Ad tenebrarum igitur fugam facie aliqua distinctionis est opus, quam capite sequenti ascendemus. O nos beatos, quibus in obscurissima difficultate laborantibus datum est talem sequi luciferum, faciem igitur hanc distinctionum intueamur.



CAPVT II.

*Examinatur distinctio duplicis necessitatis simplicis,
quarum altera tollit; altera seruat arbi-
trii libertatem.*

Iansenii & Vincentii discrepantia.



ANSENIUS cū putaret volitionem eo ipso quod est volitio, esse essentialiter liberam; consequenter nihil agnouit, quo destrui posset libertas volitionum, quam quo fieret vt volitio desineret esse volitio. Sed quia statim sequebatur motus primos, & affectus voluntatis indeliberatos, qui sunt etiam quædam volitiones, esse liberos; suam ipse mentem ita est interpretatus, vt per volitionem intelligeret tantū eam, quæ plenum intellectus iudicium & aduertentiam supponeret, vt constat ex libro 6. cap. 5. & 36. & lib. 8. cap. 9. Ergo supposita iudicii plenitudine putauit Iansenius volitionem omnem esse necessariò liberam, nec posse fingi quid destrueret libertatem, præter quam aut necessitatem illam, quæ respectu actuum internorum voluntatis imaginaria est, & impossibilis, violenta scilicet, & propriè cogens necessitas: aut naturalem, quā scilicet naturæ impetu, non expectatā rationis aduertentiā, voluntas afficitur; quæ quia speciem etiam habet coactionis, ideo vno nomine necessitatis cogentis, vel violentæ, comprehendit id omne quod aduersatur libertati nostrarum volitionum. Præter hanc autem agnouit necessitatem aliam, quam vocat *simplicem*, ad vnum determinantem, qua simpliciter necesse est vt aliquid fiat, non repugnante, sed immutabiliter volente voluntate, & quam ideo vocat *voluntariam*; putatque non repugnare libertati. Constat hoc ex libro sexto citato, cap. 6. & lib. 8. cap. 19. vbi dicit juxta principia Augustini, Prosperi, & Fulgentii, nullam gratiæ efficaciam, nullam necessitatem actibus voluntatis liberis formidandam esse: sed solam vim, coactionem, & necessitatem violentiæ, quæ

Toi. 3. de
gra. Salu.

*videlicet, ut loquitur Augustinus, non est in nostra potestate, sed etiam si nolumus, hoc est, nobis inuitis, & nolentibus & reluctanti-
bus efficit id, quod potest: quibus similia sparsim aliis in locis
inuenies.*

Vincentius Lenis, quia vidit ex illa philosophia sequi, minimè culpandos esse, vel Manichæos, vel Stoicos fatum admittentes, vel Astrologos ex influxu planetarum liberos actus diuinantes, vel Calvinum decretoriam, & ineluctabilem agendi necessitatem in voluntates nostras inuehentem, quasi liberum arbitrium destruxissent; quod nemo eorum vel neget aduertentiam, & plenitudinem iudicii, vel admittat eam coactionem, quâ volitiones nostræ *nobis inuitis, & nolentibus, & reluctanti-
bus fiant*, & idcirco perinde dici posse voluntariam necessitatem ab illis admissam, ac illam, quam admittit Iansenius: ne contra sensum communem Catholicorum omnium & antiquum & hodiernum pugnare videretur, ampliandum putauit quod Iansenius strinxerat: & dicendam, volitionem illam quæ se ipsa libera est, non solum sequi debere plenam rationis cognitionem, sed etiam elici *connaturali modo*.

Hinc statim necessitatem illam simplicem ad vnum determinantem, saluâ rationis aduertentiâ, quam vnicam Iansenius posuerat, putauit in duas ita diuidendam, ut altera libertatem volitionum tolleretur, quod impelleret ad agendum, *non connaturali modo*, altera seruaret. Vnde facile deinde fuit ostendere, potuisse Manichæos, & Stoicos, & Astrologos, & Calvinistas libertatem eripere, etiam si supponerent præuiam, & plenam rationis aduertentiam, inducta scilicet necessitate illa, quæ connaturalitati operationum voluntatis opponitur: Iansenium autem non eripere, quod non admittat necessitatem eidem connaturalitati repugnantem. Colliguntur hæc ex iis, quæ docet lib. 1. Theriacæ, ubi voluntatem definit, potentiam, *quæ ex vi essentie sue specificæ, sinaturali suo modo agendi relinquatur, nunquam ad agendum aut suspendendum actum suum cogi potest*. Et ideo *incogibilitas*, inquit, est instar differentiæ, prout scilicet excludit necessitatem illi modo connaturali agendi repugnantem. Et deinde. *Et breuiter quotiescumque necessitas voluntatem ad agendum ex sufficienti iudicio rationis, ET CON-*

Cap. 10.

Cap. 11.

Cap. 12.

NATURALI MODO *compellit, toties necessitas est voluntaria, nec libertatem consensus evertit.* Alia igitur, quæ licet ex sufficienti iudicio rationis, non tamen *connaturali modo* compellit; non est voluntaria, & libertatem evertit. Ex quo fundamento postea lib. 2. Iansenianam à Calviniana, & Manichæa, & Stoicorum, & Astrologorum sententia conatur distinguere.

§. 2. *Ostenditur distinctionem illam Vincentianam stare non posse.*

ET hæc quidem rectè, dummodo constitui possit certa quædam, & plana duarum illarum necessitatum differentia. Sed hoc exponendum restat. Age igitur, Vincenti, Calvinus libertatem evertit, admissâ tali necessitate, quæ voluntatem compellit ad agendum *modo non connaturali*, Iansenius libertatem confirmat, admissâ tali necessitate, quæ voluntatem compellit ad agendum *connaturaliter*: vterque autem supponit sufficiens iudicium rationis. Quid igitur est illa connaturalitas, quam vnus tollit, alius retinet; & quid est in vnus necessitate, quo tolli censeatur connaturalitas illa, quod non sit etiam in necessitate alterius, qui eam seruat. Eò, vt vides, tota resoluitur controuersia; & in hoc puncto necesse est vt se se explicent illi radii, qui te videntem in hac difficultate fecerunt, non minùs clarè, quàm in alia vlla philosophiæ parte. Te consulimus, Vincenti, nos qui *mirum, & miserandum in modum laboramus in hac ignorantia. Accende quæso distinctionis facem* illam, qua pellantur, quibus oblidemur, tenebræ. Age, inquam, cur Caluini necessitas impedit *connaturalis modum agendi* voluntatis; Iansenii non impedit: & consequenter, cur illa libertatem evertit, ista non? cur ista vocatur voluntaria, illa non item? Ego si meis cogitationibus adhærerem, dicerem ideo Calviniana necessitate tolli connaturalem agendi modum, & everti libertatem, quia illa sic compellit ad agendum, vt voluntas non possit non agere: hoc est quia tollit indifferentiam. Adderem, si hoc ipsum faceret Ianseniana, nullum esse inter vtramque discrimen. Sed hæc sunt antiquæ illæ tenebræ, ex quibus tu Vincenti diuinis illustrationibus adutus emerxisti tandem. Nos qui adhuc iis implicamur

ad te confugimus, tui luminis participes futuri. Dic ergo tandem, quod sit inter necessitatem Caluinianam, & Iansenianam discrimen?

Non nego quin disertus sit iste Vincentius, & verborum diues, sed inutilium. Postquam ex longa & vsque ad lepores, atque facetias facunda dissertatione, quod facit ad propositam difficultatem expresseris; vix aliud colligas, quàm eam necessitatem, quæ libertatem euertit, qualem concedit esse Calui-

Lib. 1. c. 11. & 1. 2. c. 5. nianam, mouere nostram voluntatem *sicut Atropos*, Iansenianam verò *sicut Lachesis*; Illam influere in voluntatem *sicut Rhodanus in Sequanam*, istam se illi miscere *placidiùs*. Et hæc similitudo adeò

lib. 1. c. 13. illi arrisit, vt lectorem moneat. *Rhodanum appetitum bruti, Sequanam humanam voluntatem esse cogita, & ista comparatione ostium tibi aperi ad aspiciendum id, quò te mox capite sequenti deducam*. Addit illam necessitatem esse *arctam, ferream, suffocantem, strangulantem, dominantem*. Istam esse *molliorem, suauem, voluntariam, cedentem voluntati*; quæ *sinat voluntatem esse imperiosam sui, & imperatricem*: ac proinde quæ sit *necessitas seruiens* voluntati potius quàm *dominans*. Nec credi potest quàm multis modis & quàm præclaris vocabulis significet nihil. Si enim quod subest phrasibus illis in ejus sententia apprehendere coneris, præter tinnitum verborum nihil supererit.

Et in Ep.
prodr.
pag. 21.

Esset quidem optimè constituta distinctio, si quod dicit *voluntariam* esse hanc secundam necessitatem, & *cedere voluntati*, & voluntatem sub illa *dominium in suos actus retinere*. eo modo intelligeret, quo intelligunt illi à quibus hæc sumpsit: & quem propria & vsitata verborum acceptio præsefert. Quis enim cum audit *voluntariam* esse aliquam necessitatem, non intelligat eam, quæ vel existit, vel operatur ita dependenter à voluntate, vt possit voluntas impedire ne vel existat, vel operetur: & si hoc velit, vel non futura, vel non operatura sit? Et hoc sine dubio intendebat Augustinus, cui Vincentius tribuit appellationem hanc voluntariæ necessitatis. At num etiam ipse ita intelligit? Annuat, & habemus indifferentiam, quam impugnat à libertate inseparabilem. Renuat, & quomodo vel erit hæc necessitas voluntaria, vel non erit etiam Caluiniana?

Similiter quod dicit hanc necessitatem *cedere voluntati*, si ad mentem Sancti Bernardi, ex quo sumpsit; & juxta com-

munem significationem acciperet, salua res esset. Necessitatem enim cedere voluntati, quid aliud esse potest, quàm voluntatem posse illi resistere, & si velit, non sequuturum necessitatis effectum? Alioqui quomodo cedit? At, hocine intelligis Vincenti? Annue; & habemus indifferentiam cum libertate necessariò coniunctam; Renue; quomodo igitur magis cedit voluntati Ianseniana hæc necessitas, quam illa Calviniana. Et cum hoc dicatur molle quod tangenti atque impellenti loco cedit: quomodo vel illa *mollis est*, vel ista *dura* vocari potest?

Idem dico de illo dominio, quod sub Ianseniana necessitate seruare dicitur voluntas. Intelligitur enim dominium in suum actum, quod est potestas de eo disponendi: hoc est, illum exprimendi, vel supprimendi; si velit: Et cum dico, si velit, intelligitur potestas hoc volendi, vel in actu signato, vt loquuntur, vel in actu exercito. Quæro igitur, vtrum voluntas, quæ actum exprimit, habeat potestatem supprimendi, nec ne? & vtrum voluntas quæ suppressit, habeat potestatem exprimendi? Si habet, habemus indifferentiam; si non habet, quomodo concipitur sui actus domina sub Ianseniana necessitate, magis quàm sub Calviniana.

Nam quod addit Vincentius, voluntatem sub Ianseniana necessitate retinere connaturalem agendi modum, quo caret sub Calviniana, vox est & præterea nihil. Quis enim est ille connaturalis agendi modus, si non est modus, quo voluntas circa objecta finita, & circa infinitum obscure cognitum ex sufficienti iudicio rationis, operatur cum indifferentia? Nam de cætero, negat-ne Calvinus agere voluntatem, & ab intrinseco, & vitaliter, & cum inclinatione & affectu ad objectum, siue dum obedit concupiscentiæ, malè agendo; siue dum gratiæ cooperatur, bene agendo? Quæ igitur est connaturalitas in vno casu, quæ non sit in alio? Rapitur, inquit Vincentius, ex Caluino *raptu fatali*, & *Manichæo*. At nunquid hæc quoque meræ sunt phrasæ, de quibus quæro, quid inueniant in vna necessitate ad significandum, quod non pariter occurrat in alia?

Quare necessariò deueniendum est ad hoc principium, id quo vnico, quæ dicitur Calviniana necessitas,

libertatem tollit, hoc esse; Quia voluntas sub illa sic agit, ut non possit non agere: sic non agit, ut non possit agere. Hoc vnicum tolle; cætera omnia retine, & statim mutabitur Atropos in Lachesium, Rhodanus in Sequanam, durum in molle, ferrum in lanam, & quod suffocabat, & strangulabat in auram vitalem. Tolle, inquam, hoc vnum, & nihil aliud; & necessitas Calviniana contradicente nemine, fiet Catholica. Inde verò demonstratiua ducitur argumentatio. Si totum illud, quo Calviniana necessitas est Atropos, & Rhodanus, & ferrea, & strangulans, & dura, reperitur in necessitate Ianseniana; hæc quoque Atropos est, & Rhodanus, &c. Sed totum illud in hac reperitur: Est igitur ista quoque Atropos, Rhodanus, &c. probatur minor. Nam illud totum non est aliud quàm talis agendi modus sub necessitate Calviniana, ut voluntas agens non possit non agere, & non agens, non possit agere. Dicat autem Vincentius, reperiatur-ne hoc in voluntate, quæ subest alteri necessitati, nec-ne: si reperitur, est igitur Atropos, &c. sicut Calviniana, si non reperitur, manet igitur indifferentia, & illa necessitas non est Ianseniana, quia hæc indifferentiam excludit. Denique si relegantur superiora Sancti Augustini testimonia, statim intelligetur quid rei necessarium sit, ut statuatur distinctio inter eam necessitatem, quæ tollit libertatem, & eam, quæ non tollit. Cum enim toties, & tam constanter, & tam clarè libertatem exprimat Augustinus illo agendi modo, quo voluntas agens potest non agere, quæ est indifferentia; satis significat nulum hîc esse locum fabulis, & Atropon esse necessitatem omnem, quæ cum indifferentia non stat.

Non desinam autem monere Lectorem ut aduertat, Vincentium, qui *ex divina illustratione, & assidua Sancti Augustini, & discipulorum ejus lectione*, adeò clarè hujus difficultatis solutionem viderat, nihil ut clarius in tota philosophia cernere posset, duxisse tamen Lectorem suum in domum Erebi, ad consulendas Noctis filias, ut intelligi posset: & ne in ea quoque Parcarum distinctione fuisse constantem, dum modò Lachesium repræsentat libertatis conseruatricem cap. 11. modò destruatricem cap. 16.

CAPVT III.

*Examinatur alia distinctio duplicis libertatis ,
essentialis , & accidentalis.*§. I. *Explicatur Vincentii distinctio.*

EX dictis intelligi potest, quid sit sentiendum de alia distinctione, quam tradit Vincentius Lenis, duplicis libertatis, *essentialis* nimirum, & *accidental*. Essentialem vocat illam, quam voluntas omni suo actui, quem elicit ex seipsa, & ex directione rationis infundit; mouere enim seipsam modo agendi imperio & actum suum sibi imperare: Item ex potestate illa sublimi & imperiosa, qua supra modos agendi agentium naturalium eminet, efficere suum actum, eique dominari, & à se exire quodammodo imperare; Hunc agendi modum significasse Damascenum, eumque accepisse ab Aristotele: Intelligi etiam ex illa virtuali reflexione, qua voluntas aliquid volendo vult se velle, item ex incogitabilitate, &c. Illi enim repugnare solam coactionem, seu coactiuam necessitatem: Præter illam libertatem ab omni actu voluntario, cum sufficienti rationis aduertentia elicitio inseparabilem; esse aliam accidentalem quæ vocatur contradictionis, aut contrarietatis: accidentalem autem ideo esse, quia siue accedat, siue recedat, semper remanet idem modus agendi, & seipsam mouendi voluntatis, in quo consistit libertas essentialis: Libertatem hanc accidentalem esse *expansionem* libertatis essentialis, seu *libertatem expansam*; Et Diuini Thomam, & veteres, quando negant amorem beatificum esse liberum, negare tantum *expansam* libertatem, non autem essentialem. Nam si de essentiali sit quæstio, liberum esse, & amorem beatificum, & amorem, quo se Deus amat, atque adeo ipsam quoque spirationem actiuam, hoc est productionem Spiritus Sancti: Sufficere ad meritum libertatem illam essentialem, & ob eam tantum causam Deum per amorem sui ipsius, vel productionem Spiritus Sancti nihil mereri, quia

l. 1. Ther.
cap. 2. 8. 9.
10. 22. 26.
Ep. prod.
pag. 11. 12.
13. 19.

ipse non est capax meriti, cum non sit creatura, beatos autem ideo non mereri per amorem beatificum, quia sunt extra viam, &c.

§. 2. *Refutantur quæ dicit de libertate Essentiali.*

INTELLIGITUR, inquam, ex dictis, his phrasibus, vel nihil significari, vel significari quid peruersum, & damnable. Et primò constat ex superioribus omnibus Sancti Augustini testimoniis, libertatem illam, cujus præsentia meritum fundat, cujus absentia impedit, esse libertatem, quâ voluntas sic agit, ut possit non agere. Ergo si hoc convenit *expansæ* tantum; *expansæ* tantum ex Augustino est fundamentum moralitatis, & *contractæ*, quæ dicitur essentialis, non est. Deinde quid sonant voces illæ *imperii, dominii, authoritatis*, quo libertatem essentialem explicat? propriè loquitur an impropriè? Si loquitur impropriè atque abusiue: saluus sit, nescimus enim quid velit. Si propriè loquitur, quando libertatem essentialem reperit in amore, quo se Deus amat; est igitur ibi dominium, & imperium, & authoritas; & consequenter est aliquid quod eis subjiçatur. Quid autem esse potest? Imperiosæ, inquam, & dominanti libertati qua Deus se amat, quid subjiçitur? Debet enim hoc dominium referri ad id, in quo libertas exercetur: Ergo subjiçitur amor, quo se Deus amat, vel ejus objectum, quod est Deus ipse? An hoc concedit Vincentius? An vult Deum sibi ipsi ac suæ authoritati esse propriè subjectum? Et cum extendat *imperiosam* hanc, & *dominantem* libertatem ad productionem Spiritus Sancti, audebit nominare *imperium, & dominium, & authoritatem* Patris & Filii in Spiritum Sanctum, & suscitare sepultas hæreses, atque ab inferis Macedonium euocare?

Putat autem se rem magnam dicere, cum dicit esse in exercitio illo libertatis essentialis virtualem quandam reflexionem, qua velit se velle, quasi verò hoc non etiam reperitur in volitione, quæ subest necessitati Calvinianæ. Iuaret, si volitio quatenus est reflexa, esset magis in potestate, quàm sit, prout est directa; sed cum eadem necessitate feratur voluntas ad volitionem volitionis reflexam illam & virtualem,

tualem, atque ad ipsam volitionem, quæ volita est; ecquod inde trahi potest argumentum dominii & libertatis? Si quod est virtuale explicaretur, & fierent duo actus distincti, quorum vnus alium vellet; an censeretur actus volitus, mutuare libertatem à volente, si volens nihilominus esset necessarius, & magis in potestate, quàm volitus? Ergo cùm duæ illæ rationes, dum in vno actu identificantur, non aliter se habeant quoad hoc, quàm si essent distinctæ, ac separatæ; altera alterius libertatem nihil iuuat. Nec nisi aliquid aliud addatur, intelligi vnquam poterit, quare potius ille actus, quo quis vult se velle, ob reflexionem virtualem dominium indicet, quàm ille, quo vel Deus ipse intelligit se intelligere: vel creatura, Deo iuuante, id ipsum intelligere potest. Itaque rota illa explicatio libertatis essentialis, fumus est.

Sed dum, quod citat ex Damasceno pro illa essentiali libertate, sumptum dicit ex Aristotele, an sibi satis constat? Non sentit ipse cum Iansenio Aristotelicam esse philosophiam, quæ persuasit Pelagianis, eorumque sequacibus, nullam esse veram libertatem, nisi quæ includeret indifferentiam? Non dicit Diuum Thomam, propterea quòd in vltimis præsertim operibus non videtur agnoscere libertatem aliam, quàm libertatem indifferentiæ, & ob eam causam negat amorem beatificum vel liberum esse, vel merendo idoneum, *loquuntur esse vt philosophum Peripateticum?* Loquitur Damascenus, vt philosophus Peripateticus, dum exprimit libertatem essentialem: Loquitur Diuus Thomas vt philosophus Peripateticus, dum eam suppressit? Tuam ô Vincenti memoriam.

- §. 3. *Refutantur quæ addit de libertate accidentali, & ostenditur causa liberae necessariam esse proximam agendi, & non agendi potentiam, consentientibus Thomistis, quibus Vincentius imponit.*

NHILO felicior est in exponenda, quam vocat, libertate accidentali, hoc est indifferenti ad contraria vel contradictoria. Vide enim definitionem illam vsitatam, quâ hu-

l. 2. Ther.
cap. 16.

iusmodi libertas exprimitur, quomodo accipiat. *Est potentia, inquit, quæ positis omnibus ad agendum prærequisitis, ita potest actum suum sibi imperando agere, ut etiam in ejus simul potestate sit, ex simili imperio non agere, seu actum suum suspendere Non tamen iterum, quasi semper voluntas ILLO INSTANTI, TAM PROXIME ad suspensionem actus, quam ad eliciendum actum, ut Petavius & Ricardus falsò imaginantur, accincta sit. Fieri enim potest, ut tunc nulla de suspendendo directè, vel indirectè actu voluntatis in intellectu cogitatio adsit: sed quia rationes aliquæ subsunt, quas voluntas sibi applicare potest, propter quas actum suum suspendere possit. Quia enim super actus suos, & actus potentiarum sibi obedientium se reflectere valet; potest auertere intellectum, aut ei imperare, ut rationes suspendendi actum, vel contrarium volendi exquiscat, & sibi renuntiet. Vnde per istam potestatem, qua intellectui hoc imperat, potest sibi ut sic dicam FABRICARE PONTEM, per quem ab uno latere indifferentia, ad oppositum transeat. Hujus difficultatis rationem deinde petit ex necessitate judicii practici, sine quo actus positiuus, inquit, rationali, & humano more suspendi nequit. Vnde licet actui positiuo libero, qui eo instanti elicitur in eadem voluntate jungatur potestas, ad suspendendum actum, NON TAMEN PROXIMA & accinctissima est. etiam si sit talis quæ per imperium suum & applicationem intellectus ad conquirendas rationes possit se ad potestatem proximam promouere.*

Ep. prodr.
pag. 21.

Addit exceptionem quorundam casuum, in quibus ob aliquam in intellectu incertitudinem de bonitate objecti, aut dubitationem de eliciendo circa illud amore, quod contingit scrupulosis hominibus, voluntas potest esse æquilibris, & proximè accincta, ut vel non obstante scrupulo se determinet, vel certè ibi subsistat, & suspendat actum. *Et hinc, inquit, in philosophia Petavi & Ricardi, manifestum est quomodo voluntas in eo instanti quo agit, possit etiam non agere. Hinc est quod deinde scribit in epistola prodroma: Dicit Sanctus Thomas liberum arbitrium versari posse inter opposita, non quomodo vos imaginamini, quasi prædeterminatione ad unius medii electionem voluntati impressa, voluntas ad alterius medii electionem proximè expedita, & inter virumque indifferens, quòd nemo magis quam montem sine valle imaginari potest, adhuc permaneat, SED QVIA ILLA FACULTAS QVA AB HAC PRÆDETERMINATIONE IN VNAM*

PARTEM FLECTITVR, IN ALIAM PARTEM AB ALIA PRÆDETERMINATIONE SE REFLECTERE POTEST. *atque ita quia, & sub hac, & sub illa prædeterminatione se ipsam mouere finitur, libertatem suam essentialem ambifariam exercet. Hoc est opinor, quod dicere voluit Thomista doctiores, quando aiunt voluntatem prædeterminatam posse vertere se in oppositum in sensu diuiso, non in sensu composito, EXCVSSA PRÆSENTI DETERMINATIONE, NON EA RETENTA.*

Ex quibus patet hunc Auctorem non admittere immediatam indifferentiam ad agendum, vel non agendum, hoc est immediatam agendi, & non agendi potentiam: sed immediatam ad vnum tantum, & mediatam ad alterum. Excipit solum scrupulosos illos qui perplexi sunt an debeant, vel non debeant agere. Et nescio quare illos excipiat. Nam si, vt vult, necessarium est ad eliciendum humano modo actum, vt de eo eliciendo sit iudicium practicum, & ad suspendendum etiam humano modo, vt de suspendendo sit aliud iudicium: & illa duo iudicia simul esse non possint, in quo deceptos putat Petauium, & Ricardum; cum scrupulosus supponatur liberè agere, atque adèd humano modo, quomodo non erunt etiam tunc iudicia contraria, si proximè ad vtrumlibet liber est: & si non sunt, cum sint tamen vt putat ad libertatem necessaria, quomodo potest dici liber ad vtrumlibet? Sed longum esset, & has & id genus alias omnes hallucinationes hujus Auctoris conuincere. hoc solum miror, cur Ricardo, & Petauio tantum contrariam attribuat sententiam, cum sit Catholicorum omnium, qui se dicere aliquid putauerunt in hac questione supra Caluinum. Vbi enim, & quando negauit Caluinus proximam in voluntate ad vnum oppositorum potentiam, simul & remotam ad aliud? Negatne Caluinus illum, qui dominante concupiscentia potest proximè peccare, susceptiuium esse gratiæ, quæ si adueniat & concupiscentia reprimatur, non peccabit: atque ita remotè posse non peccare? negatne in hoc infelici statu succedere posse vicissim abeunti gratiæ concupiscentiam, ac proinde eum, qui præsentè gratia immediatè potest bene agere, simul posse, sed remotè, malè agere? Et tamen, inquit Iansenius, Tom. 3. lib. 6. cap. 29. admittenda est in hoc statu quadam indifferentia: *contra ha-*

reticos nostri temporis : Ergo admittenda est major, quàm quæ dicit proximam potentiam ad vnum oppositorum, & remotam ad aliud. Nempe hic fuit hætenus communis omnium sensus, hunc agendi modum esse proprium causæ liberæ; & qui cum illi concedunt, putant se concedere aliquid, quod non conueniat causæ necessariæ. Nulla est autem causa necessaria, quæ non habeat proximam potentiam ad vnum saltem contradictoriè oppositorum, & remotam ad aliud. Quòd si hoc sufficeret ad indifferentiam, nulla esset quæ non posset dici indifferenter actiua; quod tamen de nulla dicitur. Non solum, inquam, negatur intellectus noster, verbi gratiâ, esse liber; sed negatur etiam esse causa indifferenter actiua: eadèmq; ratio est de appetitu brutorum, in quo, si quando dicitur esse species quædam indifferentiæ, vt in cane Chrysippi in triuio deliberante quâ herum sequeretur, & in cane quoque Vincentii, cuius memoriam putauit posteritati commendandam, propterea quòd cùm ei è mensa os objecisset, & ille cœpisset rodere, altero deinde objecto, substituerit paulisper canis, & quasi dubitans tandem relicto priori, ad posterius accesserit, sed eo olfacto mox ad prius redierit; hæc, inquam, si quam habent vmbra indifferentiæ, ideo habent, quia videtur inibi esse proxima, & expedita ad vtrumlibet potentia: videri dico, non autem esse. Vbi autem hæc non apparet; nec apparet vlla indifferentiæ vel libertatis vmbra.

l. i. Ther.
cap. 11.

Et confirmatur; Quare enim putat Vincentius in amore beatifico, reperiri tantum libertatem essentialem? An non ibi etiam reperietur accidentalis, si consistit in ea indifferentia, quæ includat solum potentiam ad vnum proximam, & remotam ad aliud? Si subtrahatur illa causa ex qua oritur amandi necessitas, vel si esset præceptum cessandi ab amore, ex suppositione, quam Vincentius videtur admittere; numquid cessaret amor? Et quidquid sit de beatifico amore, supponit Vincentius esse posse in via, *raptum* quendam amoris *transcuntem*, similem illi, qui perpetuus in cœlo est: neque tamen liberum fore putat, nisi libertate essentiali: at numquid in tali raptu, cùm proxima ad amandum potentia, esset etiam remota ad non amandum? Et tamen abesset indifferentia, seu libertas, vt vocat, accidentalis. Ergo ad illam non sufficit.

proxima ad vnum potentia, cum potentia remota ad alterum. Persuasum videlicet omnibus est, propriè loquendo, & ad communem sensum, eo momento quo est potentia ad vnum, & impotentia ad alterum, non posse dici esse indifferentiam ad alterutrum.

Thomistis autem debet pœnas dare Vincentius, quòd eam illis sententiam imponat, quam nunquam professi sunt; potentiam, inquam, consentiendi, & potentiam dissentiendi successiuè dici de voluntate prædeterminata: & dum potest consentire, ideo tantùm posse dissentire, quia excussa priore prædeterminatione potest contraria succedere; quo tempore poterit proximè dissentire: atque hanc esse interpretationem distinctionis sensus diuisi, & sensus compositi, qua vtuntur. Nego id vnquam dixisse Thomistas: aio semper id negauisse. Sed est, inquit Vincentius, tam necessaria sequela, quàm necessarium est esse vallem, vbi supponitur esse mons. Ego verò non disputo modò, an sit hæc necessaria sequela ex eorum principiis. Est enim illa propria controuersia nostra, quam ego non tango. Tantùm dico, non debere tribui sententiæ Thomistarum, nisi sequelam quam illi vident, & approbant; hæc autem non est huiusmodi, illam enim negant, nec putant esse connexam cum eorum principiis. Ad quod probandum vnus sit instar omnium Didacus, qui quæst. 112. de auxiliis, *Eos qui non recipiunt in se ipsis, nec habent auxilium IMMEDIATE SVFFICIENS ad credendum.* negat pecare contra fidem si non credant; quia scilicet non est omissio fidei libera, si non est immediata ad credendum potentia, & disp. 13. num. 29. *Motio prædeterminans non aufert à voluntate PROXIMAM POTENTIAM ad actum oppositum.* Idem disput. 70. vult hoc auxilium *ita esse sufficiens, vt nullum aliud requiratur ad hoc, vt homo dicatur posse bene agere, & saluari.* Et disp. 94. ex professo rejicit sensum illum, quòd voluntas non possit dissentire toto tempore, quo est motio: sed sequenti tempore, & quando illa abierit. Et disp. 115. *sensum esse verissimum, quòd in causa libera simul cum omnibus prærequisitis ad operandum, stat simul potentia ad operandum & non operandum.* Et disp. 122. *potentiam dissentiendi simul compari, & componi in eodem arbitrio cum gratia efficaci, ac proinde cum potentia consentiendi.* Et hoc probat ex sancto Thoma; ac proinde minimè censet excutiendam esse gratiam efficacem, & expectandam contrariam prædeterminationem vt sit potentia dissentiendi. Num. 10.

§. 5. *Destruitur pons à Vincentio fabricatus, & lucerna Fulgentii extinguitur.*

Q UOD addit Vincentius, voluntatem proximè potentem ad vnum oppositorum, posse imperare intellectui ut quærat rationes, quibus adducatur ad proximam etiam in oppositum potentiam, itaque *pontem sibi fabricare*, quo transeat ab eo quod est posse hoc, ad posse illud; hoc est quod jam refutauimus, sufficere nimirum ad indifferentiam, quòd istæ potentia sibi succedant. Sed præterea, plebeia est hæc cogitatio, nec solidi quicquam continet; aut quod explicari facillè possit ac defendi. Statuamus enim quando ita vult Vincentius duo ista littora, posse amare, & posse suspendere amorem. Quando voluntas in eo est ut possit proximè amare, distatque toto fluminis alueo ab vltiore ripa, in qua possit amorem suspendere, potest, inquit, fabricare pontem. At, inquam, interea dum fabricat, quid facit? Amat nec ne? Si non amat; ergo proximè ac sine ponte potens est ad suspendendum amorem. si amat; eò igitur tota reducitur indifferentia amandi, vel non amandi, quòd postquam amauerit potest non amare. Egregia scilicet indifferentia, & agentis voluntarii admodum propria. Atqui, ut hoc posset, nullo indigebat ponte: quia nullus est canis, nullus equus, nulla bestia, quæ sine ponte non possit, postquam appetiuerit aliquid, illud non appetere; itaque transire ab eo quod est posse appetere, ad posse non appetere. Præterea, quando voluntas imperat inquisitionem hanc rationum, vel ita imperat, ut possit proximè non imperare, vel non: si primum; habemus in hoc imperio proximam ad vtrumque potentiam: & quare non possit similiter esse in aliis actibus? si non potest; explicanda igitur erit hujus imperii indifferentia, per alium pontem, de quo fiet similis interrogatio: & ita nullus erit finis pontium sibi superpositorum in philosophia Vincentii.

Sed nihil magis miror quàm conclusionem dissertationis, quam instituit Vincentius de judiciis practicis. Quæstionem enim Theologicam, & sancti Augustini doctrinam ut expo-

neret, ad philosophorum tricas putauit deducendam. Ergo postquam diu egit de necessitate iudicii practici ad actum liberum, an debeat esse vnum, an duplex: an sic liberum, & quomodo pendeat, aut non pendeat à voluntate: de consultatione, quæ debet illud præcedere &c. quærendo, scrutando, fodiendo, & in omnes partes versando quæstionem longis tandem laboribus ad hanc difficultatis huius decisionem peruenit. *Alia hic tenebræ sunt, qui potest videre videat, & capere capiat: si non capis; intellectum in tali iudicio practico elicendo esse formaliter liberum cum Durando dicere poteris. Igitur ut finiamus &c.* ô Vincenti, ô Fulgenti, quid factum est lucerna tua? Quid illa face distinctionum, quam ad solem Augustini, & discipulorum ejus te accensurum esse promiseras? Quodd si ea in quæstione, qua nullam à te in tota Philosophia clariùs comprehensam esse dixisti, clamare cogaris, *alia hic tenebræ sunt; rebus in obscuris quid facies?*

CAPVT IV.

Expenditur Vincentiana interpretatio Concilii Tridentini, & ipsa explicatione ostenditur quàm sit inanis.



IN DIFFERENTIA liberi arbitrii nusquam distinctiùs exprimitur quàm in Concilio Tridentino, dum definit accipientem diuinam motionem posse abjicere, & consentientem posse dissentire. Vnde etiam inferri potest dari posse gratiam merè sufficientem, quia quàm verum est consentientem diuinæ gratiæ posse non consentire; tam verum est gratiam quæ est efficax esse posse merè sufficientem. Et quia minimè dubium est, quin Concilium hæc definierit ad tuendam veram & propriam libertatem contra hæreticos nostri temporis; consequenter dicendum est, & esse indifferentiam illam, & esse ad veram, & propriè dictam libertatem, quæ ad meritum præmii, vel pœnæ requiritur, necessariam: & talem esse qualem hæretici respuere soleant.

Igitur Vincentius lib. 2. Theriacæ, vt Tridentino satis-

Cap. 7. sect.
1. & 2.

faciat, difficultatem inprimis eleuat; & saccharum addit ad condiendam solutionem, *Vnde*, inquit, *Petaui*, *Ricardi*, *Suaris*, *Molina*, *Lessii*, *Raynaudi*, *disparatio videtur mihi ferme de lana caprina, & querere nodum in scirpo, quandoquidem homo non aliter suauitati gratiæ Christi, quàm suauitati mellis aut sacchari in ciborum condimentis, voluntatem suam liberè inclinet.* Atqui, ô *Vincenti*, æqui bonique consulas oportet, vt de ista lana disputemus: quod si tibi amarum est, amabo te, tuo tibi saccharo ac melle consule. Non contendimus nullum esse discrimen inter gratiam hominis stantis, & lapsi. Non negamus ita à suauitate diuinæ gratiæ inclinari voluntatem ad bonum, quemadmodum suauitate sensibilium delectationum inclinatur ad malum. Quodcumque volueris ea in parte tibi concedimus, hoc tantum doce, Quomodo in tua sententia verum sit quod docet Tridentinum; hæc tibi lana petenda est.

Postquam supposuit diuinum illud gratiæ auxilium esse suauitatem quandam, ac proinde actum vitalem, sed indeliberatum, *Igitur*, inquit, *verissimum est quod affirmant Tridentini Patres, liberum hominis arbitrium, à Deo motum, & excitatum posse dissentire si velit. Ratio est, quia si primo instanti, quo gratia prima suauitas per actum vitalem indeliberatum infunditur, non illico addatur consensus voluntatis (potest enim tam velox esse, vt sine mora adjiciatur, potest etiam differri) nihil vetat quin liberum arbitrium non tantum possit dissentire, sed etiam ipso facto dissentiat.* Quibus verbis, duo dicit; Primum, Ideo liberum arbitrium posse dissentire, juxta mentem Tridentinorum Patrum, quia si non addat consensum, quando gratia primum infunditur, potest dissentire, imò ipso facto dissentit. Et quia addere consensum, vt patet, consentire est; sensus erit, ideo liberum arbitrium posse dissentire, quia si non consentiat, potest dissentire. Quæ interpretatio, quia puerilis est, & perabsurda, addit conditionem illam, *si non addatur consensus*, interdum purificari, itaque transire quod dicit, in propositionem absolutam, & liberum arbitrium interdum non tantum posse dissentire, sed dissentire de facto. Et quia interdum tantum res ita habet, *interdum* verò aliter; sequitur id quod dicit Concilium Tridentinum, interdum esse

esse verum, interdum esse falsum. Accipiamustamen quod dat tanquam à malo debitore: & videamus quid intelligat cùm dicit, posse interdum differri, seu non adjici consensum gratiæ. *Fieri enim potest, inquit, ut in pagna spiritus, & carnis, dum aliqua forè tantùm levis gutta mellis spiritalis in voluntatem pluit; eodem momento major torrens carnalis voluptatis irruat, ad quam voluntas se per consensum conuertat, & à minore dulcedine spiritali se per dissensum auertat.*

Itaque potest voluntas resistere, vel non consentire diuinæ gratiæ, quando illa est tantùm gutta mellis, occurrens torrenti in contrarium impellenti, quod est voluntatem à torrente raptam; posse resistere guttæ in contrarium occurrenti. Et non videtur hæc esse magna quædam vis voluntatis, magnæque libertas, quòd cùm impellitur à torrente potentior sit quàm cùm repellitur à gutta? Et non erat admodum necessarium, ut tam absconditam veritatem Concilium definiret? Quippe aliqui erant hæretici, qui negabant torrentem esse guttâ fortiozem? Sed videamus adhuc quâ ratione id tandem fiat.

Postquam dixit, si sit major dulcedinis cœlestis affluentia ex proposito & intentione perducendi voluntatem ad consensum, esse impossibile ut voluntas gratiæ dissentiat, addit. *Quia tamen consensum illum modo voluntati liberæ accommodato operatur, sinendo illam suo imperio, ut spheram minorem sub maiore, & ut rotam in rota se ipsam non mouere, idcirco non violat essentialem ejus libertatem: nec eam naturali impetu ad vnâ partem exactiua necessitate alligat: sed vtrumque contradictionis cornu (quantum ex modo actionis) expansum, & bipatens relinquit.* Vides ut abundat similitudinibus vnde quaque petitis, modò ex cœlo, modò ex inferno: nec desunt phrasæ, & expansa bipatensque ad idem negandum, & affirmandum eloquentia, atque asylus ambiguae locutionis quòd se recipiat, si vrgeatur. Sed quid hoc tandem rei est? Adcò, inquit, ut si voluptas carnalis major superueniret, aut rationes suspendendi consensus, vel agendi contrarium haberet suspendere eum aut se vertere in oppositum posset. *Quod quia Calvinus negabat, qui voluntat. in humanam actione quidem sua gratiæ cooperari, sed naturali quodam irresistibili impetu ad vnâ partem alligari dicebat; ideo Concilium definit posse dissentire si velit.*

En tibi propalatum hujus Theologiæ totum mysterium. Quid est voluntatem consentientem diuinæ gratiæ posse dissentire si velit? Quid est habere expansum, & patens alterum cornu? Non est aliud, inquit, quàm posse superuenire voluptatem carnalem majorem, & occurrere rationes suspendendi consensum, vel agendi contrarium: quo posito suspendet, aut verteret se in oppositum. Et Calvinus hoc negabat? Negabat Calvinus successiuè fieri posse vt minuatur impetus ad bonum crescente impetu ad malum? Negabat posse occurrere apparentes aliquas rationes, quibus adducamur ad mutandum bonum propositum? Quando, & vbi hoc negauit Calvinus? Et quid possunt Baiani gloriosius prædicare de hoc Hæresiarcha, quàm dum indicant esse damnatum propter crimina, quæ nec probata sunt, neque probari possunt? Quòd si certum est, & meritò damnatam esse Caluini doctrinam, & non ob eam causam esse damnatam: quippe cum ille non esset adeò bardus, vt negaret rem vniuersalissimâ hominum experienciâ comprobatam; quid superest, nisi vt dicamus ideo esse damnatam, quòd libertatem negaret, vt loquitur ipse, *in vtramque partem solutam*: hoc est, in qua cum potentia consentiendi, non successiuè, sed simul coniuncta esset potentia dissentiendi? Et ea de re adeò inter Catholicos omnes conuenit, vt ipsimet Thomistæ, quorum maximè intererat negari posse, id tamen semper conciliare conati sint cum physica prædeterminatione. Concedendum scilicet est, id definiuisse Concilium quod aliquis mortalium negaret, aut negare posset sine amentia; sed nemo est qui negare possit sine amentia, voluntatem quando non potest consentire, posse non consentire: nec similiter in hoc statu mutabili, & vicissitudinibus exposito, voluntatem quæ non potest consentire vno tempore, alio tempore; mutatis circumstantiis, posse consentire: & quæ potest consentire, alio iterum tempore atque aliis in circumstantiis posse non consentire, vel posse dissentire. Ergo non hoc tantum definiuit Concilium; sed verò definiuit illud quod & negarunt plerique, & cujus negandi apparentes habuerunt rationes, posse voluntatem eodem tempore accinctam esse ad consentiendum & dissentiendum, esto successiuè id possit, succe-

2. Inst. c. 1.
sect. 7.

dentibus sibi inuicem necessitatibus, quarum vna compelleret ad consensum, altera ad dissensum.

Huc refer quod dicit Vincentius in epist. prodr. vbi absurdam hanc interpretationem Tridentinorum verborum.

Quippe qui illam abjicere potest Augustino affingit, unumquodque Pag. 73.

auxilium à nobis rejici posse, postquam proximum velle ad quod à Pag. 17.

Deo destinabatur operatum fuerit. Et antea. Quandoquidem gratia

medicinalis Christi sit adiutorium qua datur ipsum velle, SEMPER

SINE DVBIO EFFICAX EST, usque ad illud velle propter quod pro-

ximè datur. Itaque nunquam est sufficiens ad id, ad quod

non est efficax. Pergit: Verùm ubi istud adiutorium primam hanc

impressionem in voluntate fecit, rejici & excuti à libero arbitrio, ne

progrediatur ulterius, potest. Quod quis non videt quàm sit ab-

absurdum? Quid enim mirum est, quòd possit impediri ne

progrediatur ulterius id quod nullam habet vim progre-

diendi ulterius, postquam supponitur fecisse totum id, ad

quod destinabatur, & ad nihil aliud sufficit? Et quid sibi

vult quod addit, pulsat saepe semisurdus istis, & tamen respuitur?

Respuiturne ita vt non assequatur id ad quod datur, & ad

quod sufficiens est, vt paulo antè docuit? Et audet contra-

riæ sententiæ fœdissimam, & indelebilem maculam inutere Se-

mpelagianismi? Et vult Semipelagianos fieri Tridentinos Pa-

tres, ab iis qui non attribuunt illis tam absurdos sensus? Quasi

verò nullum sit medium inter Semipelagianos, & Calvinum.

Hinc patet quid sibi velit quod priùs dixerat, *præter vi-* Pag. 6.

etricem delectationem & insuperabilem, esse alteram inter quam &

oppositam tam saepe voluntas etiam jam nostra libratur, & fluctuat,

& cardinem suum volendi huc & illuc torquet. Neque enim putat

ita fluctuare voluntatem, vt sub eadem dispositione huc &

illuc torquere possit cardinem suum: sed quia recurrentibus

vicissim bonæ malæque delectationis fluctibus, nunc vno

impellitur ad bonum, & imperfecto aliquo nisu illud appet-

it; nunc alio vicissim ab eo repellitur, & tunc etiam ab eo

auertit sese: semper autem supponit fluctus gratiæ extorquere

à voluntate quidquid ab ea extorquere apti sunt, vt antea

ostensum est.

Hujus disputationis hæc summa esto, Definitionem quâ

dicitur, hominem quando vel non habet gratiam, vel non

habet sufficientem ad eliciendum consensum, posse illi non consentire; esse definitionem, non falsam, sed absurdam, & ridiculam: & œcumenico Concilio indignam, & quam nullus vnquam hæreticorum negauit; & tamen sequitur ex Vincentio Tridentinum nihil aliud definiuisse, cùm dicit hominem posse diuinæ gratiæ dissentire si velit, quàm posse non consentire cùm gratia abierit, quod est non consentire, quando non est gratia: vel posse non consentire, quando eadem gratia, superante concupiscentiâ, facta fuerit insufficientis ad exprimendum consensum.

CAPVT V.

Quomodo soluat Vincentius locum D. Thomæ ex questione sexta de malo art. unico.

§. 1. Refertur doctrina D. Th. Rejiciitur intempestina, & parum decora Vincentii fabella, & solutio, quam affert ab inconuenienti: frustra conari Vincentium Thomistas implicare Jansenianis controuersis.



ET etiam illustris locus Diui Thomæ ad confirmandam libertatem indifferentiæ, quæst. 6. de malo art. 1. cùm dicit: *Quidam posuerunt quod voluntas hominis ex necessitate mouetur ad aliquid eligendum: nec tamen ponebant quod voluntas cogere-
retur. Non enim omne necessarium est violentum: sed solum id cuius principium est extra. Vnde & motus naturales inueniuntur aliqui necessarii, non tamen violenti, violentum enim repugnat naturali, sicut & voluntario; Quia vtriusque principium est intra: violenti autem principium est extra. HÆC AVTEM OPINIO EST HÆRETICA. Tollit enim rationem meriti, & demeriti in humanis actibus. NON ENIM VIDETVR ESSE MERITORIVM, VEL DEMERITORIVM QVOD ALIQVIS SIC EX NECESSITATE AGIT, QVOD VITARE NON POSSIT.*

Tractat hunc locum Vincentius lib. 2. cap. 8. sed nauseabundus adedò, vt tam facilem nodum solutione sua vix dignari videatur. Miratur enim inprimis cæcitatem nostram, quòd non videamus, si esset is sensus quem dicimus Sancti Thomæ, fore ipsum physicæ prædeterminationi liberarum causarum contrarium. Deinde intelligendum dicit de necessitate simplici coactiua, non verò de alia illa sua de qua supra. Tertiò demum ad abducendam, vt opinor, Lectoris ^{Sec. 7.} cogitationem à difficultate, inducto de Manichæis sermone, narrat historiam illam de Diuo Thoma, mensæ Regis Galliarum accumbente, & cùm esset abstractus à consideratione rerum præsentium, percutiente manu mensam ac dicente, *conclusum est contra Manichæos*. Quam ille narrationem ad objectam difficultatem assuit adedò intempestiuè, & extra locum, & filo tam crasso, vt videri possit defectum aliquem passus ejus sapientiæ, quæ decebat grauem ac maturum Theologum: sed eò fortè spectabat ejus consilium, vt locum inueniret huic additioni; *Fama publica etiam addit*, inquit, *manus in ista ecstasi otiosas non fuisse: sed caponem ante se positum, per incogitantiam discerpisse*. Expectabam, vt adderet; *Et per hæc patet solutio ad propositam difficultatem*. Vincenti, & ita jocularis in re seria? Et audes tam inficetis salibus aspergere mentionem virorum sanctorum, & primorum scholasticæ Theologiæ principum? *Fama publica*, inquit, *hæc addit*. Sed quarum gentium quorumve populorum? Ego enim tametsi non attingerim annos Priami, nec æquauerim peregrinationes Vlyssis, videor mihi tamen, & sat vixisse, & tot hominum mores, atque vrbes vidisse, vt possim non nescire famam publicam: & testor tamen, idque bona fide, me hujusce fabellæ primum odorem hausisse ex tua Theriaca: quam tu Vincenti composuisti ex hisce *Ingrédientibus*, pellendo scilicet Semipelagianisini veneno perquam efficacibus.

Cæterum quod putat D. Thomæ sententiam, vt à nobis proponitur, esse contrariam physicis prædeterminationibus, eò spectat, vt causam Iansenianorum misceat cum causa Thomistarum: sed frustra. Conueniunt enim nobiscum Thomistæ in assignanda verborum Diui Thomæ intelligentiæ Iansenianæ ac Vincentianæ contraria. Iam quid inde sequa-

tur, aut non sequatur contra prædeterminationem physicam, inter nos deinde sic disputatur, ut illi potiùs negaturi sint physicam prædeterminationem, quàm concessuri falsam esse, vel esse Iansenianam Diui Thomæ, tum hoc, tum similibus locis, doctrinam.

§. 2. *Ostenditur ex doctrina citatæ quæstionis S. Thomam requirere ad libertatem, agendi & non agendi potentiam, & quidem immediatam.*

Cap. 2.

ERGO quomodo est intelligendus Diuus Thomas? Est ita intelligendus, inquit Vincentius, ut censeatur damnare opinionem eorum, qui dicebant voluntatem nostram moueri necessitate simplici coactiua, hoc est illa *ferrea & strangulante* de qua supra: non autem alia molliore ac plumbea. Ego verò præcisus hisce omnibus distinctionibus, ad obducendas veritati tenebras adiuuentis, dico D. Thomam damnare sententiam, admittentem necessitatem omnem proximæ ad agendum & non agendum indifferentiæ contrariam. Quod probatur manifestè ex tota illius quæstionis doctrina, & primò ex citatis verbis, cùm dicit, *Tollit enim rationem meriti, & demeriti in humanis actibus: Non enim videtur esse meritorium vel demeritorium, quod aliquis SIC EX NECESSITATE AGIT, QUOD VITARI NON POSSIT.* Vnde sic argumentari possumus. Vel necessitas, quam admittit Vincentius ex Iansenio talis est, ut eâ inexistente, voluntas sic agat, quòd non possit non agere, vel non: si est talis; ergo tollit rationem meriti, & demeriti, & est *heretica* ex Diuo Thomæ: si non est talis; ergo datur indifferentia in libera voluntate: & datur tanquam necessaria ad meritum, & demeritum.

Secundò. S. Thomas citato loco negat interuenire in *exercitio* liberorum actuum necessitatem, quam illi quos impugnat admittunt circa *specificationem*, dum voluntas fertur in communem rationem boni: Sed hæc non est necessitas strangulans, & ferrea; sed est mollis, & blandiens; Ergo non solum ferream, & strangulantem arcet ab exercitio liberorum actuum, sed etiam blandam, & mollem, hoc est Vincentianam, Iansenianamque. Probat minor ex aduersariis ipsis,

qui minimè concedunt, nec concedendum putant in doctrina Augustini, Deum ferrea necessitate cogi vt non peccet, sed neque beatos, neque nos ipsos, dum non possumus odisse summum bonum. Major est expressa in sancto Thoma. Postquam enim dixit voluntatem ex necessitate moueri circa bonum quod est conueniens secundum omnia particularia bona; *Dico autem*, inquit, *ex necessitate quantum ad determinationem actus, quia non potest velle oppositum*: NON AUTEM QUANTVM AD EXERCITIVM ACTVS. *quia potest aliquis tunc non velle considerare, nec cogitare de beatitudine, quia etiam ipsi actus intellectus, & voluntatis particulares sunt.* Et iterum, *Sic ergo quantum ad aliqua, voluntas ex necessitate mouetur ex parte objecti, non autem quantum ad omnia.* SED EX PARTE EXERCITII ACTVS, NON EX NECESSITATE MOVETVR? Moueturne quantum ad aliqua illa quorum meminit S. Thomas, necessitate stragulante, & non potius molli? Mollem ergo non patitur, quoad exercitium.

Tertiò. S. Thomas non vult maiorem esse necessitatem volendi, in eo qui liberè vult, quàm sit in eo qui liberè calefit, admouendi vel remouendi à se foculum, quo calefit: Sed est manifestum illum qui ita calefit, & indifferentiam, & proximam habere potentiam admouendi, vel remouendi foculum à se, vel seipsum à foculo: Ergo id ipsum vult S. Thomas in eo reperiri, qui liberè vult. Ecce verba D. Th. Loquitur de libero amore beatitudinis, qualis est in hac vita, & est eadem ratio de quocumque alio libero actu. *Nullum bonum superat virtutem voluntatis, quasi ex necessitate ipsam mouens, nisi id quod est secundum omnem considerationem bonum: & hoc solum est bonum perfectum, quod est beatitudo, quam voluntas non potest non velle; ita scilicet quòd velit eius oppositum.* POTEST TAMEN NON VELLE ACTV.... ET QUANTVM AD HOC NEC IPSAM BEATITVDINEM EX NECESSITATE VULT. En tibi confirmationem superioris argumenti, quo negat in exercitio amoris circa beatitudinem esse necessitatem illam, quæ in specificatione reperitur. Pergit: *sicut etiam aliquis non ex necessitate callesceret, si posset à se calidum repellere, cum vellet.*

Quartò: Libertas qua voluntas facit, vt stante sufficienti alicuius actus principio, impediatur tamen ille actus, est libertas

indifferentiæ proximæ ad vtrumlibet: Sed talis est libertas pro qua pugnat D. Thomas contra necessitatem: ergo pugnat contra necessitatem huic indifferentiæ oppositam, quæcumq; tandem illa sit, siue ferrea, siue lanea. Maior patet ex penetratione terminorum: Minor apertè continetur in respons. ad 15. Cùm enim obiiceretur, si voluntas aliquid determinatè vult, necesse esse vt sit aliqua causa, quæ faciat illam velle: & si est talis causa, positâ causâ, effectum necessariò sequi: vel si non sequatur, necessarium signum esse quòd illa causa non fuerit sufficiens; Respondet S. Thomas. *Ad decimumquintum. Dicendum quòd non omnis causa ex necessitate inducit effectum, ETIAMSI SIT SUFFICIENS, eo quòd causa potest impediri. Sic ergo illa causa quæ facit voluntatem aliquid velle, non oportet quòd ex necessitate h.c. faciat: QVIA POTEST PER IPSAM VOLUNTATEM IMPEDIMENTVM PRÆSTARI, vel remouendo talem considerationem, quæ inducit eam ad volendum: vel considerando oppositum, scilicet quòd hoc quod proponitur vt bonum, secundum aliquid, non est bonum.* Vult ergo, & esse posse sufficientem causam, quæ faciat voluntatem velle, & voluntatem impedire ne hoc faciat. Quo tempore voluntas tali causæ coniuncta, potens facere, non faciet: qui est status indifferentiæ immediatæ, pro quo sanctus Thomas contra necessitatem ei contrariam disputat.

Quintò: sanctus Thomas hoc loco pugnat, vt obtineat causam liberam esse simul potentem ad opposita: Ergo necessitas, quam reiicit, est necessitas quæ hoc impedit: Sed omnis necessitas, quæ impedit ne voluntas possit vnum oppositorum, quando potest aliud, impedit ne sit simul potens ad opposita: Ergo pugnat sanctus Thomas contra necessitatem omnem, quæ impedit ne voluntas possit vnum oppositorum, quando potest aliud: hæc autem est necessitas omnis ad vnum determinans, & indifferentiam tollens ad vtrumlibet: Ergo contra talem omnem necessitatem, siue mollem siue duram, hoc est, siue rubram siue viridem pugnat: sunt enim perinde impertinentes hæc distinctiones, si semper stat, necessitatem quocumque vocetur nomine, indifferentiæ aduersari, & tollere simultaneam facultatem ad opposita.

Esse autem hanc mentem S. Thomæ patet ex responsione
ad

ad 18. & ad 19. In priore loco sic loquitur : *Potentia voluntatis ad opposita se habens, cognoscitur à nobis, non quidem per hoc, quòd actus oppositi sint simul; sed quia successivè sibi inuicem succedunt, AB EODEM PRINCIPIO.* En vt distinguit inter actus oppositos, & inter potentiam ad illos. quòd scilicet actus simul esse non possint, quasi diceret potentiam simul esse : quod etiam exprimit, cùm dicit actus illos oppositos sibi succedentes esse ab eodem principio, contrà quàm superiùs dixerat Vincentius, qui vult potentiam ad vnum tantum actum *proximè accinctam* esse, & deinde facta mutatione in principio, hoc est, excussa priori prædeterminatione, & adueniente alia, fieri potentiam ad aliud oppositum accinctam : quod vides quàm repugnet D. Th. qui vult *idem esse principium* oppositorum actuum, sibi succedentium. Et hoc adhuc magis exprimit posteriore loco, ad decimum nonum, *Licet simul insit homini potentia voluntatis ad opposita se habens : tamen opposita illi ad qua se habet voluntas, non sunt simul.* Eò etiam pertinet solutio ad 16. Atque hæc manifestè conuincunt mentem Diui Thomæ contrariam esse in hac parte Theologiæ Vincentianæ; ac proinde etiam Iansenianæ. Videant autem qui resistunt, quid dicat Diuus Thomas. Nimirum opinionem, quam impugnat, *annumerandam esse inter extraneas philosophiæ opiniones, vtpote quæ subuertat omnia principia philosophiæ moralis. Induci autem homines ad huiusmodi opiniones partim propter proteruiam, partim propter sophisticas rationes, quas soluere non possunt.* Si se pungi queruntur Ianseniani, Diuum Thomam conueniant.

§. 3. *Quidquid faciant Ianseniani, non posse dissimulare quam animo conceperunt parum æquam de doctrina D. Th. opinionem.*

AD extremum, vt intelligatur quid sentiat Vincentius de doctrina sancti Thomæ, in quæstione proposita, referre iuuat quod dicit in epistola prodroma. Dum enim videt se non posse negare, quin neget sanctus Thomas meritum esse vbi est necessitas, indifferentiæ contraria; ac proinde quin putet ob talem necessitatem, amorem beatificum non esse meren-

do idoneum; distinguit inter priora & posteriora opera sancti Thomæ: & fatetur illum ita loqui in posterioribus operibus, sed non in prioribus. Vide autem quid dicat pag. 24. *Sanctus Thomas in prioribus operibus suis magis simpliciter, & Theologicè in posterioribus, ubi iam philosophiâ peripateticâ expolitiior & consummatus esset, magis philosophicè loqui solet.* Et pag. 25. dicit componere *Ethicam suam ad normam Aristotelicâ phrasim*: Addit, *Etiam si modum loquendi Aristotelicum religiosius seruet, non deserere tamen sententiam antiquam.* Quod admodum absurdum est. Quia si phrasim Aristotelicâ Pelagiana est, ut volunt, & Augustinianæ contraria, quid aliud est sanctum Thomam antiquam sententiam & veram exprimere phrasi Aristotelicâ, quàm Pelagianis verbis fidem Catholicam profiteri? Eadem reperit deinde, ubi obiicitur sanctum Thomam negare libertatem esse in amore felicitatis. *Nempe, inquit, quia in illa responsione ad tertium, loquitur phrasi peripateticâ.* Et iterum pag. 26. *Peripateticè loqui, dum negat laudem esse ubi non est agendi, & non agendi libertas.* Sed quid refert Peripateticè, an Platonice: Academicè, an Stoicè loquatur? Dic Vincenti, loquiturne verè, necne? Non audet dicere Vincentius quod in animo habet. Audiendus est iterum, cum dicit: *Sanctus Thomas libertatem strictè, pro illa libertate indifferentia, quæ liberum ac deliberans arbitrium sequitur, accipere solet: & proportionaliter meritum, quod ex libertate oritur, pro merito liberi & deliberantis arbitrii plerumque accipit; loquiturque ut philosophus Peripateticus: Vnde passim ad meritum strictè sumptum libertatem contrarietatis requirere videbis. Attamen non ubique est tam præcisus, & scrupulosus, & citat 3. sent. distinct. 18. quæst. 2. art. 1. Vbi, inquit, non amplius ut philosophus peripateticus loquitur.* Diceres commentarios in libros sententiarum scriptos esse post Summam, & libros contra Gentes. Quidquid sit, Sanctus Thomas ex Vincentio Leni, scrupulosus, & præcisus factus est, ex quo etiam factus est Peripateticus: & cum magis Theologicè discurreret, conscientix fuit liberioris ac laxioris.

Pag. 21.

Videntur autem hæc eò tendere quod habet Iansenius. Cum enim ad probandam suam libertatem incoactam produxisset testimonia præcipuorum Scholasticorum, S. Tho-

ma, S. Bonaventuræ, Scoti, Gandauensis, Ricardi, Marfilij aliorumque à Magistro Sententiarum, vsque ad Gabrielem inclusiue; quia intellexit quàm nulla essent quàmque facile solui possent ex aliis eorundem auctorum verbis, quibus eorum mens clariùs exprimitur, fatetur tandem ex illis quos laudauerat, non solum alios ab aliis, hoc est recentiores ab antiquioribus sensim deflexisse; sed constare insuper. *Nonnullos veteres Scholasticos initio ad amussim, cum Magistro sentientes, imò longè audaciùs, & apertiùs illius sensa promentes quàm ipse promiserat, deinde sub finem vitæ, in alterum extremum, quamuis nonnihil vacillando vergere.* Nec animaduertit, hîc igitur damnandum esse tritum illud, *Secunda cogitationes sapientiores.* Sed quomodo quærimus, hinc patet, huic Iansenii iudicio apprimè respondere illud Vincentii, S. Thomam in hac controuersia initio magis Theologicè, sub finem magis philosophicè loquutum, atque etiam magis scrupulosè, stringente illius conscientiam Philosophia, quam Theologia laxauerat.

Cæterum si ex istis verbis Iansenij formetur vna quædam propositio, *Desinat obstrepere Aristotelica philosophia, quæ in ista causa cum Pelagio atque Iuliano plenis buccis illam crepante, damnata est.* Neque enim est aliud quidquam hæresis Pelagiana de gratia, & libero arbitrio QVAM PVRA PVTA ARISTOTELICA PHILOSOPHIA, & nihil magis in hoc argumento suspectum esse debet QVAM ARISTOTELICA ILLA PHILOSOPHIA, cuius solius armis instructus Iulianus, & Pelagius libertatem humani arbitrii defenderunt.

In præf. lib.
6. de gr. Sal.
uar.

Si ex his quoque Vincentii formetur alia, S. Thomam in posterioribus præsertim operibus, loqui vt philosophum peripateticum. Item, *In philosophia peripatetica consummatum, magis philosophicè loqui,* de libertate scilicet ad merendum, & demerendum necessaria, & suam Ethicam composuisse ad normam Aristotelicæ phrasæ; Si, inquam, formentur hæ duæ propositiones, prima ex verbis Iansenij, in quæstione quam tractamus, pro eodem habendum aliquem esse Aristotelicum, seu Peripateticum, & esse Pelagianum; Secunda ex verbis Vincentii, in eadem quæstione S. Th. loquutum vt philosophum Aristotelicum, & suam Ethicam composuisse ad normam Aristotelicæ phrasæ; quænam alia conclusio inde potest deduci, quàm

Reliq. de illa quam Sancyranus expressit; vt testatur vir fide dignus Ab-
s. Cyra. bas de Precibus Cisterciensis Ordinis, *S. Thomam destruxisse ve-*
P. 27. *ram Theologiam, inductis in eam humanis rationibus, & Aristotelicis*
principiis ? Scio Iansenianos vri dum hæc audiunt, sed æqui
bonique consulere debent, vt quod dicunt in tenebris, super
recta prædicetur.



EXPENDITVR QVOD RESPONDET

Apologista Iansenii.

CAPVT I.

Consilium Apologista querere prasidia sue sententiae à Scriptoribus Scholasticis exemplo Iansenii: & de approbatione Illustrissimi Vabrensis Episcopi circa librum de Libertate Dei & creatura.



APOLOGISTA Iansenii, qui maluit videri vir esse nullius nominis, quàm proprio cognosci, Apologiae 2. lib. 3. cap. 3. pro libertate incoacta pugnat etiam ipse, sicuti pro arce Iansenismi, assumpto ad disputandum hoc argumento, *Doctrinam esse Antiquorum Scholasticorum, ut & Augustini, quod stet libertas cum inenitabili agendi necessitate.* Tum verò producit vnum aut alterum Augustini locum, vnde nihil inferri posse contra doctrinam communem monstratum est superiùs. Addit testimonia Scholasticorum illa ipsa quæ sunt apud Iansenium lib. 6. & 8. de grat. Saluat. & quæ sigillatim soluit Antonius Ricardus, prolatis eorundem Auctorum manifestissimis aliis in contrarium testimoniis; vt nihil necesse sit in iis immorari. hoc solum monendus est Lector, vt aduertat Iansenium in hoc puncto, vt aliàs sæpe, secum pugnare. Fatetur enim, vt antea notatum est, ea quæ de libertate docet, non posse non videri *nona* Scholasticis doctoribus, esse illis, *inaudita*, & non *mediocriter mira*, exhorrescere illos ad nomen incoactæ libertatis: & tamen eadem extare dicit apud Magistrum Sent. Victorinos ambos, Alensem, D. Thomam, D. Bonauenturam, Scotum, Marsilium, Ricardum, Henricum, Dionys. Gabrielem, &c. At quinam sunt illi Scholastici, quibus inauditæ sunt, atque ad horrorem

Lib. 3. de
lib. Arb.

supra 1.
par. c. 1. §. 3.

usque miræ, quæ sunt communes sententiæ illorum omnium auctorum? Esto, esse possint qui non approbent; sed qui nesciant, neque audiuerint vnquam ea quæ sunt ab eis, communi consensu tradita; si uspiam reperiantur, negamus esse in numero Scholasticorum recensendos. Sed quod retulimus ex Iansenio, etiam antiquos Scholasticos tandem in contrariam sententiam, licet *nonnihil vacillando* deflexisse: & quod est in cap. 13. eiusdem libri sexti. *Neminem, quod sciat, inuentum esse in Ecclesia Latina per annos octingentos, qui dissenserit*; satis ostendit ipsum quoque vacillare. Quare enim octingentos tantum annos ponit? Quare non & mille ducentos? Non audet nimirum polliceri quidquam sibi de suffragio Scholasticorum. Et ideo citra sæculum illorum continet prædicationem antiquæ approbationis eius sententiæ, quam tuetur. Sed num etiam Hincmari Remensis, & Rabani Moguntinensis, & aliorum qui nono sæculo restiterunt Gotschalco, oblitus erat? An vult illos pertinere ad Ecclesiam Græcam, quando de Latina tantum loquitur? An expungendos ex tabulis octingentorum annorum, qui intercurrebant inter sæculum Augustini, & sæculum Scholasticorum? hæc scilicet ostendunt in hoc auctore pleraque vacillare.

Apologista in affirmandis rebus incertis, atque incompertis generosior est. Nihil eum terret, quod Iansenius de illa declinatione antiquorum Scholasticorum dicit: nihil illa suspicio quam ostendit, dum octingentorum tantum annorum spatio definit possessionem eiusmodi doctrinæ. Magno animo pronuntiat, sine metu, sine dubitatione, sine exceptione, esse illam Antiquorum Scholasticorum sententiam: quod quam falsum sit, iam ab aliis, vt dixi, demonstratum est: & ex iis quæ de Sancto Thoma suprâ retuli, de quo addam plura postea, coniectura sumi de cæteris potest.

Suprà p. 2.
cap. 5.

Præterea vrget Apologista argumentum petatum à libertate Christi, quod quia fusè tractatur à Theologis ad tertiam partem, actum agerem, si vellem hic respondere. Hoc solum dico, ex illa varietate sententiarum, qua conantur Theologi explicare, quomodo Christus cum impeccabilitate, & cum necessitate amoris beatifici, potuerit exhibere Deo liberam, quoad exercitium, obedientiam, de re ipsa certos esse, de modo verò

rei dubios: & sollicitudinem illam tantam, & tam anxiam, quam ostendunt circa quæstionem, quomodo sit; ostendere apud illos definitam esse quæstionem an sit. Ergo fuit liber etiam Christus libertate exercitij, hoc est, potens ad vtramlibet contradictionis partem, in omnibus illis actibus qui fuerunt per se, ac formaliter meritorij, ac satisfactorij.

Denique illustrissimum Vabrensem Episcopum nominatim insectatur, quòd cùm approbarit olim Gibieufi librum *De libertate Dei & creature*, modò damnet doctrinam Iansenii de libertate incoacta, cùm tamen doctrina vtraque eadem sit; hæc ille loco iam citato. Ego verò non suscipio defensionem Clarissimi Antistitis: non quòd aut voluntas desit aut ratio; sed quia ille nullius ope indiget, vt se tueatur. Nam præter dignitatem quam in Ecclesia præcipuam obtinet, & quam merito virtutis, & eruditionis est consequutus; quæ hætenus edidit opera pro tuenda Ecclesiasticæ doctrinæ veritate, & Sanctæ Sedis Apostolicæ auctoritate; iis omnibus quibus liuor, & affectus malè ordinati non perturbarunt oculos, satis ostendunt sufficere ipsum sibi, & habere vnde iis qui se allatrant, excutere dentes possit. Quòd si meam etiam admittere operam vellet, dicerem Apologista. Primò, Gibieufi librum à Iansenio quoque fuisse approbatum atque laudatum: & tamen ab eodem Iansenio postea damnatam esse illius doctrinam. De illa enim loquitur lib. 7. de grat. Saluatoris cap. 16. vbi recensitis iis, quæ placere poterant in eius opinione, alia improbens, sic incipit. *Quapropter illa opinio tribus in rebus ab Augustini sensu mihi videtur deuiare. primo, &c.* Sensus Augustini Iansenio sensus est Ecclesiæ: ac proinde qui *deuiat* à sensu Augustini *deuiat* à sensu Ecclesiæ. Quomodo autem approbari, atque laudari potuit ea doctrina, quæ sciebatur *deuiare à sensu Ecclesiæ*? Iprensam Apologista purget, & Vabrensem absoluerit.

Possem addere secundò, non esse ita seuerè agendum cum amicis approbatoribus, vt nihil omnino gratiæ dent, & præconceptæ de Auctore opinioni, præsertim in emendationis approbationibus, quæ non tam quæruntur ad censuram & emendationem librorum edendorum, quàm ad commendationem, & laudem editorum. Quare si quippiam relinquant

in ejusmodi libris indiscussum, & inemendatum; non ideo statim dicenda illis dies est, tanquam reis commodati erroribus suffragii. Neque defunt recentia magnorum virorum exempla, quorum honori ac dignitati vix alia ratione, quàm hac epieikeia consuli potest.

Et hoc tertio addendum est, doctrinam de incoacta libertate non ita expressam esse in opere *de libertate Dei, & creaturae*, quin possit etiam expressa videri contraria; ut nihil causæ sit, cur qui librum approbarunt, videri possint approbasse potius hoc, quàm illud. Siquidem Auctor illius operis, quamvis esset vir bonus, nec ineruditus; quia tamen non satis erat in scholarum palæstra exercitatus, cum vellet novam philosophando viam inire, Platonicas imagines cum scholasticis ita miscuit, ut emerferit nescio quid, de quo dubitatum est an esset ab auctore ipso satis comprehensum. Præter alia quæ id temporis notata sunt, est qui ex primo tantum libro, & vno aut altero capite secundi, contradictiones collegerit septuaginta, quas totis viginti annis nec soluere auctor, nec edere quos dixerat se prælo paratos habere de gratia commentarios ausus est.

Denique constat eorum testimonio, qui cum eo Auctore, post editum Iansenii Augustinum familiaris egerunt, minimè illi probatam fuisse Iansenianam Theologiam, sicuti nec Sancyranam. Vnde cum nec ipse Iansenio, nec ipsi Iansenius sat fuerit probatus; quid sentiendum de Apologista, qui vult amborum eandem fuisse doctrinam? Sed omitto totam illam causam, quippe cum hoc potissimum susceperim inquirendum, quæ sit in hac controuersia mens Augustini, & S. Thomæ: & an illi sit conformis doctrina Iansenii. Ergo ex omnibus quæ tractat Apologista duo tantum supersunt examinanda. Primum est, an Iansenius negauerit reipsa esse in hoc statu viatorum indifferentiam libertatis, seu indifferentem libertatem. Secundum, an rectè senserit, & ad mentem Augustini ac S. Thomæ, cum dixit, non esse indifferentiam ad libertatem necessariam.

CAPVT II.

Vtrum Iansenius admisit libertatem hominum viatorum esse indifferentem.

§. I. Probatur admississe.



DMONET Apologista, Iansenium confessum libertatem hominum viatorum immunem esse, non solum à violentia, & coactione, sed etiam ab illa immutabili necessitate, quæ opponitur indifferentiæ: & quod docet, stare libertatem cum tali necessitate, pertinere tantum ad statum beatorum, & damnatorum. Velle enim ipsum cum immutabili necessitate Deum amandi, & cum immutabili necessitate odio habendi, stare tam in beatis libertatem amoris, quam in damnatis libertatem odii: contendere autem nullam esse talem necessitatem in hoc statu medio: ac proinde esse in hoc statu medio, indifferentiam. Contineri confessionem hanc integris apud Iansenium capitibus &c.

Loc. cit.
punct c. 1.

Ita est, Iansenius, *hominum viatorum non solum coactionis expertem esse libertatem, sed etiam necessitatis immutabilis voluntaria; hoc est, eam ad utrumque indifferentem esse, cum scripsuris; Augustino, & Patribus, & Catholica fide perlibenter fatetur; sed in illa indifferentia sitam esse generaliter arbitrii libertatem eosdem Patres assensu pernegare: sed posse illam adesse, vel abesse à voluntatis arbitrio, sine dispendio libertatis.* Iterum, excepto amore beatifico, & motibus indeliberatis, *Ceteras, inquit, humana vitæ actiones, quamuis etiam juxta tradita jam Augustini principia, sine indifferentia nihil vetaret esse liberas, reipsa tamen non solum sine violentia, sed & cum quadam indifferentia contradictionis, imò contrarietatis, ex Augustini, & veterum citatorum mente fieri credimus.* Et antè, *Nec quicquam ad illam sententiam reprobendam facit, quod in eadem distinctione dicit (loquitur de Magistro Sentent.) liberum arbitrium esse liberum ad vtrumlibet, videlicet bonum, &*

Lib. 6. c. 34.

lb. c. 37.

Cap. 10.

centiores? Illi admittunt-ne aliam indifferentiam, quàm illam quam admittit Ecclesia? aut Ecclesia negat-ne quam admittunt Scholastici? Ostendant quæso aliquod esse discrimen, vel quoddam dissidium inter Ecclesiam, & consentientem Scholasticorum sententiam circa conceptum illius indifferentiæ, quæ *sine fidei lesione*, vt dicunt, non potest negari? Sinit quidem Ecclesia Scholasticos disceptare circa modum defendendi indifferentiam, sed non circa conceptum ipsum indifferentiæ, pro quo retinendo illi & inter se, & cum Ecclesia consentiunt. Ergo non ab illis modò, sed ab Ecclesia quoque dissentit Iansenius, dum negat talem indifferentiam, & aliam substituit.

Secundò. Quando admittenda est indifferentia contra *hæreticos nostri temporis*, vt dicit Iansenius, admittenda est illa quam hæretici nostri temporis negant: Sed quam illi negant, illa est quam admittunt Scholastici: Igitur admittenda est illa, quam admittunt Scholastici. Minor patet apud Caluinum, qui dum disputat de libero arbitrio, negatque illi *vim electiuam ad vtrumlibet*, quæ est indifferentia, de qua disputamus, profiteretur se potissimum à Scholasticis dissentire, ideòque Sorbonicos doctores *Sophistas* vocat, & ætatis nostræ *Pelagianos* qui *Pelagium patrem suum imitantur*. Vide autem in quo dissentiat, nempe quòd illi putent in manu nostra esse respuere, vel accipere oblatam Dei gratiam: & ideo nos cooperari Dei gratiæ, quòd nostri juris sit eam vel respuendo, *lib. sec. 11. & ca. 42.* irritam facere, vel obedienter sequendo, confirmare, dissentire se à senioribus Scholasticis, sed longiore intervallo à recentioribus *sophistis*, sect. 6. 6. de qui etiam à vetustate longius recesserunt, quæ verba Iansenius videtur ob oculos habuisse cùm scriberet, *Eosdem nonnullos scholasticos veteres, initio ad amicum cum Magistro sentientes, & deinde sub finem in alterum extremum, quamuis nonnihil vacillando, vergere visos, & paulatim ab illa primæua libertatis intelligentia declinari ceptum, còque rerum nostra ætate ventum, vt illa Augustini, Bernardi, Magistri, & cæterorum doctrina, vix auribus quorundam ferri, vix sine erroris suspitione tradi possit.* Itaque negat Calvinius illam tantum indifferentiam, quam putat tenuisse quidem antiquos Scholasticos, sed non cum illa expressione, & firma adhæsiōe, quæ cernitur in recentioribus. *gr. Salo. c. 33. & anteq. cap. 20.*

firmanda quam negat Calvinus, ut fatetur Iansenius, affirmanda est illa, quæ licet apparuerit in antiquis scholasticis, expressius tamen, & firmitus defendi cœpit à modernis. At illam ipsam Iansenius negat. Ergo negat quam affirmandam putat, postquam affirmandam putat quam negat Calvinus.

Terriò. Quando est admittenda indifferentia cum Augustino & Patribus, admittenda est quam illi admittunt: Sed quam illi admittunt, non est alia, quàm illa quam admittunt Scholastici: Ergo si negatur à Iansenio quam admittunt Scholastici; negatur quam Augustinus, & Patres admittunt, & quam ipse putat non posse negari *sine læsione fidei Catholicae*. Minor probatur. Et quidem quod ad ceteros Patres attinet, nulla est difficultas: Iansenius hæret in Augustino, & nos etiam. Legantur autem illa 35. Augustini testimonia superius adducta, & constabit statim indifferentiam, quam ille postulat, in eo sitam esse, quòd voluntas agens possit non agere; & non agens, possit agere: Scholastici nihil aliud postulant. Ergo &c.

Sup. contr.
Nou. Aug.
c. 1.

Paral. not.
79.

Quartò. Expressa est apud Iansenium indifferentiæ negatio, dum Suarem, Bellarminum, & Vasquem eo nomine accusat, quòd gratiam admittant, cum qua voluntas *indifferenter* operetur, ut probent, inquit, gratiam quæ nunc hominibus ad credendum divinitus datur, ita esse libero arbitrio attemperatam, ut instar gratiæ potentialis, quam Augustinus adiutorium sine quo non appellat, ea stante in libero arbitrio, possit arbitriam **INDIFFERENTER** velle, vel nolle? En tibi peccatum Bellarmini, & Suaris, ex Iansenio, quòd nimirum putent stante gratia in libero arbitrio, posse arbitrium *indifferenter* velle, vel nolle. Et tamen, inquit Apologista, non negat indifferentiam. Pergit, & allato Augustini testimonio, quo illi quos impugnat, utuntur, *Ex quibus verbis*, inquit, istam **INDIFFERENTIAM** voluntatis, quam cum gratia sua congrua vel sufficiente copulant, sub adiutorio gratiæ remanere contendunt. Et addit citata illa verba, ex quibus indifferentia colligitur, non continere sententiam Augustini, sed esse *verba doctrinæ Pelagianæ postea Semipelagiana*. Itaque Pelagianum putat, quòd admittatur *indifferentia*, quâ stante gratiâ, possit voluntas velle, vel nolle. Iterumque negat à *notu* **INDIFFERENTE** voluntatis, pendere ne-

Tom. 3. lib.
2. de gr. Sal.
c. 4.

strum velle, vel nolle. Et antea, Adjutorium ante ruinam erat tale, ut influxus adjutorii perinde atque voluntatis in opus, ab ipso libera voluntatis nutu penderet, adeoque salva maneret illa libertatis in utramque partem flexibilis INDIFFERENTIA: Nunc verò post ruinam &c. Itaque ante ruinam erat flexibilis in utramque partem indifferentia sub Dei adjutorio, jam non est. Et iterum, sententiam quam refutat ita refert. Per libertatem lb. cap. 5.
autem intelligunt, non id quod in scriptis suis omnibus de gratia Augustinus intelligit, sed semper illud jus dominatum voluntatis, quo penes ipsam illa ultima manet ac decretoria sententia, ut PRO SVA IN VTRAMQUE PARTEM INDIFFERENTIA se determinet, aut non determinet, quamvis determinatio hinc & nunc non fiat sine gratia concurrente. Vides, ut negat flexibilem in utramque partem indifferentiam. Et iterum, dum agit de scientia lb. cap. 8.
conditionata, & modum tuendæ per eam libertatis refutat. Istius, inquit, præscientia beneficio hoc assequantur, ne adjutorium inuictè rapiat voluntatem, ADIMATQUE POTESTATEM ILLAM INDIFFERENTEM, QVA VTITVR VEL NON VTITVR ADIVTORIOSI VOLVERIT: hoc est ut per hoc adjutorium detur voluntati posse, si velis: velle verò, & nolle uti, & non uti adjutorio, in ejus libero relinquatur arbitrio. Vbi vides quid Iansenio displiceat, in illa doctrina, nempe quòd adjutorium non rapiat inuictè voluntatem, ita ut adimat potestatem indifferentem utendi, vel non utendi adjutorio, si volueris. Et vides quid intelligat per indifferentem potestatem, nempe, quòd uti vel non uti adjutorio Dei libero relinquatur arbitrio.

Vnde probatur jam quintò, non solum nomen indifferentis potestatis, sed rem eo nomine significatam à Iansenio disertissimè rejici, nempe *potestatem utendi, vel non utendi Dei adjutorio*. Patet ex distinctione quam asserre solet inter gratiam integræ naturæ, & gratiam naturæ lapsæ. In eò enim distinguit, quòd *gratia sana voluntatis in ejus libero arbitrio relinqueretur, ut eam si vellet, desereret, aut si vellet, vteretur: gratia verò lapsæ, ægrotaque voluntatis NULLO MODO in ejus relinquatur arbitrio, ut eam deserat aut arripiat, si volueris*. Possè accipere, vel non accipere gratiam, & possè uti, vel non uti, est habere indifferentem potentiam ad accipiendum, vel non

Lib. 1. de
 gra. Salu.
 cap. 4.

accipiendum, ut Iansenius ipse superius explicuit: illud non conuenit ægrotæ voluntati, ut idemmet iam significat: ergo neque istud. Eodém pertinet quod dicit eodem loco, voluntatem integram, hoc est ante lapsum, fuisse *optioni suæ relictam*, quod non conuenit iam voluntati ægrotanti.

Cap. 5. ib.

Idem iterum sic explicat discrimen gratiæ Adami, & nostræ, quod nullum adiutorium gratiæ, cuius usus ita ponitur in arbitrio voluntatis, ut illo utatur, aut non utatur, ut illud amplectatur aut deferat, ut illi consentiat, aut non consentiat si voluerit, quantumvis sine illo non velit, aut velle non possit; esse adiutorium quo fit ut velit, sed tantum sine quo non: & proinde ad medicinale adiutorium Christi nullo modo posse pertinere, sed ad adiutorium primi hominis, & sanæ voluntatis esse referendum. Nam in eo consistit essentialiter differentia utriusque adiutorii, sine quo non fit actio, & quo fit; & consequenter sanæ voluntatis, & infirmæ. Non est quo euadat Concilium Tridentinum. Postquam enim definiuit liberum arbitrium dissentire posse, si velit à gratia, quæ iam datur, ignorauit consequenter essentialem illius, & gratiæ primi hominis differentiam. Vides autem quomodo nullam relinquat indifferentiam, neque ad utendum aut non utendum gratia; neque ad eam amplectendam, aut deferendam; neque ad consentiendum illi, aut dissentiendum, ut videantur Iansenio defuisse verba, & modi ad exprimendam, ut volebat, indifferentiæ negationem. Eadem sæpe repetit, & inculcat in eodem libro, & præcipuè cap. 27. cum dicit, *Quapropter, quisquis iam alia diuina gratiæ adiutoria infirmis hominibus offerre nititur, quæ deferant, si velint: & in quibus permaneant, si velint; cum quibus tanquam sufficientibus operentur, si velint; nihil aliud imprudens facit, nisi ut originalis peccati virus euacuet, illasque liberi arbitrii vires esse, Christum frustra venisse, & gratis mortuum esse persuadeat.* Ejusmodi plura passim occurrunt apud hunc auctorem, præsertim in libro de gratia primi hominis, & Angelorum, & libro octauo de hæresi Pelagiana, ubi vult ad Semipelagianam hæresim pertinere quod internæ gratiæ possit aliquis cooperari, si velit, & si velit, etiam non cooperari.

Tom. 2.

Tom. 1.

Iam verò cum proprius indifferentiæ conceptus in causa efficiente nihil aliud esse possit, quàm hoc quod est, posse facere vel non facere; seu, posse facere hoc, vel illud; quem-

admodum nec in causa recipiente potest esse aliud, quàm hoc quod est, posse recipere, vel non recipere, seu posse recipere hoc, vel illud; cum jam constet Iansenium hoc negare, sequitur negare illum id quod propriè loquendo, & secundùm communem vsum vocum intelligitur nomine indifferentiæ: ac proinde negare, & nomen, & rem.

At existimandum est etiam, & Augustinum, & Bernardum, & Patres alios, & ipsam demum Ecclesiam, quæ dicitur agnoscere in hoc statu aliquam in arbitrio libero indifferentiam, non abuti rerum nominibus, sed intelligere id quod ea voce intelligi solet, dum ad liberum arbitrium applicatur. Nec hæretici, quibus ad errorem tribuitur quòd negent indifferentiam, meritò reprehenderentur, si negarent tantùm illud, cui hoc nomen propriè conuenit, postquam id etiam modò negandum supponitur. Igitur & Augustinus, & Patres, & Ecclesia postulant, vt agnoscat in libero arbitrio potentia faciendi, & non faciendi: vel faciendi hoc, aut illud, prout libuerit. Quod cum Iansenius neget, negat quod Augustinus, & Patres, & Ecclesia affirmandum putant: & absoluit hæreticos, quippe qui nihil negare videantur, dum negant indifferentiam, quod, si propriè loquamur, negandum non sit ex Iansenio.

§. 3. *Probaturs ampliùs, speciem tantùm inanem indifferentiæ à Jansenio admissam.*

QUOD vt magis explicetur, & constet Iansenium verà, quæ ab auctoribus admittitur, indifferentiâ negatâ, substituere spuriam, seu potius larvam quamdam, & inane simulacrum indifferentiæ,

Lib. 8. de
gr. Salu.
cap. 10.

Examinandum est sextò, quod dicit, fateri se indifferentiam ad contraria, hoc est ad volendum, faciendùmque bonum, & malum, siue in infidelitate ante gratiam, siue jam sub gratia, semper inesse libero arbitrio, *Sed non*, inquit, *eo modo, quo isti Scholastici putant..... qui quocumque modo arbitrium siue gratiæ, siue peccati delectationibus imbuatur, semper existimans CVM VTRA VISEIUS DISPOSITIONE posse fieri, ut vtrum-*

libet velit, siue bonum, pro illa sola scilicet innata indifferentia voluntatis, qua sub quacumque dispositione actum praueniente, sese sua libertate in utramvis partem flectit. Vides quid velit. Liberum arbitrium gratiæ delectationibus imbutum, negat posse velle vtrumlibet, sed posse velle tantum bonum; imbutum verò delectationibus peccati, negat posse velle bonum, sed tantum posse velle malum; atque ita cum vna dispositione posse vnum tantum, cum alia aliud tantum: Ergo totam ejus indifferentiam in eo positam esse, quòd possit habere hanc, vel illam dispositionem. Quod amplius declaratur ex eo quòd alibi docet, præter nudam voluntatis facultatem, esse

Tom. 3. lib.
7. cap. 2.

aliquid aliud, quo actus ponatur in ejus potestate: & hoc esse respectu boni victricem delectationem gratiæ, respectu mali victricem delectationem peccati; vtrâque illâ delectatione voluntatem fieri liberam, & potentem agere, & actum ad quem ordinatur, poni in ejus potestate; aliter intra omnino absente, fieri impotentem, & actum illi respondentem esse omnino extra potestatem voluntatis: has easdem delectationes esse vincula, quæ voluntatem à volendo certum genus actuum retrahunt, & impediunt; ita ut tale velle non sit in ejus potestate, nisi tunc tantum, quando illa potestas aliunde datur:

lib. capi. 5.

Justitia, & peccati delectationem esse illud vinculum, quo liberum arbitrium in justitia, vel peccato, ita firmiter ligatur & retinetur, ut quamdiu illo stabiliter possidetur & constringitur, actus oppositus sit extra ejus potestatem, ita videlicet, ut arbitrium non liberatum, eum velle non possit.

Neque hoc tantum verum esse putat de indifferentia voluntatis ad contraria, sed etiam ad contradictoria. Et ideo postquam reiecit sensum illum Scholasticorum, qui voluntatis indifferentiam ad vtrumlibet ita intelligunt, ut cum vtriusvis eius dispositione, vel sub quacumque dispositione vtrumlibet velit bonum, & malum, dixitque hanc esse libertatem à Pelagianis contentiosissime postulatam, & ab Augustino constantissime negatam, subdit,

lib. 1. ca.
20.

Alio igitur sensu liberum arbitrium ante gratiam, quemadmodum etiam alio sensu sub gratiæ indifferentiam contrarietatis, & contradictionis habet. Ac proinde alio sensu habet libertatem contradictionis, quàm eo, quo intelligatur sub ea dispositione, sub qua potest agere, posse etiam non agere. Vult ergo sub vna dispositione posse agere, & sub alia non agere: & consequenter indifferen-

tiam

tiam contradictionis in eo sitam esse, quod possit voluntas habere alterutram dispositionem.

Et ideo putat victricem delectationem imponere voluntati *necessitatem* consentiendi, non quidem *immutabilem*, hoc est perpetuam, sicut est in cœlo, sed pro tempore, quo ipsa est: nec aliter distingui quoad hoc amorem Dei in beatis, & in viatoribus, quàm quia perpetua ibi est amandi necessitas, hîc tantùm est temporaria. Et hoc confirmatur ex fundamentalî principio hujus Auctoris, quod nulla possit esse gratia sufficiens in hoc statu, sequitur enim inde, non posse voluntatem suspendere illius effectum, non agendo. Adde quod dicit, gratiam Christi *diametraliter repugnare philosophicæ libertati, seu indifferentiæ libertatis, quia illam extrahit ab indifferentiâ agendi*: & ideo in beatis, vbi consummata est gratia, stirpitus tolli illam indifferentiam, in terris non tolli omnino: nimirum quia gratia non tanta est, vt sit perpetua, & semper victrix, sed potest succedere illi præpollens concupiscentia.

Præterea Iansenius perpetuam seruari vult proportionem inter delectationem concupiscentiæ, respectu mali, & delectationem gratiæ, respectu boni: & ita esse voluntatem nostram per delectationem gratiæ seruam iustitiæ, & liberam à peccato; quemadmodum per delectationem concupiscentiæ libera fit à iustitia, & peccati serua. Atqui sub præpollente concupiscentia non potest abstinere à malo; nam, inquit, *ipsum non consentire, & non facere id ad quod impellit concupiscentia, gratiæ victricis effectus est*: ac proinde, quia non potest esse gratia victrix simul, & præpollens concupiscentia, sequitur non solum non posse voluntatem elicere actum contrarium bonum, sed nec suspendere quidem malum. Ergo à pari, non consentire victrici gratiæ, seu non facere id, ad quod impellit, erit effectus præpollentis concupiscentiæ; quæ quia esse non potest cum victrice gratia, sequitur nec esse posse suspensionem consensus, & actionis eiusdem gratiæ; sed esse ista quoad exercitium necessaria, & quod idem est, carere indifferentia contradictionis. Et hoc satis declarat quod dicit, *Quemadmodum igitur qui sub gratia ad opus bonum determinante operatur, simul etiam peccare potest, ita quoque è contrario, qui ista gratia destituitur, siue fidelis, siue infidelis, & peccati temptationibus quatitur, potest benefacere*. Non qui-

Tom. 3.
lib. 6. c. 34.
& lib. 8. c.
20. & 27.

Tom. 3. l. 7.
c. 14.

Lib. 8. c. 20.

dem quasi semper etiam ante susceptam Christi aut Dei fidem, gratiâ ad non peccandum muniat, quo nihil alienius ab Augustini doctrina dici potest: aut arbitrium etiam ante gratiam sit in illius indifferentie æquilibrium, quæ se ad utrumlibet NULLA MUTATIONE FACTA IN REQUISITIS AD AGENDVM, pro libero voluntatis nutu flectat, quod non minus capitaliter principiis Augustini aduersatur. Sed &c. En quid requirat, ut vel ille, qui est sub dispositione gratiæ, possit non consentire: vel ille, qui est sub dispositione concupiscentiæ, non peccare: nimirum *ut fiat aliqua mutatio in prærequisitis ad agendum.* & ideo negat illum, qui dicitur posse peccare, habere gratiam ad non peccandum necessariam. Ergo per id quod dicitur, cum qui peccat posse non peccare, intelligendum est tantum esse illum in statu, in quo possit recipere gratiam; & quando illa aduenerit, posse non peccare, quod adhuc exprimit, cum dicit excitari homines & corripi, *Non ut significetur adesse illam IMMEDIATAM operandi potestatem, quam tribuit gratia, ut nutu voluntatis ei tantum accedente, influxum eius sequatur, aut non sequatur.* Sed nimirum, quia fieri potest, ut recipiant incrementum quoddam bonæ dispositionis, quo potestas quæ mediata tantum erat, fiat immediata. Ac proinde, cum dicitur quis posse non consentire concupiscentiæ, cui succumbit, nihil aliud significatur, quam posse illum habere potestatem non consentiendi: & quando illam habuerit, posse non consentire. Et ideo iterum indifferentiam ita explicat, *Quia si Spiritus sanctus aspirauerit, bonam voluntatem suscipere potest homo in hac vita.* Interea verò fatetur esse præsentem consentiendi, & peccandi necessitatem, unde dicit postea, *Itaque Sanctus Augustinus huiusmodi peccata, quæ ex ista contracta per peccatum scilicet Adami, peccandi necessitate contingunt, vera peccata esse proficitur, QUAMVIS EA VOLUNTAS ITA CONSTITUTA VITARE NON POSSIT.* Tandemque concludit hæc omnia indiscriminatim intelligi, tam de indifferentia contradictionis, quam contrarietatis. Quæ omnia, licet cum aliquo fortè lectoris tædio, fuere tamen referenda, ut euoluatur Iansenii doctrina, nec possint Ianseniani criminari aliquid imponi Magistro. Hæc igitur summa est hujus doctrinæ. In hac vita potest excogitari quadruplex status voluntatis. Primus, ut sit sine vlla delectatio-

ne boni, & sine vlla delectatione mali: & tunc voluntas non est libera, quia nihil habet in potestate. Delectatio enim est id, per quod habet aliquid in potestate, quæ cum hîc deesse supponatur, consequenter nec quidquam esse in potestate dici potest. Secundus est, vt habeat voluntas delectationem boni victricem, & delectationem mali pariter victricem; vnde fiat vt vtrumque habeat in potestate, facere & non facere bonum, & facere ac non facere malum. Et hic status est impossibilis, vt patet ex terminis, quòd repugnet duos de vna & eadem re pugnantes, esse ambos victores. Supersunt igitur alii duo status liberæ voluntatis. Primus est, vt voluntas supponatur habere delectationem boni tantum, aut si habeat etiam mali, inæqualem tamen, & minorem. Et tunc voluntas habet tantum in potestate facere bonum: non facere autem non est in potestate, sed erit, si hæc boni delectatio tollatur aut minuatur, & mali delectatio, vel adueniat de nouo, vel crescat. Et in hoc consistit ejus indifferentia. Alter status oppositus est, si supponatur voluntas habere delectationem mali tantum, boni autem vel nullam habere, vel minorem, & inæqualem. Et tunc voluntas habet in potestate tantum facere malum; non facere autem, vel facere bonum non habet in potestate; sed potest habere, quatenus potest aut tolli, aut minui mali delectatio, adueniente aut crescente delectatione boni: & in hoc pariter indifferentia ejus posita est. Ego verò contendo hanc esse meram larvam, seu potius spectrum quoddam illius indifferentiæ, quam dicit Iansenius à Sancto Augustino, & à Patribus agnitam: ab hæreticis negatam: & à Catholicis, si velint illam esse fidem, retinendam, quod mox probabitur.

§. 4. *Contradicere Iansenium sibi ipsi, Augustino, Tridentino, Scripturæ sacre, & communi mortalium sensui.*

ET primò, hæc doctrina contradicit ipsi auctori. Ille enim fatetur ita conuenire indifferentiam libero arbitrio, Lib. 8. cap. 10.
vt quibuscumque positis, quæ ad agendum bonum & malum requisita sunt, possit liberum arbitrium in hac parte facere bonum & malum,

facere alterutrum, & non facere. Et iterum, Dicimus liberum arbitrium, quantumcumque vehementi atque efficaci gratia delectatione praeuenientum atque determinatum ad faciendum bonum, adhuc tamen posse bonum non tantum non facere, sed etiam malum. Verum est enim istud, non in sensu composito ut vulgò dici solet, sed in sensu diuiso. Quid est hoc? Omnibus positis quae praequiruntur potest facere alterutrum, & non potest facere alterutrum, nisi fiat aliqua mutatio in praequisitis? Quid est quantumcumque vehementi delectatione praeueniatur, potest non facere, hoc est suspendere actionem suam; &, non potest suspendere sub virauis dispositione, non potest suspendere potentia immediata, non potest suspendere nisi definit delectatio, quae vehementer mouet, & adueniat contraria? Non est hæc mirabilis quædam pugna, confusioque cogitationum?

1b. cap. 4. Adde quod dicit eodem libro, dum putat se suam sententiam defendere posse eadem ratione, qua Thomistæ, In libero arbitrio, quantumcumque per gratiam preparato atque determinato, reperiri simultatem potentia ad operandum, & non operandum:

1b. cap. 10. esto non sit potentia simultatis. Et quod idem est: Quamuis duo actus contrarii sint oppositi, & in eadem voluntate simul esse non possint, potestates tamen ad opposita, non sunt oppositæ: nec sibi inuicem, nec actibus oppositis: sed in eodem simul subjecto siue agente, siue quiescente simul commorantur. Est simultas, inquit, potestatum, & potentiarum: & potestas hæc datur voluntati, per viatricem delectationem: Ergo-ne igitur est simultas viatricium delectationum? Est simultas potestatum: & voluntas sub ea dispositione sub qua potest vnum oppositorum, non potest alterum, nisi fiat mutatio in praequisitis? Et quæ est illa mutatio, quæ fieri debet in praequisitis, nisi quia debet cessare id, quo dabatur potestas ad vnum, adueniente potestate ad alterum? Et ibi est simultas potestatum, ubi necesse est vt potestates sibi succedant, & vna det locum alteri?

Iterum, Quid est potestatem ad vnum non habere oppositionem cum actu opposito? Non recordatur se docuisse mouente voluntatem delectatione viatrice, actum oppositum esse
EXTRA ILLIUS POTESTATEM? Et fieri potest vt simul sint ambæ potestates, & tamen actus, qui vni opponitur, non possit dici esse in potestate, ratione alterius? Quod si non po-

test, quomodo non habet oppositionem cum illa potestate, per quam excluditur?

Vitata est ista dissidentium cogitationum pugna in Ianseniana Theologia. Hic autem inde processit deceptio, quod putauerit se eodem modo philosophari posse quo Thomistæ, cum diuersissima sint eorum principia. Nam Thomistæ cum victrice concupiscentia, verbi gratia, ponunt sufficientem gratiam ad resistendum peccato: & cum victrice gratia supponunt etiam naturam esse sufficientem ad resistendum: nec putant quidquam requiri in alterutro casu, quod habeat rationem principii, & virtutis actiue: & ideo dicere possunt simultatem esse potentie ad vtrumlibet oppositorum, immediate ac proximè. Neque vnquam sensum compositum & diuisum sic explicuerunt, vt dicerent voluntatem posse vnum in sensu composito, & in sensu diuiso, hoc est successiue, atque ex hypothesi, quod fiat mutatio in prærequisitis, posse alterum. Nunquam Thomistæ ita sensum illum compositum & diuisum explicuerunt. Iansenius cum neget sub victrice concupiscentia gratiam esse sufficientem ad resistendum, & vicissim, itaque putet necessariam esse successionem aliquam potentie sufficientis ad vnum oppositorum, & sufficientis ad aliud; vult tamen videri idem sentire quod Thomistæ, eademque distinctione sensus diuisi, & sensus compositi euadere posse. In quo admodum fallitur, nec vllum vnquam inueniet ex Thomistis, qui hætenus scripserunt, qui non repellat insinuantem sese, ac doctrine societatem in hac parte falsò affectantem. Scio id quod dicunt Thomistæ suas habere difficultates, de quibus inter nos contentio est; sed aliud est videre quid sentiant, aliud quid contra eorum sententiam objici possit.

Secundò hæc doctrina contradicit Augustino, ex cuius sententia Iansenius putat admittendam esse necessariò indifferentiam in hoc statu viatorum. Probat. Quia si quando Augustinus docuit necessariò admittendam esse indifferentiam; hoc docuerit, dum impugnaret eos, qui eam negabant, cuiusmodi fuerunt Astrologi, Philosophi Stoici Assertores Fati, & potissimum Manichæi: Et ideo testimonia pleraque, ex iis quæ allata sunt superius ad probandam indif-

Sup. contr.
Non. Aug.
c. 2.

ferentiam, sumpta sunt ex libris scriptis contra Manichæos. Et Iansenius ipse hoc fatetur, cum dicit, *itaque respondeo, argumentum esse verissimum, quo concluditur admittere da indifferentia. Quod ab ipso Augustino, Damasceno, Bernardo & cæteris, non solum admittitur, sed velut CATHOLICÆ FIDEI IMMOBILIS BASIS aduersus Manichæos ALIASQUE PESTES, VERITATIS ET LIBERTATIS INIMICAS, inuictissimè defenditur, ac defendi delect.* Debet igitur admitti juxta mentem Augustini indifferentia, quam illæ pestes negabant. Atqui non negabant illam, quam admittit Iansenius. Quodnam enim est vestigium, quod Manichæi dixerint esse in hac vita in quibusdam perpetuam amandi Dei, verbi gratia, necessitatem, in aliis perpetuam necessitatem odio habendi? Vsq̃uam-ne colligi potest ex iis quæ docet Augustinus aded illos insaniuisse, vt negarent vllam esse illorum actuum vicissitudinem, vllamve interruptionem in hac vita, ne in dormientibus quidem?

Et Astrologi & Fatidici, qui ex stellis, vel ex fato in hominum voluntates deriuant certorum actuum necessitatem, deriuant-ne immutabilem necessitatem? Non admittunt varias ac discrepantes pro variis temporibus actuum, etiam contrariorum necessitates? An non igitur admittunt cum proxima ad vnum potentia, esse in voluntate potentiam mediatam, & remotam ad oppositum? An non concedunt voluntati eam flexibilitatem, quâ, *facta mutatione aliqua in præquisitis ad agendum*, voluntas verti possit ad opposita? Sed hæc est Ianseniana indifferentia: Ergo & illam admiserunt Manichæi, & cæteræ pestes humane libertatis, & aliam requisivit Augustinus, cum eos refutauit: ac proinde minimè contentus fuit Ianseniana indifferentia.

Atque hinc patet quàm verum sit, & quàm cohærenter dictum id quod suprâ retulimus ex Iansenio, cum Pelagianis contentiosissimè postularent indifferentiam, Augustinum constansissimè illam negasse: neque vnuquam dum eos impugnat, concordiam diuinæ gratiæ cum libertate per indifferentiam explicuisse. Hæc enim quomodo stare possunt cum eo, quod docet Iansenius, qui putat ex loco illo Ecclesiastici, *Deus reliquit hominem in manu consilii sui*; probari indifferentiam con-

tra Manichæos? Etenim Locus idem adhibetur ab eodem Augustino in libro de gratia & libero arbitrio, ubi disputat contra Pelagianos, & refellit calumniam violatæ libertatis, admissa necessitate gratiæ. Ergo ut satisfaciatur Pelagianis, eo testimonio utitur, quo continetur confessio indifferentiæ à Manichæis negatæ.

Et ideo quod dicit Iansenius ab Augustino *constantissimè* negatam indifferentiam, quam Pelagiani postulabant, adeò non est verum, ut potius dicendum sit constantissimè concessam, dummodo non excluderent gratiam. Quod est, placuisse Augustino rem ipsam, sed improbatum rei modum, quo Pelagiani utebantur. Volebant enim hanc indifferentiam, etiam ex ea parte qua bonum respicit, constitui per naturam, seclusâ gratiâ: & hoc est quod *constantissimè* postulabant. Augustinus è contrario volebat constitui per gratiam: & hoc est quod *constantissimè* contendebat, de cætero paratus *inire pacem* cum illis, & *dextras jungere*, si gratiam illam admitterent, ut manifestè constat ex iis, quæ diximus superiùs. Vnde jam ita possumus argumentari,

Sup. contra
Nou. Aug.
c. 2. arg. 33.

Pelagiani petebant ut admitteretur immediata liberi arbitrii ad vtrumlibet facultas: Sed Augustinus putavit concedendum quod petebant, dummodo non excluderetur gratiæ necessitas; Ergo Augustinus putavit concedendam immediatam ad vtrumlibet facultatem, dummodo non excluderetur gratiæ necessitas. Et hanc fuisse mentem Augustini probari potest ex omnibus iis testimoniis, quæ loco jam citato adducta sunt. Significant enim illam expeditam ad vtrumlibet potestatem, sed respectu boni salutaris, per gratiam, respectu mali, per naturam. Non est quod ea hic repetam. Lector id statim intelligit, si ea relegat.

Tertiò hæc doctrina contradicit Tridentino: quia continet in terminis contradictoriam definitionis ejus sententiâ. Dicere enim liberum arbitrium *motum & excitatum* à Deo; est dicere liberum arbitrium *sub motione, & excitatione*: & dicere, *potest dissentire*, est dicere, habet potentiam & potestatem dissentendi. Atqui Tridentinum definit liberum arbitrium *motum & excitatum posse dissentire*. Ergo definit liberum arbitrium sub motione, & excitatione habere potentiam, & po-

testatem dissentiendi. At juxta doctrinam Iansenii superiùs relatam & explicatam, liberum arbitrium *sub vitæ dispositione* non potest opposita, sed per diuinam motionem accipit potestatem tantùm ad consensum, & vt sit potestas ad dissensum, oportet vt abeat hæc motio, & contraria adueniat. Ergo sub dispositione diuinæ motionis, sicut caret motione contraria, ita etiam caret potestate, & potentia dissentiendi. Ac proinde aut verum est, *motum & excitatum à Deo*, hoc est sub diuina motione *non posse dissentire*: quod est contradictorium Tridentino: aut verum est, quando non habet potestatem, aut potentiam dissentiendi, posse dissentire, quod est ridiculum. Iam autem ostensum est quàm non habeat locum in sententia Iansenii distinctio sensus compositi, & diuisi, quæ locum habet in sententia Thomistarum, ob diuersas eorum hypotheses.

Cap. 15.

Quartò hæc doctrina contradicit Scripturæ. Nam locus ille Ecclesiastici significat euidenter immediatam facultatem ad bonum & malum: quid enim sibi velle possunt verba illa, *Apposuit tibi aquam, & ignem, ad quod volueris porrigere manum tuam. Ante hominem vita & mors, bonum, & malum, quod placueris ei dabitur illi*: postquam ex Sancto Augustino qui eis vtitur contra Pelagianos, locum habent etiam in natura lapsa? Quid inquam sibi velle possunt? Nonne manifestè significant facta per gratiam boni copiâ, perinde expositum esse ignem & aquam, vitam & mortem, hoc est bonum & malum? Equis audeat vbi paritatem Scriptura ponit, disparitatem inducere? Quis ferat nullum esse tempus, in quo possit esse optio boni vel mali: seu in quo vtrumque sit homini propositum; sed vno tempore appositum esse bonum tantùm, & tunc non posse malum operari; expectandum enim esse vt fiat successio dispositionis alterius, quâ adueniente manus extendi poterit ad malum, sed non poterit tunc extendi ad bonum, nisi fiat alia iterum mutatio? Hoc dicere, interpretari est Scripturam, an contumperere?

Eandem vim habet, quod continetur Deuteronom. cap. 30. *Mandatum hoc, quod ego precipio tibi hodie, non supra te est, neque procul positum: nec in celo situm vt possis dicere, quis noster? Num*
vales

valet ad cælum ascendere, ut deferat illud ad nos, ut audiamus, atque opere compleamus. Neque trans mare positum, ut auferis, & dicas, quis ex nobis possit transfretare mare, & illud ad nos usque deferre, ut possimus audire, & facere quod præcipium est. SED IUXTA TE EST SERMO VALDE, ET IN CORDE TVO UT FACIAS ILLVM. Supponamus hominem sub motione concupiscentiæ positum, & ut vult Iansenius motione gratiæ carentem. Ille hoc ipso quod caret gratia, caret etiam potestate obseruandi mandatum, contra quod à concupiscentia impellitur, quia illa potestas non datur nisi per gratiam. Quo sensu igitur potest illi dici, quod tibi præcipitur *non est supra te, nec procul positum, sed est iuxta te, valde in corde tuo?* Habere gratiam, quam Deus non vult dare, non est supra me? Est valde iuxta me, & in corde meo, ut faciam id ad quod habeo tantum potentiam remotam? Et si expectandum est ut veniat Dei gratia, non est pariter expectandum, ut de cælo veniat, vel ut in cælum ascendat, qui gratiam illam afferat? Pete, inquires, & Deus dabit tibi. At numquid pariter verum est in schola Iansenii, dum non peto, denegari gratiam ad petendum? Quid ergo faciam, & quid exigitur à me? Deus non vult mihi dare gratiam, ut impleam mandatum; non vult etiam mihi dare, ut orem, & petam quo indigeo; an est positum in potestate mea, ut Deus habeat voluntatem, quam habere illi non placet? Et quod pendet ex illa voluntate non est supra me? Et ego censebor id posse quod non possum, nisi supposita conditione, quæ non est, & quam ego ponere non possum? Et dicitur iuxta me positum, quod tam procul distat à me, quàm procul eleuatur supra dominium creaturæ Dei voluntas? Non est quæstio jam quid perdidierim, aut potius quid mihi perdidit Adamus.

Quæritur quomodo verum sit, quod Deus jam post illam jacturam mihi dicit: & constat euidenter, si vera sit doctrina Iansenii, falsum atque illusorium esse quod dicit, quod cogitare blasphemum est.

Adde illud quoque Ecclesiastici, quo beatus dicitur *is, qui* Cap. 31. *potuit transgredi, & non est transgressus, facere malum, & non fecit.* Vbi enim est, vel quando fuit ille beatus? nonne manifestum est in doctrina Iansenii nullum vnquam fuisse, qui posset trans-

Tom. 3. lib.
7. de grat.
Solu. cap. 2.

gredi, & non transgredetur? Age, cum propositiones de præterito verificari debeant per verba de præsentī, quodnam unquam fuit momentum, in quo verum esset de aliquo, *Ille iam potest transgredi, & non transgreditur?* Potest-ne quisquam transgredi iuxta Iansenium, si delectatio præpollens concupiscentiæ non ponat transgressionem in potestate voluntatis? Et si illa transgressionem ponit in potestate voluntatis, quisquam-ne potest non transgredi? Quid hic laudatur nisi voluntas, seu volitio non transgrediendi? Est-ne autem ullus, qui potuerit habere illam volitionem, & non habuerit? vel est-ne ullus, qui potuerit volendo transgredi, & non transgressus sit? Laudat ergo Scriptura vel quod nunquam fuit, vel quod omnium est. Nam si sit quæstio de potentia proxima volendi transgredi, nunquam illa fuit, quin fuerit transgressio, vel in effectu, vel in affectu: si verò sit quæstio de potentia tantum remota, nemo est qui ea ratione possit transgredi, & tamen transgrediatur: ac proinde cum dicit Scriptura, *quis est hic, & laudabimus eum?* respondere debet Iansenius, vel nullus est huiusmodi, vel omnes sunt: & consequenter fictitia sunt mirabilia illa, quæ fecisse dicitur hic beatus *in vita sua*, quia vel nusquam sunt, vel communia sunt omnibus hominibus, ac proinde non sunt mirabilia.

Quintò, contradicit hæc doctrina communi sensui omnium mortalium, qui quoties libertatem indifferentiæ concipiunt, concipiunt libertatem solutam à vinculo necessitatis ad vnum determinantis, quæ in sententia Iansenii nunquam reperitur. Semper enim est necessitas, non eadem quidem; sed semper est vna, vel altera: nempe vel illa, quam imponit delectatio iustitiæ, vel illa, quam imponit delectatio concupiscentiæ. Vnde hic reperitur mutatio tantum necessitatis, non verò exemptio. Quemadmodum autem cum cui mutantur compedes, ita ut dum vnæ tolluntur inferantur aliæ, nemo solum dicit aut liberum; quod semper compediatur, esto non eadem compede; ita ridiculum est tribuere voluntati solutionem à necessitate, propterea quod non eidem semper subfit, si semper subest alicui.

Confirmatur, quia quotquot indifferentiam tribuunt voluntati, intelligunt indifferentiam actiuam, & quæ illi conueniat tanquam causæ efficienti; ac in sententia Iansenii, si quam habet passiuæ est, eique conuenit, tanquam subiecto recipienti.

Eò enim res tota reducitur, ut dicatur indifferens voluntas, quia potest recipere vel motionem gratiæ cum qua recipiet necessitatem bene agendi; vel motionem concupiscentiæ, cum qua recipiet necessitatem malè agendi. Ipsa verò nullam prorsus habet optionem ad alterutram, sed tota optio penes Deum est, cui si placuerit dare motionem gratiæ, imponet voluntati vnā necessitatem; si placuerit eam subtrahere, vel negare; statim alia succrescet ex concupiscentia, ipsa etiam nolente, & in contrarium conante iuxta Iansenii principia. Igitur tota quæ hîc reperitur actiua indifferentia penes eum est, qui potest hoc aut illo modo ligare, tota verò quæ in voluntate reperitur, passiuæ est, & mera non repugnantia, ut hoc aut illo modo ligetur. Quo igitur sensu dici poterit per hanc indifferentiam libera voluntas ad agendum, & non agendum? Esse passiuum necessitatis agendi, vel necessitatis non agendi, hocce liberum est? Quis hætenus libertatem ita est interpretatus?

Deinde, Esto, possit voluntas, quæ vni motioni subest dici libera ad agendum id ad quod ea impellit: at tunc non potest dici libera ad oppositum, quia deficiente opposita motione, oppositus etiam effectus extra potestatem voluntatis ponitur ex Iansenio: ac proinde quod dicitur, liberum arbitrium esse liberum ad opposita, falsum erit. quia nullo vnquam tempore poterit verificari propositio. Quotiescumque enim dicitur liberum ad vnum oppositum; aliud erit extra ipsius potestatem. Atque ita diceretur ad summum liberum ad vnum, & aptum recipere libertatem ad aliud, si ea detur: itaque esse actu liberum ad vnum, & hac amissa libertate posse fieri liberum ad aliud. Quem autem vnquam inuenient, qui hanc indifferentiam ita interpretatus sit?

Adde, nec stare posse quod docet Iansenius, ex communi hominum sensu, arbitrium esse liberum idem esse, atque esse *inalligatum*, *inimpeditum*, &c. Sequitur enim inde, si sit liberum ad opposita, debere esse inalligatum ad opposita. Quando autem verum est, liberum arbitrium non esse alligatum ad opposita. Nunquam enim est liberum nisi beneficio alicuius delectationis, ut ille dicit. Sit ergo delectatio iustitiæ, illa ut idem dicit *vinculum* est, per quod alligatur amor iustitiæ, & im-

Tom. 3. lib.
6. de grat.
Solu. c. 2.

peditur ab amore iniquitatis : quomodo ergo tunc dicitur *inalligatum*, respectu oppositorum, cum sit respectu vnus oppositi ligatum, & respectu alterius impeditum ? Certè quotquot hætenus existimarunt libero arbitrio concedendam esse aliquam indifferentiam, existimarunt talem esse concedendam, quæ propriâ illius esset, quâ liberum est. Ea verò quam concedit Iansenius, vt causas alias præteream, conuenit omnino appetitui brutorum. Non nego aliunde differre, quòd voluntas sequatur cognitionem perfectiorem; sed ex parte indifferentiæ, & modo quo voluntati conuenit iuxta Iansenium, constat ex dictis nullum prorsus esse discrimen. Potest enim canis eodem modo in opposita ferri, & eandem rem fugere, quam appetebat, si fiat aliqua mutatio in requisitis ad actionem : & dum vni obiecto per suum appetitum ligatur, solutus est atque inimpeditus respectu cuiuscunque alterius : ac proinde quanta homini tribuitur à Iansenio indifferentia, si attenditur ipsa præcisè indifferentiæ ratio, indifferentia canis est. Atque ex his satis colligitur quod initio propositum est, negatam à Iansenio indifferentiam illam, quam naturalis ratio, quam Augustinus, quam Concilium Tridentinum, quam Scriptura admittendam definiunt : & Apologistam, vel non intellexisse Iansenii sententiam, vel eam dissimulasse, quando dixit non negare illum indifferentiam humanæ voluntatis in hoc statu rerum. Sed examinandum est quod insuper addit, negasse tantum esse libertati necessariam, & videndum an hoc quoque rectè negare potuerit.



CAPVT III.

An rectè Jansenius dixerit indifferentiam ad contrariam, vel contradictoria non pertinere ad rationem liberi arbitrii, sed posse adesse, vel abesse, stante illa libertate.

§. I. Ostenditur hoc dixisse Jansenium, & in eo secum pugnare, nec ab Apologista bene defendi.



Hoc dixisse Iansenium fatetur Apologista, & constat ex locis superius citatis. Loquimur autem de libertate, quæ necessaria est ad meritum, vel demeritum, præmium, vel pœnam. Hoc igitur inprimis nego potuisse à Iansenio dici, nisi vellet secum pugnare. Quid enim est quod paulo antè retulimus, argumento quo concluditur indifferentiam esse admittendam, consentire Augustinum, Damascenum, Bernardum, & cæteros, eamque conclusionem *inuietissimè defendere veluti CATHOLICÆ FIDEI BASIM IMMOBILEM aduersus Manichæos, ALIASQUE PESTES veritatis, & libertatis?* Annon hinc rectè deducitur, ergo qui conclusionem illam negant, hoc est qui negant indifferentiam, *sunt pestes veritatis, & libertatis?* At, si potest abesse indifferentia manente illa libertate, quid ei nocent qui eam tollunt? Et quid est quod dicit, esse *basim*? Quid cadet, si tollatur illa basis, post quam libertas nihilominus stat? Iansenii verba sunt ista. *Itaque si etiam in hac vita Dei inspiratio tam stabiliter, ac delectabiliter, Deo operante, inhaereret voluntati, ut eam non posset abicere FELICISSIMVM, FORTISSIMVM, LIBERRIMVMQUE merito diceretur, atque esset arbitrium, hoc est, si non esset indifferentia, fortissimum, liberrimùmque maneret arbitrium. Quid ergo sustinet illa basis? Et cur dicitur immobilis, quæ tolli potest sine rei vllius ruina? Quod si pestes sunt libertatis, qui sol-*

Lib. 6. de
grat. Sal.
cap. 34.

Cap. 34.
lib. 6. de
grat. Sal.

Lib. 8. de
grat. Sal.
cap. 17.

lunt hanc basim, nonne hac lue infecta est Iansenii Theologia, quæ docet non esse necessariam?

At dicet Apologista, quamvis indifferentia non faciat ad rationem libertatis, est tamen argumentum, quo libertas probari potest, vnde qui hoc negant, censerì possunt esse pestes libertatis. Contrà, est-ne argumentum necessarium, necne? Si est, errat Iansenius, qui necessarium esse negat: si non est, ergo quamvis à Manichæis negetur, non ideo libertas tollitur. Sed examinemus huius argumenti vim. Voluntatem posse facere, vel non facere, medium est, inquiunt ad inferendam ejus libertatem. Ego verò contendo in doctrina Iansenii, medium hoc vel nullum esse, vel esse inutile. Quia si nihil aliud adjungatur, nullum est hoc medium: si quid aliud adjungatur, est inutile. Duobus enim modis potest confici argumentum. Primo in hunc modum. Agens appetituum, quod potest agere vel non agere, consequenter est liberum: Sed hominis voluntas est talis. Ergo &c. Dico nullum esse argumentum. Quia si illud, potest agere & non agere, intelligatur de potentia proxima & immediata, minor est falsa. Constat enim ex Iansenio, talem potentiam non convenire voluntati, in hoc statu. Si verò intelligatur de potentia remota, & ex suppositione quòd fiat mutatio in requisitis ad agendum, maior falsa est. nam eo modo appetitus canis potest agere, & non agere, & tamen non est liber. Est igitur addendum aliquid ad illud medium. Vnde potest formari hoc alio modo argumentum. Agens appetituum, quod ex plena rationis aduertentia potest agere & non agere, liberum est; Sed talis est voluntas. Ergo &c. Concludit quidem argumentum. Sed illud, *& non agere*, quod est in maiori, superfluum est in doctrina Iansenii: quia perinde valet si dicatur, Agens appetituum, quod ex plena rationis aduertentia potest agere, liberum est. Si quis diceret, agens sensitivum, & risibile est animal, quæreremus statim, quid ibi facit *risibile*, cum eo sublato, nihilominus valeat propositio? Pariter dici potest de alia illa, quid ibi facit, *& non agere*, cum perinde valeat, & concludat in doctrina Iansenii, qui vult actionem appetitus rationalis, operantis ex plena rationis aduertentia, eo ipso & incoactam, & liberam esse? Ex eo igitur capite

non sunt rei Manichæi; quòd negent id ex quo libertas inferri potest quocumque modo; sed quòd negent id quod cum ea tam necessariò est connexum, vt nec adesse possit, quin adsit libertas, nec abesse, quin eadem destruat. Huiusmodi autem est indifferentia, prout dicit proximam, & immediatam agendi, & non agendi potentiam. Hæc igitur est *pestis* Manichæorum, qua tacti probantur quotquot similiter dicunt indifferentiam adesse, & abesse posse, illæsa libertate.

§. 2. *Pugnat etiam cum sensu Ecclesiæ & S. Augustini.*

VND E addo secundò, & Ecclesiam, & S. Augustinum indifferentiam sumere ad probandam arbitrii libertatem tanquam medium conuertibile cum prædicato, quale debet esse medium demonstratiui syllogismi. Medium, inquam, quo affirmato, affirmatur quod quis vult concludere, & quo negato, id ipsum negatur. Quòd hæc sit mens Ecclesiæ discimus ex Diuo Thoma quæstione illa sexta de malo, vbi *hereticam* pronuntiat eam doctrinam, non solùm quæ negat ex indifferentia colligi posse libertatem, sed quæ putat eam retineri posse sine indifferentia, cùm dicit *sollere rationem meriti, & demeriti. Non enim*, inquit, *videtur esse meritorium, vel demeritorium, quod aliquis sic ex necessitate agit, quod vitare non possit.* En quid requirat ad meritum, seu quo sublato ruit libertas ad merendum, & demerendum necessaria, *voluntatem sic agere, quod vitare possit*, hæc est indifferentia.

Hanc eandem esse Augustini mentem constat ex argumentis cap. 2. allatis. Nam cùm liberum definiat, per hoc quod est *aliquid esse in nostra potestate*: & aliquid esse in nostra potestate declaret per hoc, *quod si volumus, facimus*, hoc est cuius faciendi, vel non faciendi facultas penes nos est, quæ est expressio indifferentiæ: & hoc *primitus* conuenire dicat actibus voluntatis; manifestum est ex Augustino, indifferentiam pertinere ad definitionem liberi, postquam pertinet ad conceptum ejus, quod est aliquid esse in nostra potestate, per quod liberum definitur. Ergo illa non magis potest abesse, aut negari de libero, quàm possit abesse aut negari de definito id quod pertinet ad ejus definitionem.

Secundò, De quo negatur necessitas quam non possumus admittere aut rejicere, de eo affirmatur indifferentia saltem ad admittendam, aut rejiciendam hujusmodi necessitatem: Sed de actibus omnibus, *quibus perperam, aut rectè vivimus*, negatur necessitas, quæ non sit in nostra potestate, & consequenter quam non possumus admittere, aut rejicere, vt patet ex secundo argumento. Ergo de iisdem affirmari debet indifferentia. Et quia Augustinus non putat admittendam esse *ullo modo* talem necessitatem; consequenter nec putat excludendam *ullo modo* indifferentiam oppositam. Ergo repugnat Iansenio, qui dicit hanc indifferentiam *abesse posse*.

Tertiò, Augustinus non putat volitionem esse liberam, quæ non est elicita, connaturaliter suppositâ plenâ rationis aduertentiâ, vt constat ex tertio argumento, Iansenio & Iansenianis consentientibus. Esse autem sic elicitam, est esse elicitam à principio, habentē rationes agendi & non agendi, vt ibidem ostensum est, & consequenter à principio constituto in indifferentia. Ergo non putat Augustinus volitionem esse liberam, quin sit elicita à principio constituto in indifferentia agendi, & non agendi.

Quartò, Interrogatio illa Augustini, de qua in argumento quarto, *Quis peccat in eo quod nullo modo caueri potest & exequi* ualet huic negatiuæ, *Nemo peccat in eo quod nullo modo caueri potest*: hoc autem idem est, ac dicere, neminem peccare, nisi potentem non peccare, quod est esse indifferentem. Ergo hic quoque apud Augustinum valet consequentia à negatione indifferentiæ, ad negationem libertatis sufficientis ad peccandum. Ergo falsum posse illam abesse.

Quintò, Eundem sensum habet quod relatum est in quinto argumento, de illa disparitate, quam ponit Augustinus inter motum hominis, & motum lapidis, dum dicit, ideo motum hominis illi imputari, quia habet in potestate, vt non moueatur; lapidi autem non imputari, quia non potest non moueri. hoc enim est clarè significare potestatem mouendi se, vel cohibendi motum suum, esse rationem quâ positâ, imputatur motus ei qui se mouet, & quâ sublatâ, non imputatur. Ergo non potest adesse & abesse, stante imputabilitate illa.

In sexto pariter ostensum est, vnicam rationem, qua vtitur Augustinus, cur inexcusabiles sint homines, qui vel ex ignorantia, vel ex infirmitate peccant, eam esse, quòd non desit Dei auxilium, quo possint vincere difficultates illas: ideòque reos esse propriæ negligentiae, de cætero absoluendos, si & aliorum exemplo, & continuis, quibus à Deo pulsantur & intus & foris, inspirationibus, non constaret nulla eos necessitate succumbere tentationibus, sed quia uti nolunt oblata facultate erigendi sese; Ergo hîc quoque monstratur, posse non peccare in peccatoribus requiri, ut iis peccatum imputetur: alioqui non imputandum. Idem expressissimè significatur in septimo, & in verbis illis relatis ex libro de quantitate animæ. *Si ita coguntur, animæ peccare, ut potestas resistendi nulla sit, non peccant.* Idem & in octauo, & illa definitione peccati, ad quam requirit, ut sit *liberum abstinere*, quod monstratum est ex mente Sancti Augustini pertinere ad omne peccatum, propriè dictum, etiam in statu naturæ lapsæ. Idem & in nono, *vbi summæ iniquitati, & insania attribuit Augustinus, peccati reum teneri quemquam, quia non fecit quod facere non potuit.* Et *carere libero ad faciendum, & non faciendum animi motu* negat coniungi posse cum eo, quod est, *voluntate peccare.* Et in decimo, vbi dicit, *nos ideo peccare diligendo corporea, quia & iubemur, & naturâ* PER GRATIAM ADIVTA possumus diligere spiritualia, quæ ratio nulla esset, si peccare possemus, etiam si nec gratiam vllam, nec facultatem haberemus ad abstinendum à peccato.

Cap. 11

Possem hoc modo percurrere argumenta cætera, & monstrare perpetuam hanc fuisse Augustini cogitationem, non solum adesse indifferentiam libero arbitrio; sed etiam requiri, hoc est *abesse non posse*, contrà quàm sentiat Iansenius. Sed hæc sufficiunt, & præstat euitare tædium inutilis repetitionis. Relegat ea lector, si lubet, & inueniet illis ferè triginta quinque Augustini testimoniis perinde probatum, liberum arbitrium stare non posse sine indifferentia, ac probatur reipsa non stare.

§. 3. *Inferuntur ex dictis aliqua contradictiones in Janseniana Theologia.*

Tom. 3. lib.
3. de grat.
Saluat. c. 9.

lib. c. 18.

ATQUE ex his primò constat, quàm sit verum quod dicit Iansenius, Augustinum *nihil omnino de indifferentia ad peccandum, & non peccandum fuisse sollicitum, mordicus illam negauisse* Iuliano postulanti: *Tantum esse silentium istius indifferentie contradictionis, tanquam libertati necessariae, ut ad saluandam arbitrii libertatem sub gratia, numquam vel semel eam adhibuerit in vniuersis suis aduersus Pelagianos lucubrationibus, unde suspicari quis possit esse merum philosophiae factum, & à nullis antiquis Gratiae defensoribus Augustino, Prospero, Fulgentio sub nomine libertatis arbitrii, propugnatam, requisitam, agnitam.* Item modum hunc saluandi libertatem per indifferentiam contrarietatis, aut contradictionis, vel ignotum, contemptumque esse priscis gratiae defensoribus. Item, *ne vel semel probeſſe Augustinum in libro de libero arbitrio, esse illud indifferens.* Et, si Augustini monumenta lustramus vniuersa, quae contra inimicos gratiae Pelagianos exarauit, nusquam vestigium apparere vllum, ex quo colligas ea ratione, vel ab ipso defensam arbitrii libertatem, vel gratiam cum libero arbitrio esse conciliandam, quod scilicet sub gratia voluntatem determinante, ut dicunt Thomistae, simul potestas maneat, ut non velit, & non agat, ut iidem affirmant, dum vtuntur distinctione sensus compositi & diuisi.

Patet inquam ex dictis quàm haec verè dicantur. Cùm ex testimoniis illis allatis ad probandam indifferentiam, aliqua sumantur ex lib. de Bono perseuerant. de Correptione & gratia, de Gratia & libero arbitrio, de Peccatorum meritis, de Spiritu, & litera, qui scripti sunt contra Pelagianos. Alia ex libris de Ciuitate Dei, & ex libris Retractionum, in quibus post exortos & confutatos Pelagianos scriptis, confirmantur. Ad quid autem praedicauit indifferentiam contra inimicos veritatis, nisi uti libertatem ea ratione tueretur? Possem addere, hinc quoque conspici, quàm parum sibi constet hic auctor, dum dicit Augustinum indifferentiam propugnasse aduersus *pestes libertatis, veluti basim immobilem Ca-*

tholica Fidei. Quid enim hæc quæso sibi volunt? Disputavit Augustinus cum Manichæis, ut libertatem defenderet: disputavit & cum Pelagianis, ut probaret stare cum gratia, hoc est de libertate disputavit contra illius destructores: disputavit & contra nimios illius defensores. Ut esse probaret libertatem contra illos, indifferentiam docuit *veluti basim immobilem* Catholicæ veritatis, ut manere monstraret contra istos, de illa basi nihil omnino fuit sollicitus? *Quin & mordicus negavit* Iuliano postulanti? Mordicus negavit *basim immobilem* Fidei Catholicæ? Indifferentiam negabant Manichæi *Catholicæ Fidei basim*; Augustinus quia eam etiam negare videbatur, à Pelagianis Manichæus vocatus est; & ut se purgaret apud Pelagianos, quod eam destruxisset, numquam negavit se destruxisse, nusquam illius meminit, *numquam vel semel eam adhibuit, non propugnauit, non requisivit, contempsit, non agnovit?* Quid? Augustinus numquam negavit crimen, cuius accusabatur à Pelagianis? Iuliano poscenti noluit unquam confiteri *Catholicam veritatem, & basim fidei*, quam contra Manichæos propugnarat? Zelus an providentia illi defuit in Pelagianis ad fidem reducendis, dum quod poterat, & quod debebat, recusavit, negata poscentibus confessione *Catholicæ veritatis, & occultata basi Catholicæ Fidei?* Saltem hoc diceret, se quidem indifferentiam admittere, sed non tanquam necessariam ad rationem libertatis. At, ne semel quidem illius meminisse, nec agnovisse, contempsisse etiam veluti somnium humanæ philosophiæ, quis hoc ferat? Eandem fidei basim petunt, & Manichæi, & Pelagiani: Manichæi, ut diruant; Pelagiani, ut opponant necessitati diuinæ gratiæ; contra utrosque Augustinus pugnat, & ita pugnat, ut contra Manichæos indifferentiam omnino propugnet, contra Pelagianos verò an steterit cum diuina gratia, numquam asserat, hoc est, ejus rei de qua est quæstio, numquam loquatur? Si est basis Catholicæ Fidei esse indifferentiam; est etiam basis Catholicæ Fidei esse sub gratia; utrumque Augustino defendendum est, alterum contra Manichæos, alterum contra Pelagianos; illud defendit, de isto Pelagianis nequicquam urgentibus non cogitavit? O Nou-Augustiniani, ita-ne verò!

Tom. 3. lib.
8. de grat.
Salu. cap. 4.
ib. cap. 5.

Cap. 10.

Sed vide, Lector, rem aliam in Ianseniana Theologia mirabilem. Postquam ostendit Iansenius se suam doctrinam tueri posse per usum distinctionis sensus compositi, & diuisi, vt Thomistæ suam; addit postea quod paulo antè retulimus, si Augustini monumenta lustramus uniuersa contra Pelagianos. exarata, nullum vestigium appariturum, quod eo modo ipse libertatem tueatur. Quod est, usum sensus compositi, & diuisi, rem esse apud Augustinum ignotam, præsertim in ea disputatione, qua Pelagianos impugnavit, negantes libertatem & indifferentiam stare posse cum gratia. Et deinde vt tueatur phantasticam illam indifferentiam, quam admittit, Dicimus igitur, inquit, liberum arbitrium quantumcumque vehementi atque efficaci gratiæ delectatione præuentum, atque determinatum ad faciendum bonum, adhuc tamen posse bonum, non tantum non facere, sed etiam malum. Verum est enim, non quidem in sensu composito, vt vulgò dici solet, sed in sensu diuiso qua de re qui plura volet, auctores, qui de physica prædeterminatione tractant consulendi sunt, sic enim illi indifferentiam contradictionis, atque contrarietatis, quam ipsi libertatem arbitrii vocant, cum illa prædeterminatione conciliant. HOC EST IGITUR QVOD SANCTVS AVGVSTINVS TRADIT, quando toties docet concupiscentiam, & ignorantiam, per quam nunc omnia peccata committuntur, non auferri ex nobis, quamdiu in hac mortali vita versamur: hinc fit enim quod in nobis non solum ipsa potentia voluntatis, quæ de se ad malum flexibilis est, sed etiam pondus ad peccandum remanet, quod est peccandi potestas perfectissima propter quam sanè liberum arbitrium, qualicumque gratia ad agendum rapiatur, rectissime dici potest posse peccare, licet fieri nequeat, vt ipsum peccatum simul in sensu composito cum gratiæ operatione societur. Hoc est, inquit, quod Sanctus Augustinus tradit. Quid tradit? Hoc quod dicunt Thomistæ, dum vtuntur distinctione sensus compositi, & diuisi. Tradit igitur distinctionem illam, & licet iisdem terminis non vtatur, tradit tamen ipsam rem. Hinc verò quid fit? Fit, inquit, vt potestas perfectissima peccandi maneat in nobis, etiam sub motione gratiæ. Vnde iterum fit, liberum arbitrium, quantumcumque rapiatur à diuina gratia, posse peccare, non tamen in sensu composito. Hoc autem est liberum arbitrium esse indifferens: ergo ex doctrina Augustini colligitur, & esse indif-

ferens liberum arbitrium, quantumvis à diuina gratia raptum; & illam indifferentiam bene saluari per distinctionem sensus compositi, & diuisi, siue per rem illis vocibus significatam. Hæc autem ubi tradit Augustinus? Certè si vsquam, maximè in libris contra Pelagianos scriptis, & in ea potissimum quæstione, qua contendit necessariam esse gratiam libero arbitrio concupiscentiæ seruo, hoc est, in ea quæstione, qua coniungi, & conciliari vult liberum arbitrium, & gratiam. In ea igitur quæstione, & indifferentiam docet stare cum gratia, & distinctionem tradit sensus compositi & diuisi, ad eam tuendam. Et tamen Augustinus nihil omnino de indifferentia fuit sollicitus: *mordicus* eam negauit Pelagianis: *contempsit* illam, *non agnouit*: & nullum est in omnibus ejus scriptis vestigium, quod putauerit ea ratione gratiam cum libero arbitrio conciliandam: aut quod adhibuerit distinctionem sensus compositi & diuisi. Hæccine stare simul possunt?


Sed illud quod dicit mirabilius, Augustinum in libro de Gratia & libero arbitrio, *ne vel semel* probasse, esse illud indifferens: cum constet, quod jam antè notatum est, ad probandum liberum arbitrium attulisse locum illum Ecclesiastici, quo, ipso Iansenio consentiente, continetur probatio indifferentiæ contra Manichæos. Eadem scriptura an alium Eccl. c. 15. habet sensum quando Manichæis proponitur, & alium quando proponitur Pelagianis? Et quod dicit Augustinus, vt alia omittam. *Semper est autem in nobis voluntas libera, sed non semper est mala*, quem sensum habet? Nonne intelligit esse liberam ad bonum, & ad malum? Esse autem liberam ad bonum & ad malum, non est esse indifferentem, apud Iansenium? Ergo indifferentem probat Augustinus in libro de gratia & libero arbitrio.

§. 4. *Rejicitur quod dicit Apologista, ita se habere indifferentiam ad definitionem liberi arbitrii, sicut esse mortale ad definitionem hominis.*

CONSTAT tertio, nihil esse quod dicit Apologista, Patres ita definire liberum arbitrium per indifferentiam

agendi & non agendi, quemadmodum definiunt interdum hominem, quòd sit *animal rationale, mortale*. A qua definitione sicut tolli potest *τὸ mortale*, retentâ hominis essentiâ, ita manere naturam liberi arbitrii, sublatâ indifferentiâ: sed est absurda cogitatio. Ponamus enim duas istas definitiones, Homo est animal rationale, mortale: & istam, Liberum arbitrium est facultas agentis intellectiui, quæ potest agere, & non agere. Tolle jam à priori *τὸ mortale*: remanet integra definitio, nempe homo est animal rationale. Tolle à posteriore *τὸ, quæ potest agere, & non agere*. Quid manet? Facultas agentis intellectiui præcisè est-ne liberum arbitrium? Manifestum igitur est discrimen: & vel ex hoc conuincitur ex mente Patrum, indifferentiam esse libero arbitrio essentialem. Quia, id quo sublato destruitur alicuius rei definitio, maximè pertinet ad essentialiam: Sed sublatâ indifferentiâ destruitur liberi arbitrii definitio illa, quam sancti Patres solent tradere: Ergo indifferentia maximè pertinet ad essentialiam liberi arbitrii, ex mente Patrum. Patres, quorum meminit Apologista, numquam definiunt hominem per *τὸ mortale* solum, sed per rationale mortale, hoc est per differentiam necessariam, & superfluum. Vnde ablatâ superfluâ, remanet necessaria. At verò liberum arbitrium passim definiunt, indifferens ad agendum & non agendum, nullâ aliâ appositâ differentiam. Et ideo si hæc tollatur, exhauritur definitio, sublatâ differentiam, & relicto solo genere. Quare Apologista parum feliciter usus est occasione ista explicandæ suæ eruditionis.

Addo neminem ex Patribus dicere vnquam, si homo desinat esse mortalis desitutum esse hominem, hoc enim hæreticum est. At jam constat plusquam triginta testimoniis Sancti Augustini, liberum arbitrium non fore liberum, quantum satis est ad merendum, & demerendum, si non esset indifferens. Vidimus id ipsum teste Sancto Thomâ pertinere ad doctrinam fidei. Ostendimus id dicendum consequenter ad principia etiam ipsius Iansenii. Et si hæc non sufficiunt,



§. 5. *Neccssitas indifferentiæ ad libertatem arbitrii probatur ex Tridentino, & ex Bulla contra Baium, & Jansenium.*

PROBATVR vltimò tum ex Concilio Tridentino, tum ex definitionibus Pontificum, contra Michaelèm Baium, atque Iansenium. Nam quod attinet ad Concilium Tridentinum. Nemo dubitat quin definierit quod erat necessarium ad tuendam libertatem arbitrii contra Calvinum: hoc enim, & Catholici omnes putant, & Calvinus ipse ita interpretatus est, dum credidit se peti definitionibus Tridentini. Atqui neque Calvinus in alio contradicit Tridentino, quod attinet ad hanc quæstionem: neque Tridentinum in alio damnat Calvinum, quàm in hoc puncto, quòd liberum arbitrium possit dissentire motioni gratiæ, eoque sensu habeat vim electiuam in utramque partem solutam & liberam, quod est id quod potissimum Calvinus negat, cùm consentiat in cæteris v. g. quòd liberum arbitrium agat, quòd agat voluntariè, quòd agat sine coactione, vel sine necessitate coactionis, quòd agat cum maxima inclinatione, quòd agat suppositâ rationis aduertentiâ: ista omnia concedit Calvinus, & illud vnum negat, *ita agere, ut possit non agere*. Ergo vel non destruxit arbitrii libertatem, contraquàm putant omnes Catholici; vel in hoc destruxit: & pariter, vel Tridentinum non asseruit arbitrii libertatem, contra Calvinum, vel in hoc asseruit. Ergo indifferentia est id, quo stabilito, stabilitur arbitrii libertas, & quo negato, negatur. Et qui repugnant, hoc demum agunt, ut videatur Calvinus pugnasse pro vera & propria, hoc est essentiali libertate arbitrii: Tridentinum autem pro spuria, & accidentali.

De definitionibus Pontificum constat ex Bulla, contra Baium, & contra Iansenium, in qua damnantur hæ propositiones. *Quod voluntariè fit, etiamsi necessariò fiat, libere tamen fit. Sola violentia repugnat libertati hominis naturali. Is libertatis modus, qui est à necessitate, sub libertatis nomine non reperitur in scripturis, sed solum nomen libertatis à peccato. Homo peccat etiam*

damnabiliter in eo, quod necessario facit; quibus addi possunt hæ: Pelagianus est error dicere quod liberum arbitrium valet ad illum peccatum vitandum. Item, Liberum arbitrium sine Dei adiutorio non nisi ad peccandum valet. Definitiva hæc sententia, Deum homini nihil impossibile præcepisse, falsò tribuitur Augustino, cum Pelagii sit. Quibus propositionibus damnatis, apertum est, damnari doctrinam, quæ indifferentiam non putat esse necessariam libero arbitrio.

Tom. 3. l. 6.
cap. 16.

Iansenius duas tantum priores refert, & duplicem adhibet solutionem, ut eligat Lector eam, quæ illi magis arriserit. Respondet igitur primò, *Respectum haberi ad significationem huius temporis, quo liberum nihil dicitur à Scholasticis, nisi quod sit cum indifferentia, saltem contradictionis: & quidquid non ita sit, non liberum vocant. Illam autem significationem non ita fuisse à veteribus Patribus usurpatam, ex allegatis testimoniis id expressè constantibus apertiissimum esse, & multo pluribus demonstrari posse: hoc ergo sensu vulgatissimo certum esse, utramque propositionem falsam. Istorum verborum hæc est candida sententia, Scholasticos iam libertatem arbitrii constituit in indifferentia agendi, & non agendi: Patres antiquos constituisse illam in immunitate à coactione, suppositâ rationis aduertentiâ: Pontifices damnantes propositiones prædictas conformasse iudicium suum Scholasticis potius, quàm Patribus. Atqui videndum est utri potius verum dicant. Hoc etiam Iansenius explicat his verbis: *Et sanè si non est alia libertas vera voluntatis quàm agendi & non agendi, seu faciendi & abstinendi ab eo quod facis; gravissima absurda evitari nequeunt, quibus non solum tota doctrina Augustini funditus concutitur; sed etiam sensus Christiana pietatis leditur, & communis offenditur. Ita ille orditur caput, cui titulum præfixit, Afflictionis sequuntur. Addit paulò post, effectum gratiæ diametraliter repugnare philosophicæ libertati, seu indifferentiæ libertatis. Similia pleraque apud Iansenium occurrunt contra indifferentiam, tanquam libertati arbitrii necessariam. Vnde sequitur in hac controuersia, qua disputatur, utrum libertas consistat in indifferentia, vel eam includat necessario, Scholasticos qui partem affirmantem sequuntur, non solum Augustino repugnare, sed**

Tom. 3. l. 7.
cap. 14.

sed etiam *ledere sensum Christianæ pietatis* : & docere *quæ di-*
metraliter repugnent effectui gratiæ : & vnde sequantur *septem*
absurda admodum graua : qui verò contrà sentiunt, consen-
 tite Augustino. Et quia in hac parte Augustini sensus, Ec-
 clesiæ antiquæ sensus est, vt dicitur in præfatione libri sexti;
 eosdem antiquam Ecclesiæ fidem tenere. Quæ cum ita sint,
 quatuor tamen Summos Pontifices, qui vel promulgarunt,
 vel confirmarunt Bullam contra Baium atque Iansenium, Tom. 3.
 sequi maluisse Scholasticos quàm Patres illos, hoc est, sequi
 maluisse errantes, quàm rectè sentientes. Hæc est sententia
 Episcopi Catholici, de cætero auctoritatis Sedis Apostolicæ
 obseruantissimi. Sed mirabile est quod addit, *hoc sensu vul-*
gatissimo scholasticorum, *certum esse propositiones illas esse falsas*,
 quasi diceret, consequenter fuisse damnandas. Ex eo enim se-
 quitur potius non fuisse damnandas. Cum enim vulgatissimus
 ille sensus, erroneus sensus sit; quod non est falsum nisi ex præ-
 sumpta veritate erroris, dici debet verum potius quàm fal-
 sum : neque vt falsum damnari potest, nisi ab eo qui errat.

Secunda solutio est, prædictas propositiones esse falsas,
 quòd non excipiantur motus improuisi, qui & voluntarii
 sunt, & sine violentia, nec tamen sunt liberi. Voluisse igitur
 Pontifices stabilire tales motus non esse liberos, ne ireretur in
 errorem humanæ vitæ perniciosum, quem hæretici hujus
 temporis protulerunt. Sed primò ostendendum esset quinam
 sint hæretici hujus temporis, qui dixerint motus illos esse li-
 beros. Dicunt quidem esse peccata, sed non ideo esse libe-
 ros. An illis maiorem tribuunt libertatem, quàm ipsis actibus
 voluntatis beneficio gratiæ elicitis, quibus eam negant?
 Deinde, ne quod dicitur in primis illis propositionibus in-
 telligeretur de motibus indeliberatis, satis erat prouisum à
 Baio in prop. 75. vbi habetur, tametsi motus illi sint prohi-
 biti præcepto *non concupisces*, & contineant transgressionem,
 & veram inobedientiam, *non tamen in peccatum deputari* : quod
 est dicere, non habere sufficientem libertatem ad imputabi-
 litatem culpæ & demeriti.


Quòd si ea cogitatio Pontifices tangebatur in damnandis
 propositionibus illis, ne scilicet *occasionem darent hæreticis*, non-
 ne debuerant juxta doctrinam Iansenii, abstinere potius à

censura : cùm sit manifestum ex illa censura conjuncta cum doctrina Iansenii sequi conclusionem Caluini ? Nam cùm doctrina quæ continetur duabus illis propositionibus : *Quod voluntariè fit, etiamsi necessario fiat, liberè tamen fit, & Sola violentia repugnat libertati hominis naturali*, hac vna propositione includatur, *Sola necessitas agendi quæ violenta est, repugnat libertati* : & hujus propositionis damnatio sit approbatio contrariæ ; sequitur hanc esse approbatam, *Necessitas agendi, etiam illa quæ non est violenta, repugnat libertati*. Et quia violentia cum coactione confunditur apud Iansenium, sequitur istam pariter approbatam, *Necessitas agendi, etiam illa quæ non est coactiva, repugnat libertati* : cui si hæc alia addatur Ianseniana propositio, *Sed in actu voluntatis consentientis divina gratia, vel concupiscentia, est talis agendi necessitas* ; inde sequitur Caluini conclusio, *Quod in illo actu non est libertas*. Occasionem ergo ita concludendi vitare potius debuerant Summi Pontifices, si bene Iansenius philosophatur. Supponi autem aduertentiam rationis in iis de quibus fiunt propositiones illæ, perspicuum est ; quia vbi non est talis aduertentia, dicitur transgressio non imputari ad peccatum, vt retulimus ex Baio ; & vbi est prædicta necessitas, dicitur imputari : vnde est illa propositio, *homo peccat etiam damnabiliter in eo quod vitare non potest*. Igitur vbi est talis necessitas, supponitur non deesse vsus rationis, & tamen definitur quòd tollat libertatem. Videant igitur Baiani quid negare velint, an minorem propositionem quæ Iansenii est, an maiorem quæ definitur à Summis Pontificibus, ne cogantur conclusioni consentire, quæ est Caluini. Cerrè admodum absurdum esset, si quis veller omnes illas propositiones antea relatas, quibus excluditur indifferentia, de pueris interpretari, vel de amentibus, quasi Baius de illis tantum loquutus sit. Et est notandum inprimis id quod dicit idem Baius, *Scripturam non vocare libertatem, eam quæ est libertas à necessitate*. Vult enim significare, dummodo sit libertas à peccato, parum referre iuxta sensum Scripturæ, quòd sit aut non sit libertas à necessitate, quæ est ipsa Iansenii doctrina, consequenter damnata in illa propositione.

CAPVT IV.

De Sententia S. Thomæ.

§. I. Explicatur quod obijcitur ex S. Thomæ, 3. contra gentes cap. 138.



PROPOSITUM est in hac controuersia sententiam potissimum exquirere Sancti Augustini. Sed quia monet Apologista, quid senserit Sanctus Augustinus, ex Sancto Thoma posse disci; videamus quid sentiat Sanctus Thomas iis locis quos ille citat. Citat autem inprimis lib. 3. contra gentes cap. 138. ubi Sanctus Doctor dicit, *Esse quandam necessitatem ex interiori inclinatione procedentem, qua laudem virtuosæ actus non minuit, sed auget. Facit enim voluntatem magis attentè tendere in actum virtutis; & quantò fuerit perfectior, tantò vehementius voluntatem faciet tendere in bonum virtutis, & minùs ab eo deficere, & si ad finem perfectionis deuenierit, quandam necessitatem infert bene agendi, ut in beatis qui peccare non possunt.*

Lib. 3. Apol.
2. cap. 3.
punct. 4.

Vnde inferendum est, ergo indifferentia contradictionis non est necessaria libero arbitrio. Sed huic Apologistæ dici potest illud, *Putas-ne intelligis qua legis? Quid enim est esse quandam necessitatem, qua cum deuenierit ad finem perfectionis infert quandam necessitatem bene agendi ut in beatis?* Non hinc rectè sequitur, ergo antequam deueniat ad illum finem, est necessitas quæ nullam infert necessitatem bene agendi? Ergo est necessitas quæ relinquit in hac vita paratam in vtrumque oppositorum facultatem, & bicornem illam libertatem, à qua ne feriatur Iansenius tantopere sibi cauet. Quid igitur fiet de illa doctrina, qua sub delectatione iustitiæ dicitur esse in hac vita inuicta necessitas bene agendi, & sub delectatione concupiscentiæ inuicta necessitas malè agendi, adeò ut oporteat mutari dispositionem illam, ut voluntas feratur in oppositum? Non intelligit Apologista Sanctum Augustinum

hoc loco Sancti Thomæ lingua verberare Iansenismum, & præcipuas quibus fulcitur columnas subuertere? Sed pergamus.

Hæc necessitas (inquit Diuus Thomas) cùm deuenierit ad finem perfectionis, *quandam necessitatem inferi ad bene agendum*. Quænam est ista *quandam necessitas*? Id ipse statim explicat, *sicut est in beatis qui peccare non possunt*. Hæc verò est necessitas opposita indifferentiæ ad contraria, hoc est ad faciendum bonum, aut malum: & quæstio nostra est de necessitate opposita indifferentiæ ad contradictoria, hoc est, ad agendum vel non agendum. Nonne igitur in Apologistam aptissimè quadrat quod alicubi Iansenius exprobrat ei qui de cæpis interrogatus, de aliis responderet? In beatis excepto Deo clarè viso, & iis objectis quæ cum eo intelliguntur habere necessariam connexionem, indifferentia est perfectissima ad agendum vel non agendum: ideòque est liberum arbitrium, quamuis sit impossibilitas malè agendi, hoc significat Diuus Thomas, & nihil aliud.

Quòd si Apologista seriò voluisset cognoscere mentem Sancti Thomæ, & consequenter sancti Augustini circa necessitatem indifferentiæ contradictionis ad constituendam rationem liberi arbitrij, non deerat vel ex hoc ipso opere contra gentes vnde Iansenismum dedisceret.

§. 2. *Ostenditur pluribus aliis testimoniis ex eadem Summa contra Gentiles, indifferentiam ad libertatem arbitrii necessariò requiri.*

cap. 68.

OCCURRISSET enim primò quod est in libro primo, ubi cum influentia causæ primæ stare dicit dominium quod habet voluntas in actus suos: & illud dominium indifferentiam includere ad contradictoria: & excludere determinationem virtutis ad vnum. Vnde sequitur nec in Deo esse dominium respectu amoris quo se amat: nec in beatis respectu amoris quo Deum amant, cùm utrobique sit virtus ad vnum determinata, & absit indifferentia. Verba Sancti Thomæ sunt: *Dominium autem quod habet voluntas supra suos actus,*

per quod in ejus est potestate velle, vel non velle, EXCLVDIT DETERMINATIONEM VIRTUTIS AD VNVM, & violentiam causa exterius agentis: non autem excludit influentiam superioris cause à qua est in esse, & in operari.

Occurrisset secundò ex libro 2. *Inueniri in substantiis creatis* Cap. 47. *quasdam, quæ non agunt seipsas ad operandum, sicut inanimata, plantæ, & animalia bruta. Non enim est in eis agere, & non agere. Esse autem substantias intellectuales quæ se agunt ad operandum: & hoc esse proprium voluntatis, per quam substantia aliqua est domina sui actus, VTPOTE IN IPSA EXISTENS AGERE ET NON AGERE.* Et quia Iansenius fatetur dominium in suum actum pertinere ad rationem liberi arbitrii; statim intulisset, pertinere igitur ad rationem liberi arbitrii, *agere, & non agere*, quæ est indifferentia contradictionis: nec aliam esse rationem cur illud non reperiatur in brutis, quàm quia in illis non reperitur talis indifferentia.

Occurrisset tertio ibidem vera ratio, cur liberum arbitrium non possit non esse indifferens. Nempe quia *intellectualia habent judicium de agendis non determinatum ad vnum.* Vnde fit, quia voluntas quæ ab intellectu mouetur, debet esse proportionata mouenti se, *nec ipsam esse à natura determinatam nisi ad bonum in communi: & quia communis illa ratio boni participatur ab hoc & illo particulari bono; consequenter manere voluntatem indeterminatam ad quodcumque bonum particulare: nec adigi ex natura sua vllâ necessitate, vt vnum appetat: quandoquidem aliud quoque bonum pariter est: Ergo dum præluet illa indeterminata cognitio, esse consequenter indifferentem, & indeterminatam voluntatem ad sequendum quod proponitur: ac proinde idem esse loqui de volitione, quæ sequitur ex præuia rationis aduertentia, circa bona creata, vel circa increatum obscure cognitum; ac loqui de volitione elicita à principio indeterminato, & indifferenti. Qua vna solutione, velut vno ictu præcidisset Apologista immanem syluam inutilium argumentorum, quibus Iansenius conatur ostendere, tum ex Sancto Augustino, tum ex Sancto Bernardo, atque aliis, propterea non requiri indifferentiam ad libertatem arbitrii, quòd illi Sancti Patres asserant, hoc ipso quod aliquid voluntate*

fit, liberè fieri. Cùm enim intelligant volitionem prælucenti judicio rationis conformem; quid mirum, quòd significant eo ipso quòd est talis volitio, esse liberam, cùm eo ipso sit elicità à principio indifferenti?

Cap. 73.

Occurrisset quartò quòd est libro 3. Vbi pro eodem accipit libertatem voluntatis, & modum illum quem habet operandi contingenter, & cum potestate ad vtrumlibet. Et ideo vt probet pertinere ad prouidentiam conseruare libertatem, argumentum petit ex eo quòd debeat conseruare quòd est perfectionis in creatura, potius quàm quòd est imperfectionis. *Perfectionis autem esse in voluntate quòd contingenter agat, QVIA NON HABET VIRTUTEM LIMITATAM AD VNVM: ET HABET IN POTESTATE PRODVCERE HVNC EFFECTVM VEL ILLVM: propter quòd est contingens ad vtrumlibet.* Vnde concludit, *magis igitur pertinere ad prouidentiam diuinam, conseruare libertatem voluntatis, quàm contingentiam in naturalibus causis.* Quæ ratio nihil probaret, nisi potestas illa ad vtrumlibet, crederetur esse à Sancto Thoma vel ipsa libertas, vel intrinseca libertati. Et valde notandum est, quòd contingentiam in causis naturalibus tribuat imperfectioni, in voluntate autem perfectioni. Nulla enim est alia ratio, quàm quia numquam contingit causam naturalem non producere effectum suum, quin sit aliquis defectus, seu defectus alicujus necessarii ad agendum: at verò voluntas non agit, etiam tum cùm nihil deest ad agendum; sed ex mero dominio quòd habet in suum actum, cujus exprimendi aut supprimendi arbitrium habet. Quòd apertè significat immediatam ad vtrumque potentiam.

Cap. 75.

Occurrisset quintò ex eodem libro 3. *Quòd licet homo per voluntatem & liberum arbitrium sit dominus sui actus, non tamen est dominus suarum naturalium potentiarum: & ideo licet liber sit ad volendum, vel ad non volendum aliquid; non tamen volendo facere potest quòd voluntas in eo quòd vult, ad id quòd vult vel eligit immobiliter se habet.* Supponitur adesse vtroque Dei gratia, & cùm homo ex libertate & cum indifferentia aliquod bonum vult; & cùm immobiliter se habet ad id quòd vult. Et tamen in ea suppositione negat S. Thomas & dominium & libertatem esse in secundo casu, asserit autem ef-

se in primo, in quo reperitur indifferentia. Quod quis non videt quàm capitaliter repugnet doctrinæ Iansenii, qui contendit & dominium perfectum, & plenam arbitrii libertatem reperiri potissimum in iis actibus atque objectis quibus voluntas *immobilitè inseparabiliterque* adhæret.

Cap. 159.

Occurrisset sexto ex eodem libro, *Cùm sit in potestate liberi arbitrii IMPEDIRE DIVINÆ GRATIÆ RECEPTIONEM, VEL NON IMPEDIRE; NON IMMERITÒ IN CVLPAM IMPVTARI EIQUE IMPEDIMENTVM PRÆSTAT GRATIÆ RECEPTIONI. Deum quantum in se est paratum esse omnibus gratiam dare. Velle enim omnes homines saluos fieri, & ad cognitionem veritatis venire, ut dicitur ad Tim. 2. Sed illos gratia priuari, qui in se ipsis gratiæ impedimentum præstant; sicut sole mundum illuminante imputatur ei qui oculos claudit, si ex hoc aliquid malum sequatur, licet videre non possit nisi lumine solis præueniatur. Quid est autem ideo imputari homini, quòd ad Deum non conuertatur, quòd sit in potestate liberi arbitrii impedire vel non impedire ne gratiam ad conuersionem necessariam recipiat? Nonne idem est, ac ex indifferentia quam habet ad impediendam vel non impediendam Dei gratiam, sequi imputabilitatem non conuersionis, quæ nulla foret, si talis indifferentia deesset? Nam quod dicit sequenti capite, *Si homo per inordinationem præcedentem declinauerit ad malum, non esse omnino in potestate ejus nullum impedimentum gratiæ ponere per peccatum: explicat Sanctus Doctor quomodo intelligatur. Nimirum vult non posse abstinere ab omni peccato longo tempore: sed aliquo tempore abstinere posse putat ab omni: & semper à quocumque determinato sigillatim sumpto. Hoc enim significat cùm dicit, *Et si enim ad aliquod momentum ab aliquo peccati actu particulari possit abstinere PROPRIA POTESTATE, si tamen diu sibi relinquitur, in peccatum cadet, per quod gratia impedimentum præstat. Et iterum: Præterea, licet ille qui est in peccato non habeat hoc in propria potestate, quòd omnino vitare peccatum; HABET TAMEN POTESTATEM NVNC VITARE HOC VEL ILLVD PECCATVM, ut dictum est, unde quodcumque committit, voluntariè committit, & ita non immeritò ei imputatur ad culpam. Vbi vides iterum propterea imputari quodcumque peccatum, quia ita voluntariè***

fit, ut vitari possit, hoc est, quia cum indifferentia committitur. Quomodo autem aliquo tempore vitari possit & aliquo non possit, paulo antè docuit cum dixit. *Illud autem ad quod mens magis se habet eligit, nisi per rationis discussionem ab eo quadam sollicitudine abducatur. Non est autem possibile mentem hominis continuè in illa vigilantia esse, ut per rationem discutiat quid quid debet velle, vel agere. Vnde consequitur, quòd mens aliquando eligat id ad quod inclinatur inclinatione manente. Et ita si inclinata fuerit in peccatum; non stabit diu quin peccet, impedimentum gratia præstans, nisi ad statum rectitudinis reducat. Constantiam nimirum, & diuturnam in peccato vitando perseverantiam tantum negat, propterea quòd etsi per rationis discussionem abducere mentem possit à peccando in vna occasione; at ita semper vigilare succedentibus aliis occasionibus, non est fragilis & corruptæ ac cæcipientis naturæ. Itaque hinc habemus & indifferentiam ad imputabilitatem peccati necessariam, & potestatem liberi arbitrii ad vitandum peccatum in quod cadit, saltem cum communibus auxiliis; unde fiat indignus ulteriori gratia conuersionis: quod capitaliter repugnat Iansenianæ peccandi necessitati.*

At numquid dissimulandum est illud quoque, quo aliam Iansenismi columnam euertit, de Deo nolente saluare nisi prædestinatos, & de salute reprobatorum hominum nihilo magis cogitante quàm de salute diaboli? Quid est, *Deus quantum est de se paratus est omnibus gratiam dare quod velit omnes homines saluos fieri, & ad cognitionem veritatis venire?* De iis loquitur qui gratiæ impedimentum præstant ne conuertantur & saluentur. Ergo illis ex Sancto Thoma paratus est Deus quantum est in se dare gratiam conuersionis, si ipsi non se impediunt per peccatum, idque consequenter ad voluntatem quam habet ut omnes salui fiant. Quid igitur faciet Iansenius, ne videatur Sanctus Thomas hac in parte cum Molina, cum Lessio, cum Suare, cum Vasquesio Pelagianus? Huc huc debuerat Apologista oculos vertere, ut videret antiquum Augustinum ore Sancti Thomæ contra nouum tonare.

§. 3. Soluitur aliud testimonium ex quaestione decima de
Potentia.

LOCUM alium proponit Apologista ex quaestione decima de Potentia ar. 2. ad 5. ubi dicit *Deum liberè se ipsum amare, & Spiritum Sanctum liberè procedere à Patre & Filio, non tamen possibiliter, sed ex necessitate.* Sed non debuit dissimulare quod Guillelmus Estius 2. sent. dis. 24. §. 2. alique auctores passim observant, libertatem apud Divum Thomam, & libertatem arbitrii, sic distingui, quemadmodum genus à specie: ac dici quidem à D. Thoma Spiritum Sanctum liberè procedere, sed non arbitrariè, cum constet ex centum locis, libertatem arbitrii versari tantum circa contingentia. Et hoc significat D. Thomas, cum dicit Spiritum Sanctum procedere à voluntate *naturaliter & in quantum voluntas est natura quadam ad unum determinata*; non verò in quantum voluntas contra naturam distinguitur, in eo quod *voluntas sit eorum quæ possunt sic vel aliter esse*: Deum etiam *velle & amare se naturaliter*, hoc est voluntate quidem, sed non ut est voluntas, sed ut est quædam natura: eodemque modo tendere hominem in beatitudinem: quæ est clarissima distinctio inter operationes voluntatis arbitrarias & non arbitrarias: hoc est liberas libertate arbitrii, & non liberas, sed naturales & necessarias. Qua distinctio intelligitur quæ sit legitima interpretatio aliorum etiam locorum, quæ objici solent.

2. par. q. 41.
art. 2. in
corp.

Nec habent Ianseniani quod opponant. Distinctio enim admittitur à Iansenio, cum dicit, *Ex quo fit ut quemadmodum necessitas & necessarium; ita & natura, & naturale opponatur voluntati & voluntario, siue libero.* Et hoc probat ex Augustino, apud quem dicit *idem valere*, aliquid esse naturale, quod non esse in nostra potestate. Vnde jam ita possumus argumentari. Quod oritur ex aliquo principio naturaliter, seu per modum naturæ, prout opponitur modo proprio voluntatis, non est liberum libertate arbitrii ex Iansenio: Sed tum spiratio activa, tum amor quo se Deus amat, oritur à voluntate *naturaliter*, seu ut illa participat quemdam modum naturæ, qui

10. 3. 1. 6.
cap. 6.

opponitur modo voluntaris ex Sancto Thoma. Ergo nec spiratio actiua : nec amor quo se Deus amat est liber libertate arbitrii. Vide quæ dicentur inferiùs contra Commentatorem cap. 3. testimonio 9. & 41.

§. 4. *Quam mereantur fidem narrationes Apologista.*

HÆc impræsentiarum cum Apologista visa sunt disputanda: ex quibus conjectura sumi possit quàm ille solidè, quàmque securè Theologiam tractet in aliis quæstionibus. Sed vt etiam conjici possit quantum illi fidei debeat in iis quæ narrat; adjungam duo vel tria, quæ id ostendunt. Nam primò fidenter asserit bullam Urbani contra librum Iansenii esse subrepticam : & quidquid in ea continetur de Iprensi Episcopo, intrusum fuisse ab inimicis illius auctoris, contra intentionem Summi Pontificis, hæc ille Apologiâ 2. lib. 1. cap. 14. atque hoc ei videtur ita clarum, vt dubitare posse neminem putet, *nisi qui sibi oculos erueris.*

Il faut se creuer les yeux, pour douter encore, que cette Bulle soit obreptice, & que ce ne soient les aduersaires de Monsieur d'Ipr. qui par des menées secrètes ont empêché qu'on ne suivist les intentions de sa Sainteté : & ont rendu cette Bulle aussi conforme à leur passion qu'elle est contraire à la volonté du Pape.

Erant jam tunc tot *brenia*, tôtque declarationes Summi Pontificis in confirmationem bullæ, vt necesse fuerit, non oculos sibi eruere qui hæc scripsit, (neque enim puto aded cæcum fuisse, vt non viderit se falsum scribere) sed frontem perdere, dum tam confidenter mendacium aded publicum affirmare ausus est.

Intererat autem sciri, quinam essent illi, quos tantæ præuaricationis reos accusabat. Id ipse declarat alio, nihilominus splendido mendacio, lib. 4. cap. 12. cùm dicit *Iesuitas esse qui circumuenere sanctam Sedem*, & Urbani bullam suffurati sunt; cùm constet eorum omnium testimonio, qui rerum hac occasione gestarum consciï sunt, Iesuitas nec in censura libri, nec in bullæ dispositione, aut editione vllam prorsus partem habuisse.

Non omitтам tertium hujus hominis mendacium, quo generosè *sustinet numerum Episcoporum Gallie, qui librum Iprensis Episcopi positiuè propugnans, sicut librum excellentem, & plenum sanctissima & Catholicissima doctrina, majorem esse quàm numerum eorum qui improbant.* Quod quàm sit verum, intelligi potest ex eo quod nunc agitur. Cùm enim Episcopi Gallie vniuersi, sint circi-

lib. 1. cap. 11. Nous soutenons, que le nombre des Euesq. de France, qui soustie-

CONTRA APOLOGISTAM IANSENII. CAP. IV. 249

ter centum quatuordecim, qui contra Iansenium nuper scripsere ad Summum Pontificem, numerantur aliquot supra octoginta: qui pro Iansenio, decem aut duodecim.

Ex his Lector facile intelliget, quantum sit illi fidei habendum in iis, quæ sub finem Apologiæ secundæ fabulatur, de disputationibus tempore Clementis VIII. & Pauli V. habitis, super controuersia de auxiliis: ubi testimonia ex actis quibusdam manuscriptis, quibus notæ omnes desunt authenticæ scripturæ, nec aliud sunt quàm farrago quædam fabellarum, ex variis incertisque rumoribus collectarum, eâdem fiducia proponit, ac si sumpta essent ex ipso Euangelio. Obedientem affectui fidem habuit; sed habere debuerat & conformem prudentiæ, ac necessario, quo tenentur scriptores, veracitatis officio.

nent positif-
uement le
liure de
Monsieur
d'Ipres, cõ-
me vn liure
excellent, &
d'vne tres-
sainte & tres
catholique
doctrine,
ESTRE PLUS
GRAND QUE
LE NOMBRE
DE CEUX
QVI L'IM-
PROVENT.



EXAMINATVR COMMENTARIVS

Anonymi in tertiam propositionem à Sorbonicis Doctoribus damnatam.

CAPVT I.

Causa & ratio scribendi huius Commentatoris.

§. 1. *De gestis apud Sorbonam in causa Jansenii.*



Vo circiter anni sunt, cùm Parisiis, in consuetis Sorbonæ comitiis, prima mensis Iulii Syndicus conquestus de quorundam Baccalaureorum audacia, qui expunctas è thesibus Iansenianas propositiones reponebant & propugnabant, petiit vt designarentur certi Doctores, ad examinanda talia quædam pronuntiata, quorum audito iudicio, sequenti mense Augusto statui posset à tota Facultate quid permittendum, quid vetandum esset. Placuit consilium, designatique sunt Doctores nouem variorum Ordinum, variarumq; Domorum, qui toto mense Iulio, & studio quilibet priuato, & statis simul omnes congressibus, cùm suam concepissent censuram in aliquas huiusmodi propositiones, initio Augusti referendam ad eadem comitia; Ianseniani, quia minimè dubiam esse intellexerunt suæ doctrinæ condemnationem, quod idoneis rationibus, impedire non poterant, disturbare conati sunt factionibus, atque tumultu. Iniecto videlicet discordiæ pomo, litem mouerunt de præcedentia inter Decanum, & Cancellarium, qua factum, vt tota congressus hora his altercationibus consumpta, re infectâ reditum sit in suam ab vnoquoque domum. Sequutæ sunt nouæ deinde artes, & nouæ lites, de Religiosis Doctoribus ab hoc cœtu excludendis, de legitima Syndici electione, deque aliis id genus quæstionibus, quæ liberam non re-

liquerunt hactenus toti Facultati controuersiae determinationem, nisi quod declaratum est, vt refert D. Hallier in suis ad D. Filcau, Regium in Praefectura Pictauiensi Aduocatum, Regiumque in Academia quoque Pictauiensi Professore legum, *propositiones illas satis superque iam fuisse damnatas, tum à Concilio Tridentino, tum per bullas Pontificum, tum per antiquiora Sorbona decreta.*

Vulgatum tamen est illorum nouem iudicium: & ad tertiam propositionem, quae illa ipsa est de qua disputamus, comprehensam hisce verbis, *Ad meritum, & demeritum in statu naturae lapsae, non requiritur in homine libertas à necessitate, sed sufficit libertas à coactione.* sic dicuntur subscripsisse doctrinali de more censura, *Hae doctrina destruit rationem meriti & demeriti: estque haeretica.* Non fuit hæc noua in Sorbonam inducta definitio, vt iam monui; renouarunt id tantum quod iam pridem statutum fuerat. Siquidem anno 1270. damnata est hæc sententia, *Quod voluntas hominis ex necessitate vult, vel eligit.* Et eodem spectabat antecedens alia damnatio anno scilicet 1226. istius: *Quod voluntate existente in tali dispositione, in qua nata est moueri, & mouente sic disposito quod natum sit mouere, impossibile est voluntatem non velle.* Et longo post tempore, cum Erasmus ex eodem quo Ianseniani laborant errore, destructæ per Augustinum indifferentiæ voluntatis, dixisset Augustinum vix posse constituere merita; dictum reprobauit Sorbona in censura Erasmicarum propositionum, titulo 16. sanxitque *Augustinum conformiter ad ceteros Catholicos Doctores, meritum constituere, asserentem meritum constare ex libero arbitrio* VERTIBILI, & *diuina gratia, vt sit meritum opus & gratia & liberi arbitrii* VERTIBILIS, hoc est, indifferentis ad opposita. Aliquo post tempore, scilicet anno 1560. 27. mensis Iunij, damnauit istas: *Liberum arbitrium hominis non habet potestatem ad opposita: nec illi conuenit ea potestas ex ipsis naturali & intrinseca ratione.* Et hanc pronunciauit haeticam, falsam, & erroneam, & morali philosophiæ aduersam. Item. *Libertas & necessitas eidem conueniunt respectu eiusdem, &, Sola violentia repugnat libertati hominis naturali.* Et hanc similiter, quoad primam partem haeticam dixit. Item, *Liberum arbitrium liberè vult quicquid sponse suae voluntariè vult. Ita vt quod necessario vult,*

idem liberè velit. Et hujus secundam partem dixit implicare contradictionem, & esse hæreticam.

Ex quibus patet, nouem illos Doctores, qui superiorem propositionem *hæreticam* censuerunt, innouasse tantum antiquam Sorbonæ censuram, non nouam intulisse: & eos qui impedierunt ne tota Facultas super eorum sententia deliberaret, minimè id assequutos quod sperabant: quodd, esto, nouam impedierint damnationem, antiquis tamen tam multis teneantur, nec sperare possint recentem Sorbonam à veterè discessuram.

Illi tamen nec animo cadunt, nec vel in causa desperata spem amittunt. Est inter eos nescio quis. incognitus enim esse voluit, nec sub alio nomine titulove intelligi, quàm *Immeritissimi Sacerdotis*, qui commentarium scripsit in illas quinque propositiones, vt earum censuram eleuet, obtineatque vt impunè proponi ac propugnari possint. Cum quo paucis mihi modò agendum duxi, vt discutiantur quæ ille affert in defensionem tertiæ jam dictæ, de qua hîc agimus.

§. 2. Commentator proscriptam propositionem apertè tuetur.

ET quidem ille nihil moratur, nec vt in aliis solet, distinctionibus variis, diuisionibusque ac subdiviisionibus, Lectoris intentionem eludit: post testimonium Diui Thomæ, qui vt suprâ retulimus propositionem illam censet *hæreticam*: post Sorbonæ censuras idem pronuntiantis: post bullam Pij V. & Gregorij XIII. quâ ejusdem damnatio continetur, ab Urbano VIII. renouatam, & confirmatam ab Innocentio X. feliciter regnante, contendit *Sacerdos immeritissimus* thesim illam conceptis terminis non esse damnandam: & Sorbonicos Doctores qui damnauerunt vocat *bonos viros*, quibus metuendum esse pronuntiat, ne videantur *existimare libertatem solam à correctione ad merendum vel demerendum per se & ex natura sua non posse sufficere*. Magnum scilicet est periculum, & grandis alicujus mali, si putentur id existimare: *Quoniam & timendum*, inquit, *magnopere, ne videatur illorum etiam laudata esse sententia, qui omnem remouent à merito necessitatem: cumque solum mereri volunt, qui immediatâ, proximâ & rotundâ quâdam*

CONTRA COMMENTATOREM. CAP. I. 253

indifferentiâ , diuinâ gratiâ vel resistere , vel parere possit , ipsa parendi non datâ voluntate : quod falsum tamen esse , & D. Thomæ expressissimis testimoniis repugnare , demonstratum putat.

Mox discutiâ demonstratiua hæc testimonia : Inter ea constat hunc Auctorem *rotundam* quam vocat indifferentiam , hoc est , veram excludere : & quod dicit Tridentinum cum Catholicis omnibus , *liberum à Deo motum posse dissentire* , ita interpretari , vt intelligatur posse dissentire *non immediatè , & proximè , sed remotè* , hoc est , cùm motio diuina euauerit , & contraria successerit , quod nullus vnquam Calvinus , nullus Lutherus , Manichæus omnino nullus negauit , quamuis hi omnes libertatem negasse credantur. Et hæc est quam vocat necessitatem agendi *conditionatam* : quam dicit *in natura lapsa per accidens parere meritum*. Vocat autem *conditionatam* , quia pendet ex conditione præsentis , vel absentis gratiæ. Si enim est præsens gratia , est necessitas consentiendi ; si est absens , est necessitas non consentiendi , pertinetque ad statum naturæ lapsæ , in qua est vicissitudo præsentis , & absentis gratiæ. Sed in vita beata est necessitas absoluta , vbi non est eiusmodi vicissitudo. Iam quod addit , necessitatem illam conditionatam in natura lapsa per accidens parere meritum , perabsurdum est ; dubitòque an satis intelligat ipse quod dicit. Multum esset si posset probare , necessitatem illam meritum non impedire : addere autem , non solùm non impedire , sed etiam *illud parere* ; viderit ipse quo sale condire possit cogitationem adeò insipidam. Atque hæc quæ sunt tam absurda sic pronuntiat , vt velle videatur imperare nobis fidem.



abierit, & aduenerit alia? Quis non fatetur recipiendum Concilij Tridentini canonem sincerè ac sine fuco, iuxta propriam verborum significationem? Quòd hæc sint, aut non sint ad conciliandum facilia cum gratia physicè prædeterminante; alia deinde quæstio est inter nos disputanda: & sufficit, quòd illi non aliter hanc gratiam tueantur, quàm ex suppositione, quòd cum principiis stare possit, quæ Iansenianis contraria sunt: quæ cum sint utrique parti communia in controuersia de auxiliis; quid aliud sperare possunt Iansenii discipuli, quàm ut cum ab vna parte fugantur, lapidentur ab alia, si animum mutare noluerint?

Sed quia Commentator sententiam suam probare maluit testimoniis D. Thomæ, quàm D. Augustini; pergamus examinare quid sentiat Sanctus Thomas, quando jam satis monstratum est, quæ Sancti Augustini mens fuerit. Monendus tamen priùs est, ut calumniam retractet, qua Scholas inquinat, cum dicit, Sancti Augustini auctoritatem esse jam in scholis *euandam & emortuam*, cum Sancti Thomæ *vegeta sit, & florens*. Viget & floret etiamnum Sancti Augustini auctoritas in Scholis Catholicis: sed ægrè ferunt quotquot illum seridè colunt, Iansenianos abuti tanto nomine ad suas opiniones persuadendas; atque hanc veram esse contendunt Augustinianæ auctoritatis injuriam, equidem maximam & inexpiablem, cogere illum, velit nolit, damnatarum sententiarum auctorem esse ac defensorem.

§. 2. *Proponuntur decem S. Thomæ testimonia, quæ nullo modo probant indifferentiam non esse libero arbitrio necessariam.*

ERGO videamus quid sentiat Sanctus Thomas de indifferentia ad libertatem arbitrii necessaria, vel de necessitate, quæ illi contraria est. Contendit Commentator duodecim testimoniis, solam coactionem, vel cogentem necessitatem obesse libertati arbitrii, aliam verò nullam obesse.

Sed primò delendum est ex hoc numero quod affertur ex 3. contra gent. cap. 138. quia jam suprà solutum est, contra Apologistam cap. 4. §. 1.

Quæst. 58. *Secundò delendum quod affert ex secunda secundæ, vbi dicitur Necessitas ex obligatione præcepti, siue ex obligatione finis non tollere rationem meriti.* Quia non disputamus de necessitate morali, quæ relinquit in voluntate physicam non agendi potentiam, cujusmodi est necessitas præcepti, quod quisque violare potest; & necessitas ex fine, qua liberatur quisque vult intentionem mutare. Et vide, Lector, quàm sint demonstratiua hæc testimonia. Eodem modo soluitur quod indidem sumitur ex quæst. 81. Quia ibi etiam agitur de necessitate debiti, & obligationis, quæ non solum non destruit arbitrii libertatem, quin potius cum ea necessario connectitur.

Quæst. 4. *Quartò expungendum quod affert ex 1. 2. Quia nihil aliud probat, quàm stare libertatem sine indifferentia ad contraria: cum sit tantum quæstio de indifferentia ad contradictoria, quæ ibi non excluditur.*

Quæst. 182. *Quintò expungendum quod affertur ex secunda secundæ, dum dicitur, si status beatorum esset capax meriti, illos magis meritorios propter maiorem caritatem. Quia non dicitur magis meritorios per actum caritatis necessarium, & qui est proprius actus comprehensoris; sed per alios qui sunt etiam actus caritatis, & cum indifferentia à Beatis, sicut & à Viatoribus exercentur.*

Sextò expungendum quod refert, non ex quæst. 169. vbi nihil reperitur eorum quæ refert: sed ex 186. nec, vt etiam dicit, ex art. 2. sed ex 5. nec ex corpore art. sed ex respons. ad 4. Qui omnes lapsus in eundem locum concurrentes, satis ostendunt non legisse Sacerdotem quæ citabat. Ergo quod dicit S. Thomas, necessitatem coactionis impedire meritum, non autem necessitatem, quæ consequitur obedientiam, quid probat, & quid nocet indifferentiæ? Necessitas quæ consequitur obedientiam, hoc est necessitas obediendi, quam habent religiosi (de illa enim loquitur) tollit-ne indifferentiam etiam ad contraria, id est expeditam ad obediendum, vel transgrediendum potentiam? Et vide quàm sit bonus iste Sacerdos & quàm perspicax, dum blanditur sibi de hoc testimonio, & exclamant *Quàm perspicue?*

Eadem peccauit in alio testimonio, quod etiam septimò expungendum est, cum dicitur *laudabilius esse bonum opus, ex*

eo quod procedit ex voluntate firmata in bonum, sicut peccatum est gravius, ex eo quod procedit ex voluntate obstinata in malum. Quæ quis non videt procedere tantum contra indifferentiam ad contraria? In voluntate enim firmata vel ad bonum, vel ad malum, remanet indifferentia ad contradictoria.

Eadem iterum peccat in citatione quæst. 189. ex tertia parte, quæ est quæstio 89. post ultimam. Sed quod refert reperitur in decima nona: non in art. 2. sed in 3. nec in corpore articuli, sed in responsione ad prim. Vbi dicitur *Christus meruisse per caritatem, non in quantum erat caritas comprehensoris; sed in quantum erat caritas viatoris.* Ergo (inquit) Christus desit mereri, non ex eo quod immobiliter affigatur amoris Dei, sed quia viator non est. Sed hoc quoque octauò expungendum est. Quia & in Christo viatore fuerunt, & modò sunt in Christo comprehensore actus caritatis indifferenter eliciti: per hos merebatur in via, per hos non meretur in patria: nec aliud vult Sanctus Thomas.

Expungendum nonò quod citat ex eadem tertia parte, vbi dicitur natura integra in primo instanti mereri posse bonum volendo, etiamsi malum velle non possit. Quod similiter nihil probat, nisi contra indifferentiam ad contraria, cum sit quæstio de indifferentia ad contradictoria.

Quæst. 14.
art. 4. ad 1.

Expungendum decimò quod refert ex 1. par. cum dicitur *Per hoc quod voluntas ab alio moueatur, non impedi meriti, quod non excludatur quin ipsa etiam moueatur à se.* Expungendum, inquam, quia nec expressè, nec per necessariam consequentiam probat, non requiri indifferentiam contradictionis ad meritum: subjicit hic Commentator: *Bone Lector, beati aut Angeli qui liberi sunt à sola coactione, non mouentur ab intrinseco.* Sed, inquam, ô Bone Commentator, etiam bruta nonne mouentur ab intrinseco? Ergo hoc quod est moueri ab intrinseco, est quidem aliquid requisitum ad meritum, sed non est totum, quod requisitum est: neque D. Thomas dicit id sufficere. Interea caue, ne Beatos aut Angelos à sola coactione liberos dicas in omnibus suis actibus, ne cum Diuo Thoma pugnare videaris.

Quæst. 105.
art. 4. ad 3.

§. 3. Diluitur undecimum testimonium, & quid passim intelligatur apud S. Thomam, & alios Patres nomine coactionis, consentientibus ipsis Iansenianis.

EX PUNGEN DVM est undecimò quod citatur ex 3. Sententiarum, ubi dicitur *impotentiam coactionis, quæ opponitur voluntario, tollere rationem meriti, & demeriti: non autem impotentiam, quæ est ex perfectione in bonitate vel malitia: quia hæc voluntarium non tollit, sed ponit voluntatem, confirmatam ad unum, hoc inquam, expungendum est. Quia etiam non procedit nisi contra necessitatem indifferentiæ ad contraria, nos autem pugnamus tantum pro indifferentia ad contradictoria, quæ reperitur adhuc in iis, qui habent voluntatem confirmatam ad unum, hoc est, confirmatam ad bonitatem, vel confirmatam ad malitiam. Et ut semel præcidantur multa loca, quæ Iansenius ac Ianseniani producunt, tum ex S. Thoma tum ex aliis Patribus, qui nihil aliud requirunt ad libertatem, quàm ut voluntas non cogatur; Aduertendum est, sumere illos coactionem latè, prout confunditur cum necessitate, præsertim antecedenti atque independenti à voluntate & insuperabili: ac proinde idem est solam coactionem impedire libertatem: ac solam necessitatem quæ talis est, hoc est, quæ, ut loquitur Augustinus, non est in nostra potestate, libertatem impedire.*

Ita sumi coactionem vel necessitatem coactionis constat i. ex confessione Aduersariorum. Vide enim quomodo Vincentius Lenis inchoot cap. 11. libri 1. Theriacæ. *Coactio & necessitas in hac liberi arbitrii materia idem prorsus significant. Quibus unica vox Græca αἰσχύνη respondet, ideoque à sacris interpretibus nunc coactio, nunc necessitas verbi solet. Et licet nomen istud frequentius vertatur, necessitas, quàm coactio, verbum tamen αἰσχύνη inde deductum semper Latine, cogere redditur quia necessitare non Latinum sed barbarum est. Inde infert Vincentius, eos turpi hallucinatione, & errore laborare, qui quotiescumque vocem necessitationis audiunt, vim quandam ferream concipiunt. Ego verò nescio quinam illi sint, qui hoc morbo laborant. Sed*

dico ex dictis Vincentii sequi, eos *turpi hallucinatione & errore* laborare, qui quoties legunt apud Sanctos Patres coactionem tantum destruere libertatem, interpretantur, necessitatem non destruere illam: cum jam ex ipso constet, coactionem & necessitatem in hac materia idem prorsus significare: ac proinde eos qui dicunt libertatem destrui coactione, significare libertatem destrui necessitate.

Et quod hæc sit mens quoque Sancti Thomæ, probatur ex hoc ipso loco. Nam qui dicit in responsione ad 3. *impotentiam coactionis opponi libertati*, idem in responsione ad 2. significat *eidem opponi necessitatem*, cum dicit, potentiam peccandi in tantum conferre ad laudem, in quantum ostendit opus quod laudatur *non fuisse factum ex necessitate*. Impeditura nimirum erat laudem *necessitas bene agendi*, si nullam relinqueret indifferentiam, saltem ad contradictoria: quam adesse constat, ex eo quod supponatur esse etiam ad contraria.

Confirmatur ex eo quod citatum est ex secunda secunda, Qu. 58. ubi Sanctus Thomas diuidit necessitatem, in necessitatem coactionis, & necessitatem ex obligatione præcepti vel finis, quæ est moralis necessitas. Nam cum debeamus supponere diuisionem esse bonam & adæquatam, consequenter fatendum est Sanctum Thomam sub necessitate coactionis comprehendisse omnem, quæ non est moralis, seu quæ antecedens & physica est. Idem constat ex simili distinctione, quam exprimit, cum dicit *necessitatem coactionis facere inuoluntarium, non autem necessitatem, qua consequitur obedientiam*, ubi intelligit obedientiæ votum.

Possset hoc confirmari ex aliis Sanctis Patribus, Augustino, dum contra Manichæos indifferenter vtitur voce coactionis & necessitatis, ut significet etiam naturæ insitam ad peccandum inclinationem: & Bernardo, qui bruta dicit *pari vim à natura*: Anselmo, qui dicit *violentiam naturalis conditionis cogere calum volui*, sed hæc sufficiunt ad probandum, quando Sanctus Thomas dicit & eo loco qui objectus est, & aliis, quæ objici possunt, *necessitatem coactionis opponi* perfecto voluntario, quod est liberum, non sumere coactionem strictè, sed ex usu Ecclesiæ & Patrum intelligere necessitatem omnem antecedentem, quæ non relinquat potentiam sus-

lib. 1. de a-
ctis cum
Felice
Man. c. 8.
Serm. 81.
in cant.

lib. 2. cur.
Deus ho-
mo cap. 18.

pendendi actum, seu quæ non est in nostra potestate. Et uti nos non sumus contenti, quod Sancti Patres dicant necessitatem agendi repugnare libertati; sed ostendimus positiuè qualem intelligant, nempe illam, sub qua voluntas *non sit potens agere, & non agere*; ita & Ianseniani operam ludunt, quando Patres inducunt dicentes arbitrium esse liberum, eo quod non cogitur; nisi ostendant illos coactionem sumere strictè: & non eo sensu, quo solet comprehendere ex eorumdem Patrum usu antecedentem, & independentem à voluntate agendi necessitatem. Quâ vnâ solutione euanesceit aceruus inutilis testimoniorum, quæ Iansenius congeffit lib. 6. & 8. de gra: Salu.

§. 4. *Explicatur locus ex 3. Sent. dist. 18. art. 2. ad 5. Quod determinatio ad vnum numero, non tollit rationem meriti & laudis.*

RESTAT ergo vnicum Sancti Thomæ testimonium, quod à Commentatore primo loco positum est. Sumiturque ex 3. Senten. dist. 18. art. 2. ad 5. cum dicitur de libero Christi arbitrio. *Dicendum quod etiamsi esset determinatum ad vnum numero, sicut ad diligendum Deum, quod non facere non potest; tamen ex hoc non amittit libertatem aut rationem laudis: quia in illud non coactè, sed sponte tendit, & ita est actus sui dominus.*

Ad hunc locum respondeo in primis, fuisse referenda quæ præcedunt. Cum enim objectum esset, ideo nos non mereri naturalibus, quia sunt determinata ad vnum: & ideo neque Christum posse mereri, quia ejus etiam liberum arbitrium est determinatum ad bonum. Respondet Sanctus Thomas in hunc modum. *Ad 5. dicendum, quod liberum arbitrium Christi non erat determinatum ad vnum, secundum numerum, sed ad vnum secundum genus, scilicet ad bonum: quia in malum non potest. SED TAMEN HOC POTEST FACERE, ET NON FACERE, ET HOC NON EXCLVDIT LIBERTATEM ARBITRII: quia posse peccare non est libertas arbitrii, nec pars libertatis, ut dicit Anselmus.... Vel dicendum, quod si etiam esset determinatum ad vnum numero &c.*

Ex his habemus primò Sanctum Thomam absolutè pro-

nuntiare liberum Christi Domini arbitrium non fuisse determinatum ad vnum, ita ut non haberet indifferentiam ad contradictoria, qua posset *facere & non facere*: Ergo ruit argumentum, quo potissimum utitur & Iansenius, & Apologista Iansenii & Vincentius Lenis, & alii passim, sumptum ex arbitrio Christi, quod dicitur, & liberum fuisse, & indifferentia caruisse: cum jam constet ex absoluta Sancti Thomæ sententia, non caruisse huiusmodi indifferentia. Vnde ruet pariter argumentum, sumptum ex voluntate beatorum, atque etiam ipsius Dei.

Secundò quod addit Diuus Thomas, *vel dicendum, quòd si &c.* quamvis haberet illum sensum, quem intendunt Aduersarii; quærerem ab illis, cum nullo vsquam alio loco S. Th. hanc secundam solutionem eo sensu confirmauerit: sed hæserit in priori omnibus in locis quibus occasio recurrit eadem tractandi; quid illis videretur, an esset iusta præsumptio, quòd prior solutio esset ad mentem S. Thomæ, quam scilicet toties inculcasset, secunda, cujus nusquam meminisset, non esset?

Tertiò possemus hîc etiam uti confessione Iansenii, si esset vera, cum dicit aliquos ex antiquioribus Scholasticis, cum initio negarent indifferentiæ necessitatem, sub finem tamen declinasse in sententiam, quæ jam est communis. Iam enim monstratum est D. Thomam potissimum designari ex interpretatione Vincentii Lenis. Ergo aduersariis etiam annuentibus dici posset S. Thomas sententiam mutasse: & quod illi perperam negant, præferendam priori posteriorem, quòd non sit credibile illius sapientiam in deterius profecisse, ætate præcedente.

Quartò: Sed nihil est necesse nos ad has solutiones confugere, quæ tamen sufficerent. Videndum quid intelligat S. Th. per hoc quod est, *esse determinatum ad vnum numero*, & constat intelligere objectum numero vnum, cuiusmodi est Deus. Opponit enim hoc bonum numero vnum, bono genericè vni, & loquitur ex suppositione, quòd liberum arbitrium determinatum sit tantum ut versetur circa hoc numero objectum, quibuscumque tandem actibus versetur. Atqui hæc determinatio non tollit varietatem actuum, quibus

Cap. 47.

voluntas exerceri potest circa illud numero objectum, nec indifferentiam contradictionis circa quemlibet actum in particulari. Ergo non supponit S. Thomas ablatam illam indifferentiam. Et confirmatur ex eo quod dicit, *quia in illud obiectum non coactè, sed sponte tendit, & ita est actus sui dominus.* Iam enim constat ex 2. contra gentes, & aliis multis locis, voluntatem liberam ideo dici dominam sui actus, *quia in ipsa est agere & non agere.* Ac proinde, cum dicit, non coactè, sed sponte, spontaneitatem intelligit perfectam. Nam illa quæ reperiatur in brutis nihil facit ad libertatem: & consequenter coactionem excludit non strictam solum, sed ut comprehendit omnem necessitatem, quæ non est in nostra potestate.

Hæc igitur est summa doctrinæ Diui Thomæ, loco citato. Ad argumentum propositum primò respondet absolute, liberum arbitrium Christi, esse quidem determinatum ad vnum genericè, nempe ad bonum in communi, prout opponitur omni malo; sed habere indifferentiam circa specifica & numerica bona: & hoc satis esse, ut sit capax meriti. Secundò respondet ex hypothesi, quòd quis contendat liberum arbitrium Christi esse determinatum ad vnum numero bonum, verbi gratia ad Deum, quem non potest non amare; quia tamen varii sunt modi, quibus ferri potest in hoc vnum numero bonum, retinere adhuc libertatem & indifferentiam circa illos actus omnes, qui cadere possunt in viatorem (nam amor beatificus comprehensoris actus est) eosque elicere sine vlla eliciendi necessitate: ac proinde sine coactione, sed sponte, ac voluntariè, voluntate perfecta & deliberata. Et hic est finis testimoniorum Sacerdotis, quibus constat S. Thomam minimè testari quod ipse vult.

CAPVT III.

*Probatur quinquaginta duobus testimoniis Sancti
Thome, indifferentiam esse ad libertatem
arbitrii necessariam.*



ED experiendum est, an testetur etiam quod ipse non vult. Et adductum jam est testimonium ex quæst. sexta de malo art. 1. quod vnum instar multorum est. Ex libris contra gentes numerauimus saltem sex admodum expressa.

Suprà con.
Vincent. c. 5.
Et con.
Apolog.
cap. 4.

Octauum ergo sequitur ex Quodlibeto 1. vbi & libertatem à necessitate humanæ voluntati asserit: & veluti proprium virtutis rationalis assignat, quòd se habeat ad opposita, eique ita Deum motionem suam accommodare, vt resistere homo possit, his verbis. *Ad secundum dicendum quòd Deus mouet omnia, secundum modum eorum: & ideo diuina motio à quibusdam participatur cum necessitate, à natura autem rationali cum libertate, propter hoc, QUOD VIRTUS RATIONALIS SE HABET AD OPPOSITA: & ideo sic Deus mouet mentem humanam ad bonum, quòd TAMEN POTEST HVIC MOTIONI RESISTERE, & sic ex Deo est vt homo se ad gratiam præparet.*

Nonum ex quæst. de potentia, vbi sic distinguit voluntatem, prout est voluntas, à se ipsa prout est naturale principium, vt ei sub priori ratione sicuti libertatem, ita & indifferentiam omnino attribuat. Et ideo negat voluntatem, vt voluntas est, esse posse principium diuinarum productionum. His verbis. *Voluntas, inquantum voluntas, cum sit libera, AD VTRVMLIBET SE HABET. (Nota quomodo ex libertate infert indifferentiam) potest ENIM VOLUNTAS AGERE, VEL NON AGERE: SIC VEL SIC FACERE, VELLE ET NON VELLE. Et si respectu alicujus hoc voluntati non conueniat; hoc accidet voluntati, non inquantum voluntas est: sed ex inclinatione naturali, quam habet ad aliquid, sicut ad finem vltimum, quem non potest non velle; &c.*

art. 7. ad 11.

Decimum ex eadem quæst. Vbi à voluntate libera excluditur necessitas, indifferentiæ opposita, his verbis. *Ad 13, dicendum, quòd voluntas dicitur habere dominium sui actus, non per exclusionem causa prima; sed quia causa prima non ita agit in voluntate, VT EAM DE NECESSITATE AD VNVM DETERMINET, sicut determinat naturam: & ideo determinatio actus relinquitur in potestate rationis & voluntatis.* Confer hæc cum illa Iansenii sententia, qua censet Semipelagianum esse, Deum per gratiam suam sic mouere voluntatem, vt consentire, vel non consentire eius arbitrio relinquatur.

art. 7. ad 3.

Vndecimum ex quæst. 9. de potentia, vbi dominium agentis liberi in suos actus sic explicatur. *Hoc quod est per se agere, excellentiori modo conuenit substantiis rationalis naturæ, quàm aliis. Nam solæ substantiæ rationales habent dominium sui actus: ITA QVOD IN EIS EST AGERE, ET NON AGERE: alia verò substantiæ magis aguntur, quàm agunt. Et ideo conueniens fuit, vt substantia indiuidua rationalis naturæ speciale nomen haberet.*

art. 3. ad 8.

Duodecimum ex quæst. 3. de malo. Vbi dicit in tantum reperiri peccatum in concupiscentia carnis, in quantum ratio potest illam impedire vel refrænare, quod nullum foret, si non esset hæc potestas: hoc est, si necessario, & sublata potestate consentiendi, vel dissentiendi, concupiscentia moueret voluntatem. Verba illius sunt. *Ad octauum dicendum, quòd concupiscentia carnis contra spiritum est actus sensualitatis, in qua potest esse peccatum, SECVNDVM QVOD MOTVS EIVS POTEST IMPEDIRI VEL REFRÆNARI RATIONE. Vnde si motus sensualitatis insurgat ex aliqua transmutatione corporali, ratione actualiter resistente, quod est in arbitrio voluntatis, nullum est ibi peccatum. Ideo ergo peccatur, quia cum possit resisti, non resistitur: & ratione hujus potestatis resistendi, verum est quod concludit Sanctus Thomas. Vnde patet, quòd omne peccatum est in arbitrio voluntatis.*

art. 5.

Decimum tertium ex quæstione 22. de veritate, vbi iterum repetit, voluntatem circa ea, in quæ fertur, non vt natura quædam, sed vt voluntas, versari secundum propriam determinationem, non ex necessitate. Necessitas autem quam excludit, illa ipsa est quam admittit in amore beatitudinis, quam Aduersarii non putant habere speciem vllam coactio-

nis. Et cùm objectum esset, Esse nos dominos nostrorum actuum, & in eo situm esse dominium illud, quod possimus velle, & non velle, vnde sequitur nos non habere necessitatem aliquid volendi; Respondet S. Thomas: *Ad 7. dicendum, quod ratio illa procedit de voluntate, secundum quod voluntas est; hoc enim est proprium voluntatis IN QUANTUM EST VOLUNTAS, quod sit domina suorum actuum.* Obiectionem ergo approbat intellectam de voluntate, vt est voluntas, hoc est, vt est libera, non vt est natura.

Decimumquartum ex eadem quæst. vbi pariter libertatem exponit in vniuersum, & in quolibet statu, per oppositionem ad necessitatem, quâ impediatur indifferentia volendi vel non volendi, his verbis: *Cùm autem voluntas dicatur libera, in quantum necessitatem non habet, libertas voluntatis in tribus considerabitur. Scilicet quantum ad actum, IN QUANTUM POTEST VELLE VEL NON VELLE: & quantum ad objectum, in quantum potest velle hoc vel illud, & eius oppositum: & quantum ad ordinem finis, in quantum potest velle bonum vel malum. Sed quantum ad primum horum inest libertas voluntati IN QUOLIBET STATU NATURÆ RESPECTU CUIUSLIBET OBIECTI &c.*

Decimumquintum ex eadem quæst. dum quærit an aliquis mereatur volendo illud quod necessitate vult. Et concludit. *Quando ergo ex propria ratione adiutus diuina gratia, homo apprehendit aliquod speciale bonum, vt suam beatitudinem, in quo vere sua beatitudo consistit, tunc meretur. Non ex hoc quod appetit beatitudinem, quam naturaliter appetit, sed ex hoc quod appetit hoc speciale QVOD NON NATURALITER APPETIT vt visionem Dei: in quo tamen, secundum rei veritatem, sua beatitudo consistit.* Hoc verò est difertè significare, indifferentiam ad merendum requiri. Quare enim non meretur homo, dum fertur in beatitudinem per modum naturæ, sed per modum voluntatis, nisi quia quatenus naturaliter fertur, necessariò fertur; quatenus fertur voluntariè, fertur sine necessitate, & consequenter cum indifferentia?

Decimumsextum ex eadem quæstione, vbi clarè docet etiam inclinationem, quam Deus superaddit voluntati per

suam gratiam, relinquere indifferentiam, his verbis: *Sed hæc quidem inclinatio superaddita quandoque est perfecta, quandoque imperfecta. Quandoquidem est perfecta, facit necessariam inclinationem in id, ad quod determinat. Sicut per naturam de necessitate inclinatur voluntas in appetendum finem, sicut contingit in beatis, in quibus caritas perfecta inclinat sufficienter in bonum: non solum quantum ad finem ultimum, sed quantum ad ea quæ sunt ad finem. Aliquando verò forma superaddita non est usquequaque perfecta, sicut est in viatoribus: & tunc ex forma superaddita voluntas inclinatur quidem, SED NON EX NECESSITATE. Vides quando forma illa est imperfecta, ut in viatoribus, non solum excludi coactionem, sed etiam necessitatem, qualis est in beatis?*

ART. I.

Decimumseptimum ex quæst. 24. de veritate, ubi ex indifferenti atque indeterminata cognitione rationalis agentis, colligit liberum arbitrium. *Et ideo, inquit, est liberi arbitrii, quasi diceretur liberi iudicii de AGENDO, VEL NON AGENDO. E contrario negat esse posse in brutis liberum arbitrium, quod instinctu quodam naturæ idem eodem modo semper apprehendant: sicut omnes hirundines, quæ similiter, inquit, faciunt nidum. Et in responsione ad secundum, quod homo non potest sine gratia agere opera meritoria, nihil derogat perfectæ libertati. Quia homo dicitur liberi arbitrii secundum quod potest agere hoc vel illud, non secundum quod potest sic vel sic agere, hoc est meritorie, vel demeritorie. Et cum objecta esset peccandi necessitas, quæ contraria est indifferentiæ, nequaquam responderet ut Iansenius, admittendo necessitatem illam, sed negando, & concludendo voluntatem respectu nullius peccati habere necessitatem. Et cum iterum objectum esset, immobilem adhesionem ad Deum, quæ maximè decet creaturam rationalem, repugnare illius libertati, quod scilicet excludat indifferentiam; non cogitavit de responsione Iansenii, qui putat in illa immobilitate libertatem esse perfectissimam: sed vide quid dicat, Si tamen aliqua creatura immobiliter adhereret Deo, non propter hoc privaretur libero arbitrio: QVIA POTEST ADHÆRENDO, MULTA FACERE, VEL NON FACERE. Nempe intantum esset libera, in quantum esset indifferens ad multa, salva immobili adhesionem ad unum. Et cum objecta esset naturalis inclinatio ad beatitudinem, quasi non possit stare cum indifferentia, nec proin-*

de cum libertate ; negat hinc impediri arbitrii libertatem, *Quòd diuersa vie remaneant eligibiles ad consequutionem illius finis.* Denique, nec ex passionibus oriri putat necessitatem illam, quam admittit Iansenius, *cò quòd in potestate animæ rationalis sit,* ACCIPERE VEL REFVTARE PASSIONES SVBORTAS, quam eandem potestatem admittit circa vsum habituum. Hæc autem omnia indifferentiam clamant libertati arbitrii necessariam. Et hoc vnum testimonium vide quàm multiplex sit.

Decimum octauum ex eadem quæst. dum quærit an sit ad-^{art. 2.} mittendum in brutis liberum arbitrium. Vbi constat totam rationem, cur illud negetur in brutis, admittatur in hominibus, ex indifferentia peti. *In brutis (inquit) est aliqua similitudo liberi arbitrii, in quantum possunt agere, vel non agere vnum & idem, secundum suum iudicium : & sic est in eis quædam conditionata libertas. Possunt enim agere, si iudicant esse agendum, vel non agere si non iudicant. Sed quia iudicium eorum est determinatum ad vnum,* PER CONSEQUENS ET APPETITVS ET ACTIO AD VNVM DETERMINATVR. Quod quid aliud est, quàm dicere bruta in iisdem circumstantiis semper idem iudicare, & supposita identitate iudicii, semper idem appetere : & ideo non esse in illis nisi conditionatam libertatem, quia scilicet non est nisi conditionata indifferentia : Vnde intelligas juxta Diuum Thomam, & ea quæ antea de doctrina Iansenii dicta sunt, non esse nisi conditionatam, quam admittit hic auctor, libertatem, qualis est brutorum. Quia sicut in brutis debet mutari iudicium, vt possint appetere aliud, quàm quod appetunt ; ita & in homine, inquit Iansenius, debet mutari dispositio. Sed D. Th. *in potestate hominum est, inquit, vt eisdem rebus similiter representatis, siue sint præcepta, vel prohibitiones, siue sint beneficia & flagella,* ELICANT VEL PVGIANT iudicio rationis. Item, *Quis visò lupo necesse habet timere & fugere : & canis insurgente passione ira, necesse habet latrare & prosequi ad necandum : sed homo non necessario mouetur ab iis, quæ sibi occurrunt, vel à passionibus insurgentibus :* QVIA POTEST EAS ACCIPERE VEL REFVGERE : & ideo homo est liberi arbitrii, non autem bruta. Vide etiam responsionem ad tertium, vbi ad libertatem requiritur indifferentia, non circa actiones externas, sed circa internos, &

elicitos actus appetitus, quæ non reperiuntur in brutis.

art. 1. in
corp.

Decimumnonum ex eadem quæst. ubi probat esse in Deo liberum arbitrium, quia circa alia à se habet indifferentiam, propterea quod eius bonitas illis non egeat, nisi ad sui manifestationem. *Vnde remanet & liberum iudicium AD VOLENDUM HOC VEL ILLUD, SICUT IN NOBIS EST. Et propter hoc oportet dicere in Deo liberum arbitrium inueniri.* Et in resp. ad 3. *Dicendum quod voluntas diuina se habet ad opposita: non quidem ut aliquid velit, & postea nolit; quod eius immutabilitati repugnaret: nec ut possit bonum & malum, quia defectibilitatem in Deo poneret. Sed* **QUIA POTEST HOC VELLE, ET NON VELLE.**

art. 1.

Vigesimalium ex eadem quæst. Vbi obstinationem in malo in hac vita ponit, non in impossibilitate bene agendi, ut facit Iansenius: sed in difficultate. Et in responsione ad tertium, *Dicendum quod Augustinus comparat amorem ponderi, quia utrumque inclinat. Non tamen oportet quod sit similitudo, quantum ad omnia: & ideo non sequitur quod ille qui amat aliquid, nullam habeat ad contrarium inclinationem, nisi fortè de amore perfectissimo.* Et ad quartum, *Dicendum quod ille, qui peccat ex malitia, dicitur esse impenitibilis, non quod nullo modo possit penitere; sed quis non de facili penitere potest.* En ut semper saluat indifferentiam, id est potestatem non faciendi quod fit, ut salua sit libertas.

art. 1.

Vigesimalium primum ex eadem quæst. dum quærit an existens in peccato mortali possit per liberum arbitrium vitare alia peccata mortalia: & asserit posse vitare in qualibet occasione: & ex disputatis ita concludit. *Patet ergo ex dictis, quod nec liberum arbitrium tollimus, cum dicimus quodlibet peccatum singulariter liberum arbitrium posse vitare.* En in quo seruari putet liberum arbitrium sub illa necessitate, quam patiuntur qui voluntatem habent peccato mortali habitualiter adhaerentem, alia peccata, si diu ita maneant, committendi. Pergit, & discrepantes in speciem Doctorum sententias sic verificari & conciliari ostendit. *Quorum quidam dicunt hominem absque habituali gratia gratum faciente, posse peccatum mortale vitare, quamuis non sine diuino auxilio, quod hominem sua providentia ad bona agenda & mala vitanda gubernat. hoc enim verum est, cum contra peccatum conari volueris, ex quo contingit, ut possit sin-*

gula vitare. En tibi diuini auxilii præsentiam ad vitanda singula peccata, etiam in existentibus in peccato mortali. Pergit, *Alii verò dicunt, quòd non potest homo sine gratia diu stare quin peccet mortaliter. Quòd quidem verum est, quantum ad hoc quòd non diu contingit hominem esse habitualiter dispositum ad peccandum, quin occurrat sibi repente aliquod operandum, in quo ex inclinatione mali habitus labitur in consensum peccati mortalis: cum non sit possibile hominem diu esse vigilem, ad hoc quòd sufficientem sollicitudinem adhibeat ad vitandum peccatum mortale.*

Et in responsione ad quartum, quo dicebatur peccator non posse nisi peccare, sicut tibia curua non potest nisi claudicare; significat claudicare similitudinem hanc, his verbis: *Exemplum Augustini de curuitate, quantum ad aliquid non est simile. Quia scilicet non est in potestate tibia, ut vitetur sua curuitate vel non vitetur: ideo oportet omnem motum tibia, curua claudicationem esse. Liberum autem arbitrium POTEST VTI, VEL NON VTI SVA CURVITATE.*

Et ad decimumsecundum, *Cupiditas dicitur cogens liberum arbitrium, propter vehementiam inclinationis, cui tamen potest resisti, licet cum difficultate.* Ad 13. de habitibus idem dicit, *posse scilicet liberum arbitrium agere contra habitum, licet cum difficultate.*

Et iterum in responsione ad primum secundæ sententiæ, dicit *præiudicari libertati, si homo non posset vitare peccatum in contrarium conando, non verò si homo non possit esse in continua sollicitudine vitandi peccatum.* Idem repetit in responsione ad secundum, & ad septimum. *Dicendum quòd aliquis existens in peccato mortali, potest vitare omnia peccata mortalia, auxilio gratiæ, POTEST ETIAM EX NATVRALI VIRTUTE SINGVLA VITARE, quamuis non omnia: & ideo non sequitur quòd peccatum committendo non peccet.* Idem repetit in respons. ad octauum. Vide, Lector, quot testimonia pro saluanda indifferentia liberi arbitrii, vnico in articulo S. Thomæ, & quàm disertè contradicat Iansenianæ impossibilitati seruandi mandata, seu quòd idem est, peccandi necessitati.

Vigesimumsecundum ex eadem quæst. Vbi concludit art. 13. hominem existentem in gratia, posse non peccare, loquendo de peccato mortali, quia habenti gratiam non inest ali-

qua habitualis inclinatio ad peccatum, quin potius inest ei aliqua habitualis inclinatio ad vitandum peccatum: & ideo quando occurrit ei aliquid, sub ratione peccati mortalis, ex habituali inclinatione dissentit ab illo, nisi in contrarium nitatur, concupiscentias sequendo. Item. *Quia nullus motus liberi arbitrii in eo precedit plenam deliberationem pertrahens ad peccatum, quasi inclinatione habitus, ideo potest OMNIA PECCATA MORTALIA VITARE.* Audiant iterum qui dicunt, esse aliqua Dei precepta hominibus justis orantibus, conantibus, volentibus, secundum presentes quas habent vires, impossibilia: deesse quoque gratiam qua possibilia fiant, quin etiam, deesse gratiam orationis ad impetrandas vires. Addit S. Thom. *Etiamsi possit homo justus vitare singula peccata, dorum tamen perseverantia non esse in illius potestate; sed à Deo petendum esse, quod alias declaratum est.*

art. 4. Vigessimumtertium, ex eadem quæst. Vbi iustitiam correctionis infert ex potestate, quam habet is qui corripitur, non peccandi, hoc est, ex indifferentia, his verbis: *Ad secundum dicendum, quod recte homo corripitur, qui precepta non implet, quia ex ejus negligentia est, quod gratiam non habet, per quam potest servare mandata, quantum ad modum: CVM POSSIT NIHILO MINVS PER LIBERV M ARBITRIV MEA SERVARE QVANTVM ADSV B STANTIAM.* Modus ille, inodus est caritatis, ita ut observatio meritoria sit: substantia verò est facere quod præcipitur, ita ut peccatum vitetur: ut constet ex antecedentibus & consequentibus.

art. 6. ad. 1. Vigessimumquartum ex quæst. 29. de veritate. Vbi libertatem ad meritum necessariam in Christo sic defendit. *Ad primum ergo dicendum, quod licet anima Christi esset determinata ad unum, secundum genus moris, scilicet ad bonum; non tamen erat determinata ad unum simpliciter, POTERAT ENIM HOC VEL ILLVD FACERE ET NON FACERE, ET IDEO LIBERTAS in eo remanebat quæ requiritur ad merendum.*

dist. 16. qu.
1. art. 2.

Vigessimumquintum ex 1. sentent. Vbi ex libertate diuinæ voluntatis colligit contingentiam volitorum, & indifferentiam ad esse & non esse. *Voluntas, inquit, quantum est in se, libera est: unde principia voluntatis sunt tamum ea, quæ possunt esse vel non esse.* Quia ut supposuit, procedunt à voluntate, se-

cun-

cundum conditionem voluntatis, quæ conditio est libertas. Libertas autem quomodo communicare potest contingentiam illam, nisi quia indifferens est ut velit, vel nolit esse ea quæ producit? Et quomodo conciliabitur hoc cum sententia Iansenianorum, qui volunt Spirationem esse liberam in Deo, libertate quæ sufficeret ad meritum, si Deus esset capax merendi?

Vigesimumsextum expressissimum est ex 2. sentent. ubi cum dixisset, esse proprium agentis intellectualis determinare se ipsum, constituendo sibi finem actionis per intellectum, & per voluntatem eligendo hanc vel illam actionem, unde sequatur & libertas arbitrii, & dominium in suum actum; postea in responsione ad secundum, sic loquitur: *Dicendum, quod ad rationem liberi arbitrii non pertinet ut indeterminatè se habeat ad bonum vel ad malum, quia liberum arbitrium per se in bonum ordinatum est &c. sed hoc ad libertatem arbitrii pertinet, UT ACTIONEM ALIQVAM FACERE VEL NON FACERE POSSIT, ET HOC DEO CONVENIT. Bona enim quæ facit potest non facere: nec tamen malum facere potest.* dist. 15. qu. 1. art. 1.

Vigesimumseptimum ex eodem loco, cum dicit, *Voluntatem nostram non posse cogi, neque ratione subjecti, quia non est affixa organo: neque ratione objecti, quia quantumcumque aliquid ostendatur esse bonum, IN POTESTATE EIVS MANET ELIGERE ILLUD VEL NON ELIGERE.* Loquitur de statu præsentis, & deinde: *In his autem quæ ad finem ultimum ordinantur, nihil inuenitur ad id malum, quin aliquod bonum admixtum habeat: nec aliquod ad id bonum, quod in omnibus sufficiat. Unde quantumcumque ostendatur bonum vel malum, SEMPER POTEST ADHÆRERE, ET EVGERE IN CONTRARIUM, ratione alterius, quod in ipso est: ex quo accipitur, si malum est simpliciter, ut apparens bonum: & si bonum est simpliciter, ut apparens malum: & inde est quod in omnibus, quæ sub electionem cadunt, voluntas libera manet, in hoc determinationem habens, quod felicitatem naturaliter appetit: & non determinatè in hoc vel illo. En tibi, & indifferentiam ad libertatem arbitrii requisitam, & causam illius, atque rationem, seu radicem ex qua oritur. Disputat autem Sanctus Thomas utrùm liberum arbitrium possit cogi, & constat ex textu, re cogi, sumi latè pro eo, quod est ne-*

cessitari. quam enim coactionem voluntati negat, intellectui concedit, dum ab euidencia objecti necessitatur. Necessitatem ergo rejicit à libero arbitrio, etiam illam simplicem indeterminationi, hoc est, indifferentiæ oppositam. Et hoc vult dicere, cum addit, quamvis liberum arbitrium cogi non possit, nihilominus tamen posse inclinari ad agendum aliquid per aliquas dispositiones & habitus, ex quibus pronior efficitur ad eligendam alteram partem.

art. 4.

Vigesimumoctauum ex eodem loco. Vbi supposita distinctione eorum, quæ compellunt, cujusmodi est veritas euidenter repræsentata intellectui, & eorum quæ impellunt, cujusmodi est habitus, quibus jam sæpe dixit posse resisti; ad quartum dicit. *Quod liberum arbitrium nunquam ita vincitur, aut seruituti subiicitur passionibus peccati, ut ad peccatum compellatur. QVIA SIBI IN PECCATVM NON IMPVTARETUR: sed dicitur esse subiectum peccato, in quantum ex peccato inclinatur ad peccandum, sicut à disponente, non sicut à compellente.* Et ab hac necessitate compellente liberum esse dicit arbitrium in omni statu, ex sententia Magistri, *sine qua libertate peccatum imputari non posset.*

quæst. 19.
art. 13.

Vigesimumnonum ex prima parte. Vbi ex indeterminatione causæ liberorum actuum, hoc est ex indifferentia, quam habet ad agendum, vel non agendum, infert non posse futurum contingens in sua causa certò cognosci. *Alio modo, inquit, potest considerari contingens ut est in sua causa, & sic consideratur ut futurum, & ut contingens, nondum determinatum ad vnum, quia causa contingens se habet ad opposita: & sic contingens non subditur per certitudinem alicui cognitioni.* Si ex voluntate præuenta delectatione concupiscentiæ, necessariò sequitur peccatum, quare illud in tali causa non potest per certitudinem subjici cognitioni? Et si ex voluntate præuenta delectatione iustitiæ, necessariò pariter sequitur bonus affectus, quare ille non similiter subijcitur per certitudinem cognitioni talis causæ?

art. 3.

Trigesimum ex quæst. 19. ejusdem primæ partis, ubi quærit an diuina voluntas imponat necessitatem rebus volitis, & dicit imponere iis, quæ sunt à causis, quæ vocantur necessariæ, non verò iis, quæ sunt à causis, quæ vocantur contin-

gentes: sed potius efficere summâ suæ voluntatis efficaciam, ut huiusmodi causæ contingenter operentur. Verba Dñi Thomæ sunt. *Resp. dicendum quòd diuina voluntas quibusdam volitis necessitatem imponit, non autem omnibus Quod contingit propter efficaciam diuinæ voluntatis. Cùm enim aliqua causa efficax fuerit ad agendum, effectus consequitur causam, non tantum secundum id quod fit, sed etiam secundum modum fiendi, vel essendi Cùm igitur voluntas diuina sit efficacissima. Non solum sequitur quòd fiant quæ Deus vult fieri. Sed quòd eo modo fiant, quo Deus ea vult fieri. Vult autem quadam fieri Deus necessario, quadam contingenter, ut sit ordo in rebus ad complementum vniuersi: & ideo quibusdam effectibus aptauit causas necessarias, quæ deficere non possunt, ex quibus effectus de necessitate proueniunt: quibusdam autem aptauit contingentes defectibiles, ex quibus effectus contingenter eueniant. Non igitur propterea effectus voliti à Deo eueniunt contingenter, quia causæ proximæ sunt contingentes. SED QVIA DEVS VOLVIT EOS CONTINGENTER EVENIRE, contingentes causas ad eos præparauit. Si quæram. Quare vult Deus hominem contingenter orare, & non vult canem contingenter latrare, juxta præsentem dispositionem. Quid responderi potest, nisi quia vult hominem orantem habere potestatem non orandi, canem autem latrantem non habere potestatem non latrandi? Hoc verò quid aliud est, quàm velle hominem orare cum indifferentia, quæ importet proximam potestatem in oppositum? Nam canis habet remotam. Et hoc est hominem esse causam defectibilem in orando, canem autem non esse causam defectibilem in latrando, quia suppositâ eadem dispositione, canis semper latrat, homo non semper orat.*

Trigesimum primum, ex quæst. 19. Vbi constituto hoc art. 10.
 principio, quòd non habemus liberum arbitrium, respectu eorum, quæ necessario volumus, ita dirimit quæstionem, quæ petitur an Deus habeat liberum arbitrium. Cùm igitur Deus ex necessitate suam bonitatem velit, alia verò non ex necessitate, ut supra ostensum est; RESPECTU EORVM QVÆ NON EX NECESSITATE VULT, liberum arbitrium habet. Et in respons. ad 2. Quantumuis Deus non possit velle malum culpæ, tamen ad opposita se habet, in quantum velle potest hoc esse vel non esse. Vbi

vides libertatem arbitrii in Deo non saluari nisi per indifferen-
tiam.

art. 2. ad 3.

Trigesimumsecundum ex eadem prima parte quaest. 41. Vbi sanctus Thomas negat liberam esse Spiritus Sancti processionem: quia etiam si procedat ex amore, quia tamen procedit ex amore, quo Deus amat seipsum, qui naturalis est & non liber; ideo naturalis est, & non libera Spiritus Sancti processio. Verba illius sunt: *Deus naturaliter vult, & amat seipsum. Sed circa alia à se voluntas Dei se habet ad utrumque quodammodo ut dictum est. Spiritus autem Sanctus procedit ut amor, in quantum Deus amat se ipsum, unde naturaliter procedit, quamvis per modum, voluntatis.* Vides autem quomodo alium modum, qui est modus libertatis exponat, per hoc quod est *se habere ad utrumque*: & quomodo in voluntate Dei distinguat inter volitionem naturalem & liberam contra Ians. tom. 1.

art. 2. in
corp.

Trigesimumtertium ex quaest. 42. ejusdem primæ partis. Vbi D. Th. ut probet Filium in diuinis esse Patri coæternum, argumentum sumit ex discrimine, quod est inter principia necessaria, & principia libera. Quod scilicet necessaria simul sint cum suo principiato, si non impediat in ipsis, vel aliquis defectus virtutis necessariae ad agendum, vel ipsius actionis natura, quæ successionem postulat, quorum neutrum reperitur in æterna generatione. At verò principium liberum, etiam si nulla re careat ad agendum necessaria, nec ejus actio successionem postulet, potest esse antiquius effectu suo. Verba Diui Thomæ sunt, *Quia sicut in agentis voluntariis potestate est eligere formam, quam effectui conferat, ita in ejus potestate est eligere tempus, in quo effectum producat.* Ergo proprium est ex D. Th. liberi agentis, prout distinguitur à non libero, ut quamvis nulla re careat ad agendum necessaria, possit tamen suspendere actionem, & non ponere effectum hoc tempore, sed alio, quod magis placuerit. Et quia potentia, cui nihil deest proxima est; consequenter proprium est agentis liberi non agere, cum proxima ad agendum potentia, quæ est propriissima indifferentia.

qu. 82. art.
1. ad 3.

Trigesimumquartum ex eadem prima parte, ubi quod alias sæpe dixit ineulcat, dominium in suum actum, quod est necessario conjunctum cum libertate, includere indiffe-

rentiam ad opposita, his verbis, *Ad tertium dicendum quòd summus domini nostrorum actum: secundum quod possumus* HOC VEL ILLUD ELIGERE.

Trigesimum quintum ex eodem loco. Vbi docet voluntatem indifferentem se habere etiam circa illa, quæ necessariam habent connexionem cum beatitudine, nisi per visionem beatificam intelligantur habere talem connexionem, his verbis: *Sunt quadam particularia bona, quæ non habent necessariam connexionem ad beatitudinem: quia sine his potest esse aliquis beatus, & huiusmodi voluntas non de necessitate inhæret. Sunt autem quadam habentia necessariam connexionem ad beatitudinem, quibus scilicet homo Deo inhæret; in quo solo vera beatitudo consistit. Sed tamen antequam per certitudinem diuinæ visionis necessitas huiusmodi connexionis demonstretur, VOLUNTAS NON EX NECESSITATE DEO INHÆRET, NEC HIS QUÆ DEI SUNT. Sed voluntas videntis Deum per essentiam, ex necessitate inhæret Deo: sicut nunc ex necessitate volumus esse beati.*

Vides talem in hac vita negari necessitatem adhærendi Deo, qualis est in beatis; idque non ex mutabilitate cognitionum nostrarum, sed ex obscuritate: ita ut quamuis eadem permaneant, non sequatur necessariò amor, sicut sequitur in beatis, propter certitudinem diuinæ visionis. Quod autem dicit nos nunc velle necessariò esse beatos, non cadit in vllum actum singularem, & determinatum: sed confusè in omnes: quia nullus est, nec esse potest, qui non feratur in objectum suum, sub ratione boni, & ita semper vult bene esse: quod non impedit indifferentiam ad quodlibet.

Trigesimum sextum, ex eadem prima parte, vbi liberum arbitrium infert ex indifferenti iudicio rationis circa operabilia. Quid autem sequi potest ex indifferenti, & indeterminato iudicio, quàm indifferens, & indeterminata vis appetendi? Putat ergo S. Thomas se libertatem inferre, dum infert indifferentiam: & pro eodem habet appetitum liberum, & indifferentem. Verba illius sunt: *Homo agit iudicio, quia per vim cognoscitivam iudicat aliquid esse fugiendum vel prosequendum. Sed quia iudicium istud non est ex naturali instinctu in particulari operabili, sed ex collatione quadam rationis; ideo agit libero iudicio, potens in diversa ferri. Ratio enim circa contingentia*

quæst. 83.
art. 1.

HABET VIAM AD OPPOSITA, *ut patet in dialecticis syllogismis, & rhetoricis persuasionibus. Particularia autem operabilia sunt quedam contingentia; & ideo circa ea iudicium rationis ad diversa se habet, & non est determinatum ad unum. Et pro tanto necesse est quod homo sit liberi arbitrii, ex hoc ipso quod rationalis est.*

Et quia huic indifferentiæ videbantur ob stare tum innatæ passionum, tum acquisitæ vel infusæ habituum inclinationes, obstaculum remouet in respons. ad quintum, dicens, has omnes inclinationes subiacere iudicio rationis, etiam quæ sunt ex habitibus, *in quantum in nobis est tales qualitates acquirere, vel causaliter, vel dispositiuè, vel à nobis excludere: Atque ita S. Thom. nunquam alia ratione saluare se putat libertatem, quàm saluâ indifferentiâ ad agendum, & non agendum.*

quæst.
art. 2.

6. Trigesimumseptimum ex prima secundæ. Vbi voluntarium perfectum, quod est liberum, ab imperfecto & non libero, quod reperitur in brutis, per eandem indifferentiam, seu potestatem agendi, & non agendi distinguit: ejusque radicem ex indifferenti iudicio rationis similiter petit. *Perfectam, inquit, cognitionem finis sequitur voluntarium, secundum perfectam rationem, prout scilicet apprehenso fine aliquis potest, deliberans de fine & de his quæ sunt ad finem, MOVERI IN FINEM VEL NON MOVERI. Imperfectam autem rationem finis sequitur voluntarium, secundum rationem imperfectam, prout scilicet apprehendens finem non deliberat, sed subito mouetur in ipsum. Vnde soli rationali nature competit voluntarium, secundum rationem perfectam; sed secundum rationem imperfectam competit etiam brutis.*

Et in responsione ad 2. dominium sui actus ponit in eadem indifferentia, seu in hoc, quod cum ratio deliberans se habeat ad opposita, VOLUNTAS IN VTRVMQUE POSSIT. Et in resp. ad 3. hoc esse dicit *fundamentum laudis & vituperii, quod in brutis non reperitur.*

art. 3.

Trigesimumoctauum ex eadem quæst. Vbi ad hoc ut omisio voluntaria teneatur, requirit ut voluntas possit agere: & ad hoc ut imputetur ad culpam, ut etiam debeat agere. Quod est primò contra Iansenium, qui vult imputari nobis omissiones diuinorum præceptorum, quando impletio est impossibilis. Secundò, si ex D. Th. non imputatur omisio, nisi

cum est potestas & obligatio faciendi quod omittitur ; non est cur imputari possit commissio , nisi dum est potestas & obligatio omittendi quod committitur. Atque ita semper ad imputabilitatem requiritur indifferentia , quod Iansenius & Ianseniani negant. Verba D. Thomæ sunt. *Sed sciendum est quod non semper id quod sequitur ad defectum actionis, reducitur sicut in causam, in agens, ex eo quod non agit: sed SOLVM TVNC CVM POTEST, ET DEBET AGERE* Quia igitur voluntas volendo , & agendo potest impedire hoc quod est non velle , & non agere , & aliquando debet ; hoc quod est non velle , & non agere imputatur ei, quasi ab ipsa existens. &c. Et hoc quoque expressissimum est D. Th. testimonium contra Iansenianam peccandi necessitatem , & mandatorum diuinorum impossibilitatem.

Trigesimumnonum ex eadem quæst. Vbi D. Thomas rationem reddit cur voluntaria , & imputabilia sint ea, quæ impellente concupiscentia facimus, ex potestate non faciendi: quod similiter, & indifferentiam probat esse necessariam ad libertatem , & Iansenianam mandatorum impossibilitatem iterum oppugnat. Verba S. Thomæ sunt. *Quandoque in his quæ per concupiscentiam aguntur, non totaliter tollitur cognitio, quia non tollitur potestas cognoscendi, sed solum consideratio actualis in particulari agibili: & tamen hoc ipsum est voluntarium, secundum quod voluntarium dicitur quod est in potestate voluntatis, ut non agere, & non velle; similiter autem & non considerare. Potest enim voluntas passioni resistere; ut infra dicemus. Eadem ratione ignorantiam dicit esse voluntariam, ejus quod quis potest scire, & debet. Et ita semper requirit potestatem ad id, quod à nobis exigitur, ut ejus omissio imputetur.*

art. 7. ad 3.

art. seq.

Quadragesimum, ex eadem parte, vbi, ad objectionem, quod si Deus voluntatem moueret, illa nusquam moueretur ad malum, non aliter respondet, quàm retenta cum diuina motione voluntatis indifferentia, qua scilicet fiat, ut quamuis Deus ad bonum moueat, ipsa tamen deflectat ad malum. his verbis: *Ad tertium dicendum, quod Deus mouet voluntatem hominis sicut vniuersalis motus, ad vniuersale objectum voluntatis, quod est bonum: & sine hac vniuersali motione homo non potest aliquid velle. Sed homo per rationem determinat se ad VOLENDVM HOC VEL*

Quæst. 9.
art. 6. ad 3.

ILLUD quod est verè bonum vel apparens bonum. Sed tamen interdum Deus mouet aliquos ad aliquid determinatè volendum, quod est bonum, sicut in his quos mouet per gratiam ut infra dicitur. Vide quàm scitè loquatur S. Th. etiam dum Deus ut motor specialis specialiter adiuuat ad bonum: non dicit determinare voluntatem, sed mouere ad determinatè volendum, ut sit semper salua libertatis indifferentia, vel indifferentiæ libertas.

quæst. 10.
art. 1. ad 1.

Quadragesimum primum ex eadem parte, vbi modum agendi, qui conuenit voluntati, quatenus est libera, & domina sui actus, in eo distinguit à modo agendi, qui eidem conuenit, quatenus est natura, vel in aliqua natura fundatur, quòd posteriori modo sit determinata ad vnum, priori autem non, quod est esse indifferentem. Verba illius sunt. *Ad primum ergo dicendum, quòd voluntas diuiditur contra naturam, sicut vna causa contra aliam. Quædam enim fiunt naturaliter, & quedam fiunt voluntariè. Est autem alius modus causandi proprius voluntatis, quæ est domina sui actus, præter modum, qui conuenit natura, quæ est determinata ad vnum. Sed quia voluntas in aliqua natura fundatur, necesse est quòd modus proprius natura, quantum ad aliquid, participetur à voluntate.*

art. 2.

Quadragesimum secundum ex eadem quæst. vbi continetur expressa confessio indifferentiæ ad contradictoria, circa quodcumque objectum, voluntati propositum, excepto Deo clarè viso, his verbis: *Respondetur dicendum, quòd voluntas mouetur dupliciter. Vno modo quantum ad exercitium actus, alio modo quantum ad specificationem actus, quæ est ex objecto. Primo ergo modo voluntas à NVELO OBIECTO EX NECESSITATE MOVE- TUR. Potest enim aliquis de quocumque objecto non cogitare, & per consequens neque actu velle illud. Et deinde. Si proponatur aliquod objectum voluntati, quod sit vniuersaliter bonum & secundum omnem considerationem, ex necessitate voluntas in illud tendit, si aliquid velit. Non enim velle potest oppositum.*

Sed quia diceret aliquis. Esto, non determinetur voluntas necessariò ab objecto, determinatur tamen aliunde, nempe à passionibus, quibus impellitur, vel à Deo à quo mouetur; S. Tho. hoc etiam rejicit duobus sequentibus articulis. Nam in tertio concludit, *aut motum voluntatis non esse in homine, sed solum passionem dominari*, sicut in phreneticis, & amentibus: *aut si sit*

motus

motus voluntatis non ex necessitate sequi passionem. Et hoc colligit, ex eo quòd necesse sit, si est aliquis motus voluntatis, hoc est rationalis appetitus, ut non totaliter absorbeatur ratio à passione, sed quantum ad aliquid remaneat iudicium liberum & non subiectum passioni. Et in tantum voluntatis motum qui manet, non ex necessitate tendere ad hoc ad quod passio inclinat: & secundum hoc posse quempiam, vel totaliter pas- ad 2.
sionem repellere, VEL SALTEM SE TENERE, NE PASSIO-
NEM SEQUATUR. Quæ sunt diametraliter opposita Iansenianæ Theologiæ.

Item de Deo mouente vide quid dicat. *Respond. dicendum*, art. 4.
quòd sicut Dionysius dicit cap. 4. de diu. nom. ad providentiam diuinam non pertinet naturam rerum corrumpere sed seruare. Vnde omnia mouet secundum eorum conditionem: ita quod ex causis necessariis per motionem diuinam consequuntur effectus ex necessitate: ex causis autem contingentibus sequuntur effectus contingenter. Quia igitur voluntas est actiuum principium non determinatum ad vnum, sed INDIFFERENTER se habens ad multa; sic Deus ipsam mouet quod non ex necessitate ad vnum determinat: sed remanet motus ejus contingens, & non necessarius, nisi in his ad quæ naturaliter mouetur. Augustinus, inquit, Iansenius nunquam in omnibus suis libris, est vsus isto modo conciliandi motionem diuinam cum libertate voluntatis. Nos verò vel ipsis Iansenianis auctoribus, mentem Augustini ex D. Thoma discimus doctrinæ illius probè conscio: & intelligimus non aliter seruari cum diuina motionem libertatem, quàm quia saluatur indifferentia. Quòd si reus est etiam ipse D. Thomas, vel ignoratæ, vel corruptæ Augustinianæ Theologiæ, in alium cum illo accusari ab Adversariis, quàm approbari cum Iansenio.

Quadragesimum tertium ex quæst. 13. ejusdem partis, vbi art. 2.
ex indeterminatione seu indifferentia voluntatis infert proprium esse illius eligere vnum præ alio. *Est differentia*, inquit, *inter appetitum sensitiuum & voluntatem, quia vix ex prædictis patet, appetitus sensitiuus est determinatus ad vnum particulare secundum ordinem naturæ. Voluntas autem est quidem secundum naturæ ordinem determinata ad vnum commune, quod est bonum, SED INDETERMINATE se habet respectu particularium bonorum: & ideo propriè voluntatis est eligere, non autem appetitus sensitiui.* Indeter-

minatio illa seu indifferentia non potest esse causa cur eligere sit proprium voluntatis, nisi sit ipsa quoque propria voluntatis, prout ea distinguitur contra naturam, & est causa libera. Adde quod dicit in respons. ad secundum, brutum animal ideo non propriè eligere quando vnum præ alio accipit, **QVIA ILLIVS APPETITVS EST NATVRALITER AD ILLVD DETERMINATVS.** Debet igitur esse indeterminatus appetitus hominis, vt censeatur eligere liberè, hoc est, debet esse indifferens.

art. 6.

Quadragesimumquartum ex eadem quæst. vbi continetur etiam manifesta indifferentiæ confessio tanquam consequentis ex ipsa rationalis appetitus natura: & non vt Iansenius dicit *per accidens tantum*. S. Thom. sic loquitur: *Respondeo dicendum, quod homo non ex necessitate eligit: & hoc ideo, quia quod possibile est non esse, non necesse est esse. Quod autem possibile sit non eligere, vel eligere; huius ratio ex duplici hominis potestate accipi potest. Potest enim homo velle, & non velle: agere, & non agere. potest etiam velle hoc aut illud: cuius ratio ex ipsa virtute rationis accipitur. Quidquid enim ratio potest apprehendere vt bonum, in hoc voluntas tendere potest. Potest autem ratio apprehendere vt bonum, non solum hoc quod est velle, aut agere; sed etiam quod est non velle, & non agere. Et rursum in omnibus particularibus bonis potest considerare rationem boni alicuius & defectum alicuius boni &c.*

En tibi causam indifferentiæ voluntatis ad volendum, & non volendum: & ad volendum, vel nolendum idem, si sit particulare bonum.

art. 1.

Quadragesimumquintum ex quæst. 15. eiusdem partis, vbi Diuus Thomas de consensu disputat, & ostendit proprium esse hominis consentire, nec conuenire bruto: quod hominis proprium sit dominium illud indifferens ad applicandos, vel non applicandos appetitiuos motus. Verba illius sunt: *Brutum animal appetit quidem, sed non applicat appetitiuum motum ad aliquid, & propter hoc non propriè dicitur consentire, sed solum rationalis natura, quæ habet in potestate sua appetitiuum motum: & POTEST IPSVM APPLICARE VEL NON APPLICARE AD HOC VEL ILLVD.* Et hanc indifferentiam confirmat in respons. ad tertium cum dicit, *homines qui ex passione agunt, POSSE NON SEQUI PASSIONEM*, vt intelliga-

mus in tantum censendos consentire, in quantum possunt non sequi.

Quadragesimum sextum ex quæst. 74. ejusdem partis, vbi ^{art. 5. ad 1.} peccatum esse posse dicit in ratione dupliciter. Primò quando ratio ignorat aliquid quod debet, & potest scire: à quo peccato excusantur amentes. Secundò, quando non dirigit alias vires, *Et hoc*, inquit, *semper imputatur ad peccatum*, QVIA HVIC DEFECTVI OCCVRRERE POTEST *per proprium actum*. En tibi iterum indifferentiam in peccante, vt causam imputabilitatis peccati.

Quadragesimum septimum ex eadem quæst. vbi pariter ^{art. 7. ad 2.} consentire peccato attribuit indifferentiæ, seu potestati in oppositum. *Ad secundum dicendum quòd in hoc ipso quòd ratio superior non dirigit actus humanos secundum legem diuinam, impediens actum peccati, dicitur ipsa consentire: siue cogitet de lege æterna, siue non. Cùm enim cogitat de lege Dei actum eam contemnit: cùm vcrò non cogitat, eam negligit per modum omissionis cuiusdam. Vnde omnibus modis consensus in actum peccati procedit ex superiori ratione. Et vt constet nos ex Diuo Thoma Theologiam Augustini discere, id quod faciendum monent Iansenistæ, subdit, Quia vt Augustinus dicit duodecimo de Trinitate, non potest peccatum efficaciter perpetrandum mente decerni, nisi illa mentis intentio, penes quam SUMMA POTESTAS EST MEMBRA IN OPVS MOVEN- DI, VEL AB OPERE COHIBENDI, male actioni cedat, aut seruiat.* En vt Augustinus cum D. Thoma conspirat ad inculcandam indifferentiæ necessitatem.

Quadragesimum octauum ex quæst. 75. ejusdem partis, vbi ^{art. 3.} ex indifferentia voluntatis, vel ad sequendum quod ratio suadet, vel ad consentiendum passionibus: seu quod idem est, ex eo quòd nulla causa exterior necessariò impellat voluntatem ad peccandum, concludit solam voluntatem esse causam sufficientem peccati. *Aliquid exterius*, inquit, *potest esse aliqua causa mouens ad peccandum, non tamen ad peccandum SUFFICIENTER INDVCENS: sed causa SUFFICIENTER complens peccatum est sola voluntas.* Nempe quia positis omnibus aliis adhuc ipsa potest non peccare, & ita eludere omnem alium impulsu ad peccandum, quod est esse indifferentem.

Quadragesimum nonum ex quæst. 78. eiusdem partis, vbi can- ^{art. 8.}

dem indifferentiam seu potentiam in oppositum requirit ad peccandum. *Cum* *x* passione, inquit, aliquis procedit ad actum peccati, vel ad consensum deliberatum; hoc non fit subito. Vnde ratio deliberans potest huic occurrere, POTEST ENIM EXCLUDERE, vel SALTEM IMPEDIRE passionem, ut dictum est. Vnde si non occurrat, est peccatum mortale. & in resp. ad tertium requirit etiam talem aliquam indifferentiam ad peccatum veniale.

art. 3.

Quinquagesimum ex quæst. centesima nona ejusdem partis, ubi similiter asserit indifferentiam seu potentiam ad vitandum quodcumque peccatum mortale, atque etiam veniale: quod voluntatem posse dicit, etiam antequam per gratiam reparetur, pro aliquo tempore, & hoc requirit ad imputabilitatem peccati.

quæst. 18.
art. 1. ad 3.

Quinquagesimum primum ex tertia parte. Vbi ut libertatem Christi tueatur ab ejus actibus excludit necessitatem oppositam indifferentiæ. *Ad tertium dicendum*, inquit, quod ipsa potentia voluntatis est naturalis, & consequitur naturam ex necessitate. Sed motus vel actus hujus potentie, qui etiam voluntas dicitur, quandoque quidem est naturalis & necessarius, puta respectu felicitatis: quandoque autem EX LIBERO ARBITRIO RATIONIS PROVENIENS ET NON NECESSARIUS, neque naturalis & ideo præter voluntatem divinam oportet in Christo ponere voluntatem humanam. En ut distinguit actum liberi arbitrii contra illum qui fertur in felicitatem, hoc est, contra necessarium.

art. 4. ad

Quinquagesimum secundum ex eadem quæst. his verbis: *Ad tertium dicendum* quod voluntas Christi licet sit determinata ad bonum, non tamen est determinata ad hoc vel ad illud bonum: Et ideo pertinet ad Christum eligere per liberum arbitrium confirmatum in bono sicut ad beatos. Hoc dicit ut solvat objectionem, qua ex determinatione ad vnum impugnabatur liberum arbitrium Christi: Et vides hic confirmari quod dictum est supra capite 2. §. 4. & D. Thomam etiam in Christo Domino agnoscere arbitrium voluntatis, non solum à coactione, sed etiam à necessitate liberum: atque ex illa carentia necessitatis, hoc est, ex indifferentia inferre aptitudinem ad merendum.

Hæc ut opinor satis sunt ad cognoscendam sententiam S. Thomæ: ac vereor ne plerisque videantur esse plusquam sa-

tis. Sed imperitorum necessitas eruditorum tædio præferenda fuit, & tota hæc causa semel exhaurienda, vt esset vnde facile os obstrui possit iis, qui post corruptam prauis interpretationibus S. Augustini Theologiam, S. Thomam in partes etiam trahere conantur. Iam autem constare puto quàm immeritò id faciant, & quàm illi non possint quidquam sperare præsidij ab Theologia S. Thomæ: vnde nemo etiam est qui non videat consequens esse, nec veros S. Thomæ discipulos posse Nou-Augustinianis esse propitios. Et mirum est quî fieri potuerit, vt qui tot probris Theologiam Scholasticam vniuersam inquinauere, suffragium modò exquirant Principis Scholasticorum: & qui nominatim dixere S. Thomam ideo excellere non potuisse in Theologia Positiua, quæ sola per illos vera Theologia est, quodd excelluerit in Scholastica; persuadere hominibus tantopere conentur, Thomisticam esse doctrinam quam proponunt. Sed siue id acciderit ex familiari Doctoribus istis inconstantia: seu pro more illorum quos afflictæ res & impar aduersariis facultas ad extrema consilia compellit; ambire coguntur eorum fauorem quos priùs offenderant, ac dicere, vel Iansenianis consentire Thomistas, vel Thomistis Iansenianos. Quæ fraus quia jam ex voto succedebat apud plerosque in vtraque illa Theologia Thomistica, & Ianseniana parum versatos; qui nimium credulos dedoceat, ille certè videtur, non modò de veritate bene meritus; sed Thomistas insuper officio prosequi tam opportuno, quàm optabile illis est, vt quisque intelligat, doctrinam quam sequuntur longè à damnata diuersam esse.

Ianf. toto
ferè lib.
proem.
Idem ibi
cap. 9.



INFORMATIO
DE QVINQVE
PROPOSITIONIBVS,
EX IANSENII THEOLOGIA
COLLECTIS,

Quas Episcopi Galliæ Romano Pontifici ad
Censuram obtulêre.

INTRODUCTION

DE QUINQUE

PROPOSITIONIBUS

IN THEORIA THEOLOGICA

LIBER PRIMUS

De Deo, Patre, Filio, Spiritu Sancto,
et de Ecclesia

ADMONITIO AD LECTOREM,

& Nota in Diarium Sant-Amorii.



O PVS CVLVM hoc scripsi Romæ anno 1652. indèque digressus scriptum reliqui, vt iret per eorum manus quorum erat de quinque Propositionibus ferre iudicium. Tangit enim summa capita quæ ad plenam causæ cognitionem requiruntur & sufficiunt. Ob eandem rationem cum Parisios appulisset, vt esset publici juris prælo subdidi, & examini eruditorum exposui. Fuerit-ne aliquod operæ pretium conjici potest ex iis, quæ deinde tum Romæ, tum Parisiis consequuta sunt in causa Ianseniana. Augustini certè mentem circa quamlibet ex quinque Propositionibus, quantum satis erat aperui. Sed quia prima capitalis est, & sequentes in eandem vel damnationem, vel approbationem trahit, existimaui diligentius excutiendam numerosam illam testimoniorum syluam, quâ Iansenius putauit ejusmodi propositionem esse fulcendam. Hoc autem præstiti designatis duodecim solutionibus, quæ sunt duodecim Iansenianæ interpretationis fallaciæ, quibus omnia illa Augustini testimonia comprehenduntur. Vt aliquid simile præstarem circa quintam Propositionem rogauit D. Hallier Episcopus deinde Cauellicensis, qui tunc Romæ quoque

controuersia decisioni vrgendæ adlaborabat, cui ego non inuitus parui.

Chose sur-
prenante &
qui n'eust
puë avant
ce dernier
temps en vn
Docteur de
Paris, que
pour vne
grande pre-
uarication.
par. 4. di. 11.
pag. 153.

Obstupefcit Auctör Diarii ad hanc Sorbonicos inter & Iesuitas studiorum communicationem, *Quippe quæ, inquit, alio tempore in Doctore Parisiensi non nisi magna instar præuaricationis habenda erat.* Existimat, vir scilicet Christianæ caritatis studiosus & tenax, Doctores Parisienses & Iesuitas reciproco anathemate separandos; fallorque nisi cælum quoque ipsum diuidendum putat, ne fortè sit idem vtrorumque Paradisus. Proprius est ille genius heterodoxorum, doctrinam affectare singularem, neque fidem amplecti velle nisi diuisam à communi. Sed vix illi seu Facultati, seu Societati quæ gloriari poterit se sensus habere peculiare. Necesse enim est vt vel ipsa rerum nomina nesciat, qui putet, eandem sententiam & singularem esse posse simul & Catholicam.

C'est là
proprement
cette chi-
mere ridi-
cule de cet-
te grace ne-
cessité qui
détruit le
pouvoir ac-
tif d'y re-
sister pen-
dant qu'elle
est présente,
qui est née
première-
ment dans
l'imagina-
tion du P.
Annat. par.
6. di. 11. pag.
417.

Huc etiam pertinet quod est in eodem Diario, Chimæram esse ridiculam quæ obijcitur Iansenio, quando admisisse dicitur *gratiam necessitantem*, à qua voluntas eo sensu potest dissentire, quatenus abeunte gratiâ non operatur illud bonum quod eâ præsentem necessario perficit. Hanc verò Chimæram, quæ vim actiuam resistendi in voluntate destruit, quandiu subest efficaci gratiæ, natam esse dicit primum ex meo cerebro. At ego chimæram quoque censeo talem gratiam: Sed quod dicit è meo natam cerebro, admodum fallitur, & rerum origines ignorat. Nata enim est olim è cerebro Manichæi, vnde insiliit in cerebrum Prædestinarianorum, quos Ianseniani maiores suos agnoscunt: inde propagata est in cere-

brum Wiclefi ejusque discipulorum : à Wicleuistis transiit ad cerebrum Caluini , vnde inuolauit cerebrum Iansenii. Hæc est vera hujusce chimææ genealogia. Cujus ignorantia condonanda esset Auctori confitenti se Iansenii librum non legisse. Sed verendum est ne sit ipse perinde ridiculus , ac illa de qua loquitur chimæra. Ego enim Iansenianam doctrinam ejusque Defensores tantum peto. Pacem habeo cum cæteris. Vnde vel Auctor Diarii pars est aliqua Defensorum illorum, vel nulla: si nulla est, quis non rideat hominem, cui placet occurrere jaculis in alios missis, & alienos ictus gratis excipere? si est aliqua, quis ferat Doctorem Parisiensem doctrinam suscipere defendendam quam ignorat? Currere pecudum more, non quò eundum est, sed quò itur, hoc in popularibus Iansenianis tolerandum fortasse fuerit: Doctorem Parisiensem esse gregarium non pudet? Non pudet ex alieno pendere testimonio, & sui similibus suam mancipare fidem, atque hoc pertinaciter tueri quod ipse nesciat, sed quod acceperit ab aliis? Et cum hæc ita sint, hoc est cum ignoratâ Iansenii doctrinâ, totius controuersie fundamentum ignoret, vult tamen inter præcipuos causæ hujus Actores digito monstrari theatròque supereminere fronte retectâ, cum alii sine larua conspici nolint. Sed quando Iansenium se non legisse confitetur, indicabo vbinam possit inuenire Iansenianam chimæram, hoc est gratiam vt ipse vocat *nécessitantem*. Legat sextum, septimum, octauum librum tomi tertii, & millies occurret necessitas illa, quam gratia imprimit libero arbitrio. Atque vt hoc ipsum intelligat Iansenianum esse quod

Il se mit sur
Iansenius: je
répondis à
S. E. que je
ne luy en
pouuois
que dire,
parceque je
n'auois pas
leu le liure
de cét Euef-
que. 16.
pag. 418.

*Ians. tom. 1.
l. 4. de ha-
resi Polag.
c. 1. & seq.*

dico, gratiam destruere vim actiuam resistendi pro tempore quo ipsa est; videat num inde satis colligatur, quod inter Massiliensium errores Iansenius numerat, quod dicerent voluntatem esse indifferentem ad consentiendum, *pro illo momento quo mouetur; ita ut possit abstinere ab illo motu.* Quid enim, si est ille Massiliensium error ex mente Iansenii, nonne sequitur ex eadem mente contrariam sententiam & veram & suam esse, postquam ille cum Massiliensibus errare non vult? Ergo censeret voluntatem à Deo motam, non posse non consentire pro illo momento quo mouetur: Ergo ut possit non consentire, expectandum est aliud momentum, in quo illa motio non sit. Sunt igitur admittenda duo momenta, in quorum vno præsente gratiâ voluntas consentire potest; in alio eâdem absente non potest. Quam doctrinam, quod Auctor Diarii vocat ridiculam ego non repugno; sed quando ea manifestè sequitur ex Iansenii principiis, cogitur ipse quoque Iansenii doctrinam fateri ridiculam, quam tamen ut incognitam defendebat.

Tom. 3.

Legat etiam libri octauī caput vigesimum, & mediteretur quod dicit Iansenius, Non esse admittendum, indifferentiam quam admittunt scholastici, qui docent quocumque modo arbitrium, siue gratiæ, siue peccati delectationibus imbuatur, sub vtriusque eius dispositione, posse fieri ut vtrumlibet velit, siue bonum, siue malum, pro innata voluntatis indifferentia, quæ sub quacumque dispositione actum præueniente, sese sua libertate in vtramvis partem flectit. Si non potest, arbitrium sub vtriusque dispositione actum præueniente, flectere se in vtramli-

bet partem; nonne consequens est, ut alia & alia debeat esse dispositio, quando potest consentire, & quando potest dissentire? Ac proinde nonne consequens est, dispositionem sub qua potest consentire, abesse debere ut det ei locum sub qua possit dissentire? Quid autem aliud sibi vult quod dicitur voluntatem abeunte gratiâ posse omittere bonum, quod eâ præsente non potest non operari, & quod idem est, quod ea præsente NECESSARIÒ operatur.

Uterius progrediatur & legat quod paulo pòst sequitur, non posse voluntatem flectere se in vtramvis partem, *nisi fiat mutatio in requisitis ad agendum*. Quid enim est debere fieri mutationem in requisitis ad agendum, nisi stante dispositione gratiæ vnum tantum oppositorum fieri posse: ac proinde illud tantum NECESSARIÒ fieri: abeunte verò illa dispositione, & alia succedente ac prævalente fieri posse alterum? Et hoc Auctori Diarii videtur ridiculum, rideat ergo per me licet: & affatim rideat: & Iansenii doctrinam tantum irridebit: Rideat etiam seipsum, vel potius confundatur & erubescat, quòd doctrinam suo iudicio ridiculam Disputator absurdus atque inconsultus suscepit propugnandam.

Denique videat & si potest intelligat quod Iansenius non semel inculcat, periisse quæ fuerat ante lapsum hominis, *bicornem*, ut ipse vocat, *libertatem*: & quod inde sequitur *unicornem* tantum remansisse. Nam quid est aliud bicornem in eo statu fuisse libertatem, quam fuisse in hominis arbitrio facultatem promptam & expeditam ad vtrumlibet oppositorum, ideòque tunc neutrum ex necessitate præoptasse? Et quid aliud in-

telligi potest, cùm dicitur esse modò *unicornem*, nisi, mouente gratiâ victrice extrorsum prodire facultatem ad bonum, retentâ introrsum ligatâque dissentienti facultate: itâque tunc bonum *necessariò* operari, eo quòd facultas dissentienti impedita tunc sit? Hæc enim sunt duo illa Iansenii cornua, quæ ambo simul in hoc statu nunquam exeruntur. Alterum enim exferit victrix gratia: alterum victrix concupiscentia. & quia implicat ambas esse simul victrices, neque contingit ex Iansenio esse ambas viribus pares; sequitur quodcumque fit à voluntate, *necessariò* fieri: quia quodcumque fit, eo momento fit quo voluntas caret expedita facultate ad contrarium: & consequenter recurrentes esse in hac vita necessitates tum consensendi bono tum dissentienti: alternâsque vices tum *necessitantis gratia*, tum *necessitantis concupiscentia*.

Vnde vlteriùs sequitur, verissimum esse quod Dionysius Raimundus alicubi inficiatur, indifferentiam voluntatis quam admittunt Ianseniani, ita esse passiuam, sicuti passua est indifferentia canis ad latrandum & ad blandiendum. Sicut enim sub vna dispositione canis adlatrat, & sub alia eidem homini blanditur; ita hominis voluntas sub gratia victrice *necessariò* fertur in bonum, & sub victrice concupiscentia *necessariò* fertur in malum, itaque passua tantum est necessitatum, hoc est dispositionum *necessitantium* successiuè ad bonum & ad malum.

Tom. 1. l. 3.
220.

Nec quenquam moueat, quod Iansenius fingit, se nodum hunc expedire posse, Thomistica distinctione *sensus compositi & diuisi*. Hoc enim non potest nisi modum quo vtitur explicandi sensum hunc, per di-

uerſas diſpoſitiones, & diuerſa momenta, in quorum vno voluntas poteſt conſentire, in alio diſſentire, omnino retractet ac reprobet. Thomiſtæ ſiquidem illam rationem interpretandi ſenſum compoſitum & diuiſum omnino reiiciunt & damnant vt hæreticam & Caluini propriam, vt conſtat ex Didaco Aluares. Neque ignorauit Ianſenius ſe in eo non conuenire cum Thomiſtis, quando ſub finem capitis illius vigefimi lib. 8. confitetur, ſe quæ dixerat *ſecundùm aliorum ſententiam dixiſſe*, quaſi diceret non eſſe ſuam quæ Thomiſtarum eſt ſententiam, ſed ſuam eſſe quam Thomiſtæ putant hæreticam.

*Aluar. de
Auxil. diſp
28. & 92.*



THE HISTORY OF THE
LIFE OF
JAMES OGLETHORPE
BY
JOHN STURGES
IN TWO VOLUMES
VOL. II.
LONDON: PRINTED BY J. JOHNSON, ST. PAULS CHURCH-YARD, 1784.



THE HISTORY OF THE
LIFE OF
JAMES OGLETHORPE
BY
JOHN STURGES
IN TWO VOLUMES
VOL. II.
LONDON: PRINTED BY J. JOHNSON, ST. PAULS CHURCH-YARD, 1784.

P R Æ F A T I O ,

IN QUA PRÆCIPVA QVÆDAM VITIA LIBRI
de Gratia victrice breuiter perstringuntur.



DOCTOR quidam, vt se ipse nominat, *de bono loco*, & vt probat, *de mala schola*, anno superiori librum edidit triplici titulo gloriosum. Inscríbatur enim primò, *Gratia victrix Iesu Christi*. Victricem autem vocat illam, quæ de oppressa hominum libertate triumphat. Rursus titulum illum hoc altero reddit; *Molina & ejus discipuli de Pelagianorum & Semipelagianorum errore conuicti, circa controuersiam de gratia sufficiente libero arbitrio subiecta, ex actis Congregationis de Auxiliis*. Addit tertiò inscribi quoque potuisse, *Apologiam pro Pontificibus Clemente & Paulo, & pro Congregatione de Auxiliis, contra discipulos Molina*. Sed omisit titulum, qui maximè conueniebat huic operi. Debutit enim, si voluisset fœtum hunc proprio insignire nomine, vocare, *Vltimum Iansenismi animam agentis conatum, quo præcipui errores, fabule, mendacia, impostura, calumnia, Ibrasonismi, & ventosa ostentationes, quibus illa secta sese hactenus sustentauit, breui compendio colliguntur, ad auertendam quinque propositionum censuram, & imminentem Ianseniana factioni ruinam euandam*. Germana hæc est, & vt ita dicam, *quiddatiua operis nuncupatio*.

Nimirum hunc conatum expressit dolor & desperatio, ex quo intellectum est Episcoporum Gallia partem longè maximam concurrere ad promouenda Sorbonæ consilia & vrgendam apud Sedem Apostolicam quinque Propositionum censuram. Intellexerunt enim Ianseniani ea ratione dissipandum quidquid hactenus nebulatum offundere conati erant simplicium oculis, cùm occinere non cessarent & Sorbonam

I.
Quæ sit &
quæ debue-
rit esse in-
scriptio Ian-
seniani Li-
belli.

præf. pag.
19.

II.
Quæ fuerit
Loco bono
scribendi
ocasio.

Præf. pag.
16.

à Iansenio stare, & Clerum Gallicanum illi subscribere, & præter mentem Pontificis esse quidquid hætenus in illum fuerat jactatum, ex Urbani Constitutione. Ne igitur inulti occumberent, prodiit ex eorum castris in speciem laureatus hic campio, professus se suo ac suorum nomine librum mittere in *universum orbem Christianum*, qui veteres nuntiaret triumphos: ut scilicet omnes intelligant, quicumque tandem esse possit, qui nunc expectatur rerum euentus, causam suam jam esse antiquis victoriis inclutam, seque in umbra trophæorum, quæ de prostratis hostibus olim erecta sunt, esse posse securos.

III.
Locoboni
prouiden-
tia.

Tanta verò fuit hujus doctoris providentia, ut cum se scribere diceret *ad totum orbem Christianum*, scripserit tamen Gallicè, ratus ut opinor, Gallicam linguam esse linguam omnium Christianorum. Quod quia fortè non satis persuasum habent, ut Germanos omittam & Ungaros, vel ipsi Cantabri nostri atque Aremorici, statui hunc illi Mercurium adjungere, qui Ecclesiæ Latinæ linguâ omnibus exponat, & quæ dicit dominus Doctor, & quæ dicere debuit: quod hac tota lucubratione præstabitur.

I V.
Quantifac-
iat san-
ctiones A-
postolicas.

Et primò, ut constet quàm sit dignus illa quam ambit omnium Christianorum communione, plurimùm refert ut omnes intelligant, hominem hunc susdeque habere sanctiones Apostolicas. Nam ut omittam scribere illum *ex professo* de Gratia per seipsam efficaci, quam eandem esse vult cum gratia physicè prædeterminante, nulla ejusce rei obtenta, petitive facultate, quod toties & tam severe prohibitum est à summis Pont. Paulo, Urbano, Innocentio feliciter regnante: nihili præterea facit adhibitæ à Paulo V. cautiones, quando post disputationes de Auxiliis constituit, ut quandoquidem dilatâ in aliud tempus controuersiæ decisione, liberum manebat quam quisque veller partem amplecti, suam omnes sententiam ita tuerentur, ut nemini liceret vllam contrariæ notam inurere. Quod ab eo tempore ita religiose seruatum est, ut ante Iansenium extiterit nemo, qui etiam in priuatis de hoc argumento lectionibus ac disputationibus, non sibi reus videretur, si conuinci posse se vel minimam censuræ speciem in aduersarios usurpasse, quod patet ex co-

rum præfationibus & obtestationibus, si quando incidit ali-
quod centendi periculum. Sed nimirum hi sunt arenosæ cu-
jusdam Theologiæ scrupuli, qui Doctorem Locobonum mi-
nimè premunt. Ille ab ipso statim exordio libri, atque in
ipso frontispicio, *Molinam ejusque discipulos convictos prædicat*
de Pelagianorum & Semipelagianorum errore. Et in præfatione
Molinam vocat *Patriarcham Semipelagianorum*, eandemque Pag. 15.
deinde notam imprimit singulis ferè paginis.

Secundò vix est modò quisquam in orbe Christiano, qui
nesciat editam & promulgatam ab Urbano Constitutionem,
quâ damnatur Iansenius eo nomine, quòd doctrinam antea
proscriptam à Summis Pontificibus reducere ausus sit. Ex-
tant ejusdem Constitutionis tot confirmationes, tum Urbani,
tum Innocentii feliciter regnantis, ut nemo possit esse tam
stupidus, qui se id audiuisse neget, nemo tam contumax, qui
non credat. Locobonus nullâ prorsus factâ mentione De-
cretorum hujusmodi, tanquam ea ne suâ quidem recorda-
tione digna judicaret, profitetur apertè se Iansenio consen-
tire, atque hanc habere velle communem cum illo com-
mendationem, Quòd sit verus germanusque sancti Augusti-
ni discipulus: Esse illum fidelem sancti Augustini inter-
pretem: Verissimas esse quinque propositiones in sensu quo
ab illo asseruntur: Quidquid Iesuitæ moliantur, nunquam
esse eo sensu damnandas: Horribilem esse calumniam, ac-
cusare illum, quasi eas in sensu Caluini contrario decretis
Concilii Tridentini defenderit: In sensu in quo admit-
tuntur à Iansenio, neque negari posse neque oppugnari,
sine lapsu in Pelagianismum, vel Semipelagianismum: Et
tam procul distare ab omni periculo censuræ, ut potiùs
contineant fidem Ecclesiæ & doctrinam necessariam veræ
gratiæ Dei. Nimirum hoc voluit Urbanus significare quando scri-
psit in sua constitutione, quæ incipit, In eminenti; Cùm autem
ex diligenti & matura ejuslibri, cui titulus Augustinus, le-
ctione, postmodum compertum fuerit, in eodem libro
multas ex propositionibus à prædecessoribus nostris olim,
ut præfertur, damnatis contineri, ET MAGNO CVM CA-
THOLICORVM SCANDALO ET AVTHORITATIS DI-
CTÆ SEDIS CONTEMPTU contra præfatas damnationes

V.
Pro firetur
se Iansenio
adhærere.

Præf. pag.
10. 11. 16.
18. 21. 22.

„ & prohibitiones defendi; Nos huic malo IN SCANDA-
 „ LVM TOTIVS REIPVBLICÆ CHRISTIANÆ ET FI-
 „ DEI CATHOLICÆ PERNICIEM VERTENTI oppor-
 „ tunum remedium adhibere volentes, constitutionis, &c.
 Per hæc, inquam, verba Summi Pontificis ab eo & Succes-
 fore viginti & amplius Apostolicis Breuib; confirmata, Loco-
 bonus nihil aliud intelligit, quàm Auctorem libri, cui ti-
 tulus Augustinus, hoc est Iprensensem Episcopum, *esse ger-
 manum sancti Augustini discipulum, ejusque fidelem interpre-
 tem*: & quæ videri possent in eo deteriora dogmata ad
 istas quinque propositiones redacta non posse damnari
 nisi ab Ecclesia Pelagiana: *continere enim Ecclesie Catholice
 fidem & doctrinam de divina gratia necessariam*. Optime Le-
 ctor, si Doctor iste natus est vnquam in bono loco, non vi-
 detur tibi abiisse in regionem longinquam, cùm hæc scri-
 beret?

V I.
 Causæ de-
 cisionem
 præuenit
 anticipatâ
 contuma-
 ciâ.
præfat. p. 12.

pag. 81.

Tertiò. Qualem animum ostendit erga Decreta jam edi-
 ta, talem quoque præ se fert erga edenda. Supponit enim nul-
 lam fieri posse quinque propositionum censuram, quæ non
 sit æquivoca, & per fraudem Iesuitarum extorta. Et ideo,
*Quæcumque tandem illa esset, INTREPIDOS DIVINÆ GRA-
 TIÆ, hoc est, vnius è maximis Christiane religionis mysteriis De-
 fensores mortuaturus, doctrinam sancti Augustini, id est, quæ illi
 videtur esse sancti Augustini, cùm Iansenii tantum sit, de gra-
 tia Salvatoris, ex condemnatione tam æquivoca nullam impressio-
 nem accepturam*. Quò pertinet id quod etiam dicit sub finem
 secundæ partis, vbi oratione ad Episcopos Galliarum conuersa,
 rogat illos obtestaturque, vt se ipsi retractent: atque à Ro-
 mano Pontifice petant, ne descendat ad vllam istarum pro-
 positionum censuram. Damnare enim illas absolute *periculo-
 sum*: damnare intellectas ad sensum hæreticorum, *inutile*;
 damnare demum ad sensum Iansenii, *esse impossibile*. Quid igitur
 facimus, controuersia est inter Catholicos de veritate
 quinque Propositionum. Pars altera & damnatas & damna-
 biles asserit. Altera negat. Illi ad eum prouocant, qui sum-
 mus est in terris hujusmodi causarum Iudex. Isti ad hoc
 tribunal inuitissimi se trahi sinunt: & constituti ante pedes
 Iudicis, negant primò se posse damnari, & addunt quæcum-

que censura fiat, non de fore generosos damnatæ doctrinæ defensores. Hoc est agnoscere Iudicis auctoritatem? Hoc est obnoxios se sibi videri potestati Ecclesiasticæ? Talia præfari quid est aliud, quàm absolutos ab omni jurisdictione dictare velle Iudici sententiam, ac pronuntiare; Iudex, niñ sit idem approbator, Iudex non sit?

Quartò. Parum est non stare superiorum iudicio: Loco-bonus insuper Sedem Apostolicam subicit suo, pronuntiâtque quod ab ea factum constat, perperam factum. Enumerât in præfatione quantum malorum Iesuitæ deriuaturi essent in Ecclesiam ex censura quinque Propositionum: & prædicat hoc saltem esse consequuturos, vt quæstio de gratia efficaci æquis librata ponderibus videretur, *dicturûsque literum esse quam quisque vellet partem approbare*. Quod si contingeret, inquit, *monstrum gigneretur ex fide & errore: ex mendacio, & ex veritate compositum: & in hanc doctrinæ confusionem tam inusitatam caderet id quod aliàs dixit Presper in simili casu contra Casianum, &c.* Nolo nunc cogitationes hujus Doctoris per inane volantes persequi: nec disputare quàm fuerit illa sagax, quàmque acuta conjectatio, quâ putauit sollicitos fuisse Iesuitas, vt hoc assequerentur, cujus possessione pacifica jam olim gaudent. Quis enim nescit, & illis & omnibus liberum esse in quæstione de Auxiliis quamcumque partem sequi, & vtramque pari jure gaudere, parique ab omni censura immunitate? Hoc tantum vrgeo quod dicit, *esse hoc monstrum ex fide & errore, ex mendacio & veritate compositum*. Nam si non mentitur, damnat Sedem Apostolicam veluti genitricem atque altricem tam horrendi monstri. Ipsa enim non solum sciente ac permittente, sed etiam jubente, *monstrôsa hæc libertas* inducta in Ecclesiam est. Si quidem olim jam antequàm ederetur in lucem concordia Molinæ, ex quo cœpit efficax gratia insigniri nomine gratiæ *physicè prædeterminantis* in Hispania, cùm inusitata appellatio cœpisset etiam refelli, móxque adueniente Molinæ concordia, contentio cresceret, iussit Clemens VIII. vtrique parti per Inquisitores silentium imponi, quod factum est anno 1594. Sed quia experimento constitit difficilem esse hujus Decreti obseruationem: & quia trunca videbatur & mutila Theologia, præcisâ nobilissimarum disputationum parte, anno 1598.

VII.
Damnât
ea quæ sunt
à Summo
Pontifice
constituta.
Pag. 13.

restituta est ablata facultas, vetitumque ne pars altera alteram alicujus censuræ notâ perstringeret. Vfus erat antea simili prouidentia Sixtus Quintus. Cùm enim Baius Baiani-que, recrudescente dolore Pontificiæ constitutionis in ipsos promulgatæ, & imperatæ damnatarum sententiarum ejurationis per Franciscum Toletum à Romano Pontifice cum potestate missum, inuidiam facti deriuarent in ejus socios; ac ne inulti viderentur, peracerbam ipsi quoque censuram in Leonardi Lessii, cujus erat tunc in Academia illa nomen inclitum, propositiones aliquot de Gratia & Prædestinatione edidissent, Duacensibus vt idem facerent persuasis; Sixtusre cognitâ, missis Coloniam ad Nuntium Apostolicum litteris, jussit illum sine mora Louanium ire, suoque nomine impetum compescere Louaniensium. Erat is Octavius Frangipannius Calatinus Episcopus, qui statim Louanium profectus, auditis partibus, & maturè expensis omnibus, quâ erat Legati à latere potestate, decretum scripsit anno 1588. decimo Iulii, quo *sub pœna excommunicationis ipso facto incurrende vetuit, ne quis in his controuersis alterius partis sententiam ullâ censurâ notaret, donec aliud à Sede Apostolica decerneretur.* In hunc modum Louaniensis ac Duacensis censura suppressa, & Societati confirmata est doctrinæ possessio.

Accessit tertia confirmatio à Paulo V. Nam si quis quærat quis tandem fuerit exitus controuersiæ, spatio septem circiter annorum continua, pugnacique vtrimque contentione agitatæ; quis fructus 47. disputationum coram Summis Pontificibus quadriennio habitatum, præter priuatos sine numero Consultorum congressus; totus constat vnico mandato, quo duorum Ordinum Præpositi Generales ad suos scribere, jussi sunt à Paulo V. sub initium Sept. anni 1607. *Sua Sanctitatis voluntatem esse, ne quis alterutri sententia alicujus censura notam ullam inureret, neve docendo ac disputando aculeis verborum, aliisue amari animi signis vterentur: qui se ius facerent à suis Superioribus seuerè castigarentur, suam se in tempore declarationem emissurum.* Habemus in eum sensum conceptam Claudii Aquauiuæ circularem epistolam, scriptam 5. Sept. ejusdem anni, priusque monstratam Pontifici, & ab eo, in ea qua jam est forma probatam. Vnde constat controuersiam de Auxiliis paribus

momentis fuisse hætenus à Sede Apostolica libraram.

At, hoc monstrum est, inquit Doctor de Bonoloco, & ea ratione non tam Pelagiani Catholici sunt, quam Catholici sunt Pelagiani, quod Prosper horrebat: contrarium enim mixtionem deflectionem esse meliorum, & cum virtus vitium recipit, non à virtute sed à vicio recedi. Ergo quid restat, nisi vt tres Romanos Pontifices, immo & quotquot illos intercurrebant, vel sequuti deinde sunt, ratumque habuerunt quod fuerat à prædecessoribus constitutum, manibus post terga reuinctis, alligemus ad currum *Gratia victoris*, in quo iste *monstrorum* demitor sublimis triumphat? Id enim verò sequitur ex iis, quæ ille tam affirmatè pronuntiat. Nam si verum est, Molinam & qui eum sequuntur, *erroris Pelagianorum esse conuictos*: Si eorum doctrina est *propria Pelagianorum & Semipelagianorum doctrina*: Si hoc ita demonstratur, vt videatur ipsis oculis subjici: Si quæ illi opponitur sententia Iansenii, continet fidem Ecclesiæ & necessariam de vera Dei gratia doctrinam; nonne sequitur euidenter Romanos Pontifices, qui compertos de hæresi ac demonstratiuè conuictos in Ecclesiæ sinu fouent, perque vniuersum orbem dimittunt, vt docendo, concionando, disputando, scribendo fidei doctrinam disseminent: nonne sequitur, inquam, euidenter, Romanos Episcopos reos esse proditæ fidei, & corruptæ traditionis ejus doctrinæ, quam purissimam acceperant? Pastores igitur dici poterunt, apud quos eadem est ratio canum atque luporum, & vtrorumque indiscretus vsus? Sed nemo miretur hæc cogitasse Iansenianum Theologum, fluunt ista de vena Magistri, qui Pium V. & Greg. XIII. putauit *fundamentales doctrinas* prohibuisse, adeoque tunc præualuisse in Ecclesia Dei errorem, VT VERITAS ESSET SCANDALO.

Prof. pag.
15. 2. par.
pag. 80.
16. pag. 12.

Iansenius
de statu pæ-
ra natura
lib. 3. c. 22.

Post hæc probra in Sedem Apostolicam jactata, habent Iesuitæ vnde sibi gratulentur de odio Iansenianorum, & maledictis in ipsos illiberaliter quidem, sed manu tamen prodiga conjectis. Gloriosum enim illis est, dum ab iis vexantur, qui Episcopi Romani auctoritatem contaminant, videri causam amborum esse communem. Et omnium quidem Iansenianorum mos ille est, Iesuitas ponere in signum, cui contradicant, sed nemo id luculentiùs præstitit quam Locobonus iste. Is enim cum non alios sibi aduersarios proponeret, adeò

VIII.
Quàm sit
contume-
liosus in Ie-
suitas.

pag. 80.

est in illos impotenter commotus, ut prope furorem ira sit. Si cui lubet intueri aliquid spumarum huiusmodi, legere poterit quod scriptum est in parte secunda. *Si Iesuita velint, vel potius si audeant, ante angusta illa tribunalia prodire, seu aggressores acturi, seu defensores, iuvante Deo illis ostendemus, & rina & scripta voce, ipsos esse causam omnium dissensionum, perturbatores Ecclesiastica pacis, calumniatores vivorum & mortuorum, auctores novitatum, Aduersarios sancti Augustini, inimicos sanctæ Sedis, quæ illum semper probavit, fautores Pelagianorum & Semipelagianorum; CALVINI PROTECTORES ET LUTHERI, destructores veræ gratiæ Christi Iesu, &c.* Quis non contremisceat ad sonitum tam periculosa prouocationis? Quis non fugiat à facie hujus Amphitryoniadæ? Sed vide, Lector, hominis ingenium & sapientiam. Ne vllum esset malum in ciuitate, quod Iesuitæ non fecissent, *Admonitionem* initio præmisit ad Lectorem, quâ edicit ipsis quoque imputandum, quidquid Typographus inemendatum reliquit in editione *Gratiæ vestræ*. Quæ ego non dubito quin Lectoris animum suspendant interitum & indignationem.

I.X.
Non solum
Iesuitæ Iansenio
contrahunt.

Sciendum autem esset quare solos accuset Iesuitas? Non sunt alij quoque multi qui Iansenium insectantur? Ego si philautiæ aliquid crederem, gauderem huic Societati propriam ac singularem concedi gloriam. Nèque enim gloria exigua est Calvinisini reuiuiscantis occupasse primordia, & ingressis in ouile Christi lupis pellem ouinam excussisse. Sed absit ut proprium esse velim quod est tot Ordinum, totque insignium virorum commune. Et fortè hoc intendit versutus Doctor, ut cum obtinuerit solos esse Iesuitas, qui Iansenio bellum indixerunt, videantur cæteri partes illius esse sequuti. Quo pacto traduceret ille quidam Iesuitarum conatus omnes, apud eos qui norunt, inter Catholicos, dum de re aliqua disputatur quæ ad fidem pertinet, nihil timendum esse magis quam paucitatem opinantium, nihil magis optandum quam consentientium vniuersitatem. Sed non patiemur ut hoc ei consilium succedat. Quid enim, octoginta Episcopi Galliæ, qui ad Summum Pontificem scripserunt contra Iansenium, Iesuitæ sunt? Sorbonicorum Doctorum pars longè maxima, quæ impeditam malis artibus Iansenianæ doctrinæ censuram à Sorbona

bona conceptam, illam expectat à Sede Apostolica, Iesuitis constat? Capitulum generale Capucinatorum, quo proscriptus est ab Ordine illo Iansenismus, Congregatio fuit Iesuitarum? Iesuitarum quoque fuit Congregatio Fulienſium Cisterciensis Ordinis, quæ in Generalibus Comitibus anni 1646. Iansenium pariter exclusit? Sequuti sunt Benedictini Congregationis sancti Mauri in Gallia, in Comitibus pariter Generalibus, & hi quoque Iesuitæ sunt? Iesuitæ patres Carmelitani discaſceati, qui editum ea de re decretum in prouinciali Capitulo anni 1646. confirmarunt in ſequenti anni 1649. Denique Iesuitæ sunt patres Minimi Prouinciæ Pariſienſis, *qui pœnam priuationis ab officio Prædicatoris & Lectoris conſtituerunt, in eos qui legitimè conuicti eſſent, docuiſſe etiam in priuatis colloquiis, quæ vocantur Iansenii dogmata, per Bullas Pontificias jam damnata, in Capitulo Prouinciali ann. 1650.* Scripſit contra Iansenium ex Ordine S. Dominici P. Sibille. Ex Ordine S. Franciſci P. Dubosc. Ex Ord. S. Auguſtini P. Michaël Paludanus. Ex Ordine Carmelitarum P. Anton. de S. Martin. Ex Ordine Celeſtinatorum P. Ioann. Gineſty, & ante hos omnes ex Ordine Fulienſium, nunquam ſatis laudatus P. Petrus à S. Ioseph. Scripſere plerique alij Doctores variarum Academiaſum, Louanienses, Duacenses &c. Scripſerunt Illuſtriſſimi Archiepiſcopi & Epicoſcopi Rotomagenſis, Biſuntinus, Vaurenſis, Vabrenſis, Sueſſionenſis, vel publicis ad omnes libris, vel priuatis ad ſuos decretis; & hi omnes Iesuitæ ſunt? Et ſi fides eſt penes Locobonum, verum erit quod aliàs jactatum eſt, Iesuitam eſſe omnem hominem, diceturque viciffim omnem hominem eſſe Iesuitam?

At, inquit, Iesuitæ cæteros mouère, & etiamnum mouent. Scilicet adedò ſunt facilè mobiles Epicoſcopi Gallia, vt ſtatim inclinent quocumque illos Iesuitæ impulerint. Et Sorbona in omnem ſe partem vertit ad ſtatum Iesuitarum. Et illi ſuffragium habent in omnibus aliorum Ordinum Congregationibus. Diceret potiùs Locobonus, & verum diceret, Iesuitas ab aliis fuiſſe motos & etiamnum moueri, vti pro ſua virili cæteris adlaborent ad auertendum quod imminet Eccleſiæ malum.

Deinde videndum eſſet priùs quid negotii geratur, & quò ſpectent iſta conſilia, vt intelligeretur laudandi-ne ſint, an

x.
Laudandi
Ant vnde

accusantur
qui Iansenismo resti-
te. L. NT.

culpandi, qui ea promouent. Quænam ergo est ista conspiratio tam fœda, tam noxia, tam contra fas & communem morem, quæ Authores dicitur habere Iesuitas? Editur in lucem Augustinus Iansenii: doctrinam annuntiat, vt fatetur ipse, hoc tempore *miram*, & præoccupatis iamdiu hominum ingeniis *inuestigatam & nouam*. Ita verò illam proponit vt nullum gratiæ, aut indulgentiæ vel communi caritati locum relinquat. Hæreticos enim omninò vocat & Pelagianos vel Semipelagianos, si qui auditam repudient. Prudentia igitur sit inexaminatam fidem statim amplecti? Non fuit deliberandum utrùm antiquâ possessione subito relicta, in nouam transcribi doctrinæ fortem oporteret? Ergo cùm neque nostro tantùm niti iudicio debeamus, nec temerè sensus exuere nobis in Ecclesiæ gremio congenitos, & longa pace confirmatos, petimus vt quæ nobis proponitur, doctrina probetur. Probandam iis offerimus, quorum est & amussim & limam adhibere. Incipimus ab eo, quod propius est, Sorbonam in Gallia spectant omnes & post Sedem Apostolicam & Episcoporum decisiones, communes ejus sententias amplecti tutum purant. Sorbonam igitur adimus, Ianseniana proponimus dogmata discutienda, vt intelligamus satisne orthodoxa putet. Quid prudentius fieri potuit? Quid antiquæ simplicitati conformius? Quid procul magis ab omni fraudis ac doli mali suspicione? At, inquit, Iesuitæ curarunt ad hunc conuentum aduocari vel ab extremis vsque regni finibus, quos sperabant sibi consensuros. Primùm accusationem Locobonus occupat, atque hoc obijcit, cujus reos esse Iansenianos solos certissimè constat: & possem nominare quos acciuerint partiarios suos, oblati vltro sumptibus, vt indemnes venirent. Sed esto, demus id eos honestè fecisse, quod in aliis vituperant. Quid aliud expetebatur, quàm vt constaret quis sensus esset majoris partis Sorbonæ? Quid igitur optandum magis fuit, quàm vt conuenerent vtriusque quamplurimi? Et quamplurimi reuera conuenerant, constabatque cœtus ille ducentis circiter Doctoribus; sed cùm Ianseniani certam haberent mox sequuturam suarum sententiarum damnationem, disturbarunt totum negotium, injectâ lite de locorum prærogatiua inter Decanum & Cancellarium. Quam illos eo tantùm sine excitasse, vel ex eo manifestè con-

stat, quòd intermissa censuræ cogitatione, locorum etiam controuersia statim cessauerit, manseritque Decanus prioris loci possessor pacificus.

Ergo spe illâ desperatâ, itum est ad proximè superius tribunal, quæsitumque ab Episcoporum autoritate remedium. Illi expensis causæ momentis, attentoque grauissimo rei Catholicæ periculo, adeundum putauere supremum controuersiarum Iudicem, Romanum Episcopum, literasque de hoc argumento scriptas subscribere circiter octoginta. Hîc Ianseniani frendere, hîc cælum & terram inuocare, hîc spumare potissimum in illustrissimum Vabrensem & Iesuitas, tanquam præcipuos, ut ipsi quidem putant, hujus consilii promotores. Verum esto, pars aliqua hujus negotii ad Iesuitas pertineat, quid in eo reprehenditis? quid non legitimè? quid non ordine factum est? quid non more majorum? Non est aliud Iesuitarum scelus, quàm quod res fidei ad supremum fidei tribunal curauerint deferendas? Postulandum forte priùs fuit, an illud agnoscatis? An vos ejus decretis obnoxios arbitremini? Ergo, date gloriam Deo. Sedes Apostolica concessam habet à Deo ad causas fidei decidendas potestatem nec ne? Si non habet, exeste? Quod enim vobis ius esse potest in Communione Catholicorum permanendi? Si habet, cur ad eam tam inuiti trahimini? Cur maledictis eos, qui vos eòducunt, oneratis? Quid timetis? Si certissima sunt vestra dogmata, certissimum adite Iudicem, hoc vestrâ interest. *Monstrum* est, ut dicitis, quòd Iesuitarum doctrina simul cum Ianseniana toleretur in Ecclesiæ Communione. Vbi est ergo zelus vester? Quid facitis ut hoc *monstrum* exterminetur? Id verò quis promptius fecerit, aut efficacius quàm qui & ex officio Pastoris debet, & ex promissa cœlitus luce, adjunctaque potestate certò potest, oues à lupis secernere, membrorumque malè cohærentium dissoluere commissuras? Ecce, proponimus vobis hunc arbitrum controuersiarum nostrarum: ad eum vos vocamus, quem æquum erat ut ipsi sponte conueniretis priùs. Id enim verò fuisset vobis gloriosum: & contra suspiciones omnes, accusationesque tutamen securissimum. Quòd si ne vocatis quidem ire lubet, nisi propè vis inferatur; si nefandi videntur vobis, à quibus consilium vocandi profe-

X I.

Rectè atque
ordine fa-
cta esse quæ
contra Ian-
senium fa-
cta sunt,

Autum est, an est temeraria suspicio eorum qui ex hac recurrendi ad Pontificem repugnantia, odióque illorum qui vos eò adducunt, vos à vestra pungi conscientia putant: atque hanc vnā esse rationem, cur apud Sedem Apostolicam iudicari nolitis, quia damnari timetis?

XII.

Ianseniani
examē sua-
rum Propo-
sitionum
detestant.

pag. 81. 81.
secundā ve-
ritatis.

Perseuerant illi tamen, atque hoc examen constanter re-
fugiunt. Vide, Lector, quid Locobono venerit in mentem.
Episcopos, qui ad Summum Pontificem scripsere, rogat atque
obtestatur, vt sententiam reuocent, contrariāsque prioribus
litteras scribant, quibus auertant Pontificis animum ab exa-
mine missarum propositionum. Hæc est conclusio libri de
Gratia victrice. Conclusio equidem ridicula, atque absurda.
Nam si summa hæc est, vt dicit, causæ totius, vt admittatur
Gratia victrix, quid illi vehementius optandum fuit, quid ar-
dentiùs procurandum, quàm vt lite apud Summum Pontifi-
cem contestatā, *Gratia victrix* Romæ triumpharet?

pag. 22.

XIII.

Præteritus
Ianseniano.
Iansenianes.

Expendere tamen iuvat quid ille prætexat. Ait enim primò
Iesuitas imponere Iansenio, & nullam ex illis quinque *proposi-
tionibus exceptā primā*, eo modo quo sunt conceptæ, apud illum re-
periri: Deinde conceptas esse propositiones æquiuocas, & qua-
rum potest esse bonus, malusq; sensus. Tertiò, Iansenium & Au-
gustini discipulos illas semper docuisse & approbasse juxta sen-
sum bonum, qui est Augustini, non iuxta malum, qui est Caluini.
Quartò, Iesuitas suggerere tantum malam earum interpretatio-
nem, vt extorta per fraudem ejus censura extendatur deinde ad
bonam. Quintò, necessariam esse doctrinam, quæ *Gratiam victri-
cem* admittit; ad eam autem reduci posse Propositiones omnes,
& ea reductione facta, esse verissimas. Sextò eò spectare consilia
Iesuitarum vt recipiatur doctrina Molinæ. Septimò, sed illam
doctrinam jam olim esse damnatam à Clemente VIII. & Pau-
lo V. Hæc quantum meminisse possum, omnia sunt quæ Lo-
cobonus iis objicit, qui controuersiam hanc detulere ad Se-
dem Apostolicam, quæ perspicuè conuincunt ita fieri debuif-
se, ac Iansenianis fuisse optandum, vt ita fieret.

Causa mihi est cum parte vestra, mendaci, fraudibus assue-
ta & imposturis, cujus sunt periculosa consilia; ego quid ma-
gis aueam, quàm vt stentius coram optimo Iudice, cui neque
potestas desit ad comprimendos nocentes, neque ratio in-

quirendæ veritatis, neque inflexa recti voluntas ad suum vnicuique jus tribuendum? Dicant modò, an putent vspiam certiùs reperiri, quàm apud tribunal Ecclesiæ, vbi jus dicit Christi vicarius? Cur ergo eò venire recusant? Cur tergiversantur? Deberent potiùs exultare gaudio, quòd Aduersarios tot criminum reos ad hanc petram alligatos tenerent. Non deest illis ratio, vt ipsi quidem putant, qua probent vera esse de quibus accusent. Iudicibus non deest æquitas, & expedita, quò jus impulerit inclinandi voluntas. Vsqvamne igitur illis feliciùs esse poterat, quàm in hanc occasionem incurrisse? Quid sibi vult insolita hæc & inusitata rerum conuersio, vt qui rei putantur, iudicium inter humana omnia certissimum vltro deposcant, innocentes derectent? Imponitur, inquiunt, Iansenio; decrit Romæ, à quo impostores castigentur? Afferuntur Propositiones æquiuocæ; deerunt, qui distinguant? Catholicus est ille sensus, in quo eas Ianseniani defendunt, deerunt qui explorent? Iesuitæ suggerunt peruersam tantùm earum interpretationem; deerunt periti gnauique Theologi, qui defectum suppleant? Censurâ malæ interpretationis abutentur ad damnandam etiam bonam; deerunt qui cautè prudentérque pronuntient, itaque sua sensa exprimant, vt fraudi esse nemini possint? Doctrina de Gratia victrice & per seipsam efficaci necessaria est, & ex illa constat optima quinque Propositionum intelligentia; deerunt quibus hæc Theologia sit perspecta, si vera est? Hoc agitur vt absoluaetur Molina; sed vbinam citiùs dissipari poterunt eiusmodi consilia, quàm vbi dicunt fuisse damnatum? Ecquid ridiculum est, ex morbo petere rationem non adeundi medicum: & ex ingruentibus malis improbare ad eos recursum, quorum est prouidentia?

Sed retexamus has calumnias. Nulla, inquiunt, istarum Propositionum, exceptâ primâ, reperitur apud Iansenium, eo modo, quo sunt conceptæ. Hoc quàm sit falsum constabit postea, dum singulæ discutientur. Interea memoriam conuenio Locoboni, qui decimâ Textâ quam hæc scripserat paginâ, fateretur & *Dominum Iprensẽ*, & *S. Augustini discipulos admisisse ac docuisse Propositiones illas juxta sensum verum & Catholicum*. Loquiantur enim de Propositionibus, vt sunt conceptæ: & vt

XIV.
Quinque
Propositio-
nes sunt re-
uera Iansen-
ianæ.
Præf. pag.
11.

sunt conceptæ, dicuntur adhuc habere sensum Catholicum, juxta quem fuerint semper & admittæ & traditæ à Iansenio: sunt igitur apud Iansenium illæ Propositiones: Esto aliter sint interpretandæ, quàm interpretemur ipsi, sed tamen sunt apud illum.

XV.

Nec est vlla æquiuocatio quæ censuram impedire possit.

Addunt esse æquiuocas. Est tamen vñtata quædam significatio juxta communem & tritam vocum acceptionem: & illa in ferendis censuris attenditur. Vix enim esset aliquid censura dignum, si haberetur ratio obliquæ alicujus & longè petitiæ interpretationis. Dicant ergo juxta communem sermonis vsum, dicendum-ne sit, *Dei præcepta esse peccantibus impossibilia, & deesse gratiam, quâ possibilia fiant?* Sunt-ne vlli vquam Catholici, qui sic loquantur? Augustinus vnquam ita loquutus est? Non disertissimè id sæpius negauit? Eadem est cæterarum ratio, vt deinde constabit ex discussione singularum.

XVI.

Sensus Iansenii non differt à sensu hæreticorum.

Atque hinc rejicitur quòd addunt tertio, Iansenium illas admisisse juxta sensum Catholicum. Quia si Catholicus est sensus, non debet exprimi verbis illis, quæ juxta receptum vsum & quotidianam hominum intelligentiam hæretica sunt. Sed neque illud est verum, respexisse Iansenium ad sensum Catholicum & Augustinianum, diuersum à sensu Caluini. Postquam in ejus sensu nihil aliud continetur, quàm esse potentiam aliquam remotam & aliquam proximam, & juxta illam distinctionem affirmari, vel negari posse Propositiones illas. Quia Ianseniani nunquam ostendent, incognitam fuisse Caluino distinctionem hanc, & potentiam etiam remotam ab eo, atque ab aliis hæreticis esse negatam. Sicuti neque vnquam ostendent, remotam illam potentiam sine proxima, sufficere ad tuenda Conciliorum & Pontificum decreta, & communem Ecclesiæ fidem, vt deinde constabit.

Et hic est sensus quem suggerunt illi, qui censuram vrgent; nempe quòd Dei præcepta ita sint transgredientibus impossibilia, vt eorum nemo habeat proximam & expeditam ad seruandum potentiam. Quòd talis sit omnis actualis Christi gratia interior, vt nemo vnquam habeat proximam & expeditam ad suspendendum ejus effectum potestatem; quòd

talis sit status voluntatis in natura corrupta, ut dum bene agit, careat proxima & expedita non agendi bene potentia, & vicissim dum malè agit; quòd Semipelagiani in eo tantùm errarent circa Gratiam Christi, quòd putarent esse in voluntate proximam & expeditam dissentientiendi potentiam; denique quòd Deus ita se gerat cum reprobis, ut qui nunquam recipiunt fidem aut caritatem, nunquam etiam habeant proximam & expeditam recipiendi potentiam: qui receptam amittunt, nunquam habent proximam & expeditam retinendi. Hic hic sensus est Iansenianus. Hic suggeritur Romanis Iudicibus ut videant, quantum distet ab hæretico; quantum Catholico sit conformis.

Iam quod dicunt quartò de necessitate doctrinæ, quæ gratiam astringit per seipsam efficacem, superuacaneum omninò est: nec in eo quidquam præsidii reperitur ad probandum quem dixi Iansenianum sensum. Et primùm, puto gratiam per seipsam efficacem ab illis ita intelligi, ut sit eadem cum physice prædeterminante. Ideo enim ut opinor gloriantur se consentientem habere totam scholam D. Thomæ. Hoc autem posito, dico Locobonum inani se labore torfisse, dum tam sollicitè coaceruauit argumenta, quibus admittendam ejusmodi gratiam euinceret. Nam esto, id illi demus animi gratiâ, cujus negandi iustissimas credimus & fortissimas nos habere rationes. Si vult iisdem stare conditionibus, quibus Thomistæ se ipsi obstrinxere, quid est consequutus? Habeat quam petit gratiam per seipsam efficacem: & ut est istarum cochlearum diligens investigator, voluat & reuoluat diaria Francisci Pennæ, scrutetur Gazophylacium Mauguini, schedas omnes examinet & inanes chartas, quibus putat ea quæ gesta sunt in Congregationibus de Auxiliis fuisse omnia propalata. Usquam-ne inuenerit affirmasse Thomistas, Dei mandata in aliquo vero & proprio sensu esse peccantibus impossibilia: & deesse gratiam, quâ fiant possibilia? Poterit ostendere ubi & quando negauerunt dari veram, internam & supernaturalem ex Christi meritis gratiam sufficientem, ad proximè agendum, & tamen hominum vicio sterilem? Ubi dixerint stare libertatem merendo & demerendo necessariam, sine proxima & immediata agendi & non agendi indiffe-

XVII.

Gratia per
se ipsam ef-
ficax, &
quinque
Propositio-
nes nullam
habent
connexio-
nem ex
sententia
Thomista-
rum.

sentia? Vbi concesserint liberum arbitrium efficaci gratiâ præmotum, non posse potentiâ proximâ & immediatâ dissentire? Vbi sic explicuerint Dei & Christi voluntatem circa æternam hominum salutem, vt ea solos spectauerit prædestinatos, negaueritque reprobis omnibus auxilia necessaria, vel vt possent ad fidem & caritatem peruenire: vel vt possent, cum iam peruenissent, perseuerare? Amabo te, mi Doctor, excute iterum fidelia illa & authentica rerum gestarum in Congregationibus de Auxiliis monumenta; & vide si vlla vnquam fuit nos inter & Thomistas contentio, circa hæc omnia pronuntiata; cum id illi vltro concederent quod ipsi petebamus.

Sunt tamen, inquit, ista connexa, & admissâ gratiâ per seipsam efficaci, cætera consequuntur. At, inquam, connexionem illam Thomistæ constanter negauerunt semper: nec aliter admiserunt Gratiâ physicè prædeterminantem, quàm ex hypothese quòd consequutiones huiusmodi negare possent. Adeamus eorum commentarios, qui disputationibus interfuerunt, ac proinde qui totam hanc causam inspexere penitiùs.

XVIII.
Didacus
Aluarez &
gratiâ
per seipsam
efficacem
admittit &
primam
Iansenii
Propositio-
nem dam-
nat.
Disp. 71. nu.
2.

Disputamus vtrum diuina præcepta ita sint peccantibus impossibilia, vt non habeant dum peccant sufficientem gratiâ, quâ possibilia fiant: Didacum Aluarem audiamus, qui primus è Thomistis coram Clemente VIII. disputauit in Congregationibus de Auxiliis. Hic enim disp. 57. de Auxiliis num. 7. concludit omninò & fusè probat, possibilia esse Dei præcepta, quod quo modo intelligat ex sequentibus faciliè constabit. *Si de re ipsa loquamur*, inquit, *NULLVS CATHOLICVS dubitare potest de diuisione gratiæ in sufficientem & efficacem*. Iterum, *Item Isaia 5. sic loquitur Dominus, Habitatores Hierusalem, &c. Ex quibus constat Iudeos, quos reprehendit Dominus, gratiâ efficacem non habuisse, aliâs faciens vique fructum bonum. Habuerunt autem GRATIAM VERE SUFFICIENTEM*, per quam conuerti potuerunt, & fructus dignos penitentis facere, aliâs non reprehendisset Dominus, quòd vnas non protulerint sed labruscas. Et allatis Concilii Tridentini verbis ex cap. 11. sess. 6. Ergo secundum Concilium Tridentinum datur GRATA SUFFICIENTIS, quâ potest homo seruare omnia man-

data

data diuina. Et, *Si non daretur gratia VERE SVFFICIENS* Id. num. 12.
non posset illis qui conuertuntur imputari ad culpam, quod non con-
uerterentur, nec adimplerent diuina mandata, & consequenter Deus
irrationabiliter quereretur de illis, & sine causa eos increparet. Rur-
sus, disp. 112. num. 5. concludit, Dari auxilium supernaturale Idem disp.
intrinsecus, necessarium ad implenda precepta, & ab omnibus recipi 54. n. 7. &
omne auxilium illud, saltem pro loco, & tempore, quo preceptum lib. 3. respons.
obligat. Et probat, Quia alioqui HOMO OBLIGARETUR cap. 5. num.
AD IMPOSSIBILE, quod ille falsum esse contendit etiam 11.
in homine lapso, & peccati originalis pœnam ferente. Ite- Num. 10.
rum, Qui non recipiunt in seipsis, neque habent auxilium IMME-
DIA TE sufficiens ad credendum, non peccant contra fidem. Et mox,
Quando precepta sunt naturalia ex parte objecti, SEMPER HO-
MO HABET AVXILIVM SVFFICIENS AD EA IM-
PLENDA, quando obligat preceptum: & ita à culpa non excusatur
qui illud non implet.

Hæcine satis ostendunt Auctores gratiæ per seipsam ef-
 ficacis ita illam interpretari, vt fateantur tamen peccata non
 posse peccantibus imputari, nisi dum peccant, vires habeant,
 quibus ea vitare possint, si velint: hoc est nisi adsit gratia
 quæ præcepta illis possibilia faciat, dum ea peccantes trans-
 grediuntur?

Sed hærent fortasse Ianseniani circa distinctionem poten-
 tiæ remotæ ac proximæ. Recognoscant igitur quæ allata
 sunt, & videant illud auxilium, quando res ita exigit, esse su-
 pernaturale, intrinsecum, & quod sufficiat ad IMMEDIATE
 agendum: atque hæc insuper audiant, illud auxilium ita esse
 sufficiens, VT NULLVM ALIVD REQVIRATVR AD HOC,
 VT HOMO VEREDICATVR POSSE BENE AGERE ET
 SALVARI. Item, Etiam si non sit in voluntate gratia efficax
 prædeterminans ad conuersionem, nihilominus per auxilium gratiæ
 sufficiens, habet eadem voluntas potentiam PROXIMAM & fa-
 cultatem EXPEDITAM, quâ possit conuerti, &c. Iterum, Dici-
 mus enim quod etiam antequam voluntas moueatur auxilio efficaci,
 vt actualiter velit tale objectum, est sufficienter constituta in actu pri-
 mo & PROXIMO, vt possit operari si velit. Iterum. Quia er-
 go auxilio efficaci præmonente ad aliquam actionem, saluatur in Li-
 bero Arbitrio EXPEDITA FACVLTA QVA POSSIT DIS-

XIX.

Idem requi-
 rit poten-
 tiam pri-
 mam ad a-
 gendum, vt
 imputari
 possit
 omisio
 non agen-
 tis.

Disp. 79:
 Disp. 3. resp.
 cap. 7. num.
 50.

Disp. 4. resp.
 cap. 7. num.
 12.

Id. num. 17.

Idem habet

2. Resp. cap.

1. 12. 13.

SENTIRE SI VELIT, ideo potest illi imputari, & imputatur ad culpam, si non absteineat.

2. Resp. cap.

2. num. 15.

Et quia Iansenius ab induratis argumentum petit, ut impossibilitatem adstruat mandatorum; Didacus disertè significat impossibilitatem illam esse tantum magnam difficultatem. Quia, inquit, quod est valde difficile, dicitur quodammodo impossibile.

XX.

Didaco

Gonçales

de Albelda

consentit.

Disp. 77. in

1. p. sec.

num. 13.

Didaco Aluarez adjungo Ioannem Gonçales de Albelda, qui iisdem disputationibus interfuit & ita loquitur: *Hic suppositis pro resolutione veritatis, dico primò, instante occasione temporis, quo obligat preceptum naturale aut supernaturale, Deus de facto dat cuiuscumque viatori auxilium sufficiens, proportionatum, extrinsecum & intrinsecum, ut possit si velit, tale preceptum adimplere, ita ut nullus excusari possit à transgressione precepti, ob defectum auxilii sufficientis.* Et deinde: *In tali casu liberè homo peccat, ERGO POT-*

Num. 24.

RAT NON PECCARE: ac proinde cuiuscumque ordinis sit illud preceptum, dicendum est talem hominem habere auxilium sufficiens, intra eundem ordinem, ut possit si velit, tale peccatum vitare & preceptum implere. Iterum: Illi qui in Scriptura dicuntur peculiariter deserti à Deo, non ideo tales dicuntur, quia auxiliis sufficientibus priuentur pro loco & tempore, quo instat occasio adimplendi preceptum, sed quia etiam auxilia sufficientia habeant, non tamen efficacia sic desertis PER QVANDAM EXAGGERATIONEM dicitur impossibilis salus, aut quia valde difficultis, aut quia impossibilis solum impossibilitate sequenti permissionem & prescientiam Dei, qua nullo modo destruit aut minuit intrinsecam facultatem ad oppositum. Et deinde: Ad quartum patet quod peccatoribus, QVANTVM QVE OBDVRATIS, non denegantur auxilia sufficientia pro loco & tempore, pro quo currit obligatio precepti.

Disp. 57.

sec. 3. n. 46.

Sed fortasse latebras adhuc quaerent in distinctione proximæ ac remotæ potentia, Gonçalem iterum audiant; *Per auxilium sufficiens & per concursum paratum à Deo, ex vi voluntatis antecedentis, quâ vult quantum est ex se, ut ille actus fiat à nobis, nisi per nos steteris, habet voluntas nostra IN SUA POTESTATE LIBERA ET EXPEDITA quidquid requiritur ut faciat actum bonum, etiam non predefinitum.* Iterumque: *Quare indubie tenendum esse censeo voluntatem creatam solum sufficienter adiutam à Deo, habere VLTIMVM COMPLEMENTVM PO-*

Disp. 57. n.

16.

TENTIÆ ACTIVÆ & concursus primum Dei, in quo salvatur essentialis subordinatio causa secunda, respectu primæ, in ordine suo, nempe POTENTIÆ PROXIMÆ OPERATIVÆ. Iterum, Habere solam illam virtutem sufficit, & requiritur ut in actu primo sit ULTIMATE COMPLETA ET PROXIME EXPEDITA ad consentiendum Deo vocanti, si velit. Quare, ex sua malitia non vult, non autem ex defectu principii proximi, ultimæ requisiti necessitate antecedente, seu ex parte causa. Rursus, Necessitas gratia efficaci non impedit quò minus ille, qui solum habet auxilium sufficiens, habeat PROXIMAM ET EXPEDITAM facultatem consentiendi Deo vocanti, si velit. En quo modo prima propositio de mandatorum impossibilitate reducta fuit ad Catholicum sensum ab Assertoribus gratiæ, per seipsam efficaci, in Congregationibus de Auxiliis. Si manum illis tenuissemus scribentibus, poterant-ne significantius exprimere sententiam Iansenianæ contrariam?

Videamus quid sentiant de secunda, qua dicitur, *Interiori gratia in statu nature lapsa numquam resisti*. Quam Locobonus ita reducit ad doctrinam de gratia per seipsam efficaci, itaque veram affirmat, ut intelligatur, *in statu nature lapsa numquam rejici internam auxilium, proximè necessarium ad volendum, & non esse aliquam gratiam sufficientem libero arbitrio ita accom-* XXI.
Secundam
etiam pro-
positionem
rejecit Di-
dacus.
pag. 19. 2.
par.
modatam, ut eam aliquando rejiciat, aliquando non rejiciat, absque eo quod indigeat gratia divinius effici, ut velit. Sed jam constat ex dictis hunc sensum rejici à Doctoribus gratiæ prædeterminantis; & præcipuis Actoribus in disputationibus de auxiliis. Audiimus ex Didaco, *Nullum Catholicum dubitare de divisione gratia in efficacem & sufficientem*: Et sufficientem istam esse *auxilium intrinsecum supernaturale*; Hoc auxilium esse verè sufficiens, alioqui non imputandam peccatoribus mandatorum transgressionem: *Esse sufficiens ad immediatè agendum*: Esse ita sufficiens, ut *nullum aliud requiratur ad hoc, ut homo verè possit agere*: Constituire potentiam proximam & expeditam ad agendum, aliàs non imputanda quæ bene vel malè sunt. Habemus igitur ex Didaco auxilium internum supernaturale, verè ac proximè sufficiens ad operandum, & tamen effectum carens, quod est interno, supernaturali, verè sufficienti, verè constituenti proximam agendi potentiam in statu naturæ la-

psæ voluntatem humanam resistere.

Addi potest, id quod dicit, 3. Respons. cap. 5. num. 46. *Vnde hac propositio, Liberum arbitrium, motum à Deo auxilio gratiæ sufficientis ad conuersionem, potest conuerti si velis, est verissima ETIAM IN SENSU COMPOSITO ACCEPTA:* si est verissima, qui non conuertitur numquid resistit interiori gratiæ sufficientissimæ ad conuersionem?

XXII.

Rejicit &
Gonçales.
Suprà disp.
58. num. 16.

Expressiora sunt adhuc Gonçalis verba, cùm dicit seclusâ præfinitione boni actus, quem peccator omittit, & seclusâ consequenter gratiâ prædeterminante, *Habere illum in sua potestate libera & expedita quidquid requiritur vt faciat actum bonum: Habere in sua potestate expedita actum pœnitendi, & ideo suâ culpâ omittere: Habere vltimum complementum potentie actiue: Habere totam illam virtutem, qua sufficit & requiritur vt in actu primo sit vltimatè completa, & proximè expedita ad consentiendum Deo vocanti, si velis: & peccatorem ex sua malitia nolle, non autem ex defectu principis proximi, vltimatè completi:* Necessitatem gratiæ efficacis non impedire quominus ille qui habet solum auxilium sufficiens *habeat proximam & expeditam facultatem consentiendi Deo vocanti, si velis.* Hoc verò quid aliud est quàm constantissimè, disertissimè, euidētissimè Thomistas gratiæ per seipsam efficacis defensores negare secundam propositionem, eodem omnino sensu, quo illam Ianseniani defendi posse putant?

XXIII.

Ianseniana
interpretatio
tertiæ
propositionis.
Par. 2. pag.
48.

Tertia propositio est, *Ad merendum & demerendum in statu naturæ lapsæ non requiritur libertas à necessitate, sed sufficit libertas à coactione.* Cui Locobonus dat hunc sensum, quem putat esse Iansenianum, Augustinianum, Catholicum. Quòd scilicet excludenda sit *indifferentia proxima actionis ad peccandum, aut non peccandum, ad recipiendam aut rejiciendam gratiam, tanquam minimè necessaria ad merendum aut demerendum, in statu naturæ lapsæ: & hanc vocant indifferentiam Molinianam, ac proinde cùm dicitur non requiri libertatem à necessitate ad merendum aut demerendum, esse verissimum, intellectum de necessitate huic indifferentiæ proximiæ actionis opposita.* Et ideo huc etiam reducit doctrinam de gratia per seipsam efficaci, quatenus putat & cum illa stare libertatem, & stare simul eam necessitatem, quâ tollatur indifferentia proxi-

ma actionis. In quo ille toto errat cœlo. Et quòd gloriatur se consentientes habere Thomistas, adeò non est verum, ut nusquam putem multitudine contrariorum testimoniorum facilius illum, citiusque vel obrui posse vel suffocari. Sed quia doctrinam ille suam deducit ex iis, quæ putat fuisse constituta in Congregationibus de Auxiliis, interrogandi sunt Thomistæ, qui disputationibus interfuerunt.

Suppono autem quam ille nominat indifferentiam proximam actionis, esse indifferentiam proximam agendi vel non agendi. Nam si nugari velit & Lectorem ludificare ænigmatice phrasibus; suas sibi res habeat, sinatque nos cum Iansenio disputare, qui proximam agendi vel non agendi indifferentiam disertissimè negat esse ad libertatem necessariam; & proinde stare illam putat cum necessitate huic indifferentiæ opposita. Hoc tantum sensu, hæc propositio ad censuram offertur iudicibus.

Ergo Alvarez ita loquitur: *Ad tertium respondetur, quòd potentia potest dupliciter dici proxima & expedita ad operandum. Primo, quia nihil aliud requiritur ex parte ipsius potentia, quo in actû primo constituatur ad actualiter operandum sine ad volendum & nolum: & hoc modo liberum arbitrium, positis omnibus requisitis ad operandum, potest POTENTIA PROXIMA ET EXPEDITA operari & non operari, velle & nolle. Vnde S. Thomas 1. p. quest. 83. art. 2. ad 2. ait, quòd facultas nominat quandoque potentiam expeditam ad operandum, & sic ponitur in definitione liberi arbitrii. Secundo modo potest dici facultas proxima & expedita ad operandum, quia in sua operatione non dependet ab alia priori causa, tribuente ipsam cooperationem vel actualiter concurrente: & in hoc sensu, nulla causa secunda quantumvis ponatur perfectâ, est secundum se, & seclusa promotione diuina, expedita ad operandum.*

Idem lib. 1. Resp. cap. 1. num. 13. *Quia ergo cum auxilio efficaci, pramonente ad aliquam actionem, saluatur in libero arbitrio EXPEDITA FACULTAS, qua posset dissentire si vellet: ideo potest illi imputari & imputatur ad culpam, si non absteineat ab actû prohibito, vel si non operetur actum bonum & pium, qui est in precepto, quem tamen per auxilium sufficiens potest facere si vellet, & suâ culpâ noluit facere.*

Idem disp. 23. de auxiliis num. 28. *Ad id autem quòd dicitur*

tur, quia post receptam motionem efficacem, voluntas necessario pro-
dit in opus, ita ut non possit non operari; respondetur quod simplici-
ter loquendo non exit voluntas in opus NECESSARIO, sed liberè, etiam
post acceptam motionem: & simpliciter potest non operari toto tempore, quo
habet illam motionem... Nam ratio prædeterminans non aufert à vo-
luntate PROXIMAM POTENTIAM ad actum oppositum. Et disp.
95. num. 13. cum objectum esset ex gratia prædeterminante se-
qui, potentiam dissentiendi esse tantum remotam: Similiter
etiam dicimus, inquit, quod potentia liberi arbitrii ad dissentiendum,
EST POTENTIA PROXIMA, quia ex parte potentie nihil superad-
ditum requiritur, ut verè possit dissentire, si velit.

Adde quod dicit disp. 92. n. 8. Concilium Senonense, &
Tridentinum definiuisse contra hæresim Lutheranorum. Quod
IN INSTANTI in quo liberum Arbitrium mouetur à Deo effi-
caciter, manet in eo libera & expedita facultas: qua potest non ope-
rari si velit.

XXV..
Sensus
compositus
& diuisus
Iansenii di-
uersus à
Thomisti-
co.
Lib. Resp.
cap. 1. n. 34.

Et ne quis putaret, id quod dici solet, voluntatem præ-
motam vel prædeterminatam physicè posse dissentire si velit,
vel non operari in sensu diuiso, ita esse intelligendum, re-
motè, ut prius debeat fieri aliqua mutatio in prærequisitis, ut
Iansenius & Ianseniani dicunt, Sensus compositus, inquit, non
est ille, qui in argumento insinuatur, quod videlicet quando gratia ef-
ficax est in voluntate, non possit voluntas non agere actum illum ad
quem determinatur, ablata verò motione, possit non agere. Hic enim
sensus confectus fuit à Caluino. Et iterum cap. 4. num. 9. Dicit,
Caluinum in eo deceptum, quia putauit illam propositionem, Libe-
rum Arbitrium motum à Deo gratia efficaci non potest dissentire in
sensu composito, nihil aliud significare, nisi quod postquam jam gra-
tia efficax in voluntate posita est, non possit Liberum Arbitrium dis-
sentire ac refragari, ablata verò motione, possit; si enim hoc semel
concederetur, ABSQVE DVBIO EVERTERETUR LIBER-
TAS ARBITRII, nec posset per distinctionem illam sensus com-
positi & diuisi concordari cum decreto absoluto voluntatis diuine, præ-
determinantis omnes actus bonos futuros, nec cum efficacia auxilii
praoperantis gratia, &c. Adde quod antea relatum est, pecca-
tum infidelitatis imputari non posse, nisi adsit auxilium suf-
ficiens ad immediatè credendum. Et denique quod significat
disp. 95. num. 4. amorem beatificum non esse actum liberum

libertate arbitrii, defectu proximæ hujus indifferentiæ.

Colligamus jam ista. Non est necesse, inquit Doctor *de bono loco*, ad hoc vt libera facultas possit mereri aut demereri, vt sit proximè potens ad agendum & non agendum: & ideo necessitas agendi, quæ tollit hanc proximam potentiam, non tollit libertatem merendo & demerendo necessariam; & hic est sensus Catholicus, Augustinianus, Iansenianus, Thomisticus tertiæ propositionis, necessariò connexus cum doctrina de Gratia per seipsam efficaci, propugnata in disputationibus de Auxiliis. Didacus Alvarez illius gratiæ propugnator, & doctrinæ Thomisticæ interpres, centies repetit potentiam agendi & non agendi, quâ libertas arbitrii, quæ requiritur ad merendum & demerendum constituitur, esse debere proximam, immediatam, expeditam: & ita proximam, ita immediatam, ita expeditam, vt non sit necessarium vel addi aliquid, vel demi ad constituendam hujusmodi potentiam, & talem requiri, vt actio imputetur operanti: & gratiam efficacem in tantum stare cum hac libertate, in quantum stat cum expedita illa & proxima, & vera potentia dissentendi: & esse sensum Caluini, sic accipere sensum compositum & diuisum, vt intelligatur quando est motio efficax, voluntatem non posse refragari, quod est non posse proximè, sed remotè; ablata verò motione, jam proximè posse, quod est posse dissentire, si mutetur dispositio, & tollatur aliquid ex prærequisitis ad agendum & non aliter, vt Iansenius docet: & contrarium esse definitum à Concilio Senonensi, & Tridentino contra Lutherum, & eo modo non posse saluari arbitrii libertatem, futuramque inutilem distinctionem sensus compositi & diuisi. His inter se collatis, quis non videt Doctori *de bono loco*, vel nomen esse mutandum vel sententiam? Si enim perstat, Aluaris iudicio pellendus est è finibus Catholicorum in regnum Caluini & Lutheri, ac proinde in locum minimè bonum. Videamus si defendi possit à Gonçale.

Quæramus à Gonçale, quare illi qui Deo ad pœnitentiam vocanti non responder, imputatur quòd non pœniteat? *Quia* inquit, *habet in sua potestate expedita actum pœnitendi.* Quæris mus, quare illi qui actu mouetur ad bonum, imputatur quòd

XXVI.

Tertia Pro-
positio Ian-
seniana
damnatur

etiam à
Gongale
rainquam
hæretica.

non consentiat? *Quia*, inquit, *habet totam virtutem, que requiritur & sufficit, ut in actu primo sit ultimè completa, & proximè expedita ad consentiendum: & ideo sua malitia non consentit, non autem ex defectu principii ultimè requisiti.*

Disp. 57. 1.
1. p. nu. 48.

Quòd si ulterius quæras, an sicut ille qui non habet gratiam efficacem ad bonum, habet nihilominus per gratiam sufficientem potentiam expeditam & proximam ad volendum bonum; ita qui habet gratiam efficacem censendus pariter sit habere potentiam proximam & expeditam ad non volendum; *Constantissimè*, inquit, *asserimus contra hæreticos Calvinistas, quòd voluntas nostra potest non sequi, si velit, motionem efficacem Dei. Efficacia enim diuinæ motionis non consistit in hoc, quòd tollit à voluntate nostra LIBERAM ET EXPEDITAM FACULTATEM EAM ABIICIENDI si velit, sed in eo quòd de facto eam non abiciat, cum p[er]sistat. Vult enim Deus decreto suo absoluto utramque, videlicet quòd liberum arbitrium nostrum sequatur motionem ejus efficacem: & quòd habeat LIBERAM ET EXPEDITAM facultatem ad non sequendum, si velit.* Et disp. 73. sect. 2. num. 41. *Gratiam efficacem non prædeterminare omnino ad unum, nec tollere à voluntate nostra possibilitatem PROXIMAM ET EXPEDITAM AD OPPOSITIVM, & hinc facilem viam aperiri ad reducendos hæreticos Lutheranos & Calvinistas, qui usum nostræ libertatis dicunt destrui ex efficacia diuinæ gratiæ.* Et antè disp. 57. sect. 3. num. 34. *NON IMPLICARE ABSOLVTE PONI DISSENSVM SIMVL CVM GRATIA EFFICACI, quòd liberum arbitrium sic excitatum sit proximè & expeditè indifferens.* Denique, cum numerare cœpissem quoties hic Auctor proximam illam & expeditam ad utrumlibet potentiam ad libertatem arbitrii requireret, cum quinquies supra vicies occurrisset, desii numerare.

Quòd autem dicit id esse *constantissimè asserendum contra hæreticos Calvinistas: & inde aperiri viam ad eos reducendos*, annon satis ostendit videri sibi hæreticos esse Calvinistas, qui libero arbitrio negant proximam hanc & expeditam ad utrumlibet indifferentiam; & in eo ipso, quotquot eam negant, esse pariter hæreticos, & Catholicis oppositos, *NISI REDVCANTVR?* Cùm igitur Locobonus & neget ipse & rectè negatam à Iansenio contendat; quomodo probabit huic gratiæ

per

per seipsam efficacis Defensori, non asseri ab ipsis tertiam propositionem in sensu hæreticorum; & verum illius sensum pertinere ad doctrinam de gratia per seipsam efficaci? & quid illo fiet, si se ipse *reduci* non patiatur?

Atque hinc patet commentitiam esse quam adhibet distinctionem indifferentiæ, vt loquitur, *Moliniana*, & indifferentiæ Thomisticæ. Quia Moliniana, quam vocat, ipsissima est Thomistica: neque vnquam probare poterit vllam prorsus fuisse contentionem Molinam inter & ejus aduersarios circa conceptum indifferentiæ, vtrum scilicet intelligenda essent immediata, proxima, & expedita ad vtrumlibet. Dico nullam vnquam nobis fuisse super ea re contentionem cum Thomistis. Sed eo tanquam immobili principio communi consensu constituto, disputatum fuisse tantum, quomodo stare simul posset gratia physicè prædeterminans, affirmantibus illis, nobis negantibus. Et ideo Ianseniani, qui fundamentum illud tanto impetu jam quatunt, dum à Iesuitis ad Thomistas fugiunt, ab vtrisque necessariò damnandi sunt.

Quarta propositio est hujusmodi, *Semipelagiani admittebant præuenientis gratiæ interioris necessitatem ad singulos actus, etiam ad initium fidei. Et in hoc erant hæretici, quod vellent eam gratiam talem esse, cui posset humana voluntas resistere, vel obtemperare.* Cujus secunda tantum pars censuræ subicitur, quamuis primam quoque falsam esse alibi demonstratum sit. Ergo postquam se Locobonus multum torfit, multaque perdidit verba vt ostenderet sensus secundæ propositionis æquiucos, dum eò ventum est, vt dicat in quo sensu veram putet, elabitur & fugit, assignatâ eâ significatione, quæ propositioni non conuenit. Dicit enim veram esse, quatenus per eam intelligitur Semipelagianos ideo fuisse hæreticos, quia *negabant gratiam per seipsam efficacem.* Atqui propositio non habet illum sensum: neque dicit aut negasse illos, aut affirmasse necessitatem gratiæ per seipsam efficacis. Et quamuis darem hoc significari per eam propositionem, ea tamen adhuc damneretur à Thomistis, intelligendo nomine gratiæ per seipsam efficacis gratiam physicè prædeterminantem. Quamuis enim illi plerique omnes hujusmodi gratiam admittant, nemo tamen est qui dicere audeat, id esse de fide: & contrarium

XXVII.

Locobonus
alienam in-
terpretatio-
nem adhi-
bet quartæ
propositio-
ni.

esse errorem Semipelagianorum.

Ergo verus & proprius sensus illius propositionis, & qui censura subjicitur est, *Semipelagianos ideo fuisse hæreticos, quòd dicerent interiori gratia hominem vel resistere, vel obtemperare posse pro suo arbitrio.* Et hoc sensu dico propositionem illam à Thomistis esse damnatam: siue intelligatur de gratia sufficienti, siue de efficaci. Non enim potest non intelligi de alterutra. Fac enim primò intelligendam esse de sufficienti, vt sit sensus, Semipelagianos ideo fuisse hæreticos, quòd dicerent talem nobis dari gratiam sufficientem; cui vel resistere vel obtemperare possimus; vt constet id esse damnatum à Thomistis, recognosce quæ sunt allata superiùs ex Didaco Alvarez, nempe gratiam illam sufficientem, *de qua nullus Catholicus dubitat*, designatam esse à S. Stephano, cum dicit, *vos semper Spiritui sancto resististis, & non fuisse reprehendendos Iudæos, si per illam inspirationem non potuissent conuersti.* Nam quòd illi potuerint non conuersti, probauit effectus; cum ergo quòd potuerint conuersti, probet reprehensio, vt dicit Didacus, sequitur per illam gratiam potuisse conuersti & potuisse non conuersti. Idem dicit ad locum Isaia cap. 5. Ex quo infert Iudæos efficaci gratia carentes, habuisse *verè sufficientem, per quam conuersti potuerunt & fructus dignos pœnitentia facere*: alioqui non potuissent objurgari. Vide cætera quæ ad primam propositionem allata sunt, tum ex Didaco, tum ex Gonçalves, vbi etiam euidenter monstratum est, id quod dicunt, gratiam illam sufficientem constituere potentiam & facultatem bene agendi, esse intelligendum de proxima & expedita. Vide & quæ sunt allata contra secundam propositionem. Et potest adjungi locus ex Didaco manifestus 2. Resp. cap. 4. num. 12. vbi allatis Augustini verbis illis: *Dederat & adiutorium Deus Adamo, sine quo non posset permanere, si vellet; vt autem vellet, libero ejus reliquit arbitrio.* Pergit, *1stò etiam modo relinquit Deus libero arbitrio vt consentiat, si velis, aut etiam dissentiat, si velis, quotiescumque solum prauenit illud sola gratia sufficienti, & in hoc sensu loquitur Augustinus libro de Correctione & Gratia, cap. 12. in fine, cum de reprobis ait, dimissi sunt libero arbitrio, non accepto perseuerantia dono.* Vbi vides reprobos, aliòsque diuinæ gratiæ non cooperantes, Adamo comparari, quoad sufficientiam gratiæ quæ

caret effectu, & quoad expeditam consentiendi, vel dissentiendi facultatem. Videat jam Lector Locoboni vel prudentiam, vel fidem, vel pudorem, dum non veretur hæc scribere in 2. par. *Hæc inspiratio numquid est gratia interior sufficiens ut fatentur Molinistæ? & hæc proxima potentia consentiendi vel dissentiendi numquid est sensus Semipelagianus?* Et numquid jam ex recensitis satis constar, nugatorias esse hujusmodi interrogationes; & Thomistas quoque traduci à Doctore de bono loco, ac sub nomine Molinistarum, vocari hæreticos?

Pag. 55.

Quodd si malit per gratiam illam interiorem intelligi quæ per seipsam efficax est, ita ut fuerint hæretici Semipelagiani, quod dicerent hominem illi posse resistere vel obtemperare. Similiter damnatur à Thomistis, ut patet ex iis quæ allata sunt « proximè ad tertiam propositionem ex Didaco, *Cum auxi-* « *lio efficaci, præmouente ad aliquam actionem saluari in libero arbitrio* « **EXPEDITAM FACULTATEM, qua possit dissentire si velit, manere** « **VERAM ET EXPEDITAM facultatem ad dissentiendum, post rece-** « **ptam illam gratiam: Possit hominem non operari TOTO TEMPORE** « **quo illa est: Non auferri potentiam PROXIMAM ad actum oppositum:** « *& ut sit proxima illa potentia non requiri, ut quidquam superadda-* « *tur: Et CVM CALVINO PHILOSOPHO, qui NEGANT PROXI-* « *MAM ILLAM ET EXPEDITAM POTENTIAM STARE SIMVL CVM* « *HVIUSMODI GRATIA.* Quod etiam sentit, ac sæpius inculcat Gonçalves. Atque hæc dixere Thomistæ, quia dicenda putauere, ut staret ineluctabilis Tridentini Concilii decisio, quâ dicit hominem Deo mouenti posse dissentire, si velit: quodd dum Ianseniani dicunt pertinere ad errorem Semipelagianorum, Concilium Tridentinum hæreticum faciunt.

XXVIII.

Mendaces

aliquot nar-

rationes

Locoboni.

Pag. 1. p. 93.

Atque hîc monendus est iterum Lector, ut iudicet quàm vera narret Locobonus, & quàm fidem mereantur quas habet relationes eorum, quæ gesta sunt in Congregationibus de Auxiliis, cum dicit, *Patrem Lemos agnouisse admissam à Semipelagianis gratiam illam sufficientem, quandoquidem cum Bastida dixisset hominem incitatum & inuitatum per gratiam posse per se illi consentire, vel dissentire, Lemos reposuit, hoc esse compendium quoddam & veluti summam erroris Pelagianorum & Semipelagianorum.* Quid? damnavit Lemos Collegas suos, & commilitones, qui præsentibus aderant, Didacum Alvarez & Ioannem Gonçalves,

quorum jam allata sunt verba , cum iis quæ Lemos damna-
bat ipsissima? Patet etiam quàm sit illustre mendacium, quod
scribit ad marginem pag. 52. Secundam partem hujus quar-
tæ propositionis, qua dicuntur Semipelagiani ideo fuisse hæ-
retici, quòd putarent talem esse interiorem gratiam, ut ei vo-
luntas posset consentire aut refragari, *fuisse affirmatam à Domi-
nicanis & à Congregatione de Auxiliis*; quasi verò ipsi se Domi-
nicani reos esse pronuntiauerint Semipelagianismi, dum tam
disertè docent, quod damnasse dicuntur.

XXIX.
Quinta
propositio.
obiniquam
censuram
damnandi.

2. Part. p. 68

Quinta propositio, *Semipelagianum* esse pronuntiat, si quis
dicat *Christum pro omnibus omnino hominibus mortuum esse aut
sanguinem fudisse*. Circa quam ubi multum auram verberauit
Locobonus, concludit conglobatis interrogationibus, quibus
petit quid velint illi, qui propositionem hanc damnari petunt.
Breuiter respondeo primò, velle damnabilem esse, quatenus
ipsa iniuste damnat & iniquæ censuræ notam infligit illi do-
ctrinæ, quæ etiam à Thomistis gratiæ per seipsam efficacis de-
fensoribus approbata est, & communiter asseritur à Catholi-
cis Doctoribus, Christum scilicet morte sua meruisse omni-
bus, & singulis omnia auxilia, quæ sunt necessaria ut possint
saluari. Hanc sententiam vocari Semipelagianam, sicut vocant
Ianseniani, dico esse censura dignum. Eam tamen Doctor de
Bono loco vocat *periculosam*, & *diuinæ providentiæ injuriosam*,
contrariam Concilio Tridentino; damnatam à Lonanensibus & Dna-
censibus ante annos sexaginta: & quæ de medio tollit necessitatem gra-
tia per seipsam efficacis. Interea Didacum audiat, gratiæ per sei-
psam efficacis propugnatorem.

Num. 6.

XXX.
Eadem re-
jicitur à Di-
daco Alua-
rez.

Hic enim disp. 112. de Auxiliis, postquam dixit S. Tho-
mam asserentem imputari peccatum etiam illi, qui caruit au-
xilio ad illud vitandum, esse interpretandum de auxilio effi-
caci, propterea quòd S. Thomas *apertè doceat* Deum quantum
in se est paratum esse omnibus gratiam dare: & id explicet
exemplo solis, qui ex parte sua omnes illuminat, subdit: *Ma-*
jor est difficultas de auxilio sufficienti, quod datur immediatè ad
actus supernaturales fidei, spei, & caritatis. Quidam enim Tho-
mista respondent hujusmodi auxilia dari hominibus pro eo tempore,
quo precarentur, si non impleverint hæc præcepta: & ita dari ut omnes in
seipsis recipiant hujusmodi auxilia intrinseca & sufficientia. Quæ

doctrina QUAMVIS VERA SIT, non tamen videtur explicare exactè statum quæstionis. “

Igitur ex Didaco, doctrina S. Thomæ est, Deum non privare auxilio sufficienti, necessario ad salutem, & esse instar solis, qui quantum est ex se, omnes illuminat. Et vera item est *quorundam Thomistarum sententia*, qui putant ita dari auxilia sufficientia, intrinseca ad actus supernaturales fidei, spei, & caritatis, *ut omnes in seipsis ea recipiant.* Quòd autem insuper desiderat Num. 7 ad explicandum statum quæstionis, ipse statim addit. Conclusionem enim ponit, quâ dicit, si dare, sit correlativum ad recipere, non dari omnibus auxilia sufficientia ad producendos *immediatè* actus illos supernaturales, sed hoc iterum ita interpretatur: *Dixi in conclusione ad immediatè credendum. Nam ad credendum mediatè vel immediatè, omnes recipiunt pro loco & tempore auxilium sufficiens, si perveniant ad usum rationis. Nam ut supra dicebam, si puer infidelis perveniens ad usum rationis faceret quod in se est, ex auxilio speciali se ad Deum convertendo, ut ad bonum rationis proportionatum, Deus illuminaret illum de mysteriis fidei, ut justificaretur per gratiam.* Veram illam Thomistarum doctrinam sic intelligendam Didacus censet, ut credatur Deus dare omnibus ad usum rationis prouectis auxilium sufficiens intrinsecum, quo possint ad Deum conuertere, ut Authorem naturæ & bonum creaturæ rationalis: vrgeri enim tunc huiusmodi conuersionis præceptum: nondum tamen habere illos auxilium sufficiens ad fidem mysteriorum, Christianæ religionis, quia etiam nondum vrget obligatio credendi, sed habituros infallibiliter, si gratiæ ad illam conuersionem datæ cooperentur: & sequuturam inde, suppositâ eâdem cooperatione, justificationem, atque ita omnes adultos sufficienter & immediatè iuari, ut se ad Deum conuertant, & mediante illa conuersione ut credant, sperent, ament, itaque iustificentur.

Superfunt pueri, vel amentes perpetui, qui non sunt capaces interiorum auxiliorum, & iuari tantum possunt per effectum exteriorum mediorum: ad eos autem pertinet conclusio prima, quam sic concipit: *si loquamur de auxiliis extrinsecis, Deus omnibus tribuit auxilia sufficientia ad salutem, omnibus ea proponit & offert quantum ex parte sua, quamvis de facto nonnulli ea non recipiant.* Num. 8.

Non examino nunc quàm sint vera omnia, quæ doctrina hæc vel assumit vel supponit, & quàm sint cum cæteris ejus principiis coherencia, hoc illi dixerint, quorum interest. Ostendo tantùm, id quod Locobonus Semipelagianum putat, & doctrinæ de gratia per seipsam efficaci contrarium, videri catholicum celeberrimo ejusdem gratiæ defensori & cum principiis S. Thomæ & Thomistarum connexum.

Addi potest quod dicit disp. 71. num. 7. ubi præter vocationem secundùm propositum putat ab Augustino agnitam esse aliam, quæ non est secundùm propositum, & procedit, inquit, *ex voluntate Dei antecedente, quæ vult omnes homines saluos fieri & ad agnitionem veritatis venire.* Et allatis D. Thomæ ver-

Dis. 75.
in 1. p.
sc. 3.
n. 14.

bis, super 26. Matth. *Ex his, inquit, desumitur argumentum; Passio Christi satisfecit pro omnibus hominibus, quantum ad sufficientiam, & pro aliquibus quantum ad efficaciam. Ergo similiter gratia, quam nobis per passionem meruit, distingui potest & debet in gratiam sufficientem, per quam potest homo pie operari & saluari, & in gratiam efficacem.*

XXXI.
Item à
Gonçale
Disp. 77
sect. 3.
num. 24

Iungatur Didaco Gonçales, cujus hæc est sententia, *Electio efficax aliquorum antecedit prævisionem meritum, non est contraria ullo modo sincere voluntati Dei generali, quæ vult omnes homines saluos fieri. Quia ad sinceritatem hujus voluntatis sufficit communis providentia supernaturalis, quæ omnibus vult auxilia sufficientia, ut eternam possint, si velint, consequi salutem. Item, Si auxilia sufficientia ad salutem considerentur in generali, omnibus conferuntur à Deo hujusmodi auxilia, quia pro omnibus mortuus est Christus, & pro omnibus instituit Sacramentum regenerationis, & suis Apostolis iussit ut predicarent Evangelium omni creatura: & ita QVAMDIV QVIS MANET IN HAC VITA, EXCLUSVS NON EST A REGNO SALVTIS, SIVE ADVLTVS. SIT, SIVE PARVVLVS, CUI PER ALIOS SVBVENIRI POTEST.*

XXXII.
Quid præ
terea dam-
nandum in
3. proposi-
tione, Au-
ctore Dida-
co Alvarez.

Secundò respondeo; Accusatores quintæ propositionis petere ut damnetur, præcisâ etiam illâ injustæ censuræ notâ quam inurit, propterea quòd intentionem Christi morientis pro æterna hominum salute restringit; ex mente Iansenii, ad solos prædestinatos; certum enim esse atque ab Ecclesia definitum, reprobis saltem multis data esse media omnino sufficientia, quibus possent saluari, ut infra monstrabitur. Sed quia hoc nunc agitur, ut Locobonus intelligat etiam con-

cessâ gratiâ per seipsam efficaci, negandam videri restrictionem illam voluntatis Christi, iplis etiam Thomistis, de quorum suffragio gloriatur, somniâtque suam causam esse ab illis peroratam in Congregationibus de Auxiliis, Didacum audiat, dum relato Concilii Arauscani can. 25. sic loquitur:

Quibus apertè docet, omnes existentes in gratia PER DEI AVXI- Disp. 71.
LIVM POSSE PERSEVERARE SI VELINT, & ea quæ ad salutem per- de Au-
tinens adimplere. Et 3. Resp. cap. 5. num. 10. Similiter etiam POSSUNT xil. n. 6.
PER AVXILIVM SUFFICIENS SALVARI DVM SVNT IN VIA
ETIAM ILLI: QVI DE FACTO NON SALVABVNTVR; & adim-
pugnationem dicendum, quia licet Deus solùm predestinatis prapara-
uerit, donum perseverantia quo infallibiliter saluentur, OMNIBVS
TAMEN, QUANTVM EST EX PARTE SVA OFFERT AVXILIVM
SUFFICIENS QVO SALVARI POSSINT ET REIPSA SALVEN-
TVR SI VELINT, sed non in omnibus operatur ut velint. Et mox,
Ex hoc non inferitur quòd non possit salvari ille qui non habet donum
perseverantia, sed solùm quòd reipsa non saluabitur. Et deinde, Ad
quantum inconueniens respondeo, Deum non deferere hominem iustum Num. 11
in tentatione & pugna. Nam reuera conferi illi auxilium necessarium,
quo peccatum vitare possit, si velit, licet non conferat illi auxilium
efficax, quo peccatum vitet. Et iterum, Et nihilominus in eodem li- Num. 29
bro sepiissime affirmat Augustinus, eos qui non perseverant in ac-
cepta gratia, merito corripiendos esse, quia per ACCEPTAM GRATIAM
POTERANT PERSEVERARE SI VELLENT, & suâ malitiâ per-
seuerare noluerunt. Idem inculcat passim in aliis locis, vnde
constat ex mente ipsius, omnes illos, qui aliquando fuerunt
in statu gratiæ, ex Dei voluntate & Christi meritis habere
quod sufficit, ut salui esse possint. Adde quòd dicit disp. 34. Num. 5.
de Auxiliis. Probatur secundo, Deus amore actuali amicitia amat
reprobum, dum existit in gratia, ergo volitione formali vult illi bea-
titudinem. Idemque dicendum de cæteris omnibus, quibus im-
putandum censet quòd non conuertantur, quòd non doleant
de peccatis, quòd fidem propositam repudient. Quia cùm
hoc illis imputandum non sit, nisi quia receperunt auxilia
sufficientia, quibus facere possent id quòd culpabiliter omit-
tunt, consequenter supponit, habuisse auxilia necessaria,
quæ haberi non possunt nisi ex meritis Christi: habere au-
tem auxilia necessaria ad credendum, pœnitendum, aman-

dum, quia his positis sequuntur etiam necessaria ad perseuerandum, idem est atque habere necessaria ad æternam salutem.

XXXIII. Hoc ipsum clarissimè confirmatur ex doctrina Gonçalves, ut constat ex locis antea citatis. Et ex eo quod addit disp. Di Iaco „ 77. sect. 3. *Illos qui in scriptura peculiariter dicuntur deserti à* Gonçalves „ *Deo, non ideo tales dici* QVIA AUXILIIS SUFFICIENTIBUS „ *TIBVS PRIVENTVR pro loco & tempore, quo instat occasio* „ *implendi præceptum, sed quia etiamsi auxilia sufficientia habeant,* „ *non tamen efficacia.* Et deinde, *Sic desertis per quandam exaggerationem dicitur impossibilis salus, aut quia valde difficilis, aut* „ *impossibilis solum impossibilitate sequenti permissionem & præ-* „ *scientiam Dei, quæ nullo modo destruit aut minuit intrinsecam fa-* „ *cultatem ad oppositum.* Si peculiariter desertis non est impossibilis salus, sed tantùm difficilis; si non desunt illis auxilia necessaria; multò minùs deerunt non ita peculiariter desertis, multòque minùs erit illis salus impossibilis; quorum tamen plerique damnantur. Possibilem autem illis fecit intentio Christi & applicatio meritorum ejus ad impetranda hujusmodi auxilia. Ergo ex Thomistis gratiæ per seipsam efficacis defensoribus, non potest meritum Christi & intentio moriendi pro æterna hominum salute restringi ad solos prædestinatos.

Denique cùm, fatentibus quoque Iansenianis, doctrina de gratia sufficienti hominum arbitrio relicta, ut ea utantur, vel non utantur in observatione mandatorum & usu mediorum, quæ ad salutem pertinent, necessariò connexa sit cum facultate consequendi æternam salutem, & jam constet ex Thomistis, qui pro gratia per seipsam efficaci pugnaverunt, ita certam esse doctrinam illam de gratia sufficienti concessa reprobis, saltem multis, ut de ea *nullus Catholicorum dubitare possit*, consequens etiam est, ut nullus Catholicorum dubitare possit de facultate consequendi salutem æternam reprobis concessa: concedi autem non potuit nisi ex intentione & meritis Christi.

XXXIV. Hæc cursim notare libuit circa defensionem quinque propositionum à Locobono tentatam, ex quibus Lector conjicere poterit, Primò, quàm profunda doctrinæ Thomistarum

ignoro-

ignorantia laboret ille Doctor, dum tam sæpe Auctores appellat earum sententiarum, quarum illi apertissimi sunt impugnatores. Secundò, quàm fuerit inconsultus & quàm præfidens, dum illius imperitiæ conscientia nihil territus, tam audacter ea exposuit, ex quibus vel mala fides scriptoris, vel inscitia poterat statim convinci. Tertiò, quàm longam luserit operam, dum ex ea doctrina de gratia per seipsam efficaci, conatus est eruere proprium aliquem & Catholicum sensum quinque propositionum, cum jam monstratum sit, ipsosmet ejusmodi gratiæ defensores atque interpretes, conatos potius omni ratione conciliare illam & aptare ad sensum bono Doctori è diametro contrarium. Quartò, quàm fuerit erga Thomistas inofficiosus, dum nititur eos quantumvis inuitos ac reluctantes secum trahere præcipites in societatem doctrinæ, certò damnatæ, certòque damnandæ, quoties de ea in consultationem ibitur ad iudicium. Quintò, quàm fuerit è contrario erga Molinam, & quos vocant Molinistas, beneficus, dum eorum errores in eo statuit, quòd Thomistæ judicant ad necessariam Ecclesiæ doctrinam pertinere. Sextò denique intelligi potest ex dictis, cui carro, quàm rudi, quàm luxato, quàm malè coherenti, quàm ingratè atque insuauiter stridenti triumphaturam imposuerit *victricem gratiam*, & quàm sperare non debeat ut ejusmodi spectaculo delectentur, vel oculi intuendæ veritati assueti, vel aures orthodoxis vocibus personare solitæ.

Omnes autem hi errores ex hac vna origine prodire, quod res duas, quas Thomistæ necessariò coniungendas semper putauere, ipse juxta Iansenii præscripta dispunxerit, alterâ admittâ, alterâ reiectâ. Nam Thomistæ ad hunc vsque diem omnes credidere doctrinam suam non posse defendi, nisi præter gratiam efficacem & quæ semper facit quod facere apta est, aliam admitterent supernaturalem internam, & ex Christi meritis ita sufficientem ad bene agendum, ut proximam, immediatam, & expeditam potentiam constitueret, & hominis tantum vitio caretet effectu, quem producere apta esset. Atque ita ratione hujus secundæ gratiæ, habuerunt vnde dicerent, & possibile esse mandata carentibus gratia efficaci; & internæ gratiæ sæpe resisti; & positione

XXXV.
Diuerſa
Ianseniano-
rum &
Thomista-
rum princi-
pia.

physicæ prædeterminationis liberum arbitrium non ita necessitari ad vnam partem, vt non haberet quod sufficit ad amplectendam aliam, hoc est, vt non esset indifferens ad vtramque: & non errare qui dicunt diuinæ per Christum gratiæ internæ ac supernaturali voluntatem posse dissentire: & habere qui non perseuerant ex meritis Christi, vnde possint perseuerare, & qui non conuertuntur, vnde possint conuer-
ti, & justificari: & quod inde consequens est, Christum Dominum merita suæ passionis, etiam ad salutem æternam reprobis extendisse. Ianseniani secundam hanc gratiam horrent, sicuti *monstrum in Theologia*, & tamen videri volunt consentire Thomistis, aut sibi consentientes habere Thomistas, qua in re Locobonus præ cæteris exponit, se risui Theologorum, quasi conaretur extincto sole, radios conseruare, aut abscissum à fonte riuum sperare perennatum.

XXXVI.
De censuris
Academia-
rum Belgi-
carum con-
tra doctri-
nam Lelsii

Restat vltimum caput eorum, quæ Lelsius obijcit. Nimirum ipsorum doctrinam, quæ parte rejicit gratiam, per se ipsam efficacem, fuisse damnatam ab Louanien- & Duacensi Academia, ab vniuerso Prædicatorum Ordine, & à Congregatione de Auxiliis, à duobus Pontificibus Clemente & Paulo: hæc probari ex diario Francisci Pennæ, Auditoris Rotæ: & extare Bullam iussu Pauli quinti scriptam, quæ quinquaginta propositiones Molinæ proscribuntur. Hæc ille ingerit, inculcat, reperit, exaggerat tam saepe, tamque affirmatè, vt diceret Euangelium illi non fuisse certius. Tota hæc fabula paucis confutanda est.

Et quod attinet ad censuras Belgicas, quando testatissimum est, fuisse illas olim suppressas auctoritate Sedis Apostolicæ, vt antea dictum est, sequitur auctoritatem habere nullam omnino posse, & qui eas produciunt instrumentis vt apocryphis & probationibus illegitimis. Nempe quod aliâ ratione malam causam tueri nequeant. Et quod res ita sit, hæc euidenter confirmant. Primò, quod vel tunc, vel ab eo tempore plerique Doctores Louanien- & Societatis doctrinam sunt amplexi, atque inter cæteros Malderus Antuerpiensis Episcopus, Wigers, Stapletonus, vt constat ex eorum libris, præter alios multos, qui scripta sua non ediderunt, qui cerè non repugnaissent vigenti Academiæ suæ

cenſuræ. Conſtat item ex concluſionibus in ſcholiſ publi-
cis ejuſdem Academia ad argumentandum propoſitis, in qui-
bus contraria cenſuræ doctrina ſæpius eſt propugnata, præſi-
dibus ejus Academia Illuſtribus Profeſſoribus Ioanne Ianſo-
no, Jacobo Clario, Samuele Loyaerts, Guillelmo Fabricio,
Ioanne Shinkelio &c. ab anno 1598. ad annum 1637. de quo
Theses Louan. de Gratia cap. 2. art. 8. Terriò conſtat ex eo
quòd ab eotempore Societas Louanii ac Duaci per annos
ſexaginta liberrimè doctrinam, quam proſitetur expoſuit, at-
que impunè deſendit priuatim & publicè; nemine vnquam
auſo veteres intentare cenſuras; quòd ſcirent earum nullum
eſſe vigorem, ſtante Legati Apoſtolici interdicto. Quartò,
quia in exponendis articulis in Michaële Baiò damnatis, multa
dixerunt illi Theologi, quæ cum huiusmodi cenſura non ſatis
cohærere videntur. Denique quia ad aduentum Noui Au-
guſtini, fuere Louanii quoque inſignes Theologiæ Profeſſo-
res, qui inhorruerunt, ſequè ab ejus doctrina profeſſi ſunt
alieniſſimos, vnde ſatis intelligitur cenſuras illas vel nihili
factas, vel non creditas fauere Ianſenio. Tota verò Acade-
mia Duacenſis Ianſenium eiurauit, Bullæ obedientiam pro-
miſit, errores Ianſenii conſutauit libellis quamplurimis, &
quod notandum eſt, testimoniis ex ſcriptis Eſtii ac Syluii de-
promptis, quæ ſi poſſunt congruere cum antiquis cenſuris,
ſatendum eſt antiquas cenſuras Ianſenio minimè fauere. Sed
eſt in primis memoria dignum, Guillelmum ab Angelis in
Academia illa Regium Profeſſorem Scholaſtica Theologiæ,
& Collegii Pontificii Præſidem, luculentam approbationem
ſcientiæ mediæ dediffe anno 1646. quod fecerunt etiam ex
Duacenſi eodem anno 10. Maii Valentinus Randour, Deca-
nus, Coluernerius, Syluius, Vancouuerden Profeſſores exi-
mii, qui teſtati ſunt theſes ea de re tunc editas nihil conti-
nere quod eſſet erroris affine.

Damnari doctrinam Societatis circa gratiam efficacem ab
vniuerſo PP. Prædicatorum Ordine, non eſt verum: impro-
bari non negamus. Ipſorum viciffim ab tota Societate non
damnatur, ſed improbat. Sumis ergo pares ex eo capite.

XXXVII.

Super eſt iudicium Congregationum de Auxiliis, & duo-
rum Pontificum, ex teſtimonio Franciſci Pennæ, item Bulla

XXXVIII.
Refutantur
fabuloſæ
narrationes

disputatio-
num de Au-
xiliis.

contra Molinam scripta. Ad quæ omnia Respondeo breuiter, non animo tractandi controuersiam de Auxiliis, sed emendandi quæ circa historiam, & quæstiones facti, Ianseniani jam passim venditant, & ad omnem occasionem persuadere conantur. Hoc enim necessarium est, ne fabulæ contra veritatem ex nostro silentio præscribant.

Et primò, optandum erat, ut ii qui jam ab aliquo tempore cœperunt hujusmodi merces exponere, & ignoras prius narrationes eruere è tenebris, imitarentur Thomistas, qui disputationibus interfuerunt, & scripsere deinde, vt doctrinam, quam tunc defenderant, confirmarent. Didacus Aluarez nihil omisit, quo suam causam reddere posset probabilem, iusto de Auxiliis edito volumine, paulò post disputationes, hoc est anno 1610. alteròque responsum, anno 22. Scripsit etiam fusè de hoc argumento Ioannes Gonçalves in 1. par. S. Thomæ anno 1621. quorum vterque disputationibus interfuerat: scripsere alii quoque circa eadem tempora rerum in Congregationibus illis gestarum probe conscii, Nazarius, Navarrete, Cabezudo, &c. Est autem apud illos altissimum hujusmodi victoriarum silentium, sed neque mentionem vllam fecere contentionum hujusmodi, seu disputationum, nedum censurarum, aut bullæ, prohibente videlicet ipsorum modestia, prudentia, & conscientia veritatis. Theologi discalceati Collegii Salmanticensis, quando jam ferè mortui erant omnes rerum tunc gestarum testes, protulerunt primi nescio quid de iudicio triginta, vt ipsi dicunt, Censuram, qui omnes vno aut altero excepto, damnauerunt scientiam mediam. Quod testimonium, quia multi fidem negabant, cum Ioannes à sancto Thoma sexennio post fulcire conaretur, materiam suppeditauit vberem ad illud confutandum, vt alibi monstratum est. Alii deinde dum incautiùs procedunt, & affectui nimis indulgent, scripsere miracula, quorum refutationem superfluum reddidit, quæ sequuta est iusta censura. Quæstio historica Theologica edita est Tholose, anno 1644. ex quâ fere originem duxit illa mendaciorum accessio, quibus Ianseniani suas modò lucubrationes illuminant. Cum enim suos ipsi errores excusare non possint, consilium iniere vt alienos fingerent, & quando impediri non potest ne dam-

Vide caput
primum

Disp. 4. de
scientia me-
dia.

natus videatur esse Iansenius, obtineant si possint, ne Molina sit innocens. Ideo sollicitè colligunt quidquid vspiam hujusmodi scriptiuncularum reperiri potest, vt ex memoria plebeiōrum rumusculorum & quorundam fabularum traditione historiam texant controuersæ de Auxiliis, in qua vix aliud legas, quàm quotidianos de Iesuitis triumphos, densas in doctrinam Societatis censuras, & pluentia continuè in Molinam fulmina. Diceres omnes illis syluas in palmeta mutatas & laureta, vnde Aduersarii coronentur. Hinc hausit Apologista Iansenii quæ plurima garrit Apologia 2. hinc Vincentius Lenis quæ scripsit in sua Theriaca, hinc ille, qui pro Archiepiscopo Mechliniensi pugnavit contra Sedem Apostolicam, hinc Mauguinus quæ præfatus est in vindicias Iansenismi, hinc concionator sine nomine, quæ nuper scripsit ad Episcopum etiam anonymum. Denique Doctor *de bono loco* cum nihil haberet pretiosius ad ornandam *vittricem gratiam*, ex his laciniis vestem illi triumphalem consuendam putauit. Quàm fuerint hæc grata? Calvinistis, significauit Samuel Maresius in suis notis ad Catechismum Iansenianum, vbi hæc omnia libentissimè amplectitur & in commodum suum, hoc est Iansenianæ Theologiæ, lætabundus interpretatur, vt esse possint hæc omnia, vel ex ipsa conditione approbatorum meritò suspecta.

Respondeo secundò debuisse qui hæc inculcare non cessant, non dissimulare quæ scripta sunt prius ad ea diluenda. Quia enim Ioannes à sancto Thoma silentium nostrum non vt par erat interpretabatur, cogi se putauit Paulus Leonardus vt de scientia media, deque illo Censorum iudicio scriberet: & tam accuratè, tamque copiosè omnes istas, quæ sunt facti quæstiones tractauit, vt abundè suppeditauerit vnde ist. hæc omnia certò confutarentur. Mihi quoque dum eidem Auctori responderem, necesse fuit aliqua dicere, disp. 4. de scientia media, vbi ostendi vel ex iis quæ narrat Ioannes à sancto Thoma conuinci, reformandam esse Salmanticensium allegationem. Quæstionem Historicam Theologicam tot vitiis infamem probauit Solutor, vt nemo hætenus fuerit, qui videri vellet monstrum illud peperisse. Accessit Petrus à sancto Ioseph ex Ordine Cisterciensi, qui optimis quoque vsus

XXXIX.
Ianseniani
responsa
dissimu-
lant.

informationibus, aliam omnino faciem hujus historię, quàm solear à Iansenistis depingi, fuisse demonstravit. Et post eos Mattinez de Ripalda in secundo tomo *de ente supernaturali* totius negotii seriem, jam inde ab origine repetitâ narratione, sic descripsit; ut Iansenianos pudere possit tantę credulitatis ad fabulas; & tantę ad propositas à Sede Apostolicę veritates difficultatis.

Illi verò post tot responsiones, tot inficiationes, tot refutationes, nulla prorsus horum factâ mentione, damnatam à Sede Apostolica Societatis doctrinam à duobus Pontificibus, Molinam proscriptum, Constitutionem cum censura quinquaginta Propositionum jussu Pauli compositam prædicare pergunt tam inuerecundè, quasi sperarent se inuictâ contumaciâ fidem tandem impetraturos. Sed quia nituntur potissimum testimonio Francisci Pennę.

X L.
Franciscus
Penna au-
ditum tantum
refert.

Respondeo tertio, Franciscum Pennam nec visum vnquam nec auditum in his seu collationibus, seu disputationibus, seu congressibus: neque vllam prorsus partem in ijs habuisse, ac proinde inquirendum superesse vnde acceperit ea, quę narrat, & quàm illi fuerint in hac causa fide digni, quibus credidit. Notum enim est in hoc certaminum genere nihil esse procluius, quàm vt partes in suum vnaquęque commodum omnia interpretentur. Si credas his, vicit ille; qui, si credas aliis, victus est. Leuib; argumentis ferè omnes in contentionibus ingeniorum id se esse putant, quod esse cupiunt, hoc est superiores: hæreditaria sunt hæc hominum vitia, quę virtus in hac vita sic oppugnat, vt expugnare penitus nunquam possit. Ergo vt sciamus quantum Pennę credendum sit in hac causa, sciendum est prius quibus ille crediderit.

X L I.
Quam sit
authenti-
cum ejus
manuscri-
ptum.

Respondeo quarto, manuscriptum illud Pennę, ex quo deprompta sunt testimonia hæc ferè omnia, non esse totum illius manu scriptum, sed admixta esse nonnulla, quę alienâ manu sunt notata, vt testatus est Iacobus Mores, Notarius publicus anno 1637. 10. Janu. quando illi oblatus est ille codex, à P. Ioanne Gonçale, Regente studiorum in Monasterio sanctę Marię supra Mineruam, vt fidem adderet quibusdam extractis per *fragmenta*, per *parágraphos* & per *salutem*, vt ipse loquitur, additque manuscriptum illud, pro ma-

jorè parte manu propria Francisci Pennæ scriptum esse. Sunt igitur in eo aliquæ partes, esto minores vel pauciores, ab alio scriptæ. Et donec sciamus quis esset ille, qui suam manum Pennæ commodabat, vel cui Penna suam, non possumus testimonium hoc admittere.

Respondeo quinquò, Esto forent illa omnia sine dubio scripta, testatæque ab ipso Penna, notissimum tamen fuisse, genere illum apertas cum Societate similtates, & non vna occasione ostendisse, quàm non æquo animo ejus incrementa progressusque ferret. Id enituit maximè quando actum est de beatificatione S. Ignatii, quo tempore vt negotium inuolueret, scriptum ipse attulit vtrò ad Paulum V. Quod quia Pontifex comperit non satis esse conforme antiquioribus ejusdem Pennæ testimoniis, notata hominis sinceritate atque affectu tempori seruiente, nihil moratus hanc intercessionem, beatificationem decreuit. Possumus Romæ hujusce rei testem appellare omni exceptione majorem. Potest hujus etiam rei conjectura sumi ex illa ipsa relatione, quam producit Locobonus, vbi pag. 103. Penna sic loquitur: *Facta hac resolutione, cum intelligeretur quòd Sanctissimus Dominus volebat iungere Consultoribus, vt se ad propria confirrent, & Episcopi ad Episcopatus properarent: Ego adiui suam Sanctitatem, & commemoravi magnum scandalum, quod futurum erat in Ecclesia, si causâ indecisâ Consultores recederent. Sanctissimus respondit nullum futurum inconueniens, cum ipse in resolutione sequuturus esset iudicium Congregationis.* Quæro enim quid interesset Pennæ, vt hæc controuersia maneret, vel non maneret indecisa? Cur hæc eum cura sollicitaret? Et quid huic negotio commune cum causis Rotæ? Scilicet Molinam accusatum, post longam septem vel octo annorum vexationem, illibatum elabi, & Societati manere suæ doctrinæ tradendæ possessionem integram, hoc Pennam vrebatur. Quod autem præfagiebat de sequuturo in Ecclesia Dei scandalo, euentus probauit quàm fuerit in eo vanus aruspex. Poterit etiam Lector judicare an huc faciat id quod eo tempore scribebat Cardinalis Perronius ad Henricum IV. & habetur operum illius tom. 4. qui est de Legationibus, vbi in Epistola scripta 7. Febr. anni 1603. & altera 23. Ianu. 1606. significat Hispanos in hoc negotio Societati

X L I I.
Exceptio-
nes contra
testimonia
Pennæ.

palam aduersatos. Cujus rei scribendæ nonnullam ei occasionem à Penna datam, non difficile persuadebunt quæ jam dicta sunt. Ergo Pennam in hac causa nec judicem acceptare, nec testem possumus.

XLIII.
Narratio-
nes Pennæ
retorquen-
tur in ad-
uersarios.

Respondeo sextò, Esto fidem mereatur diarium Pennæ, dico nihil inde probari eorum, quæ intendit Locobonus. Dico probari contrarium. Tria enim ista probanda sunt, 1. Damnatam esse à Pontificibus Clemente VIII. & Paulo V. Societatis doctrinam, quæ negat gratiam per seipsam efficacem, hoc est, physicè prædeterminantem; 2. Eamdem fuisse damnatam à Congregatione de Auxiliis. 3. Constitutionem super ea re jussu Pauli V. fuisse compositam. Hæc vbinam dicit Penna, & in quâ parte sui Diarii? Volue, reuolue *Legendam* illam à capite ad calcem & à calce ad caput; vbi est illa damnatio Clementis? vbi Pauli? vbi Congregationis? Non quæritur quid dixerint Consultores, quæritur quid dixerint Pontifices, quid Congregatio. Consultores enim non sunt Congregatio, nec in ea votum habent, nisi merè consultiuum, decisiuum est penes Pontificem & Cardinales. Ergo vbi narrat Penna Pontificem & Cardinales damnasse doctrinam, quæ non admittit gratiam per seipsam efficacem, hoc est, physicè prædeterminantem? Id enim verò ille nusquam innuit.

XLIV.
Bulla contra Moli-
nam Pennæ
incognita.

Et de Bulla, an est vlla mentio apud Pennam? Et si verum esset, id ille dicere omisisset, qui tam sollicitus erat ne causa maneret indecisa? Qui nihil prætermisit eorum omnium, quæ facere poterant ad aliquod præjudiciu[m] damnatæ Societatis doctrinæ? Cui omnia Pattis Lemos dicta sunt oracula, Bastidæ omnia frigida, exsucca, implexa, & extra rem? Ille qui perpetuò loquitur victorias, vltimam omnium celauisset, in qua vna sciret positum esse cæterarum omnium fructum? Ergo vbinam Penna bullæ meminit, jussu Pauli confectæ?

Non vtimur, inquiunt, testimonio Pennæ ad probandam bullam. At ego, inquam, vtor illius silentio ad eam improbandam. Quid enim? ignorauit confectam, qui non obstante secreti præcepto, tam faciles habebat eorum quæ gerebantur in Congregationibus relatores, vt sciret vel ipsum vocis accentum, quo Pontifices utebantur, vel certe scire se filigeret? Quòd si non ignorauit, potuit rem illam vnâ non no-

tare

rare, cuius causa notabat cætera? Deinde si quæram, qui sint igitur illi qui bullæ fidem faciunt, quid habent quod respondeant? Ianseniani Parisienses quosdam Louanienses nominant; qui si vicissim interrogentur unde bullam habeant, nullus dubito quin sint ipsi pariter nominaturi Parisienses. Ita enim sibi mutuo testimonium & fidem commodant, tanquam ex inito ad fallendum societatis contractu.

Sed redeo ad Pennam, & ostendo non tantum ex ejus silentio, sed etiam ex sermone falsum esse, quod Ianseniani jactant, damnatam fuisse à Clemente Societatis doctrinam de gratia efficaci. Age enim quandonam est damnata? Antequam audiisset institutas ea de re disputationes, an post? ridiculi sint, si Pontificem, qui ut maturius quæstionem dirimeret, causam hanc à priuatis Consultorum congressibus transtulerat ad solemnes coram ipso & Cardinalibus disputationes, mutato consilio, antequam ea de re disputatum esset, sententiam præcipitasse dicant. Ergo post disputationes. Atqui constat ex Diario Pennæ, causam hanc non fuisse coram Clemente agitatam. Pertinebat enim ad 5. articulum ex quindecim, quos Clemens proposuerat 9. Julii ann. 1603. ut de iis ageretur: sed nascentibus ex ipsa contestatione disputantium nouis semper quæstionibus, dilata est illorum punctorum discussio usque ad 20. Sept. anni 1605. quo jam Paulus V. in locum defuncti Clementis fuerat ad Pontificatum euectus. Tunc autem illo scripto proposito, respondit Bastida, excepto 5. articulo, se nihil in cæteris habere, de quo cum Thomistis contenderet. Quintus autem ille articulus sic habebat, ut refertur in libro de Gratia victrice, ex Diario Pennæ. *Hac gratia habet suam efficaciam ab omnipotentia Dei, & dominio, quod summa diuina Majestas habet in hominum voluntates, ut & in cætera, quæ sub celo sunt.* Hunc se non admittere Bastida professus est, quatenus scilicet ejus interpretatio trahebatur ad assertionem gratiæ physicè prædeterminantis. Et ideo sequenti disputatione habita 23. Sept. tractatum est, ut refert etiam Penna, *An Deus sua efficaci gratia moueat hominis voluntatem ad actus liberos bonos, non solum interius suadendo, inuitando, excitando, aut aliter moraliter attrahendo; sed etiam verè & actiue propriè, salua tamen humana libertate. Et an talis efficax gratia conuenienter ab aliquibus*

XLV.

Conuincitur ex Penna non fuisse damnatam à Clemente Societatis doctrinam de gratia per se ipsam efficaci.

pag. 78. 79.

Ibid. 84.

Scholasticè physicè prædeterminans dicatur. Vides nunc primùm in disputationem venire gratiam per seipsam efficacem, hoc est ad sensum Aduersariorum, physicè prædeterminantem. Quamobrem Bastida disputationem sic orsus est, quod Penna non narrat. Sed quod monumentis domesticis nobis constat. *Ventum est, Pater Beatissime, post quadraginta coram hac Sede Apostolica disputationes ad totius controuersia caput, & ad illud caput, unde orta est tanta concertatio, &c.* Nimirum nostri ab initio institerant, etiam ante inchoatas disputationes, dum causa tractaretur coram Cardinali Madrucio, vt quando agebatur de vtroque Ordine ad concordiam reducendo, tractaretur illud in quo potissimùm discordia sita erat: causam Molinæ & causam Bannis, quorum erat reciproce accusata doctrina, causas esse priuatorum: an gratia efficax sit physicè prædeterminans, vt sit impossibile cum ea componi dissensum voluntatis, quæstionem esse in qua, etiam ante scriptum Molinæ librum, ambæ inuicem familiæ dissidebant, cum annexis de prædefinitione malorum actuum & de scientia futurorum conditionatè; ergo si hæc capita componerentur, priuatorum deinde controuersias fore ad componendum faciles. Sed quamuis ea ratio probaretur Cardinali Madrucio, euicit tamen Aduersariorum resistentia, vt ab examine Molinianæ doctrinæ, prout illa fuerat denuntiata, exordium sumeretur. Quare adeò non est verum quod dicitur in Diario Pennæ: *Tunc Patres Iesuitas, recepto hoc dubio, cæpsse suspirare*: vt sit potius verissimum, tunc primùm maximè respirasse; quippe cum id tandem aliquando obtinuissent, quod tam diu & tantopere petierant. Atque tum hoc, tum quod addit, fuisse qui dicerent Iesuitas in proximè sequuturo Solis defectu spem habuisse, quasi simul etiam defecturus esset Pontifex, mihi persuadent, & sapientibus viris persuasum iri puto; non fuisse Pennam, qui laciniosum hoc Diarium scripsit; quòd sit incredibile hominem ejus dignitatis adeò fuisse immemorem sui, vt tam ineptos captaret rumusculos, & stramineis hisce notis sua scripta inferciret. Ego certè minimè dubito, quin si supersunt aliqui, quibus pro veteri amicitia illius viri existimatio curæ sit, iis succenseant, qui sub ejus nomine id genus narrationes vulgauere, vel vt vulgarentur, consensere.

Sed quod caput est, qualecumque sit hoc Diarium, ex eo constat totam de gratia physicè prædeterminante controuersiam sub Paulo agitari cœptam, reliquis ad finem vsque Congregationibus disputandi materiam præbuisse: quod Pennæ Diarium confusè significat, sed ex notis quas habemus illorum temporum distinctè constat. In 40. enim disp. prædeterminationem impugnasse Bastida dicitur ex Scriptura, Conciliis, Patribus, & ex rationibus, ductis ex principiis fidei, & Doctorum sententiis. In 41. singillatim tractans argumenta, quæ prius conglobauerat, intorsit decreta Concilij Tridentini, & Senonensis. In 42. ostendit repugnare Augustino. In 43. repugnare antiquis Patribus. In 44. contulit doctrinam illam, cum doctrina Caluini, ductò per multa capita parallelo. In 45. intulit destrui liberum arbitrium, gratiam sufficientem, & Deum fieri auctorem peccati. In 46. ostendit dissentire D. Thomam. In 47. & vltima, dissentire quoque tum superiorum sæculorum Doctores, Scholasticos, tum hujus etiam maximam partem. Hic fuit disputandi finis 22. Febr. ann. 1606. Et consentit in his Diarium Pennæ, nisi quòd non ita distinctè disputationum argumenta numerat. Tunc igitur tantum tempus erat pronuntiandi de gratia physicè prædeterminante, sed Clemens ante biennium ferè mortuus erat, quando ergo damnare potuit contrariam sententiam?

Respondebunt tunc damnasse, quando proposuit illa 15. puncta. Illa enim assertiuè proposuisse veluti doctrinam Augustini: & ideo Locobonus calamo, vt solet, felle tincto, *Theologos*, inquit, *minùs pertinaces, minùsque rebelles veritatis quàm Iesuitas, fuisse obedituros doctrinæ S. Augustini, & auctoritati ac iudicio Sedis Apostolicæ, per hoc scriptum Clementis VIII. satis expresso.* Ego mitiùs agam cum illo, contentus ejus tarditatem notasse, qui 15. puncta à Pontifice ad disputandum proposita, pro definitionibus accipit. Quod quia insinuatur etiam in Diario, confirmor vt credam, rapsodiam illam immeritò fuisse Pennæ attributam. Quis enim sibi persuadeat Rotæ Decanum *decisionem à questione* non distinxisse. Desideratur etiam, vt mitissimè loquar, vtriusque prudentia. Fit enim ab incautis grauissima Sedi Apostolicæ injuria. Quid enim? vt Clementis definitionem Paulus sit passus retractari, & in disputationem ve-

XLVI.
Locobonus
questiones
ad disputa-
tandum
propositas
cum defini-
tionibus
confundit.

pag. 83.

nire? hoc passi essent Cardinales, ad quos hoc scriptum dicitur fuisse missum? hoc ipsi etiam Consultores? Ecquid haberemus certi in definitionibus Romanorum Pontificum, si locus aliquis esset huic cogitationi? Scio hanc suspicionem non displicere Iansenianis, sed contrarius semper Ecclesiæ sensus fuit. Tollit autem omnem dubitationem Clementis subscriptio illis quindecim punctis subjecta, quam Locobonus suppressit, Apologista verò Iansenii expressit ad calcem Apologiæ secundæ, quòd tunc diuinare non posset nocituram Locobono. Ergo Clemens post puncta illa sic scripsit: *An ista sit doctrina S. Augustini, in materia gratiæ, Clemens Papa VIII. pro proxima congregatione.* En tibi, Lector, candorem Locoboni, en æquitatem in accusando, dum Iesuitas *peruicaces & veritati rebelles* denuntiat, quòd quæstionem à Romano Pontifice propositam, an sit doctrina S. Augustini, non acceperit pro determinatione, quòd sit.

Est autem verissimum quod jam dixi, Bastidam non repugnasse illi articulo 5. nisi quantum trahi poterat ad sensum gratiæ physicè prædeterminantis, iuxta sententiam Thomistarum, quem sensum, quia nec Clemens vlllo modo expresse-
rat, nec Augustini testimonia, quæ afferebantur, exprimebant; ideo meritissimò iudicatum est de eo disputandum esse deinceps, factâ gratiæ physicè prædeterminantis expressione. In hunc ergo modum conuincitur meram esse fabulam quod dicunt, damnatam à Clemente doctrinam, quæ non admit-
tit gratiam per seipsam efficacem, modo jam explicato.

XVII.

Fabulosum
quoque
monstratur
quod dicunt
de iudicio
Pauli V.

Non minus clare conuincitur, nec damnatam à Paulo. Quid enim significat quod de se narrat ille, seu verus seu supposititius Penna? *Adiui suam sanctitatem, & commemoravi magnum scandalum, quod futurum erat in Ecclesiâ, si causâ indecisâ Consultores recederent. Sanctissimus respondit, nullum futurum inconueniens, cum ipse in resolutione sequuturus esset iudicium Congregationis.* Factus erat disputandi finis, & querebatur Penna quæstionem manere indecisam; an ergo tunc partem alteram damnauerat Paulus? Non, inquiunt, sed postea damnauit. Quando autem? & quem afferunt hujus damnationis testem? quam memoriam? quod relictum vsquam vestigium? dicent fortè tunc contigisse, quando Censores, qui residui erant, numero

decem, censuram suam inclinante jam anno 1607. Pontifici de-
derunt, juxta fidem Diarii, ex quo habemus *non imperatum* pag. 103.
Consulioribus recessum, sed mandatum, ut frequentibus una conuen-
tibus habitis, causam terminarent, sicut fecerunt toto hoc anno, & se- pag. 104.
quente. Hoc est toto supra millesimum 606. & 607. quo dede-
runt illud judicium suum, ab octo ipsorum subscriptum, cum
decem conuenissent. Tunc igitur debuit à Paulo concipi
damnatio illa. Sed ecce tibi, Lector, rem admodum lepidam.
In illo scripto quod Pennæ attribuunt, sequuntur ista verba,
quæ Ianseniani legere noluerunt, fortè ne puritatem Gallicæ
linguæ, quam affectant, Hispano idiomate corrumpere anno
1607. *Su Sandidad como temperamento en la causa de Auxiliis, que*
nadiecalificasse la Sentencia contraria, hasta que su Sandidad publica-
se su declaracion y determinacion. Hoc scilicet fuit Summum Pon-
tificem ex testimonio Pennæ damnassee doctrinam Societatis.
An non meritò Ianseniani Iesuitas vocant *rebeldes veritati*,
quam ipsi tam nequiter prodere conuincuntur?

Venio ad tertium membrum, quo dicunt eandem doctri-
nam esse damnatam à Congregatione de Auxiliis. Et hoc
pari euidencia conuincitur ex Diario; ex quo habemus vlti-
mam disputationem habitam 22. Febr. vltimam verò Con-
gregationem 8. Martii anni 1606. *In qua actum est, inquit, de*
modo decidendi causam, Cardinales dixerunt suam sententiam, &
conclusum Apostolico iudicio determinandam. Hoccine est dam-
nassee partem alteram? Sed supplendum quod deest ex litte-
ris Cardinalis Perronii, qui refert illo ipso die, quo scribebat:
Scribebat autem 20. Martii anno 1606. *Conuocatos à Papa Car-*
dinales, qui disputationibus aderant, ut circa quadam, quæ in iis tra-
etata fuerant, sententiam eorum exquireret. Et addit: *Quod attinet*
ad controuersiam, factus est disputandi finis, sed nullum adhuc iu-
rium decisioni datum est. Quis scientior rerum in Congrega-
tionibus illis gestarum; Penna, qui numquam interfuit, an
Perronius, de quo meritò dicas illud, *& quorum pars ma-*
na fuit? Ex illo nondum cœperat quæstio decidi, quando
cessit haberi Congregatio ad examinandam controuersiam
de Auxiliis peculiariter instituta, nulla enim ampliùs habita
est. Necesse igitur est, si doctrinam Societatis damnauit Con-
gregatio de Auxiliis, ut damnauerit quando non erat.

XLVIII.
Cōuincitur
pariter nec
à Congre-
gationibus
damnata
esse doctri-
nam Socie-
tatis.
pag. 100. 101

Et hoc iterum ex Diario conuincitur, dum dicit iussisse Pontificem, post finem Congregationum, vt Consultores reliquo anno 1606. & sequenti 1607. *frequentibus inter ipsos cōuentibus causam terminarent.* Quid enim? Nonne jam terminata erat? Si toties damnata fuerat Societatis doctrina, totiesque conclusum à Congregatione contra Molinam, quid opus erat priuatis hisce consultationibus Censorum? Quare non iubebat potius Pontifex à Secretariis extrahi decreta, & conclusiones stabilitas fecerni, atque in ordinem redigi? Ecquid aliud potest responderi, quàm nihil certò conclusum ab illis Congregationibus, & Iansenianos sua somnia venditare, dum has fabulas spargunt?

XLIX.

Sed neque à
Consultori-
bus.
pag. 83.

At, inquiunt, Consultores saltem doctrinam illam damnaverint. Respondeo Consultores, vt jam monui, non fuisse iudices, & malè loquutum Locobonum, dum quod est in Diario conclusum à Consultoribus, eam esse Augustini mentem, Gallicè vertit, *Les Iuges de la Congregation conclurent,* sequutus exemplum Apologistæ Iansenii, qui sub finem Apologiæ secundæ idem peccatum peccauit. Auditis hisce Consultoribus, plenum & integrum erat penes Pontificem, & Cardinales jus & arbitrium probandi, vel improbandi quod illi conclusissent, ac proinde dici nequit Congregatio fecisse, quod non fecit Pontifex cum Cardinalibus, seu quod Consultores tantùm fecerunt.

pag. 84.

Adde secundò, petendum ab Aduersariis vnde habeant damnatam ab illis Consultoribus sententiam, quæ negat gratiam physicè prædeterminantem, quod vnum modò quaritur? Nam neque hoc colligi potest ex Diario. Dicitur quidem propositum fuisse dubium discutiendum 25. Sept. anno 1605. *An Deus moueat voluntatem ad actus liberos, non solum in-terius suadendo, inuitando, excitando, aut moraliter attrahendo, sed etiam verè, actiue, propriè, salua tamen humana libertate.* Et circa hoc dubium, post duas disputationes, dicuntur Consultores *magno pondere rationum demonstrasse, Deum non solum moraliter, sed verè, actiue, propriè mouere voluntatem, prout constituitur in dubio.* Sed in eo non erat difficultas. Neque enim negamus Deum verè, propriè, actiue, physicè, mouere voluntatem ad actus bonos, præsertim eos, qui ad salutem spectant. Caput &

Summa controuersia est, an physicè determinet; hoc est, an
 ra moueat, vt impossibile sit cum natura hujus motionis
 componi dissensum voluntatis. Nam hoc propriè est phy-
 sicè prædeterminare; & si hoc non concluditur, collimatur
 extra scopum. Malè scilicet interpretantur doctrinam no-
 tram, qui putant pro eodem nos habere motionem, seu præ-
 motionem, & prædeterminationem. Motionem quippe seu
 præmotionem physicam ad actus bonos & salutes non ne-
 gamus, prædeterminationem ablegamus, eo sensu, quo jam
 dixi, & qui ferè sensus est Aduersariorum. Omittunt ergo
 Consultores in illo suo iudicio, id quod vnum exprimendum
 fuit, hoc est de prima parte dubii iudicant, de qua minima
 erat controuersia: secundam omittunt, de qua propriè disce-
 tabatur: nec deinceps quidquam clariùs distinctiùsve pro-
 nuntiant, post sequentes disputationes, in quibus eadem ma-
 teria versata est. Ergo vbi est illa damnatio, quam obijciunt
 anseniani? Quippe necesse erit vt eam referant ad censu-
 ram illam, quam biennio ferè post disputationes dicuntur il-
 censores obtulisse Pontifici, illam igitur exhibeant, vt in-
 telligamus an & quomodo damnaverint sententiam, quæ ne-
 gat gratiam physicè prædeterminantem.

Interea dum hoc expectatur, hunc mihi scrupulum exi-
 ant. Peto enim quæ causa sit, cur tanto tempore, totque
 congressibus priuatis indiguerint Consultores, vt in cen-
 sam conuenirent, jam post tot disputationes & tot cen-
 sas disputationibus subnexas. Nam si Diario Pennæ
 des est, post singulas disputationes conueniebant Con-
 sultores, vel illo ipso die & statim dimissis Disputatoribus;
 vel sequentibus diebus, & quid de quæstione disputata
 cedendum esset definiebant, vbi juxta ejusdem Diarii fi-
 nis, quot erant definitiones, tot erant in Molinam & Mo-
 nistas fulminationes. Quod si ita est, fieri potest vt toto
 inde biennio, frequentibusque conuentibus indigerent, ad
 censuram concinnandam, quam erant oblaturi Summo Pon-
 tifici? Non erant memores articulorum, in quibus conueni-
 ent? Non habebant acta Congregationum, vnde in vnum
 colligerent statutas inibi conclusiones? Atqui hoc opus erat
 prioris ad summum tridui, & consumpsere tamen bien-

L.
 Ostenditur
 ex narratio-
 nibus pen-
 næ Consul-
 tores non
 satis consti-
 tutum ha-
 buisse, quid
 conclude-
 rent.

nium ferè *frequentibus inter se conuentibus*? Quid quæso tractabant in his conuentibus? Quid hærebant? Res numquid jam erant decisa? Num perstabant in sententia, quam dixerant coram Pontifice & Cardinalibus? Num reformandum censebant quod ab illis sancitum esset? Crescit dubitatio ex facilitate, quam iidem ostenderunt ante septennium, quando spatio trium mensium conuenerunt in censuram, non quinquaginta solum, sed, vt habent certiora monumenta, sexaginta propositionum Molinæ, Deus immortalis! causâ nondum discussâ, tam faciles tamque profusi ad censendum fuisse: & post quadraginta septem disputationes, totidémque disputatarum quæstionum decisiones, indiguerint biennio, vt viderent quid tandem statuendum esset?

Hinc verò manifestè sequitur, aut fictitiâ esse totam illam Diarii narrationem de multiplicatis sine fine Consultorum censuris in Molinam, vel Consultores illos re maturius consideratâ, & recurrentibus quæ vltro citrôque dicta fuerant à disputantibus, intellexisse dubiam esse, nutantémque censurarum suarum æquitatem & veritatem.

L I.
Quid oppo-
ni possit
iudicio
Consulto-
rum.
pag. 103.
104.

Sed tamen esto, deinus quod probari non potuit, & cuius contrarium potius probatum est, doctrinam cui Societas repugnat, visam esse Consultoribus illis extra ordinem assumptis, necessariam. Habebimus aduersos octo viros eruditos. Non enim plures fuerunt, vt Diarium refert. Quia ex decem, qui soliti erant conuenire, Petrus Lombardus Archiepiscopus Armacanus subscribere noluit, nec Bouius ex Ordine Carmelitarum, *qui perseverauit*, inquit Penna, *in sententia Molinæ*, & nequicquam obstante hac hæresi, à Paulo V. deinde promotus est ad Episcopatum Molfetensem. Iacturam igitur octo suffragiorum, quam non possumus non magni facere, poterimus etiam supplere suffragatione multò pluriam ejusdem autoritatis & dignitatis Theologorum. Fuerunt enim, vt dixi, merè consultiua suffragia illa, nec vllam habuere à S. Pontifice autoritatem decisiuam.

L II.
Controuer-
sæ decisio
non fuit po-
ssita in iudi-
cio Consul-
torum.

At, inquires, decisio controversiæ pendebat ex huiusmodi suffragiis, hoc verò, inquam, pernegamus. Nostri enim ab initio intellectâ illâ tam liberali & tam promptâ 60. propositionum censurâ, institere vt audirentur, & vt causâ defi-

riti

nitio non penderet ab eorum iudicio, quod & obtinueret; vt colligi potest ex litteris Cardinalis Bellarmini ad P. Antonium Padillam datis 9. Martii anno 1601. quibus dicit, *Quello ch'ora si tratta, è la reuisione della censura ch'anno fatto certi deputati, QUALI NON SONO GIUDICI DELLA CAUSA, MA SOLO CENSORI DEL P. MOLINA: & in questa reuisione due Padri della Campania si trouano presenti con due Padri Domenicani, e si scriuono l'opposizioni e le diffese. Quando sarà finita la reuisione della censura, NOSTRO SIGNORE SARA GIUDICE. E se bene non sò quale sarà la sentenza di sua Santità, non dimeno so bene che se bisognara emendar il libro del P. Molina, BISOGNARA EMENDAR LO EN PROPOSITIONI COMMUNI A GLI AVERSARIJ; è non in materia della controuerfia ch'anno con la Compagnia: habetur hæc Epistola in Archivio nostro.*

Ob eam scilicet causam tracta jam antea fuerat quæstio à Consultoribus illis ad Cardinalem Madrucium, vt cum duobus Generalibus sancti Dominici & Societatis, & aliquot utriusque familiæ Theologis viderent, si quæ posset iniri ratio controuerfiam dirimendi; quod cùm minimè successisset, decreta est illa censuræ recognitio coram Cardinalibus Asculano, & Bellarmino, & duobus ex vtraque familia Theologis. Neque verò nullus fuit ejus fructus; quia certum est, vel ipso fatente Locobono, *visum esse Consultoribus, ex illis, vt ipse dixerat quinquaginta, & vt res est, sexaginta propositionibus, viginti tantum quæ videbantur esse majoris momenti, discutendas.* Atque ita Censores vnâ liturâ quadraginta peccata Molinæ condonarunt, quæ magna quidem indulgentia fuit, sed erat futura iustior, si plenaria fuisset.

Verùm quia ne in residuarum quidem censuram consentire nostri voluere Censoribus, cùm dicerent ex illis viginti adhuc aliquas esse quæ Molinæ imponebantur, aliquas quæ contrarium ejus menti sensum torquebantur, aliquas quæ communes erant etiam cum Thomistis illustribus, Clemens VIII. totam ad se controuerfiam traxit, certus nec his nec illis assentiri, donec per se ipse causam vniuersam inspiceret: ideoque mandauit initium dari disputationibus, quibus quòd iidem Consultores, cum aliis adesse sunt iussi, non

ideo fuit, quòd vellet eorum stare iudicio: sed vt ex eorum censurâ cum aliorum quoque iudicio collatâ, & cum iis quæ dicebantur à disputantibus, videret ipse cui parti adjudicanda veritas esset.

Eadêmeque deinde fuit Pauli cogitatio, quando iussit Censores priuatis conuentibus suam digerere & conformare sententiam. Nam quòd non ideo decreuisset illam sequi, manifestè colligitur ex eo quòd eodem tempore, quo Censoribus hoc præscribebat, ex alia parte mandauit vt acta omnia Concilii Tridentini, eruta ex Castello S. Angeli traderentur Cardinali Perronio, vt videret ipse quid inde lucis posset hauriri ad causæ decisionem, vt constat ex ejusdem Epistola ad Henricum IV. data 11. Iulii anno 1606. quæ habetur tomo 4. jam citato. Variorum sententias Pontifices exquirebant, vt omnibus deinde inter se compositis, quid demum credendum esset ipsi decernerent. Sed Paulus post longam tandem meditationem, & rationum ac sententiarum collationem, nihil tutius vidit ad decernendum, aut expeditius, quàm quod allatum est antea ex scriptis, quæ Pennæ attribuuntur, nempe vt temperamentum illud adhiberet, ne pars altera sententiam alterius condemnaret, permissâ cuique disputandi facultate.

LIII.
Suffragia
Consulto-
rum suffra-
gis opposi-
ta.

Ex his igitur constat, octo illorum Consultorum suffragia, nulla alia auctoritate roborata, suffragia esse octo Theologorum, esto eruditorum & insignium, cui si poterunt opponi totidem ejusdem magnitudinis, nihil actum erit pro stabilienda gratiæ, de qua est contentio, necessitate. Opposuerunt autem nostri non singulos singulis, & viro virum, sed primò iudicium Inquisitionis Lusitanæ, cum approbatione Censoris librorum ex Ordine S. Dominici, quæ facultatem dedit edendi Concordiam Molinæ prius examinatam. 2. Ejusdem Inquisitionis aliud deinde iudicium contradictoriè & causâ vtrîmque contestatâ datum, quo liber idem est approbatus. 3. Consilium Regium Castellæ & Aragoniæ, à quibus post approbationem Theologorum, quibus demandata erat ejusdem libri examinandi cura, concessa est facultas imprimendi. 4. Academiam Complutensem, quæ ex commissione Supremæ Inquisitionis Hispaniæ, eandem Concordiam

examinavit, & à censura immunem renuntiavit. 5. Academiam Seguntinam, quæ eâdem occasione librum eundem similiter examinatum similiter approbavit. 6. Academiam Moguntinam, cujus idem fuit iudicium. 7. Herbipolensem, quæ Moguntinæ consensit. 8. Denique nobilissimorum Ordinum Benedictinorum, Cisterciensium, Franciscanorum, Carmelitarum, Augustinianorum, Oliuetanorum, Minimorum, doctrinam, quorum omnium conclusiones varias variisque temporibus editas, & ut plurimum occasione Generalium, vel Prouincialium Comitiorum propugnatas ostendêre, cum expressa doctrinæ Societatis assertionem. Hæc omnia suspendere poterunt Aduersariorum imperum, ac persuadere controuersiam nondum esse ad dirimendum satis maturam. Vnde satis euanescit commentum illud censuræ à Congregatione de Auxiliis, contra doctrinam Societatis conceptæ.

Hinc etiam satis, ut opinor, jam constat nihilo minus conuictum esse quartum Ianseniorum mendacium, de bullæ assensu Pauli confecta, cum censura 50. propositionum Molinæ. Conuictum inquam est hoc mendacium. Primò ex Pennæ silentio, quod est argumentum in subiecta materia efficacissimum. Conuictum est secundò, ex eo quòd Ianseniani quoque fatentur, ut suprà notatum est, Consultores ex illis 50. vel 60. propositionibus quas priùs damnauerant, viginti tantum extraxisse, atque ad censuram seposuisse. Quid enim volunt? ut Pontifex plures damnauerit quàm fuerant à Consultoribus notatæ? An ut Consultores mobilitate animi concilium iterum mutantes reposuerint censuras, quas deleuerant? Conuictum est tertio, ex eo quòd monstratum etiam est eodem tempore, quo demandata dicitur conficiendæ bullæ cura, hoc est quando Consultores præmissis frequentibus conuentibus toto anno 1606. & sequenti, suam tandem censuram Pontifici tradidere: statuisse ipsum inire temperamentum de prohibenda vicissim utrique parti censura. Numquid nimis fulmen cudebat in unam partem, eo tempore, quo melius atque utilius Ecclesiæ temperamentum videbatur? Quarto non vident Ianseniani se per eiusmodi fabulas Ecclesiæ vitia petere, atque in ipso veluti corde authoritatem Sedis apostolicæ ferire? Quid enim hoc rei est, Pontificem mini-

L I V.
Iterum
conuincitur
ex dictis
Aduersariorum
fabulosam esse
illam
contra Molinam.

Epist. 93. a-
pud August.

mè dubitantem quin Pelagiana esset doctrina, quæ opponitur gratiæ physicè prædeterminanti, eamque damnantem, certum eam quoque damnassee cui successerat, Clementem, & probè consciū idem fuisse iudiciū Congregationis ad hoc peculiariter institutæ, prohibere tamen, ne quis vllam ei notam inureret: pari jure parique libertate eam donare cum veritate Catholica: qui eam pugnaciter defendebant toto terrarum orbe lectionibus, concionibus, disputationibus, scriptionibus, cumulare beneficiis: & qui illis adhærebant ad dignitates Ecclesiasticas & Episcopatus promouere: in illa dissimulatione perseverare ab anno 1606. ad annum 1621. in eaque mori & successoribus, vt idem facerent ad hunc vsque diem exemplum relinquere? O Nou-Augustiniani quid vobis videtur? Potest hic stupor cadere in Christi Vicarium? Qui hoc agit, fidem seruat quam Ecclesiæ obligauit aduigilandi vt diuina traditio illibata conseruetur? Sollicitus est, ne ouibus suæ curæ commendatis venenum erroris promiscuè cum pabulo veritatis proponatur? Successori fideliter tradit receptum à majoribus fidei depositum? Et cauet quod olim monebat Innocentius primus, *ne permittendo lupos mercenarius magis videatur esse, quàm pastor?* Non nego in rebus ambiguis & indefinitis, in Ecclesia tolerari vt quisque sequatur quam partem præoptarit, etiamsi aliorum iudicio minùs certam, minùsve probabilem: at errorem cognitum, probatum, conuictum, damnatumque, non tolerare modò, sed insuper prohibere ne quis errorem vocet; si quis dicat contingere posse infallibili fidei ac veritatis Magistro, fidòque custodi ac depositario, à quo discere iubemur, quomodo sit distinguendum pretiosum à vili; si quis inquam hoc asserat, quis non eum joculari putet, jocandòque authoritatem confirmandæ fidei necessariam euacuare? Quanto minùs fuit quod olim Honorio contigisse dicitur in causa Monothelitarum, cujus tamen adeò difficilis visa est sequentibus Conciliis œcumenicis, & ipsis etiam successoribus excusatio? Scio Iansenianis arridere cogitationes hujusmodi: Alludent enim ad cogitationes Iansenii, & ipsorum interest, vt Sedis Apostolicæ nutet authoritas: sed interest etiam Catholici Lectoris animaduertere quid moliantur, & quò spectent eorum con-

ilia, dum spargunt hausta ex scripturis apocryphis isthæc fabulamenta.

Quintò erat optandum ut quemadmodum Diarium Pen-
næ publici juris fecere, *ut satisfacerent*, inquit Approba-
tores Locoboni, *diuturnæ hominum eruditorum expectationi*; ita
rellent Constitutionem illam, ac damnatas propositiones com-
municare cum republica litteratorum. Intellexisset statim
Lector eruditus & perspicax, nihil aliud esse scriptum hujus-
modi, quàm rudimentum inane tyronis alicujus, cui cogita-
tio incidit experiundi quid posset, & monstrandi quid veller,
ei ei permitteretur bullam condere. Probavit autem quicum-
que demum sit, se hujusmodi operibus parum idoneum, in-
super & satis imperitum. Scriptum hoc nihil habet ejus gra-
titudinis & majestatis quæ inesse debet literis Apostolicis. Di-
cit, *Sedem Apostolicam ab Augustino dum viueret, aduersus dogma*
Pelagianorum responsa poposcisse, quod quæso vnde accepit? Le-
gimus quidem Augustinum & suo & Conciliorum Africa-
norum nomine à Sede Apostolica non semel responsa popo-
scisse. Legimus ideo poposcisse, quòd timerent *ne ad culpam*
negligentia imputaretur, si tacerent quæ pro Ecclesia suggerenda erant,
quo Romanus Episcopus Pastoralem diligentiam adhiberet Christi
membrorum periculis. Et, quia arbitrabantur, adjuuante mise-
ricordia Dei, qui dignatur eum & regere consulentem & oran-
tem exaudire; Pelagianos illius authoritati de Sanctarum Scri-
pturarum autoritate deprompta faciliùs esse cessuros. Legimus
um ad Innocentium librum de Natura & Gratia ultro
misisset, addidisse: *Non enim riuiulum nostrum tuo largo fonti augen-*
to refundimus, sed in hac non parua tentatione temporis, vnde nos li-
beret cui dicimus, ne nos inducas in tentationem, vtrum etiam noster
exiguus ex eodem quo etiam inus emanet capite fluentorum, hoc
te probari volumus, tuisque rescriptis de communi participatione
nus gratia consolari. Legimus cum mitteret ad Bonifacium
uæ scripsit contra duas Epistolas Pelagianorum ita præfatum:
Ecce quæ istis duabus epistolis illorum, ista disputatione respondeo, ad
eam potissimum dirigere sanctitatem, non tam discenda, quàm exa-
minanda constitui. Legimus Innocentium respondisse, dum ita
ocurrerent, id eos fecisse quod æquum erat ut facerent, antiquæ re-
gule formam sequutos toto semper ab orbe seruata, PER OMNES

L V.

Bulla illa
seipsa con-
futat.Aug. Ep. 92.
ad Inn.

Ep. 95.

Lib. 1. cont.
2. epist. Pe-
lag. cap. 1.

ENIM PROVINCIAS DE APOSTOLICO FONTE PETENTIBVS RESPONSA SEMPER EMANARE : ET PRÆSERTIM QVOTIES FIDEI RATIO VENTILATVR, NONNISI AD PETRVM, ID EST, SVI NOMINIS ET HONORIS AVTHOREM REFERRI DEBERE, QVOD PER TOTVM MVNDVM POSSIT OMNIBVS ECCLESIIS IN COMMVNE PRODESSE. Legimus; inquamy, Catholicos, per totam Africam Episcopos, & præ cæteris Augustinum, à Sede Apostolica in causa Pelagii responsa petiisse: neque sua putauisse secuta, certaque atque ab aliis recipienda, donec intelligeretur ea Romæ fuisse probata: Sedem autem Apostolicam vicissim ab Augustino responsa poposcisse contra Pelagium, non legimus. Neque tamen ideo nego potuisse Augustinum ab Episcopo Romano in re aliqua obscura consuli: sed vt quod fieri potuit in causa Pelagii factum esse dicatur, peto vnde bullæ compilator didicerit. Nam ad eum tantum ex occasione missas à Bonifacio duas Epistolas Pelagianorum per Iacobum & Timasium, non est responsa poposcisse.

LVI.
Disputanda
cū S. Tho-
ma, S. Au-
gust & Sū-
nis Pontifi-
cibus ali-
quarū pro-
positionum
censura.
2 sent. d. 2.
ar. 1. ad 3.

Neque verò in rebus Theologicis fuit perspicacior hic Bul-
lator. Prima propositio quam damnat, illa est, *Peccatum primi
hominis solum in donis supernaturalibus nobis nocuit.* De qua viden-
dum erat quàm procul abesset ab ista, quæ traditur à S. Tho-
ma: *Si bona naturalia secundum se considerentur, secundum quod na-
tura debentur ex propriis principis*, NEC HOMO, NEC ANGELVS,
ALIQVID NATVRALIVM AMISIT, NEC IN ALIQVO DIMINV-
TVS EST.

Secunda est ista, *vires naturales liberi arbitrii tales prorsus, se-
cundum se, in nobis post peccatum manserunt, quales illas effemus ha-
bituri, si homo fuisset conditus in statu pura nature.* Quæ si dam-
netur, videndum est, an inde sequatur istam absolui quam
Pius V. & Gregorius XIII. damnauerant prius, *Deus non
potuisset ab initio talem creare hominem, qualis nunc nascitur, &
quod Augustinus ipse significat, non repugnare Deo, ut ignoran-
tia & concupiscentia sint PRIMORDIA HOMINIS NAT-
VRALIA.*

Tertia est, *Paruuli morientes sine baptismo post diem iudicii vi-
tam in naturalibus, omni mentis & corporis vitio immunem ducent
in perpetuas aternitates, feliciorum quam ullus unquam mortalium*

verit. In qua dampnanda considerandum fuit, an dampnareellent eos, qui huiusmodi paruulos sensibilibus dolorum exertes fore dicunt, hoc est S. Thomam, S. Bonaventuram, Scotum & Scholasticos ferè omnes. Si enim tolerabilis est eorum sententia, cum nemo sit adultorum in statu mortalitatis, qui non sit doloribus obnoxius, nonne dici potest feliores fore paruulos, quàm sit modò vllus adultus, statu mortalitatis præcisè considerato, & seclusa spe beatitudinis æternæ? Nam aliunde cognitiones illis naturales & effectus non deerunt.

Quarta, *In statu natura lapsæ, potest homo cum solo concursu generali Dei, efficere bonum opus morale, quod in ordine ad finem naturalem sit vera virtutis opus: illudque referre in Deum, sicut referri solet & deberet in statu naturali.* Cujus censura quot quæso Thomistas, quot Scotistas, quot omnium Scholarum Theologos voluit? Et quomodo elaberentur Pius V. & Gregorius XIII. qui velleasdem, vel æquiuales propositiones vetuerunt affici censurâ in Constitutione contra Baium? Non vacat omnes alias per censere. Nam ex iis, quæ primæ occurrerunt facili intelligi potest, quod sit faciendum de censura illa vniuersa judicium. Et hæc omnia nostri monuerunt, imprimisque benedictus Iustinianus, qui causam hanc apud Pontificem pertraxit egit: ideoque facta est illa reductio quinquaginta, vel sexaginta propositionum, ad viginti. Vnde etiam coniecere licet hanc quam vocant bullam, si digesta fuit ab vilo ex consultoribus, ante disputationes, ac proinde diu antequam promulgatus esset ad Pontificatum euectus, fuisse digestam; & quod inde sequitur, vel si vera esset, non potuisse vocari à Iustinianis bullam Pauli.

Sed quia solent huius vitæ mala, bonis esse permixta, non possunt non valde probare duo, quæ in hoc scripto reperiuntur. Primum est, & olim viuente Augustino, & mediis deinde temporibus, fuisse quosdam, qui putarent se, auctore Augustino, posse ac debere negare liberum arbitrium. Ita enim Bullator loquitur, dum de hæreticis liberum arbitrium impugnantibus: *Qua quidem impugnatio, & justificat quantum est se veterem illam Pelagianorum calumniam, quod in doctrina Catholicorum auferatur ab hominibus liberum arbitrium: & in causam*

LVII.

Colligitur ex illa Bulla, contra Iustinianos, fuisse aliquam Prædestinationariorum hæresim.

ipsi insipientiam nocentius multò sibi atque aliis manifestant, quàm illi quos olim liberum etiam arbitrium negantes simplicius, S. Augustinus instruens ita percontatur: si non est Dei gratia, quomodo Christus Dominus noster saluat mundum? Et si non est liberum arbitrium, quomodo iudicat mundum, &c. En tibi, simplices quosdam existimantes negandum esse liberum arbitrium ab Augustino emendatos. Paulò verò superius hæc habentur: *Quòd autem in quibusdam questionibus minutius tractandis, cum de iis. necesse fuerat contra Pelagianos errores olim disputare, ex scholasticis Theologis aliqui plus tribuerint viribus liberi hominum arbitrii, quàm admittat doctrina vel discussa à S. Augustino, vel definita ab Ecclesia Dei de necessitate, seu efficacia gratia Christi; quidam verò minùs quàm ea doctrina exigat, non eò fuit quòd intenderent ii, aut se putarent à S. Augustino dissentire. Imò, QVI MINUS TRIBUEBANT HVMANO ARBITRIO, QVOD DOCTRINA S. AVGVSTINI ID EXIGERET, Et qui plus, quòd eadem doctrina id admitteret, existimabant, verùm Ecclesia Dei huiusmodi opiniones quorumcumque essent, numquam approbavit.*

Homines, quos Ecclesia Dei numquam approbavit, & qui putarunt iam inde à tempore S. Augustini ejusdem S. Augustini doctrinam exigere ut minus tribueretur libero arbitrio, alii ne sunt, quàm qui vocantur Prædestinatiani? Et Iansenistæ, si quam habent fidem huic Bullæ, pergunt cum Iansenio negare ullos vnquam fuisse Prædestinatianos hæreticos, vel asserere qui sic vocarentur fuisse veros discipulos S. Augustini? Et Mauguinus, qui tam verbosam pugnat pugnam, ut obtineret Prædestinatianos fuisse Catholicissimos, germanissimosque Augustinianæ doctrinæ hæredes, *non est concionatus contra suam bullam?*

LVIII.
Omittit
bullam quod
Ianseniani
potissimum
intendunt.

Aliud etiam valdè probandum, in eodem scripto, hoc est, in illis 50. propositionibus illud omitti, quod vnum intendunt Ianseniani, & in quo est totius controuersie summa, de gratiâ ita per seipsam efficaci, ut tollat proximam & expeditam ad dissentendum potentiam, & cum cujus natura non possit in voluntate componi suspensio actus. Dico neque id vsquam asseri in illa bullæ delineatione, nec oppositum damnari. Sequitur, inquirunt, ex aliis quæ ibi definiuntur. At inquam de necessitate hujus sequelæ postea disputandum erit, interea stat

Bulla-

bullatorem non expressisse quod requiritur vt Ianseniani sint
voti compotes.

Sextò , Monendi sunt Ianseniani , non vnicam circum-
ferri bullam ad terminandam controuersiam de Auxiliis com-
positam. Est & alia , quam illi fortè non viderunt , à præce-
denti differentissima. Possem vno illis verbo indicare vbinam
sit, sed exercenda est eorum diligentia. Inquirant vbi asseruen-
tur scripta Ant. Bouii Episcopi Molsetensis , & Perri Lombardi,
Arch. Arimaçani , qui in hujus controuersia discussione in-
ter Consultores fuere eruditione & pietate non infimi , vi-
deant num inter illa reperiatur scriptum, cui titulus, *Tenor bul-
lae, talis vel similis esse poterit.* Exordium autem subiicitur in
hunc modum : *Inter alia multa & grauissima* , &c. Hæc est
bullæ sub finem disputationum composita. In qua nullius
propositionis damnatio exprimitur , duodecim tantum arti-
culi de doctrina definiuntur , excluso semper illo capita-
li controuersia puncto de gratia physicè prædeterminan-
te , quem scriptor disertè significat indecisum esse debe-
re , *donec Ecclesie sua lumen abundantius Dei prouidentia commu-
nicauerit.*

Hæc nimirum erant priuatorum hominum meditationes,
qui sententiæ quam expectabant præludentes, experiri vo-
lebant, componendo bullas, quomodo posset illa commo-
dè concipi , vt exprimeret quod ipsi vel iudicabant , vel o-
stendebant: fortè etiam opperiebantur occasionem opportunam
ista ingerendi , ac suppeditandi iudicibus , vt haberent pa-
tium in tempore controuersia decidendæ aliquem mo-
dum.

Ianseniani autem, qui videntur sibi thesaurum inuenisse in
agro absconditum, quando in priorem illam bullam incide-
re, poterunt ejus valorem ex secunda metiri, ac videre, num
illa reuera bulla sit, nimirum ex earum genere, quas fundere
solent pueri, dum pendentem è tubulis palarum spumam
efflant. Nempe nos quoque possemus ostentare hujusmodi
margaritas, sed eas tanti facimus, quanti merentur: neque
inquam exponimus, nisi si quando opus est ad temperandam;
quam præ se ferunt Aduersarii, earum æstimationem immen-
sum. Quare per nos licet, vt Doctor *de bono loco* bullam quin-

LIX.

Extare Bul-
lam aliam
à priore di-
uersam.

quaginta propositionum ex doctrina Molinæ damnatarum, quantum libuerit jactet: & quia hoc etiam olim fuit insigne triumphantium, *cum Gratia victrice*, eâ bullâ bullatus procedat. Nihil potuit desiderari ad hujus triumphi magnificentiam opportunius, nihil dignius ad honorem triumphantis, nihil insignius ad memoriam victoriæ sempiternâ. Addam, quia hic etiam olim fuisse dicitur bullarum vsus, nullum præsentius vel efficacius amuletum inueniri, ad hujus honoris inuidiam omnem amoliendam. Quis enim inuidere possit tanta illusione deceptis? Quis non misereatur potius, tam sollicitè fatagentium, ut iis quisquiliis errorem ornent, reddântque probabilem? Quis non etiam rideat anhelantes, sudantésque, ut rucnri Iansenismo fulcra hæc arundinea supponant? Sed quis potius non jure optimè indignetur, obtineri ab iis nondum potuisse, ut Constitutionem Urbani contra Iansenium agnoscerent, toties & tam validè à duobus Pontificibus confirmatam, qui ex bulla contra Molinam, quæ numquam fuit, idolum sibi statim fecere, quod adorent? Et sperant, viri scilicet perspicaces, hanc impressionem multùm Iesuitis nocituram. Et Locobonus credidit, se his petitionibus effecturum, ut ejus disputatio respondisse videatur inscriptioni, quam præfixerat, *Molina & ejus discipuli de errore Pelagianorum & Semipelagianorum conuicti*? Neque visum iri titulum hunc vel falsum, vel exaggeratum, vel superbum, vel ridiculum? Sed nolo ultra importunus esse huic homini, ne somnia illius adeò læta disturbem. Si volet Deus aliquando, quod precamur, ut euigilet; intelliget profectò, Molinæ nihil optatius accidere potuisse, neque aptius ad victoriæ certitudinem, quàm cum hoc genere hostium conserere manus, & armis occurrere istius officinæ. Nam esto illa Vulcania sint, attamen gloriosum est oppugnari mendaciis. Alia enim arma esse non possunt, quæ innocentiam petunt & veritatem.

Finio cum Epistola Petri Lombardi Archiepiscopi Arma-cani ad Paulum Quintum Summum Pontificem; qua reddit rationem, cur noluerit subscribere aliorum Consultorum censuræ. Ea verò sic se habet:

Beatissime Pater, transmitto hic ad S. V. capitula illa quæ etiam

ex judicio Congregationis sanam & Catholicam de viribus liberi arbitrii
& auxiliis gratia Dei doctrinam continent. Adjungo propositiones
continentes de eodem argumento erroneas opiniones, prout in Congre-
gatione visa, renisa, lecta, relecta ET DIVERSIS VICIBVS SVNT
CORRECTÆ. Quare autem noluerim subscribere propositionibus sic
digestis, prout eas S. V. presentabit R. P. Secretarius, præcipua eaque
regnans valde ratio est, quòd in iis extra Congregationem, saltem
ne non presente, ALIQVÆ SVNT MVTATÆ, ALIQVÆ
ADDITÆ, QVÆDAM SVNT QVÆ, SI QVID VALET
JUDICIUM MEVM, GRAVIORIBVS EXTRA CON-
GREGATIONEM HANC THEOLOGIS NEC SATIS-
FACTIONEM ADFERENT, NEC FERRE POTERVNT,
OPPOSITIONEM SI CONTINGAT CONTRA IP-
SAS FIERI. Vt demantur aliqua propositiones non repugno,
modo non sint ex principalioribus. Imò pro judicio meo pes-
sent ac deberent compendiosius ordinari. Cujus rei formam ali-
quam postremo loco hîc subjicio cum osculo pedum Sanctitatis
vestre.

Deuotissima & humillima ejus creatura,

PETRVS LOMBARDVS Archiepiscopus Armacanus.

Hæc Armacanus, de nimio erga doctrinam Societatis af-
fectu minimè suspectus. Seruatur autem hæc Epistola, eodem
loco cum bulla superius citata: ex qua intelligitur quàm vna-
nimis fuerit, quàm constans, quàm legitima, quàm æqua il-
lorum octo Doctorum censura. Additur autem in historia
temporum illorum, jussisse Pontificem, vt judicium hoc, tum
Armacani, tum aliorum Doctorum communicaretur Illu-
striss. Cardinalibus, Generalibus Inquisitoribus; petiisse Car-
dinales vt daretur etiam scriptum Bouii Molferensis Episcopi,
quo doctrinam Societatis propugnabat: & Pontificem im-
perasse vt describeretur & singulis traderetur: hac infor-
matione præmissa die Sabbati 26. Augusti anni 1607. San-
ctiss. Dominum nostrum indixisse Illustrissimis Cardinalibus,
Generalibus Inquisitoribus, nec non Illustrissimo Cardinali
Perronio ad hoc specialiter vocato, Congregationem futu-
ram sequenti die Lunæ 28. ejusdem mensis; ipso nimirum
S. Augustini die festo. In ea quæsitam singulorum senten-
tiam de modo finiendi controuersiam hanc. Quid fuerit

conclusum euentus ostendit, siquidem statim moniti sunt duorum Ordinum Generales, vt quisque suos ab omni censura contrariæ doctrinæ prohiberet, vt ostendunt recitatæ superius Claudii Aquauinæ literæ, octiduo post scriptæ. Hæc Molinæ damnatio, hæc summa causæ, decennio circiter ardentissimè vtrunque agitatæ; hic finis fuit.





INFORMATIO

DE QVINQUE

PROPOSITIONIBVS,

EX IANSENII THEOLOGIA
COLLECTIS,

Quas Episcopi Gallia ad Summum Pontificem cen-
sendas misere.

PRIMA PROPOSITIO.

ALIQVA Dei præcepta, homini-
bus justis volentibus & conantibus
secundum præsentibus quas habent vi-
res, sunt impossibilia : deest quoque
gratia, quâ possibilia fiant.

Quid sentiat Iansenius.

CONTINETUR totidem verbis apud Iansenium tomo 3.
lib. 3. de Gratia Saluatoris cap. 13. Nam quod pro-
bandum suscipit in ipso capitis argumento, *Esse quandam vo-
luntatis infirmitatem, quâ non potest certas tentationes superare, nec
adeest gratia, quâ superentur, nec Spiritus orationis, quo vires im-*

petrentur, id ipsum deinde ex allatis Augustini testimoniis ita sibi
 „ colligere videtur. Ex hac indubitata doctrinâ quædam non par-
 „ ui momenti ad hanc rem spectantia inferuntur & clarescunt.
 „ Primum quidem, esse quædam homini præcepta secundum
 „ statum & vires, in quibus constitutus est, impossibilia.
 „ Secundum, non adesse semper gratiam, quâ possimus, hoc
 „ est, quâ illa eadem præcepta implere sufficiamus.
 „ Tertium, hanc impotentiam reperiri non solum in excæ-
 „ catis, & obduratis & infidelibus, (de quibus numquam
 „ Augustinus vel Ecclesia, sed solum Scholastici nonnulli ex
 „ humanis rationibus dubitarunt) sed etiam fidelibus & justis,
 „ qui & fidem Christi & caritatem justitiæ susceperunt. Quar-
 „ tum, hanc impossibilitatem fidelibus accidere non tantum
 „ quando nolunt præcepta facere, sed etiam quando volunt.

Quatuor hæc iterum repetit & inculcat hoc modo, Hæc
 „ igitur omnia plenissimè planissimèque demonstrant, nihil in
 „ S. Augustini doctrina certius ac fundatius, quàm ESSE PRÆ-
 „ CEPTA QVÆDAM, QVÆ HOMINIBVS non tantum in-
 „ fidelibus, excæcatis, & obduratis, sed fidelibus quoque &
 „ IUSTIS VOLENTIBVS ET CONANTIBVS, SECVNDVM
 „ PRÆSENTES QVAS HABENT VIRES, SVNT IMPOS-
 „ SIBILIA, DEESSE QVOQVE GRATIAM, QVA FIAN-
 „ T POSSIBILIA, hoc enim S. Petri exemplo, aliisque multis
 „ quotidie manifestum esse, qui tentantur vltra, quàm possint
 „ sustinere. Addit deinde, Quintum itaque ex eodem prin-
 „ cipio confectarium est, Plurimis non dari istam faciendi præ-
 „ cepti possibilitatem, quæ precibus implorari solet. Cujus rei
 triplicem affert rationem. Primò, Quia multi non orant. 2.
 Quia non orant vt oportet ad impetrandum. 3. Quia etiamsi
 orent, Deus differt quod petunt, & interea finit eos cadere.
 Videndum est, quod dicit cap. 5. col. 2. §. *nec aliquis oppo-*
nat, & cap. 14. ejusdem lib. col. 2. §. *nam si desersiones*. Iam
 quod dicit Iansenius, *aliqua præcepta, & plurimis hominibus* non
 potest in ipsius doctrina sic intelligi, quasi verò aliqua etiam
 aliquibus essent possibilia, secundum præsentem quâ habent
 vires, si sit sermo de hominibus, qui ea transgrediuntur, Ian-
 senii sensus vniuersalis est, respectu transgressorum, scilicet
 omnia præcepta eorum transgressoribus omnibus, secundum

præsentes quas habent vires dum transgrediuntur, esse impossibilia: ita ut nemo, non tantum infidelium, sed ne iustorum quidem, qui præcepta diuina transgredientes iustitiam perdunt, intelligatur ea transgredi, nisi ex impossibilitate præsenti ea obseruandi. Quod clarissimè patet ex duobus hisce Iansenii principiis. Primum est, Nullam dari gratiam sufficientem, quæ non sit simul efficax respectu effectus, ad quem dicitur sufficiens. Ex quo sequitur, cum omnis transgressor præcepti, quotiescumque transgreditur, careat gratia efficaci ad obseruandum, carere etiam sufficienti, ac proinde juxta Iansenium nemo vnquam transgredi præceptum, quin careat sufficientibus viribus ad illud obseruandum. Secundum principium est, Viâtricem delectationem esse id quod voluntatem liberam & potentem facit, siue ad bonum, siue ad malum, adeò ut illa omnino absente, fiat impotens.

Verba Iansenii sunt hæc tom. 3. lib. 7. de Gratia Salu. cap. 2. *Quærimus, inquit, quid sit illud, quod nos velle & nolle facit, quo aliqui actus voluntatis ponuntur in potestate voluntatis, seu quid voluntatem ad actus aliquos liberam & potentem facit, ITA UT SINE EO VELLE NON POSSIT; Et deinde. Dico igitur S. Augustini principiis insistendo, aliquid omnino esse præter nudam facultatem voluntatis, quod eam facit velle vel nolle, QVO OMNINO ABSENTE FIT IMPOTENS, præsente potens siue ad bonum siue ad malum. Et explicans quid hoc sit in argumento capitis sequentis ait, Delectatio efficit voluntatem & libertatem, hoc est facit velle, & liberè velle: quod mox ita exponit ut præsente delectatione, actus volendi sit reipsa in potestate voluntatis; absente, non sit; inde est quod dicit postea, Ipsum non consentire ac non facere quod concupiscentia suadet, effectum esse gratiæ viâtricis: & habitum malum non solum adducere impotentiam operandi boni, sed ita urgere ad operandum malum, UT NON SIT LIBERVM ABSTINERE; quamdiu scilicet non præualet delectatio iustitiæ.*

Ex qua doctrina sequitur, cum omnis peccans peccet vel omissione boni, vel commissione mali, & in omni omittente sit defectus viâtricis delectationis gratiæ ad faciendum quod

Sensus Iansenii.

Tom. 3.
lib. 7. de
gr. Sal.
c. 3.

Ibid. c.
14.

omittit, in omni verò committente sit præsentia victricis delectationis concupiscentiæ, impellentis ad id quod committitur, neminem peccare nisi ex impossibilitate non peccandi; Nam qui omittit non habet in potestate facere quod omittit, quia ut dicit Iansenius, illud ponitur in potestate per victricem delectationem gratiæ, quæ deest: qui autem committit, non habet in potestate omittere, seu non consentire ad id quod committit, quia illud non consentire ad faciendum, est effectus victricis delectationis gratiæ, ut idem dicit, quæ gratia similiter deest, cum stare non possit cum victrici delectatione concupiscentiæ, mouentis ad malum quod committitur; ergo neuter habet in potestate non peccare. Item delectatio gratiæ facit liberam voluntatem ad actum qui præcipitur; eadem delectatio illam facit liberam ad omittendum actum, qui prohibetur: adeò ut sine illa non sit liberum vel hunc suppressere, vel illum elicere, ut dicit Iansenius. Ergo cum in omni peccante semper & ubique desit victrix delectatio gratiæ, siue ad faciendum quod præcipitur, siue ad omittendum quod prohibetur, consequens est in omni peccante deesse libertatem ad vitandum peccatum, nempe in peccante peccato omissionis deesse libertatem ad faciendum quod facere iubetur, & in peccante peccato commissionis, deesse libertatem ad omittendum quod iubetur omittere, & consequenter omnem qui peccat obligari ad id ad quod non habet libertatem; & sic vniuersaliter verum est, omnia præcepta omnibus qui ea transgrediuntur, esse impossibilia. Hæc est pura, putaque Iansenii doctrina sine fuco & integumentis.

Quid sentiant Hæretici.

EODEM autem modo & sentiunt & loquuntur Hæretici, Lutheri propositionem hanc referunt & damnant duæ celebres Academiae, Parisiensis & Louaniensis, in censura Lutherianarum propositionum. Quicumque negat Deum impossibilia iussisse, pessimè facit; & qui hoc falsum dicit, plus, quam pessimè facit. Calvinus 2. Inst. cap. 7. 8. 5. Quod autem impossibilem legis obseruantiam diximus, id est paucis verbis

verbis explicandum, simul & confirmandum. Solet enim
 vulgò absurdissima sententia videri, vt Hieronymus non du-
 citauerit illi anathema denuntiare. Quid visum sit Hiero-
 nymo, nil moror, nos quid verum sit, inquiramus. Ejusmo-
 di argutiâ vexabant Augustinum Pelagiani, injuriam fieri
 Deo, si plus jubeat, quàm per ipsius gratiam præstare queant
 peccatores. *Molinæus in Clypeo art. 9. negat* Ex præceptis probari
 non quid homo possit, sed quid debeat: & non esse injustum
 quod Deus jubeat, vt seruet mandata ille, qui suâ culpâ ser-
 uandi facultatem amisit. Et cap. 15. num. 14. in Anatome
 Iansenianismi, *Qui factus est improbus suâ culpâ, & imposens Deo*
sequi, &c. tenetur tamen ei obsequi, &c. Vides primò conue-
 nire Iansenianos cum Hæreticis, quòd vtrisque sit suspecta
 Hieronymi sententia. De Hæreticis jam constat ex Calui-
 ni, qui sequitur in eo Lutherum ridentem *decretalem*, vt ip-
 se vocat, Sorbonæ, tanquam ex Hieronymo sumptam. De
 Iansenianis, quòd non probent Hieronymi iudicium in æsti-
 mandis liberi arbitrii viribus, patet ex lib. 7. & 8. de hæresi
 Pelagiana. Vides secundò, in eo etiam conuenire, quòd
 utrique Pelagianis attribuant illam in asserenda mandatorum
 impossibilitate constantiam. Iansenius enim in soluendis quæ
 sunt contra ipsum argumentis, passim vsurpat illud Caluini,
em fuisse Augustino à Pelagianis objectum, vt patet ex l. 3. ci-
 tato de Gratia Saluat. cap. 14. 15. 17. &c. Vides tertio, etiam
 conuenire in refundenda impossibilitatis causa in peccatum
 hominis: ex quo putant Dei iustitiam excusari, dum punit eos,
 qui non faciunt quod est impossibile. Eò enim Iansenius si-
 cut Molinæus perpetuò recurrit, sed in eo sunt Iansenianis
 Hæretici candidiores, quòd non dissimulent Ecclesiæ Roma-
 næ contrariam esse quam sequuntur doctrinam. Molinæus
 enim Pontificios vocat dissentientes, & Calvinus de Triden-
 tino ita loquitur, vel potius jocatur: *Valde nouissios esse oportet* In Antid.
reuerandos istos Patres, si ex præceptis æstimant quid valeat homo. l. 6.
 Sed dubitationem omnem soluit Samuel Maresius, Calui-
 niæ Synagogæ Rabinus apud Groningam, in *Synopsi de ve-* Cap. 3. pag.
ra & Catholica doctrina, quam expressam putat in Catechismo 40. Edit.
 Ianseniano, Romæ damnato. Sic enim loquitur, De legis an. 1651.
 difficultate, siue potius impossibilitate vti dicitur Paulo Rom.

17. 21. „ 8. eaque non morali & secundum quid, sed absoluta, dis-
 „ putavi contra Volkeliū Socinianum. NEC ALIAM QVAM
 „ TOTALEM ET ABSOLVTAM IMPOSSIBILITATEM
 „ HIC NOSTRVM CATECHISTEM PROPVGNARE pater
 „ ex iis quæ ampliùs dicet infrà cap. 4. de absoluta gratiæ ne-
 „ cessitate, non tantum vt facilius, quod erat dogma Pela-
 „ gii, sed simpliciter vt bene agamus. *Et deinde*, Hæc le-
 „ gis operum impossibilitas in carne, ex inhærente nobis cor-
 „ ruptione enata, talis est, vt nihil verè boni & Deo grati
 „ iuxta legis præscriptum ab homine irrogenito & gratia
 „ Christi destituto proficisci queat: hinc est quod pau-
 „ lō antè præmisit, Perperam Iesuitas & alios ejusdem fur-
 „ furis homines, vt propugnent in homine corrupto libe-
 „ ri arbitrii vires, non tantum ad moralia qualiacumque, sed
 „ etiam ad supernaturalia, inde colligere argumentum, quod
 „ talia impetrent, mandent, exigant sacre scripturæ: nec pos-
 „ sit Deus justè punire nolentes obedire & credere, nisi cre-
 „ dere & obedire sit in eorum potestate: Ipse siquidem vult
 „ puniri homines, quod omiserint ea, quæ vt facerent non erat
 „ in eorum potestate; esse enim Dei mandata *officii nostri nor-*
 „ *mam, non virium nostrarum mensuram*: & quod illa bene agen-
 „ di *impotentia* sit malum *Grinacov* eo ipso culpabilem esse, & di-
 „ gnā pœna. Sed nusquam distinctiùs expressit Calviniano-
 „ rum & Iansenianorum inter se concordiam, & ab Ecclesia
 „ Romana discordiam in hoc puncto de mandatorum impossi-
 „ bilitate, quàm in apostrophe illa ad Iansenianos, quæ legitur
 „ in cap. 4. dum eos sic hortatur. Maſte illa vestra virtute vi-
 „ ri docti, quod audeatis in os resistere illi Pontifici,
 „ qui in suorum Iesuitarum gratiam, damnatâ orthodoxissimâ
 „ sententiâ, puri puti Pelagianismi, putidam & impiam prote-
 „ ctionem susceperat; amicus vobis Plato, amicus Aristoteles,
 „ sed magis amica veritas. Agnoscitis enim quod homini per
 „ gratiam Christi nondum liberato, loco libertatis abstinendi
 „ à peccato, induc[t]a est peccandi necessitas, VT PROBAT
 „ MVLTIS IANSENIVS EX SVO, ET VESTRO AVGV-
 „ STINO lib. 3. de statu nat. lapsæ cap. II. Religio fuit refer-
 „ re execrandum epithetum, quo hic dæmonum interpretes San-
 „ ctissimum Pontificem Pium Quintum appellare non est ve-

ritus. Sufficit quòd Iansenianam putet illam peccandi necessitatem, hoc est, seruandi præcepti impossibilitatem, quæ Calvinianorum est. Quòd autem damnatam à Pontifice fatetur, eò spectat vt omnes intelligant Romanæ contrariam illi videri Theologiam Iansenianam. Sed quòd Iesuitas execratur vnà cum Pontifice, eiusmodi est, vt nemo cordatus sit, qui hoc illis opprobrium non inuideat, sicuti & quod a-
 pag. 46.
 libi Iesuitas subsannat errantes *cum suo Tridentino*. Ita semper
 pag. 18.
 illos oderint superi, vt non nisi *cum suo Tridentino*, errare patiantur. Vide etiam quod habet cap. 2. & cap. 6. pag. 91.

Quid sentiat Ecclesia.

NEQVE verò in eo falluntur Hæretici: doctrina enim Ianseniana habet adedò perspicuam oppositionem cum Tridentino Concilio, vt excusari non possit. Quamuis enim bonum aliquem sensum haberet Iansenius, Concilium tamen Tridentinum prohibet ne quis loquatur, vt ille loquitur. *Nemo,* inquit Concilium sess. 6. cap. II. TEMERARIA ILLA ET A PATRIBVS SVB ANATHEMATE PROHIBITA VOCE VTI DEBET, Dei præcepta homini justificato ad obseruandum esse impossibilia, nam Deus impossibilia non iubet, sed iubendo monet & facere quod possis, & petere quod non possis, & adiuuat vt possis. Igitur temerariam vocem, & à Patribus sub anathemate damnatam, Tridentino frustra reclamante, Iansenium vsurpasse constat ex dictis: ac proinde tenetur can. 18. eiusdem sessionis, vbi habetur, *Si quis dixerit Dei præcepta homini etiam justificato & sub gratia constituto esse ad obseruandum impossibilia, ANATHEMA SIT.* Est etiam doctrina eadem bis damnata in Baio. Damnatarum enim propositionum ejus ista est 54. *Definitiuæ hæc sententia, Deum homini nihil impossibile præcepisse, falsò tribuitur Augustino, cum Pelagii sit.* Et hæc 67. *Homo peccat etiam damnabiliter, in eo quòd necessario facit.*

Vnde intelligas Ecclesiasticam esse censuram, & quam olim protulere duæ illæ, quas dixi, Academiæ, in propositionem Lutheri, & quam parauerant nuper nouem illi à Sorbona deputati ad examinandam hanc primam, quam modò discutimus, cum iudicarunt *esse hæreticam.*

Quid respondeant Ianseniani.

IANSENIANI duas adhibent solutiones. Prima, Tridentinum loquutum esse ad sensum Caluini, qui dicebat etiam assistente gratia, esse impossibilia Dei præcepta: peccare enim hominem iustificatum in quolibet opere bono, quantumvis ex instinctu Dei suscepto: esto non imputetur ei ad peccatum, regente peccata illa Christi iustitiâ, per fidem iustificantem applicatâ. Hoc igitur Tridentinum damnare voluisse. Secunda Iansenianorum responsio est, Dei præcepta possibilia esse *remotè*; neminem enim esse in hac vita, qui non habeat voluntatem flexibilem, & quæ possit conuerti ad fidem, si Deus impulerit per gratiam suam: neminem, qui acceptâ fide non possit orare ac petere gratiam, si Deus eum excitauerit, quâ oratione obtinebit caritatem: acceptâ verò caritate, neminem esse; cui Deus dare non possit actualia auxilia ad exercendos illius actus, & resistendum tentationibus, quod est neminem esse, cui Deus non possit reddere possibilem mandatorum obseruantiam.

Sed vtraque solutio est omnino inanis, & nullo modo soluit nodum, hoc est nullo modo saluat veritatem definitionis Tridentinæ.

Prima quidem conuincitur quatuor modis, 1. Constat Tridentini verba illa, *Deus impossibilia non iubet*, &c. sumpta esse ex Augustino, vt ipsemet Iansenius tom. 3. lib. 3. cap. 13. fateatur; nec dubitari potest quin vt sumpta sunt ex Augustino, ita etiam ad ejus mentem prolata sint, ita vt Tridentinum hoc sancire voluerit, quod Augustinus olim ex sensu Ecclesiæ, cæterorumque Patrum docuerat. S. autem Augustinus sententiam illam profert ad refellendam Pelagii calumniam, qui dicebat ex ejus doctrina de necessitate gratiæ, consequi Deum impossibilia jubere. Negat igitur S. Augustinus, ex Catholica doctrina sequi quod Pelagius consequi putabat. Putasse autem Pelagium ideo sequi ex doctrina Augustini Deum impossibilia jubere, quod sequatur justos peccare in quolibet opere bono, quod suscipiunt adiuuante Dei gratia, absurdissimum est, nec in omnibus ejus erroribus inuenietur vnquam

huius suspensionis vestigium: sed quod putabat sequi, hoc erat, postquam scilicet natura sola sine auxilio gratiæ non potest resistere concupiscentiæ, Deum qui iubet ut resistamus, impossibilia iubere, hoc igitur est quod D. Augustinus negat. Ergo & Concilium Tridentinum hoc ipsum negandum defini- nit; & tamen hoc est quod Iansenius asserit, ut constat ex dictis.

Secundò, D. Augustinus negavit impossibilia esse Dei præcepta eo sensu, quo id affirmabant Manichæi, id enim affirmasse Manichæos constat ex libris Augustini contra illos scriptis, ubi sæpè refutat quod dicebant, naturam malam bonæ naturæ permixtam cogere illam peccare, sublato libero arbitrio & potestate resistendi; & ideo etiam Pelagiani quasi sententiam mutasset, Manichæismum exprobrabant Augustino, & obiciebant id quod ille aliàs contra Manichæos confessus erat, ut constat ex libris contra Iulianum. Atqui Manichæi non dicebant naturam bonam cogi peccare, etiam in bono opere, ut dicit Calvinus, sed in malo: neque unquam inuenientur credidisse, ideo impossibilia esse Dei mandata naturæ bonæ, quòd peccet, dum v. g. adiuuante Deo reddit unicuique suum, sed dum rapit alienum, neque dum seruat castitatem, sed dum indulget illicitæ voluptati. Ergo nec Augustinus dum eos refellit, & pro libero ad non peccandum arbitrio pugnat, contra præsumptam ab ipsis peccandi necessitatem, hoc est seruandorum præceptorum impossibilitatem, intellexerit hoc tantum, naturam scilicet bonam adiuuante Deo *posse non peccare*, in bono opere; sed *posse non peccare abstinendo à malo*.

Tertiò, Perspicuum est duos fuisse Caluini errores in hac materiâ. Primus fuit, hominem iustum in quolibet opere suo bono peccare, cuius rei causam ille non tam petebat ex impossibilitate mandatorum, quàm ex corruptione naturæ; (quod enim præceptum fingere poterat, quod violaretur ab eo, qui diuina inspiratione commotus pauperis miseretur?) sed peccare dicebat, quia cum radix operum omnium corrupta esset post primam Adami transgressionem, putabat hoc malum in omnem deinde actionem inde procedentem deriuari, nec posse malam arborem facere fructum bonum: eandem tamen

fidem, quæ Christi iustitiam hominibus applicat, ad tegendam hæreditariam corruptionem, similiter impedire ne illis imputarentur illæ bonorum operum maculæ. Secundus error fuit, hominem necessariò peccare per concupiscentiæ motus, etiam indeliberatos, in quo putabat se ab Augustino dissentire: esse enim illos motus contra præceptum, Non concupisces: necessariò etiam peccare consentiendo iisdem motibus, cum aduertentia rationis: quòd arbitrium esset peccati feruum, & careret necessaria ad resistendum facultate: itaque peccari ab hominibus contra præcepta, etiam tum cum sunt impossibilia. Hæc sunt aded nota, ut nemo sit qui vel Calvinum legerit, vel ea quæ contra eum scripsere Controuersistæ, qui dubitare possit. Atque in hoc 2. errore muniendo diligentior etiam fuit Calvinus, quàm in primo, ratus in eo sibi aduersos esse Catholicos, & ideo illorum argumenta quatuor, quæ ducunt ad impossibile, sigillatim soluere conatus est: deinde etiam ostensiuæ, quæ petuntur ex sacris paginis, quæ quia multa erant, distribuit in sex classes, ut videre est apud Bellarminum toto lib. 4. de gratia & libero arbitrio.

Concilium Tridentinum eosdem duos errores distinxit, & distinctè damnauit. Primum quidem can. 25. sess. 6. his verbis. *Si quis in QVOLIBET BONO OPERE iustum saltem venialiter peccare dixerit, aut, quod insolerabilius est, mortaliter, atque ideo pœnas æternas mereri, tantumque ob id non damnari, quia Deus ea opera non imputat ad damnationem, anathema sit.* Secundum etiam errorem idem Concilium damnauit can. 28. ejusdem sess. his verbis: *Si quis dixerit DEI PRÆCEPTA HOMINI ETIAM IUSTIFICATO ET SVB GRATIA CONSTITVTO esse ad obseruandum impossibilia, anathema sit.* Ergo Ianseniani, qui diuinorum præceptorum possibilitatem restringunt ad bona tantum opera, quæ diuinâ inspirante gratiâ fiunt, concessâ eorundem impossibilitate, respectu operum malorum, quæ deficiente diuinâ gratiâ, & præualente concupiscentiâ necessariò sequi dicuntur, vnum quidem anathema Tridentini declinant, sed facere non possunt, quin alio feriantur: nec aliter negare se consentire Caluino, nisi quia non hauriunt totum ejus errorem, sed mediam tantum ejus partem.

Quartò, Tridentinum contra hæreticos, & Romani Pontifices contra Baium eodem sensu damnant, quòd dicitur; *Deum præcipere homini impossibilia*; Sed Romani Pontifices contra Baium non damnant in eo sensu *quòd etiam in bono opere homines necessario peccent*; quia Baius hoc non dicebat, ut constat ex ejus lib. de peccato Originali cap. 12. ex quo sumpta est damnata propositio illa 54. superiùs allata: Ergo nec Tridentinum respexit ad illum tantum sensum.

Secunda solutio Iansenianorum nihilo melior est prima; Dei præcepta, inquiunt, sunt remotè possibilia; sed quis hoc negauerat? Negauerat-ne Calvinus in hac vita flexibilem esse hominum voluntatem? Negauerat-ne Deo volente, conuerti posse quemlibet ab infidelitate ad fidem? Negauerat-ne cùm fidelis fuerit aliquis, excitari posse ad orandum? Negauerat-ne justum & Deo gratum excitari similiter posse ut non consentiat furto vel adulterio, vel appetitui vindictæ? Quid igitur attinebat Concilium id definire, quod nemo negauerat? Et quare dicemus ob eam causam visa Caluino impossibilia Dei præcepta, cùm constet nihilo minùs ex eo capite possibilia credidisse, quàm Iansenium?

Deinde, aliquem effectû esse remotè possibilem, nihil est aliud iuxta doctrinam Iansenii, quàm esse aliquid illius virtutis, quæ necessaria est ad talem effectum, & quæ accedente quod deest, posset fieri sufficiens: quomodo Talpa habet aliquid illius virtutis, quæ requiritur ad videndum; & triennis puer illius, quæ requiritur ad trahendam nauim in aduersum flumen; & paralyticus aliquid illius, quæ requiritur ad currendum; & clausum in obscurissimo loco, destitutusque omni lumine, aliquid illius, quæ requiritur ad legendas litteras. Quid ergo? dicemus Tridentinum intonuisse, & velut in maximo quodam præsentissimoque periculo Anathematismis cauisse, ut quisque fateretur tam possibilia esse hominibus Dei præcepta, quàm possibile est talpis videre, & trienni puero nauem trahere, paralytico currere, tenebrismerso sine vlla prorsus luce legere preuiarium? Necessary nimirum erant Occumenicæ Synodali canones, ut tam difficilis confessio ab hominibus obtineretur.

Tertiò aliquid esse remotè solùm possibile, est esse solùm possibile conditionatè: sensus enim est, vt dixi, esse aliquod initium virtutis, necessariæ ad perficiendum id, de quo est quæstio, quæ si compleatur, illud fiet possibile: quis autem tantùm animi fecit Iansenianis, vt absolutam Concilii definitionem mutare audeant in conditionatam, & propositionem de præsentì, in propositionem de futuro? Tota enim eorum sententia eò resoluitur, vt designato transgressore quocumque, dicatur, *impossibile est illi facere quod iubetur, secundum statum præsentem, sed fiet possibile, vel fieret, si Deus adderet quod negat*; Atqui Concilium absolutè dicit, & per verba de præsentì, *Deus impossibilia non iubet*, sed alterutrum supponit, aut posse hominem facere quod iubetur, aut posse orare vt vires impetret; ac proinde *iubendo monet* vt faciat alterutrum; hæc enim est legitima interpretatio verborum illorum, *Deus impossibilia non iubet, sed iubendo monet & facere quod possit, & petere quod non possit*.

Confirmatur quartò, nam eò pertinet Ecclesiæ intentio & SS. Patrum inculcantium possibilitatem diuinorum mandatorum, & negantium impossibilitatem; vt sit locus objurcationi & increpationi peccatorum, atque eorum compunctioni, quasi per voluntatem ipsorum steterit, quo minùs serua- rent præcepta, quæ transgrediuntur. Atqui juxta Iansenii doctrinam, nulla potest esse increpatione nisi ridicula & insulsa, verius dicam, nisi crudelis & tyrannica. Quid enim aliud dici potest peccatori, nisi, ô te infandum & dignum æternis cruciatibus, qui tale peccatum commisisti, quia si Deus dedisset tibi auxilia, quæ denegauit, potuisses non committere? Quid aliud inquam dici potest homini iusto, qui carebat originali peccato post baptismum, & tamen lapsus est in grauiam quædam scelera: & qua de re volumus vt accuset se se, & vt compungatur? Quòd non fecerit impossibile? Atqui hoc non tam est objurgare, quàm excusare. Sed & ille qui habet impedimentum originalis peccati minùs adhuc increpandus est; defectus enim natalium non dant justam increpationis materiam, nec peccata alienæ voluntatis, sed propria.

Quintò, Tollit omnem dubitandi occasionem Tridentinum. Nam quod requirit Iansenius, vt censeatur esse *proxima* seruandi præcepti potentia, Tridentinum adesse significat,

Deus, inquit, *impossibile non jubet, sed jubendo monet & facere non possis, & petere quod non possis, &* ADIUVAT UT POSSIS: ecce præsentiam adjuvantis gratiæ ad mandata implenda: ecce purificationem conditionis, ex qua Iansenius suspendebat iuniorum mandatorum possibilitatem: sunt possibilia, inquit, temore & conditionatè, *si Deus adjuvat*; atqui jam adjuvat ex Tridentino; ergo sunt possibilia proximè & absolutè. Et ideo quia verba illa jugulabant contrariam doctrinam, Iansenius tum referret hunc locum Tridentini, cap. illo 13. lib. 3. tom. 3. de Gratia Salvatoris, primùm ea truncauit, deinde assumptâ eorundem conditione propositionem absolutam mutauit in conditionatam, *si exaudiat*, inquit; *adjuvat ut possis*. Sed si non exaudiat, quid fiet? & vide quàm sit absurda conditio illa, *exaudiat, adjuvat*. Ponamus enim v. g. me versari magno in periculo; & vrgerè tunc præceptum orationis ad impetrandam gratiam emergendi: non pareo tamen huic præcepto, & non oro: quæritur an præceptum mihi sit possibile: Non est possibile, inquit Iansenius, quia deest auxilium ad orandum necessarium. Est possibile, inquam ego, quia Tridentinum dicit Deum adjuuare ut possim facere quod præcepit. Tridentinum, inquit Iansenius, dicit Deum adjuuare, *si exaudiat*. Quid verò est illud, *si exaudiat*? Agitur de auxilio ad orandum necessario, & Deus illud dat, si exaudiat? Atqui si vult iuuare, debet iuuare antequam exaudiat, quia debet iuuare, antequam sit oratio, quæ præcedit exauditionem. Hac scilicet ratione in fumum tandem resoluitur doctrina Tridentini, juxta Iansenium. Ita enim argumentari licet; mandata Dei non sunt possibilia carentibus necessaria virtute ad implendum, & petentibus illam à Deo, nisi ex suppositione quod exaudiat; sed numquam exaudit eos, qui positi in eo statu transgrediuntur; ergo mandata numquam sunt possibilia iis, qui positi in eo statu, ea transgrediuntur. Major est ex interpretatione Iansenii, minor ejusdem est. Quia si exaudisset, dedisset gratiam, quæ non potest juxta illum non esse efficax; est igitur conclusio Tridentini, quod mandata numquam sunt possibilia iis, qui post imploratum Dei auxilium ea transgrediuntur; & hoc, si superis placet, significant illa verba, *Deus impossibilia non jubet, sed jubendo monet & fa-*

cere quod possis, & peterè quod non possis, & adjunat ut possis.

Atqui evidens est ex doctrina Tridentini, verba hæc, & *adjuuas ut possis*, accipienda esse vti sonant, hoc est in sensu absoluto, non in sensu hypothetico seu conditionato, ut facit Iansenius in suo, *si exaudiat*. Concilium enim cum dixisset in eodem capite suprâ citato, justificatos *èd magis esse obligatos ad ambulandum in via Domini, quò proficere possunt per Christum Iesum*, rationem affert, *Deus namque suâ gratiâ semel justificatos non deserit, nisi ab eis prius deseratur.*

Vbi clarissimè constat à Tridentino hæc esse concatenata & connexa, Obligantur justificati bene vivere, quia possunt per Christum; possunt per Christum, quia Deus suâ gratiâ non deserit, nisi prius deseratur; itaque si Deus gratiâ suâ desereret, non possent: & si non possent, non obligarentur: & sicut obligatio est absoluta, ita etiam facultas illa bene viuendi, quæ est ratio cui obligemur, esse debet absoluta; & assistentia gratiæ, quæ dat illam facultatem, debet esse pariter absoluta.

Fit autem adhuc euentius ex sequenti cap. 23. ejusdem sess. 6. vbi de perseverantia Concilium sic loquitur: Nemo si-
 „ bi certi aliquid absolutâ certitudine polliceatur, **TAMETSI**
 „ **IN DEI AUXILIO FIRMISSIMAM SPEM** collocare, & reponere omnes debent: Deus enim nisi ipsi ipsius gratiæ defuerint,
 „ sicut cœpit opus bonum, ita perficiet operans velle & persi-
 „ cere. Quodd si contingens est, ut vult Iansenius, quodd Deus
 „ adjuuet justificatos dando illis gratiam, quæ necessaria est ut
 possint resistere tentationi; si frequentissimè illam negat, & majori hominum parti, nempe omnibus, qui post acceptam justitiam, relabuntur in peccatum mortale; cui potest esse certum quodd ipsi non deerit necessarium auxilium? Quodd si hoc certum esse nequit, quomodo poterit quis *firmissimam* spem in eo reponere? Quasi verò in re contingenti, dubia, incerta, & quæ ut plurimum deest, possit aliquis *firmissimam* spem collocare? Et quid est quod sequitur; *Deus enim nisi ipsi defuerint, perficiet opus bonum*? Nonne clarissimum est, si vera esset doctrina Iansenii, dicendum potiùs fuisse, *ipsi enim, nisi Deus defuerit, perficiens opus bonum*? Fac Deum non deesse, fac dare gratiam, quæ necessaria est ad perficiendum opus bonum, & operandum velle & perficere, quæ non potest esse alia

quàm gratia actualis, (habitualis enim jam supponitur) hæc gratia, inquit Iansenius, semper est efficax. Ergo si erit, erit effectus, hoc est victoria tentationis, & perficiet opus bonum qui acceperit illam, idémque operabitur velle & perficere. Ergo si hoc non succedat, non potest esse alia ratio, quàm quia defuit illa gratia. Quomodo ergo dicitur, *nisi ipsi defuerint*? Non desit Deus, ipsi juxta Iansenium, non deerunt. Nempe Concilio certum est, nulli justificato deesse gratiam in singulis occasionibus ad vitandum peccatum necessariam, sed ejusmodi gratiam esse talem, quæ vincendi facultatem offerat, non tamen necessitatem: posse igitur justificados esse securos, quòd non deerit per Dei gratiam vincendi potestas, sed non posse esse securos, quòd non deerit ipsorum liberi arbitrii cooperatio.

Hæc est manifesta Tridentini Concilii doctrina, Iansenianæ Theologiæ diametraliter opposita.

Quæ sit doctrina S. Augustini.

UPERERAT examinandum quid sentiat S. Augustinus: Sed cum sit perspecta Oecumenici Concilii doctrina, non oportet sollicitum esse de doctrina S. Augustini, cum sit certum, si vera sit Augustini sententia, sicut omnino est, non posset contrariam esse Tridentino. Id verò si usquam aliàs, hoc æsertim in loco fatendum est. Verba enim illa Tridentini, *Deus impossibilia non jubet, &c.* sumpta sunt ex Augustini cap. 18. de natura & gratia, qui non contentus hoc semel dixisse, iterum inculcat, & *firmissime* credendum dicit cap. ultimo. Nec tantum in illo libro, sed etiam in lib. de pecc. mer. & remiss. cap. 3. ubi concedit quòd dicebant Pelagiani, & à nullo Catholico negari dicit, Deum non præcipere homini impossibilia; verba sunt Augustini quæ sequuntur, Acutè, inquit, "non videntur dicere QVASI NOSTRUM HOC QVISQVAM IGNORET, " quòd si nolumus non peccamus, nec præciperet Deus homini quod esset humanæ impossibile voluntati. Idem inculcat in eodem cap. 6. idémque omnino significat quod est in cap. 16. de gr. & libero arbitrio. Magnum aliquid Pelagiani se scire præstant, quando dicunt, non juberet Deus quod sciret non "

„ posse ab homine fieri. QVIS HOC NESCIAT? sed ideo jubet
 „ aliqua quæ non possumus, vt sciamus quid ab illo petere de-
 „ beamus. Quod est, quæcumque Deus jubet, possibilia esse,
 „ sin minus per naturam, saltem per gratiam. Idem ferm. 61. de
 Temp. & iterum ferm. 191. etiam de Temp. his verbis: *Exe-*
cramur etiam blasphemiam eorum, qui dicunt impossibile aliquid à
Deo præceptum esse, & præcepta Dei non à singulis, sed ab omnibus
in commune posse seruari. Hæc sanctus Augustinus, vbi etiam
 concludit se hanc fidem in Ecclesia Catholica didicisse.

Quod autem Augustinus hic *exeratur*, Basiliius homilia
 quæ incipit, Attende tibi, *impium*, vocat.

Vnde colligas cur dixerit Trident. Concilium à Patribus
 sub anathemate *damnatam* esse vocem illam, & quàm stupen-
 da fuerit Iansenii confidentia, qui phrasim Augustino *exce-
 rabilem*, Basilio *impium*, Tridentino *temerariam* & sub anathemate
damnatam, cum tanta licentia vsurpare ausus est.

Et ne quis putet verba illa Concilii Tridentini & *adjuuat*
vt possit, quæ non sequuntur in eodem contextu apud Augu-
 stinum, præter illius mentem fuisse à Concilio addita, legat
 cap. 67. ejusdem lib. de nat. & gratia, & comperiet non aliunde,
 quàm ex Augustino fuisse assumpta. Nam cum ibi S. Do-
 ctor enumerasset quot modis nos Deus adjuuet ad vincen-
 dam ignorantiam & concupiscentiam; quæ sunt duo capita-
 lia naturæ corruptæ vitia, concludit lapsus nostros non ex
 impotentia, sed ex negligentia consequi, solutâ, quæ sequi-
 tur naturam, necessitate cadendi, per acceptam ex diuina
 „ gratia potestatem: verba ejus hæc sunt. Non tibi ad culpam
 „ imputatur, quòd inuitus ignoras, sed quòd *NEGLIGIS* quæ-
 „ rere quod ignoras: neque illud quòd vulnerata membra non
 „ colligis, sed quòd *VOLENTEM SANARE CONTEMNIS.*

Confirmabitur hoc ipsum ex sequentibus, præsertim ex eo
 cap. 4. quod est in libro de gratia & libero arbitrio: *Homo ergo &
 gratiâ iuuatur, NE SINE CAUSA VOLVNTATI EIVS IYBEATUR.*
 cap. 15. Et iterum: *Quare jubet si ipse daturus est? quare dat si homo fa-
 cturus est? nisi quia dat quod jubet, & ADIVVAT VT FACIAT CUI*
IYBET. Ita enim habent editiones antiquæ Augustini, & nu-
 pera operum contra Pelagianos, quam Ianseniani curarunt
 Parisiis anno 1644. apud Antonium Vitré, vt dubium esse

on possit quin, illud Tridentini & adjuuat ut possis, ex Augustino quoque sumptum sit. Quibus addi potest quod dicitur in libro jam citato de natura & gratia. Vicia sanè nostra cap. 14. uia sanat, non diuino operi, sed humanæ voluntati, iustæ uia illius vindictæ tribuamus. SED UT IN NOSTRA POTESTATE FUISSE NE ACCIDERENT CONFITEMUR, ut a ut sanentur in illius magis esse misericordia, quàm in nostra potestate fateamur. Loquitur Augustinus de peccatis illis, sine quibus Pelagius putabat uiuere hominem posse, quibusque vitandis negabat necessarium esse Dei adiutorium, et patet ex sermonis contextu. Ea igitur Augustinus cum Catholicis, fuisse *confitetur in nostra potestate* ne acciderent; quod eatenus tantum verum esse potest, quatenus verum est fuisse in nostra potestate, ut seruaremus præcepta, quorum transgressione contracta sunt. Atque ita S. Augustinus omnibus modis docet esse possibile transgressoribus mandata, nunquam & nusquam dicit esse impossibilia.





NOTANTVR ALIQVOT
*Jansenii fallacia in referenda Sancti Augu-
 stini sententiâ, de possibilitate diuinorum man-
 datorum.*

SED quia res ista plurimum refert ad judi-
 cium de absoluendâ vel damnandâ Ian-
 senii Theologiâ, iuuat paululùm immo-
 rari in excutiendâ confusâ illâ & incom-
 positâ congerie testimoniorum, quæ affert, vt man-
 datorum quam persuadere conatur impossibilitatem
 Augustini autoritate constituat. Spero enim com-
 pertâ illius vel parum sincerâ fide, si sciens fecit, vel
 oscitantîâ si non aduertit, ita muniendum Lectoris
 animum, vt intelligat minimè tutum esse in reliquis
 deinde controuersis, quas ille minore studio atque
 attentione prosequutus est, fidem suam committere
 huic Auctori.

FALLACIA PRIMA.

ERGO notanda inprimis est illa prima Fallacia, quæ
 committitur in acceptione verborum illorum S. Augu-
 stini, *Deus impossibilia non jubet, sed jubendo monet, facere quod
 possis, & petere quod non possis.* Nam cum aduersatiua illa,
sed jubendo monet, rationem contineat propter quam Deus
 non censetur jubere impossibilia; necessariò supponi de-
 bet alterutrum duorum illorum quæ Deus monet, non es-

e impossibile ; nempe , vel exequi immediatè quod jubetur , vel exequendi facultatem orando petere. Et ita re-
 tiſſima eſt , veriſſimàque illius propoſitionis intelligentia ,
 Deus impoſſibilia non jubet , quia cùm det tibi vel pote-
 tatem exequendi quod jubet , vel poteſtatem orandi ad
 impetrandum eam virtutem , quæ tibi deſt ; jubendo monet
 ut alterutrum facias ; nempe ut vel exequaris quod jubet ,
 vel ſi non potes , ut orando poſtules exequendi virtutem ; al-
 terutrum enim potes , & alterutro jubenti ſatisfacis : ideo-
 que offendiſ , quia utrumque omittiſ. Hæc planiſſima eſt &
 ſinceriſſima ſententiæ illius interpretatio. Quæ juxta doctri-
 nam Ianſenii infulſiſſima ſit , atque ineptiſſima. Ianſenius e-
 nim ſupponit utrumque ſimul eſſe impoſſibile in transgreſ-
 ſore præcepti , nempe , exequi immediatè quod præcipitur ,
 & orare ad impetrandam exequendi facultatem. Suppona-
 mus v. g. peccare aliquem quòd omittat actum caritatis ,
 quando vrget illius præceptum : ille nec habet gratiam , quæ
 immediatè requiritur ad exercitium illius actus ; nec habet
 gratiam ad orandum eo modo , quo debet orari ut illam ob-
 tineat : ac proinde utrumque eſt illi impoſſibile , & amare ,
 & orare , ut orari debet ad obtinendam amandi gratiam ; &
 tamen damnabiliter peccat , non amando. Quid ergo dice-
 mus huic peccatori ? Deus tibi non præcipit rem impoſſibi-
 lem , ſed præcipiendo monet ut alterum è duobus facias , quo-
 rum utrumque impoſſibile tibi eſt. Nam amare modò quan-
 to teneris , tibi eſt impoſſibile , defectu gratiæ ad amandum
 requiſitæ : Orare verò ad obtinendam illam amandi gratiam ,
 tibi pariter eſt impoſſibile , defectu alterius gratiæ ad oran-
 dum ſimiliter requiſitæ ; atque ita Deus non præcipit tibi
 quod eſt impoſſibile , ſed quidquid præcipiendo monet , tibi
 eſt impoſſibile. Vide , Lector , quid ſit de illis ſentiendum , qui
 Auguſtinum , quinimo & Concilium Tridentinum in ejus-
 modi abſurda compellunt. Nam quòd Ianſenius ſupponat
 ſam quoque orationem eſſe impoſſibilem in illo caſu , &
 quolibet ſimili , probat titulus capitis citati , ubi ſupponit
 non ſolùm deſſe gratiam , qua tentationes ſuperentur , ſed e-
 nim ſpiritus orationis , quo vires impetrentur. Vnde poſtea : Non
 nimis exigua quorundam HALLVCINATIO eſt , quâ putant

“ Cap. 1.
 lib. 11. de
 gr. ſalu.

„semper adesse homini gratiam, vt petat, ac tum ardentem pe-
 „tat vt infallibiliter impetret id quod petit. *Et mox.* Cùm er-
 „go plurimi vel non petant gratiam illam, QVA POSSINT AC
 „SUFFICIENT praecepta facere: vel non ita petant, vt ad
 „impetrandum necessarium est; nec omnibus gratiam vel fer-
 „uenter petendi, vel omnino petendi Deus largiatur; aper-
 „tissimum est FIDELIBVS MULTIS DEESSE ILLAM SUFF-
 „ICIENTEM GRATIAM, ET CONSEQUENTER IL-
 „LAM PERPETVAM QVAM QVIDAM PRÆDICANT FA-
 „CIENDI PRÆCEPTI POTESTATEM.

Supposito igitur illo defectu gratiæ sufficientis ad oran-
 dum, quomodo stabit veritas Augustinianæ illius & Triden-
 tinæ sententiæ, cùm sit ita interpretanda, Deus impossibilia
 non iubet, sed iubendo monet vt facias id ad quod non suf-
 ficias, siue ad quod non habes potestatem, ac proinde quod
 tibi est impossibile?

FALLACIA SECVNDA.

SECVNDA Fallacia est, Quia cùm velit Iansenius om-
 nia ista ex doctrina S. Augustini definiri, ostendendum
 erat ex Augustino id quod iam dixit, nimirum quando occurrit
 occasio & necessitas implendi praeceptum, Deum negare
 gratiam illam & facultatem orandi, quæ necessaria est, & ex
 cuius defectu sequitur damnabilis transgressio. Ille verò ad
 hoc probandum affert vnicum tantum Augustini locum ex
 quæst. 2. ad Simplicianum, ex quo nullo prorsus modo id
 probatur. Quia S. Augustinus ibi tantum probat nos indi-
 gere gratia Dei ad orandum: hoc autem probat ex ariditate
 ac tepiditate, quam viri spirituales, & sancti patiuntur, quan-
 do Deus illos ad tempus aliquando deserit, vt experiantur
 „ipsi semetipsos. Nonne, *inquit*, aliquando ipsa oratio nostra,
 „sic tepida est, vel potius frigida, ac penè nulla, imò inter-
 „dum omnino ita nulla, vt neque hoc in nobis cum dolore
 „aduertamus? Quia si vel hoc dolemus, iam oramus. Quid
 „ergo aliud ostenditur nobis, nisi quia & petere, & querere,
 &

& pulsare ille concedit, qui ut hæc faciamus jubet? Ira fa-
 cile, sed jubet-ne ut hæc faciamus, hoc est ut oremus illo
 tempore, quo nullam dat orandi potestatem? Hoc nullo mo-
 do dicit Augustinus, & hoc tamen dicendum fuit, ut hoc
 testimonium Iansenio prodesset: qui poterat obseruasse ex
 Commentario in Psalm. 106. tædium hoc & difficultatem
 orandi iis accidere, qui sunt extra periculum aliarum tenta-
 tionum. Iam non te illicit adulterium, nec tamen delectat
 Dei verbum. Iam post periculum imperitiæ, & concupi-
 centiæ, de quibus duobus te euasisse lætaris, vide ne tæ-
 dium, fastidiumque te necet. Defunctis periculo concupi-
 centiæ, surrepit tædium ex Augustino, subtractâ scilicet ad
 orandum abundantiore gratiâ. An autem ea omnino tolla-
 tur urgente præsertim tentatione, judicet idem Augustinus,
 & Lector etiam judicet, an Iansenius toties voluendo, toties
 versando, veritatem apud illum toto corde quæserit, dum
 hæc non aduertit. *Si qui verò sunt, quibus hæc medicamenta non* Serm. 182.
congruant, ut vel eleemosynam dare non possint, propter nimiam pau- de Temp.
ertatem; aut jeiunare, propter stomachi imbecillitatem, habent ter-
rum genus medicina, à quo se excusare non poterant, nisi qui mor-
bus animæ suæ sanare contempserint. Hoc ergo medicamentum QVOD
UTILI SANÆ MENTI DEESSE POTEST, studiosè & piè
conuenient, implentes illud Apostolicum præceptum, SINE IN-
TERMISSIONE ORATE. Ostendo ubi affirmauerit Au-
 gustinus semper adesse in occasione peccandi orandi copiam;
 Iansenius numquam potuit ostendere, ubi negarit.

FALLACIA TERTIA.

TERTIA Fallacia est, dum ex eo quodd per præceptum
 monemur ut petamus quod non possumus, colligit nos
 igitur non posse implere præceptum. *Quia, inquit, si adest*
gratia, quâ præceptum implere sufficientes simus & possumus, stultum
est orando satagere ut possumus. Quasi verò nulla sint incremen-
 ta istius potestatis: nec utiliter petatur, ut quod forè per
 gratiam jam concessam possumus, per illius augmentum abun-
 dantiùs possumus. August. lib. de Gratia & Libero Arbitrio,

cap. 18. cùm dixisset præcepto caritatis admonitum Liberum Arbitrium vt quærat Dei donum, addit: *Quòd quidem sine suo fructu prorsus admoneretur, nisi prius acciperet aliquid deletionis*, VT ADDI SIBI QVÆRERET, VNDE QVOD IVBEBATUR IMPLERET. Sed est aliud hac in parte, in quo meritò liceat desiderare sublimitatem illam Iansenianarum cogitationum. Nam primò cùm dicit *stultum* esse orando fatigare, vt quod possumus, possimus; nescio' quomodo non viderit perinde stultum esse, si nec est, nec datur vlla orandi potestas, iubendo monere hominem vt oret; idem enim est ac monere vt per aërem volet. Potest, inquit, orare si velit; at inquam, potest-ne velle? Si potest, habet gratiam sufficientem, quam negas, si non potest; idem est monere vt velit, & monere vt volet, quia vtrumque illi perinde impossibile est.

Deinde ea loca, quæ producit Iansenius, quibus Augustinus significat Deum aliquando gratiam suam subtrahere etiam hominibus sanctis, docent nos, Deum ideo subtrahere vt homines suæ infirmitatis conscii ad ejus misericordiam confugiant; hoc enim significat quod refertur ex appendice „ serm. 3. Habes & adiutorem, qui te spectat pugnantem, *SVB-* „ *LEVAT LABORANTEM*, sed si inuenit sperantem, odit „ enim superbientem. *Et illud ex lib. de Perfect. Iustitia cap. 10.* „ Non aliam ob causam scriptura commemorat, non esse gra- „ uia diuina præcepta, nisi vt anima, quæ illa graua sentit, in- „ telligat se nondum accepisse vires, quibus talia sint præcepta „ qualia commendantur; leuia scilicet atque suauia, *ET ORET* „ *GEMITV VOLVNTATIS*, VT IMPETRET DONVM FA- „ CVLTATIS. Adde quod est in lib. de gratia & lib. arbit. „ c. 4. Si dixerit, tentatus à concupiscentia & illeçtus, volo ser- „ uare, sed vincor à concupiscentia mea; respondet scriptura li- „ bero ejus arbitrio; Noli vinci à malo, sed vince in bono „ malum. Quod tamen vt fiat, adiuuat gratia. Ergo & victo- „ ria qua peccatum vincitur, nihil aliud est quàm donum Dei „ in isto certamine adjuuantis liberum arbitrium; propter quod „ dicit cœlestis magister: *VIGILATE ET ORATE* vt non in- „ tretis in tentationem. Mitto alia sexcenta quæ sunt apud Augustinum, & quæ à Iansenio passim referuntur, cùm do-

et iugo legis ideo grauatos fuisse Iudæos, vt grauati, ad gratiam recurrerent. Eodẽ spectant quæ referuntur initio capitis illius 13. in lib. 3. de Gratia Salu. ex libris de Natura & Gratia, de Spiritu & littera, de Perfect. iustitiæ, de Gratia & lib. arbit. *Nos commoneri præcepto, quo cenantes & non viribus non valentes, ADIVTORIVM DIVINVM PRECEMVR.* Et, *Ideo lex jubet, vt admoneat quid faciat fides, vt ubi jubetur, si nondum potest, SCIAT QUID PETAT.* Et, *Conciliatissimè homini præcipi vt rectis passibus ambulet, & cum se non posse perspexerit, MEDICINAM REQUIRAT.* Ideo aliqua jubet qua non possumus, vt sciamus QUID AB ILLO PETERE DEBEAMVS. Et, *Præcepto admonitum liberum arbitrium, vt quæres Dei donum* de Gr. & lib. arbit. c. 18. Hæc enim omnia significant intentionem Dei esse, vt cum vnum è duobus non possumus facere, faciamus alterum. Duo, inquam, sunt, implere præceptum, & implendi vires petere. Præcipit Deus ut impleamus præceptum, inquit Augustinus, etiam quando non possumus, vt saltem oremus. Iansenius jam addit, istud quoque orare, sicut oportet, ad vitandum transgressionis crimen, transgressoribus esse impossibile, negatâ orandi potestate. Quis autem vnquam adedò insaniuit, vt vnum impossibile præciperet, quo aliud peræquè impossibile obtineret? Paralyticus est aliquis, idẽque mutus, nec ambulare potest, nec loqui: sapienter faciam, si jubeam illum ambulare, ad hoc vt saltem loquatur & dicat quare non possit? Negatâ Dei gratiâ & ad exequenda mandata, & ad orandum, paralyticus est peccator & mutus: quæritur, quare Deus præcipit illi vt ambulet, cum non possit? respondetur, vt cum intelligit se non posse, saltem loquatur & oret; atqui etiam hoc impossibile est. Non contendo jam Deum non posse præcipere homini aliquid impossibile, quamquam hoc per se sit absurdissimum, sed dirigere præceptum rei vnius impossibilis, ad obtinendam rem aliam perinde impossibilem; quod Ianseniani Deo tribuunt, quis non videt insanum esse? quidem nescio vbinam gentium illi auditores nancisci possint istarum ineptiarum capaces.

Et crescit absurditas ex eo quod Iansenius quoque dicit, quod, qui non potuerunt exequi mandatum, debuisse orare.

Tom. 3. l. 3.
de grat.
Salu. 1. 13.

quasi vellet ideo coarguendos, quòd cùm illud non possent istud omiserint. *Hoc fuit*, inquit, *propium S. Petri malum, nempe, quòd de sua fortitudine multa promitteret, PRO QVA IMPETRANDA ORARE DEBVISSET.* Debuisset omnino, sed poterat-ne? Si poterat, cùm non fecerit, sequitur habuisse gratiam, quæ daret posse & non ipsum velle, quo nihil magis horret Iansenius. Si non poterat, est igitur reprehensibilis, quòd non fecerit vnum impossibile, ad aliud similiter impossibile vitandum, seu quòd pro obtinenda vna re impossibili, non adhibuerit medium, quod erat illi pariter impossibile. Et sanctus Augustinus viginti duobus annis excutiendus fuit, vt reconditam adedò sapientiam reuelaret?

FALLACIA QVARTA.

QUARTA Fallacia est, quòd Augustini testimonia Iansenius transferat ab vna quæstione ad aliam, quando enim agimus de possibilitate, vel impossibilitate mandatorum, singulares casus sigillatim accipimus, & quærimus v. g. de illo, qui consensit in appetitum vindictæ, an in eo statu in quo erat, potuerit non consentire. Item, vtrum ille, qui consensit in concupiscentiam alienæ vxoris, in eo statu, in quo tunc erat, huiusmodi consensum abstinere potuerit; & sic de cæteris. Præter hanc quæstionem restat alia, quæ completitur totam collectionem omnium occasionum, & temptationum, quæ possunt longo tempore occurrere, v. g. per totam vitam, petiturque, an possit homo sine gratia speciali constans esse, perpetuòque peccatum vitare. Hæc autem quæstio longè diuersa est. Nam vt facile contingere potest, vt quis, qui non est admodum jaculandi peritus, nec visu satis acuto, nec manu valdè firmâ, si spectemus sigillatim & diuisim quamlibet jaculationem, scopum attingat: est autem moraliter impossibile, vt multos dies jaculando numquam aberraret, nisi vis aliqua superior illum direxerit; ita possibile quidem est hominem caligantem intellectu in bono cognoscendo, & in amando voluntate infirmum, cum communibus præsidiis, cum quibus habet indifferentem amandi vel non amandi boni, & fugiendi vel non fugiendi mali pote-

atem, in qualibet sigillatim occasione malum fugere, seruando præceptum: est autem moraliter impossibile sine providentia speciali & directione causæ superioris, ut longo tempore occasionibus illis frequenter occurrentibus numquam succumbat. Et in hoc differt status naturæ lapsæ à statu naturæ integræ. Nam in hac, cum nullus esset cognitionis defectus, nulla voluntatis infirmitas, nulla tentatio concupiscentiæ; poterat homo diu viuendo abstinere ab omni peccato, præsertim graui, quod modò non potest.

Nolebant tamen Pelagiani discrimen hoc admittere, sed quod poterat primus homo ante lapsum, id ipsum posse jam dicebant quemlibet alium. Et ideo, nec specialem gratiam putabant esse ad perseuerandum necessariam; & fieri possibile dicebant solis viribus liberi arbitrii, quale jam est, ut toto itæ tempore careremus peccato, & omnia mandata in quuscumque occasionibus & temptationibus seruaremus. Augustinus hunc errorem perpetuò refutat; & quæ dicit in eo refutando, Iansenius transfert ad singulas seorsim peccandi occasiones, ut probet eos, qui præceptum aliquod transgrediuntur, destitui necessario ad illud seruandum auxilio: ac deinde impossibilem illis esse obseruationem, etiam volentibus.

V. g. ut probet præceptum esse impossibile etiam volenti, *Cap. i.* refert illud ex lib. de Perfect. Iustitiæ: *Non igitur potest homo esse sine peccato, etiam si velit, nisi adiuuet gratia Dei per Iesum Christum Dominum nostrum.* Sed est manifestum non respici Augustino, cum hoc dicit, vnum singularem actum, sed eternam à peccato etiam veniali abstinentiam, ut constat ejusdem libri conclusione, in qua quid intendat reducit ad hæc duo capita: ut nemo putet *se sine gratia liberari posse à peccato*, nimirum quod vel commisit, vel ex Adamo contraxit. Secundò, ut nemo dicat *se post acceptam remissionis gratiam, iuste vivere posse*, UT NULLVM HABEAT OMNINO PECCATVM, nec egeat oratione illa, *Dimitte nobis debita nostra*, quasi verò, *numquam vel in lapsu lingue, vel in oblectanda cogitatione concupiscentiæ desideris, ALIQUANTVLVM CONSENTIREMVS.* Vide quid intendat Augustinus, ne dicamus posse nos *nullum habere omnino peccatum*, & *numquam*, ne

aliquantulum quidem, nos consentire concupiscentiæ desideriiis. Hoc verò quis non videt non spectare vnam peccandi occasionem, sed omnes, atque totum ipsius vitæ tractum? Eundem omninò sensum habet quod refert ex cap. 3. vbi dicitur: *Cùm vult homo esse sine claudicatione, non continuò posse, Quia scilicet si non claudicet in hac occasione, claudicabit in alia.* Nec aliud vult Augustinus in alio etiam loco, quem

cap. 1. » citat Iansenius ex tractatu de ouibus, vbi dicit: Est autem
 » & hic vnde illi placeamus, ejus misericordiam in his depre-
 » cando, à peccatis nos quantum possumus abstinendo, in quan-
 » tum autem non possumus CONFITENDO ET PLANGEN-
 » DO. Respicit enim Augustinus totam hanc vitam, de qua di-
 » xit paulò antè, *neque enim in bono sumus, dum in hoc seculo su-*
mus. Et, *Cùm placebimus Deo in regione viuorum, tunc detergen-*
tur lacryma nostra, &c. Vult igitur hoc tantum, quandoqui-
 dem facere non possumus in hac vita quin aliquando labamur, etiam si quemlibet lapsum sigillatim vitare possimus, vt recurramus ad remedium confessionis & planctus.

FALLACIA QVINTA.

QVINTA Fallacia præcedenti similis, Quòd quæ dicit Augustinus de impossibilitate mutandi statum, Iansenius transfert ad impossibilitatem suspendendi actum, quo præceptum transgredimur. Hæc enim duo diuersa sunt, non resurgere à peccato jam commisso, &, addere peccatum peccato, noua transgressione præcepti. Nec sequitur, vt si quis non resurgit à peccato, quamdiu non resurgit, sit in actu peccandi. Vnde nec est etiam necessarium existimare Deum continuò dare peccatori gratiam actualem, quæ necessaria est ad perfectam contritionem, vel etiam ad bonam & efficacem confessionem, qua possit emergere ex illo statu. Esto, habeat ille velleitatem aliquam & inefficacem quemdam voluntatis nisum ad emergendum. Quòd si moretetur in eo statu, damnaretur ille quidem propter peccatum, in quo jaceret, sed non propter peccatum, quod committit non resurgendo; quia ex hypothese fieri potest, vt nullum in eo com-

uitat, negatâ præsertim resurgendi gratiâ. Errabant autem
Pelagiani, non solum quia putabant esse homini possibile, at-
tentis tantum liberi arbitrii viribus, non incidere in nouum
peccatum, seruando præcepta omnia, vt jam dictum est, sed
etiam quia putabant posse illum iisdem viribus mutare vo-
luntatem, & obtinere commissi jam peccati remissionem.
Distinguit Augustinus vtrumque errorem in lib. de Perfe-
ctione iustitiæ, contra Cælest. his verbis. Quisquis ergo fuisse
vel esse in hac vita aliquem hominem, vel aliquos homi-
nes putat, excepto vno mediatore Dei & hominum, quibus
necessaria non fuerit remissio peccatorum, contrarius est di-
uine scripturæ, &c. hic est primus error: Et mox, *Quisquis
seem dicat, post acceptam remissionem peccatorum, ita quempiam ho-
minem iuste vixisse in hac carne vel viuere; vt nullum habeat om-
ne peccatum, contradicit Apostolo Ioanni, &c.* hic error alter

Non est igitur ad rem, quod dicit Augustinus de impossibilitate emergendi à peccato, referre ad probandam impossibilitatem non peccandi. Et tamen hoc facit Iansenius. In quod refert de illa pugna inter carnem & spiritum, quam faciebat Augustinus tempore conversionis suæ, quid aliud significat quàm impossibilitatem (si velit ita vocare, nec conatus est vocasse difficultatem) emergendi à peccato, & veritatem ex toto mutandi? Peccabat-ne Augustinus tunc? Quod præceptum transgrediebatur? Quis illum dum ita pugna, novi peccati reum fecit? Si quis esset in Sanctum Doctorem contumeliosus, reuinceretur illius verbis, qui dum alia sua data tam libenter confiteretur, istud negat. Vide enim quid ait: Sic intelligebam meo ipso experimento, id quod legebam, quomodo caro concupisceret aduersus spiritum, & spiritus aduersus carnem. Ego quidem in utroque, sed magis ego in eo, quod in me approbavam, quàm in eo, quod in me improbam. Ibi enim magis ego jam non ego, quia ex magna difficultate id patiebar inuitus, quod faciebam volens. Sed tamen consuetudo aduersum me pugnacior ex me facta erat, quam iam volens quod nollem perueneram. Quæ verba si cui legat obscura legat sequentia. Ego cum deliberabam ut jam non ego, sed Dominum Deo meo, sicut diu disposueram, ego eram

382 INFORMATIO DE QVINQVE PROPOSIT.

„ qui volebam, ego qui nolebam. Ego ego eram. Nec plenè
 „ volebam, nec plenè nolebam. Ideo mecum contendebam
 „ & dissipabar à me ipso. Et ipsa dissipatio me inuito quidem
 „ fiebat, nec tamen ostendebat naturam mentis alienæ, sed
 „ pœnam meæ. Et ideo NON IAM EGO OPERABAR IL-
 „ LAM, sed quod habitabat in me peccatum de supplicio li-
 „ berioris peccati, quia eram filius Adam. Quid quæso est,
ego non operabar illam, & quid significat, nisi quod significat
Rom. 7. S. Paulus, cùm dicit, *non ego operor illud*, id est non illi con-
 sentio? Ergo ita non vincebat Augustinus concupiscentiam,
 quâ retrahebatur ab obsequio Dei, vt tamen nec ipse ab
 eâ consentiendo vinceretur, ac proinde neque nouum pec-
 catum committeret. Quod adhuc statim magis explicat his
ibid. c. II. „ verbis: Dicebam enim apud me intus. Ecce modò fiat, mo-
 „ dò fiat, & cùm verbo iam ibam in placitum, iam penè facie-
 „ bam, & non faciebam, NEC RELABEBAR TAMEN IN PRISTINA,
 „ sed de proximo stabam & respirabam, &c. *Et iterum*, Plus in me
 „ valebat deterius inolitum, quàm melius insolitum, punctum-
 „ que ipsum temporis, quo alius futurus eram, quanto propius
 „ admouebatur, tanto ampliorem incuriebat horrorem, SED
 „ NON RECVTIEBAT RETRÒ, NEC AVERTEBAT, sed
 „ suspendebat. Diceres describi pugnam inter obsessos in arce
 quadam munitissimâ, & obsidentes, vbi singuli passus dis-
 putandi sunt, dum qui obsident neque se retrorsum auerti
 patiuntur, nec qui obsidentur, alios sine difficultate ac peri-
 culo progredi. Sed quòd non *relaberetur* Augustinus *in pristina*,
 quòd non approbaret *deterius*, iam *inolitum*, quòd non *recuse-*
retur retrò, non *auerteretur*, tantum *suspenderes*, nonne euiden-
 ter monstrant innocentem fuisse pugnam, nec in ea victum es-
 se Augustinum, ac proinde nec peccasse?

Quis ergo non jam meritò requirat ad quid allata sint à
 Iansenio S. Augustini loca illa ex 8. Confess. quibus signifi-
 cat se aliquid boni voluisse, quod assequi non posset; hoc
 est, voluisse emergere ex peccato & voluntatem ex toto
 commutare ex bona in malam, nec tamen tunc potuisse?
 Disputamus vtrum quando defunt vires ad vitandum quod
 transgressione alicujus præcepti contrahitur, reuerà illud
 contrahatur; & vt probetur contrahi, affertur exemplum in

quo

FALLACIA SEXTA.

Depert. juft.
cap. 13.

Ibid. c. 13.

cap. 20. „ cato, quod in illa perfectione tunc erit, hoc est in paradiso.
 „ *Et deinde.* Currimus ergo cum proficimus, dum sanitas no-
 „ stra in proficientibus currit, sicut etiam cicatrix currere di-
 „ citur, quando bene vulnus, diligentérque curatur, ut ex om-
 „ ni parte perfecti sine vlla simus omnino infirmitate peccati,
 „ quod non solum vult Deus, verum etiam ut impleatur facit,
 „ atque adjuuat. Et hoc nobiscum agit gratia Dei per Iesum
 „ Christum Dominum nostrum, DONEC IN NOBIS PERFICIATUR
 „ SANITAS, & Deus, sicut videndus est in æterna veritate,
 „ monstretur. Ergo curatio ab isto morbo ad hanc quidem vi-
 „ tam pertinet; sed plena sanitas ad aliam. Iam magis magisque
 „ recedimus ab illa infirmitate, sed numquam nisi post mor-
 „ tem omnino recesserimus. Currit cicatrix, & vulnus sensim
 „ minuitur, sed non tollitur, donec Deus sicut videndus est in
 „ æterna veritate monstretur. Interea tamen cum illa concu-
 „ piscencia nihil aliud sit, quam desiderium peccati, est culpabilis & vi-
 „ tiosa: & non tantum frenari, sed omnino esse non debet: & ut non sit,
 „ pertinet ad præceptum diligendi Deum ex toto corde. Nam
 „ cum est adhuc aliquid carnalis concupiscencia, quod vel continendo
 „ 11bid. c. 8. franetur, non omnimodo ex tota anima diligitur Deus. Præcipitur
 „ 11bid. c. 6. autem homini ista perfectio, quamvis eam in hac vita non
 „ habeat; non quod hic non habere, peccatum sit: sed ut sciat
 „ se currendo disponi debere, ut quod præcipitur in vita futu-
 „ ra perficiatur. Imprimit autem Deus in animo fidelium odium
 „ illius & pugnandi atque expugnandi voluntatem; ut ab hoste
 „ illo domestico liberentur: quo fit ut velint quod statim ha-
 „ bere non possunt, sicut ægri, qui curantur, dum sanitatem de-
 „ siderant, quam nondum obtinent, & sicut in agone certantes
 „ victoriám expetunt, quæ adhuc differtur, atque ita rem pe-
 „ tunt pro tempore, quo illam petunt, impossibilem. At inde
 „ non sequitur peccare illos contra præceptum, quod pro illo
 „ tempore sit illis impossibile, quia præceptum non exigit nisi
 „ ut pugnent, & hoc faciunt: ut non sinant se vinci, & hoc
 „ faciunt: ut impediant ne regnet concupiscencia, & hoc im-
 „ pediunt.

Atque hoc est illud peccatum à quo non possunt fugere;
 licet velint, quia semper inest. Sed quamvis non possint se
 ab eo expedire, sufficit quod ei non consentiant, ita enim

non regnat, & fit peccatum mortuum & nihil nociturum. Quid vultis, *inquit Augustinus, serm. 3. de verbis Apostoli cap. 6.* ut omnino nullæ sint concupiscentiæ malarum & illicitarum delectationum? Quis sanctus non hoc velit? SED NON EFFICIT, QUAMDIU HIC VIVITUR, HOC NON IMPLETUR. Consumere quidem illas atque finire & penitus extirpare omnino velle debetis, sed quandiu sunt in vobis, &c. *Idem tract. 41. in Ioan.* Quid volebat ille justus mente, seruans legi Dei, nisi ut omnino non esset quod frænaretur? & hoc debet conari omnis, qui tendit ad perfectionem. *Et in lib. de cap. 11. de perf. just.* *Perfect. Iustit.* Bonum est non concupiscere, & hoc bonum vult justus, qui ex fide viuit: & TAMEN FACIT QVOD ODIT, QVIA CONCVPISCIT, QVAMVIS POST CONCVPISCENTIAS SVAS NON BAT. Cùm verò non sinit regnare peccatum in suo mortali corpore, ad obediendum desideriis ejus; nec exhibet membra sua arma iniquitatis peccato; INEST QVIDEM PECCATVM IN MEMBRIS EIVS; SED NON REGNAT, quia non obeditur desideriis ejus. Et ideo dum non quod vult agit, id est, non vult concupiscere & concupiscit, consentit legi, quia bona est; hoc enim vult & ipse quod lex, quia vult ipse non concupiscere, & lex dicit, Non concupisces. In hoc quoniam vult quod & lex vult, procul dubio consentit legi: concupiscit tamen, quia non est sine peccato, SED IAM IPSE NON OPERATUR ILLVD, sed id quod in illo habitat peccatum. IDEO NON IPSVM REPREHENDIT COR EIVS IN OMNI VITA EIVS. *Et iterum,* Non ergo eum reprehendit cor ejus, quando reprehendit peccatum, quod habitat in membris ejus. Ecce peccatum quod volumus ne in nobis sit, & tamen non possumus hoc obtinere, sed peccatum, quod *ipsi non operamur*, de quo *non reprehendit nos cor nostrum*. Ac proinde peccatum, de quo non est quæstio, quando quæritur, utrum aliquando sit peccandi necessitas, orta ex præcepto pro tempore quo vrget impossibili. Quia tunc de peccato agitur propriè dicto, & viuo, quod cor nostrum verè reprehendat: Eodémque spectat quod dicit Augustinus de Apostolis lib. 1. ad Bonif. cap. 12. Absit ut dicamus, sicut iste calumniatur, semper immoderata libidine fuisse pollutos, sed dicimus, A CONSEN-

» SIONE PRAVARVM LIBIDINVM LIBEROS, de concupiscen-
 » tia tamen carnis, quam moderando frænabant, tanta humi-
 » litate & pietate genuisse, vt oprarent eam non habere po-
 » tius quàm domare. Hoc igitur id tantùm est, quod Sancti
 » volunt & non possunt.

de pers. just.
cap. 4.

Dico autem Iansenium alterum pro altero sumere. v. g.
 quando citat illud Augustini, ex libro ex quo jam ista retu-
 » limus. Per arbitrii libertatem factum vt esset homo cum pec-
 » cato, sed jam pœnalis vitiositas subsequuta ex libertate fecit
 » necessitatem. Vnde ad Deum fides clamat de necessitatibus
 » meis erue me: sub quibus positi vel non possumus quod vo-
 » lumus intelligere; vel quod intellexerimus volumus, nec va-
 » lemus implere. Quibus verbis nego contineri vnus alicujus
 præcepti violandi necessitatem, vel seruandi impossibilita-
 tem; sed exprimi statum seruitutis vitæ præsentis, quo caro
 concupiscit aduersus spiritum, & quidem sine peccato, si con-
 sensus absit, vt abesse potest. Quæ seruitus mutatione status
 amittenda est, aduentu scilicet ejus libertatis, quam spera-
 » mus. Quia, *inquit*, peccauit voluntas, sequuta est peccatum
 » habendi dura necessitas, donec tota sanetur infirmitas, & ac-
 » cipiatur tanta libertas, in qua, sicut necesse est permaneat
 » beatè viuendi voluntas, ita sit etiam bene viuendi & num-
 » quam peccandi voluntaria, felixque necessitas. Vbi vides
 comparari statum cum statu, nimirum statum seruitutis vitæ
 præsentis sub concupiscentia, cum statu libertatis vitæ futu-
 ræ, vbi concupiscentia extinguetur, succedente felici bene
 viuendi necessitate. Ergo quod dicit sub necessitatibus igno-
 rantia & concupiscentia nos non posse quod volumus im-
 plere, nequaquam refert ad impossibilitatem abstinendi con-
 sensum à motibus concupiscentia, quibus pulsamur, sed ad
 impossibilitatem obtinendi libertatem illam bene agendi,
 quam cupimus, & quæ in nobis pedetentim perficitur, sed
 numquam perfecta est in hac vita, quod est, non tantùm
 nolle consentire, sed ne sentire quidem motus illos.

cap. 4.

Idem dici potest ad id quod refert ex serm. 67. de diuer-
 sis. *Volamus, ô Domine, volumus & non possumus, aut forè nec*
volumus, premente sarcina grauamur, & nolumus. Quia manife-
 stum est ibi non agi de vno aliquo præcepto, quod implere

debeamus hic & nunc, & non possimus, sed in vniuersum de virtutum exercitio, in quo non vt præcepta seruemus ambulando tantum, sed incitatur vt curramus, quod onusti facere non possumus, vt constat ex verbis præcedentibus, vbi S. Augustinus Auditores suos sic hortatur, exemplo S. Stephani: *Et nos fratres cum patientia CVRRAMVS ad propositum nobis fidei agonem. QVOMODO CVRRIMVS QVI ONERATI SVMVS? vocamur vt veniamus, & ne non perueniamus curramus; Quod consilium oneratis?* Hoc igitur quod illi respondent, se velle, sed non posse, non est alicujus præcepti obseruantia, tum cum est transgressio damnabilis: sed est expeditus & leuis & citatus ad virtutem progressus, quem impedit concupiscentiæ sarcina. Nec aliud vult Augustinus in alio illo loco, qui affertur ex commentario in Psal. 106. vbi de homine ligato difficultatibus & *quasi muro impossibilitatis incluso* loquitur; hæc enim refert ad vniuersam vitæ honestæ exercitationem, & efficax perfectionis Christianæ propositum, aduersus quod cupiditates & mali habitus apprehendere faciunt veluti murum impossibilitatis, etiamsi vnumquodque præceptum seorsim non appareat impossibile.

Idem omnino peccat in eo, quod refert ex lib. 6. contra *cap. 13.* Iulianum. *Quando secundum eam*, hoc est affectionalem qualitatem, cujus meminerat Iulianus, *dicitur animus malus, vel potius homo malus, nonne metuis ne voluntas bona aut non ibi esse possit, aut valere nihil possit?* Nempe dixerat Iulianus *affectionalem illam qualitatem, ex causis maioribus ortam, ita inhærescere, vt aut magnis molitionibus, aut nullis separetur.* Augustinus inde infert, aut voluntatem hominis non esse bonam, si nimirum non vult excutere illam qualitatem, quæ mala est: aut si velle concedatur, nihil valere, postquam illa non nisi magnis vel certè nullis conatibus excuti potest. Ac proinde sic vrget. Nonne concedis hominem miserum, quicumque ille sit vel fuerit, certè aduersus talem clamasse qualitatem, velle adiacet mihi, perficere autem bonum non inuenio? Hic saltem fatemini esse istorum verborum gemitum necessarium: *Quis me liberabit de corpore mortis hujus, gratia Dei mei per Iesum Christum Dominum nostrum. Quis non videt Augustinum hoc loco, cum infert ex verbis Iuliani voluntatem nihil valere posse, nolle aliud, quàm non posse excutere jugum il-*

lud affectionalis qualitatis, permanentemente inhxerentis? Quis non videt illud, *non posse*, voluntatis, non esse aliud, quàm *non posse* quod reperiebatur in eo quoque, qui dicebat, *velle adjacet mihi, perficere autem bonum non inuenio in eo*. Et, *Quis me liberabit de corpore mortis hujus?* Et S. Paulus cùm hæc diceret, transgrediebatur ne aliquod præceptum, aut loquebatur ne de præcepto, quod ipsi esset impossibile non transgredi, & in cujus transgressione damnabiliter peccaret? Ergo quid dici potest de Iansenio, qui ejusmodi testimonia vndeque accumulat; nisi voluisse illum, si non posset probare quod intendebat, saltem excitare puluerem?

cap. 19.
cap. 9.

Idem iterum peccat in eo, quod refert ex lib. 3. de lib. arbit. & quod approbatur in 1. Retractationum: *Sunt etiam necessitate facta improbanda, ubi vult homo rectè facere & non potest*.

Vide enim quomodo id probet Augustinus, cùm subdit:
 » Nam vnde sunt illæ voces, non enim quod VOLO facio bonum, sed quod ODI malum hoc ago? Et illud, VELLE ADIACET mihi, perficere autem bonum, non. Et illud, Caro concupiscit aduersus spiritum, spiritus autem aduersus carnem. Hæc enim inuicem aduersantur, vt non ea QVÆ VULTIS, faciatis.

cap. 10. & 11
cap. 7. & 8.

Ecce in quæ facta improbanda cadit illa necessitas, nempe in illa, quæ sunt etiam facta sanctorum virorum, atque adeo ipsorum Apostolorum; in illa, quæ ipsi ita operantur *vt improbant*; in illa, quæ operantur *ipsi jam non ipsi*; in illa, quæ faciunt *sine vlla sua consensione*. Denique in illa, quæ non impediunt ne *presens adsit Dei gratia* ad meritum ipsorum, & ad coronam. Hæc enim omnia docet Augustinus tum in libro 1. ad Bonifacium, tum in serm. 3. de Verbis Apostoli. Quid igitur ad impossibilitatem seruandi mandata, quæ quis damnabiliter transgreditur?

Iterum & quintò id ipsum peccat, in eo quod refert ex lib. 1. Retract. *Qui cogenti cupiditatē bona voluntate resistere non potest, & ideo facit contra præcepta iustitia, jam hæc ita peccatum est, vt sit etiam pœna peccati*. Ibi enim Augustinus clarissimè distinguit peccatum quod voluntate committitur, à peccato, ad quod quis cogitur: & voluntatem illam quā quis peccat definit, *motum animi cogente nullo*. Ac proinde ex mente Augustini, quod fit cogente cupiditate & ipsā bonā volun-

rate resistente, non potest dici peccatum, quod voluntate committatur. Rursus idem Augustinus eodem loco sic loquitur: *Quamquam & hoc peccatum QVO CONCVPISCENTIAE CONSENTITVR, NON NISI VOLVNTATE COMMITTITVR.* Vnde conficitur clarissima hæc & liquidissima argumentatio. Peccatum, quod committitur cogente cupiditate & bonâ voluntate resistente, non est peccatum, quod committatur voluntate, quia voluntas est motus animi cogente nullo: Sed peccatum, quo consentitur concupiscentiæ, non nisi voluntate committitur: Ergo peccatum, quo consentitur concupiscentiæ, non est peccatum, quod committatur, cogente cupiditate: & vice versa peccatum quod committitur cogente cupiditate, non est peccatum quo consentitur concupiscentiæ. Sed vt constat ex aliis locis Augustini jam citatis, & quæ citari possunt longè plûrîma, concupiscentia non est damnabilis in baptizatis, quamdiu ei non consentitur: ergo non est damnabilis, quamdiu cogit, resistente præsertim bona voluntate. Quare dicendum necessariò est, juxta mentem Augustini, id quod dicit fieri contra præcepta justitiæ, cogente cupiditate, & bona voluntate non valente resistere, designare tantùm actus aliquos præceptis justitiæ repugnantes, hoc est, quos præcepta justitiæ verant vel excitari à nobis liberè agentibus, vel approbari. Et hujusmodi sunt actus, quos Augustinus designat lib. 1. ad Bonifacium, vbi verba illa Apostoli ad Rom. 8. *Quod enim operator ignoro*, sic interpretatur. *Quid est aliud quàm nolo, non approbo, non consentio, non facio.* Operatio enim illa, est quidem contra præcepta justitiæ, sed eadem quoque est contra voluntatem & approbationem & consensum operantis: ideòque operatur simul & non facit: operatur carne, non facit voluntate: nec consequenter damnabiliter transgreditur vllum præceptum, sicuti nec Apostolus transgrediebatur. Vno verbo, designantur ab Augustino actus illi, qui sunt peccata tantùm materialia, nulli ad damnationem imputabilia, quamdiu suspenditur consensus voluntatis.

Iterum & sextò idem peccat in eo, quod refert ex serm. 2. in appendice: *Bene ergo aliquando Deus differt adiutorium suum, vt probet hominem, vt exerceat hominem, vt ipse sibi homo innotet.*

scat. Intelligitur enim de iis, qui luctantur cum cupiditatibus, ita ut nec vincantur ipsi, nec vincant victrici gratia nondum accepta.

FALLACIA SEPTIMA.

SEPTIMA Fallacia est, Quòd apud Iansenium impossibile dicatur id, quod non est impossibile apud Augustinum, nisi ex hypothefi voluntaria, quam homo sicut ponere vel non ponere potest, ita facere potest ut possibile vel impossibile sit, quod ex ea pendet; ad eum modum, quo ex hypothefi, quòd quis fenestras luci clausurit & aperire nolit, impossibile est ut videat, quod fieri possibile, si voluntatem mutet. Et ira, cùm affert Iansenius ea loca S. Augustini, quibus dicit esse *fatagendum, demisse de se sentiendum, non superbendum, instandum orationi*, ut Deus non permittat nos tentari supra id quod possumus, quid quæso probat? Nimirum homines aliquando tentari suprâ quàm possint, propterea quòd sint superbi, quòd sint negligentes, & pigri, quòd non recurrant ad orationem. Bene habet; sint igitur humiles, sint feruentes, sint deuoti, & non tentabuntur suprâ quàm possunt. At, inquit, non possunt tales esse aliquando, & tamen tentantur suprâ quàm possunt. Ego verò contendo te id de tuo promere, non sumere ex Augustino. Ceddò ubi nam ille dicat esse impossibilem humilitatem vel deuotionem, vel diligentiam in benefaciendo tum, cùm necessarium est ad vitandum, ne quis tentetur suprâ quàm ferre possit? Dico apud Augustinum huiusce cogitationis vestigium nullum reperiri. Huc spectat quod dicit de Iudæis, qui *non poterant credere*. Hoc enim sequebatur ex voluntaria cæcitate, qua concepto in Christum odio præoccupati erant. Quòd enim dicuntur à Deo excæcati, ex principiis Augustini, sic est accipiendum, ut Deus iustâ permissione, ipsi verò propriâ & positivâ & liberâ inclinatione excæcauerint sese. Odium ergo illud deponerent; & cæcitas pelleretur.

FALLACIA OCTAVA.

ET cum hac conjuncta est alia Iansenii & Iansenianorum Fallacia, quæ Octava numero ponenda venit, circa modum explicandi potentiam remotam & proximam; cum dicunt præcepta Dei esse semper vel proximè vel remotè possibilia. Iuaret enim, si quam vocant potentiam remotam ad implendum præceptum, esset proxima ad ponendum aliquod medium, vel tollendum aliquod impedimentum, unde sequeretur immediata exequendi præcepti facultas. Nam hoc modo, qui potest proximè orare ad petendam gratiam tentationi vincendæ necessariam, dicitur posse remotè tentationem vincere, & implere præceptum, quantum satis est, ut ei transgressio ad culpam imputetur, si non orauerit, cum putaret sibi necessariam esse orationem. Et infideles, qui nihil audierunt de Christo, sed habent tamen quod proximè sufficit ad vitanda peccata contra legem naturæ, dicuntur habere gratiam sufficientem, remotam ad credendum, qua si non bene utantur; esto, non sint damnandi propter peccatum infidelitatis, diceretur tamen per ipsos stetisse quominus audirent Euangelium, cujus beneficio poterant saluari. Et ita per potentiam, quæ dicitur remota, habetur quod sufficit ad acquirendam proximam, si velit ea uti qui habet: & si uti nolit, illi meritò imputatur. At in sententia Iansenii, potentia quæ dicitur remota ad implenda præcepta, ad nihil agendum proxima est; hoc est ad nihil prorsus sufficit; ac proinde nihil potest nisi iniquissimè imputari ei, qui ea non utitur. Quære enim quam potentiam remotam ad implenda mandata habeant infideles? Habent, inquit, flexibilitatem liberi arbitrii. Bene est, sed quid potest facere liberum arbitrium, flexibile præcisè, si nihil aliud addatur? Non habent quid dicant, nisi non posse quidem facere, sed posse recipere quo fiat potens ad agendum. Ergo quæ illi datur potentia, passiva tantum est. Quærebamus autem quid posset agere. Similiter si quæras de fidelibus omni auxilio diuinæ gratiæ de-

stitutis, quam habent potentiam ad seruanda mandata, fidem habent, inquit, quæ semen orationis est. Bene est, sed hæc fides ad quid sufficit, si desit actuale adiutorium, ad quod est tantum in nobis potentia passiuæ? Prorsus ad nihil. Denique de iustis, quibus præceptum, cuius transgressione cadunt è statu iustitiæ, impossibile est proximè, vt dicunt, si quæras quam habeant ad illud potentiam remotam; habent, inquit, caritatem. Sed caritas quid potest sine auxilio necessario, quod semper deesse supponitur? nihil inquit. Quid autem iuuat potentia remota, quæ ad nihil sufficit: & quomodo potest denominare præceptum possibile solam illam habenti; vel facere, vt ei transgressio imputetur, quasi omiserit quod facere poterat? Potest, inquis, si Deus iuuat. Ergo, inquam, dicatur Deo esse possibile facere vt ille possit, sed quamdiu Deus hoc non facit, potest-ne illi dici quod possit? Potest Deus facere vt cæcus videat, sed quamdiu hoc non facit Deus, potest-ne dici esse possibile cæco videre? Est possibile Deo, sed nemo dicit esse possibile cæco. Sed quando ita volunt, dicant diuina præcepta ita esse transgressoribus possible, sicuti est possibile cæco videre: & propterea illis imputari, quod transgrediantur: & hoc tantum definiisse Concilium Tridentinum, quippe quod aliqui essent hæretici, qui negarent, tam posse à nobis impleri quod iubemur, quam possunt cæci videre.

At, inquit, indignus est, qui iuuatur is qui peccat, & ideo imputatur illi. Primum quomodo indignus est homo iam iustificatus, & in quo nihil damnationis manet, vt docet Concilium Tridentinum? Deinde si indignus est, puniatur propter peccatum, quo indignus factus est, & hoc illi exprobetur, sed non ferat pœnam nouæ transgressionis, nec præuixæ, nec volitæ, in illo peccato quo indignus factus est, nec modò in potestate transgressoris positæ vt sit aut non sit. Illi tamen contrarium audacter & palam profitentur: quod si fundamentum haberet apud Augustinum, deberent quotquot S. Doctorem seriò venerantur, omni studio eniti, ne huiusmodi portenta cogitationum viderentur ad sublimem illum animum vnquam accessisse. Nunc verò conari obtrudere illas inuito & contradicenti, ejusmodi est, vt vix esse

possit hoc tempore, quod dignius videatur Ecclesiasticæ potestatis animadversione ac pœnis.

FALLACIA NONA.

NONA Fallacia est, Quòd Iansenius impossibile strictè interpretatur, id quod Augustinus significare tantum vult arduum esse ac difficile. Non dico in operibus pietatis Dei gratiam ad hoc tantum esse necessariam, ut facilius operemur, quasi sine illa possemus, sed cum difficultate; quod dicere Pelagianum est: sed dico Deum qui suam gratiam dispensat in pondere, numero, & mensura, quamvis det aliquando eam, quæ sufficit, non tamen dare tantam, ut non superfit adhuc difficultas magna, quæ det occasionem recurrendi ad orationem, & petendi ut velit in nobis augere sua dona. Et in naturalibus potest similiter sufficienter esse munita voluntas, per naturales cognitiones & affectus, ut velit aliquid facere vel omittere, quod tamen adhuc difficile admodum manet, adeò ut prudenter, & cum morali aliqua certitudine dici possit, quòd non faciet. Solent igitur homines dum hæc accidunt, passim dicere *se non posse*: putantque hanc honestam esse excusationis causam, dum quis exigit quod sine magno incommodo præstare nequeunt, si hoc ipsum dicant, *se non posse*, præsertim ubi nulla premit obligatio faciendi quod exigitur.

Iansenius negat Augustinum ita vnquam esse intelligendum, quando dicit hominem per liberum arbitrium non posse vitare aliquod malum, sed putare id esse propriè impossibile. Cum enim nullam agnoscat gratiam, nisi efficacem, qui hanc non habet, nullam habet: & si nullam habet, non solum difficultatem habet implendi præcepta, sed propriam impossibilitatem. Ita ille philosophatur. Sed primò Augustinum nec posse nec debere ita intelligi, ut cum negat aliquid fieri posse, significet tantum faciendi difficultatem, Iansenius nec probat vnquam, nec probare potest, quod tamen erat necessarium. Quomodo enim probaret Augustinum num-

quam esse loquutum eo sensu, quo solent homines loqui, dum iisdem vtuntur verbis?

Secundò positiuè monstratur eo sensu loquutum Augustinum, nec aliter intelligi posse, nisi ab iis qui non tam volunt ipsi consentire Augustino, quàm Augustinum cogere vt ipsis consentiat. Hoc autem monstratur imprimis, quia principium Augustini est, non peccari nisi consentiendo concupiscentiæ, vel ad aliquod malum impellenti, vel à necessario quodam bono retrahenti, vbi enim nulla est consensus, nullum esse peccatum propriè dictum, & ad damnationem imputabile, id intelligendo de peccato actuali & personali, vt jam suprà monstratum est. Est verò non minus certum ex eodem Augustino cap. 15. loco jam citato, ex primo Retractionum, consensionem hanc, quâ tentanti concupiscentiæ malè consentitur, non nisi *voluntate* fieri, pro vt voluntas distinguitur ab eo affectu, qui exprimitur *cogente cupiditate*, hoc est necessariò trahente ad malum; nec vocari propriè *voluntatem*, nisi in quantum libera est à cogente illa cupiditate, alioqui rectius vocari cupiditatem, quàm voluntatem. Igitur apud Augustinum non est peccatum, nisi vbi voluntas consentit, & voluntas non consentit, nisi vbi non cogit, hoc est, *necessitas* cupiditas. Non est igitur peccatum, nisi vbi non necessitat cupiditas: vbi autem non necessitat, non est impossibile, sed possibile aliter facere, esto difficile sit.

Item, voluntas non dicitur *voluntas* propriâ illâ significatione, quâ definitur, *motus animi, cogente nullo*, & secundum quam ponitur in definitione peccati, cum dicitur, *peccatum est voluntas*, &c. nisi in quantum libera & liberata est à cogente cupiditate, alioqui *rectius dicitur cupiditas, quàm voluntas*; sed esse liberam, aut liberatam à cogente cupiditate, est non pati ab illa necessitatem peccandi: Ergo non est voluntas illâ propriâ & strictâ significatione, quæ ponitur in definitione peccati, & sine qua nemo censetur concupiscentiæ consentire, nisi sit in tali dispositione, in qua non patiatur necessitatem peccandi; ac proinde in qua possit non peccare; esto difficulter id possit. Item, idem est esse voluntatem, quæ dicitur *motus animi, cogente nullo*, & esse voluntatem

Lib. de
duab. ani-
mabus c. 11.

quæ possis abstinere ab eo quod facit, ut constat ex Augustino, qui postquam voluntatem, ut jam dixi, definiuit, & sic definitam posuit in definitione peccati, dicendo, *peccatum esse voluntatem retinendi vel consequendi quod iustitia vetat, & unde liberum est abstinere*, subdit, esse superfluum, addere particulam illam, *unde liberum est abstinere*, quod scilicet satis inuoluatur in ipsa significatione voluntatis, provt jam definita est *motus animi, cogente nullo*: Ergo juxta mentem Augustini, voluntas, provt ibi definitur *motus animi cogente nullo*, & sine qua nemo censetur *concupiscentia consentire*; inuoluit potestatem abstinendi à malo, cujus dicitur voluntas. Neque hoc retractat Augustinus, sed potius confirmat cap. illo 15. lib. primi Retractionum, dum recognoscit librum de duabus animabus, vbi quod etiam dixerat, *Esse summæ insanix peccati reum teneri quemquam, qui non fecit quod facere non potuit*: & voluntate aliquid facere, idem esse ac libero uti ad faciendum & non faciendum animi motu, & habere potestatem abstinendi, putat interpretatione tantum indigere in paruulis, qui originali peccato tenentur; quasi nulla esset difficultas, quin in adultis, qui peccatorum actualium rei sunt, sine alia interpretatione hæc omnia vera essent.

Confirmatur ex doctrina, quam tradit Augustinus in lib. de spiritu & littera, de iis qui coguntur aliquid facere. Statuamus enim Hæreticum pertinacem, qui tormentorum vi cogitur, nec tamen inducitur ut fidem confiteatur: tali cui-dam homini, juxta ea quæ tradit Augustinus, *discere solemus*, dum gemit & queritur de suis cruciatibus, *quod habes in potestate quare non facis, ut hoc malo careas*? Ergo supponimus habere illum in potestate fidei confessionem, quam facere non vult. Rursus alium statuamus, qui cogatur à Tyranno fidem abjurare vi tormentorum, & vincatur; huic similiter cur non dicamus, *quod habes in potestate quare non facis, ut majoribus æternisque cruciatibus careas*? An est ratio, propter quam putemus eum, qui non vult confiteri, fidem habere in potestate, ut illam confiteatur, & eum qui negat, non habere in potestate ut non neget? Atqui S. Augustinus supponit hunc quoque qui vincitur, habere in potestate ut non vincatur. Nam cum dixisset: Neque enim dici solet quisquam pote-

» stare fecisse, si quid fecit inuitus, *subdit*, Quamquam si sub-
 » tiliùs aduertamus, etiam quæ quisque inuitus facere cogitur,
 » SI FACIT, VOLUNTATE FACIT; sed quia mallet aliud,
 » ideo inuitus, hoc est nolens facere dicitur: malo quippe ali-
 » quo facere compellitur, quod volens euitare vel à se remo-
 » uere, facit quod cogitur. Nam si tanta voluntas sit, vt ma-
 » lit hoc non facere, quàm illud non pati, cogenti procul du-
 » bio resistit, nec facit; AC PER HOC SI FACIT; NON
 » QUIDEM PLENA ET LIBERA VOLUNTATE, SED TA-
 » MEN NON FACIT NISI VOLUNTATE, quam volunta-
 » tem quia effectus sequitur, non possumus dicere potestatem
 » defuisse. Vides quare is qui cogitur aliquid facere & fa-
 » cit, voluntate & potestate facit. Quia, inquit, si tanta vo-
 » luntas sit vt malit hoc non facere, quàm liberari à tormen-
 » tis, cogenti resistit, nec facit. Quod cùm dicit Augustinus,
 » perspicuum est non loqui de re impossibili, sed de possibili,
 » & contingenti. Esset enim ratiocinatio ridicula, cùm dice-
 » retur, ideo illum, qui cogitur aliquid facere, *si facis, volun-*
 » *tate facere*, quia si malit quod est impossibile illum malle,
 » non facit: sed sensus planus est, quia si malit, vt potest, hoc
 » pati, quàm illud facere, non facit. Ac proinde sicut in priore
 » casu, de illo qui mauult pati, quàm facere quod iubetur, ideo
 » dicitur voluntate pati, quia habet in potestate vt non patia-
 » tur; ita & in posteriori de illo, qui facit quod iubetur, di-
 » cendum est, ideo voluntate facere, quia habet in potestate
 » vt patiatur & non faciat. Et ita siue committendo, siue
 » omittendo, non aliter peccatur, quàm quia in potestate pec-
 » catoris est, vel omittere quod malè committit, vel commit-
 » tere quod malè omittit. Esto non sit *plena & libera voluntas*,
 » propter repugnantiam & difficultatem, & inefficax odium ejus
 » quod efficaciter vult.

Cap. 3.

Iterum confirmatur ex loco quem citat ex lib. 2. de pecca-
 » torum meritis, & quo abutitur Iansenius, nempe vbi Augu-
 » stinus dicentibus Pelagianis, quod *Deus non præciperet homini,*
 » *quod scires esse impossibile humana voluntati*, postquam confessus
 » est neminem Catholicorum hoc ignorare, sic respondet; Sed
 » hoc non vident, quod ad nonnulla superanda, vel quæ malè
 » cupiuntur, vel quæ malè metuuntur, MAGNIS ALIQUANDO

ET TOTIS VIRIBVS OPVS EST VOLVNTATIS : QVAS NOS NON PERFECTE IN OMNIBVS ADHIBITVROS PRÆVIDIT , qui per Prophetam veridicè dici voluit , Non justificabitur in conspectu tuo omnis viuens. Tales itaque nos Dominus futuros prævidens , quædam salutaria remedia , &c. Hic quæritur quid intelligat Augustinus per *magnas illas & totas vires voluntatis*, quas aliquando *non perfectè in omnibus adhibemus* ? Iansenius loco jam sæpè citato , *Iste magna, totaque vires voluntatis, sunt effectus magna & non passim vsuata gratia*. Et non videt quomodo suam ipse doctrinam implicet ? Quando enim contigit juxta ipsius doctrinam , qua censet omnem gratiam habere semper effectum cujus est capax ; quando, inquam , contigit , vt prævideret Deus voluntatem nostram non adhibituram perfectè vires acceptas per effectus *magna & non passim vsuata gratia* ? Et dum dicit prævidisse Deum nos non perfectè in omnibus adhibituros , nonne significat nos aliquando adhibituros , & in aliquibus ? Quæ est autem apud Iansenium *magna illa & inusitata gratia*, cujus virtutem Deus prævidet aliquando nos adhibituros , aliquando non ? Non habet quid respondeat , nisi mutando Augustini orationem , & loco ejus quod dicit , prævidere Deum nos *non adhibituros* totas illas & magnas vires , substituendo , nos *non habituros*. Nempè jus habent nouæ Theologiæ architecti , vt si quod cupiunt , apud Augustinum inuenire non possint , inferant. Sed hoc loco possunt conuinci. Nam cùm Augustinus hæc addat , vt ostendat quomodo id quod docet , stet cum eo quod sciunt omnes Catholici , Deum non præcipere impossibilia ; si quod dicit , nos non adhibituros magnas & totas vires , quæ necessariæ sunt ad implenda mandata , idem sit , ac nos non habituros , sit iste sensus ridiculus , Nemo nostrum ignorat Deum non præcipere quod scit esse impossibile nostræ voluntati , sed idem Deus prævidet nos non habituros in omnibus magnas & totas vires voluntatis , quæ necessariae sunt. Dico sensum esse ridiculum ob eam quam inuoluit contradictionem. Quia si prævidet nos in aliquibus non habituros vires necessarias , quomodo in iisdem casibus non præcipit quod scit esse impossibile humanæ voluntati ? An volunt Augustinum , Pelagianis exprobrantibus quòd diceret

Tom. 3. lib
3. de grat.
Sal. c. 13.

Deum præcipere impossibilia, concedere in aliquibus *si*, in aliquibus *non*? Atqui Pelagiani non intelligebant præcipere impossibilia in omnibus, sed in iis tantum, in quibus præcepta violantur. Est autem Augustini sententia planissima, totaque sibi constat, juxta interpretationem hanc; Neminem esse Catholicorum qui non fateatur, Deum non præcipere id quod scit esse impossibile humanæ voluntati, quod nempe ubi vires naturæ non sufficiunt, addat ipse necessarium auxilium ad faciendum quod præcipitur. Sed esse tamen occasiones, in quibus ob speciales difficultates opus sit conatu voluntatis solito majore, posse enim illam modò lentius, modò feruentius diuinæ gratiæ cooperari: ergo Deum prævidentem non semper cooperaturam ut deberet, itaque lapsuram, instituisse remedia delendis, quæ tunc contrahit, peccatis. Hoc autem est difficultatem fateri seruandi mandata, cum ordinariis & quæ nemini desunt auxiliis, sed non impossibilitatem.

Addo juxta eandem Iansenii doctrinam, non fuisse tantum dicendum, Deum prævidisse nos non habituros vires necessarias, sed Deum decreuisse non dare illas. Quo facto fiet iste sensus magis adhuc ridiculus, Deum non præcipere quod scit esse impossibile humanæ voluntati; sed quia decreuit negare id, quo fiat possibile, ideo quod præcipit esse impossibile. Quid autem est, Deus non præcipit quod est nobis impossibile, sed decreuit negare auxilium, quo solo quod præcipit fieri potest possibile? Videat Lector & judicet.

cap. 17.

Iterum confirmatur ex eodem libro, & ex illis verbis, quibus Augustinus interrogantibus, *Cum voluntate humana, gratia adjuuante diuina, sine peccato in hac vita possit homo esse, cur non sit?* Dicit responderi posse facillimè ac veracissimè, quia non *vult*. Quam responsionem dico in doctrina Iansenii, nec facillimam esse nec veracissimam, quin potius esse fallacissimam. Nam cum ratio dubitandi, cur homo non sit sine peccato, in eo fundetur, quod esse possit, tum per suam voluntatem, tum per adjuuantem gratiam; in sententia Iansenii veracissima responsio cur non sit, est ista, quia duorum illorum, quæ supponuntur, voluntas & adjuuans gratia, alterum deest, scilicet adjuuans gratia: voluntas enim non aliter deest, quàm quia

quia deest gratia adjuuans. Quare secundum hanc doctrinam fallacissimè responder Augustinus, cum responder, *quia non vult* : debet enim potius respondere, quia non iuuatur; quandoquidem non ob aliam causam non vult, quàm quia non iuuatur.

Et magis adhuc patescit ejus responsionis iniquitas, ex eo quòd Iansenius dicit, impossibilia esse Dei præcepta *volentibus & conantibus*. In illa enim hypothese, quomodo potest Augustinus respondere hominem ideo non esse sine peccato, quia esse non vult? vult, inquit Iansenius, & conatur. Ergo tota ratio est, non quia non vult, sed quia non iuuatur, quod Augustinus negat.

Quo in loco est etiam reuocandum in memoriam, ab Augustino poni oppositionem inter id quod est, hominem aliquid non posse, & aliquid nolle; neque dici solere quòd nolit, quando non potest: neque quòd non possit, quando non vult, vt constat ex eo quod docet lib. 2. de Actis cum Felice Manichæo, c. 5. Vide id genus multa in lib. de Incoacta libertate, p. 1. c. 2.

Denique hoc ipsum confirmatur ex eo quòd Augustinus promiscuè vtatur voce *difficilis* aut *difficultatis*, dum significat impedimentum quod præstat concupiscentia volenti seruare mandatum, numquam autem nomine impossibilis, aut impossibilitatis. Potest hoc probari ex innumeris locis. In 3. de lib. arbitr. concupiscentiam designat nomine *difficilis*. *Omni peccanti animæ ista pœnalia sunt, ignorantia & DIFFICULTAS. Et deinde. Vt autem de illo primo con-* cap. 18.
jugio & cum ignorantia & cum DIFFICULTATE & cum mor- cap. 20.
talitate nascamur. Et iterum. Nam cum ad ignorantiam *DIFFICULTATEMQUE* peruenerit illa peccatrix, &c. *Iterum.* Non enim mediocria bona sunt quòd anima facultatem habet, vt adjuuante Creatore à *DIFFICULTATE* cruciante, & ab ignorantia carente liberetur. Quod si ita est, non erit nascentibus animis ignorantia & *DIFFICULTAS* supplicium peccati, sed proficiendi admonitio. *Iterum.* Quamquam enim in ignorantia & *DIFFICULTATE* nata sit, non tamen ad permanendum in eo quòd nata est, aliqua necessitate comprimitur. *Iterum.* Subeant necesse est vitæ præsentis laborem, vnde

Ecc

» illa ignorantia & DIFFICVLITAS consequitur. *Iterum.* Venien-
 » tibus ad se animis hanc ignorantiam & DIFFICVLTATEM fa-
 » cit. *Iterum.* Omnis anima intelligit enitendum ad euincen-
 » dam rectè faciendi DIFFICVLTATEM. *Iterum,* Quidquid igno-
 » rantia DIFFICVLTATISQVE sequutum fuerit, culpandam pro-
 » priam voluntatem, si animæ sponte veniant ad corpora, non
 » ipsum creatorem. *Iterum.* Etiam in ipsa ignorantia & DIFFI-
 » CVLTATE liberam petendi, & quærendi, & conandi facul-
 » tatem non abstulit. *Iterum.* Hanc ignorantiam & DIFFICVL-
 » TATEM studiosis & beneuolis euincendam ad coronam gloriæ
 » valere præstaret. *Iterum.* Non ipsam ignorantiam, DIFFICVL-
 » TATEMQVE pro crimine objicere. En vt in vno eodémque
 capite, cum eadem res sæpe nominanda recurreret, quam
 constanter vsus sit Augustinus ad eam exprimendam solo
 nomine difficultatis, duodecies repetito. Eodem etiam vti-
 tur & contra Pelagianos lib. i. de pecc. meritis, dum amif-
 sis jam viribus negat eam esse *facilitatem*, agendi ad recupe-
 randam sanitatem, quæ prius fuerit. In libro de nat. & gratia,
 Christianos debere agere gratias quod aliquid sine difficultate
 fecerint: & vbi difficultatem aliquam sentiunt, fidelissimis & perse-
 uerantissimis precibus & misericordia promptis operibus facilitatem à
 Domino impetrare persistere. Item. Præceptis Dei nos admoneri in
 facilibus, quid agamus, in difficilibus, quid petamus. Et in Psalm. 106.
 vbi distinguit quatuor tentationes; secundam, quam exci-
 rat concupiscentia, perpetuò appellat nomine *difficultatis*. Omit-
 to id genus alia quamplurima.

Quibus positis, cum constet numquam Augustinum dixisse
 Deum præcipere aliquid, quod sit nobis impossibile, sæpe
 autem id formalissimè atque expressissimè negasse: neque
 tantum ex suo sensu, sed ex sensu minimè dubio Catholi-
 corum; jam quæritur quando Augustinus dicit aliquando
 quempiam non potuisse, vel non posse facere quod illi præ-
 cipitur, quomodo sit interpretandum illud *non posse*; an ita vt
 sonet strictam *impossibilitatem* tum faciendi, tum obtinendi
 vires ad faciendum, quam Augustinus tam disertè ac toties
 rejicit: an vt significet tantum *difficultatem*, quam toties expri-
 mit? huiusmodi autem quæstionem proposuisse, soluisse est,
 præsertim cum tot locis aliunde constet, ex Augustino nul-

cap. 4.

cap. 68.

lum esse peccatum proprium, seu propriæ voluntatis, à quo *non sit liberum abstinere*. Itaque inuito quidem Iansenio, sed non inuito Augustino affirmamus, quotiescumque dicit Augustinus quempiam aliquid non posse, & agitur de occasione, in qua vel peccandum sit, vel observandum præceptum, illud *non posse* significare difficultatem, non verò strictam impossibilitatem. Et ita illud *non posse*, S. Petri, de quo multa Iansenius, si referatur ad actum confitendi Christum, nihil aliud significare quàm difficultatem. Id quod etiam per se satis apparet. Quis enim sibi persuadeat, ita fuisse tunc voluntati Petri impossibile, nolle negare Christum, quemadmodum erat impossibile ejus potentix motiux volare? An etiam volunt, consequenter iis qui viui comburuntur, quòd Christum negent, ita esse impossibile non negare, vel è contrario confiteri, quemadmodum est illis impossibile ambulare supra mare, vel facere, ut inter ignes illos illasi maneant, sicuti pueri Babylonici? Hæc quidem consentanea sunt doctrinæ Iansenii, sed sunt alienissima vel à somniis Augustini.

Dixi, *Et agitur de occasione in qua vel peccandum sit, vel servandum præceptum*. Quia Iansenius, ut suprà monui, multa colligit ad probandam præceptorum impossibilitatem, quæ spectant ad totum Christianæ perfectionis negotium, & uni-^{cap. 19.}versum virtutis studium, complectiturque occasiones, in quibus non peccatur, ut Augustinus euidenter significat lib. 2. de peccat. meritis. Vbi de illis, quibus Deus fervoris gratiam subtrahit ad tempus, finitque cum difficultatibus imbecilles luctari, ut suas vires experiantur, sic loquitur. Nec in eo ipso vult nos damnabiles esse, sed humiles, commendans nobis eandem gratiam suam, ne FACILITATEM in omnibus assecuti, nostrum putemus esse, quod ejus est. Vides facilitatem tantum subtrahi, & relinqui quod satis est, ne sint *damnabiles*, qui dicuntur non posse *justitiam implere ex omni parte*, ut paulò antè dixi, quique ideo *tardius sanantur*. Et eodem modo intelligendum est quod suprà notauimus ex sermone secundo in appendice, de iis, quibus Deus differt adiutorium suum.

Exigendum igitur à Iansenianis est, ut quod ex Augusti-

no referunt de defectu virium voluntatis nostræ, ad eas occasiones applicent, in quibus præceptum vrget; & statim apparebit afferri multa ex Augustino, quæ hoc non probant, sed hoc pertinet ad quartam & sextam fallaciam, suprà notatam.

Lib. 1. ad
Bonif. c. 8.

Ad hanc autem, in qua *difficile* pro *impossibili* malè ponitur, referri etiam potest quod dicitur de D. Paulo postquam adoleuit, & cognitionem legis accepit, *fuisse præcepti capacem, sed non efficacem*, ideoque fuisse *præuarcatorem*, quod sine fundamento assertur ad probandam impossibilitatem.

Idem & ad illud in Psalm. 106. de eo, Qui se ligatum inuenit difficultatibus cupiditatum, & non posse viam propter compedes ambulare, inclusum esse difficultate vitiorum, & tanquam muro impossibilitatis erecto, quò euadat vt rectè uiuat, non inuenire. Ex quibus verbis Iansenius satis apertè legere poterat, hîc esse tantum imitationem aliquam & apparentem impossibilitatis speciem, re autem vera tantum difficultatem: ac proinde, si quæ interueniat præcepti transgressio, non tam esse imputandam defectui virtutis, quàm defectui voluntatis.

Idem & ad illud ex tract. 34. in Ioan. *Forè conaris ambulare, & non potes, quia dolent pedes, &c.* Neque enim cuiusque dolent pedes, facultas ambulandi deest, sed facilitas. Similia occurrunt apud Augustinum multa, quæ in hunc modum interpretanda sunt.

FALLACIA DECIMA.

DECIMA Fallacia latissimè patet & comperta iuuat ad soluenda ferè omnia, quæ assert Iansenius ex Augustino, vt probet Deum impossibilia præcipere. In eo verò consistit, quod id quod docet Augustinus, dum contra Pelagianos falsum esse contendit, nos posse implere diuina præcepta eo modo quo expedit ad vitam æternam, per solas vires liberi arbitrii, sic interpretatur, vt non solum dicat nos non posse implere *sine gratia*, sed addat etiam, omnem huiusmodi gra-

iam deesse transgressori, in occasione, in qua vrget seruandi præcepti necessitas.

Nam quòd ita sentiat Iansenius, apertè constat vel ex ipso titulo capitis illius 13. sæpè citati. Vbi thesis proponitur, *Esse Lib. 3. de
grat. Salu.
tom. 5.*
quandam voluntatis infirmitatem, quâ non potest certas tentationes superare: nec adest gratia, quâ superentur, nec spiritus orationis, quo vires impetrentur. Atque hoc deinde copiosius exponit in decursu capitis illius, seque id concludere putat ex allatis à se Augustini testimoniis.

Verùm Augustinus vnum quidem ex duobus vrget, nimirum non posse præcepta seruari, prout conducit ad vitam eternam, *sine Dei gratia*, sed gratiam omnem iis qui labuntur necessariam vt possint non labi, in occasionibus deesse nunquam dicit. Quin imò apertè testatur se de eo nolle cum Pelagianis contendere, dummodo illi agnoscant, id quod se posse putant in hoc genere, non nisi per gratiam posse. Nempe in eo tota erat Augustinum inter & Pelagianos controuersia, circa possibilitatem mandatorum.

Patet hoc ex cap. 67. lib. de nat. & gr. vbi objicienti Pelagio, quod ipse Augustinus scripserat de lib. arbit. *Quæcumque ista causa est voluntatis, si non potest ei resisti, sine peccato ei ceditur. Et, Quis peccat in eo quod caueri nullo modo potest, peccatur autem, caueri igitur potest. Respondit Augustinus.* Agnosco, verba mea sunt, sed etiam ipse digne agnoscere superius cuncta, quæ dicta sunt; De gratia quippe Dei agitur, quæ nobis per mediatorem medicina opitatur, non de impossibilitate iustitiæ. Quid est, *de gratia agitur, non de impossibilitate iustitiæ*, nisi, fatere gratiam esse necessariam, & dic quantum voles peccati fugam & exercitium iustitiæ possibile esse? Et paulò antè objicienti similiter Pelagio Hilarium dicentem, hominem posse esse munda corde; *Quis negat*, inquit Augustinus, *sed gratiâ Dei per Iesum Christum Dominum nostrum, non solâ arbitrii libertate.* Et antea Pelagium arguit, *Quia noluit aliquid dicere de eo, quòd ipsa natura gratiâ Dei per Iesum Christum Dominum nostrum, vel sanatur, quia vitiosa est, vel, quia non sibi sufficit, adiuuatur.* Nec aliud vrget, tum hoc toto libro, tum aliis, quotiescumque controuersia hæc recurrit, quàm vt Pelagius huiusmodi gra-

- tiæ necessitatem admittat, eâ enim admissâ, ne illud quidem disputare vult, quod ipse aliàs fortiter negat, esse aliquem in
- ” hac vita vel fuisse sine vlllo omnino peccato. Vide quid dicat:
- Ibid. 60.* ” Vtrùm in hoc sæculo fuerit, vel sit, vel possit esse aliquis
- ” ita justè viuens, vt nullum habeat omnino peccatum, potest
- ” esse aliqua quaestio inter veros, piósque Christianos. Posse
- ” tamen esse certè post hanc vitam quisquis ambigit, desipit.
- ” Sed ego, nec de vita ista volo contendere. Quamquam enim
- ” mihi non videatur aliter intelligendum quod scriptum est,
- ” Non justificabitur in conspectu tuo omnis viuens, vt tamen
- ” possit ostendi vel hæc testimonia meliùs aliter intelligi pos-
- ” se; NVLLO TAMEN MODO, NISI ADIVVANTE GRATIA SALVA-
- cap. 42.* ” TORIS CHRISTI CRUCIFIXI, ET DONO SPIRITVS EIVS, vel quof-
- ” libet ad plenissimam perfectionem, vel quemquam ad qua-
- ” lemcumque prouectum veræ piæque iustitiæ peruenire, qui
- ” negauerit, nescio vtrùm rectè possit in quantumcunque Chri-
- Idem in lib. de Pers. just. cap. ult.* ” stianorum numero deputari. Idem antea præmiserat cùm dixit. Nam neque illud nimis curo, vtrùm fuerint hîc aliqui, vel
- ” sint, vel esse possint, qui perfectam, cui nihil addendum esset, habuerint, vel habeant, vel habituri sint caritatem Dei. Quoniam
- ” id, quod voluntate hominis ADIVTA PER DEI GRATIAM fieri
- ” posse confiteor & defendo, quando, vel vbi, vel in quo fiat nimium certare nolo. Hoc scilicet vno contentus est Augustinus, vt quod esse, vel esse posse dicitur boni salutaris, non nisi à voluntate, per Dei gratiam adiuta esse posse dicatur. Inde est quòd deinde dexteram Pelagio porrigit ad ineundam pacem; *dummodo possibilitatem non peccandi quantumcumque est in homine*, NON NISI DEO VELIT REPVTARI. Hoc enim si velit Pelagius, jungamus, inquit Augustinus *dexteras*. & iterum: *Rectè quidem disputat Pelagius, dum probat homines posse esse sine peccato, hoc ipso eos confiteri non esse impossibile; quia hoc vel multi, vel omnes volunt, sed hoc VNDE SIT POSSIBILE, FATEATUR, ET PAX EST. Ipsa est enim gratia Dei per Iesum Christum, quâ nimirum iste nos orantes adjuuari vt non peccemus numquam dicere voluit, si hoc quippe diceret, finitum esset bellum, & inita pax. Quòd pertinet etiam illud ex lib. 4. ad Bonif. vbi Pelagianos argumentantes ex verbis illis Isaia, si volueritis & audieritis me, bona terra comedetis, vt pro-*

bent liberum arbitrium, sic redarguit, Quid eis hoc prodest? *Cap. 6.*
 sic enim volunt intelligi quod dictum est, si volueritis & au-
 dieritis me, tanquam in ipsa præcedente voluntate sit con-
 sequentis meritum gratiæ, ac sic gratia jam non sit gratia.
 Si autem sic intelligerent quod dictum est, si volueritis, VT
 ETIAM IPSAM BONAM VOLUNTATEM ILLVM PRÆ-
 PARARE CONFITERENTVR, de quo scriptum est, Præ-
 paratur voluntas à Domino, tanquam Catholici vterentur
 hoc testimonio, & non solum hæresim veterem Manichæo-
 rum (*negantium liberum arbitrium*) vincerent, sed nouam Pe-
 lagianorum contererent. Et addit hoc *sine scrupulo tanquam*
Catholicè dictum accipiendum in eo sensu: nempe vt suppo-
 natur gratia voluntati non deesse. Ex his atque aliis quam-
 plurimis locis constat hoc vnum ab Augustino postulatum à
 Pelagianis, vt quidquid dicebant liberum arbitrium posse,
 quod pertineret ad salubrem præceptorum obseruationem,
 non nisi per Dei gratiam posse faterentur. Hoc enim si se-
 mel confiteantur, & *Catholicos esse*, & *Catholicè, sine scrupulo* de
 libero arbitrio philosophari. De alia verò quæstione, vtrum
 adsit, vel non adsit gratia, urgente præcepto ad vitandum
 peccatum necessaria, nunquam inuenietur Augustinus cum
 Pelagianis contendisse, aut negauisse alterutram adesse, nem-
 pe vel ad'exequendum immediatè quod præcipitur, vel ad
 operandum vt obtineatur: quin potius id semper supposuisse, vt
 nox probabitur.

Interea constat ex jam dictis innumera quæ Iansenius voluere
 soler Augustini testimonia, vt probet nos non posse implere
 præcepta, hoc vno verbo solui, non posse implere *sine gratia*. Non
potest homo, inquit Augustinus, *cum vult esse sine peccato*, sed ad-
 lit ipse, fore vt possit, cum fuerit adhibitâ medicinâ sanatus,
 hoc est *non potest* sine gratia. Sub pœnis peccati originalis
 positi, vel *non possumus quod volumus intelligere, vel quod in-*
tellexerimus volumus, nec possumus implere, sine gratia. Conaris
ambulare, nec potes sine gratia. *Volumus, ô Domine, volumus, &*
non possumus, sine gratia. *Sufficit tibi gratia mea, non sufficit ti-*
bi voluntas tua, sine gratia mea. *Volo vt velis sed non sufficit vt*
velis, sine gratia: & ideo sequitur, adjuuandus es vt plenè
velis. Sunt necessitate facta improbanda, ubi vult homo rectè facere,
verb. Apost.

*De perfect.
 luss. cap. 3.*

Ibid. cap. 4.

*Traç. 33. in
 Ioan.
 Serm. 39. de
 Diu. ad Be-
 nif. l. 1.
 Ser. 3. de
 verb. Apost.*

3. de lib. *& non potest*, sine gratia. *Non habet homo in potestate ut bonus*
arbitr. c. 18. sit, sine gratia. *Est qui cogeniti cupiditati resistere non potest, & ideo*
Retract. 1. facit contra precepta iustitia, resistere non potest sine gratia. *Ho-*
cap. 15. mo quasi quodam muro impossibilitatis inclusus ligatum se sentit, co-
Psalm. 106. natur & non potest sine gratia. Non poterant filii Zebedæi
Psalm. 53. conc. bibere calicem, sine gratia. S. Petrus *plus promittebat*, quàm
3. possit, cum se ad mortem pro Christo paratum diceret, *plus-*
Serm. 106. de diuer. quam possit, sine gratia. *Homo, resistente atque torquente dolore car-*
3. de lib. nalis vinculi, non potest à libidinosis operibus temperare, sine gratia.
arbitr. c. 18. Lib. de Ma- Homines coguntur agnoscere vitia, qua vitare non possunt, sine gra-
gitro cap. 9. tia. Accidere potest ut sentemur supra quàm possumus, sine gra-
Lib. de Ca- tia. Tentationes ad hoc prosunt, ut intelligatur quid possumus, sine
teshes. c. 25. gratia. Homines non cognoscere se laborare, nisi datam legem im-
& alibi. plere non possent, sine gratia. *Ventum est ad necessitatem habendi*
Psalm. 36. & peccatum quam sola hominis voluntas *superare non potest*, sine
alibi. gratia. Quibusdam peccatis Iudeos excauari meruisse; qua tamen
De perfect. excauatione non potuerunt credere sine gratia. His scilicet om-
Instit. cap. 6. nibus & similibus locis, quamquam pleraque alias etiam in-
terpretationes recipiant, vno verbo respondetur, & Augu-
stino satisfir, confitendo liberum arbitrium nihil posse quod
pertineat ad pietatem sine gratia. Sed hoc nihil ad rem. Erat
enim ulterius ostendendum deesse gratiam omnem, ut hoc
defectu supposito, restaret absoluta conclusio, qua dicitur
Deus reipsa præcipere aliquid, quod est nobis impossibile:
nósque etiam reipsa ex transgressione impossibilis hujus præ-
cepti, fieri reos ac damnabiles. Hoc ergo quod non erat con-
trouersum congestis vndique magno labore testimoniis Ian-
senius abundè probauit, quod vnum erat probandum ex Au-
gustini verbis, omisit: negari scilicet à Deo gratiam omnem
urgente præcepto ad non peccandum necessariam.

FALLACIA VNDECIMA.

NOTANDA tamen est, quæ ad illud probandum inter-
 uenit vndecima Fallacia. Nam quia constat iis qui pec-
 cant ex iusta & semper adoranda Dei Prouidentia, deesse
 gratiam efficacem; & quia S. Augustinus etiam docet, Do-
 minum

minum Deum bonum, ideo etiam sanctis suis alicuius operis iustitiam aliquando non tribuere, vel certam scientiam, vel victricem delectationem, ut cognoscant non à seipsis, sed ab illo sibi esse lucem, quā illuminentur tenebræ eorum & suauitatem, qua det fructum suum terra, &c. Iansenius cum vero falsum conjungens ait, nullam esse gratiam actualem apud Augustinum, qua fiat possibile id quod præcipitur, præter efficacem & victricem illam; ac proinde quibus illa deest omnem deesse, fierique mandatum, non aliquod, neque aliquando tantum, sed omne omni transgressori, pro statu in quo est, quando transgreditur, impossibile.

Hoc autem esse falsum & Augustino contrarium constabit ex iis quæ dicuntur ad quatuor alias propositiones, nunc verò probari etiam potest ex iis quæ Iansenius citat, dum probare vult diuinorum mandatorum impossibilitatem. Citat enim id quod dicit Augustinus. *Fortè conaris ambulare & non potes, quia dolent pedes? An iubente auxilia per aspera cucurrerunt?* Hæc refert Iansenius, & quod sequitur omitit; sed Dei verbum sanauit & claudos. Ecce inquis sanos habeo pedes, sed ipsam viam non video. Illuminauit & cecos. Dolorem pedum obtendenti ne ambulet, medicum ostendere, qui certò & infallibiliter sanat quem sanare vult, & est infinitæ ad beneficiendum propensionis; quid est aliud, quàm significare factam illi esse medicinæ copiam, & stare per ipsum, quominus sanetur? Cæcitatem excusanti, dum intueri iubetur, dicere eum adesse, qui cecos querit, ut illuminet; quid est aliud quàm dicere, posse illum recuperare visum, si velit, & imputandum ejus socordix, si cæcus maneat? Vide quomodo Augustinus exprimat huic cæco, huic podagroso fieri sanitatis recuperandæ facultatem, præcedentibus immediatè verbis, quæ Iansenius omisit. Non tibi dicitur labora, quærendo viam ut peruenias ad veritatem & vitam. Non hoc tibi dicitur. Piger surge, via ipsa ad te venit, & te dormientem de somno excitauit, si tamen excitauit, surge & ambula. Tum subdit. Fortè conaris ambulare & non potes, quia dolent pedes. Verbum Dei sanauit & claudos, &c. Hoc verò, nisi veritatem apertam dissimulare volumus, idem est ac dicere, eadem voluntate, qua Dei verbum ad nos venit, ut

esset nobis via, etiam venisse ut dolentes sanaret pedes, quo per eam ambularemus; & cæcos aperiret oculos, ut intuentibus fieret nobis ipse veritas, & deinde vita. Pigros autem alloquitur Augustinus & cæcos, & qui non sinunt se excitari, ut ostendat hanc illis, si acceptare velint, oblatam esse gratiam. Quod si oblata non esset, nonne jocaretur, qui medicum languenti ostenderet, certum negare medicinam? Quid minus faceret, quàm si eundem objurgaret, quod non vteretur pro medicamento recentibus, quæ nusquam sunt? Est igitur ibi oblata gratia, ubi non est effectus.

Probatur 2. ex eo quod refert Iansenius ex Augustino, præceptum admonere nos, ut si facere non possumus quod præcipitur, oremus ut impetremus vires. Hoc enim ostendit tunc orationem esse sub præcepto. Et certè, si vlla vnquam est orandi necessitas, reperitur maximè in iis, qui inter tentationum discrimina periclitantur de salute. Nec contradicit Iansenius, quando dicit, D. Petrum *orare debuisse*. Quod ostendit hujus etiam præcepti, quo jubemur orare, transgressionem ad culpam imputari. Ergo statuamus v. g. hominem, cui præceptum intimatur ut parcat inimico; dicit se non posse. Iubetur orando vires postulare, sed neque hoc facit: ac proinde transgreditur utrumque præceptum, nimirum non vindicandi se de inimico, & orandi. Accusatus quod iram non continuerit, respondet non potui. Statimque illi objicitur, quare non orabas, ut vires impetrares? Procedunt hæc juxta principia S. Augustini approbata à Iansenio. Ego verò jam quæto, vel ille supponitur orare potuisse, vel non; si non supponitur potuisse orare, absurdissima est objurgatio, dum obtendenti impotentiam continendi iracundiam exprobratur quod non orauerit, ad quod constat fuisse pariter impotentem. Siquidem eo ipso quod ad conuincendum illum, qui allegat impotentiam continendi motus iræ, censemus illi objiciendum quod non orauerit; sequitur euidenter, si similem impotentiam orandi allegare possit, quærendum esse aliquid aliud, quod illi opponatur. Quid autem dicemus respondentem se non posse orare? Num dicemus, ut humiliet se & agnoscat Dei judicia & pœnam peccati originalis? Atqui hoc ipsum illi poterat dici, quando primùm respondit se non

potuisse iram continere. Quid opus erat recurrere ad defectum orationis, eodem prorsus modo excusabilem, quo iracundiæ incontinentiam? Illi qui cum aliqua rationis scintilla homines tractant, dum excusantes increpant, non solent opponere nisi ea, in quibus putent excusationem non valere. Atqui hoc fieri nequit in præsentī occasione, eadem enim excusatio ad utrumque valet. Supponendum ergo est potuisse orare. Et tamen non oravit, & non orando, peccavit. Ergo gratiam habuit, sine qua orare non posset, & non habuit efficacem.

Probatur 3. ex eo quod citat Iansenius ex lib. 8. Confessionum S. Augustini, de illa pugna inter spiritum & carnem, ^{cap. 9.} quæ ibi describitur. Nam si volumus conflictum illum ut par est concipere, facere non possumus, quin dicamus tunc Augustinum neque motioni gratiæ omnino paruisse, neque motioni concupiscentiæ. Gratiæ enim, hoc est, Spiritus sanctus intus mouens impellebat ad concludendum, ineundam vitam novam: concupiscentia verò, ad reperendam vitam veterem; Augustinus autem medius stabat; ideoque torquebatur, quia & discerpebatur animus antrorsum, retrorsumque simul tractus. Credibile autem est Spiritum sanctum non mouere interiùs voluntatem ad aliquid, ad quod non dat illi vires: hoc est, non exigere à voluntate motionem suam, & interno impulsu aliquem actum, quem non ponat in ejus potestate, quem mouet. Poterat igitur Augustinus toto tempore interioris illius conflictus aliquid ampliùs facere, quàm faciebat. Nec dubito, quin si quis ab eo peteret, an putaret se tunc plenè satisfecisse motioni gratiæ, & sequutum esse quo usque illa ferebat, negaturus sit. Ergo fuit hæc gratia sufficiens ad effectum, ad quem non fuit efficax.

Quartò idipsum clarissimè probat id quod citat Iansenius ex lib. 3. de lib. arbitr. si conjungatur cum eo, quod omit- ^{cap. 18.} tit. Citat enim quæ dicit Augustinus, Non habere hominem in potestate ut bonus sit, siue non videndo qualis esse debeat, siue videndo & non valendo esse qualem debere esse se videt. Et, Illam esse pœnam justissimam, ut qui rectè facere cùm posset, noluit, amittat posse, cùm velit. Et, Errare inuitum, & resistente atque torquente dolore carnalis vincu-

„ li, non posse à libidinosis operibustemperare. Et, Inuitum
 „ facere contra præcepta justitiæ. Hæc omnia Iansenius sol-
 „ licitè collegit, vt persuaderet Augustinianam esse doctrinam
 „ suam de impossibilitate mandatorum. Sed omisit quæ sequun-
 „ tur. Proponit enim objectionem, quæ statim nascitur ex illo mo-
 „ do loquendi in speciem aspero & malè intellecto. Hic occur-
 „ rit illa quæstio, quam inter se murmurantes homines rodere
 „ consueuerunt, qui quodlibet aliud in peccando, quàm se ac-
 „ cusare parati sunt. Dicunt enim, si Adam & Eua peccau-
 „ runt, quid nos miseri fecimus, vt cum ignorantia cæcitate
 „ & difficultatis cruciatibus nasceremur, & primò erraremus
 „ nescientes, quid nobis esset faciendum, deinde vbi nobis in-
 „ ciperent aperiri præcepta justitiæ, vellemus ea facere, & reni-
 „ tente carnalis concupiscentiæ nescio qua necessitate, non vale-
 „ remus. Hæc est objectio, vide quid respondeat. Quibus breui-
 „ ter respondetur vt quiescant, & aduersus Deum murmurare
 „ desistant. Rectè enim fortasse quererentur, si erroris & libidinis
 „ nullus hominum victor existeret. Quid est hoc, *rectè quererentur*,
 „ si nullus hominum ignorantia & libidinis victor existeret?
 „ Et quare non rectè queruntur modò quando constat tales ali-
 „ quos esse victores? Quid, inquam, est fugienti militi osten-
 „ rare victorem, nisi dicere in alterius exemplo monstrari quid
 „ ipse possit? Hoc omnino vult Augustinus, vt qui vincuntur,
 „ sibi persuadeant, sibi etiam factam esse vincendi facultatem;
 „ ideòque imputandum ignauia, non autem necessitati, quòd
 „ vincantur; alioqui esset absurda comparatio, essetque idem
 „ atque illi quem fames & extrema necessitas mori cogit, di-
 „ cere: rectè quereretur, si nulli vsquam essent saturi. Et quòd
 „ Augustinus quemadmodum dixi, sit intelligendus, ostendunt
 „ manifestè quæ sequuntur immediatè.

Cùm verò vbique sit præsens, qui multis modis per crea-
 „ turam sibi Domino seruientem auersum vocet, doceat crea-
 „ dentem, consoletur sperantem, diligentem exhortetur, co-
 „ nantem adiuuet, exaudiat deprecantem; non tibi ad culpam
 „ imputatur quòd inuitus ignoras, SED QVÒD NEGLIGIS QVÆ-
 „ RERE quod ignoras: neque illud quod vulnerata membra
 „ non colligis; sed quod volentem sanare CONTEMNIS. Allo-
 „ quitur Augustinus diuinorum præceptorum transgressores,

Qui peccandi necessitatem excusant, & quiduis aliud accusare malunt, quàm se. Vide autem quid illis respondeat, & quomodo prætextum illum necessitatis dissoluat propositio-
ne præsentis auxilii, quo fit ut non amplius debeant necessitatem illam causari, sed confiteri socordiam: nec opponere defectum medicinæ, sed dolere de contemptu medici.

Vnde perspicuè liquet, ex Augustino vera esse ista duo, nempe, ad id quod dicit, & quod à Pelagianis extorquere vult, non posse nos observare præcepta, vtiliter ad salutem, sine Dei gratia; ipsum adungere deinde, *sed gratia non deest*: & esse Augustinianam propositionem illam absolutam Concilii Tridentini & adiuvat, ut possis præceptum scilicet implere. Deinde constat verum etiam esse, quòd Augustinus agnoscat gratiam sufficientem, & non efficacem, qualis est hæc, quæ peccatoribus adest, & quæ tamen effectu caret. Nec Iansenius debebat hæc abscondere, vel dissimulare, cum ea proposuit, quæ sunt in præcedenti capite, si candidè & ex officio antiquæ simplicitatis procedebat. Sess. 6. c. 11.

Sed est adhuc magis aperienda mens Augustini. Tam multa enim dicit ad probandam gratiam sufficientem, ut videatur hoc in loco sepulcrum posuisse Iansenismo. Vide quid addat ad illa verba, quæ proximè allata sunt.

Ista tua propria peccata sunt, nempe negligentia querendi quod ignoras, & contemptus illius, qui te sanare vult, in quibus non habes quod accuses Adamum, sed te. Quidni verò? Nulli enim homini ablatum est scire vtiliter querere, quod inutiliter ignorat; & humiliter confitendam esse imbecillitatem, ut querenti & confitenti ille subueniat, qui nec errat dum subuenit, nec laborat. Hocce non est confiteri gratiam sufficientem omnibus datam, vel proximam ad bene viuendum, vel remotam, quæ tamen sufficiat ad acquirendam proximam? Sed pergit, & percurrendo modos omnes propagationis & multiplicationis animorum, quemcumque quisque eligat, gratiam sufficientem semper confirmat. Et primò si *supponantur animæ fieri ex tra-*duce, subdit,

Iam verò ut meliores gigneret Adamus, quàm ipse esset, non erat æquitatis, sed ex conuersione ad Deum ut vin-

„ ceret quisque supplicium quod origo ejus ex auersione me-
 „ ruerat, NON SOLVM VOLENTEM NON PROHIBERI, SED ETIAM
 ADIVVARI OPORTEBAT. Oportuisse vt quisque iuuaretur ad
 vincendam concupiscentiam, est-ne Dei gratiam deesse *volen-*
 „ *tibus & conantibus*, quod dicit Iansenius? Pergit. & ex suppositio-
 „ ne quòd singula in singulis hominibus animæ creentur, *Quam-*
 „ *quam* in ignorantia & difficultate nata sit, NON TAMEN AD PER-
 „ MANENDVM. IN EA IN QVA NATA EST ALIQUA NECESSITATE,
 COMPRIMITVR, præsentia scilicet auxiliorum ad emergendum
 id impediente. Iam si animæ priùs creatæ dicantur à Deo
 mitti ex aliquo secreto ad inspiranda & regenda corpora.
 DEDIT ILLIS DEVS FACVLTATEM BENE OPERANDI IN LABO-
 RIOSIS OFFICIIS, ET VIAM FIDEI IN OBLIVIONIS CÆCITATE.
Indicium illud vel maximè, quòd anima omnis & querendū esse
concedit quod inutiliter nescit, & perseveranter in officiosis laboribus
enitendum ad euincendam rectè faciendi difficultatem, & opem à Crea-
tore implorandam, vt conantem adjuuet, qui vel extrinsecus lege,
 VEL IN INTIMIS CORDIS ALLOCVTIONE CONANDVM ESSE
 PRÆCEPIT. En iterum Deum adjuuantem ad ea præstanda
 quæ præcipit. *Quisquis autem hoc istius vite captus amore NE-*
 GLEXERIT, *nullo pacto justè flagitium desertionis suæ Regis im-*
perio deputabit. Quare autem non deputabit hoc Deo? Quia
 nimirum *negligentia* est non impotentia, accepta enim erat
 bene operandi facultas. Et vt addit paulò post, *libera voluntas*
petendi, querendi, conandi non est ablata. Et ideo *desertio* est, non
 qua deseratur animus à Deo, sed qua Deum adjuuantem
 ipse deserat. Denique si animæ priùs creatæ sponte sua ve-
 nire dicantur ad informanda corpora; ne sic quidem excu-
 sare possent difficultatem bene agendi & ignorantiam, quia
 & ipsa ex illa hypothesi statum hunc eligunt, itaque sibi
 voluntaria faciunt hæc impedimenta; & quia semper stat
 quod dixit, Deum non auferre liberam voluntatem petendi, *que-*
rendi, pulsandi.

Hæc iterum confirmat postea; cùm ait, NON NEGATAM
 negligentibus animis IN STVDIIS OPTIMIS ET PIETATE PRO-
 FICIENDI FACVLTATEM. Item, *Quod ergo ignorat quid sibi agen-*
dum sit, ex eo est quod non accepit: sed hoc quoque accipiet, si hoc
quod accepit bene vsa fuerit, ACCEPIT AVTEM ET VT PIE DI-

LIGENTER QUÆRAT SI VOLET, &c. En tibi apertissimam illius gratiæ remotæ descriptionem, quæ sufficit ad acquirendam proximam. Nempe quòd ipsa quoque proxima sit, ad tollenda impedimenta, vel ponenda media vltioris & vltimo-proximæ.

Neque intelligere possum quid habeant Ianseniani quod respondeant, nisi fortè Augustinum in illo cap. 18. quod citatur à Iansenio, Catholicum fuisse & Antipelagianum, sed in transitu à 18. ad 19. & sequentia sententiam mutasse, factumque Pelagianum. Quibus responderi posset id quod Augustinus ipse respondet Manichæis, partem scripturæ, quæ illis fauet acceptantibus, partem quæ nocet, rejicientibus: *Tues ergo regula veritatis*, non Augustinus, quem te sequi simulas.

Ad tollendam autem omnem difficultatem & occupandas omnes euadendi vias, addenda sunt ista duo. Primum à Iansenio jam esse pronunciatum quidquid Augustinus scripserat in prioribus opusculis, quæ dum ea recognosceret non retractauit, censendum approbasse. Atqui hæc quæ retulimus, non retractauit. Approbavit igitur.

Secundum non esse interpretatiuam hanc approbationem, Cap. 67. de
nat. & grat. sed expressissimam. Nam cum Pelagius objecisset non videri quæ dixerat in illo 3. lib. de libero arbit. conuenire cum iis quæ postremis temporibus contra ipsum docebat Augustinus; in primis edicit, si velit Pelagius amplecti doctrinam inibi traditam, nullam fore inter ipsos controuersiam. Augustini verba sunt: Sed ut non tam illi, (Pelagio,) verum etiam iis qui eosdem libros meos, quos iste legit de libero arbit. non legerunt, atque illis non lectis hunc forsitan legunt, de hac re sententia mea satis appareat; ex ipsis libris commemorare me oportet, QVOD ISTE SI SENTIRET, ATQVE IN SVIS LITERIS PONERET, NULLA INTER NOS DE HAC RE CONTROVERSA REMANERET. Deo sint laudes: Quæ sunt igitur quæ veram sancti Augustini mentem jam contra Pelagium disputantis continent, quibûsque admissis perempta lis est, & tota cum Pelagianis composita controuersia? Quod felix faustumque fiet, Augustinus suam decisionem explicat; & primum affert ea, quæ Iansenius accipit

de quibusdam, quæ quamuis sint necessitate facta, improbanda sunt; deinde etiam affert ea quæ Iansenius relinquit, & ex quibus constat voluntariam esse illam necessitatem, eo quod aliqui eam vincant: quod ut alij pariter facere possint, Deum ubique præsentem esse, qui vocet, qui doceat, qui consoletur, qui adhortetur, qui adjuuet, qui exaudiat, ac proinde necessitatem peccandi non imputari; sed negligentiam vtendi occurrentibus mediis & oblata facultate ac voluntate medici sanare cupientis; quibus in hunc modum expositis subijcit Augustinus. *Ita & exhortatus sum, & GRATIAM DEI NON EVACUAVI, SINE QUÆ NATURA HUMANA IAM CONTENEBRATA ET VITIATA ILLUMINARI NON POTEST ET SANARI: De qua re cum istis tota vertitur questio.* Est igitur Augustini definitio, non euacuari Dei gratiam, quando dicitur ita hominibus adesse, ut per eos qui vincuntur à concupiscentia ster, quominus ejus fructum percipiant, & hac una ratione satisfacit tum Pelagianis, negantibus esse locum exhortationi, si est peccandi necessitas, & impotentia resurgendi: tum Catholicis, negantibus esse locum gratiæ, si surgendi facultas & perseverandi certitudo in natura ipsa fundetur. Augustinus utrumque conjunxit, & exhortatus est & gratiam Dei non euacuavit. Itaque totam cum Pelagianis *questionem* dissolvit. Quis autem non jure miretur, Iansenium totum hoc mysterium celavisse; & cum librum de nat. & gratia sæpè citaret in cap. illo 13. lib. 3. de Grat. Salu. ut probaret Dei præcepta nobis esse impossibilia, hæc quibus Augustinus sub finem ostendit, quomodo essent intelligenda cætera, vel legere noluisse, vel subtraxisse, ne alij legerent. Hoc non est querere veritatem, sed timere. Et ut hoc magis pateat, addendum quod est in libro de gr. & lib. arb. cap. 4. *Homo gratia juvatur, ne sine causa voluntati eius jubeatur.* An jubet sine causa Deus, ut præcepta seruent qui non seruant? Iuvat igitur. Item illud ex cap. 15. *Quare jubet si ipse datorum est? Quare datur si homo facturus est? nisi quia dat quod jubet & adjunat cui jubet.*

Tom. 3. de
grat. Salu.
cap. 14.

Atque hinc liquet quàm sit verum quod ait Iansenius. Quandocumque Augustinus istius querimonix, qua de malè viuen-

PRIMA PROPOSITIO.

419

viuentibus conqueritur Deus, æquitatem nititur afferere; & ^{Tom. 3. de} excusationem istam delinquentium retundere, quod frequen- ^{87. Salu. 14.} ter facit, NUMQVAM ILLI IN MENTEM VENISSE, VT ISTO TAM EXPEDITO ET FACILI ET PEREMPTORIO SCHOLÆ RECENTIORIS REMEDIO, HOC EST GRATIÆ SUFFICIENTE CUNCTAS QUERELAS EORVM SUFFOCARET. Sed semper ad duas negatæ gratiæ causas recurrere, nempe ad illam ipsam gratiam Dei, quæ quia gratis omnino datur, sine iniquitate subtrahitur, & ad culpam eorum, siue originalem siue propriam, quâ iustissimam Dei severitatem, hoc est subtractionem gratuitæ gratiæ, quâ bene viuerent, prouocarunt. Hæc ille, quibus contendit Augustino numquam venisse in mentem id, quod tam fusè, tam perspicuè, tamque disertè in citato lib. de libero arbitrio expressit. Quod in lib. de Natura & Gratia repetiit & approbanit; & quo vno censuit totam cum Pelagiani controuersiam perimere. Qui sunt enim illi, quos ibi retundit, & quorum querelas suffocat? Nonne illi sunt, qui *murmurabant aduersus Deum*, & *queriebantur de necessitate peccandi*, ex Adamo deriuata? Et quomodo suffocat querelas ipsas, nisi docendo non esse illis subtractam gratiam, qua vincere possint difficultates ejusmodi, sed ipsorum vitio factum, vt effectum caruerit? Et hoc non est recurrere ad gratiam sufficientem? Possem addere illam quoque responsionem Augustini, ad eos qui queruntur quod non acceperint perseuerantiam, quibus dicit responderi posse *in eo quod audieras & tenueras, in eo perseuerares si velles.*

Ex quibus intelligitur Iansenium non repræsentare fideliter querelam illam, cui tum Apostolus ad Romanos, tum Augustinus sæpe respondent, quando dicunt, *ô homo tu quis es qui respondens Deo?* Non enim fundatur illa querela in sola subtractione gratiæ, sed in ejus distributione inæquali, qua fiat, vt cum par sit omnino causa duorum; hunc faciat vas in honorem, sua prædestinatione, illum sinat esse vas contumeliæ, cum posset æquare illos, vel inuersâ dispositione, inæquales reddere: quod ex duobus justificatis huic viuendi tempus præcidat, antequam cadat, illum sinat viuere, peccare & damnari: quod cum non desint auxilia, quæ dari poterant illi, qui tentatione vincitur, ad victoriam infallibilia,

minus adjuuet : quòd duorum infantium vni de Baptismo efficaciter prouideat , non alteri. Et hoc est quod dicunt , si Deus vult ostendere in illo suam misericordiam , & in me suam iustitiam , *voluntati ejus quis resistit?* His & similibus querelis constanter respondent Apostolus & Augustinus , *ô homo tu quis es, qui respondeas Deo?* non verò vnquam ad præcisam querelam de impossibilitate seruandi aliquod mandatum. Sed Iansenius more suo vtriusque sensum interuertit , & Apostoli & Augustini.


FALLACIA DVODECIMA.

VLTIMA & duodecima Fallacia notanda est circa singularem citationem ejus, quod est in Epistola ad Bonifacium Comitem. *Serua saltem pudicitiam conjugalem , & roga Deum ut quod non potes modo , possis aliquando.* Truncat Iansenius verba immediatè præcedentia , *sed si cum illa* , hoc est cum vxore , *agere non potes , serua saltem pudicitiam conjugalem , &c.* Nimirum hæc erat hujus Comitis causa , in qua suum ad illum Augustinus consilium scripsit. Bonifacius olim amissa priore vxore , tadio rerum præsentium , vt fieri solet , statuerat mundo nuntium dicere , vitamque inire religiosam , sed instinctu illo , vt etiam fieri solet , sensim frigescente , mitigatòque vxoris amissæ dolore , de alia quærenda cogitare cœpit. Inuenit illam & duxit , seque totum iterum immergit hujus vitæ negotiis. Augustinus captatâ occasione reuocare illum conatur ad Deum , atque ad ipsam religiosæ vitæ professionem , si tamen vxor ipsius consentire velit. Quòd si non potest agere cum illâ , vt ejusmodi consensum obtineat , monet vt interea *seruet pudicitiam conjugalem , & Deum roget ut quod non potest modo , impetratâ coniugis veniâ , possit aliquando* , illa scilicet voluntatem mutante , vel Deo res aliter disponente. Hic est planissimus Augustini sensus. Iansenius qui vndeque colligebat Augustini testimonia , vt probaret impossibilia nobis esse Dei præcepta : & ad hoc referebat id omne , in quo ille dicit *hominem aliquid non posse* ; quod hic di-

xerat de impedimento vxoris, nolentis consentire in separationem mariti, truncatâ sententiâ refert ad impossibilitatem seruandi præcepti de pudicitia conjugali. Et non animaduertit quàm mollis & effeminati consilii Augustinum auctorem faciat; dum suadet Bonifacio, vt Deum roget, vt si modò non potest seruare pudicitiam conjugalem, aliquando possit. Quid enim est, vt aliquando possit? Et quare non roget vt modò possit? cùm urgente periculo à Deo vires petimus, num consentimus vt postulata differat? Petimus scilicet vt modò quidem sinat nos peccare, sed iuuat deinde in futuris periculis? Et vult Iansenius vt Bonifacio persuaserit Augustinus puerilem illam orationis formam, quam ipse damnat, & quam inter peccata sua confitetur, cùm olim in exordio adolescentiæ precando Deo diceret, *Da mihi castitatem & continentiam, sed noli modò?* Ianseniani Belgæ, qui iactant se Romæ pacisci voluisse, si posset vnicus locus ostendi in toto Iansenio, vbi ille à mente Augustini aberrasset, se propriis manibus ejus Augustinum in acie Campi Floræ flammis daturus, videant tum ex hoc vltimo jam notato, tum ex omnibus aliis quæ sunt notata superiùs, an sit tempus implendi promissa.

Lib. 8. Conf.
cap. 7.

Atque hoc quod in hac prima propositione factum est, fieri similiter poterat in quatuor sequentibus, atque in cæteris controuersis Theologiæ Iansenianæ. Sed faciliè poterit Lector ex dictis intelligere, quid sit sentiendum in aliis, & quam fidem mereantur qui putant ipsissimam Augustini mentem à Iansenio & distinctè comprehensam esse, & fideliter explanatam.





SECUNDA PROPOSITIO.

Interiori gratiæ numquam resistitur in statu naturæ lapsæ.

Quid sentiat Iansenius.

Tom 3. l. 2.
de gr. Sal. c.
14.



ANSENIUS aliquid ampliùs dicit, quia non solum dicit numquam resisti internæ gratiæ, sed nec resisti posse: atque hoc se colligere putat ex Augustino: *Quamobrem sexto, inquit, gratiam Dei victricem statuit supra voluntatis arbitrium, ut non raro dicat hominem operanti Deo per gratiam, NON POSSE RESISTERE.* Et quia statim occurrebat responsio, id Augustinum dixisse non de omni gratiâ, sed de gratiâ electorum, & quæ dicitur secundum propositum; Iansenius id tanquam vniuersaliter dictum de omni gratia per Christum interpretatur, ut constat ex iis, quæ subjicit, cum dicit; Ex quibus, jam non est difficile perspicere, quàm procul ab Augustini doctrina & sensibus aberrauerint, qui nobis talem gratiam procuderunt, quæ semper explorat, expectâtque voluntatem hominis, ne si fortè præuaricator fuerit, cassâ & inanis gratia, & effectus diuinæ misericordiæ irritus humanâ potestate reddatur; nempe ut sit quædam potentialis gratia, cum qua homo credat, conuertatur, operetur SI VELIT, SIN AVTEM NOLIT, nullus sequatur voluntatis aut operationis effectus, quales de gratia medicinali cogitationes, QVIBVS EFFECTVS AB EA. PONENDVS DICATVR SI VELIMVS, jam olim conuellit Augustinus. Et cum deinde iterum objectum esset, ea quæ retulit ex Augustino intelligenda de gratia efficaci, præter quam agnoscenda esset alia: Respondeo, inquit, nihil verius dici posse, quàm quòd om-

nia quæ hætenus protulimus, de gratia efficaci Augustinus dixerit atque intellexerit. Cujus rei causa est, quòd NULLAM AGNOUIT ALIAM ACTVALEM CHRISTI GRATIAM, NEC AGNOSCERE POTVERIT, nisi regulas omnes fundamentales, quibus innixus naturam gratiæ medicinalis tradidit & explicuit, vellet interimere. Itaque Augustinus nullam agnoscere potuit Christi gratiam nisi efficacem, hoc est illam cui voluntas humana non potest resistere. Et iterum ubi agit de gratia congrua, concludit. Si nomen congrui vel incongrui adhibendum esset ad significandam internam gratiam, OMNEM FORE CONGRUAM, quòd omnis omnino efficiat ut voluntas siue tenuiter siue fortiter velit, prout nimirum efficax ipsa est: esse enim aliquam, quæ non habeat virtutem, nisi ad excitandos affectus inefficaces, seu velleitates; aliam quæ absolutè conuertit voluntatem, vtramque autem habere semper suum effectum adequatum, atque ita numquam illi resisti, quia numquam resistitur ei, cujus adæquatus effectus non impeditur. Cap. 25. ejusdem libri, Augustinum dicit *predicasse* SOLAM GRATIAM, quæ dat simul effectum suum, & Semi-pelagianos licèt admitterent gratiam quæ *adjuuaret intus hominem ad credendum si vellet, non potuisse tamen hæresis notam effugere*. Item *medicinalem Christi gratiam* SEMPER EFFECTVM SVVM INFERRE VOLVNTATI. Et cap. 27. Quamobrem quicumque animaduertit omnia, quæ de adiutorio gratiæ medicinalis ex Augustino diximus, de gratia quadam potentissima, quam efficacem recentiores suo sensu vocant, esse intelligenda; consequenter hoc etiam animaduertere debet, NON ALIAM CHRISTI GRATIAM MEDICINALEM IN SCRIPTIS EIVS REPERIRI. Item: Si gratia non auferat duritiam cordis, hoc est, si non faciat de nolente volentem, non esse gratiam, quam quærimus, hoc est non esse Christi gratiam. Item, *veram Christi gratiam* SEMPER AGERE ET PERAGERE EFFECTVM SVVM, ET QVÆ HOC NON FACIT AB AVGVSTINO RELEGARI AD LEGEM ATQVE DOCTRINAM.

Adde quæ docet toto ferè lib. 3. contra gratiam sufficientem, quam vult esse *monstrum in Theologia*, & pertinere ad errorem Pelagianorum. Sufficere possunt vel solæ capitum

inſcriptiones, & libri ſecundi de gratia Saluatoris cap. 27.
pag. 82.

Quid ſentiant Hæretici.

EANDEM doctrinam amplectitur Calvinus, dum dicit in antidoto Concilii Tridentini, capite ſexto ſeſſ. 6. motum Spiritus ſancti ſic eſſe *efficacem, ut fidem ſemper gignat; & 2. Inſt. cap. tertio, numero 5. agnoſcit perpetuum effectum gratiæ.*

Idem Petrus Molinæus Calviniſta rigidiffimus in *Anatome Arminianiſmi* cap. 36. dum agit de interna gratia. Quamvis enim agnoſcat aliquos eſſe, qui internæ ſuggeſtioni Spiritus ſancti reluſtantur, & gratiam cum indignatione expuunt, negat tamen hæc dona quæ reſpuunt eſſe *dona regenerationis, aut Spiritum adoptionis.* Itaque ſupponit veram Chriſti Redemptoris gratiam, eſſe ſemper efficacem, &, quod idem eſt, numquam illi reſiſti: & ideo deinde cap. 45. num. 3. ait, *Auguſtinum uſum vocibus, quæ non minus habent virtutem ad deſignandum vim gratiæ, quàm vox IRRESISTIBILIS, quàm Ieſuſta, inquit, nondum procuderant.*

Adde quæ nuper ſcripſit Samuel Mareſius in ſuis ad Catechiſmum Ianſenianum additionibus, ubi pag. 25. ex ejuſdem Catechiſmi doctrina inferit, Sic corruiſt INEPTA ET IMPORTUNA Ieſuitarum, & aliorum gratiæ DISTINCTIO IN SUFFICIENTEM ET EFFICACEM, circa quam hærent mille difficultatibus impliciti: & mox: Nec gratia Chriſti dici debebit, niſi victrix & liberatrix fuerit. Et antea pag. 1. Synodum Dodracenam meritò annumerare erroribus ex Eccleſia rejiciendis ſententiam de conuerſione per *talem dumtaxat gratiæ operationem, cui homo & reſiſtere poſſit & actu ſæpe reſiſtat: Eſſe enim INSVPERABILEM ET SVO SENſu IRRESISTIBILEM hanc gratiæ operationem.*

Quid ſentiat Eccleſia.

EST tamen verum quod & Calvinus ſupponit, ſe in eo Tridentiniſ Patribus aduerſari, & Molinæus Pontificiis Doctõribus. Quamvis enim illa ſententia per ſe ac ſeorſim

non videretur esse damnata, quia tamen inseparabilem habet connexionem cum damnatis, in eandem & ipsa damnationem venit.

Et primò quidem pertinet ad superiorem propositionem, quam probatum est jam esse damnatam in Concilio Tridentino. Cum enim constet inter omnes, justificatos saepe peccare, omittendo necessarium exercitium virtutum supernaturalium, Fidei, Spei, & Caritatis, vel consentiendo tentationibus contra easdem virtutes insurgentibus; interrogo, vel possunt exercere virtutes illas, quas culpabiliter omittunt, vel non; si non possunt, obligantur ad impossibile, quod Tridentinum damnauit: si possunt, ergo habent internum auxilium, sine quo non possent; & consequenter manet illud auxilium sine effectu, quod est illi resisti. Similiter dum consentiunt tentationibus contra easdem virtutes; vel habent præsidia necessaria ad illas vincendas, vel non; si non habent, ergo tenentur ad impossibile; si habent, ergo tunc interna gratia caret effectu, eique resistitur, quia sine interna gratia non sunt præsidia sufficientia & necessaria ad vincendas tentationes, præsertim graues.

Præterea plus nimio certum est, justificatos omnes non facere id ad quod ideo obligantur, *quia per Christum id possunt*, vt Concilium loquitur sess. 6. cap. 11. hoc est, *non ambulare in via iustitiæ, nec proficere sobriè, piè, & justè viuentes*. Et pariter certum est non posse illud per Christum, nisi ratione actualis & internæ gratiæ. Ergo iterum supponit Concilium re ipsa sapè resisti internæ gratiæ, frustrando illam effectu suo.

Deinde cum Concilium ibidem dicat, propterea justificatos posse per Christum proficere, *quia Deus non deserit, nisi prius deseratur*, significat Deum non deserere subtrahendo gratiam, quæ necessaria est ad illud, *posse per Christum*: sed illa gratia est interna & actualis; ergo Deus illam non subtrahit: & tamen justificati plerique illa non vtuntur, & cadunt. Igitur illi resistunt.

Tandem quod Concil. eadem sess. cap. 13. dum agitur de perseuerantia, dicit: *debere justificatos collocare firmissimam spem in Dei auxilio*, pertinet ad omnes, etiam ad eos qui cadunt. Impossibile autem est, vt concipiatur firma spes in aliqua re,

nisi ex persuasione æquè firma, quòd illa res non deest; ergo jubentur etiam illi, qui cadunt, sibi firmissimè persuadere non defuturum diuinum auxilium, & timere tantum ne desit ipsorum cooperatio: nec tamen jubentur persuadere sibi rem falsam; ergo re vera non deest illud auxilium, & tamen defectu cooperationis cadunt plerique; igitur illi & habent diuinum auxilium, quo stare possent, & tamen cadunt, itaque diuino auxilio resistunt, quod internum esse debet; nam in solo externo nemo potest firmam ponere spem. Eadem ratione, quiuis facillè monstrare poterit hanc eandem secundam propositionem esse connexam cum sequentibus, sine dubio damnatis.

Secundò. Idem est in statu naturæ lapsæ, numquam resisti interiori gratiæ, & nullam esse gratiam sufficientem, ut dictum est, annuente etiam Iansenio: negare autem gratiam sufficientem, ipsi Thomistæ, quorum maximè intererat, errori contra fidem attribuunt. Didacus Aluarez, qui dedit initium disputationibus de Auxiliis, coram Clemente VIII. disp. 71. probat admittendam esse gratiam sufficientem, distinctam ab efficaci *ex Scriptura, Conciliis, Patribus, Doctoribus, Scholasticis*, præsertim D. Thom. *nec ullum Catholicum ea de re dubitare*. Idem disp. 76. num. 3. *conuenire omnes Catholicos* quòd gratia excitans exterior non sit eadem cum gratia sufficiente: sufficientem enim tribuere sufficientes vires libero arbitrio; quod non facit gratia excitans exterior: interior igitur debet esse illa gratia sufficiens, ex omnibus Catholicis, & tamen effectui caret. Petrus de Ledesma in tractatu de Auxiliis ar. 16. qu. vnica, dicit esse doctrinam *omnium discipulorum B. Thomæ*. & art. 13. diuisionem diuini auxilii in efficacem & sufficientem esse *tenendam secundum fidem*. Ioannes à S. Thoma disp. 20. in primam part. pag. 693. editionis 1. inter errores quibus doctrina Caluini distinguitur à doctrina Thomistarum ponit hunc, quòd *Caluinus negauerit gratiam sufficientem*; & hoc ait dixisse Patrem Lemos coram Summo Pontifice in disp. de Auxiliis. Igitur errori attribuendum quòd quis sentiat, nullam esse interiorem gratiam, cui voluntas resistat.

Tertiò. Eadem propositio videtur habere manifestam cum
sacris

sacris Scripturis oppositionem : sequitur enim inde *neminem esse qui resistat Spiritui sancto dum peccat*, vel dum non sequitur inspirationem : *neminem esse, qui spiritum extinguat* : *neminem lumini rebellem* : *neminem surdum ad Dei vocem* ; *neminem, qui cor suum obduret* ; *neminem, qui vocatus renuat, &c.* Nam si is qui peccat vel nullam habet inspirationem ad non peccandum ; vel si quam habet, non impedit quominus illa totum effectum habeat cujus est capax, quomodo dici potest resistere Spiritui sancto , vel contumeliam facere Spiritui gratiæ , vel Spiritum extinguere, qui in eo non est accensus , aut si est , tandiu luxit, quamdiu aptus fuit ? Quomodo dicitur rebellis lumini , quem nullus radius attingit, hoc est nulla interior illustratio ? Quomodo surdus ad quem non pervenit sonus ? Est enim hic defectus interiorum aurium ; quarum objectum est sonus pariter interior & insensibilis. Ob eandem causam quomodo poterit cuiquam exprobrari illud ; *vocani & renuisti* , si qui vocat, voce utitur tam tenui , ut non perveniat ad auditum interiorem , quo solo excitari potest is qui vocatur ? Obdurare autem cor ille tantum dici potest, qui tangenti & impellenti non cedit : nec ullam ejus impressionem admittit ; quod si nullus sit interior tactus, quæ potest esse obdurato ? Homo, inquires , se impedit ne gratias illas recipiat : sed contrà ; nam si se impedit, peccato aliquo se impedit, & ante illud peccatum non erat impedimentum, & tamen subtractæ erant eadem gratiæ ; ergo non est cur dicatur per illud peccatum se impedire. Impeditur, inquit, peccato originali : sed contrà, resistere enim, renuere , obdurare sic exprobrantur, tanquam peccata personalia , & *propria voluntatis*. Etiam surditas , obduratio, & cæcitas dici non potest , si non fuit præsentia vocis , tactus, & lucis. Iam illa olim exprobratio, *quid posui facere vinea mea & non feci*, quid habebit rationis & æquitatis ? Nonne erit in promptu cuilibet legitima responsio, poteris dare internum auxilium, sine quo sciebas me nullum fructum afferre posse. Et illa alia, *Va tibi Capharnaum , va tibi Corosaim* , erit-ne vera ? Si Capharnaïtæ & Corosaimitæ nullum habuerunt internum auxilium, erit-ne verum, ea quæ illis collata sunt beneficia effectum fuisse habitura in Tyriis & Sidoniis ? An erant con-

uertendi Tyrri & Sidonii sine vlllo auxilio interno? Illud igitur habuerunt Capharnaïtæ & Corosainitæ, & tamen sine effectu, ergo illi restiterunt. Et illud Christi, *quoties volui congregare filios meos sub alas & nolueris*, quid, quæso, significabit? Quid fecit Christus vt congregaret? Misit, inquis, Prophetas. Sed Prophetarum vox valet-ne aliquid nisi animeretur diuino Spiritu, quo penetrare possit vsque ad aures cordis? Et potest-ne dici peccator noluisse congregari sub alas Dei vocantis & inuitantis, si nulla facta fuerit humanæ voluntati, cui hoc exprobratur, intimatio diuinæ voluntatis, & interior monitio à quâ solâ moueri potest? Quod si facta est aliqua, nonne igitur fuit sine effectu? Tandem quid sibi voluit D. Paulus, cùm diceret ad eos, qui erant duro & impœnitenti corde, Rom. 20. *An diuitias bonitatis ejus & patientiæ, & longanimitatis contempsit, ignorans quoniam benignitas Dei AD POENITENTIAM TE ADDUCIT?* Quis contemnere potest diuinæ bonitatis diuitias, nisi oblatas? Vllum-ne impœnitentes illi, juxta sententiam Iansenii auxilium acceperunt, quo non sint bene vsi? Quomodo igitur adduxit eos Deus ad pœnitentiam? Quid contulit vt progredi possent? An veram habuit de illis iuuandis cogitationem? An non habuit potiùs absolutam non iuuandi voluntatem? Qui sunt igitur, & vbi sunt illius benignitatis effectus? Nonne hinc liquet, animis Iansenismo occupatis, nonnisi illusoriam esse posse Apostoli hanc objurgationem? Et in ea doctrina nonne similis est Deus illi, qui promittit auditum surdo dummodo audiat alloquentem medicum, & visum cæco, dummodo aspiciat sanare volentem? Aptissimè igitur nouem illi Doctores Sorbonici, quibus hæ quinque propositiones traditæ fuerant examinandæ, huic secundæ sic subscripserunt, *hæc propositio est contraria sacris scripturis.*

Quid respondeant Ianseniani.

IANSENIANI sic respondent, vt videantur velle distinguere duplicem gratiam, internam alteram, cui resistatur, alteram, cui non resistatur. Esse nimirum aliquam, quæ est superior cupiditate, aliquam quæ est inferior; inferiorem

gignere desiderium tantum inefficax, nec natam esse peragere aliud, nec ad alium effectum à Deo dari saltem immediate, superiorem gignere desiderium perpetuo efficax, in quem finem etiam à Deo datur, quippe quæ apta est ad producendum talem effectum. Ergo dici posse inferiori illi resisti, quatenus non sequitur ultimus & remotus effectus. Huic distinctioni sic expositæ Commentator quidam anonymus istarum quinque propositionum subjicit, hinc certò conficimus positionem hanc, interiori gratiæ in statu naturæ lapsæ numquam resistitur, si subaudieris quoad effectum, vel actum, ob quem datur directè, & proximè, veram, Catholicam, sanctissimam esse: nec nisi cum maximo Augustini, vetustatisque totius dispendio atque contemptu in dubium reuocari posse. Quam collectionem dico esse absurdissimam: nec aliud continere quàm firmissimam assertionem propositionis *ut vere, ut catholica, ut sanctissima*, in eo sensu, in quo illa damnable est.

Quid enim est quod dicit, si subaudieris quoad effectum, ob quem datur directè & proximè? potest-ne aliud subaudiri, dum dicitur gratiæ resisti, quàm quod impediatur effectus, ob quem datur? Ergo si subaudieris effectum, ob quem gratia non datur, quem Deus non intendit, & cujus ea non est capax, dicere poteris illi resisti, quatenus effectus ille non sequitur; fecit gratia quidquid apta nata erat facere, fecit quidquid intendebat Deus per illam fieri, & si subaudieris, aliquid aliud, quod non fecit, & quod Deus non intendit, ut faceret, dicere poteris illi restitum esse? Quis sensus adeò insulsos subaudire possit, dum rationabiliter loquitur? Est seruus, cui redimendo talentum omnino necessarium est, ego illum redimere non intendo, sed do illi tantum tres quadringos in subsidium; accusabo illum, quod restiterit suæ redemptioni? Incendendæ stupæ necessarium est calidum ut octo, admoueo calidum ut duo, dicam restitisse stupam, atque impediuisse ne inflammaretur? Nimirum ab hoc agente inflammari poterat, si non restitisset? Moribundo propino potum aquæ frigidæ, quo ille sanari non potest, nec ego etiam intendo ut sanetur, resistentiæ illius tribuam. quòd non conualuerit, adiuvus medicamento tam efficaci? Erit etiam

exprobrandum mortuo, quòd non reuiuifcat, adhibito cata-
plasmate, quod fortè profuiſſet uiuo? Et non pudet docto-
res iſtos in conuentu hominum ſapientum, atque in ipſo Ec-
cleſiæ conſpectu ad cogitationes adedò abſurdas trahere, quæ
Scriptura ſacra, quæ Concilia, quæ S. S. Patrum conſenſus
tradit? Scilicet nihil aliud intendebat S. Stephanus, cùm
dixit, Vos ſemper Spiritui ſancto reſiſtitis, quàm ſemper vos
impediſtiſtis effectum gratiæ, quem illa non poterat produ-
cere, & quem Deus nolebat vt produceret? Nihil aliud
Concilium Tridentinum, cùm ſignificauit iuſtificatis qui ten-
tationibus ſuccumbunt, non deeſſe gratiam, quâ perſeuerent,
ſed ipſos gratiæ deeſſe? Quomodo deſunt illi gratiæ, ſi illa
habet totum effectum, quem habere poteſt & quem vult
Deus vt habeat? Et hoc tantùm cogitant S. S. Patres dum
inuehuntur in illos, qui diuinis inſpirationibus reſiſtunt? Quis
reſiſtit inſpirationibus, quæ habent totum ſuum effectum, ſeu
vt dicit Ianſenius *effectum adæquatum*, & præter quem Deus
nihil aliud intendebat?

Nam quod dicunt de effectû, ob quem datur directè &
proximè, quaſi eſſet alius effectus, ob quem datur indirectè
& remotè; verba ſunt & voces, quæ in doctrina Ianſenii ni-
hil ſignificant, vel ſignificant aliquid inexplicabile. Dicant
enim, an velit Deus præter effectum proximum huius gratiæ,
qui eſt, vt dicunt, inefficax illud deſiderium, vltiorem ef-
fectum & remotum, qui debet eſſe deſiderium efficax? Si
non vult, quare dari dicunt ob illum effectum? Si vult, cùm
jam habeatur proximus effectus, quare non adhibet media
ad remotum idonea? Hinc ergo patet nullo bono & vero
ſenſu dici poſſe in doctrina Ianſenii, vlli gratiæ internæ reſi-
ſti in ſtatu naturæ lapſæ: ac proinde non habere Ianſenianos
quo ſe tueantur contra Scripturas, Concilia, & Patres, qui
contrarium, vt dictum eſt, prædicant.

Quæ ſit doctrina S. Auguſtini.

SVPEREST exquirenda S. Auguſtini ſententia: qua in re
probandum eſt Aduerſariis, quod nondum probare po-
tuerunt, præter gratiam illam ſemper inuiſam, ſempérque

vidtricem, & quæ aliquo sensu voluntatem indeclinabiliter impellit ad consensum, nullam aliam à S. Augustino cognitam interiorem gratiam, vel omnem aliam fuisse ab illo rejectam. Iam enim contrarium prolaturum est, quando probatum est Augustini esse doctrinam illam de possibilitate mandatorum Dei, unde necessarium sequitur auxilium internum, sine quo possibilia mandata esse non possunt, effectu carere. Probatum etiam est ex Augustino acceptam esse absolutam illam Concilii propositionem: cum eo quod adjungitur, *adjuvas ut possis*. Ex eodem Augustino de nat. & grat. cap. 26. sumptum est illud, *justificatum à Deo non deferri, nisi Deum prius ipse deferat*.


Cui sententiæ conjungit hanc aliam, ut Deum sanantem distinguat à medicis corporum. *Sanat ergo, inquit, Deus; non solum ut deleat quod peccavimus, SED ETIAM UT PRÆSTET NE PECCEMUS*. Et illud ex eodem lib. cap. 67. quomodo interpretabuntur Ianseniani, cum dicit hominibus confractis non imputari; *quod vulnerata membra non colligans, sed quod SANARE VOLENTEM CONTEMNANT*? Vult sanare Deus quibus nullum remedium applicat: aut applicat tantum illud quod nullam habet ad sanandum virtutem? Quam enim habent exteriora omnia si desit Spiritus gratiæ? An volunt Deum, quem dicunt sanare velle, circulatoribus æquiparare, qui ex quolibet oleo & inutilibus herbis unguenta conficientes promittunt omnium dolorum sanitatem? Si non ludificat Deus languentes homines, dum se velle sanare dicit, quis negare potest ab illo prodire internum aliquod, ubi vulnus dolet, medicamentum; quod tamen ægrotantis vitio fiat irritum?

Occurrunt alia innumera apud S. Augustinum, quibus expressissimè significat non deesse peccatoribus internum auxilium, ad resistendum peccato. Illud è multis omitti non potest, quod continetur homilia 12. ex 50. cum dicit; Et ideo PER DEI ADIVTORIUM cum sit in potestate tua, utrum consentias Diabolo, quare non magis Deo, quam ipsi obtemperare desideras? *Et infra*. Rogo ergo vos fratres, quare Sathanas seducit ad peccandum, CUM DEVS POSVERIT IN HOMINIS POTESTATE non consentire Diabolo, est enim quodammodo à dextris præcipiens Deus, à sinistris seducens Satha-

418 INFORMATIO DE QVINQVE PROPOSIT.

„ nas homo in medio constitutus, cor quod inclinatur ad dia-
 „ bolum, quare non magis erigitur ad Deum? Similia habet
 in Psal. 91. cùm dicit, *Sathanas non cogit inuitum*, IN TVA PO-
 TESTATE EST CONSENTIRE AUT NON CONSENTIRE. Alloqui-
 tur peccatores qui reipsa diabolo consentiunt. Et Iansenius
 docet vt in superiori propositione monstratum est, in pote-
 state nostra poni consensum illum, aut non consensum per
 internam gratiam; habent igitur consentientes diabolo, post-
 quam est in eorum potestate non consentire, vt docet Augu-
 stinus, internam gratiam, cui resistunt.





TERTIA PROPOSITIO.

Ad merendum & demerendum in statu naturæ lapsæ non requiritur in homine libertas à necessitate, sed sufficit libertas à coactione.

Quid sentiat Iansenius.



ST etiam hæc Iansenii sententia, atque vnicum ferè totius Iansenismi fundamentum, quo cætera, quæ docet de gratia & de libero arbitrio nituntur. Eam verò potissimum explicat lib. sexto de gratia Salu. vbi cap. 6. præfigit hunc titulum: *Duplex necessitas Augustino, coactionis, & simplex seu voluntaria; illa, non hac repugnat libertati.* Voluntariam autem vocat necessitatem, non illam, quæ pendeat à voluntate, ut sit vel non sit, vel ut habeat effectum, aut non habeat: sed illam, quæ facit voluntatem voluntariè operari, etiamsi ad vnum ita determinet, ut alterum non possit: & ideo libertatem esse dicit in amore, quo se Deus amat, sufficientem ad merendum, si Deus esset capax meriti: quin & in productione Spiritus sancti, quam Ianseniani fat libertatis habere dicunt ad meritum; si Deus aliquid mereri posset. Coactionem autem, si quæstio est de actibus imperatis à voluntate, quos exequi debeant potentia subordinata, nihil vetat propriè & strictè sumi, quando dicitur impedire libertatem, & ita qui ligatus est, licet velit, non est tamen liber ut ambulet, quia cogitur ab externo impedimento contra internam inclinationem; sed si quæstio sit de actibus elicitis ab ipsa voluntate, quia respectu illorum non est capax propriæ & strictæ coactionis, nulla est alia coactio, quæ libertatem illo-

*Vincentius
Lenis in ep.
Prod. pag.
11. 12. 13.*

*Lib. 6. de
grat. Salu.
cap. 5. & 6.*

rum impediatur ex Iansenio, quàm naturalis quædam necessitas: qualis est in brutis; & in moribus indeliberatis, qui rationis aduertentiam & plenam cognitionem antevertunt. Nam si non sit defectus cognitionis, implicare putat, ut actus voluntatis non sint liberi, quacumque tandem vi necessitatis exprimantur: & ideo vocat volitionem omnem, quæ supponit ejusmodi cognitionem, *essentialiter liberam*, quòd nihil impedire possit ejus libertatem; esto impediatur indifferentia & facultas volendi & non volendi.

Possunt hæc omnia facilè colligi ex toto illo libro 6. & , præterea ex illustri loco lib. 7. ubi sic habet: Quæ si vera
 , sunt, sicut juxta sanctissimi Doctoris principia verissima sunt,
 , non poterit ampliùs de ejus mente dubitari, quâ eum sen-
 , tire & constanter docere diximus, libertati arbitrii SOLAM
 , NECESSITATEM COACTIONIS, seu quæ etsi nolumus, efficit
 , id quod potest, esse contrariam; omnemque actum volun-
 , tarium seu spontaneum, hoc ipso esse liberum. *Idem lib. 6. cap.*
 , 38. Veteres, *inquit*, NONOBSTANTE IMMUTABILI NECESSITA-
 , TE, omnem omnino rationalem voluntatem, hoc est volun-
 , tatis motum & liberam, & electiuam objecti sui posuerunt,
 , SOLA EXCLUSA VIOLENTIÆ COACTIONISQUE NECESSITATE.
 , Iterum, Habes Lector, consensum admirabilem tot sanctissi-
 , morum & eruditissimorum virorum, de quibus nulla vnquam
 , erroris in hoc argumento suspicio fuit, vnanimiter, constan-
 , tissimèque docentium, voluntatem, hoc ipso quod voluntas
 , rationalis est, esse liberam, NVLLAM IMMUTABILITATIS, INE-
 , VITABILITATIS, VEL QVOCVMQVE VOCES NOMINE, SED SO-
 , LAM COACTIONIS NECESSITATEM BI REPVGNARE. Iterum S.
 , Bernardum docere, repetere, inculcare, impossibile esse ut
 , omnis omnino voluntas hoc est volitio, non sit libera, so-
 , LAMQUE coactionis necessitatem inimicam esse libertati. Ian-
 , senius hic de more suos errores Augustino attribuit, aliisque
 , Patribus: vides autem quæ sit necessitas, quam *solum* putat ef-
 , se contrariam libertati, nempe illa, quæ *etsi nolumus*, efficit.
 , Et quia Manichæi non admittebant in actibus elicitis à vo-
 , luntate necessitatem, quæ etsi nollemus efficeret, nec Stoï-
 , ci illi, qui fato subesse voluntates nostras dicebant, nec Astro-
 , logi, qui Planetas putarunt dominari nostris voluntatibus, nec
 Cal-

Calvinus, qui hactenus creditus est ab omnibus Catholicis arbitrii libertatem peremisse, sequitur, nec Manichæos, nec fatidicos, nec Astrologos, nec Calvinistas magis destruxisse libertatem, quàm ipsum Iansenium: & vice versa, Iansenium nihilo magis fuisse libertatis arbitrii assertorem, quàm fuerint Manichæi, Stoici, Planetarii, & nostrates hæretici. Huc refer quod dicit tom. 2. lib. 4. de statu nat. lapsæ, cap. 24. Sic ergo ET HIC ETIAM, si ille peruersus amor sui, in quem ex Dei dilectione rationalis creatura lapsa est, & in quo ex iusta Dei damnatione perseverat, & ex quo omnis actus vel omissio creaturæ voluntatis fluit, firmissime adhæreat voluntati: Imò etiam si non solùm specificatione; ut nunc est, sed etiam EXERCITIO QVEMADMODVM AMOR BEATIFICVS ESSET NECESSARIVS, NON TAMEN EX AVGVSTINI MENTE DESINERET ESSE LIBER. Vbi vides ex illius sententia liberè peccari, tametsi necessariò peccetur, non solùm quoad specificationem, sed et iam quoad exercitium.

Quid sentiant Hæretici.

ET verò Calvinus disertis verbis significat se non alio sensu negare liberum arbitrium, quàm ex hypothesi quòd eo nomine significetur expedita in vtramque partem, hoc est ad agendum vel non agendum, facultas. Nam si quis libertatem stare putet cum necessitate ad vnam partem determinante, sublatâ vel impeditâ dissentientiendi potentiâ, edicit palam se illi non repugnaturum.

En ut loquitur in Antidoto ad can. 5. Concilii Trid. De verbo, *inquit*, ne moueamus rixam, sed quia per liberum arbitrium intelligunt eligendi facultatem QVÆ SIT IN VTRAMQVE PARTEM LIBERA ET SOLVTA, titulum sine re esse qui affirmant, Christum habent authorem, &c. Iansenius ergo, qui admittit stare libertatem arbitrii cum necessitate ad vnum determinante, & voluntatem ligante, ne tendat in oppositum, non potest, nisi de verbo rixari cum Caluino: conueniunt enim in ipsare, quòd non detur facultas in vtramque partem soluta & libera.

En iterum, quid dicat lib. 2. Instit. cap. 3. sess. 5. Hæc igitur distinctionis summa obseruetur, Hominem ut est vitia-

„ tus ex lapsu, volentem quidem peccare, NON INVITVM NEC
 „ COACTVM, affectione animi PROPENSISISSIMA, NON VIOLENTA
 „ COACTIONE, propriæ libidinis motu, non extraria coactione,
 „ quâ tamen est naturæ prauitate, non posse nisi ad malum
 „ agi. Et antea cap. 2. §. 5. Scholasticos corripit quod co-
 „ actionem cum necessitate confundant, dum liberum arbitrium
 „ debere esse dicunt à necessitate liberum, quia ipse putat di-
 „ cendum tantum esse *liberum à coactione*. Molinæus cap. 32.
 „ Anat. Mansit, *inquit*, voluntati post peccatum originale, LI-
 „ BERTAS A COACTIONE, ET A PHYSICA NECESSITATE. *Item*, Li-
 „ bertas à coactione & à necessitate physica ESSENTIALIS EST
 „ VOLVNTATI ET INSEPARABILIS. Physicam necessitatem vocat
 „ qualis est grauium, quæ pondere suo feruntur ad centrum.
 „ Supponit autem agere hominem ex plena cognitione. Vnde
 „ cap. 35. num. 21. ejusdem Anat. dicit, Hominem irrogeni-
 „ tum præditum esse intelligentia, & habere voluntatem, quæ
 „ suopte impulsu & sponte mouetur, & post præuiam cogni-
 „ tionem & iudicium practicum. Et paulò antè, num. 3. dixerat.
 „ *Non satis est dicere talem necessitatem esse spontaneam, cum etiam*
 „ *pecudes ductæ instinctu agantur, & sine cognitione; at qui necessariò*
 „ *malus est, non modò sponte malus est, sed ET VOLVNTATE, QVIA*
 „ *CVM COGNITIONE ET IVDICIO.* Si prior scripsisset Iansenius,
 „ dicerem ex illo accepisse Molinæum, tanta est vtriusque sen-
 „ tentiæ similitudo atque identitas, nunc cum prior scripse-
 „ rit Molinæus, fatendum est, vel ex illo sumpsisse Iansenium,
 „ vel eundem vtrique spiritum suggestisse.

Hanc eandem consensionem Iansenii & Caluini fatetur
 Pag. 30. Samuel Mareſius in sua Synopsi jam citata, cum ex doctrina
 Catechismi Ianseniani colligit, non quamlibet necessitatem,
 repugnare intrinsecæ libertati voluntatis, sed propriè & maxi-
 me coactionem: & *hic etiam*, hoc est in Catechismo Iansenii,
 Pag. 71. *agnosci merito seruitutem illam arbitrii*, quam Bellarminus in hære-
 „ ticis damnat. Vnde concludit: Ita nempe hic noster Auctor intel-
 „ ligit Auctorem Catechismi (Ianseniani) IISDEM QVIBVS NOSTRI
 „ NIXVS PRINCIPIIS, longè expeditiorem & faciliorem rationem
 „ proponit concordie gratiæ & liberi arbitrii, quam scientiæ me-
 „ diæ Assertores. Omnino. Quid enim expeditius quàm ejuratâ
 Pag. 91. omni antiquitate, omnique authoritate calcatâ, seu sacrâ seu

profanâ, asserere liberum esse libertate arbitrii, quidquid voluntarium est, quantacumque necessitate sit expressum? Hinc illud quod addit postea: *Qui peccant, licet necessario peccent, tamen non peccant coacti, sed volentes.* Et cap. 6. ex Augustino. *Voluntarium & liberum non ita esse de essentia peccati, quin etiam peccatum possit omnino necessarium statui,* LICET ID IN GRATIAM PELAGIANO-IESUITARVM DVO PONTIFICES ROMANI CONDEMNAYERINT. Bene habet. Ergo erramus cum Ecclesia Romana. O nos beatos! atque ô beatos quoque Pelagianos si cum Romanis tantum Pontificibus errarent.

Quid sentiat Ecclesia. *

VERVM hanc sententiam iam pridem hæreticam pronuntiavit S. Thomas qu. 6. de malo, artic. vnico, his verbis: *Quidam posuerunt quod voluntas hominis ex necessitate mouetur ad aliquid eligendum: nec tamen ponebant quod voluntas cogeretur. . . . hac autem opinio est HÆRETICA; tollit enim rationem meriti ac demeriti in humanis actibus; non enim videtur esse meritorium vel demeritorium, quod aliquis SIC EX NECESSITATE AGIT QVOD VITARE NON POSSIT.*

Notanda est autem connexio illa quam ponit S. Thom. cum dicit hæreticam esse opinionem, *quod tollat rationem meriti ac demeriti:* & ideo tollere rationem meriti & demeriti, *quod ea stare non possit in eo quod aliquis sic ex necessitate agit, quod vitare non possit.* Inde enim sequitur, quamcumque necessitatem quæ antecederet ita determinat voluntatem ad agendum, vt vitare non possit; tollere etiam rationem meriti & demeriti, & esse hæreticam iudicio D. Thomæ. Atqui Ianseniana necessitas talis est, fatetur enim Iansenius lib. 7. de gratia Christi, cap. 2. & 3. per illam necessitatem determinari voluntatem ad vnam partem, & tanquam vinculo ligari ne tendat in alteram.

Eodem pertinet anathema Trid. sess. 6. cap. 4. contra eos, qui negant liberum arbitrium posse dissentire diuinæ motioni: neque enim aliud intendit suâ illâ definitione, quàm saluare veram & propriam arbitrii libertatem ad merendum necessariam. Quod si illa stare posset, dum voluntas ita præuenitur necessitate ad vnam partem determinante, vt sit impedita respectu alterius, nihil erat opus hac decisione. Adde anathema Canonis 6. contra

434 INFORMATIO DE QVINQVE PROPOSIT.

eos, qui dicunt, *non esse in potestate hominis vias suas malas facere, sed Deum in nobis mala opera sicut & bona operari, propriè & per se, & non permissivè tantum, &c.* Vbi cum sit sermo de peccatis & peccatoribus, expendendum est quid velit Concilium, cum definit esse in potestate eorum, qui peccant, peccare. Si enim nihil aliud significare vellet, quàm eos, qui peccant, peccare posse; videretur ridicula definitio, quis enim hoc unquam negavit, aut negare potuit; an oportet anathemate cogere homines, ut dicant eum, qui currit, posse currere, & eum, qui loquitur, non esse mutum? Voluit ergo Concilium significare aliud esse, aliquem effectum esse in potestate alicuius causæ, & causam posse illum producere: neque dici de causis necessariis, quòd habeant suos effectus in potestate, quamvis dicantur posse illos producere. Cujus rei non est alia ratio, quàm quia causæ necessariæ sic producunt suos effectus, ut non possint non producere, & talem esse putabant hæretici voluntatem, dum peccat. Concilium autem intellexit causam aliquam tunc tantum censendam habere suum effectum in potestate, quando illum ita producit, ut possit suppressere; ideo definit, voluntatem, dum peccat non tantum posse peccare, sed habere peccatum in potestate, quod esse non potest, ubi est peccandi necessitas.

Huic censuræ Tridentini adjungi etiam potest ea, quæ lata est à Concilio Constantiensi, & à Martino V. approbata & confirmata contra 27. propositionem Wicleffi, qui dicebat *omnia de necessitate absoluta evenire.* Quod quo modo intelligeretur, discere possumus ex Thoma Valdensi Ordinis Carmelitarum, circa illa tempora per Angliam Prouinciali, viro eruditissimo & Catholicæ fidei contra Wiclefistas acerrimo propugnatore, qui lib. 1. doctrinalis fidei ar. 1. c. 23. sic loquitur, *Respondens communiter V wicleffiste Trutinantes glossam enasoriam, quòd Deus non necessitat necessitate coactionis ad bonum vel malum futurum, quia ILLA SOLA TOLLIT ARBITRII DIGNITATEM, non autem alia necessitas præueniens absolutè futuritionem effectus.* Statera Iansenii quid aliud trutinat, aut in quo differt à trutina Wicleffi qui declaratus est mendax in statera sua, à Concilio Constantiensi?

Ejusmodi censuras Conciliorum secuta est censura Romanorum Pontificum Pii V. & Gregorii XIII. quas innouavit Urbanus VIII. & confirmavit Innocentius X. in Bul-

la contra Baium & contra Iansenium, vbi hæ propositiones leguntur damnatæ: *Quod voluntariè fit, etiamsi necessariò fiat, liberè tamen fit: Is libertatis modus, qui est à necessitate, sub libertatis nomine non reperitur in scripturis, sed solum nomen libertatis à peccato: Sola violentia repugnat libertati hominis naturali: Homo peccat etiam damnabiliter in eo quod necessariò facit.*

Sorbona præluserat his definitionibus ante ducentos annos, censuramque suam renouarat contra Baium anno 1560. die 27. Iunij. Vnde qui nuper censuram apposuerunt huic tertiæ propositioni, dicentes; *Hæc doctrina destruit rationem meriti & demeriti, & est hæretica*, niti possunt exemplo suorum prædecessorum & traditione antiquæ doctrinæ.

Quid respondeant Ianseniani.

AD has Pontificum definitiones Iansenius duo respondet lib. 6. de Grat. Salu. cap. 36. Vnum est, Ideo damnatas esse Baii propositiones, quia comprehendunt etiam motus indeliberatos, qui voluntarii sunt & sine violentia: & tamen non sunt liberi. Sed 1. falsum est Baium non excepisse motus indeliberatos. Constat enim ex propositione 75. in qua fatetur non imputari, quando eis non consentitur, censere ipsum non habere motus illos sufficientem libertatem ad imputabilitatem culpæ. Deinde si violentia ita sumatur latè, sicut Iansenius latè sumit coactionem, vt comprehendat etiam ea, quæ sunt impetu naturali; cuiusmodi sunt motus grauium, & appetitiones brutorum, quæ S. Bernardus serm. 81. in Cantica dicit vim pati à propria inclinatione, Baius nihilo magis minus-ve comprehenderit motus indeliberatos, quando dixit solam violentiam repugnare libertati, quàm Iansenius, dum dicit solam coactionem; ac proinde aut vtraque propositio damnata est, aut nulla.

Secunda Responso Iansenii, loco cit. est, Summos Pontifices respexisse *Ad significationem huius temporis & ad sensum vulgatissimum Scholasticorum, qui nihil liberum vocant, nisi quod fit cum indifferetia, saltem contradictionis; illam autem significationem non ita fuisse à Patribus veteribus usurpam*: maluerunt igitur Pontifices juxta Iansenii mentem, accommodare definitionem suam ad sensum Scholasticorum, quàm ad sensum Patrum antiquorum.

Quòd si quæramus à Iansenio, vtri veriùs philosophentur Scholastici an Patres antiqui, minimè ambigua extat innu-
meris locis ejus sententia pro Patribus contra Scholasticos.

Ac proinde juxta mentem Iansenii, maluerunt Roman Pontifices in decidendis fidei articulis, conformare se Scholasticis errantibus, quàm antiquis Patribus rectè sentientibus. Reus sim temerarii judicii & damnabilis imposturæ, nisi quod dico, aliis quoque exemplis à Iansenio confirmetur. Cujusmodi est illud quod habetur tom. 2. l. 3. cap. 22. de statu puræ naturæ. Vbi cùm inter *veritates fundamentales & bases fidei* numerasset illam sententiam quæ negat possibilem esse statum puræ naturæ, postquam se torfit in omnem partem, vt eriperet illam propositionem eorundem Pontificum censuræ, tandem concedit fuisse reuera prohibitam, sed ad tempus tantùm; idque *prudencia directrice* Ecclesiæ, propterea quòd contraria sententia ita præualuisset, vt illa scandalum pareret. Vide qualem Ecclesiam agnoscat Iansenius, in qua scilicet veritates fundamentales aliàs definitæ, basesque fidei scandalum pariunt: Vide quales Romanos Pontifices, qui bases fidei ne scandalum pariant, prohibitione sua sepeliunt. Et non est mirabilis directrix ista Ecclesiæ prudentia?

Ianseniani ad easdem censuras *trutinant* etiam ipsi *glossam euasoriam*, vt cum Valdensi loquar. Dicunt enim ad merendum & demerendum sufficere libertatem actionis, non à necessitate, sed à coactione; cum indifferentia potentiæ, hoc est mutabilitate & flexibilitate humanæ voluntatis, annexa statui præsentis vitæ. Ergo, inquam, & Manichæi, & fati assertores & Astrologi, & Wiclefistæ, & Calvinistæ admiserunt totum, quod sufficit ad libertatem *requisitam ad merendum & demerendum*.

Illi enim & coactionem excludunt illam, quam excludit Iansenius ab actione voluntatis, & mutabilitatem seu flexibilitatem potentiæ pro statu vitæ hujus non rejiciunt; igitur non tenentur superioribus censuris. Sed & indifferentia quæ consistit in illa mutabilitate & flexibilitate nihil facit ad meritum ex Iansenio, nec impeditur ex eo capite, quominus possit esse meritum in statu felicitatis & damnationis, vbi sunt immutabiles voluntates; sed impeditur ex ratione status.

Nec si voluntas viatorum esset pariter immutabilis, ideo minus esset apta ad merendum, ut idem author expressè docet.

Captiosum etiam est quòd mutabilitatem illam, indifferentiam vocant. Indifferentia enim, quam omnes requirunt ad liberum arbitrium, actiua est & ad agendum, vel non agendum: hæc passiuæ est ad recipienda hæc vel illa vincula. Nimirum tota illa mutatio, quæ reperitur in hac vita, est mutatio necessitatum; catenam semper trahit liberum arbitrium, sed non eandem semper: modò aureâ ligatur, modò ferreâ; sed semper alterutrâ. Optio autem utrâ sit ligandum; non ipsius est, sed prouidentia gubernantis; cui si placuerit delectationem iustitiæ injicere, tenebitur voluntas aureâ catenâ; sin illam subtraxerit, concupiscentia statim ferream substituet. Egregiam verò indifferentiam & pretiosam libertatem.

Lib. 6. de
S. Sal. c. 34.
c. 1. 7. c. 10.
c. 3. c. 15. c.
17.

Ejusdem saporis est quod dicunt, indifferentem esse voluntatem, quia proximè potest facere vnum oppositorum, & remotè alterum: dum ligatur delectatione iustitiæ, proximè potest amare bonum, remotè autem non amare; quia cum soluta fuerit illa catena, & aduenerit alia, tunc non amabit bonum, sed potius malum. Quis autem eorum, qui liberum arbitrium destruxerunt talem vnquam indifferentiam negauit? Non reperitur etiam illa in cane? non amat canis quod oderat? non odit quod amauerat, mutatis speciebus?

S. Thomas 1. part. qu. 63. art. 2. ad 2. *expeditam* esse vult liberi arbitrii facultatem illam, quâ dicitur posse aliquid facere vel non facere, & Gonçalves de Albelda in 1. p. disp. 53. num. 48. id esse *constantissimè* tuendum putat contra Hæreticos Calvinistas. Didacus Alvarez, *veram, expeditam proximam* requirit ad vtrumlibet in libera voluntate facultatem, disp. 23. de Auxiliis n. 1. & 28. 2. disp. 92. num. 8. disp. 115. num. 13. disp. 117. num. 11. lib. 4. Resp. cap. 1. num. 10. 11. 12. & in eo constitutam putant voluntatis libertatem.

Ex quibus omnibus jam satis constat quàm nihili facienda sit distinctio quam nuper inuenerunt Ianseniani; cum dicunt se admittere in voluntate *indifferentiam potentia*, sed non *indifferentiam actionis*; quia præter inanem verborum sonum nihil continet, nisi sensum, iis qui ita

loquuntur inexplicabilem. Quam enim quæso potentiam intelligunt, cum dicunt se admittere indifferentiam potentia? actiuam, an passiuam? si passiuam; salui sint. Quid enim illa facit ad libertatem? Si actiuam, quænam esse potest indifferentia potentia? actiuæ, si non est indifferentia ad agendum vel non agendum? Quod si admittunt indifferentiam ad agendum vel non agendum, an sciunt quid loquantur, dum negant indifferentiam actionis? Ego verò nihil aliud exigo, quàm vt cum S. Augustino & S. Thoma necessariam esse fateantur libero arbitrio facultatem agendi & non agendi: quomodo deinde negari possit indifferentia actionis viderint ipsi.

Quæ sit doctrina S. Augustini.

Hic Ianseniani Augustinum, Augustinum clamitant, sed malè intellectum, nempe hic quoque perpetuus est Caluini prætextus. Ipsi Augustinum interpretentur ad sensum Ecclesiæ, qui proprius etiã fuit Augustini sensus, non autem ad sensum hæreticorum, quos semper odio habuit; & tunc errorem deponent. Quod si necesse sit S. Doctoris mentem in hac controuersia minutius exquirere, spero confectum iri vt pro contraria sententia nullum reperiatur testimonium clarum & liquidum, pro communi verò & Orthodoxâ occurrant expressissima, & nonnisi per decadas numeranda, vt opusculo alio monstratum est, & intelligi potest ex iis quæ dicuntur ad alias quatuor Propositiones: quarum arctissima connexio cum ista, pati non potest, vt hæc Augustiniana videatur, cum aliæ Augustino contrariæ sint.

Interea hæc sufficient. Primum est, ab Augustino liberum definiri, *id quod est in nostra potestate*, vt Iansenius docet lib. 6. cap. 3. 4. 5. Secundum, id censerì esse in nostra potestate apud Augustinum, *quod si volumus, est, si nolumus, non est*, vt tradit idem Iansenius citatis locis præsertim cap. 4. & 5. Tertium, hoc ipsum ex Augustino præcipuè conuenire actibus elicitis à voluntate, nempe vt si velimus, sint, si nolumus, non sint; ita Iansenius locis cit. Quartum, apud Augustinum esse oppositionem inter ista duo, *nos aliquid nolle*,

& nos aliquid non posse: ita ut si verè dicimur aliquid non potuisse, non debeat nobis objici quòd noluerimus: & si verè dicimur aliquid noluisse, consequens sit quòd potuerimus. Esse hanc Augustini mentem conuincitur ex his locis.
 1. ex Commentario in Psalm. 35. ubi dicit, iniquos non intelligere ut bene agant, **NON QVIA NON POSSVNT, SED QVIA NOLVNT.** Aliud est enim, *inquit*, quando quis conatur aliquid intelligere, & per infirmitatem carnis non potest: aliud autem, quando perniciosius agit aduersus seipsum cor humanum, ut quod posset intelligere, si bona voluntas accideret, non intelligat, non quia difficile est, sed quia voluntas aduersa est. Ex lib. 2. de actis cum Felice Manichæo cap. 5. ubi cùm retulisset verba Manichæi de iis, qui legem sibi datam à Deo seruare noluerint, subdit Augustinus: Vides in his verbis confirmatum esse, etiam à nesciente quid loqueretur, liberum arbitrium. **NON ENIM DIXIT, NON POTVERINT, SED NOLVERINT.** Hoc certè quod nolunt seruare legem, non à gente tenebrarum coguntur, si enim coguntur, non nolunt, sed non possunt: **SI AVTEM NOLVNT, NON VTIQVE COGVNTVR VT NON FACIANT, SED VOLVNTATE SVA NOLVNT.** Hoc ergo quod in eorum voluntate est ut nolint, peccatum est certè, **SINE ALIQUA NECESSITATE.** Totus hic locus aded est expressus, ut nullo indigeat commentario. Confirmatur 3. ex eodem lib. cap. 19. ubi Augustinus negat *aliquid fieri voluntate, quando non est in potestate aliter facere, quòd est causam ejus quod facimus, aut quod non facimus, non debere in voluntatem nostram refundi, nobisque imputari ad præmium aut pœnam, nisi quando potuimus aliter facere: & consequenter non posse de nobis responderi, dum quæritur, cur aliquid non faciamus, nos nostra voluntate illud non facere, quod est nos nolle facere, nisi facere possumus.* Idipsum eodem modo confirmatur 4. ex lib. de duabus Animabus cap. 11. ubi dicit Augustinus, *neminem vituperatione aut supplicio dignum, si non faciat quod facere non potest, nempe quia non censet volentem non facere, hoc est, volentem omittere id quod omittit, nisi quando adest faciendi potestas.*


440 INFORMATIO DE QVINQVE PROPOSIT.

Confirmatur 5. ex eodem lib. de duabus Animabus cap. 12. vbi ait: *Dicere reum teneri quempiam*, QVIA NON FECIT QVOD FACERE NON POTVIT, ESSE SVMMAE INQVITATIS ET INSANIAE, quia scilicet, vt sit reus, debet illi dici quòd noluerit facere, & hoc non potest dici, si non potuit. Et ab hac regula ita generali Augustinus excipit Retract. lib. I. cap. 15. solum peccatum originale, quia illud non est peccatum *propria voluntatis*. Huc pertinent ea loca, in quibus Augustinus opponit ista duo, *aliquid fieri voluntate, & fieri necessitate*, vt in lib. 3. de lib. arbit. cap. 3. & 4. & quod dicit ibi, cap. 1. motum deorsum ideo non imputari lapidi, quòd non habeat in potestate illud cohibere.

Ex quibus omnibus satis constat, in doctrina Sancti Augustini non posse nobis imputari, quòd ideo aliquid non faciamus, quia nolumus, nisi quando facere possumus; & vice versa, non posse nobis imputari quòd ideo aliquid faciamus, quia volumus, nisi quando possumus omittere. Iam ita resumì possunt superius posita S. Augustini principia: Non est liberum nisi quod est in nostra potestate: non est in nostra potestate nisi, quòd si volumus, est; si nolumus, non est; hoc est, quòd ideo est, quia volumus, ideo non est, quia nolumus: & hoc ipsum maximè, atque vt dicit Augustinus *primitus* conuenit actibus elicitis liberè à voluntate nostra: Ergo de illis maximè verum esse debet hoc quod est, *esse quia volumus, non esse quia nolumus*. Sed constat ex eodem Augustino, vt jam ostensum est, non posse dici de aliqua re, ideo non esse, quia nolumus, nisi sit in nobis potestas efficiendi vt sit: nec ideo esse quia volumus, nisi sit in nobis potestas efficiendi vt non sit. Ergo ex Augustino, de actibus qui liberè eliciuntur à voluntate, non debet dici, ideo non esse, quia nolumus, nisi sit potestas illos eliciendi; vel ideo esse, quia volumus, nisi sit potestas non eliciendi. Ac proinde nemini poterit exprobrari, ideo non amare Deum, quia non vult, nisi quando potest amare; nec pariter exprobrari cuiquam poterit, ideo succumbere tentationi, & consentire concupiscentiæ, quia vult, nisi sit potestas non succumbendi & non consentiendi. Hoc autem significat, nihil esse liberum libertate arbitrii, aut

imputabile ad pœnam aut prœmium, etiam in actibus elicitis à voluntate, nisi quod fit cum potestate ad vtrumlibet, quæ est ipsa indifferentia, excludens necessitatem ad vnum determinantem. Ergo hujus indifferentiæ necessitas ad constituendam libertatem arbitrii Augustiniana est; & Ianseniani, qui eam oppugnant, in eo sunt Anti-Augustiniani.





QVARTA PROPOSITIO.

Semipelagiani admittebant præuenientis gratiæ interioris necessitatem ad singulos actus, etiam ad initium fidei : & in hoc erant hæretici, quòd vellent eam gratiam talem esse cui posset humana voluntas resistere vel obtemperare.

Quid sentiat Iansenius.



PRIMAM partem hujus propositionis tradit Iansenius tum aliàs sæpè, tum præcipuè lib. 8. de hæresi Pelagiana, qui est secundus de Semipelag. vbi cap. 6. hoc argumentum inscribit : *Tertia gratia generalis Massiliensium est actualis interna, & sufficiens ad credendum, non ad operandum : latè ex principiis Augustini & Massiliensium astruitur ; aliqua de natura ejus.*

Secunda pars ejusdem propositionis infertur ex priore, traditque illam Iansenius expressissimè multis in locis. Nam lib. 2. de gratia Salu. cap. 4. vbi discrimen inuestigat inter gratiam Christi, & gratiam primo homini atque Angelis collatam, sic loquitur. Quod clariùs fortasse dici potest : quòd gratia sanæ voluntatis in ejus libero arbitrio relinqueretur, vt eam si veller, desereret, aut si veller, vreretur : gratia verò lapsæ, ægrotæque voluntatis NULO MODO IN EIUS RELINQUATUR ARBITRIO, VT EAM DESERAT AVT ARRIPIAT, SI VOLVERIT, sed illa sit potiùs illa postrema gratia, quæ inuictissimè facit vt velit, & à voluntate non deseratur. Quod discrimen tam luculentè tradit Augustinus in lucubrationibus, quas aduersus HOSTES GRATIÆ exarauit, vt impossibile sit legenti

non aduertere. Erant igitur hostes gratiæ qui repugnabant. & paulò pòst Scmipelagianos nominat, & hanc fuisse significat *basim immobilem* totius doctrinæ Catholicæ de gratia & prædestinatione. Pergit sequenti cap. hoc discrimen inter utramque gratiam inculcare, & hoc principium ponit, Nul- lum adiutorium gratiæ, cuius vsus ita ponitur in arbitrio voluntatis, vt illo utatur, aut non utatur, vt illud ample- ctatur, aut deferat, vt illi consentiat aut non consentiat, si voluerit, quantumuis sine illo non velit, aut velle non pos- sit, esse adiutorium quo fit, vt velit; sed tantum, sine quo non: & proinde ad medicinale adiutorium Christi NULO modo posse pertinere. *Et cap. 24.* Et ista quidem D. Augusti- ni diuinæ gratiæ patrocinantis, & HÆRETICORVM ADVER- SANTIVM principia, quæ hætenus hoc libro explicuimus, vel tetigimus, manifestè ostendunt, nihil capitalius medicinali Christi adiutorio fingi posse aduersum, quàm illud gratiæ ge- nus, cuius actio vel cessatio, vt utilis vel inutilis homini sit, in libero relinquitur voluntatis arbitrio.

Et cap. 27. Quisquis jam alia diuinæ gratiæ adiutoria infir- mis hominibus asserere nititur, quæ deferant, si velint, & in quibus permaneant, si velint; cum quibus tanquam sufficien- tibus operentur si velint, nihil aliud imprudens facit, nisi vt originalis peccati virus euacuet, illasas liberi arbitrii vi- res esse, Christum frustra venisse, & gratis mortuum esse persuadeat. Addit nec Augustinum, nec vllum Patrum La- tinorum, nec Ecclesiam in Generalibus & Prouincialibus Conciliis à Sede Apostolica approbatis, illud genus gratiæ agnouisse, vel agnoscere potuisse. *Et cap. 28.* cum retulisset sententiam Lessii, agnoscentis etiam nunc internam aliquam gratiam, cum qua possit homo perseverare, si veller, inusitato quodam zelo percitus, & solito altiùs intonans: Quanta, in- quis, audacia! post condemnatos jam à tot sæculis MASSILIEN- ses, asserere, quòd quia in statu innocentiae sufficiebat ho- mini ad salutem gratia, qua poterat perseverare, si veller, e- riam nunc sufficiat? Quin & Massilienses minùs exorbitasse putat, quòd ejusmodi tantum gratiam ad initium fidei suffi- cere putarent: majorem enim esse necessariam ad opera, quæ fidem consequuntur, illos censuisse. Adde quod dicit lib. 2.

de grat. Salu. cap. 25. col. 1. §. 3. Semipelagianos quamuis admitterent gratiam quandam potentialem, cum libero arbitrio intus concurrentem, *non potuisse effugere notam hæresis*: propterea quòd putarent illam adiuuare hominem ad credendum, si vellet.

Ex his ergo perspicuum est, & Iansenium repudiare gratiam, quæ talis sit, ut humana voluntas possit ei resistere, vel obtemperare: & hæreticos putare Massilienses, & piusque damnatos, quòd talem gratiam sufficere dicerent ad primam credendi voluntatem.

Hujus autem propositionis pars prior, quæ continet questionem facti, pertinetque ad memoriam antiquitatis, & historiam hæresis Pelagianæ, manifestæ falsitatis conuincitur ex iis quæ scribunt Augustinus, Prosper, & Hilarius de illa hæresi. Nam cum gratiam non esse necessariam ad initium fidei, & naturam sufficere, idem sint; Augustinus lib. de Prædest. Sanctorum cap. 2. illis tribuit, quòd dicerent *naturam sufficere*. Idem & Hilarius in epist. ad Augustinum. Item, Non requiri gratiam ad fidem; &, *fidem esse tantummodo nostram*, excludendo Deum, idem sunt: istud verò dixisse Massilienses, constat ex lib. 1. Retract. cap. 23. & lib. 2. de natura & gratia cap. 48. Item, Idem sunt *gratiam Dei dari secundum merita fidei*, & gratiam non præcedere fidem, sed subsequi. At omnibus paginis Augustini, Prosperi, Hilarii constat Massilienses credidisse Dei gratiam dari secundum merita fidei. Eòdem pertinet quod dicebant ex Prospero, in negotio justificationis, *priorem esse hominis obedientiam, posteriorem verò Dei gratiam*. Adde quod refert Augustinus lib. de Prædest. cap. 2. 3. 5. 21. censuisse illos, *initium fidei ex nobis esse, tanquam fides non ab ipso donetur nobis*. Item, *Fidem, non esse donum Dei*. Item agnouisse quædam merita sua, *tanquam ipsi sibi ea fecissent, non gratia Dei*. Item, *Nos non accipere à Deo cogitationes piæ, per quas habemus fidem, ut vult Ambrosius*. Item, *Et credere & perseverare uia nostrum esse, tanquam non à Domino nos accipiamus*. Item, *Nolle ut prædicetur, Dei donum esse quòd veniatur ad fidem, & non dari nobis ut petamus, ut queramus, ut pulsemus, esse hoc nostrum, & non diuini muneris*. Item, *Originaliter malam receptionem boni inchoare à semetipso, non à*

summo Deo. Habet id genus alia quamplurima Prosper contra Collatorem, omnibus ferè capitibus, præsertim 4. 6. 10. 13. 14. 16. 22. 23. 24. 25. 28. 29. 36. dum exprobrat illi quòd diceret, hominem *sine gratia, non incitatum à Deo, ante gratiam, sine adjutorio Dei, per vires humana voluntatis* TANTVMmodo, GRATIA NIL SVÆ VIRTVTIS CONFERENTE, SOLIVS VOLVNTATIS MOTIVS, MERITÒ GRATIAM PRÆVENIENTE, SINE DEI DONIS, EX DONIS NATVRÆ, EX SOLO HOMINIS ARBITRIO, NON EX DEI INSPIRATIONE, *sine gratia largitate, sine villo opere gratia*, bene agere posse. Hæccine omnia pati possunt, vt putentur Massilienses agnouisse necessitatem internæ gratiæ, naturalibus donis superadditæ? Potuit-ne pluribus & clarioribus vocibus exprimi naturalis sufficientia & exclusio necessitatis illius gratiæ? Non est quæstio vtrum illi fateantur quibusdam aliquando adesse gratiam ad initium fidei, quia ne ipsi quidem Pelagiani hoc negarunt. Sed quæstio est, an confessi fuerint esse necessariam, ita vt si non adesset, nemo posset habere saltem initium credendi, quod superioribus testimoniis conuincitur numquam eos credidisse.

Quid sentiant Hæretici de posteriori parte propositionis.

POSTERIOREM partem propositionis, quòd ille fuerit error Massiliensium, Calvinus quoque amplectitur, eamque sicut Iansenius affingit Augustino, putatque contrariam esse doctrinæ Concilii Tridentini. Ita enim loquitur in Antid. cap. 6. sess. 6. Concilii Trident. Porro ne longius hîc immoremur, dico apertè repugnare quod hîc pronuntiant Tridentini Patres, cum illa Christi sententia, Quisquis audiuit à Patre, &c. Nam vt prudenter aduertit Augustinus, inde sequitur nullum à Deo audire & discere, quin simul in Christum credat, motumque Spiritus sancti sic esse efficacem, vt fidem semper gignat, CONSTITVERE AVTEM HOC IN HOMINIS OPTIONE, VT DEI INSPIRATIONI, SI VELIT, AVSCVLTET, hoc nullo modo conciliari posse.

Et ad can. 6. ait, De verbo ne moueamus rixam, sed quia per liberum arbitrium intelligunt eligendi facultatem, quæ

» in vtramque partem libera & soluta, titulum sine re esse qui
 » affirmant, Christum habent authorem? *Et lib. 2. Instit. cap.*
 » §. 10. Voluntatem sic moueri, non qualiter multis sæ-
 » culis creditum est, vt nostræ electionis sit, motioni aut ob-
 » temperare, aut refragari, & Sophistas imaginari medium es-
 » se motum, cui obsequi, vel quem repellere liberum est. *Idem*
 » *ibidem* §. 11. Errorem esse Scholasticorum, QVOD PVTA-
 » RENT IN MANV NOSTRA ESSE respuere, vel recipere oblatam Dei
 » gratiam.

Ex quibus perspicuè liquet, errorem esse Caluini, quòd
 quis putet talem esse internam Dei gratiam, cui possit hu-
 mana voluntas resistere, vel obtemperare. Fuisse autem hunc
 errorem Pelagianorum, quibus ea ex parte consentiebant Se-
 mipelagiani & Massilienses, statim exprimit idem *ibid.* §. 23.
 » dicens: Audiamus nunc Augustinum suis verbis loquentem,
 » NE ATATIS NOSTRÆ PELAGIANI, HOC EST SORBONICI SOPHIS-
 » TÆ totam vetustatem nobis aduersari pro suo errore crimi-
 » nentur, in quo scilicet PATREM SVVM PELAGIVM imitantur, à
 » quo in eandem arenam ipse Augustinus protractus est.

Accedit confessio Samuelis Maresii, loco jam cit. qui col-
 ligit ex doctrina Catechismi Ianseniani, *In hominis arbitrio non*
esse gratiam Dei victricem & medicinalem excutere. Et antea dicen-
 tem audiuius, non esse gratiam per Christum *nisi sit victrix*
& liberatrix: & contrariam sententiam annumerandam esse
inter errores ex Ecclesia rejiciendos.

Quid sentiat Ecclesia.

SE D quàm verum est, esse hanc Caluini sententiam,
 tam est verum esse contrariam doctrinæ Orthodoxæ. Ne-
 que verò ad hoc probandum opus est longo verborum am-
 fractu. Opponendæ sunt inuicem hæ propositiones & con-
 ferendæ. *Hæreticum est*, inquit Iansenius, hoc est Semipe-
 lagianum, *admittere gratiam cui possit humana voluntas resistere*
vel obtemperare. Ex alia parte Tridentinum inquit: *Si quis*
dixerit liberum arbitrium à Deo motum & excitatum non posse dis-
sensire si velit; anathema sit. Vtrobique sermo est de gratia
 Christi interna: & quod dicit Tridentinum, liberum arbi-
 trium

trium posse dissentire, facile concedent aduersarii esse idem ac posse resistere. Iam quod liberum arbitrium à Deo motum & excitatum possit etiam consentire, quod est idem atque obtemperare, nulla pariter controuersia est: de eo enim inter nos omnes conuenit. Censet igitur Tridentinum, liberum arbitrium, hoc est humanam voluntatem à Deo motam, & excitatam per veram & internam Christi gratiam, posse dissentire, quod est resistere illi gratiæ; vel posse consentire, si velit, quod est obtemperare; sed admittere talem gratiam, inquit Iansenius, est Semipelagianum. Est ergo Semipelagianum Tridentinum.

Eòdem spectant quæ contra tres priores propositiones allata sunt ex sensu Ecclesiæ & Conciliorum, & Summorum Pontificum, quia concluditur inde necessario iuxta doctrinam Ecclesiæ, non esse admittendam gratiam, cui consentire vel non consentire non sit in hominis potestate, si sit gratia ad liberam in Deum conuersionem & ad merendum data.

Quid respondeant Ianseniani.

RESPONDENT Ianseniani in hoc hæreticos fuisse Mastilienses, quòd negauerint necessariam esse gratiam, per seipsam efficacem ad initium fidei, hoc est gratiam, quæ ita determinet voluntatem, vt sine indifferentia actionis, & sine potentia proxima dissentendi infallibiliter obtemperet.

Sed primò gratiam ita per se efficacem, itaque determinantem, vt voluntas obtemperet & sine indifferentia actionis, & sine potentia proxima dissentendi, nemo hæcenus Catholicorum admisit. Thomistæ, quibus Ianseniani adhærere se velle simulant, & indifferentiam voluntatis in agendo, & proximam dissentendi potentiam cum gratiâ efficaci retinere, omnibus modis conantur. Iam ostensum est S. Thomam velle expeditam esse liberi arbitrii facultatem ad agendum, & non agendum: Gonzalem quoque dicere expeditam esse debere, ne in partes eatur hæreticorum. Idem Didacus Alvarez.

Et hoc est quod Iansenium fefellit, ejusque sequaces, quòd putent id quod dici solet, Deum dare nobis ipsum velle, & fa-

448 INFORMATIO DE QVINQVE PROPOSIT.

cere ut velimus, & consentiamus, oppositionem habere cum eo quod est, dare nobis gratiam, cui possimus dissentire, si velimus: atqui hæc non sunt opposita, sed debent conjungi, & conciliari ab omnibus Catholicis.

Quinimò in hoc est mirabilis Dei gratia, quòd *inuitè & inclinabiliter*, ut loquitur Augustinus, faciat nos consentire, relictâ plenâ proximâque dissentendi potestate. Vnde ulterius sequitur, Iansenium frustra præsidium quærere in illa sensus compositi, & sensus diuisi distinctione. Illa enim potest quidem esse vsui Thomistis, qui cum determinatione ad consentiendum stare putant proximam dissentendi potentiam; sed Ianseniani, qui hanc negant, quid habent commune cum Thomistis? S. Thomas qu. 6. de malo, art. 1. putat actus quidem oppositos non posse simul esse, sed potentiam liberi arbitrii, quæ illos respicit, asserit esse simul, & non succedere potentiam dissentendi potentia consentiendi. Idem 1. p. qu. 42. art. 2. in corpore, dicit causam liberam esse posse antiquiorem suo effectu, etiamsi nihil illi desit ad agendum: quod est, causam liberam cum expedita & completa ad agendum potestate, posse suspendere suum effectum.

Secundò, Quis ergo erit sensus Concilii Tridentini? Consistentem diuinæ gratiæ posse dissentire, est-ne aliud quàm consentire, cum indifferentia ad consentiendum, vel dissentiendum? quòd si hoc est Semipelagianum, Semipelagiana igitur est Tridentini doctrina.

Tertiò, Quòd dicunt de neganda potentia proxima dissentendi, nullo modo compatitur oratio Tridentini; nisi Ianseniani nouam habent Grammaticam, nouasque verborum significationes. Quando enim dicimus aliquem aliquid posse, si velit, intelligimus nihil deesse præter voluntatem: aut si desit aliquid aliud, esse proximam ad ipsum facultatem. v. g. de paupere non dicimus posse facere eleemosynam, si velit: quia præter voluntatem, deest illi facultas; quòd si non desit qui velit & possit suppeditare, dicemus pauperem posse facere eleemosynam si velit: quia quamuis non habeat quod det, habet tamen proximam ad acquirendum potentiam. Eodem modo, de eo qui ligatus est, nemo dicet ipsum posse currere, si velit, quia præter voluntatem oportet adhuc tollere compedes: sed si ipse possit

se expedire vinculis, dicemus posse currere si velit, ob proximam quam habet potentiam ad tollendum impedimentum.

Et ita, illud *si velit*, semper significat aut expeditam potentiam, hoc est proximam ad effectum, de quo est quaestio, aut saltem expeditam & proximam ad habendum quod deest, tollendumque impedimentum, si quod interponitur: alioquin numquam homines dicere solent, *potest si velit*.

Ergo similiter, cum Tridentinum dicit hominem posse dissentire divinae gratiae, *si velit*, intelligenda necessarium est proxima quaedam & libera potentia, vel ad dissentiendum, vel ad tollendum dissentiendi impedimentum, vel ad acquirendam immediatam dissentiendi facultatem. Ianseniani quid tandem horum dicunt?

Confirmatur 4. Quia quotiescumque dicimus hominem posse aliquid facere, *si velit*, significamus maximè adesse volendi facultatem, & quidem proximam; & ideo nemo dicit lapidem posse cadere deorsum, *si velit*, quia velle nequit; de dormiente pariter nemo dicit posse orare Deum, *si velit*, quia quamvis habeat voluntatem, habet tamen ligatam & non expeditam ad volendum. Ergo quando Concilium significat hominem posse divinae gratiae dissentire, *si velit*, supponit omnino habere proximam & non impeditam volendi potestatem; atqui velle dissentire est ipsum mer dissentire. Ergo si Concilium supponit esse proximam potestatem volendi dissentire, supponit esse proximam potentiam dissentiendi.

Quintò, Est incredibile Concilium Tridentinum absolute pronuntiare hominem à Deo motum posse facere id quod non est in ipsius potestate. Sed ex doctrina Iansenii lib. 7. de gratia Salu. c. 2. & 3. quando est divina motio, & quando non est delectatio præpollens concupiscentiae, dissentire non est in potestate voluntatis. Igitur Concilium non potuit pronuntiare quòd voluntas in illa hypothese possit dissentire, nisi contradicendo doctrinae Iansenii.

Sextò, Hoc quod est agere sine indifferentia, & cum remotà tantùm ad non agendum potentiâ, vel sufficit ut absolute dicatur liberum arbitrium agere, vel non agere, si velit; consentire, vel dissentire, si velit; & refragari vel obtemperare, si velit & similia; vel non sufficit. Si non sufficit: ergo, Concilium cum di-

cit posse consentire vel dissentire si vult, malè loquitur in tradenda fidei doctrina, & exponit errori fideles, vsurpando loquutiones, quæ juxta communem & vsitatam acceptionem faciunt sensum Semipelagianum. Si sufficit; quare Iansenius omnes illos loquendi modos rejicit & damnat, quasi contineant sententiam Semipelagianam? Dicunt Scholastici, est in hominis libero arbitrio consentire diuinæ gratiæ, vel non consentire, si velit: & Iansenius absolutè pronuntiat, hoc est Semipelagianum. Dicit Concilium, liberum hominis arbitrium potest consentire diuinæ gratiæ vel dissentire, si velit. Iansenius item absolutè pronuntiat, sicut debet, hoc est orthodoxum. Atqui pondus & pondus, mensura & mensura, vtrumque abominabile est apud Deum, Prouerb. cap. 2. Vnde tam diuersa iudicia circa easdem propositiones?

Denique, postquam ex Iansenianis tota libertas arbitrii diuinæ gratiæ cooperantis eò reducitur, quòd voluntas sequatur motionem gratiæ per se efficacis, sine indifferentia, & sine proxima dissentendi potentia; Interrogo quis sit error Caluini? Negat-ne gratiam per se efficacem? Negat-ne voluntatem agere sine indifferentia? Negat-ne remotam ad dissentiendum potentiam? In quo igitur peccat? Coactionem rejicit, cognitionem plenam ad agendum humano modo necessariam supponit? Quid igitur magis minus-ve dicit quàm Iansenius? Non est mirum, quòd Tridentinum putet se illum damnare, & quòd ille sentiat se damnari à Tridentino; & quòd Iansenius, ac Ianseniani totam hanc causam ita interpretentur, vt neque Caluinus negare quidquam videatur eorum quæ Tridentinum asserit; neque Tridentinum asserere quidquam eorum quæ Caluinus negat? Nimis pacifici sunt, qui lupos cum agnis conciliare nituntur.

Quæ sit doctrina S. Augustini.

*In libro de
incontia li-
bertate c. 1.
& 2. Et in
Augustino
vindicato
lib. 1. c. 6. lib.
4. c. 8.*

DE sententia S. Augustini possent innumera dici, quibus euidenter monstraretur contraria esse Iansenianæ, quod etiam alibi perfectum est. In præsentia tantum vnum & alterum apponam.

Primum est, S. Augustinum semper retinere liberum arbitrium, quod Pelagiani ab eo destrui criminabantur; neque vnquam emendare notionem communem liberi arbi-

trii, quæ importat secum expeditam ad faciendum, vel non faciendum facultatem; sed requirere tantum ut facultas illa, quatenus bonum spectat, quod pertinet ad vitam æternam, intelligatur constitui per diuinam gratiam. Hoc posito, dicant quantum volent Pelagiani arbitrium cum gratia esse liberum ad faciendum vel non faciendum, idque proximè, D. Augustinus numquam repugnat; ut constet ex toto libro de gratia, & libero arbitrio.


Secundum est, S. Augustinum in eodem lib. cap. 2. probare liberum arbitrium, etiam in natura lapsa ex loco illo Ecclesiastici, cap. 15. *Ante hominem vita & mors, ad quodcumque volueris extendis manum suam*, quæ significant expeditam facultatem tam ad vnum, quàm ad aliud.

Tertium, Idipsum confirmare S. Augustinum in Psal. 51. *Benignitas ante te, iniquitas ante te, compara & elige*. Vbi etiam exprimitur æquè proxima ad vtrumque potestas: & ridendus sit, qui de duobus objectis, quorum vnum est præsens & aliud absens, homini dicat, illud ante te, & illud etiam ante te, compara, & elige.

Quartum, Expressissimam esse hujus quæstionis decisionem in lib. de Bono Perseuerantiæ cap. 5. cum dicit: *Credere vel non credere, possum est in arbitrio voluntatis humanæ*; quod non potest esse verum, nisi suppositâ gratiâ voluntatem præparante; ergo illâ positâ, credere vel non credere in arbitrio humanæ voluntatis positum est.

Quintum, Esse id pariter expressum in cap. 34. de Spir. & Litt. vbi suppositâ pariter diuinâ gratiâ dicit, *sed consentire vel dissentire propria voluntatis est*. Compara cum eo quod dicunt Ianseniani, *voluntatem gratia Christi posse resistere vel obtemperare Semipelagianum est*.

Sextum, Ex lib. de Spir. & Litt. cap. 31. constare apud Augustinum, cum dicitur quispiam posse aliquid facere, *si velit*, supponi adesse potestatem non impeditam, nec ligatam. Idipsum constare ex lib. 2. de actis cum Felice Manich. cap. 3. 4. 5. vbi significatur quando de aliquo dicitur, quod *noluit potuisse*, ut dictum est in superiori propositione.



QVINTA PROPOSITIO.

Semipelagianum est dicere, Christum pro omnibus omnino hominibus mortuum esse, aut sanguinem fudisse.

Quid sentiat Iansenius.

» **H**Æc est conclusio, quam Iansenius rectè sequi
 » putat ex dictis à se toto libro 3. de gratia Salu.
 » cap. 21. quod sic claudit. Quæ sanè cum in
 » Augustini doctrina perspicua, certaque sint, nul-
 » lo modo principis ejus consentaneum est, vt
 » Christus Dominus, vel pro infidelium, in infidelitate morien-
 » tium, vel pro justorum, non perseverantium æterna salute
 » mortuus esse, sanguinem fudisse, semetipsum redemptio-
 » nem dedisse, Patrem orasse, sentiatur. Sciuit enim quò quis-
 » que jam ab æterno prædestinatus erat, sciuit hoc decretum,
 » nec ullius pretii oblatione mutandum esse, nec seipsum vel-
 » le mutare. ex quo factum est, vt juxta sanctissimum Docto-
 » rem non magis Patrem pro æterna liberatione ipsorum,
 » QVAM PRO DIABOLI DEPRECATVS FVERIT: sed si quid pro ip-
 » sis rogavit Patrem, pro temporalibus quidem justitiæ effecti-
 » bus rogavit, fuditque sanguinem suum, &c. Et paulò pòst di-
 » cit contrariam sententiam fuisse *machinam à Semipelagianis*
 » *erectam, & ab antiqua Ecclesia repudiatam.* Et initio capitis hoc
 » argumentum jam *ad nauseam usque à Pelagianis, præsertimque*
 » *Masiliensibus inculcatum.* Vnde clarè constat ex ipsius senten-
 » tia & Christum non esse pro omnibus omnino hominibus
 » mortuum, & Semipelagianum esse ita sentire & dicere.

Ratio autem, quâ vitur vt probe Christus non orasse
 pro reprobis, quòd *serret*, quò quisque *prædestinatus esset*, nemo

est qui non videat quàm sit absurda, indignaque viro, ad ea quæ dicit attento: cùm inde sequatur orare non potuisse in horto ad auertendum passionis calicem. Quid enim? nonne sciebat, quid jam olim Deus prædefinisset, & immutabilem esse diuinæ sapientiæ sententiam illam?

Quid sentiant Hæretici.

SED nec in eo videtur consequenter loquutus initio cap. Scit. cùm dicit, deterreri debuisse recentiores ab hoc argumento usurpando, cùm non possent ignorare usurpatum etiam esse à Pelagianis & Massiliensibus. Annon enim debuit ipse quoque Iansenius deterreri à proferenda tam immani sententia, cùm non posset ignorare esse illam etiam celebratam à Caluino, & confirmatam velut vnum ex præcipuis Calvinismi fundamentis? Nam Calvinus 3. Institut. cap. 24. §. 15. negat illud Ezechielis, quo Deus dicit se *nolle* mortem peccatoris, *sed magis ut conuertatur & viuat*, extendendum esse ad totum genus humanum. Et quòd Niniuitis & Sodomitis, qui paratiores erant ad recipiendam gratiam, janua pœnitentiæ aperta non sit, argumento esse, *Deum nolle omnes saluos fieri*. Deum, qui delegit quos misericordia prosequi debeat, eam non omnibus impertiri. Vniuersales Dei promissiones ita metiendas esse ex effectu, ut cùm Deus salutem omnibus indiscriminatim denuntiat; nihil aliud velit quàm omnibus expositam esse misericordiam, qui modò eam expetunt atque implorant: quod non alij faciunt, nisi quos illuminauit; illuminare autem quos prædestinauit ad salutem. Consequenter ad hæc docet in cap. 17. Ioan. *Christum proprii gregis solummodò sollicitum fuisse, & pro electis suis dumtaxat orasse.*

Idem §. 16.

Idem §. 17.

Concinit Molinæus in sua Anat. cap. 5. num. 19. Vbi illud Christi apud D. Matthæum, *Hierusalem quoties volui, &c.* negat significare voluntatem, sed externam tantum iussionem: finemque Dei vocantis reprobos *non esse ut conuertantur, sed tantum petere quod debent, nempe sibi iubenti morem geri & credi promittenti*: nec alio sensu Deum seridè vocare, quàm quia *seridè declarat quid sibi gratum sit. Deum non desiderare conuersio-*

Ibid. c. 36.

n. 21.

1b. c. 40. n. 7

1b. c. 28. n. 19

nem hominum, sed innuere tantum eam sibi gratam esse: Christum non orasse pro omnibus crucifigentibus, sed pro iis, qui per ignorantiam hoc faciebant.

Hæc est Hæreticorum doctrina, quam Illustrissimus Malderus Antuerpiensis Episcopus, *blasphemam* vocat, & verè *Antichristianam*. Quod ille nequaquam dicit ex proprio tantum sensu, sed ex illa quam habebat communi experientia horro-
ris Catholicorum omnium, à quibus Caluinus non diffitetur se dissentire. Molinæus verò *Pontificios* vocat eos, qui resis-
tunt suæ doctrinæ, & Arminianos, qui defecerunt à Calui-
no in hac controuersia, dicit *Papismum interpolasse*. Iansenius noluit haberi *Pontificius*, & ne Papista diceretur hac in parte, maluit adhærere Caluino.

- c. 4. pag. 60. Sequitur Samuël Maresius, qui in sua Synopsi laudat quod statuit doctissimus Catechista Iansenii, *Christum non esse mortuum pro iis qui pereunt, quod & jam olim Gotescalcus genuinus*
- o. 6. pag. 100. *Augustini, imò scripturarum discipulus sustinuit. Item, Cùm sequenti erotemate dicturus sit vir doctus, Catechista Iansenii, Nolle Deum alios seruare, quàm suos electos, non erat cur ita ambigè loqueretur, ut etiam quodam sensu Christum pro quibusdam non electis mortuum confiteri videretur. Item, NEQVE IN VERITATE, NEQVE EX VIRI DOCTI PRINCIPIIS POTEST STATVI CHRISTVS MORTVVS PRO VLLIS REPROBIS, cùm certum sit neminem ex illis seruatum velle dominum. Item, Ergo pro solis electis ex Christi intentione fusus est sanguis illius, &*
- pag. 101. *per consequens, pro illis SOLIS mortuus est. Iterum, Habens hic in quo genuinum frangant vniuersalists omnes, qui scilicet dicunt Deum velle omnes homines saluos fieri, qui in illis phrasibus vniuersale quid sonantibus praesidium querunt PELAGIANISMO SVO.*
- pag. 106.

Quid sentiat Ecclesia.

IAM quòd contraria sit Ecclesiæ Romanæ doctrina satis intelligitur ex Conc. Trid. sess. 6. cap. 2. & 3. cùm dicitur:
 „ Hunc proposuit Deus propitiationem per fidem in sanguine
 „ ipsius pro peccatis nostris: NON SOLVM AVTEM PRO
 „ NOSTRIS, SED ETIAM PRO TOTIVS MVNDI. Ve-
 „ rùm & si ille PRO OMNIBVS mortuus est, non omnes ta-
 men

men mortis ejus beneficium recipiant, sed ii dumtaxat, quibus meritum Passionis ejus communicatur, &c. Loquitur Concilium de redemptione generis humani: & cum dicit, etiam si Christus pro omnibus mortuus sit, non omnes tamen mortis ejus beneficium recepisse, non potuit clarius exprimere, intentionem redimendi per mortem suam latius paruisse, quam illius fructum, interueniente nimirum impedimento ex parte redimendorum. Et confirmatur hæc interpretatio ex eo quod dicit Concilium cap. 17. sess. citatz de Iustificatis: *Debere omnes firmissimam spem ponere in diuino auxilio*, agitur autem de auxilio ad perseverandum necessario. Impossibile enim est, ut omnes spem firmam habeant, nedum firmissimam, ut vult Concilium, si majori parti denegetur & subtrahatur ejusmodi auxilium; quod si sit omnibus iustificatis præparatum; ergo jam est in Deo voluntas iuandi, quantum est ex se, iustificatos ad salutem; atqui inter illos sunt multi reprobis; ergo ex mente Concilii, Deus habet voluntatem iuandi ad salutem multos reprobos, & Christus propterea mortuus est. Confirmatur iterum ex ratione, quam affert Concilium, cur debeant iustificati omnes concipere firmissimam spem illam, nimirum quia Deus, *sic cepit opus bonum, ita perficiet operans in illis velle, & perficere, nisi ipsi illius gratia defuerint*. Hæc enim quid significant, si non significant Deum habere ex parte sua voluntatem perficiendi quod cepit, hoc est opus suum usque ad finem perducendi, si non stet per ipsos? Quid autem est perficere, nisi efficere ut perseverent usque in finem? Potest-ne Deus velle ut perseverent usque in finem, & non velle ut saluentur? Vult igitur ut saluentur reprobis, quantum est ex se.

Eodem spectat etiam illud quod paulò antè dixerat Concilium cap. 11. *Posse, ac debere iustificatos per Christum proficere*. Propterea quod Deus suâ gratiâ iustificatos non deserat, nisi prius ab ipsis deseratur. Cum enim hæc assistentiâ gratiæ afferatur à Concilio; tanquam ratio, quâ probatur posse iustificatos proficere, evidens est intelligi debere de gratia actuali, sine qua nemo iustificatus hoc potest. Ergo iustificatis adest gratia actualis in omnibus occasionibus, in quibus est necessaria. Hoc autem est adesse medium sufficiens omnibus iustificatis ad finalem perseverantiam; & consequenter ad æternam salutem. Ex ef-

fectu verò causa infertur, nempe voluntas Dei & Christi de ponenda in manu iustificati æterna salute. Atque ita ex hac saltem parte censeretur debet damnata Iansenii doctrina, quæ negat Christum habuisse intentionem saluandi vllum ex iustificatis, qui pereunt. Nititur hic Ecclesiæ sensus innumeris Scripturæ sacræ testimoniis, quibus probatur & mandatorum possibilitas; & gratia sufficiens in iis occasionebus, in quibus est necessaria. Sequitur enim inde per homines stare quominus credant, quominus seruent mandata, & consequenter quominus in vitam æternam ingrediantur, Deo id volente & procurante; quantum est ex se. Sed illa potissimum testimonia conuincunt, in qua expressissima continetur Dei voluntas de salute hominum, quæ iuxta contrariam sententiam illusoria redduntur, & ad fallendos tantum & irridendos homines composita. Quid enim est illud, *volui congregare filios tuos, quemadmodum, &c.* Hoccine vniquam voluit reuera Christus in doctrina Iansenii? Voluit igitur secundum eandem doctrinam dæmones congregare sub alas, quemadmodum gallina pullos suos, postquam non magis sollicitus fuit, aut orauit pro salute Iudæorum, qui noluerunt ei adherere, quam pro salute diaboli. Et illud: *Quod si cognouisses & tu, & quidem in hac die tua quæ ad pacem tibi*, quid significat? poterat-ne ad pacem Hierusalem aliquid præparari præter voluntatem Dei? Intenderat ergo Deus pacem illam, hoc est reconciliationem cum Hierusalem, & in eum finem media necessaria præparauit. Et illud, *non vult mortem peccatoris, sed magis vt conuertatur & viuat.* Vult Deus vt conuertatur peccator cui statuit denegare auxilium necessarium, quo possit conuertere? Num de diabolo etiam dicitur, non vult Deus damnationem diaboli, sed magis vt conuertatur & beatus sit? Atqui eodem modo se habet Deus erga reprobos, atque erga diabolos, vt dicunt Ianseniani. Et illud de inuitatis ad nuptias, & venire nolentibus, aliud erit quam iocularis mendacium hominis vafri, qui ad conuiuium inuitat eos quibus januam clausit immutabili decreto? Et illud, *Ante hominem vita & mors, ad quodcumque uolueris extendet manum suam*, quo Augustinus contra Pelagianos scribens fatebatur contineri expressissimam liberi arbitrii definitionem, vllam-ne veritatem apud Iansenianos habere po-

test? Loquitur Augustinus de libertate naturæ lapsæ, de illa enim cum Pelag. disputat; neque probat tantum ex hoc loco libertatem electorum, sed etiam reproborum; ac proinde locus iste ad omnes pertinet. Ante reprobos ergo dicendum est esse vitam, quibus Deus decreuit negare omnia viuendi media necessaria. Sunt ejusmodi alia sexcenta in sacris paginis, quibus si non probatur velle Deum salutem eorum etiam qui non saluantur; nego quidquam probari posse ex Scriptura sacra, sed totam ipsius vim euacuatam esse, quod nihil inueniri possit quod frequentius aut distinctius in ea significetur, quam quod modò à Iansenianis verum esse negatur.

Atque ea fuit ratio, cur tam vnanimis fuerit in illam veritatem SS. Patrum consensus, ut compendio videri potest apud Coecium, & Bellarminum, qui jampridem eorum testimonia collegerunt; & apud Petaviū, qui nuper toto lib. 23. de Incarnatione idem argumentum prosequutus est.

Neque Iansenius diffitatur. Audi quid dicat lib. 3. de grat. Salu. cap. 20. *Nam quod pro ista recentiorum interpretatione multi veteres proferuntur, non multum ei conciliat auctoritatis.* Itane verò? Multitudo SS. Patrum non multum conciliat auctoritatis alicui sententiæ? Quare igitur Augustinus eorum sensa de peccato originali tam sollicitè toto lib. 1. & 2. contra Iulianum profert? Quare se illis adhaerere velle, ac debere proficitur? Quod addit Iansenius ibidem; nihil juuare quod dixit Chrysostomus, propterea quod vixerit ante subortas de diuina gratia difficultates, non videt perinde retorqueri posse à Iuliano dicente hunc ipsum Chrysostomum, quem ei Augustinus objicit, ac ceteros Patres scripsisse ante subortas de peccato originali difficultates, atque ita nihil juuare? Numquid dicemus ob eandem causam parum juuare quod idem Augustinus non solum in quaestione de peccato originali, sed etiam in quaest. de gratia & prædestinatione sanctos Cyprianum, Ambrosium; Nazianzenum profert, quamuis scripserint etiam ante subortas de diuina gratia controuersias? Et non est absurda cogitatio illa atque periculosa, quod ad dirimendas, quæ succedentibus annis suboriuntur controuersias, parum iuuent quæ scripta prius fuerant SS. Patrum monumenta? Vndenam certius intelligere possumus, quis fuerit

458 INFORMATIO DE QVINQUE PROPOSIT.

Ecclesiæ sensus, quàm ex SS. Patribus? Sed ego frustra sum, qui sensus Ecclesiæ commemoro apud eos authores, qui significant aliquot sæculis *sensum Ecclesiæ* fuisse pro doctrina *perfectè Semipelagiana*, eamque tradidisse SS. Patres *quosquos Augustini ætatem antegressi sunt, à tempore Origenis*. Ita enim opinatur Iansenius lib. 7. de hæresi Pelagiana cap. 17. qui ut S. Chrysostomum paulò antè loco citato parum curat, ita S. Hieronymum excusari posse negat.

Sed quia Iansenius plus sperat præsidii ex illis Patribus, qui sancti Augustini ætatem sunt consequuti ad vsque tempora Scholasticorum: & quia potissimum jactare solent Ianseniani iudicium Ecclesiæ Lugdunensis, & quæ 9. sæculo contigerunt in causa Gotescalci, & quæ in Concilio Valentino III. definita sunt; ut omittam iudicium Cardinalis Baronii tom. 10. anno 848. qui damnatum refert Gotescaleum, *quod negares Deum velle omnes homines saluos fieri, & Christum pro redemptione totius mundi mortuum esse*: dico Iansenii doctrinam perspicuam habere condemnationem in monumentis illius temporis, & in iudicio etiam illorum, qui contra Hincmarum, & Rabanum, & contra Rhemensem & Moguntinensem Ecclesiam, & Concilium Cariliacum videntur Gotescaleo nonnihil fauuisse. Et 1. quidem Concilium Valentinum can. 3. renouat canonem Concilii Arausiaci, *Quod cum omni detestatione anathema dicatur, qui aliquos ad malum ita prædestinatos dicunt, quasi aliud esse non possint*. Idem habetur in lib. Flori Magistri, & Ecclesiæ Lugdunensis aduersus Scotum Erigenam c. 4. ubi ad id quod dicebatur Gotescaleum prædestinationibus necessitatem, & vim inferre, subiicit: Si ita dicit, quasi illa prædestinatio reproborum ad interitum, alicui eorum vim & necessitatem imponat ad malum, id est, ut ineuirabiliter mali sint, ET OMNINO ALIUD ESSE NON POSSINT; hoc omnino alienum est à fide Catholica. Idem S. Remigius Archiepiscopus, & eadem Ecclesia Lugdunensis in libello detrib. Epistolis cap. 42. his verbis: Quod autem diuina eadem prædestinatio hoc in improbis agat, ut se ad Deum conuertendo & in melius commutando NEMO EORUM POSSIT SE AD VITAM RECUPERARE, quasi omnipotens Deus, quod absit, sua prædestinatione eis imposuerit necessitatem malè agendi, & in suis malis perseverandi, HOC OMNINO NULLVS

FIDELIVM DICIT. Idem in lib. de tenenda veritate Sacra Scri-
pturæ circa 4. Capitula Concilii apud Carisiacum habiti ;
vbi ad primum Capiculum, *Horribiliter blasphemare dicit, qui pu-
tas diuinā scientia vel predestinatione aliquem compelli vt malus sit,*
ET ALIVD ESSE NON POSSIT. In doctrina Ianseniana,
numquid in omnibus reprobis hoc agit Deus *vt aliud esse
non possint?* Possunt - ne esse boni sine auxilio diuino? Pos-
sunt-ne ad Deum conuerti? Numquid Deus immutabi-
li decreto denegat illis auxilium, vt hoc possint? Quod si
possunt aliud esse, hoc est ad Deum conuerti, & in boni-
tate perseuerare, Deus dando illis vt hoc possint, numquid
etiam dat vt possint saluari? Et hoc confirmat quod deinde
subiicit idem Remigius. Ideo plenam & perfectam præde-
stinationem iusti iudicii Dei tam in parte electorum, quàm
in parte reprobatorum, sicut omnino vera est, verum esse con-
fiteamur, nemini misericordiam negantes, NEMINI CON-
VERSIONIS GRATIAM DEROGANTES, NEMINI ADITVM INDVL-
GENTIÆ CLAUDENTES, sed omnibus in iniquitate permanere
volentibus vtilem & salutarem terrorem incutientes. Nemi-
ni scilicet misericordiam Dei negat Iansenius, qui illam ne-
gat omnibus reprobis? Non derogat illis gratiam conuersio-
nis? Non claudit indulgentiæ aditum? Paulo antè præmise-
rat Remigius. Se igitur, vt iam dictum est, vnusquisque, *PRV-*
FACULTAS DATVR DEO AVXILIANTE, mutet in melius. Hoc
enim procul dubio vult, qui quotidie clamat & admonet di-
cens, *declina à malo & fac bonum?* Et iterum, *Conuertimini*
ad me, & ego conuertar ad vos. Apud Iansenium daturne vni-
cuique facultas, vt se mutet in melius, quæ negatur infini-
tæ multitudini reprobatorum? Et hoc Deus *proculdubio vult*,
qui nullum prodit eiusmodi voluntatis effectum? Quod si da-
tur vnicuique illa facultas, *Et Deus proculdubio vult*, vt quis-
que mutet se, nonne & datur facultas, & Deus proculdubio
vult vt quisque saluetur? Et cùm hæc ita sint, Pelagiana erit
ad sensum Iansenii cogitatio de gratia sufficienti data, vel
oblata reprobis?

Secundò, Idem Concilium Valentinum eodem can. 5.
docet, Christum mortuum esse pro his etiam iustificatis qui
non perseuerant in accepta iustitia, *cōsq̃e damnari, qui no-*

luerint perseverare, sed elegerint potius gratiam Redemptoris irritam facere, quàm servare. Quod ostendit perspicue id eos potuisse.

In eandem sententiam idem S. Remigius in libel. de tribus Epistolis cap. 16. propositis tribus hominum ordinibus, Electorum, Vocatorum jam ad fidem, sed non perseverantium, & eorum qui supersunt vocandi, sic dicit: Pro illis itaque tribus ordinibus ad Christi gratiam & societatem fidelium pertinentibus Dominum Iesum Christum, & venisse ut eos saluaret, & crucifixum esse ut eos redimeret: ET FIDELITER CREDENDVM TENEMVS; & hoc non solum ex divinis scripturis, sed etiam ex SS. Patrum fide & doctrina EVIDENTER COGNOSCIMVS. Ecce, firmiter credit Ecclesia Lugdunensis tanquam rem *evidenter* traditam à Scripturis, & à SS. Patribus, mortuum Christum ut saluaret justificatos & justificandos, atque ad fidem vocandos omnes, quamvis reprobos. Iansenius autem cap. 21. lib. 3. de gratia Salu. disertissime negat mortuum esse Christum, ut eos saluaret, & non esse mortuum pro salute justificatorum, non perseverantium. An satis sunt contraria, mortuum esse Christum ut eos saluaret, & non esse mortuum pro eorum salute? Primum amplectitur Ecclesia Lugdunensis cum Concilio Valentino, tanquam fide certum. Secundum tenet Iansenius.

Terrio, In voluntate saluandi omnes etiam barbaros, ad quos Dei Euangelium non pervenit, duæ occurrerunt difficultates iis, qui adhærebant Ecclesiæ Lugdunensi. Prima, quod videretur Deus expectare, ut homo inciperet, & hoc patet ex lib. de trib. Epistolis cap. 12. & 13. his verbis. Quarto autem modo ita à SS. Patribus intellectum invenitur quod dictum est, Qui vult omnes homines saluos fieri, ut simpliciter accipiatur hoc de omnibus, quantum in ipso est, Deum velle, eo quod omnes saluare velit bonitate Creatoris, sed quia liberi arbitrii eos condidit, EXPECTAT UT HOC ETIAM IPSI VELINT: & deinde. In quarto autem modo illud sine dubio cauendum, quia & occasionem Pelagianæ prauitatis præbet, quod Deum, ut saluet homines HUMANAS ASSE-
RIT EXPECTARE VOLUNTATES, facile est autem hoc cadere in illo quarto modo, nullam ag-

noscendo bonam voluntatem, quam diuina gratia non præcesserit.

Altera difficultas nata est ex vmbra quadam & suspitione, quasi id ita acciperetur, vt mortuus esset Christus etiam pro liberandis à damnatione reprobis: duobus enim modis intelligi potest Christus pro reprobis mortuus. Primò vt impediatur ne reprobi fiant, hoc est ne moriantur in peccato & damnentur. Secundò, vt permissa malà morte, ac damnatione, illos inde eripiat: hunc fuisse multorum errorem manifestè colligitur ex S. Augustino de Ciuit. Dei lib. 21. cap. 18. 19. 20. 21. 22. & perseuerare hodièque apud Græcos probat Leo Allarius dissert. 2. de libris Ecclesiast. Græcorum pag. 240. 308. 312. Suspiciatos autem esse Lugdunenses subesse cogitationem hanc iis, qui dicebant & Deum velle omnes saluos fieri & Christum pro omnibus mortuum esse, facillè intelligitur ex modo loquendi, tum Concilii Valentini, tum aliorum. Et sufficere possunt ad hoc demonstrandum hæc verba ex cap. 18. de trib. Epistolis. Quamuis igitur idem Dominus noster, & ad omnes saluandos, omnèque redimendos, etiam quos nec saluauit nec redemit, id est infideles & impios in sua infidelitate & impietate perditos, & pereuntes; & perituros, venisse contendatur, vnum tamen est, quod nos & fidelissimè credimus & verissimè nouimus, quia pro omni illa & innumerabili, & infinita multitudine impiorum, qui ab exordio mundi vsque ad Passionem Domini per quatuor ferè annorum millia IN SUA IMPIETATE SVNT MORTVI, ET APVD INFEROS ÆTERNA PERDITIONE DAMNATI, numquam Dominus mortuus, numquam passus est, nec ad eos saluandos vllatenus venit, nec pro eis sanguinem fudit, quoniam solos illos ex iis qui ab exordio mundi vsque ad Passionem ejus extiterunt, eadem passione sua redemisse & saluasse, atque ab inferi claustris eduxisse credendus est, qui & fideliter eum sperauerunt venturum, & fideliter per eum redemptionem & liberationem ad salutem se accepturos esse crediderunt. Et similia habentur in lib. de tenenda veritate Scripturæ cap. 14.

Vides permitti vt credamus mortuum esse Christum vt redimeret & saluaret etiam infideles in sua infidelitate &

impietate *perditos pereuntes, & perituros*, dummodo negemus venisse pro mortuis & damnatis apud inferos, quasi eos educere voluerit ex inferis, post mortem suam, cum illis sanctis qui pie mortui erant, sicut putarunt Græci; & illius quidem suspicionis vestigia apparent multis aliis in locis, & in ipso etiam Concilio Valentino can. 4. Quam ne quis cauilletur nullo nixam fuisse fundamento, præter id quod jam notatum est ex S. Augustino & Leone Allatio, discere poterit ex Epist. nona Zachariæ Pontificis ad Bonifacium, non ita diu ante hanc disputationem Ecclesiæ Lugdunensis fuisse qui diceret Christum ab inferis reducem damnatos omnes liberasse, nullo inibi relicto.

His ergo purgatis umbris, nihil est amplius quod Ecclesia Lugdunensis reprehendat in ea sententia, qua Christus dicitur pro omnibus mortuus, quin imò censer utramque opinionem conciliari posse, correctâ prauâ intelligentiâ. En quid dicat Lupus Seruatus illorum temporum Scriptor & propugnator doctrinæ Ecclesiæ Lugdunensis in libello de tribus quæstionibus, ad quæst. 3. Verum ne me irridendum & respiciendum pronuncient, quibus placet omnes, siue bonos siue malos indifferenter à Christo redemptos, ponam vnum quod cum iis faciat testimonium, & eos omnes, ut opinor, in gratiam reduxero. Et illud est quod Ioannes Constantinopolitanus doctrina & sanctitate juxta insignis Episcopus, *ut gratia Dei pro omnibus gustauerit mortem*, quod supra posui sic exponit, Qualiter gratia Dei pro omnibus gustauerit mortem, non pro fidelibus tantum, sed pro mundo vniuerso. Et ipse quidem pro omnibus mortuus est: quid autem si non omnes credant? ID QVOD SVVM ERAT IMPLEVIT. Eligat sanè superioribus accurate consideratis vnusquisque quod optimum ei Deus occulta miseratione suggererit aut magistra scriptura manifestâ ratione protulerit. S. Remigius in libel. de trib. Epist. cap. 20. sic loquitur: Si autem placet, sicut & nobis multum placet, ut etiam istorum sententia ex pietate veniens propter pacem & venerabilem pietatem Beatissimorum Patrum non renuatur, nulla ergo contentione pro aliis aduersus alios litigetur, NON VNA SENTENTIA PRÆ ALTERA DAMNETUR.

Idem

Idem in libello de tenenda veritate Scripturæ, 3. cap. hæc habet. Ecce enim aliquis sentiat, & dicat, sicut etiam antiquitus & sensum & dictum est, non dixit Apostolus vniuersaliter & generaliter vt isti addiderunt, sine exceptione, *qui vult omnes homines saluos fieri*, quid habet hæc intelligentia inconsequens, aut contrarium veritati? Item alius dicat & sentiat, sicut etiam à quibusdam maioribus dictum & sensum reperitur, Apostolus cum superius orari iussisset pro omnibus hominibus, pro Regibus, & his qui in sublimitate sunt, post illa omnia generaliter de vniuerso genere humano subiunxit, *qui vult omnes homines saluos fieri*, QUID HABET MALI, AUT PERICVLI ISTA INTELLIGENTIA? Et ambo sibi & iste videlicet & ille licet diuersa sentientes fideliter atque vnanimiter concordant. Et iterum idem Remigius in lib. de tribus Epistolis cap. 23. hæc habet: Vnde etsi inuenti sunt alii æquè Patres, qui illud gloriosum pretium etiam pro numquam credituris, & in sua impietate perituris datum esse non abnuunt, & illud manifestè diuina authoritate firmatum est, ET ISTVD SI PIE SENTITVR, NON EST ABVENDVM. Tum deinde cap. 27. ait, Quod etsi aliqui Patrum pro omnibus omnino hominibus Christum passum esse intellexerunt, HONORETVR ET ISTE SENSVS VT PIVS, dummodo ille prior, qui est certissimus & diuina veritate formatus, nulla præsumptione condemnetur. Denique idem cap. 28. ostendit qua ratione conueniant ambæ sententiæ, his verbis: Recogitent attentius, quia etsi verba illa Apostoli simpliciter intelligantur, quibus de Deo dicit, *qui vult omnes saluos fieri*, duobus modis hoc Deum agere certissimum est, VT ALIOS ITA VELIT SALVOS FIERI, VT EOS OMNINO NON SALVET, SED IN ÆTERNVM PERIRE PERMITTAT, sicut vtique reprobos omnes, quos iuxta hunc sensum, & vt benignus Creator saluari voluit, & vt iudex æternæ perditioni tradidit. Ita, ETSI PRO OMNIBVS ETIAM IN SVA IMPIETATE PERITVRIS Christus mortuus est, sic eis exhibuit bonitatem Passionis suæ, vt tamen homines impios in sua impietate permansuros iusto suo iudicio condemnauerit. Vbi patet satis expressum esse quod communiter dicitur in Scholis, nolle Deum vt omnes saluentur voluntate absolutâ & effectum salutis infallibiliter habiturâ, vel-

le autem vt omnes saluentur voluntate conditionatâ salutis media subministrante omnibus, vel subministraturâ, si nulum ex parte hominum poneretur impedimentum.

Atque ita constat ex dictis minimè creditum esse ab Ecclesia Lugdunensi quod dicit Iansenius, *Pelagianam esse interpretationem illam*, quam rejicit, de Deo omnes saluare volente, & de Christo pro omnibus mortuo. Quin imò creditum fuisse illis diuina voluntate, & Christi intentione prouisum de mediis ad salutem necessariis, & esse id potissimum fide tenendum, si quæstio sit de reprobis, qui ad fidem & iustitiam aliquando vocati ceciderunt.

Vt faciliè intelligi possit Iansenianos, qui hæc omnia monumenta sæculi noni spectantia ad causam Gotescalci & controuerſiam inter Lugdunensem & Rhemenſem & Moguntinensem Ecclesias nuper in publicum edi curarunt, veluti causæ suæ profutura, litteras Vriæ protulisse, atque hoc probasse quod Iansenius sicuti Pelagianum damnat, non solum antiquis & vltimis, sed mediis etiam temporibus, orthodoxum fuisse atque Catholicum.

Sed & hoc quoque quarto loco notandum, S. Remigium, Flo- rum, Lupos ambos, Seruatum & Ferrariensem, quæcumque, dicunt confirmare non ex solius S. Augustini sensu, quem semper Iansenius separat ab aliis Patribus; sed ex communi consensu tum ejusdem S. Augustini, tum Patrum cæterorum. Quorum autem? Nempe, vt jam visum est Chrysostomi, quem Iansenius spernat, Hieronymi, quem accusat, & quod mirabilis est, authoris Commentatorum in Epist. D. Pauli, qui Ambrosio attribuuntur, quem authorem Iansenius per ludibrium vocat Ambrosiastrum, & veluti Pelagiano veneno infectissimum deprædicat: Hunc, inquam, & Ecclesia Lugdunensis, & quas dixi ejus propugnatores, veluti verum Ambrosium citant, eique vt Augustino, vt Hilario, aliisque Patribus, & credunt & credendum putant.

Eant modò Ianseniani, & de suffragio Ecclesiæ Lugdunensis triumphent. Prudens verò Lector judicet, an non meritò huic Iansenii propositioni, *Semipelagianum est dicere Christum, &c.* qui fuerant à Sorbonæ censores designati in hunc modum subscripserint, *hæc propositio est falsa, scandalosa, insimulans erroris veritatem sacris Scripturis conueniam, & in Concilio Tridentino declaratam.*

Quid respondeant Ianseniani.

QUOD Ianseniani respondent erroris est potius confirmatio, quàm declaratio veritatis; Dicunt primò, Catholicè dici posse Christum pro omnibus mortuum, quia natura, & causa humani generis pro qua mortuus est, erat omnium communis: ita si centum Itali, v. g. in bello capiantur à Turcis, & quidam amore nationis captus mittat lytrum pro quinque, aut sex, ille dicetur omnes redemisse, quia natura & conditio, & causa, qua mouetur, communis est omnium, ridendus sit qui hoc eredar.

Secundò, Dicunt affirmari posse mortuum pro omnibus quoad sufficienciam, potentiam, & virtutem pretii, sed si nihil aliud additur, stat quod dicit Iansenius, nihilo magis mortuum esse pro omnibus hominibus, quàm pro diabolo, qui omnium calculis excluditur à numero eorum, pro quibus Christus dicitur esse mortuus.

Tertiò, Si sensus sit mortuum esse pro omnibus, quasi verò meruerit omnibus applicationem mediorum, quæ sufficere possint ad salutem, nisi ex parte ipsorum aliqua causa impediatur, hoc verò illi dicunt esse Semipelagianum, & jam constat ex dictis an sit toleranda propositio, non solum quoad censuram illam injuriosam, & iniquam, sed etiam quoad ipsam propositionis substantiam, quatenus præsertim juxta Iansenianam doctrinam, excluduntur ab intentione salutis etiam iusti, qui non perseuerant, de quibus tam firma fuit confessio etiam eorum, quos aduersarii sibi magis fauere putant.

Quartò, Addunt Tridentinum id significare; quatenus dicit, *Meritum Passionis Christi non communicari omnibus*, sess. 6. cap. 2. & *omnes non recipere beneficium mortis illius*. Ita est, sed est etiam manifestum eos, quibus non communicatur meritum Passionis, & qui non recipiunt beneficium mortis Christi, comprehendi eorum numero, pro quibus Christus mortuus est; & pro quorum peccatis positus est propitiatio. Verba enim illa, *Verum & si ille pro omnibus mortuus est, non omnes tamen*, &c. apertè significant in intentione morientis comprehendi etiam illos, quibus fructus mortis non communi-

catur: & Ianseniani deberent explicare quo sensu dicat Concilium, *Christum positum fuisse propitiationem pro peccatis totius mundi*, quod statim ita interpretatur, *Verum & si ille pro omnibus mortuus est*, &c. Ut idem sit mortuum esse pro omnibus, & positum propitiationem pro peccatis totius mundi. Quo sensu inquam positus est propitiatio pro peccatis omnium? Præter intentionem Dei & suam? Quod si Deus intendit ut esset propitiatio pro peccatis omnium, etiam illorum, qui fructum Passionis ejus non percipiunt, debent conciliari hæc duo, & esse reuera intentionem Christi, ut per mortem suam omnes redimat, vel præueniendo ipsorum peccata, vel commissa delendo, & talis intentionis fructum in omnibus non sequi. Quod autem omnes *non percipiant beneficium*, aut quod *non communicetur omnibus meritum Passionis*, nihil aliud significat, quàm vel impediri mediorum applicationem per peccata, quæ liberè committuntur, vel applicatorum impediri fructum, defectu cooperationis.

Doctrina S. Augustini.

VENIENDVM est modò ad Dium Augustinum, ubi statim interrogandi sunt Ianseniani, quid responsum velint ad id quod legitur quæst. 68. ex 83. quòdque non retractauit, dum illam quæstionem recognosceret, scilicet eos, qui non venerunt ad cœnam imputare sibi debere, *quoniam ut venirent vocati, positum erat in eorum potestate?* Quid ad illud ex lib. 1. ad Simplicianum, quæst. 2. de Esaü, *quòd si voluisset & cucurrisset, Dei adjutorio peruenisset, & ideo vocatione contempta, factum esse reprobum?* Est autem Esaü cæterorum reproborum exemplar: Quid ad illud cap. 3. de Genesi contra Manichæos, posse homines seruare Dei mandata: *Quia Dei lumen illuminat omnem hominem venientem in hunc mundum?* Quid ad illud in Psalm. 5. *Benignitas ante te, iniquitas ante te, compara & elige?* Quid ad illud hom. 12. inter 50. *Est à dextris quodammodo precipiens Deus, à sinistris seducens Sathanas, homo in medio constitutus, cor quod inclinatur ad diabolum quare non magis erigitur ad Deum?* Quid ad illud Psalm. 91. *Sathanas non cogis inuitum, IN TVA POTESTATE EST*

CONSENTIRE, AVT NON CONSENTIRE, alloquitur autem non consentientes?

Et hæc nonne clarè significant, Deum posuisse in manu reprobatorum, vt non peccarent, vt bene viuerent, ac proinde vt saluarentur? Et non voluit vt saluarentur quibus dedit salutis media? Quid ad illud ex cap. 67. de nat. & grat. Nihil aliud ad culpam deputari malè viuentibus, quàm quòd sanare volentem contemnunt? Quid ad illud ex tract. 2. in Ioan. Ingratè irrides eum qui ad te venis vt redeas? An venit Christus vt redeat is, quem redire non vult. Quid ad illud ex tractatu 13. Quantum in medico est sanare venit ægrotum. Ipse se interimit qui præcepta medici obseruare non vult. Venit saluator in mundum. Quare Saluator dictus est mundi, nisi vt saluet mundum, non vt iudicet mundum? saluari non vis ab ipso, ex te ipso iudicaberis. Potuit-ne distinctiùs exprimi Christus saluare volens eos, qui saluari nolunt? Quid ad illud ex Commentario in Psalm. 68. *Proiecit Iudas pretium argenti, quo ab illo Dominus venditus erat, NEC AGNOUIT PRETIUM QVO IPSE A DOMINO REDEMPTVS ERAT.* An redemerat illum Dominus, sine voluntate redimendi? Quid ad illud ex Comment. Psalm. 18. Cum autem Verbum caro factum est, & habitauit in nobis, NON PERMISIT VLLVM MORTALIVM EXCVSARE SE DE VMBRA MORTIS, IPSVM ENIM PENETRAVIT VERBI CALOR? Nonne de umbra mortis excusare se poterit, quem Christus numquam voluit illuminare? Et Verbi calor sine luce gratiæ quemquam potuit penetrare? Quid ad illud ex cap. 33. de Spir. & Litt. Vult Deus omnes homines saluos fieri, non sic tamen vt eis adi-
mat liberum arbitrium QVO BENE VEL MALE VTENTES RECTISSIME IVDICENTVR; quod cum sit, infideles quidem CONTRA DEI VOLVNTATEM ET BONITATEM FACIUNT, CVM EIVS EVANGELIO NON CREDVNT. Vbi vides clarè eorum in numero, quos Deus vult saluos fieri, comprehendi infideles, qui malè vtuntur libero arbitrio, nolentes credere.

Et speciatim de iustis non perseverantibus, quid ad illud ex Comment. in Psalm. 2. Duo sunt opera medicinæ, vnum quo sanatur infirmus; alterum quo sanitas custoditur. Ibi misericors auxilium est, quasi nullum habeat meritum peccator,

„ qui adhuc justificari desiderat ; HIC AUTEM IUSTVM AVXI-
 „ LIVM EST, QVOD IAM IUSTO TRIBVITVR ? Quid est adiutorium
 quod iusto tribuitur iustum esse , provt iustum distinguitur
 contra misericors , nisi esse debitum vel ex iustitia , vel ex fi-
 delitate , vel ex ipsa connaturali status exigentia ? Et Deus
 non vult soluere quod debet ? Et si vult , non vult vt perse-
 ueret , & ita saluetur etiam iustus , qui non perseverat ? Quid
 „ ad illud ex lib. de corrept. & gratia cap. 7. Iustior videtur
 „ excusatio dicentium , non accepimus audientiam , quàm di-
 „ centium non accepimus perseverantiam , quoniam potest di-
 „ ci, HOMO IN EO QVOD AUDIERAS ET TENVERAS
 „ IN EO PERSEVERARES SI VELLERES ? Nonne hic aperte
 significat non esse impotentiam perseverandi in iis , qui non
 perseverant , sicut est impotentia credendi in iis , qui non au-
 dierunt ? Potentia autem perseverandi potest adesse sine gra-
 tia ad eum finem ab eo data ? Denique quid ad ea quæ an-
 tea sunt allata , quibus constat ex Augustino Deum non de-
 ferere iustificatos subtractione gratiæ actualis , nisi prius dese-
 ratur ? Nimirum hæc manifestè conuincunt , distinguendas
 esse in Deo duas salutis hominum voluntates , sicut distin-
 xisse vidimus Lugdunensem Ecclesiam , & antea D. Da-
 mascenum , ac deinde Scholasticos : quarum vna solos electos
 respiciat , alia etiam reprobos : quod S. Prosper supponit pa-
 riter distinctione factâ duplicis gratiæ , nimirum generalis ,
 quæ omnes respicit , & specialis , quæ est electorum , de quo
 mox.

Nam quia Iansenius sæpè suggerit , vt quid senserit Augu-
 stinus discamus ex Prospero , Prosper in hac quæst. interro-
 gandus est ; & respondebit , *Christum dedisse semetipsum redem-
 ptionem pro omnibus* , NVLLO EXCEPTO , vt refert ipse Ian-
 senius tom. 3. lib. 3. de gratia Saluatoris , cap. 21. cui quan-
 tum hæc sententia displiceat , satis ostendit quod subiungit :
Augustinum illo fuisse antiquiorem & doctiorem. Ita verò sit ,
 dicatur Augustinus antiquior Prospero , quia eo senior erat ,
 & quia Prosper illi superuixit aliquot annis. At nonne etiam
 antiquior Iansenio Prosper , & quidem 12. sæculis ? Num ini-
 quo animo ferent Ianseniani , si putemus Prosperum fuisse
 quoque Iansenio doctiorem in Augustini Theologia , vt pote

quî cum eo adhuc viuente commercium habuit familiare doctrinæ, interrogando & respondendo? Cui verò relicta est immediatiùs traditio Augustinianæ Theologiæ, quàm Prospero? Et de Augustino plus credemus homini; qui duodecim sæculis procul illum aspicit, quàm illi, qui iuxta est, coartaneus illius & familiaris? Quis etiam peritior fuerit articulorum hæresis Semipelagianæ, quàm Prosper, qui cum illa perpetuò pugnabat? Et putabimus illum nesciuisse distinguere inter Orthodoxam & damnatam doctrinam Massiliensium, vel incautum in hanc incurrisse, dum dicit Christum seipsum dedisse redemptionem pro omnibus, *nullo excepto*? Æquo animo Ianseniani ferant oportet, si malumus Augustini sensa ex Prospero discere, quàm ex Iansenio; & quia illi dicunt se Augustinum in Iansenio loquentem audire, nos è contrario audire malumus loquentem in Prospero, ejusque verbis Iansenianam doctrinam profligantem.

Quid enim est quod totis libris de vocatione gentium vniuersalem quandam gratiam agnoscit Prosper, ratione cujus dicatur & Deus omnes saluare velle, & Christus mortuus pro omnibus? Scio agnoscere etiam particularem, quæ pertinet ad electos; sed de illa non est quaestio. Agnoscant Ianseniani generalem, postquam illam agnoscit Augustinus in Prospero, particularem nemo illis negabit.

Attulerat Suares aliquot testimonia ex lib. 2. sed Iansenius vno verbo expedit sese lib. 3. de gratia Saluat. cap. 20. *Prosperum*, inquit, *non intelligit Suares*; Quid non intelligit? Ænigma est quod legimus cap. 13. *VOLVISSE Deum, & quantum ad illum medendi modum sufficiebat, EGISSE vt Cain ab illo impietatis furore resipisceret*? Ænigma est quod addit, posteris illius fratricidæ, quamuis in Progenitoris sui moribus viuerent, *numquam se diuinam bonitatem negasse*? Ænigma est quod dicitur cap. 14. non ideo excusabiles esse nationes quæ alienatæ fuerant à conuersatione Israël, quia illis hæc abundantia gratiæ, quæ nunc vniuersum mundum rigat, pari largitate non fluxerit; Adhibitam enim semper fuisse vniuersis hominibus *QVANDAM MENSVRAM SVPERNÆ DOCTRINÆ*, quæ sufficeret quibusdam ad remedium, omnibus ad testimonium? Ænigma est quod legitur initio c. 16.


„ Iesum Christum mortuum esse pro impiis & peccatoribus, &
 „ PRORSVS PRO OMNIBVS MORTVVM ESSE? *Ænigma*
 „ est, quod legitur, cap. 17. Gentibus quibus nondum annuncia-
 „ tum est Euangelium, non deesse illam mensuram generalis au-
 „ xilii, quæ desuper omnibus semper hominibus præbita est.
 „ Esto non sufficiat ad plenam eruditionem diuinæ cognitionis?
 „ *Ænigma* est quod legitur cap. 23. de paruulis; Non irreligiosè
 „ nec inconuenienter intelligi, quòd ad illam pertineant gratiæ
 „ partem, quæ semper est vniuersis impensa nationibus, *QVA*
 „ *VTIQUE SI BENE VTERENTVR EORVM PARENTES,*
 „ *ETIAM IPSI PER EOSDEM INVARENTVR?* Hoc verò est
 „ rationem, cur effectum in illis non habeat diuina voluntas sal-
 „ uandi omnes, non in ipsorum peccatum originale refundere, sed
 „ in defectum parentum, quibus, vt vita, sic & salus puero-
 „ rum commissa est. *Ænigma* denique est quod legitur cap.
 „ 26. Opitulationem Dei ad saluandos homines per innumeros
 „ modos siue occultos, siue manifestos omnibus adhiberi: *ET*
 „ *QVOD A MULTIS REFVTATVR, IPSORVM ESSE NE-*
 „ *QVITIÆ;* quod autem à multis suscipitur, & gratiæ esse diui-
 „ næ & voluntatis humanæ? Hæc scilicet adeò sunt obscura, a-
 „ deòque implexa, vt Suarez intelligere non potuerit, intelle-
 „ xerit autem qui putauit de reprobatorum omnium æterna salute
 „ Deum nihilo magis curasse *quàm de salute diaboli?* Ecquis nega-
 „ re possit, quin oculos habeant Ianseniani mirabiliter dociles,
 „ & eorum propensionibus seruientes, nihil videntes quod affe-
 „ ctibus displiceat?

Sed editus est nuper pro Iansenio Apologeticus tertius, quòd alii duo non satis probassent esse illum innocentem. Editus est autem sub titulo admodum falso, *Defensionis Patrum, qui pro diuina gratia pugnaverunt*, cum potiùs inscribi debuerit; accusatio Patrum, quàm defensio. Imponere enim Patribus errores, non est illos defendere, sed reos agere. Ergo in hoc libro, qui jam it per manus etiam in Vrbe, Ianseniani vt superiora S. Prosperi testimonia eneruarent, conjecturis egerunt, vt libri de vocatione gentium viderentur non esse Prosperi. Non vacat tempus terere in prosequenda inutili critica, patiantur quæso Ianseniani pro hac tantùm vice nos errare cum Iansenio, qui S. Prosperi libros illos esse sup-
 posuit

posuit semper, & vt tales citat. vt intelligi potest, tum ex aliis locis, tum ex lib. de Hæresi Pelag. cap. 15. & lib. 3. de gratia Saluatoris cap. 20.

Est tamen hoc illis adhuc proponendum ex Prospero Augustini mentem exponente lib. 1. Resp. Object. 15. Item qui dicit quod non omnes homines velit Deus saluos fieri, sed certum numerum prædestinatorum; DVRIUS LOQVITVR QVAM LOQVENDVM SIT DE ALTITVDINE INCREDIBILI GRATIÆ DEI, qui & omnes vult saluos fieri, & ad agnitionem veritatis venire. Et quomodo negabunt Prospero iudice, hoc est Augustino, Iansenium durius esse loquutum, quàm loquendum esset de altitudine incredibili gratiæ Dei, volentis omnes homines saluos fieri? Addendum & illud lib. 2. ob. 2. *Sincerissimè credendum est atque profitendum, DEVM VELLE VT OMNES HOMINES SALVI FIANI.* Et ne quis putet illa omnium vniuersalitate non contineri reprobos, mox subdit: *Ex quibus quod multi pereunt, pereuntium est meritum; quod multi saluantur, saluantis est donum.* Hæc est Prosperi sententia, illius cui S. Augustinus doctrinæ suæ depositum credidit; ac proinde hæc est sententia ipsiusmet Augustini, quam iuuat paulò fusiùs aperire.





DE DEO OMNES SALVARE volente, mens Augustini.

1. Timothei.

I.

Quid sit
sensus Pela-
gianus ver-
borū Apo-
stoli dicen-
tis, Deum
velle omnes
homines
saluos fieri.



T melius intelligatur Augustini mens circa in-
terpretationem verborum illorum S. Pauli: *Qui
vult omnes homines saluos fieri*; Notandum est pri-
mò, sensum Pelagianum illorum verborum,
quem Augustinus potissimum refugit, suppo-
nere Dei voluntatem quamdam ita vniuersalem, itaque indis-
ferentem erga omnes homines, vt discretio & inæqualitas
ipsorum in percipiendo ejus effectu tota pendeat ex libero
arbitrio, sine aliqua præuentione diuinæ gratiæ. Putabant
enim Pelagiani, cum Deus velit omnes saluos esse, totam
rationem cur alii saluentur, alii non saluentur, petendam ex
bono vel malo vsu facultatis naturalis, independentem à diui-
na gratia. Probatum hoc primò ex lib. 4. con. Iul. cap. 8. vbi
dicit Augustinus: *Sed ponis Apostolicum testimonium, & ab eo dicis
pulsantibus aperiri, qui omnes homines vult saluos fieri: vt videlicet
intelligamus docentibus vobis, ideo non omnes saluos fieri, & in agni-
tionem veritatis venire, QVIA IPSI NOLVNT PETERE,
CVM DEVS VELIT DARE: NOLVNT QVÆRERE,
CVM DEVS VELIT OSTENDERE: NOLVNT PVL-SARE,
CVM DEVS VELIT APERIRE.* Nam quòd Iulianus &
exteri Pelagiani putarent ad petitionem illam, & inquisitionem
& pulsationem sufficere sibi naturam, sine gratia; colligitur ex iis,
quæ postea subjungit Augustinus, & quod perpetuò Pelagia-
nis exprobat, quòd dicerent Dei gratiam dari secundum meri-
ta nostra, hoc est, consequi ex meritis, non antecedere.

Patet etiam ex eo quòd sæpè Augustinus Pelagianis expro-
bat, quòd non discernant, *Quid veniat de misericordia, quid de
judicio*: hæc quippe illi ex parte Dei volebant esse indiscre-
ta. Hinc creberrima illa objectio contra Pelagianos, ex verbis
S. Pauli toties repetita, totiesque inculcata, *Quis te discernis?*

Confirmatur ex Prospero, in Epistola ad Augustinum, vbi sententiam Semipelagianorum de initio fidei idem opinantium quod Pelagiani de toto virtutum exercitio, ita refert: *Quantum ad Deum pertinet, omnibus paratam vitam eternam: quantum autem ad arbitrii libertatem, ab iis eam apprehendi, qui Deo sponte crediderint & auxilium gratiæ MERITO CREDULITATIS ACCEPERINT.* Vbi vides meritum credulitatis præmitti auxilio gratiæ, sicuti causam discriminis illius, quo distinguuntur qui ad vitam æternam à Deo propositam perueniunt, ab iis, qui ab ea excidunt. Et ideo paulò antè dixit, ex sententia Pelagianorum spectare ad diuinam bonitatem, *ut INDIFFERENTER vniuersos velit saluos fieri.* Et lib. Respons. ad ob. 8. significat alienam esse tantùm à mente Augustini, *Voluntatem Dei INDIFFERENTEM circa vniuersitatem generis humani*, quam scilicet Pelagiani adstruebant.

Patet hoc ipsum ex libro Ecclesiæ Lugdunensis de tribus Epistolis cap. 12. & 13. Vbi dum vari modi afferuntur, quibus intelligi possit quomodo Deus velit omnes homines saluos fieri; *In quarto modo, quod id simpliciter intelligitur de omnibus hominibus, ita ut quantum in ipso est, Deus velit omnes saluos, cauendum dicitur illud quod additur, DEVM EXPECTARE, VT QVIA HOMINES SVNT LIBERI ARBITRII, HOC ETIAM IPSI VELINT,* quodd hoc pertineat ad errorem Pelagii. *In quarto autem modo, inquit, illud sine dubio cauendum, quia & occasionem Pelagiana prauitatis prabet, quod Deus ut salues homines, HVMANAS EXPECTARE ASSERIT VOLVNTATES.* Ergo qui hoc cauet, Deumque negat humanas expectare voluntates, asseritque potius prauenire, nihil habet commune cum Pelagio, nihilque contrarium Augustino, quamuis dicat simpliciter, velle Deum omnes homines saluos fieri, sine aliqua exceptione, sed non sine differentia & discretionem, quam mutux vices iustitiæ & misericordiæ inducunt, juxta ipsius beneplacitum:

Not. 2. Augustinum agnoscere duas vocationes, quarum vna est multorum, verbis illis expressa, *multi sunt vocati*, alia est paucorum, quæ significatur illis, *quos autem prædestinauit, hos & vocauit.* Patet hoc ex ep. 59. quæst. 5. de Prædest. SS. cap. 16. Et lib. 2. ad Bonif. cap. 9. Et serm. 26. de diuersis c. 16. Vbi illud, *Qui solem suum facit oriri super iustos & iniustos, inter-*

II.
Duz vocationes hominum ad æternam vitam ex Augustino.

pretatur de inuitatione ad vitam, etiam eorum, qui damnantur: ideoque quod damnentur attribuit eorum negligentia. Iam cum Dei vocatio non sit illusoria, non potest negari, velle Deum, quantum est ex se, vt vocati veniant; atque hoc ira ponere in eorum potestate, vt quo minus homines ad id ad quod vocantur perueniant, per ipsos stet; id quod etiam Augustinus exprimit in lib. 83. qu. q. 68. cum dicit eos, qui exclusi sunt à cœna, non debere alteri tribuere, sed sibi, *Quia, inquit, vt venirent vocati, erat in eorum libera voluntate.* Quod quia non retractauit, cum locum recognosceret, censendus est approbasse, juxta principium à Iansenio positum.

Confirmatur ex cap. 27. lib. contra Adimantum, vbi ex eo quod dicitur Rom. 11. *Potens est autem Deus iterum inferre illos*, colligit Augustinus, ESSE IN NOSTRA POTESTATE VT VEL INSERI BONITATE EIVS, VEL EXCIDI SEVERITATE MEREAMVR. Quod etiam approbat 1. Retract. cap. 22. dummodo non excludatur diuina gratia.

Ergo dicendum est, Deum vocantem & inuitantem ad salutem, etiam eos qui non saluantur, habere voluntatem vt veniant, & vt saluentur, & quidem ex parte ipsius efficacem, hoc est talem, vt quod vult ponat in libero arbitrio. Sed vt est specialis vocatio & inuitatio prædestinatorum, ita esse specialem & propriam circa eorum salutem, voluntatem. Atque ita qui priorem admittit, dummodo non neget posteriorem, philosophatur omnino ad mentem Augustini, & à Pelagianis recedit non aliam admittentibus in Deo circa prædestinatos & reprobos, quàm communem & æqualem & indiscretam illam voluntatem, quæ expectat, vt ex parte hominum per meritum boni vel mali vsus facultatis naturalis liberi arbitrii, discrimen inducatur.

Not. 3. Duplicem illam voluntatem exprimi apud Augustinum multis in locis. Nam in Enchiridio ad Laur. cap. 100. quod dicit de Adamo & de malis Angelis, quod peccando fecerint contra Dei voluntatem, id extendit ad omnes in vniuersum, qui malè viuunt. Quantum ad ipsos attinet, inquit, quod Deus noluit fecerunt, quantum verò ad omni-

potentiſſim Dei, nullo modo id efficere valuerunt: hoc quip-
pe ipſo quòd CONTRA VOLVNTATEM DEI FECE-
RVNT, de ipſis facta eſt voluntas ejus. Propterea namque
magna opera Domini, exquiſita in omnes voluntates ejus,
vt miro & ineffabili modo non fiat præter ejus voluntatem,
quod etiam CONTRA EIVS FIT VOLVNTATEM. Quia
non fieret, ſi non ſineret, nec vtiq; nolens ſinit, ſed vo-
lens. Nec ſineret bono fieri malè, niſi Omnipotens etiam
de malo facere poſſet bene. Vbi vides primò voluntatem
Dei eſſe, vt homo non peccet. 2. Ita hoc velle Deum, vt ta-
men hujus ſux voluntatis effectum libertati hominis permit-
tat, ſinãque non fieri quod vult vt fiat. 3. Sed ex hypotheſi
quòd homo ita faciat, eſſe aliam Dei voluntatem, cãmque
omnipotentiffimam, per quam occasione illius malæ homi-
nis voluntatis, facit ipſe certò & ineuirabiliter quod vult,
vel miſericordiam erga indignos exercendo, vel erga dignos
juſtitiam.

Hoc ipſum ſignificat Auguſtinus contra Aduerſarium le-
gis & prophetarum. Nam cùm ille veteris Teſtamenti Ad-
uerſarius quem impugnât, objeciffet Deum Prophetarum, cap. 14.
vel non fuiſſe præſcium futurorum peccatorum, dum Ada-
mum creauit; vel non potuiſſe impedire quod præſciebat
futurum eſſe contra ſuam voluntatem; itaque victam fuiſſe
voluntatem Creatoris à voluntate creaturarum; Auguſtinus,
Nec ignarus, *inquit*, fuit hominẽ peccaturum, ſed ſimul
etiam quid juſti & boni fuerat & de peccante facturum, ſum-
ma vtiq; diuinitate præſciuit... Nec voluit quod non po-
tuit, HOC ENIM VOLVIT, VT AVT OBEDIENS HOMO
Eſſet, AVT INOBEDIENS IMPVNE NON Eſſet. En
tibi & voluntatem, vt homo eſſet obediens, cui permiſit ho-
minem reſiſtere, & voluntatem inuiſtam; vt poenam ferret
hujus reſiſtentix, ratione cujus poſtea dicit, *Deum ſemper* cap. 15.
inuictum; etiam homo, à Dæmone ſcilicet, *victus oſtendit*. Mox-
que probat id quod objiciebatur contra Deum Prophetarum,
ſimiliter objici potuiſſe contra Deum Apoſtolorum, quem
ille blaſphemus diſtinguebat, Poſeſt, *inquit*, hoc & de Chri-
ſto dicere, qui talentum dedit homini nihil acquiſituro, quod
propterea vtiq; dederat vt ejus augetetur pecunia, quid-
cap. 16.

„ quid est quod illa significat, Ergo quia contigit ut ille sua
 „ pigritia nihil acquireret, hoc non præsciuit ille qui dedit?
 „ Dicere etiam potest non impleſſe de hoc lucro Christum,
 „ quod magnopere cogitauit: *Vnde concludit paulo post.* Quid est
 „ quodd iste insanus & præceps, cum Christianum esse se ja-
 „ cter, hoc reprehendit in Deo Prophetarum, quod inuenit in
 „ Deo Apostolorum? Quoniam idem Deus est & ipsorum & illo-
 „ rum. Supponit ergo Augustinus vniuersum, voluntatem esse
 „ in Deo aliquam, cujus executio ita permittitur hominum vo-
 „ luntati, ut ideo effectu careat, quia hominis voluntas non
 „ respondet: neque id obesse diuinæ authoritati, quod Deus
 „ & volens hoc permittat, & habeat ipse aliam, cui nemo re-
 „ sistit, ex illa suppositione voluntatem.

cap. 3.

Confirmatur hoc ipsum ex lib. 14. de Ciu. Vbi Augusti-
 nus docet improbos Deo resistere. Quomodo enim resiste-
 re possunt, nisi faciendo contra ejus voluntatem? faciunt
 igitur quod non vult, & vice versa, vult Deus ut faciant
 quod non faciunt: hoc est, vult ut bene viuant; itaque dam-
 nationem effugiant. Augustini verba sunt. Dicuntur in
 „ scripturis inimici Dei, qui non natura, sed vitijs **ADVER-**
 „ **SANTVR** ejus imperio, nihil ei valentes nocere, sed sibi.
 „ Inimici enim sunt **RESISTENDI** voluntate, non potestate
 „ lædendi..... idcirco vitium, quo **RESISTVNT** Deo, qui ap-
 „ pellantur ejus inimici, non est Deo, sed ipsis malum. Præ-
 „ ter hanc autem voluntatem, cui resistunt, supponit Augusti-
 „ nus aliam esse, cui non possunt resistere, ut jam dictum est.
 Adde quod etiam legitur lib. 22. de Ciu. cap. 1.

cap. 14.

Idipsum iterum inculcat in lib. de corrept. & gr. cum di-
 „ cit. Volenti Deo saluum facere, nullum hominum resistit
 „ arbitrium. Sic enim velle, vel nolle in volentis, aut nolen-
 „ tis est potestate, ut diuinam voluntatem non impediat, nec
 „ superet potestatem. De his enim **QVI FACIUNT QVÆ**
 „ **NON VULT**, facit ipse quæ vult. Qui vocati ad Dei gra-
 „ tiam non veniunt, faciunt quod Deus non vult, quia nimirum
 „ vult ut veniant. Qui veniunt & in statu justitiæ constituti
 „ peccant, faciunt etiam quod Deus non vult, quia vult ut non
 „ peccent; & consequenter ut perseuerent vsque in finem in
 „ accepta justitia, itaque saluentur. Est igitur in Deo volun-

tas ut saluetur homo, cui homo non resistit; illa videlicet, secundum quam *volens saluum facere nullum hominis resistit arbitrium*. Et est voluntas cui resistit, nimirum illa, qua dum peccat & dum perit, *facit quod Deus non vult*.

Ex quibus facile est intelligere, & Augustinianam esse doctrinam, & veram, quæ continetur in libro de Spir. & Littera, quamque Iansenius, quia non poterat aliter ex illa difficultate expedire sese, contra manifestam & oculis omnium expositam veritatem, negat ab Augustino propositam ex propria sententia; sed ex sententia Pelagianorum. Augustinus ergo sic loquitur. Vult autem Deus omnes homines saluos fieri, & in agnitionem veritatis venire, non sic tamen ut eis adimat liberum arbitrium, quo vel bene vel malè vrentes iustissimè judicentur. Quod cum sit, infideles quidem CONTRA DEI VOLUNTATEM FACIUNT, cum ejus Evangelio non credunt, nec ideo tamen eam vident; verum se ipsos fraudant magno & summo bono, experturi in suppliciis potestatem ejus, QUIVS IN DONIS MISERICORDIAM contempserunt. Ita voluntas Dei semper inuicta est; vinceretur autem, si non inueniret quid de contemptoribus faceret: aut vlllo modo possent euadere, quod de talibus ille constituit. Qui enim dicit v. g. VOLO VTHI OMNES SERVIMI OPERENTVR, ET POST LABOREM REQUIESCENTES EPVLENTVR, ita ut quisquis eorum hoc noluerit, in pistrino semper molat; videtur quidem quicumque contempserit, CONTRA VOLUNTATEM DOMINI SVI FACERE; sed tunc eam vincet, si & pistrinum contemnens effugerit, quod nullo modo fieri potest sub Dei potestate. Hic iterum ut vides, exprimitur duplex Dei voluntas, altera ut ita dicam, vincibilis à libero arbitrio, nolente fidem accipere: de hoc enim Augustinus disputat. Altera inuicta, ex suppositione illius repulsæ. Vel potius una & quasi disjunctiva, qua Deus, qui vult omnes homines saluos fieri, vult consequenter ut vel fidem amplectantur, vel si noluerint, quod pro sua libertate nolle possunt, æternum luant. Et hæc voluntas inuicta est, etiam dum vincitur. Esto enim, impediatur quod primum intendit, ut homo fidem amplectatur; impediri tamen nequit, quominus id assequatur quod

cap. 11.

IV.

“ Augusti-
“ nus ex
“ propria
“ sententia
“ loquitur
“ cap. 31.
“ lib. de
“ Spir. &
“ Lit.

consequenter decernit; vt puniatur qui misericordiam contempsit.

V.

Probatur ex
conformi-
tate doctri-
nz cum eo
quod alibi
Augustinus
tradit.

Math. 25.

Sed hæc sunt, inquit Iansenius, Pelagiana. Pelagianum igitur est quod dixit Augustinus loco proximè citato, ex libro de Correptione & gratia. Nam ibi quoque voluntatem Dei exprimit, contra quam homo facit, dum Evangelio repugnat; dum acceptam gratiam perdit, dum non perseverat: & aliam inuidiam: Pelagianum & quod scripsit in Psalm. 110. vbi hoc ipsum docet: Pelagianum & quod est in libro 1. contra Aduersarium legis & Prophetarum, vbi disjunctiue quoque illam Dei voluntatem exprimit. *Hoc enim voluit vt aut obediens homo esset, aut impune non esset.* Quod ipsum valere dicit in Deo noui testamenti. Qui scilicet talenta sua, hoc est, gratiam suam ita distribuit, vt velit ejus fructum hominem referre, liberè cooperando: vel si non referat, priuari concessio jam beneficio, & in tenebras exteriores ejici, tanquam seruum inutilem, vt monstratum est. Pelagianum denique quod citatum est ex Enchir. ad Laur. vbi eadem duplex voluntas Dei circa homines; vel vna disjunctiua, respiciens ipsorum salutem, modo jam explicato reperitur. Atque ita, vbicumque Pelagianos impugnare creditur Augustinus, fuerit ipse Pelagianus.

At, inquires, Augustinus non dicit illis locis Deum per voluntatem illam, cui homines resistunt, velle omnes saluos fieri: quinimò id expressè negat citato loco de Correptione & gratia, dum dicit, *volens saluum facere nullum hominum arbitrium resistere*: ideoque illud Apostoli, *Deus vult omnes homines saluos fieri*, accipiendum esse dicit de omni genere hominum, non de omnibus cujuscumque generis hominibus. In citato autem loco de Spir. & lit. supponit esse etiam intelligendum de omnibus & singulis, vnde meritò, ne sibi contrarius esse videatur, credendus est hoc postremum dixisse, non ex sua sed ex Pelagianorum sententia. Respondeo ex allatis locis constare, dum homines peccant, facere contra diuinam voluntatem: ac proinde esse diuinam voluntatem, vt peccando non ponant impedimentum diuinæ gratiæ, vt non repugnent Evangelio, vt fidem non repudient, vt ad statum justitiæ prouecti, inde ne excidant, sed perseuerent vsque in finem.

finem. Atqui hoc velle, velle est vt saluentur. Vult igitur vt saluentur etiam illi, qui peccant, & hoc ponit in eorum arbitrio ex Augustino. Id quod primò & per se de adultis intelligitur, qui perueniunt ad vsum rationis, ad alios autem eatenus extenditur, quatenus eorum salus sicuti & vita prouidentia ac tutela adultorum commendata est.

Modus ergo conciliandi pugnantia, quæ videntur Augustini testimonia, non est ille quem Iansenius proponit, vt in altero, loco ex sua, in altero ex Pelagianorum sententia sit loquutus. Contrarium enim ex ipsa inspectione locorum euidenter colligitur; sed petendus est ex duplici Dei voluntate, quarum altera in omnium salutem feratur: altera tantum in salutem electorum: vel ex vna & eadem exponenda cum disjunctione, vt dicatur Deus velle quidem omnes homines saluos fieri, aut si omnes nolint, velle saltem istos, & ceteros qui saluari noluerint reprobare.

Atque hinc liquet distinctionem illam antecedentis & consequentis voluntatis ab S. Damasceno traditam, & ab S. Anselmo, S. Thoma, & cæteris Scholasticis acceptatam, fin minus quoad voces, certè quoad rem, totam esse Augustinianam, non solum quia exprimitur in illo cap. 33. de Spir. & litera, & in exemplo illo decernentis vt serui operentur in vinea, quod primum est & antecedens; & si nolint, vt trudentur in pistrinum, quod est secundum & consequens ex eorum inobedientia; sed quia similiter traditur in citato libro contra Aduersarium legis & Prophetarum, cum dicitur voluisse Deus vt homo esset obediens, quæ est prima & antecedens voluntas: & ex suppositione quod non esset, voluisse consequenti voluntate vt impune non esset. Idem patet ex loco cit. in Psal. 110. & ex Enchir. vbi etiam loco supra citato significat absolutam illam & inuictam Dei voluntatem, quæ dicitur consequens, dirigi à præscientia boni vel mali vsus liberi arbitrii, cum dicitur: Quapropter etiam primum hominem Deus in ea salute, in qua conditus erat custodire voluisset, cumque opportuno tempore post genitos filios sine interpositione mortis ad meliora perducere, vbi jam non solum peccatum non committere, sed nec voluntatem posset habere peccandi; si ad permanendum sine peccato, sicut factus erat, perpetuam volunta-

VI.

Vera ratio conciliandi Augustini testimonia in speciem diuersa.

VII.

Distinctio duplicis voluntatis Dei, antecedentis nimirum & consequentis, circa hominum salutem, Augustiniana est.

"tem habiturum esse præscisset. QVIA VERÒ EVM MALÈ
 "VSVRVM LIBERO ARBITRIO, HOC EST PECCATV-
 "RVM ESSE PRÆSCIEBAT, ad hoc potius præparauit vo-
 "luntatem suam, vt bene ipse faceret etiam de malè faciente:
 "ac sic hominis voluntate malà, non euacuaretur, sed nihilo-
 "minus impleretur omnipotens bona. Volebat Deus vt Ada-
 mus non peccaret, & vt in innocentia perseverans tandem
 ex illo statu transiret immediatè in statum beatitudinis: sed
 hoc volebat, vincibili voluntate. Et quia præsciebat volun-
 tatem illam, Adami culpâ, carituram effectû, simul voluit
 omnipotenti voluntate, vt sequerentur effectus illi, qui ex tali
 peccato consequuti sunt. Itaque prior illa voluntas fuit an-
 tecedens peccatum, hæc consequens. Pari modo vult Deus
 vt non peccent qui peccant, vt gratiam recipiant qui repel-
 lunt, vt perseverent qui excidunt, quod est velle vt salui fiant,
 & antecederet hoc velle: sed quia etiam præscit hanc volun-
 tatem ipsorum vicio irritam fore, peccaturos enim, diuinam
 gratiam reiecturos, non perseveraturos; omnipotenti volunta-
 te, sed talem præscientiam consequente, non vult vt salui
 fiant.

Facit ad hoc confirmandum quod dicit tract. 53. in Ioan-
 nem, vbi quod dicitur de Iudæis qui *non poterant credere*, Au-
 gustinus interpretatur, *id est volebant*, & significat impoten-
 tiam illam supponere præscientiam malæ voluntatis ipsorum.
 Suppositâ igitur simili præscientiâ, non est mirum, si nec Deus
 velit reprobos saluare, nec ipsi saluari possint: sed illud *nolle Dei*,
 consequens est. Eandem præscientiam coniungit Augustinus
 cum voluntate, quâ Deus facit quod vult, 22. de Ciuit. cap. 2.

Non dico voluntatem salutis, quæ pertinet ad prædestina-
 tos, esse consequentem ex absoluta meritorum præscientia, jux-
 ta mentem Augustini; sed dico tantum consequentem esse il-
 lam, quæ reprobos excludit: ac proinde, cum dicitur
 Deus velle illos saluare, intelligendum antecederet ad hanc
 præscientiam; & cum dicitur nolle saluare, intelligendum,
 consequenter; idque juxta Augustinum.

Circa prædestinatos autem in eadem Augustini Theolo-
 gia creditur esse Dei voluntas, quæ vt habet rationem inten-
 tionis, præcedit quidem absolutam præscientiam boni vel ma-

si vsus humanæ libertatis, sed vt est executiua salutis, quam intendit, eandem præscientiam supponit. Vnde potest etiam diuerso respectu dici, & antecedens & consequens, sed utroque modo est absoluta & efficax, & inuidta ex directione scientiæ conditionatæ. Et hanc intelligit Augustinus, cum hoc, quod est Deum velle omnes homines saluos fieri, interpretatur de generibus singulorum. Ac proinde hoc etiam modo dici potest Deus velle, & non velle omnes homines saluos fieri; velle quidem illa voluntate communi, quam homines possunt irritam facere, non velle, ista speciali & infallibili, quam nemo vincit. Nam quod hanc intelligat, dum negat pertinere omnino ad omnes, patet ex eo quod dicit loco citato de corrept. & gr. *volenti saluum facere nullum hominum arbitrium resistere.* Et quod dicit in Enchir. de Tyriis & Sidoniis: *Nec vtrique Deus injustè noluit saluos fieri, cum possent salui esse, si vellet.* Noluit scilicet ex voluntate, quæ sic adæquatur diuinæ potestati, vt adhibeat quidquid in illa continetur & necessarium est ad effectum certò procurandum: & ideo vocat illam voluntatem *certam, immutabilem, efficacissimam.* Præter hanc autem agnoscere illum aliam iam demonstratum est.

Ad vberiore explicationem addo, Dei voluntatem sumi posse adæquatè, ita vt indistinctè complectatur totam dispositionem diuinæ prouidentie circa salutem hominum: & hoc modo sumit Augustinus, quando inuidtam ideo probat, quia si vnam non assequitur, assequitur aliud, v. g. si non impedit peccatum, prævalente hominis nequitia, poenam infert inevitabilem: hoc enim modo voluntatem sumere, est totam sumere. Et ita sumptâ, habitâque ratione effectus, qui ex ea resultat, Deus paucos tantum vult saluos facere, multos autem damnare. Potest verò in ea voluntate distinguere id quod antecedenter respicit, & id quod respicit consequenter, itaque distinctè & inadæquatè sumptâ, vult Deus saluare reprobos antecedenter, consequenter autem non vult.

Hanc esse mentem Augustini conuincunt omnia, quæ superius allata sunt: & confirmari potest ex fidelissimo ejus interprete S. Prospero i. Resp. Object. 15. ar. 7. vbi disertè proficitur velle Deum vt perseuerent illi, qui re ipsa non perseuerant, & gratiam Dei quæ necessaria est, vt quis perseuerare possit, non

velit Deus
omnes sal-
uos facere.

cap. 95

IX.
Idem alia
ratione ex-
plicatur.

X.
Mens Au-
gustini ex
Prospero in-
telligitur.

482 INFORMATIO DE QVINQVE PROPOSIT.

prius illos deferere, quàm ab iis voluntaria defectione deferatur. Et art. 8. distinguit inter illos quos Deus saluare vult, & illos in quibus sue voluntatis propositum implet. Eodémque pertinet id quod dixit ad Object. 8. Omnium hominum curam esse Deo, & neminem esse quem non aut Evangelica predicatio, aut legis testificatio, aut ipsa natura conueniat. Vbi vides comprehenditres hominum statum, seu tres leges; naturalem, per quam monentur homines ne peccent, ac proinde ne diuinæ gratiæ impedimentum ponant; Mosàicam, in qua plenius erudiuntur ad cognitionem agendorum & fugiendorum, & ad cultum Dei; Euangelicam, in qua cognitio illa consummatur juxta capacitatem hominum viatorum. Hoc autem dicit, vt rejiciat quod objiciebatur, Deum nolle omnes homines saluos fieri. Ac proinde supponit propositionem quòd velit, verificari & in iis omnibus quos natura ipsa, & in iis quos lex, & in iis quos Euangelium conuenit. Omnium enim illorum curam esse Deo; illam inquam curam, quæ salutem respicit.

Adde cætera, quæ sunt allata superiùs ex libris de vocatione gentium, ubi generalè illam & specialem salutis hominum voluntatem clarissimè supponit. Atque ex his patet solutio ad omnia quæ Iansenius asserere solet Augustini testimonia, quibus negare videtur Deum velle omnes homines saluos facere. Quia vel hoc negat tantum in sensu à Pelagianis intento, vel diuinam voluntatem accipit completè, prout inuoluit antecedentem & consequentem: vel strictè accipit & inadæquatè, pro illa tantum speciali, quæ electorum est propria: vel negat solùm æqualem, & indiscretam, omnium salutem ex æquo respicientem.

XI.

Antecedens
Dei voluntas
circa salutem
hominum
ante & post
peccatum
eadem.

Ex his verò facillè intelligas, antecedentem illam Dei voluntatem de salute omnium eandem semper mansisse, etiam post peccatum, ita vt mutatio quidè fuerit in mediis, quibus erat procuranda hominum salus, sed intentio tamen semper manserit ejusdem finis. Duo nimirum occurrebant media intellectui diuino, ex quibus sequi posset hominum salus. Primum, vt in Adami obedientia constitueretur facultas transfundendi justitiam in omnes posteros. Secundum, vt si eam ille perderet, designaretur Reparator humani generis, cujus merito consequi homines possent quod

in Adamo perdidissent. Possumus ergo secundum modulum nostrum concipere Deum, suppositâ illâ præscientiâ, volentem vnico actu simplicissimo, vt alterutro modo fieret hominibus à se creandis salutis copia. Iam enim didicimus ex Augustino Dei voluntatem explicari à nobis posse cum illa disjunctione. Ergo vi illius voluntatis decreuit Deus Adamum creare, & in manu ejus ponere salutem posterorum omnium. Subsequutâ verò lapsus ejus absolutâ præscientiâ, vi ejusdem voluntatis, sequutum est decretum incarnationis. Arque ita eadem semper Dei voluntas, modò per primum Adam, modò per secundum, saluare voluit omnes homines, mansitque ipsa in mutatione ac successione mediorum immutata, & semper antecedens. Consequens autem fuit voluntas puniendi Adamum, & ejus posteros, & tandem etiam damnandi, ac priuandi salute illos, qui beneficij redemptionis fructum impediissent.





DE CHRISTO PRO OMNIBVS *mortuo, mens Augustini.*

I.

In Christo
quoque du-
plex volun-
tas ex obla-
tione meri-
torum ad
procurandū
hominum
salutem, ex
doctrina S.
Augustini.



X voluntate quam habuit Deus. ut omnes ho-
mines salui essent, sequitur Christum eodem
modo pro omnibus mortuum: quia quos Deus
saluare voluit, per mortem Christi saluare vo-
luit: & si quos per Christi mortem saluare no-
luit; omnino saluare noluit. Et ideo qua ratione docemur à
Sacra Scriptura velle Deum *omnes homines saluos facere*, do-
cemur etiam ab eadem, Christum esse *positum propitiationem*,
non solum pro peccatis nostris, sed etiam pro totius mundi. Sicut er-
go distinguimus in Deo duplicem voluntatem salutis homi-
num, quarum altera est inefficax in reprobis, ex voluntario
ipsorum defectu; altera est efficax & infallibilis in electis; ita
distinguenda est in Christo duplex voluntas moriendi pro
salute hominum, ut scilicet altera feratur ad promerenda
illis salutis media, si velint iis uti; altera ad promerenda me-
dia, quibus uti velint, hoc est infallibilia & efficacia. Et hæc
distinctio necessaria est ad concilianda Augustini testimonia
in speciem contraria. Nam quòd aliquando visus sit signifi-
care Christum non esse mortuum nisi pro prædestinatis,
ostendunt nonnulla testimonia à Iansenio citata. Et illa vera
sunt, intellecta juxta secundam interpretationem jam datam.
Quòd verò etiam docuerit mortuum esse pro reprobis; con-
stat ex aliis nihilominus perspicuis. De reprobis enim loqui-
tur August. tract. 2. in Ioan. cum dicit, *Ingrate irrides eum, qui
ad te venit, ut redeas*. De reprobis loquitur in Psal. 68. cum di-
cit, *Iudam non agnouisse pretium, quo ipse à Domino redemptus erat*.
De reprobis loquitur lib. 2. de symbolo ad Catech. cum di-
cit: *Videtis vulnera, quæ infixistis, agnoscitis latus, quod pupugi-
stis, quoniam & per vos & PROPTER VOS APERTVM EST; NEC
TAMEN INTRARE VOLVISTIS*. De reprobis loquitur

serm. 31. ex 40. qui ante 20. circiter annos primùm editi sunt Parisiis, & nemo dubitat esse Augustini, cùm dicit, *Sanguis Domini tui, SI VIS, DATVS EST PRO TE: si nolueris esse, non est datus pro te.* Et deinde, *Fortè dicis, habuisti sanguinem Deus meus quo me redimeret, sed jam cùm passus est, totum dedit. Quid illi remansit quod des & pro me? hoc est magnum, quia semel dedit, & pro omnibus dedit. Sanguis Christi VOLENTI EST SALVS, NO- LENTI SVPPlicivm.* Reprobos etiã complectitur id quod dicit in Psal. 18. *Cùm autem Verbum caro factum est & habitauit in nobis, NON PERMISIT VLLVM MORTALIVM EXCVSA- RE SE DE VMBRA MORTIS, ET IPSVM ENIM PENETRA- VIT VERBI CALOR.* Reprobos complectitur lib. 6. con. Iul. dum vrget illationem illam Apostoli: *Christus pro omnibus mortuus est, ergo omnes mortui sunt, & dicit, Ex hoc enim proba- uit omnes mortuos esse, QVIA PRO OMNIBVS MORTVVS* cap. 1. 2. Cor. 5. *EST VNVS. Inculco, infercio recusanti. Accipe, salubre est; nolo moriari.* VNVS PRO OMNIBVS MORTVVS EST, ERGO OMNES MORTVI SVNT. *Vide quia consequens esse voluit, vt intelligantur omnes mortui, si pro omnibus mortuus est? Vbi vides mortem peccati originalis, vel contractam vel contrahendam, vniuer- saliter inferri ex vniuersalitate intentionis Christi, mortem offerentis pro omnibus; quæ illatio vitiosissima esset, si latius pateret numerus eorum, qui mortui sunt, numero eorum pro quibus Christus mortuus est. Poneretur enim in consequen- te, quod non contineretur in antecedente. Denique repro- bos designat tract. 4. in Ioan. cùm dicit, *Iudeos Christum cru- cificentes EX SVO SALVATORE FECISSE SVVM DAMNATOREM.**

Ex quibus omnibus Augustini sententiis conjunctis cum hac Iansenii propositione, quæ dicit, *Passum esse vel mortuum esse pro aliquibus, plus aliquid dicere, quàm nudè pretium suum ob- tulisse, quod illis applicari nolit; & insinuare præterea, volunta- rem Christi, quam habet vt eis mors sua patri oblata, & sanguis pro- sit, certò concluditur, Augustinum dicentem mortuum esse Christum etiã pro reprobis, vt jam monstratum est, plus aliquid dixisse quàm nudè pretium obtulisse; quod illis ap- plicari nolle: ergo voluisse oblatum pro reprobis, ex inten- tione vt eis applicaretur, vel datâ vel oblatâ saluandi seipsos facultate. Ergo Christus ex Augustino alia atque alia ratione* Lib. 3. de gr. Salu. c. 21.

voluit & non voluit mori pro reprobis : ac proinde alia atque alia ratione orauit & non orauit pro reprobis. Ipsi enim oratio intentioni conformis fuit , & intentio æterni Patris consilio, vno modo volente, alio non volente saluare reprobos, vt antea dictum est.

Loco cit.

II.

Iansenius
fatetur
Christum
esse propi-
tiationem
& redem-
ptionem
pro peccatis
quorum-
dam repro-
borum.

1. Tim. 2.

1. Ioan. 1.

Neque potest Iansenius, quantumvis conetur, id effugere. Nam cum videat in multis reprobis recipi effectus aliquos redemptionis, (Alios enim ad fidem vocari, alios etiam ad iustitiam, quinimò & interdum ad magnam caritatis perfectionem & sanctitatem aliquam) fatetur hos etiam comprehendere eorum numero, pro quibus Christus mortuus est, vt eos redimeret, vt à peccatis saluaret. Et ideo quod dicit, Christum dedisse redemptionem pro omnibus, & esse propitiationem non pro nostris tantum peccatis, sed etiam pro totius mundi, dictum vult de tota Ecclesia, & de fidelibus omnibus; ita tamen vt non cogitauerit de æterna salute omnium, quippe cum sint in Ecclesia, & inter fideles multi reprobi, sed tantum de temporali aliquo fructu redemptionis. Quodcumque enim bonum Christus intendit, vt homines reciperent ex sua passione ab iis recipi. Omnibus, *inquit*, illis pro quibus sanguinem fudit & quatenus pro eis fudit, etiam sufficiens auxilium donat, quo non solum possint, sed etiam reipsa velint & faciant id quod volendum & faciendum ab eis decreuit. Et fieri non posse, vt pro quo sanguinem fuderit Christus & mortuus fuerit & rogauerit Patrem suum, eam ob causam, vt sanguis suus propitiatio peccatorum ejus fieret, non assequatur istius mortis & propitiationis & deprecationis effectum.

III.

Iansenius
distinguit
doctrina pa-
rum coherens.

Ex quibus constat primò, consentiente Iansenio, ita distinguendam esse Christi voluntatem & intentionem moriendi pro hominibus, vt aliquo vero sensu multos etiam reprobos respiciat, nempe illos, qui vel fidem, vel caritatem receperunt : quo numero comprehenditur innumerabilis multitudo Christianorum & hæreticorum ac schismaticorum omnium, qui gratiam baptismalem habuerunt. Quare vel ipso prælucente Iansenio, debemus ita distinguere loca illa omnia, in quibus Augustinus significat, Christum esse mortuum pro solis prædestinatis, vt tamen aliquo vero sensu, mors illius spectauerit etiam multos reprobos. Secundò id quod ad-

dit

dit Iansenius, non esse mortuum Christum pro æterna salute istorum reproborum; nec ut alium ex ipsius morte fructum perciperent, quàm illum, quem de facto perceperunt: absurdissimum est, & conuincitur manifestè ex ipsius confessione, qui cum fateatur inter omnes illos, pro quibus Christus dedit seipsum *redemptionem*, & *pro peccatis propitiationem*, contineri huiusmodi reprobos, quomodo negare potest ita esse pro illis mortuum, ut intenderit & redemptionem eorum & *propitiationem pro peccatis*? Atqui multi nec redemptionis, nec propitiationis pro peccatis beneficium recipiunt. Probatur ex Iansenio ipso, qui fateatur plerosque ex illis ad fidem solum vocari. Illi enim consequenter manent & in peccato originali, & in omnibus actualibus. Quomodo autem dici possunt recipere beneficium redemptionis, qui manent semper sub peccati seruitute? Quomodo beneficium propitiationis, in quibus perseverat numquam interrupta damnatio? Nonne hinc manifestè colligitur Christum illis plus dare voluisse, quàm illi voluerint accipere? At, inquis, Christus voluit illis impetrare fidem, quæ est aliquod beneficium redemptionis: & fidem etiam acceperunt. Sed contrà, beneficium, cum quo stat vera seruitus peccati, & vera damnatio non potest verè ac propriè dici *redemptio*, vel *propitiatio*. Sed quod Christus impetrare voluit, est verè ac propriè redemptio & propitiatio; neque enim licet nobis scripturæ verba hæc trahere ad sensus improprios. Ergo cum hoc beneficio, si effectum suum habuit, non stat vera peccati seruitus, veràque damnatio. Nec satisfaciet, si quis dicat fidem illam esse partem quandam redemptionis & propitiationis: tum quia deberet consequenter per illam tolli pars aliqua damnationis, quod falsum est. Quia cum non tollat vllam partem peccati, nec dici potest tollere vllam partem damnationis & seruitutis. Tum etiam quia quamuis daremus esse aliquam partem redemptionis, manet semper argumentum; partem illam redemptionis, cum qua stat tota damnatio, tota seruitus, totum crimen, totus reatus æternæ pœnæ, non posse vocari propriè & absolutè redemptionem & propitiationem. Atqui Christus propriè ac simpliciter dicitur intendisse propitiationem & redemptionem illorum reprobos. Ergo aliud intendit

quàm talem redemptionis partem , cum qua stet tota damnatio, tota seruitus, &c. cuiusmodi est sola fides. Recurrere autem ad impropriam & figuratam interpretationem redemptionis & propitiationis , est imitari Caluinum interpretantem , *hoc est Corpus meum*, id est, *figura corporis mei*.

IV. Nec iterum satisfaciet, si dicas fidem esse initium aliquod justificationis, ordinari enim ad caritatem, ac proinde posse dici justificationem inchoatam ; & consequenter redemptionem & propitiationem. Nihil, inquam, hoc iurat. Quia quemadmodum is qui lapidem ponit in fundamento, non solum sine intentione superædificandi, sed etiam cum positiva intentione non superædificandi, non potest dici nisi nugando intendisse palatium ; ita cùm Christus sic intenderit impetrare fidem, quæ fundamentum est justificationis, ut non solum non intenderit superstruere caritatem, quin potius positivè noluerit obtinere vllam gratiam ad superstruendum necessariam, (neque enim circa isthæc objecta se habet negativè, seu per puras omissiones) consequenter intendendo fidem ea ratione, dici non potest vlllo modo intendisse justificationem, aut redemptionem, aut propitiationem. Valeret argumentum, si quemadmodum fides est fundamentum justificationis & refertur ad caritatem, ita Christus intendisset illam, tamquam fundamentum, & amauisset relationem illam, quam habet ad caritatem, quatenus subiectum reddit aptum ut se ad caritatem disponat. Sed hoc dici non potest in sententia Iansenii, quia cùm intentio Christi steterit in sola fide præcisè, nec voluerit ut aliquid aliud fundaret, aut ad aliud disponderet, sicuti non potest dici intendisse fidem, sub ea ratione, qua est initium justificationis ; ita nec eatenus intendisse justificationem inchoatam, nec redemptionem, aut propitiationem.

V. Iam illa cogitatio quàm est flagitiosa, quàm injuriosa Christi bonitati, quàm contraria pietati ac conscientie fidelium omnium, cùm dicitur omnibus illis, pro quibus sanguinem Christus fudit, & *quatenus pro eis fudit*, ETIAM SUFFICIENTS AUXILIUM DONARI, quo reipsa faciant & velint quidquid eos velle ac facere decreuit : hoc est, quod ut facerent ac vellent intendit : & fieri non posse

Iansenii
principia
ingratorum
animum
formant.

vt non sequatur propitiationis ac redemptionis effectus ille, pro quo Christus mortem suam obtulit. Equidem miror quòd Ianseniani ausi sint S. Prosperi carmina de ingratis Latinè ac Gallicè canere, atque aduersariis objectare; cùm sit manifestum, nihil vsquam à quoquam prolatum opportunius illà sententià, ad ingratum erga mundi Redemptorem animum in omnibus hominibus formandum, fouendumque; cùm dicere quisque possit; nullam se Christi gratiam irritam fecisse; quidquid omisit, nec intendisse Christum vt faceret, nec in eum finem sanguinem suum obtulisse: voluntati ejus se obedientiam subjunxisse perfectissimam atque adæquatissimam. Nemo igitur est, qui diuini amoris & Christi passionis fructum vnquam in semetipso impedierit: quidquid fieri voluit, factum est: quidquid obtulit, acceptatum est: nec quisquam minus accepit, quàm ille dare voluerit: nemo est impediti beneficii reus: numquam major fuit gratia, quàm ejus effectus, neque dantis voluntas excessit vnquam rem acceptam.

Age igitur, quid sibi vult S. Paulus, & quas persequitur chimæras, dum inuehitur in eos, *Qui filium Dei contemnunt, & sanguinem testamenti pollutum ducunt, & spiritui gratie contumeliam faciunt?* Vsquam-ne tales aliqui reperiri possunt juxta illam Iansenii doctrinam? Veniat primum is, cui annuntiatur Euangelium & Christi fides, quam rejicit. Quam ille injuriam Christo facit? Voluit-ne Christus vt fidem reciperet? obtulit-ne in eum finem suum sanguinem? Veniat deinde qui assensum quidem præbuit Euangelio, & fidem recepit; sed mansit in peccatis suis, neque se ad caritatem recipiendam disposuit. Quid illi quoque objicere Christus potest? Obtulit suum sanguinem vt fidem reciperet, & recepit: vt reciperet caritatem, neque decreuit Christus, nec eâ intentione vllò modo sanguinem fudit; quam ergo injuriam facit ejus passioni? habuit id omne pro quo est oblata; & quod non habuit, neque pro eo oblata est. Succedat is, qui fidem accepit & caritatem, in qua cùm aliquândiu vixisset, tandem lapsus est. Contumeliam, inquis, fecit sanguini Christi, quia perdidit illius beneficium? At, inquam, voluit-ne Christus vt non perderet? voluit-ne vt conseruaret? Obtulit-ne in eum

VI.

Ad impenitentiam peccatores adducit.

finem suum sanguinem ut ille perseveraret? Si affirmas, ergo latius patuit Christi voluntas, quàm eius effectus, quod intendimus contra Iansenium. Si negas, fit-ne illi injuria, quando non fit contra illius voluntatem? Et plura-ne debuit peccator in honorem divini sanguinis præstare, quàm intendere ille qui effudit? Oblulit Christus suum sanguinem ut caritatem reciperem, recepi: Voluit ut essem aliquandiu in statu illo adoptionis & amicitiae, & tamdiu fui, quamdiu ut essem voluit ac promeruit: esse desii quando desit & voluntas illius ut permanerem, & oblatio ad impetrandas permanendi vires: quæ igitur ibi est passionis contumelia? quæ injuria sanguinis?

VII.
Pietati si-
delium ini-
mica est.

Illam jam sanctorum conscientiam, qua suas omissiones accusant, seque reos fatentur inæqualis ad Christi gratiam cooperationis, nonne Iansenio & Iansenianis erronea est? Quis enim vel omittere aliquid potest, pro quo à nobis faciendo Christus sit passus: vel minus aliquid facere, quàm fieri voluit qui passus est, si omnis illius oblatio & deprecatio effectum habet, obtinetque gratiam non solum qua possimus, sed etiam qua velimus & faciamus? Itaque respectu voluntatis & passionis & gratiæ Christi Domini, nulla sunt peccata negligentiae, nulla omissionis: totusque ille humilitatis & confusionis sensus, quem eximii quique Sancti hactenus præ se tulerunt, ob negatam divinis per Christum motionibus cooperationem, mendacium est, & superstitionem sapit, ac mulieres illusiones, si non fallitur Iansenius.

VIII.
S. Augusti-
no è diamet-
ro opposi-
ta.
Tract. 2. in
Joan.

Sed urgenda sunt superiora S. Augustini testimonia, quæ hunc errorem manifestè conuincunt; ostenduntque Christum patiendo, & passionem suam offerendo aliquid intendisse, quod peruersa eorum, pro quibus patiebatur, voluntas impediuerit. Alioqui enim quod dicit, *Ingrate irrides eum, qui ad te venit ut redeas*, in quem cadit? Nemo enim est qui non respondeat, vel redeo ad Christum, vel non redeo: si redeo, non sum ingratus, quia facio quod vult: si non redeo, non sum etiam ingratus, quia non intendit ut redirem, nec in eum finem passus est, aut ullam in me gratiam contulit. Non cadit etiam in Iudam, quod dicit Augustinus, *illum non agnosuisse pretium, quo redemptus est*. Quid enim, fuit-ne redemptus? Si fuit, quantum erat ex parte Christi; ergo plus intendit Chri-

Psal. 68.

stus quàm sit assequutus, impediēte hominis nequitia, quod intendimus. Si non fuit, falsa est Augustini propositio. Numquid manifesta quoque falsitas erit, in eo quòd Augustinus exprobrandum dicit reprobis in die iudicii. *Agnosceis De Symb. ad Catech. cap. 8.*
latus, quod pupugistis: quoniam per vos & propter vos apertum est, & vos intrare nolulistis. Ibi enim apertè significatur, propter reprobos apertum fuisse latus ut intrarent: & stetisse per ipsorum voluntatem quominus intrarent: ergo voluit aliquid in reprobis istis intentio Christi, quod eorum nequitia impediuit. Et quem alium sensum habere potest quod relatum est ex *serm. 31.* Christi sanguinem ita fuisse datum pro omnibus, *ut volenti sit salus, nolenti supplicium?* Quare enim supplicium est nolenti, nisi quia reum ostendit rejectæ redemptionis? Et redemptio quomodo rejici potuit, si nec oblata nec offerenda fuit? Quam vim habet illa ratiocinatio *Psal. 18. Ideo neminem permitti excusare se de umbra mortis, quia verbi calor omnes penetravit?* vel enim ita penetravit ut vellet & posset viuificare vel non: si primum, ergo plus voluit Christus quàm sit assequutus, quia innumeri sunt, qui non viuificantur hoc calore: si secundum, ergo beneficium hoc non impedit quo minus excusare se possint de umbra mortis, quotquot in morte manent, quippe qui caruerint vitalibus auxiliis. Et illud Apostoli, quod Augustinus tantopere *impingis, inculcat, infercit*, consequens esse omnes esse mortuos, *quandoquidem unus pro omnibus mortuus est*, quid tandem significat? Quare enim pro mortuis omnibus mortuus est vnus, nisi ut vitam illis daret? Voluit-ne autem omnibus vitam dare, qui nullam habuit dandi voluntatem respectu maioris patris, sed habuit potiùs positiuam voluntatem negandi? Denique nec Iudæi Christum crucifigentes dici possunt *ex suo saluatore suum fecisse damnatorem* alio sensu, quàm quia quantum in se fuit, Christus illos saluare voluit; & quia illi salutem respuerunt; iudicem habituri sunt, quem patronum habere noluerunt. Ex his omnibus ergo satis euidenter conficitur, juxta veram & Catholicam, atque aded Augustinianam doctrinam, Christum Dominum passionem & mortem suam ad plures effectus retulisse, quàm sint illi, qui ex ea sequuti sunt, bonæ illius voluntatis fructum impediēte reproborum malignitate.

Atque hoc modo inanis redditur omnis ille Iansenii labor in-

Quomodo
Christus sit
& non sit
omnium re-
demptor.

colligendis S. Augustini testimoniis quibus contrarium pro-
bet. Quippe cū jam constet ex Augustino, vtrūque ve-
rum esse, aliā & aliā ratione intellectum: & in eo errare Ian-
senium, quod vni sensui ideo inhæreat, vt rejiciat alterum.
Quod vt melius intelligatur, annotasse iuuerit voces istas, salua-
re, sanare, redimere, & esse redemptorem, saluatorem, sanatorem,
& similes in stricta & maximè propria significatione designare
non tantū animi præparationem ad sanandum, saluandum,
redimendum: sed ipsummet effectum consequutum: ac proin-
de nulla est consequentia, ex eo quod quis negetur alium sa-
nasse vel redemisse, vel saluasse, ad negandam voluntatem &
animi præparationem ad hos effectus procurandos. Nam hac
ratione, si quis aduentem repellat medicum, & moriatur; ve-
rum quidem est medicum non illum sanauisse, nec esse sa-
natorem illius: sed non est verum sanare noluisse, & quod
in se erat ad sanandum non contulisse. Similiter si quis præ-
tium offerat pro captiuo qui non vult redimi, ideoque ma-
net captiuus: negabitur quidem captiuum redemisse, vel es-
se illius redemptor reipsa: sed negari non poterit redimere
voluisse, ac quod in ipso erat contulisse vt esset redemptor.
Et ideo S. Augustinus aliquando vtrūque coniungit: id est,
& affirmat oblatum esse pro reprobis redemptionis pretium,
& simul negat esse redemptos, pro quibus oblatum est, vt il-
lo loco jam citato ex libro 2. de Symbolo ad Catechumenos,
vbi postquam dixit, *Quoniam & per vos & propter vos aper-
tum est, nec tamen intrare voluistis*, quo designatur voluntas Chri-
sti ad saluandos reprobos, statim subdit: *Qui non estis redem-
pti pretio mei sanguinis, non estis mei, discedite à me in ignem æter-
num*. Eodēque sensu dicuntur Iudæi, ex suo *saluatore dam-
natorem fecisse*. Quia nimirum futurus erat *saluator*, sed ne es-
set, impeditus est illis peccatis, quorum oportuit vt fieret *dam-
nator*. Nec aliud spectat S. Prosper, cū dicit, Tamen si redem-
ptor pro omnibus omnino mortuus sit, *Redemptionis tamen pro-
prietatem ad eos TANTVM pertinere, qui saluantur*. Quia scilicet
eorum tantū sit propria redemptio, cæteris illam accepta-
re nolentibus. Idem significatur illis verbis, quibus dicitur
Christus *Redemptor omnium, MAXIME FIDELIVM*. Indicatur
enim non esse ita propriè aliorum redemptor.

Ad object. 1.
Vincent.

Atque ita quod dicit Augustinus Christum esse propitiatorem totius mundi; *propter triticum, quod est per totum mundum*, Ep. 43. ad Vinc. nihil aliud significat, quam solum triticum recepisse propitiationis effectum, etiamsi propitiandi voluntas alios quoque respiceret. Eodem modo de solis prædestinatis intelligit illud Ioannis, *Omnia traham ad me*, non quod solis prædestinatis vis imprimatur ad sequendum; sed quod soli sequantur. Tract. 5. in Ioan. Tractio enim motum sequentis significat, & non solum impulsu mouentis. Item quod Aug. lib. 22. de Ciu. cap. 24. illud Pauli, *Conclusit omnia sub peccato, ut omnium misereatur*, restringit ad solos prædestinatos, significat ipse quo sensu restringat, nempe quoad effectum illum *ut non dammentur*, non autem quoad oblationem mediorum ad damnationem vitandam. Et ubi similiter Augustinus restringit ad solos prædestinatos quod dicit Apostolus: *Qui proprio filio non pepercit, sed pro nobis omnibus tradidit illum*, clarum est non restringere ratione verborum illorum, quibus dicitur Christus *pro nobis omnibus traditus*, quo etiam concessio nihil adhuc concluderetur contra doctrinam, quam tuemur, sed ratione verborum, quæ sequuntur. *Quomodo cum illo non omnia nobis donauit?* Quia solis prædestinatis omnia donauit, aliis tantum donare voluit. Eodem modo exponendum illud ex sermone 6. de Verbis Apostoli, ubi dicitur Christus venisse *propter prædestinatos*, qui scilicet illi soli perceperunt diuini aduentus fructum, qui tamen non fuerat solis oblati. Et eundem sensum habent alia quædam S. Augustini testimonia.

Quod si Ianseniani vrgeant illa, quibus dicitur *nullus perire eorum, pro quibus Christus mortuus est*, Christum perdere non posse quem emittit sanguine suo. Non regisse pro mundo, id est pro reprobis, sed tantum pro electis, retorquenda in eos sunt, ut ipsimet cogantur responsionem suggerere, hoc est recurrere ad efficacem & absolutam æternæ salutis intentionem, præter quam agnoscenda sit inefficax & conditionata: Siquidem Iansenius fatetur, ut antè monstratum est, & venisse Christum, & orasse, & passum esse, pro iis quoque, qui vel fidem sine caritate, vel caritatem sine perseverantia receperunt, continerique illos eo numero, pro quo dicitur factus redemptio & propitiatio, qui tamen sunt omnes reprobi.

X.
Quo sensu nullus perire dicatur eorum pro quibus Christus mortuus est.
Ep. ad Euseb. 102.
Serm. inter Paris.
Tract. 10.
Cap. 110. in Ioan.

Denique vitandus est tantum sensus Pelagianus, quo fingebatur sicuti Dei volentis omnes homines saluos fieri, ita & Christi mortem suam ad omnium salutem referentis, indifcreta quædam & æqualis erga omnes voluntas, quæ nec magis absolutè nec magis efficaciter respiceret vnum, quàm alium; & discretionem expectaret ab ipsa hominum natura, propriisque liberi arbitrii viribus. Errorem hunc qui euitarit, ille Augustino facilè satisfecerit.

XI.

Iansenii lapsus in referenda S. Augustini sententia. Lib. 21. de Civ. cap. 24. Potest orari pro salute alicuius etiam supposita præscientiâ futuræ damnationis.

Interea verò notandi sunt aliqui defectus vel fidei, vel perspicaciæ in referenda sancti Augustini sententia, quam scilicet Iansenius aliquoties videtur vel non percepisse, vel corrupisse.

Et primò, vt probeat Christum non potuisse orare pro salute reproborum, suppositâ quam habebat damnationis eorum præscientiâ, proponit illud Augustini dicentis, Ecclesiam nunc non oraturam pro iis, qui licet adhuc in hac vita constituti sint, sunt tamen prædestinati ire in ignem æternum cum diabolo, si quinquam illi sint, certa esset. Sed Augustinus sat clarè exponit quid velit. Disputat enim contra illos, qui dicebant damnatos omnes liberandos à damnatione in die iudicii, per orationes Sanctorum: quos Augustinus refutat ea ratione, quia si consequenter loquantur, dicere debent, Sanctos etiam pro dæmonibus oraturos, itaque etiam dæmones à damnatione liberandos. Quod si hoc quoque fateantur, *Nulla causa est*, inquit Augustinus, *cur non etiam nunc pro diabolo, & Angelis ejus ores Ecclesia, quam Magister Deus pro inimicis suis jussit orare.* Quod quia falsum est, eadem ratione, qua non orat Ecclesia nunc pro malis Angelis: neque tunc oraturam pro damnatis, nimirum vt à damnatione in quam inciderunt, liberentur. Nunc autem, *inquit*, propterea pro eis orat, quos in genere humano habet inimicos, quia tempus est pœnitentiæ fructuosæ. Nam quid maximè pro eis rogat, nisi vt det illis Deus, sicut dicit Apostolus, pœnitentiam & resipiscant de diaboli laqueis? *Mox subjungit*, Denique si de aliquibus ita Ecclesia certa esset, vt qui sint illi etiam nosset, qui licet in hac vita sint constituti, tamen prædestinati sunt in æternum ignem ire cum diabolo; tam pro eis non oraret, quàm nec pro ipso. Quid autem est, *tam pro eis non orares, quàm nec pro ipso?* Non peteret ipsis Ecclesia ea dona, quæ possunt etiam reprobi habere in hac vita? Non posset etiam offerre Deo simplex desiderium

derium vt perseuerarent, quomodo Christus offerebat in horto vt transfret calix? hoc nullo modo negat Augustinus, sed negat tantum orationem illam, quam expressit sequentibus verbis, quæ Iansenius abscondit. *Si qui autem vsque ad mortem habebunt cor impænitens: nec ex inimicis conuertentur in filios, numquid jam pro eis, id est pro talium defunctorum spiritibus orat Ecclesia?* Non orat pro eis, id est pro talium defunctorum spiritibus, postulando scilicet ea bona, quæ à defunctorum in statu peccati ac proinde à damnatis jam spiritibus recipienda forent, vt illi volebant, qui reprobos à damnatione liberandos somniabant Ecclesiæ precibus. Orare igitur posset Ecclesia pro eis, id est pro talium vinorum spiritibus, vt reciperent ea bona, quorum præsens vita capax est, vt possimus hoc loco dicere, Iansenii tuam fidem!

Secundò Iansenius, dum citat Augustinum lib. 6. con. Iul. de iis, pro quibus Christus mortuus dicitur 2. Cor. 5. subjungit. *Per qua significat fieri nullo modo posse, vt Christus pro aliquo mortuus sit vt viuat, quin ille vitam assequatur.* Sed neque Augustinus hoc significat: nec eò spectat ejus disputatio. Solùm enim concludere vult contra Iulianum negantem, & dari peccatum originale; & concupiscentiam, cui peccatum illud alligatum putabat Augustinus, esse vinculum mortis, atque adeò malam. Hoc autem probat ex eo quòd Apostolus dicat, eos qui viuunt spirituali vita, per mortem Christi viuere, hoc est per mortem Christi à morte illa peccati originalis & mortis vinculo liberari. Ex quo sequitur fuisse igitur constrictos illo vinculo, & non fuisse aliter liberandos, quàm per mortem Christi. Hoc est totum Augustini consilium, vt constat ex serie disputationis. Iansenius autem mentem ejus peruertit: & hæc Augustini verba, *Illi ergo viuunt, pro quibus vt viuant mortuus est qui vivebat*, sic accipit, quasi sensus esset, *Illi omnes viuunt pro quibus vt viuant mortuus est qui vivebat*: cum perspicuum sit ita potius esse accipienda: *Illi ergo soli viuunt*, &c. non autem, *illi ergo omnes viuunt*: &c. Quod apertius, inquit Augustinus, ita dicitur, *illi sunt à mortis vinculo liberi, pro quibus mortuus est inter mortuos liber. Vel sic multò apertius, illi sunt liberi à peccato, pro quibus mortuus est, qui numquam fuerat in peccato.* Quod non significat ex mente Augustini omnes pro quibus quocumque modo Christus mortuus est, viuificari

per Christum; sed nullos viuificari nisi per Christum: ac proinde Pelagianis alterutrum faciendum, nempe vel confitendam Christi gratiam, quam negabant; vel permittendum vt credantur mortui, quandoquidem non agnoscunt in se gratiam illam, qua sola vinitur. Et clarum est, hoc quidem loco nullam esse Iulianum inter & Augustinum controuersiam, sit-ne an non sit Christus pro omnibus mortuus, sed sit-ne mortuus ad tollendam ex omnibus mortem peccati originalis, quam Iulianus negabat.

Tertiò abutitur Iansenius verbis Augustini in Psal. 144. vbi quod dicit Regius Propheta; *Et erigit omnes elisos*, Augustinus interpretatur, *omnes ad se pertinentes*. Sed clarum est ex textu, sermonem esse de elisis in temporalibus bonis; nec aliud velle Augustinum, quàm Deum sanctos consolari & confirmare tempore aduersitatis. Hoc verò quid facit ad quæstionem an Christus sit mortuus pro reprobis?

Quartò mala fide citatur etiam id quod dicit Augustinus serm. 74. de Temp. cap. 2. dum explicat quod dixerat Christus, *Non sum missus nisi ad oues, quæ perierunt domus Israël*, quasi vellet non venisse Christum nisi propter prædestinatos ex Iudæis. Sed oculis tantùm opus est, vt constet Augustinum aliud nihil intellexisse, quàm Christum non esse missum ad exhibendam præsentiam corporis & patranda miracula, nisi ad oues domus Israël, & non esse missum ea ratione ad oues ex gentibus colligendas, *Ad quas*, inquit Augustinus, *ipse non venit, sed discipulos misit*, quod nihil facit ad propositam quæstionem.


Quintò dum refert Augustini locum illum, cui jam respondi ex lib. 22. de Ciuit. cap. 24. quo restringit ad prædestinatos verba illa Pauli, *qui proprio filio non pepercit, sed pro nobis omnibus tradidit illum*, truncat quod sequitur in Apostolo, & quod refertur ab Augustino, *Quomodo non omnia cum illo nobis donauit?* Ratione quorum verborum tantùm restrictio fit ad prædestinatos. Reprobis enim non donauit omnia, sed donare voluit, vt dixi.

Sextò eodem modo truncat quod refert ex lib. 21. de Ciuit. cap. 24. vbi Apostoli verba Rom. 11. *Conclusit omnia sub peccato, vt omnium misereatur*, Augustinus etiam ad prædestinatos contrahit. Omitte autem Iansenius ea verba, quæ monstrant euiden-

ter quo sensu accipienda sit ista contractio. Disputat enim contra illos qui verbis Apostoli, vel abutebantur, vel abuti poterant, ut crederent futurum aliquando damnationis finem, præcisa pœnarum æternitate. Dicit autem Augustinus verba illa sic intellecta, ut putetur Deus neminem damnaturus in perpetuum, de solis prædestinatis intelligenda, & hoc bis repetit; non ideo dictum ab Apostolo ut omnium misereatur, quod neminem sit damnaturus: sed quod haberet non solum ex Iudæis, sed etiam ex gentibus prædestinatos, quorum neminem esset damnaturus. Quare non negat ad reprobos quoque diuinam misericordiam pertinere, sed non tamen ita ut illi non sint damnandi, ex quo Dei beneficio uti noluerunt.

Hæc de mente S. Augustini, ad quem Iansenianiconfugiunt, ut se tueantur contra cæteros Patres, quos non dubitant sibi esse contrarios. Ex dictis autem constare potest, dum ab iis damnantur, ab Augustino minimè absolui. Neque verò absolui validè possent, si dissentiret Augustinus à cæteris. Plura Coccius, Bellarminus, Petavius, Theses Louan. &c. ubi confutatur doctrina Iansenii ex Scriptura, Conciliis, & Patribus omnium sæculorum.





EPILOGVS, AD QVINQVE *suprà refutatas Propositiones.*



Hæc sunt quæ circa propositiones notanda visa sunt, si cui fortè prodesse possint ad ferendum de illis iudicium, de quæ cæteris Iansenianæ Theologiæ principiiis, cum quibus illæ sunt connexæ.

Vnde hoc etiam primò colligendum est, quid sit respondendum iis qui dicunt, hanc esse propriam Iesuitarum causam. Nempe jam constat malè illos distinguere proprium à communi: plùsque fauere Iesuitis, quàm putent, aut cupiant; & plusquam Iesuitæ ipsi acceptare velint: dum Ecclesiæ communem doctrinam propugnare, dogmatica Romanorum Pontificum decreta tueri, sacrorum Conciliorum sanctiones confirmare, proprium illis esse prædicant.

Secundò, Colligitur eos pariter falli, qui dicunt hanc esse controuersiam de Auxiliis, illam, quæ tandiu olim est disceptata sub duobus Pontificibus Clemente VIII. & Paulo V. Iàmque hoc prætextu Ianseniani passim vtuntur, vt censuras eludant; & cum non putent Thomistas in eandem secum posse trahi ruinam; præsumpta communione doctrinæ, & sententiarum adhæsiōe, cum illis erigantur & stent; vel certè tanquam in pari causa, interea dum vltior expectatur definitio, eadem libertate fruuntur credendi, docendique quodlibet, qua fruuntur illi, qui tunc contendebant. Sed in eo quoque latius aberrant quàm toto cælo. Nihil omnino illis exprobratur, de quo Thomistæ cum Iesuitis contenderint, nihil exigitur quàm quod fuit concordissimo duorum illorum Ordinum consensu, atque suffragiis constitutum. Quòd possibilia sint Dei præcepta transgressoribus, quibus transgressio ad culpam imputatur; Quòd detur auxilium sufficiens, atque internum cui homines dissentiant; Quòd indifferentia ad agendum & non agendum à libertate arbitrii, quæ requiritur ad meren-

dum & demerendum, sit inseparabilis; Quòd non sint Hæretici qui dicunt liberum arbitrium Deo mouenti per gratiam efficacem dissentire posse: & Quòd sensus diuisus quo id possit dicitur, non idem sit quod ex hypothese mutationis & subtractionis ejusdem gratiæ, sed ita vt cum illa gratia stet expedita ad dissentiendum potentia; Quòd Christus sit etiam pro reprobis mortuus, vt illis media salutis obtineret; res sunt ejusmodi de quibus nullæ vnquam fuerunt partes inter Iesuitas & Thomistas: sed illis suppositis communi consensu tanquam immobilibus fundamentis, quæsitum est, quomodo simul stare posset gratia physicè prædeterminans, quam Thomistæ non aliàs nec aliter asseruerunt, quàm ex suppositione quòd fundamenta illa inconcussa remanerent, quæ modò Ianseniani conuellunt.

Colligitur tertio, quàm turpiùs adhuc fallantur qui causam Iansenii causam esse Augustini fabulantur, cum constet esse differentissimam. Sed fuit semper errantium consuetudo, vt Authorem aliquem eligerent, cujus se patrocinio, errando tuerentur. Et hoc etiam constat à Caluino factitatum in pari causa. At cum certum sit Sancto Augustino injuriosorem esse neminem posse, quàm qui damnatæ doctrinæ authorem probat, negari non potest quin Iansenius, & Ianseniani fuerint quàm maximè injuriosi: & quin vel malè sint de hac tota causa informati, vel sui erga S. Doctorem officii immemores, qui se Iansenianæ Theologiæ propitios ostendunt, cum S. Augustinum ab iis qui errant distinguere, hoc verò sit esse Augustinianum.

Denique ex dictis facilè intelligi poterit, an fuerit cum Iansenio tacendum. Neque enim desunt, quibus non probatur eorum consilium, qui nascenti Iansenismo restiterunt, & adolescenti pergunt resistere, interpretati esse hos inquieti motus ingenii, & ad rixas & contentiones ex æmulatione propensi: doctrinam illam, si contradictio non accendisset impugnatorem, in obscuro fuisse mansuram, & sequaces vel paucos, vel nullos habituram, præualente communium per omnes scholas sententiarum possessione pacifica. Verùm quod dicunt de consilio & intentione eorum, qui hanc controuersiam prosequuntur, Dei judicio relinquendum est, qui so-

Ius scrutator est cordium. Quòd autem putant extinguendam fuisse illam scintillam, si nemo insufflasset, neque Ianseniani consentiunt, qui non scintillam, sed facem fuisse putant, eamque clarissimam singulari Dei beneficio accensam, ut Ecclesiam à Pelagianismo purgaret: nec id sperare sinebat operis magnitudo, authoris dignitas, iteratæ illius editiones, quæsitæ omnium ordinum, omniumque Academiarum approbationes; & Hæreticorum insultus sibi de Catholicorum Episcoporum suffragio gratulantium Elogia Iansenistarum, & tota vernaculi sermonis eloquentia, in noui Augustini laudes effusa: nimirum ut sapientum de illius doctrina iudicium compensaretur admiratione fœminarum & plebis.

Quare quòd dicunt nebulam hanc, nemine satagente, fuisse statim resoluendam, optandum magis quàm sperandum fuit.

Ergo dissimulandum erat, silendūque in Ecclesia Dei pro bono pacis, dum error loquitur? Concilium Tridentinum disertissimè negat Deum impossibilia præcipere, disertius adhuc id affirmat Iansenius; & silendum fuit? Gratiā aliquā dari sufficientem, quæ hominum vitio, effectu caret, Christianismi sensus est, & sacra omnis Scriptura in eo conspirat cum conscientia peccatorum, quos pœnitet internis Spiritus sancti motibus restitisse, Iansenius tale aliquid vnquam accidisse negat: nullam enim esse internam grātiā, quæ non consequatur totum effectum, cuius est capax; vnde sequitur neminem vnquam Spiritui sancto restitisse: & silendum fuit? Libertatem arbitrii, non sola coactione, sed ea quoque necessitate tolli, quæ non relinquat expeditam in oppositum potentiam, definiuerunt Pontifices, Concilium Tridentinum supposuit, & consona scholarum vox prædicat; Iansenius constanter incoactam voluntatem, & voluntatem liberam pro eodem habet, atque hoc veluti fundamentum statuit totius doctrinæ de gratia; & silendum fuit? Definit Tridentinum posse liberum arbitrium Deo mouenti dissentire; Iansenius ideo pronuntiat hæreticos fuisse Massilienses: quòd idipsum dicerent, & silendum fuit? Christum etiam pro salute reproborum esse mortuum, sed effectum illius bonæ voluntatis ipsos impediisse, Christiana persuasio est, hoc Scriptura, hoc Patres, hoc significat Concilium Tridentinum. Ex sententia

Iansenii, nullus est reproborum, qui Christi sanguini quidquam debeat, quippe qui de ipsorum salute nihilo magis cogitavit quàm de salute diaboli; & silendum fuit?

Non siluit Apostolica Sedes, declarandum censuit damnatam antea fuisse Iansenii doctrinam, Constitutionem super ea re editam confirmavit iteratis supra viginti Breuib. Catechismum de gratia proscripsit, quòd damnatam doctrinam contineret, Concionatorem, qui se in Iansenii doctrinam propensio- rem ostenderat compesci iussit, & anathemati subjecit: & his nequaquam obstantibus contra Constitutionem tanta consensione SS. Pontificum confirmatam, & contra Catechismi censuram libros multiplicant, ac veluti res integra esset, audiri petunt: & interea suspendi quidquid hactenus decretum est. Quid tum, inquiunt Pacifici nostri, pro bono pacis hoc quoque dissimulandum fuit, sinendumque *vadere res ut vadunt*.

Dolendum equidem est, superioribus retro sæculis nullos extitisse huiusmodi Pacificatores, quando Arius, quando Nestorius, quando Berengarius, quando Vuicleffus, quando Lutherus, quando Galvinus oppugnare Catholicam fidem cœperunt. Quot, quæso, bellorum, quot præliorum, quot persecutionum compendium fecissemus? Non fuissent tot Orthodoxorum exilia, tot sacrarum ædium euersiones, tot sacrilegia, tot Martyria, tot Regum ac Principum ab Ecclesia Romana defectiones, tot secessiones Regnorum: sæcula placidè cucurrissent sine rixa, sine schismate, habitarentque modò Vrsus & Leo, Lupus & Agnus vnanimis intra ejusdem Ecclesiæ septa: ex tritico & lolio vna fieret farina, vnusque panis, quo Christiani omnes vescerentur. Ita sanè. Sed vbi esset fidei Romanæ integritas? Vbi Catholicæ doctrinæ puritas? Vbi virginitas Ecclesiæ? Stare illa non potest, nisi pretiosum à vili, & credendorum veritas ab errore separetur. An volumus eandem esse rationem Domus Dei, quæ est Ecclesia, quæ dicitur esse in Anglia, Hollandia, Suecia, atque aliis per Septentrionem regionibus complurium familiarum, vbi maritus Lutheranus cum vxore Calviniana, Genero Anabaptista, & filia Ariana de eadem cuppa bibunt? Hanc concordiam sola nescit Christi familia, & qui tale aliquid optant, pacem optant omni bello perniciosiorem, caditque in eos illud S. Augustini serm. 12. de

Verbis Domini: *Vide ne forte ideo non sis bellum, quia pax peruersa est.*

Est in Apologo, tali quadam prouidentia lupos uti quoque voluisse, in generalibus bestiarum comitiis, cum quererentur inquieto canum ingenio, & ad silendum impotenti totam illam turbare Rempublicam: statim atque conspiceretur quidpiam quod aliquam haberet lupi speciem, impleri omnia latratibus, montes & valles ipsorum personare classico, orbemque totum commoueri: nihil se cum canibus habere, quod dirimerent, agerent illi res suas, se quoque paterentur agere suas; sed quid de ouibus futurum erat? Vnico verbo, tota hæc causa definitur. Vel est tolerabilis Iansenii doctrina, vel non est; si tolerabilis est, pœnam merentur, qui dissidia ista excitant; si non est tolerabilis, hoc est, si & damnata, & damnabilis est, necessario erga Catholicam fidem, Ecclesiâque sunt officio perfuncti, qui Iansenismum hactenus oppugnarunt. Ergo ab examine atque à iudicio doctrinæ incipiendum fuit.



FASCICVLVS SENTENTIARVM
ex Theologia Ianseniana collectarum.

DV o circiter anni sunt, cùm Doctores quidam Ianseniani, Louanio Madritum missi, ad dissuadendam si fieri posset Vrbana Bulla per Belgium promulgationem, vbi ea spe se dejectos esse sentire, ne nullum esset itineris tam longi, tantique laboris pretium, vulgauere duas & viginti propositiones contra honorem & authoritatem S. Augustini conceptas, veluti passim traditas atque defensas à quibusdam Theologis. Cùmque specie zeli erga S. Doctorem vrsissent apud Inquisitores Valisoletanos earum censuram, voti compotes facti, sparsere quaquaversum confirmatam esse illo iudicio Iansenii doctrinam: & quæ illi contraria est, doctrinam Iesuitarum esse damnatam. Nolo nunc temporis disputare quàm fuerit ex utroque illo capite falsa huiusmodi censuræ interpretatio; & quàm procul errent, qui Iansenismo faueri putant, dum stabilitur authoritas Augustini: vel quàm perperam Iesuitis imponant, qui propositionum illarum authores faciunt. Nempe jam perfectum est multorum insignium Theologorum laboribus ac diligentia, vt quam hætenus conati erant Ianseniani persuadere antiqui, nouique Augustini consensionem, nulla veri specie niti deinceps videatur: & Iesuitas illarum propositionum censurâ minimè peti potuisse, vel ex eo satis intelligitur, quòd Aduersarii nullum hætenus potuerint nominare apud quem illæ legerentur, quod certè pro eo quo sunt erga Iesuitas animo non omisissent. Sed ad munienda nonnullorum ingenia, qui de hac tota causa non satis instructi, occupari se sinunt specioso illo prætextu, propugnata à Iansenio Augustinianæ authoritatis; necessarium visum est, loco propositionum fictarum, nec vsquam extra ideas Iansenianorum existentium, repræsentare plures duplo, non animi gratiâ scriptas in arena, sed inci-

fas ad æternam memoriam, expressasque in monumentis Ian-
senianorum, designato vbi vnaquæque loco reperitur. Vnde
facile constabit Augustino numquam fuisse maiorem illatam
injuriam, quàm ab illis qui hæc portentosa sententiarum illi tan-
quam auctori affingere conantur: Nec in Augustino solo ste-
tisse calumniam, sed ad nobiles etiam scholas & scholarum
principes, quin & ad Sedem Apostolicam, atque adeò ad Ec-
clesiam ipsam pertigisse. Ignoscat Lector, si fasciculum offero
græueolentem; necessaria fuit hæc offensio, vt sanus esse olfa-
ctus probaretur.

- I. Iustos omnes, qui excidunt è statu iustitiæ, & defectu finalis
perseuerantiæ tandem damnantur, excidere ex impossibilitate
standi & perseuerandi, quam habet adjunctam status ille,
in quo tunc reperiuntur, quando cadunt. *Hæc propositio colligitur ex toto libro 3. de Gratia Saluat. præsertim ex cap. 13. ubi quamuis de aliquibus tantum loquatur, utitur tamen principis, quæ vniuersaliter de omnibus concludunt.*
- II. Peccatores qui diuinæ gratiæ resistunt, illi resistere ex impossibilitate assentiendi, quam habet similiter adjunctam status, in quo tunc reperiuntur, quando resistunt; *Colligitur ex eisdem locis & ex fundamentali principio, quod toto illo libro tertio statuitur.*
- III. Pro eorum salute qui finaliter non perseuerant, quamuis ad fidem vocati & iustificati vixerint aliquandiu in statu gratiæ & sanctitatis, nec orasse Christum vnquam, nec mortuum esse, nec eam intendisse magis quàm intenderit salutem diaboli. *Eodem tomo tertio lib. 3. cit. cap. 20.*
- IV. Nullam esse Christi gratiam quæ sit sufficiens ad effectum, ad quem non est efficax: nullam quæ non sit efficax ad omnem effectum, ad quem est sufficiens. *Traditur toto lib. 3. citato, & ante lib. 2. cap. 27. & 32.*
- V. Sanctum Petrum tentatum fuisse, & alios multos fideles quotidie tentari supra quod possunt sustinere. *Ibidem cap. 13.*
- VI. Scopo legis repugnasse quòd Deus daret gratiam adiuuantem ad implenda præcepta, quæ imponebat. *Ibid. cap. 5.*
- VII. Statum veteris testamenti attulisse Iudæis Gratiā impediētem potius, quàm sufficientem. *Ibid. cap. 8.*
- VIII. Gratiā sufficientem infidelium esse à Semipelagianis excogitatam. *Ibid. cap. 12.*

Non esse liberum homini lapsò à peccato abstinere dum hìc & nunc agere meditatur, sed quocumque se verterit, quadam humanis viribus insolubili peccandi necessitate teneri: in nullo opere peccati culpam effugere posse: Inductam esse necessitatem peccandi non tantum in aliquibus actibus, sed etiam in omnibus, & omnem ejus actum antequam credat, esse peccatum. *tom. 2. lib. 3. de statu naturæ lapsæ cap. 14.*

Gratiam lapsæ, ægrotaque voluntatis nullomodo in ejus relinqui arbitrio, ut eam deserat aut accipiat, si voluerit. *Lib. 2. de Gratia Salv. cap. 4. 5. 14. 27. 28.*

Semipelagianos in hoc hæreticos fuisse, quod vellent talem esse internam gratiam, quæ per Christum datur ad initium fidei, ut liberum arbitrium dissentire posset, si vellet. *Ibid.*

Suppositâ rationis aduertentiâ, libertatem arbitrii sola coactione impediri posse, non autem vllâ necessitate agendi, etiam si ea proximam non agendi potentiam tollat. *Tractatur toto lib. 6. de Gratia Salvat. præsertim cap. 38. tom. 3.*

Pœnitentes exponi periculo damnationis à Confessariis, quando ut disponantur ad absolutionem, excitantur ad dolorem de peccatis & ad bonæ vitæ propositum, propter solum gehennæ metum. *Colligitur ex tom. 3. lib. 5. de Gratia Salu. cap. 35.*

Ex puro timore pœnæ non posse ita fugi peccatum, ut nullum aliunde peccatum incurratur; & juxta S. Augustini principia omnino statuendum, esse impossibile, ut ille qui in peccandi proposito constitutus est, sola pœnæ formidine, ita mutet voluntatem peccatumque detestetur, ut non peccet, *to. 3. lib. 5. cap. 27. 29.*

Non solum peccare, qui solo timore pœnæ ducitur, ob conjunctam voluntatem, quâ mallet facere quod vetatur, si impune liceret; sed etiam ex ipsa formali ratione objecti, sub qua peccatum declinare nititur: quod non ideo peccatum horreat quia peccatum est, sed quia corpori dolorificum, *ib. cap. 30.* Quid ergo verius dici potest, quam quæ Lutherus dixit & Tridentin. damnavit, dolorem de peccato ex solo timore pœnæ conceptum, facere magis peccatorem.

Augustino repugnare doctrinam Scholasticorum, qui docent attritionem ex gehennæ metu conceptam, excludere posse omnem peccandi voluntatem, & continere propositum bo-

næ vitæ, seu seruandi totam legem. *Ibidem capite 33.*

XVII. Quamuis hæc ita sint, multos tamen esse fructus huiusmodi timoris, & inter alios, quòd manum contineat à peccato, etiamsi non contineat animam: quòd impediendo externa & apparentia peccata, tollat consuetudinem malorum operum, itaque inducat quandam benefaciendi facilitatem: quòd premat & coarctet peccatores, vt ad Dei misericordiam supplices fugiant: ideòque meritò dici timorem hunc ab Augustino, bonum, vtilem, saluberrimum. *To. 3. de Grat. Saluat. lib. 5. cap. vlt. Bene habet, Bonus est igitur ille timor, qui non solum adjunctam habet malam voluntatem, sed est ipse per se malus ex ratione formali objecti sui, itaque inuentus est qui dicat bonum malum, & malum bonum.*

XVIII. Attritionem Scholasticorum, quæ concipitur ex solo timore pœnæ, etiam æternæ, non esse ex Gratia per Christum, sed ex naturæ viribus, etiamsi supponat fidem. *Ibid. cap. 25. 26. Quis non miretur apud debellatorem si Deo placet Pelagianorum & reparatorem gloria gratia Christi, recentium Scholasticorum vitio perditæ, affectum animi bonum, vtilem, saluberrimum, quo peccator coarctatur & premitur, vt ad diuinam misericordiam supplex confugiat, ex natura viribus esse, non ex gratia per Christum?*

XIX. Peccatum esse quodcumque fit ex alio, quàm ex puro caritatis supernaturalis motiuo. *Traditur eodem lib. 5. ferè per totum.*

XX. Vnum & eundem semper esse ac fuisse justificationis modum, nimirum per actum caritatis: & institutionem Sacramenti Pœnitentiæ ac Baptismi, esto facilitatem aliquam attulerit assequendæ remissionis peccatorum, non tamen alium justificationis modum, quàm qui fuerat priùs. *tom. 3. libro 3. cap. 34.*

XXI. Esse doctrinam Fidei Catholicæ quam SS. Patres olim vt dogma fidei tradiderunt, inuincibilem & inuoluntariam juris naturalis ignorantiam, non excusare à mortali & damnabili peccato. *To. 2. lib. 21. de statu pure nature cap. 22. & lib. 2. de statu nature lapsæ cap. 4.*

XXII. Gratiâ Adamo & Angelis in prima creatione collatam, ita fuisse illis connaturalem, sicut visus, auditus, sicut sanitas &c. *Tom. 2. lib. 1. de statu pure nature cap. 11. 15. 16. 17.*

XXIII. Fuisse impossibile vt Deus Adamum aliter crearet, quàm cum iustitia originali, & jure illo quod perdidit ad Dei visionem

& perfectam beatitudinem. *Tractatur 3. libris integris de statu pura natura 10. 2.*

Nullum quodcumque vel qualecunque malum inferri à Deo posse infanti, qui caruerit peccato originali. Necessario enim lædi omnipotentiam, scientiam & iustitiam Dei. *Ibid. lib. 3. cap. 7. & II. Vnde sequitur Deum non fore Deum si supposito tali puero, permitteres ullam ei vel minimam scabiem prurire.*

XXIV.

Inter illa mala quæ implicat innocentibus & mundis ab originali peccato accidere, ignorantiam computari. *Ib. unde sequitur, si status innocentie perseverasset, non potuisse infantes non esse intra uterum maternum Philosophos & Theologos.*

XXV.

Sancti Patres, qui vixere inter Origenem & Augustinum doctrinam tradidisse de prædestinatione perfectè Semipelagianam: talémque fuisse etiam sensum Ecclesiæ toto illo tempore, hoc est ducentis & amplius annis, *tom. 1. lib. 7. de hæresi Pelag. cap. 17.*

XXVI.

Hieronymum in iisdem libris, quos scripsit contra Pelagium, ita clarè disertèque tradere doctrinam Semipelagianam, ut excusari non possit. *Ibid. cap. 4.*

XXVII.

Ad infallibilitatem Ecclesiæ satis esse quòd rectam fidem teneat in suis Canonibus & oratione Dominica, etiamsi in expressiori eorum intelligentia & interpretatione, major pars erret, & contrarium teneat eorum, quæ antea sancita fuerant tanquam fidei dogmata. *Colligitur ex lib. proöm. cap. 30. & ex lib. 4. de statu natura lapsæ, cap. 27.*

XXVIII.

Tempore Pii V. & Gregorii XIII. (hoc est circa tempora Lutheri & Caluini:) Propositiones quasdam, quæ sunt fundamentales doctrinæ, ac bases fidei contra Pelagianos dedisse scandalum in Ecclesia Romana, ejusque pacem turbasse. *Colligitur ex cap. 22. lib. 3. de statu pura natura 10. 2.*

XXIX.

Tantam fuisse prudentiam Ecclesiæ Romanæ: ut pro bono pacis & ad vitandum scandalum illud, judicauerit easdem fundamentales doctrinas & bases fidei prohibendas. *Ibid.*

XXX.

Prohibendi consilium ex eo manasse, quòd nesciret (nempe Ecclesia) ejusmodi propositiones ab Augustino traditas, & confirmatas olim ab antiquis Pontificibus. *Ibid.*

XXXI.

Sine certitudine censuræ, quæ continetur istis tribus propositionibus. *Pelagianus est error dicere quòd liberum arbitrium valet ad*

XXXII.

28. Baui.

36. Baii. *ullum peccatum vitandum; Cum Pelagio sentis qui boni aliquid naturalis, hoc est, quod ex natura solis viribus ortum duxit, agnoscit: Non nisi Pelagiano errore admitti potest vsus aliquis liberi arbitrii bonus, siue non malus: & gratia Christi iniuriam facit, qui ita sentit; sine certitudine inquam illius censuræ, principia S. Augustini de necessitate diuinæ gratiæ funditus labefactata collabi; & tamen eamdem censuram à Pio V. & Gregorio XV. fuisse damnatam. lib. 4. de statu natura lapsa cap. 27. tom. 2.*

xxxiii. Romanos Pontifices, dum damnarunt aliquas Baii propositiones, maluisse accommodare suam definitionem sententiæ Scholasticorum; quàm doctrinæ S. Augustini & aliorum sanctorum Patrum. *To. 3. lib. 6. de Gratia Saluat. cap. 36.*

xxxiv. Cancellos Theologiæ Christiano-Scholasticæ à Deo præfixos, ad coercendam vagam disputationum libertatem, & certos limites statuendos. cognitioni rerum diuinarum, definiri libris sacre Scripturæ, Conciliis, & primorum sæculorum Patribus; & iis contentos esse debere Theologiæ candidatos. *Lib. Proæm. cap. 7. tom. 2. Valeat ergo S. Thomas, valeat S. Bonaventura, valeant ceteri qui non possunt inter Patres primorum sæculorum numerari. Quosquos illis inhaerent vagantur extra cancellos Theologiæ Christiano-Scholasticæ.*

xxxv. Non fuisse sobriâ sapientiâ contentos, & ignorasse limites à Deo præfixos humanæ cognitioni, qui struem curiosissimarum quæstionum fecerunt, quibus ingenia torquentur, & otium auditorum teritur: dum disputant in materia de Angelis, de ipsorum principiis indiuiduantibus, specificantibus, de intelligendi modo, speciebus, duratione, loco, motu, operationibus, &c. Item qui dum tractant de Deo, quarunt quomodo sit immensus, quomodo generet filium, quomodo futura præuideat. *Ibid. cap. 6. Vnde sequitur S. Thomam & Thomistas, aliósque Theologos, qui ejusmodi quæstiones omnes fuscè tractant, non fuisse sobria sapientia contentos, nec scuisse limites humanæ cognitioni à Deo præfixos.*

xxxvi. Cum sit duplex Theologia, altera positua, quæ potior est & præferenda, constatque cognitione diuinissimorum librorum sacre Scripturæ, Patrum primorum sæculorum & Conciliorum: aliâ minùs præcipua, quæ est Theologia Scholastica; ad vtramque requiri totum hominem: & exemplo S. Thomæ & Cajetani comprobatum, non posse excellere in positua, qui in

Scholastica excelluerit. *Lib. Proæm. cap. 9. 10. 2. Unde sequitur S. Thomam in potiore ac meliore Theologia, esse minus habentem.*

Modum penetrandi diuina per humanam rationem & philosophicas ratiocinationes esse periculofum: & multis erroribus expositum. *Lib. Proæm. cap. 7. Summam autem S. Thomæ nihil esse aliud, quàm S. Augustinum contractum, certaque proportionem alligatum naturalibus principiis. Ibid. cap. 22. Habet igitur summa S. Thomæ modum penetrandi diuina periculofum & multis erroribus obnoxium. Naturalia enim principia sunt humana rationes: & illis alligari, philosophorum est.* xxxvii.

Vniuersam Scholasticam nunc ab omni parte plenam esse quaestionibus strigosis, ejusque veritates esse cogitationis prorsus humanæ fœtus. *Ibid. cap. 6. Qui dicit vniuersam & ex omni parte, nihil excipit; ac proinde nihil est diuinum, nihil certum, nihil tutum modò in Theologia Scholastica vniuersa.* xxxviii.

Recentiores aliquos Theologos neque fidem, neque spem, neque caritatem: neque gratiam, neque naturam: neque vitium, neque virtutem: neque bonum opus, neque peccatum: neque meritum, neque mercedem, neque supplicium; neque beatitudinem, neque miseriam; neque liberum, neque seruum arbitrium: neque timorem Dei, neque amorem: neque iustitiam, neque misericordiam; neque vetus, neque nouum Testamentum agnoscere. *Ib. 28. Debebat dicere quenam essent ista bestia quæ sibi Theologorum nomen arrogans.* xxxix.

Etiamsi à quingentis annis sententiæ quædam Scholasticorum à maiori parte fidelium, communi consensu approbatæ sint, non debere tamen Ecclesiam terreri neque impediri quantalibet numerositate authorum, antiquitate, vniuersalitate, quominus eas ad, incudem reuocet & repudiet. *Colligitur ex eodem lib. Proæm. cap. 30. Si quantalibet numerositas Auctorum, antiquitas, & vniuersalitas, non sufficit ad certitudinem doctrinæ; falsæ sunt igitur quas hætenus Ecclesia putauit esse præcipuas Catholicismi notas.* xl.

Quasdam Propositiones antiquæ & Ecclesiasticæ fidei fuisse obscuratas, oblitteratas, obrutas, & sepultas scholarum puluere, hoc est Scholasticorum interpretationibus & subtilitatibus, sequentium humanæ rationis filum potius, quàm traditionem SS. Patrum, & ideo fuisse deinde prohibitas, quòd viderentur nouæ nescientibus antiquam doctrinam, & sua nouitate turbarent xli.

pacem, & scandalum darent. *Colligitur ex lib. 4. de statu naturæ lapsæ cap. 24. & ex lib. 3. de statu puræ nat. cap. 22. Quis igitur non peccet in sententiam Vvicleffi, Lutheri, Erasmi, Caluini, Scholasticam execrantium?*

XLII. Prædeterminatio physica penitus destruit magnam illam libertatem & bene viuendi potestatem, quæ fuit in Adamo, & quæ futura erat in nobis si ille non peccasset. *Est expressa in lib. de Gratia primi hominis, & Angelorum, to. 2. cap. 20.*

XLIII. Prædeterminatio physica prorsus destruit totam differentiam gratiæ Adami, & adiutorii medicinalis Christi. *Ibid.*

XLIV. A recentioribus physicæ prædeterminationis defensoribus aliqua sunt adjecta, quæ cum Augustini doctrina nullo modo congruunt. *Lib. 8. de Gratia Saluat. cap. 2. to. 3.*

XLV. In re ipsa, in operandi modo, in accessoriis septem esse differentias inter veram Christi gratiam & physicam prædeterminationem. *Ib.*

XLVI. Qui medicinalem Christi gratiam sic defendere conantur ut eam transforment in physicam prædeterminationem, omni statui hominum lapsorum & innocentium ex vi causæ primæ & indifferentiæ voluntatis necessariam, magis profectò Aristotelicos esse, quàm Augustinianos, & vniuersam Augustini doctrinam inexplicabili confusione perturbare. *Ibid.*

XLVII. Augustinum, ne semel quidem, vel ex professo, vel per transennam significasse, eatenus saluam manere libertatem, quatenus voluntas actum volendi sic exercet, ut possit eum suspendendo continere. *Ib. Quod est Augustinum de distinctione sensus compositi & diuisi, quo vtuntur Thomistæ in concilianda gratia prædeterminante cum libero arbitrio, nunquam cogitasse.*

Ex his Lector. facile intelliget quis maiorem injuriam inferat Augustino, quisve periculosius philosophetur, an illi qui tot errores venditant, sicuti essent Augustinianæ merces: & qui hodiernam Ecclesiæ doctrinam cum antiqua committunt, nulli scholæ, nulli auctori parcentes; An illi qui student concordiæ, & priscam cum moderna Theologia conciliare conantur.



IANSENIVS

A THOMISTIS

GRATIÆ

PER SEIPSAM EFFICACIS

DEFENSORIBVS

CONDEMNATVS.

2V1M32M A1

21T21M01T A

3.3T1.2D

21T21M01T A

21T21M01T A

21T21M01T A

ADMONITIO

AD LECTOREM,

Et Note in Diarium Santamorii.



VM Ianseniani causam suam cum causa Thomistarum confundere conarentur, ad auertendam Quinque Propositionum censuram; collegi Romæ quotquot inuenire potui eorum Thomistarum libros, qui contra doctrinam Molinæ scripserant, circa tempora disputationum *de Auxiliis*, ac deinceps. Quorum apertissima contra Quinque Propositiones testimonia ita distinxī, ut constaret non aliam ab alio, sed singulas ab omnibus esse damnatas: ac proinde vel ipsosmet Thomistas præluxisse futuro Sedis Apostolicæ iudicio: tantum aberat ut impedire velle viderentur. Existimaui autem illos potissimum Thomistas appellandos, qui contra Molinam ex professo pugnaverant. Videbam enim cum hoc vnum esset propositum Iansenio & Iansenianis, ut Molinam & Molinistas, ut ipsi vocant, debellarent; si qui vnquam Thomistæ censendi essent Iansenianis collusisse, illos esse vel solos, vel maximè, quibus vnum idemque cum Iansenio propositum fuisset, Molinam conterendi: quod si neminem istorum Iansenio fauisse monstraretur, nullam prorsus de cæteris superesse suspicionem. Hæc erat

mea cogitatio : quam eandem esse non dubito eorum omnium, qui ratione aliquâ ducuntur, nec pugnandi votum habent, vel contra compertam veritatem, si contingat suis rationibus esse contrariam.

Hac igitur spe fretus lucubratiunculam hanc Romæ reliqui manu-scriptam anno hujus sæculi quinquagesimo secundo, & paulo post ineunte quinquagesimo tertio Parisiis edendam curavi; unde iterum Romam perlata, est typis excusa ante ultimum de Quinque Propositionibus Sedis Apostolicæ judicium. Crebram hujus scripti mentionem facit Auctor Diarii, de quo suas, ut fatetur ipsemet, querelas detulit ad Eminentissimum olim Chisium, hodie Summum Pontificem Alexandrum VII. ad Eminentissimum Spadam, ad Commissarium Sancti Officii, & ad suum denique

Je portai le
le lendemain
la préface
du Libraire
du P. An-
nat à nostre
Aduocat,
poursuivaire
voir par les
choses, qui
estoit dit
tes de lui,
l'extrême
impudence
& effron-
rie de cet
Escriuain.
Journal p. 6.
s. 13. p. 422.

Aduocatum; cui monstrauit quod est in præfatiuncula Typographi nomine opusculo præfixa, nempe *Iansenianos adhibuisse forensium Oratorum operam suæ causæ instruendæ, adisse Aduocatum inter Romanos celebrem, ut Italica facundia & humanorum jurium arma conjungerent*: itaque cum non satis præsidii à Theologis expectarent, res suas commendasse Iureconsultis. Quæ Doctor ille non improbat modò, sed *summa* insuper *perulantia* atque *impudentia* Scriptorem damnat.

Ego non miror ejusmodi conuitia id genus hominibus excidere. Illo enim priuilegio dudum fruuntur, quo legibus, non dico caritatis, sed omnis urbanitatis ac modestiæ soluuntur. Miror tantùm perturbatam hujus Doctoris rationem, qui quod accusat, ipsamet accusatione purgat. Ostendit, inquit, Aduocato quod de ipso dicebatur. Ergo verum est quod

dicebatur, Iansenianos Romæ quæsiisse Aduocatos quibus suam causam commendarent. Quam verò causam? Aliamne Romæ disceptabant, quàm causam fidei? Aliudne Tribunal obsidebant, quàm vbi fidei quæstiones agitantur? Quid ergo peccauit, qui dixit eos armis suis Italicæ facundiæ & humanorum iurium arma conjunxisse? Quid autem opus erat subsidio illo Iurisperitorum, & Causidicorum, si sat præsidii sperare poterant à Theologis? Et cur venalem eloquentiam adhibuissent, si sibi conscii erant non deesse sibi facultatem exponendi Latinâ linguâ, hoc est Ecclesiasticâ, quidquid ad statum controuersiæ pertineret? Et hoc obseruasse, *summa fuit impudentiæ*? Nam de Aduocato quod dictum est, tantum abest vt reprehensione dignum sit, vt gratiam etiam mereatur. Commendatus enim est à celebritate famæ, à facundia, à iurisperitia. Sine vllius defectus aut vitii nota, vt dicere possim, non verè tantum, sed rectè quoque dicta esse, quæ inconsultus hic atque improvidus censor, *summa tribuit impudentiæ*. Miseret me tam absurdi hominis, quem si tam intempestiui conuiti non pudet, aio nescire illum, quid sit esse impudentem.

Supereft vt xplicem ecquid tandem reprehendat in hoc opusculo, qui tam honorificè de ejus Auctore loquutus est. Id ille paucis comprehendit. Quidquid in eo dicitur ad promouendam quinque propositionum censuram, constare dicit *perpetuis equiuocationibus gratia sufficientis, potentia proxima &c.* qua obseruatione in subiecta materia, nulla vel magis falsa vel magis inepta esse potuit. Nam cùm in hoc scripto nihil

il n'est fondé que sur de perpetuelles equiuoques de grace suffisante, pouoir prochain, &c sur la Chimere de la grace necessitante

qu'il attri-
bué à Ianse-
nius. Ce
qu'il conte-
noit de plus
considéra-
ble fut re-
futé par les
Domini-
cains, Jour-
nal 5. par.
di- xi. pa.
307.

ferè meum sit, sed soli loquantur Thomistæ, suis quisque verbis, quis non videt si verba sint æquiuo- ca, non mihi, sed illis esse tribuendum? Et cum hæc ipsissima verba sint, quibus sunt vsi, dum disputant contra Molinam & Molinistas, quidquamne ab- surdus vel cogitari potuit ab eo, qui videri vult par- tes sequi Thomistarum, quàm quod fatetur, Tho- mistas dum agunt contra Molinistas, *perpetuis vsos æquiocationibus*? Objiceret potiùs hæc Thomista- rum testimonia non esse fideliter excepta, fuisse trun- cata, nec perfectam habere significationem, non esse ad rem, & illæsis Quinque Propositionibus, objectari. Nihil horum obseruauit hic Doctor, quia nec obseruare potuit. solam æquiocationem causa- tus est.

Age verò, vir bone, ecqua tandem oratione ex- primere quis posset vim & rationem gratiæ sufficien- tis, quæ non sit æquiuo- ca, si Thomistarum descri- ptio æquiuo- ca est? Gratiæ sufficientem dicunt esse *verè & propriè & in rigore sufficientem*; & hoc est, in- quis, æquiocum. Hanc gratiam dicunt dare volun- tati *potentiam*, hoc est agendi facultatem *proximam, immediatam, completam, expeditam & non ligatam*, in ra- tione potentia & virtutis operatiua; & hoc quoque æquiocum? Expecto dum fidei symbolum *Credo in Deum Patrem omnipotentem, Creatorem celi & terra, &c.* constare dicas perpetua æquiocatione. Quid enim vspiam erit vniuocum, si talis, tam clara tamque diserta expressio ejus, quod quis intelligi vult, æqui- uoca sit?

Age iterum, Magister Noster, & quando pronun-

riata Thomistarum de Gratia sufficienti & potentia proxima tibi videntur æquiuoca, tu vitium illud purga, euolue implicitos sensus & distingue. Aliquo-ne sensu vera sunt, an nullo? Si nullo, quare vocas æquiuoca, & non potiùs absolutè falsa? Thomistæ verò ex aduerso sua dicent esse vera, & Ianseniana falsa, quod vnum ego hoc libello conficiendum suscepi. Si aliquo sensu vera sunt, quonam tandem? Affirmant dari Gratiam verè, propriè, & in rigore sufficientem. Hoc, in-^{To. 3. l. 3. c. 13.} quis, aliquo sensu verum est. Quonam, inquam? Consulendus tibi Iansenius est. Quære ab illo, an qui mandatum transgreditur, Gratiam habeat sufficientem ad illud seruandum. Respondet Iansenius, non ad-esse semper gratiam, qua POSSIMVS, hoc est, quâ illa eadem præcepta implere SUFFICIAMVS. Audis? Sufficiens gratia ad implenda præcepta illa est, qua non possumus & qua non sumus sufficientes vt impleamus. Si ges interprete, adhibe Paulum Irenen, & dicet tibi, per conantes, & volentes, quibus impossibilia esse mandata Iansenius pronuntiat, eos intelligi, qui per gratiam excitantem habent VIRES INVALIDAS! Sat scis, opinor, gratiam illam excitantem esse, quam dicitis, Thomistico sensu sufficientem. Ergo sufficiens Thomistica, apud vos, illa est quæ dat vires inualidas.

Perge interrogare Paulum hunc, & respondebit, Non negat Iansenius potestatem simpliciter implendi mandata; sed NEGAT POTESTATEM SUFFICIENTEM. Audis, Domine Doctor? Gratia sufficiens Thomistica illa est apud vos, quæ dat homini potestatem non sufficientem. Relegenda est nugatoria illa & inimica Secretarii Regioportuensis epistola secunda, qui suum

C'est à dire
que cette
grace suffit,
quoi qu'elle
ne suffise,
pas. C'est à
dire qu'elle
est suffisante
de nom,
& insuffi-
sante en ef-
fect ... A
quoi pensez
vous, mon
Pere, d'a-
voir donné
le nom de
Grace Suffi-
sante à une
grace, que
vous dites
qu'il est de
foi, de
croire qu'elle
est insuf-
fisante en
effect. P. 5.
6.

Que les
Thomistes
employent
des termes
qui signi-
fient le con-
traire de ce
qu'on veut
dire. Que
c'est se con-
tradire di-
sant de la
même cho-
se, qu'elle
est, & qu'elle
n'est pas.
par. 2. di. 10.
p. 124.

cum sensu Thomistarum inuoluens, *Vestra*, inquit, *mens est, Gratiam istam sufficere & non sufficere, sufficientem esse voce tenus, re autem ipsa insufficientem* Ecquid vobis in mentem venit, mi Pater, Thomistam alloquitur, *ut gratia sufficientis nomine donareris illam, quam esse insufficientem, censetis ad fidem pertinere?* Adde illius votum, quo cuperet præconis voce proclamari publicè, *Notum omnibus esto, cum adesse cunctis hominibus gratiam sufficientem Dominicani dicunt, id eos significare velle, NON ADESSE OMNIBVS GRATIAM QUÆ REVERA SUFFICIAT.*

Eamdem gratiam intelligit Defensor Constitutionis Innocentii X. cum dicit, eos à quibus admittitur hæc gratia cum necessitate gratiæ prædeterminantis, secum pugnare, affirmare idem ac negare, nempe gratiam esse ac non esse sufficientem, disputare contra communem hominum sensum, & verbis uti, quæ contrarium significant ejus quod quis significare vult.

Vide jam, mi Doctor, an illi, qui eo tantum sensu gratiam admittunt, quæ sufficiens vocatur, quod det vires inualidas, quod det possibilitatem non sufficientem, quod non sufficiat, quod re ipsa non sit sufficiens, quod non respondeat significationi vocis illius, *sufficiens*, quod communem sensum ostendat dum appellatur hoc nomine: Vide, inquam, an hoc sit admittere gratiam sufficientem aliquo sensu, an potius negare. An hoc sit distinguere Thomistarum sensus æquiucos, & non potius eorumdem negare *veros, proprios, & rigori verborum*, ut ipsi loquuntur, *consentaneos.*

Tu quoque, Amice Lector, aduerte quibus præstigiis circulatores isti oculis imperitorum illudant, quando

quando suis erroribus obtendunt speciosam laruam *Thomistici sensus*. Fingunt se gratiam admittere sufficientem, *sensu Thomistico*; itaque fatentur possibilia fieri mandata transgressoribus per gratiam Thomistico sensu sufficientem; & cum ventum est ad sensum illum exprimendum, umbras obijciunt amplecti conantibus, gratiamque Thomistico sensu sufficientem dicunt eam, quæ reipsa non est sufficiens, nisi apud eos qui secum pugnant, qui non capiunt quod dicunt, vel si capiunt, mentiuntur, dum aliud judicant, aliud loquuntur.

Præluferat his fraudibus Iansenius, quando dubitatus asseruit, gratiam illam Thomistarum non difficulter fortasse fuisse ab Augustino admittendam, *quamvis, inquit, esse veram illam Christi gratiam, de qua questio est, pernegaret.* Atqui de Christi gratia tantum disputant Theologi, quando quærunť utrum recte diuidatur in efficacem & sufficientem, quod si ea, quam forte Augustinus admitteret, non esset tamen Christi gratia, quid aliud superest, quàm ut dicamus juxta Iansenium, nullam esse Christi gratiam sufficientem. Statuamus itaque hominem justum, qui tentationi succumbit; Præcipit illi Deus ut tentationi resistat: Quæritur, an dederit illi Deus ullam gratiam, quæ sufficeret ad illam, quam præcipit resistendi voluntatem? nullam, inquit Iansenius, quæ sit gratia Christi. Ergo nulla Iansenio, Christi gratia sufficiens est, ad id faciendum quod præcipit. Hoc cine Thomistæ sentiunt? Et hic est sensus Thomisticus, & non potius larua Ianseniani erroris?

Nec Iansenius de mente Augustini, deque acutissimo illius ingenio judicat ut par est, quando dubitat an


ib.

esset admissurus adiutorium, quod sufficiens est ut homo dicatur posse operari, etiamsi requiratur aliud ut actu operetur: & contendit tamen ab eo destructam funditusque euersam gratiam sufficientem, quæ includat quidquid est necessarium per modum principii. Adeone enim tardus Iansenio videtur Augustinus, ut crediderit hominem posse operari, cui deest necessarium operationis principium?

2. per. c. 23.
p. 286.

Sed difficile est sub larua diu latitare. Defensor Constitutionis Innocentii X. frontem reuelat, & fatetur eos qui opinionem illam Recentium Thomistarum sequuntur, de gratia sufficienti, quæ proximam agendi potestatem dat, prorsus rejiciendam, neque dici posse Thomistas, qui eam sequuntur, quippe qui à manifesta S. Thomæ doctrina toto aberrant cælo, sed debere dici Aluaristas, quòd Didacus Aluàres primus sit, qui ejusmodi sententiam in eam Scholam inuexerit. Iansenium imitatur bonus iste Defensor, & ut ille suos errores impingit Augustino, sic iste S. Thomæ & Thomistis antiquioribus.





I A N S E N I V S

A T H O M I S T I S

GRATIÆ PER SEIPSAM EFFICACIS

DEFENSORIBVS

CONDEMNATVS.

Circa V. Propositiones quæ Romæ examinantur.



IANSENIANI Theologi, seu ut errorem tegant, seu ut in eo periculo, in quo versantur, Patres Dominicanos habeant propitios; adulatoria simulatione fingunt pugnare se tantum pro gratia physicè prædeterminante, quam vocant gratiam per seipsam efficacem, nec aliud spectare, quam ut sacra recta sit illa doctrina, pro qua tanta contentione disputatum est sub duobus Pontificibus, in Congregationibus de Auxiliis. Et quia dicuntur id aliquibus persuasisse, interessè putò, tum communis boni veritatis, quam omnes quarimus, tum privata Thomistarum dignitatis, authoritatisque, quam non expedit in censura damnabilium sententiarum implicari, ut omnes intelligant, præcipuos defensores gratia physicè prædeterminantis, & qui causam illam ardentius egere circa tempora disputationum, contraria omnino posuisse principia, principiis Iansenianis, quod, ut spero, Lector adeò perspicuè intelliget, ex oppositione doctrinæ illorum Thomistarum, ad quinque pro-

positiones Iansenii, quæ modò ad examen vocantur, ut non dubitem, quin mecum dicturus sit, eos qui tam faciliè sibi patiuntur imponi à Iansenistis, alterutram necessariò Theologiam nescire, Thomisticam scilicet, vel Iansenianam.

Ad hoc autem monstrandum adduco imprimis Didacum Aluarez, qui disputationibus interfuit, & pugnasse dicitur, in prima cum Valentia, & in 25. quòd Pater Lemos malè haberet, cum Bastida; statimque post disputationes scripsit amplissimum de Auxiliis tractatum, editum Romæ, anno 1610. Subindèque alterum Responsionum, editum Neapoli, anno 1622. Hunc sequitur Ioannes Gonzalez de Albelda, qui dicitur ipse quoque disputationibus interuenisse, & materiam de Auxiliis pertractauit in commentariis 1. partis, quos edidit Compluti, anno 1621. Tertius est Joannes Paulus Nazarius, Cremonensis, qui tomo 1. in 1. part. paulò post disputationes edito Venetiis, hoc est an. 1610. de Auxiliis fusè disputat. Quartus Didacus Nugnes Cabezudo, qui & ipse materiæ de Sacramento Pœnitentie tractatum inseruit de Auxiliis, tom. 1. in 3. part. in Hispania primùm, deinde Venetiis edito, anno 1612. Quintus est Petrus Ledesma, qui anno 1602. dum controuersia maximè ferueret, iustum volumen de Auxiliis scripsit, ediditque Salmantice. Sextus Balthasar Nauarrete, cui hæc eadem quæstio materiam suppeditauit Tom. 2. suarum Controuersiarum, quem edidit Vallisoleti, nondum elapso ab ultimis Disputationibus triennio. Septimus erit Ioannes à sancto Thoma, qui non ita pridem suis in 1. part. Commentariis has omnes de Auxiliis controuersias retexuit. Ex horum doctrina luce clariùs constabit, fieri non posse ut ullus uspiam Thomista reperiatur, qui causam suam conjungere velit cum causa Iansenii, quin principia conuellat à Majoribus tradita, recedatque ab ea doctrina, quam illi sunt professi coram Summis Pon-

tificibus , atque in ipsa Ecclesia facie , tempore disputationum.

Et nimirum totum hoc discrimen oritur ex discrepantia circa duo fundamenta præcipua. Alterum est de gratia sufficiente , alterum de indifferentia liberi arbitrii. Nam cum Thomistæ putent ad fidem pertinere , ut præter gratiam efficacem agnoscatur gratia verè & propriè sufficiens , interna , supernaturalis , quæ hominis vitio , caret effectu , cujus est capax ; habent quo dicant , Dei mandata , etiam supposito defectu gratiæ efficacis , esse possibile. Quod Ianseniani , qui gratiam illam non agnoscunt , dicere non possunt. Indidem statim sequitur , interiori gratiæ sæpè resisti , privando illam effectu , quem haberet , si homo vellet , quod est contra secundam propositionem Iansenianam. Sequitur pariter eos , qui non salvantur habere salutis copiam , beneficio gratiæ sufficientis : & quia illa non potuit haberi nisi ex meritis Christi , mortuum esse Christum , ut obtineret etiam reprobis media salutis , quod negatur in quinta.

Cum pariter Thomistæ censeant intrinsecam omnino esse libero arbitrio agendi & non agendi indifferentiam , eamque proximam & expeditam , tertiam propositionem Iansenii penitus conterunt. Unde sequitur etiam destructio quartæ ; quia si gratia efficax non tollit libertatem arbitrii , consequenter nec tollit indifferentiam illam , qua sit ut ei possit dissentiri , quod dicere judicatur hæreticum in illa propositione. Quin & ex hoc ipso principio de necessitate indifferentiæ ad libertatem arbitrii , sequitur quoque contra primam propositionem , nunquam liberè violari præcepta , quin sit in potestate transgressoris non violare : & contra secundam , resisti gratiæ illi interiori , sine qua præceptum aliquando non est possibile : Et posse non excidere à gratia , nec proinde damnari , qui liberè excidunt & damnantur , ac proin-

de mortuum esse Christum, & sanguinem fudisse, ut hanc eis potestatem obtineret, quod est contra quintam. Quare certissimum est, positis illis duobus principiis, quæ Thomista omnino tuentur, quæque Ianseniani omnino negant, neque Thomistas tueri posse quinque propositiones ad sensum Iansenianorum: neque Iansenianos ad sensum Thomistarum. Quod ex sequentibus clarè constabit.





I A N S E N I V S
A T H O M I S T I S
G R A T I Æ
P E R S E I P S A M E F F I C A C I S
D E F E N S O R I B V S
C O N D E M N A T V S.

T H O M I S T Æ C O N T R A I A N S E N I V M.
D I D A C V S A L V A R E Z.

D I D A C V S Aluares *disq. 71. de Auxiliis num. 2.*
2. Si de re ipsa loquamur, NULLVS CATHOLICVS DVBITARE POTEST de diuisione gratiæ in sufficientem & efficacem.

Ibid. num. 6. Secundum Concilium Tridentinum datur gratia sufficiens, qua potest homo seruare OMNIA MANDATA DIVINA.

Ibid. num. 12. Si non daretur gratia verè sufficiens, non posset illis, qui non conuertuntur imputari ad culpam, quòd non conuerterentur, nec adimplerent diuina mandata: &

I A N S E N I V S.

1. Propositi.

Aligua Dei precepta hominibus iustis volentibus & conantibus secundum præsentem, quas habent vires, sunt impossibilia:

Deest quoque iis gratia, quæ posibilitatem faciat.

IANSENSIUS.

1. Proposit.

consequenter Deus irrationabiliter conquereretur de illis; & sine causa eos increparet.

Disp. 112. nu. 5. Datur auxilium supernaturale, intrinsecum, necessarium ad implenda præcepta, & ab omnibus recipitur auxilium illud, saltem pro loco & tempore, quo præceptum obligat. . . . Alioqui homo obligaretur ad impossibile. *Quod Didacus negat posse contingere etiam homini lapsò, & peccati originalis panam ferenti.*

Ibid. nu. 10. Qui non recipiunt in seipsis, nec habent auxilium IMMEDIATE sufficiens ad credendum, non peccant contra fidem.

Aligna Dei præcepta hominibus iustis volentibus & conantibus secundum præsentia, quas habent vires sunt impossibilia: Deest quoque eis gratia, quæ possibilia fiant.

Ibid. Quando præcepta sunt naturalia ex parte objecti, SEMPER HOMO HABET AUXILIUM SUFFICIENS AD EA implenda, quando obligat præceptum, & ita à culpa non excusatur, qui illud non implet.

Disp. 76. Illud auxilium ita est sufficiens, ut nullum aliud requiratur ad hoc, ut homo verè dicatur posse bene agere & saluari.

Lib. 3. Resp. c. 5. nu. 27. Etiam si non sit in voluntate gratia efficax, prædeterminans ad conuersionem, nihilominus per auxilium gratiæ sufficientis habet eadem voluntas potentiam PROXIMAM & FACULTATEM EXPEDITAM, qua possit conuerti, si velit.

Idem ibid. Et per hoc responderetur ad rationem, qua probatur potentiam ad conuersionem, quam tribuit auxilium gratiæ sufficientis, dum conjungitur in libero arbitrio, cum motione efficaci ad actum contrarium conuersioni, NON ESSE POTENTIAM EXPEDITAM. Dicendum est enim quòd illa motio efficax non impedit ne liberum arbitrium, gratia sufficienti motum possit conuerti, si velit, NEC HVIVSMODI FACULTATEM AVFERT. Vnde objectio non probat facultatem illam, quam tribuit auxilium sufficiens, NON ESSE PROXIMAM, ut per illam possit homo conuerti, si velit.

Ibid. lib. 4. cap. 1. nu. 12. Dicimus enim, quòd etiam antequam voluntas moueatur auxilio efficaci, ut actualiter velit tale objectum, est sufficienter constituta in actu primo & PROXIMO, ut possit operari, si velit.

Idem

Id. ibid. nn. 13. Quia ergo cum auxilio sufficienti, præmouente ad aliquam actionem saluatur in libero arbitrio **EXPEDITA** facultas, qua possit dissentire, si velit; ideo potest illi imputari, & imputatur ad culpam, si non absteineat.

Et de indurati lib. 2. Resp. c. 9. nu. 15. Licet quamdiu indurati sunt in via, absolute & simpliciter possint per veram penitentiam ad Deum conuerti, & resipiscere, hoc tamen **ADEO DIFFICILE EST**, ut reputetur impossibile, juxta illud Apostoli ad Heb. *Impossibile est eos, qui semel sunt illuminati*, &c. ... Si ergo longa consuetudine peccandi ad tantam obstinationem perueniant peccatores, ut sit eis impossibile, **HOC EST VALDE DIFFICILE** à peccato desistere, & ad viam salutis redire, cur non potuerunt aliqui electi, &c.

IANSENIUS.

1. Proposit.

Aliqua Dei præcepta hominibus iustis volentibus & conantibus secundum præsentia, quas habent vires, sunt impossibilia: Deest quoque iis gratia, qua possibilia fiant.

GONÇALES DE ALBELDA

in 1. p. S. Thomæ.

DISP. 77. sect. 3. nu. 18. His suppositis, pro resolutione veritatis dico primò, instante occasione temporis, quo obligat præceptum naturale, aut supernaturale, Deus de facto dat cuicumque viatori auxilium sufficiens, proportionatum, intrinsecum & extrinsecum, ut possit, si velit, tale præceptum adimplere, ita ut nullus excusari possit à transgressionem præcepti, ob defectum auxilii sufficientis. Dixi auxilium sufficiens proportionatum, quia aliqua occurrere possent præcepta naturalia, adeò facillima, ut non indigeat homo etiam lapsus supernaturali auxilio ad illa implenda, ex aliquo motiuo honesto virtutis acquisitæ.

Idem Disp. 57. Sect. 3. nu. 46. Per auxilium sufficiens & per concursum paratum à Deo, ex vi voluntatis antecedentis, qua vult, quantum est ex se, ut ille actus fiat à nobis, nisi per nos steterit, habet voluntas nostra in sua potestate **LIBERA & EXPEDITA** quidquid requiritur, ut faciat actum bonum, etiam non prædefinitum.

Idem Disp. 58. sect. 2. nu. 16. Quare indubiè tenendum esse censeo voluntatem creatam, solum sufficienter adjuutam à Deo, habere **ULTIMVM COMPLEMENTVM POTENTIÆ**

IANSENIVS.

1. Proposit.

Aliqua Dei præcepta hominibus iustis volentibus & conantibus secundum præcepta, quas habent vires, sunt impossibilia; Deest quodque iis gratia qua possibilia fiant.

ACTIVÆ, & concursus præmium Dei in quo saluatur essentialis subordinatio causæ secundæ, respectu primæ, in ordine suo, nempe potentia PROXIMÆ operatiuæ.

Iterum. Habere totam illam virtutem quæ sufficit & requiritur ut in actu primo sit VLTIMATE COMPLETA & PROXIME EXPEDITA ad consentiendum Deo vocanti, si velit. Quare EX SUA MALITIA NON VULT, non autem ex defectu principii PROXIME, VLTIMATE REQUISITI necessitate antecedenti, seu ex parte causæ.

Iterum ibid. sect. 3. nu. 35. Necessitas gratiæ efficacis non impedit quominus ille qui solum habet auxilium sufficiens, habeat proximam expeditam facultatem consentiendi Deo vocanti, si velit.

Es de induratis Disp. 77. Sect. 3. nu. 24. Illi qui in scriptura dicuntur peculiariter deserti à Deo, non ideo tales dicuntur, quia auxiliis sufficientibus priuentur, pro loco & tempore, quo instat occasio adimplendi præceptum, sed quia etiam si auxilia sufficientia habeant, non tamen efficacia.... Sic desertis PER QVANDAM EXAGGERATIONEM dicitur impossibilis salus, aut quia valde difficilis, aut quia impossibilis solum impossibilitate, sequenti permissionem & præscientiam Dei, quæ nullo modo destruit aut minuit intrinsecam facultatem ad oppositum.

Iterum ibid. nu. 27. Ad quartum patet quod peccatoribus quantumcumque obduratis non denegantur auxilia sufficientia, pro loco & tempore, pro quo currit obligatio præcepti.

IOANNES PAVLVS NAZARIVS Cremonensis.

IOANNES Paulus Nazarius Cremonensis ad quaest. 23. 1. part. ar. 3. Controu. 2. pag. 838. editionis Bonon. an. 1620. Distinctio auxilii in sufficiens & efficax nititur testimoniis euidentibus sacrarum litterarum, SS. PP. & Scholasticorum.

Ibid. pag. 840. col. 2. Est autem auxilium sufficiens, idem quod gratia excitans, quatenus in se comprehendit non so-

lūm externam illuminationem, quæ fit per Scripturas, Do-
ctores, & Miracula, sed comprehendit etiam intellectus il-
luminationem, quæ fit à Deo, ET MOTIONEM DEI SV-
PERNATVRalem RECEPTAM IN VOLVNTATE.....
Dicitur autem gratia sic excitans auxilium sufficiens, non re-
spectu cuiuscunque operationis, sed ejus tantū, ad quam
efficiendam excitat hominis voluntatem; ita vt si exciter ad
credendum, sit sufficiens ad actum fidei, si ad pœnitendum,
ad actum pœnitentiæ, si ad diligendum Deum super omnia,
sit sufficiens ad actum dilectionis.

1. Proposit.
*Aliqua Dei
præcepta ho-
minibus ju-
stis volenti-
bus & co-
nantibus se-
cundū præ-
sentes, quas
habent vi-
res, sunt im-
possibilia:
Deest quo-
que iis gra-
tia qua possi-
bilia fiunt.*

Ibid. controu. 3. pag. 851. col. 2. Postremò sciendum est auxi-
lium sufficiens dupliciter à Deo nobis conferri; vno modo
IMMEDIATE ad effectum à Deo intentum, veluti cū
Deus per internam illuminationem & inspirationem de re-
bus fidei hominem infidelem vocat ad fidem: Alio modo
mediate, & hoc dupliciter: scilicet vel per aliud auxilium,
quasi remotè disponens eandem personam ad majoris & im-
mediati auxilii susceptionem ad intentum effectum, putà fi-
dei assensum, vel etiam gratiæ consequutionem: Et hoc mo-
do piè creditur Deum homini in syluis, vel inter bruta nutri-
to auxilium quoddam conferre, vt naturæ legem non vio-
let sed obseruet. Nam si legem obseruet, & dictamen se-
quendo rationis naturalis Diuino auxilio roboratæ bonum ap-
petat, & malum fugiat, certissimè tenendum est, Deum il-
li vel per internam inspirationem reuelaturum ea quæ sunt
ad credendum necessaria, vel aliquem fidei prædicatorem
ad eum missurum, sicut misit Petrum ad Cornelium, Act.
10. Quòd si datum sibi diuinitus auxilium contemnat per
peccatum, contra naturæ legem commissum, hoc ipso inca-
pax altioris redditur adiutorii, vt apertè docet S. Thomas
de verit. quæst. 14. ar. ii. ad 1. & 2. cont. gent. cap. 159. Vel
conferitur à Deo auxilium mediata, scilicet media alterius
personæ prouidentia, vt iis qui rationis vsum non habent, &c.
Ibid. pag. 852. Quarta conclusio. Omnibus venientibus ad v-
sum rationis Deus confert supernaturale auxilium intrinse-
cum, instigans ad bonum. Hæc conclusio est D. Thomæ 2.
2. quæst. 89. art. 6. Affirmat autem conclusio conferri à
Deo auxilium instigans ad bonum, non autem quòd sit re-

IANSENIVS.

1. Proposit.

*Aliqua Dei**præcepta ho-**minibus ju-**stis volenti-**bns & co-**nantibus se-**cundum præ-**sentes, quas**habent vi-**res, sunt im-**possibilia;**Deest quo-**que iis gra-**tia, quæ pos-**sibilia fiant.*

uelatio mysteriorum fidei, quia non semper dat illud auxilium immediate ad credendum; ut plurimum autem dat ad vitam rectè instituendam, ex D. Th. quæst. 9. de verit. ar. ii. ad 1. & 2.

Ibid. S. Augustinus & S. Thomas non intendunt negare conferri à Deo sufficiens auxilium etiam **OBDVRATIS ET EXCÆCATIS** ut à peccato resurgant, sed affirmant tantum illis subtrahi per quædam temporum intervalla, propter appositæ ab eis impedimenta..... Adde prædictos sanctos sæpè loqui de subtractione auxilii efficacis.

Ibid. 853. col. 1. Auxilium illud supernaturale non semper est immediate ad credendum vel pœnitentiam agendam, ut supra notatum est, sed sæpè mediatè, ut scilicet homo rectè vitam instituat circa operationes moraliter bonas, cui si apponat impedimentum, non peccat speciali peccato infidelitatis aut impœnitentiæ.

DIDACVS NVGVES CABEZUDO

in 3. par. D. Th. edit. Veneta an. 1612.

QVÆST. 2. de Auxil. pag. 83. col. 1. Ad quintum respondetur illud auxilium (efficax, non esse necessarium ut homo habeat suam potentiam **OMNINO COMPLETAM, NON LIGATAM, NON IMPEDITAM**, atque adedè ut simpliciter loquendo, homo possit operari: Et idcirco si non operatur, imputatur illi peccatum, quia simpliciter loquendo, non deest aliquid ex requisitis ad operandum..... Et ad argumentum, quod deest illi aliquid necessarium, distinguitur ista propositio, necessarium ex parte potentiæ, ita ut illa non sit **OMNINO COMPLETA, ITA UT SIT ALIQUO MODO LIGATA, VEL IMPEDITA**, negatur: Deest aliquid necessarium ex parte actus, quod datur simul cum ipso actu, transeat, &c.

Ibid. Auxilia sufficientia constituunt hominem simpliciter potentem ad operandum: at verò auxilium efficax ad singulas operationes tenet se ex parte ipsius operationis, quoniam

præsupponit potentiam OMNINO COMPLETAM NON LI-
GATAM, NEQUE IMPEDITAM.

IANSENIVS.

Ibid. pag. 87. col. 1. Ad ultimam ergo probationem respon-
detur multoties teneri hominem ad orandum & ad petendum
auxilium efficax à Deo, ut seruet omnia præcepta: & tunc
quando de facto orat, jam accipit auxilium efficax ad oran-
dum, si verò non orat, non imputatur ei quòd non habet
auxilium efficax ad orandum, sed imputatur ei ipsum non
orare, quia hoc ipsum est de quo habet præceptum, & licet
non receperit auxilium efficax, RECEPIT TAMEN AV-
XILIVM SUFFICIENTIENS, per quod simpliciter loquendo po-
tuit orare.

1. Proposit.

*Aliqua Dei
præcepta ho-
minibus ju-
stis volenti-
bus & co-
nantibus se-
cundum præ-
sentes, quas
habent vi-
res, sunt im-
possibilia:*

Idem tom. 2. ad quæst. 86. ar. p. Inter Catholicos fuerunt ali-
qui, dicentes quòd Deus aliquando in pœnam grauissimo-
rum peccatorum negat quibusdam peccatoribus auxilia ne-
cessaria, & sufficientia, ut pœnitere possint, quales sunt il-
li qui in scripturis sacris dicuntur excæcati & obdurati, ita
videtur docere Gregor. Ariminensis in 3. dist. 46. quæst. 1.
Et Rossensis ar. 3. con. Lutherum, QUÆ SENTENTIA COM-
MUNITER DAMNATUR TANQUAM MAXIME TEME-
RARIA ET PROXIMA ERRORI: Sed tamen existimo
Doctores istos solum velle significare, quòd sit specialis dif-
ficultas in his peccatoribus; Sententia enim ut jacet, ETIAM
ERRONEA MIHI VIDETUR, & non est, credibile inci-
disse in talem errorem sanctissimum Martyrem, qui suo tem-
pore fuit defensor fidei in Anglia.

*Decet quo-
que in gra-
tia, qua pos-
sibilia fiant.*

Sit igitur prima conclusio. FIDES EST, ITA UT OPPO-
SITVM SIT HÆRESIS MANIFESTA, quòd omnis ho-
mo, dum est in via, & compos rationis, potest simpliciter
loquendo pœnitentiam agere de peccatis, atque adeò om-
nibus dantur auxilia sufficientia, ut possint pœnitere. Pro-
batur conclusio &c.

Ibid. Illuminat igitur omnem hominem: quæ verba intel-
liguntur etiam de illuminatione supernaturali.

Ibid. pag. 64. Apostolus cum dicit Rom. 1. Tu autem se-
cundum duritiam & impœnitens cor tuum, thesaurizas tibi
iram in die iræ, loquitur vniuersaliter tam Gentibus, quam
Iudæis, unde NIHIL VALET SOLVTIO, QVOD EXCI-

PIANTVR AB ISTA REGVLA EXCÆCATI ET OBDV-
IANSENIVS. RATI.

1. Proposit. *Ibid.* Pharaon maximè fuit induratus, & nihilominus ha-
Aligua Dei buit multa auxilia, quibus potuit credere & conuerti. *Addit*
præcepta ho- *author quod est in cap. Nabuchodonosor. 23. quæst. 4. sumptum ex li-*
minibus ju- *bro de prædestinatione & gratia. Item hanc veritatem EXPRESSE*
stis volenti- *DEFINIRI PVSTAT in Trid. Sess. 6. cap. 14. Et adesse COM-*
bus & co- *MVNEM CONSENSVM TOTIVS ECCLESIAE.*
nantibus se- *Ibid.* Etiam peccatores excæcati & obdurati habent præce-
cundum præ- *ptum agendi pœnitentiam, & peccant magis ac magis, quia*
sentes, quas *non agunt pœnitentiam, vt omnes intelligunt de Pharaone:*
habent vi- *Ergo simpliciter loquendo possunt illam agere. Patet con-*
res, sunt im- *sequentia; quia vt ait D. Ambrosius, IMPIVM EST DI-*
possibilia: *CERE, QVOD DEVS ALIQVID IMPOSSIBILE PRÆ-*
Deest quo- *CIPAT.*
que sit gra-
tia, quæ pos-
sibilia fiant.

Ibid. pag. 65. col. 1. Qui non recipit auxilium efficax est po-
tens ad operandum, etiam per principium intrinsecum ejus-
dem ordinis, cum operatione supernaturali: non tamen ille
qui non recipit auxilium sufficiens: Et idcirco iste excusatur
à peccato contra legem supernaturalem, non autem ille.

Ibid. Concedimus illum (*qui nihil audiuit de rebus fidei*)
non habere auxilium supernaturale ad credendum & pœni-
tendum; atque adeò excusari à tali peccato, licèt simplici-
ter loquendo sit possibile credere & pœnitere.

Ibid. de barbaris quibus non est annuntiatum Euangelium. Licèt
simpliciter loquendo non habeant auxilium supernaturale,
sufficiens in se receptum, nihilominus simpliciter loquendo
possunt credere & pœnitere, quia possunt tale auxilium re-
cipere: & de facto reciperent, si seruarent legem naturalem.
Ex hoc autem quòd illi non cognoscant hanc veritatem so-
lùm sequitur, quòd excusentur à tali peccato, quia non est eis
possibile per principium intrinsecum susceptum.

Ibid. Vt aliquis peccet de facto in eo, quòd non operatur,
non sufficit quòd teneatur & possit simpliciter loquendo, sed
requiritur quòd possit per potentiam intrinsecè susceptam.
Quando verò talem potentiam non habet, facit quidem quod
secundum se peccatum est, IPSE TAMEN NON PECCAT DE FACTO,
sed excusatur à peccato, propter carentiam talis potentia.

Ibid. Ad sextum respondendum quòd veniens ad vsum rationis peccat contra legem naturæ non se conuertendo, quia ad istam conuersionem habet principium intrinsecum sufficiens, quod tamen non habet ad conuersionem supernaturalem, ET IDCIRCO CONTRA TALEM CONVERSIONEM NON PECCAT.

IANSENIVS.

1. Proposit.

Aliqua Dei præcepta hominibus iustis volentibus & conantibus secundum præsentia, quas habent vires, sunt im-

P E T R V S L E D E S M A

de Auxiliis, edit. Salmant. an. 1611.

AR. 16. pag. 332. col. 1. Dico tertio auxilium sufficiens intrinsecum necessarium ad vitanda peccata, datur omnibus hominibus, pro tempore quo peccarent, si non vitarent peccata. Similiter datur auxilium necessarium intrinsecum ad implenda præcepta, pro tempore, quo obligant. HOC DICTVM EST CERTISSIMVM INTER THEOLOGOS, ET ILLVD DOCENT OMNES DISCIPVLI D. TH. . . . VIDETVR ESSE EXPRESSA MENS D. THOMÆ.

Ibid. pag. 333. Quilibet peccator quantumlibet induratus peccat non implendo præcepta, tempore, quo obligant: Ergo habet auxilium intrinsecum sufficiens: Probatur consequentia, quia ALIAS NON PECCARET.

Et ar. 14. pag. 294. Proposita quadam solutione ad objectionem quæ Thomistis fieri solet col. 1. Hæc solutio, inquit, falsa est & videtur omnino improbabilis. Quoniam ista sententia admittit quod de facto & reipsa Deus obligat hominem ad actum illi impossibilem. At verò IMPIVM est, vt dicit Hieronymus, asserere quòd Deus præcipiat aliquid impossibile.

Ibid. Secundò probatur hoc ipsum, quod Deus mihi præcepit actum fidei vel caritatis, proponit illum vt possibilem: Ergo vel Deus me decipit, quod quidem est maxime absurdum, vel tenemur fateri quòd à parte rei est mihi possibile actus credendi, vel diligendi Deum PRO TEMPORE ILLO QVO PRÆCEPTVM OBLIGAT. Antecedens proba-

IANSENIVS.

1. Proposit.

*Aliqua Dei
præcepta ho-
minibus ju-
stis volenti-
bus & co-
nstantibus se-
cundum præ-
cepta, quas
habent, vi-
res, sunt im-
possibilia:
Deest quo-
que iis gra-
tia, qua pos-
sibilia fiant.*

tur: proponitur mihi iste actus vt à me faciendus, ergo virtuali-
ter proponitur mihi vt possibilis.

Ibid. Auxilium physicè prædeterminans non facit quòd actus
sit possibilis: ac subinde sine tali auxilio est possibilis.

Ibid. 295. Præceptum positium obligat modò ad actum po-
sitium, v.g. ad actum positium credendi vel diligendi Deum:
Ergo vt hoc præceptum me obliget, ET NON SIT INIV-
STVM, oportet quòd mihi sit possibilis actus positius, qui
præcipitur.

Ibid. col. 2. Quando quis non potest habere actum posi-
tium credendi, vel diligendi Deum, NON CREDERE ET
NON DILIGERE EST INEOPVRANEGATIO, ET NON
PRIVATIO, ergo NON PECCAT non credendo, vel non
diligendo, &c.

Ibid. Si semel dicatur quòd ille actus est impossibilis PRO-
PTER CARENTIAM AVXILII EFFICACIS PRÆDE-
TERMINANTIS PHYSICE, consequenter dicendum est
quòd illud præceptum non obligat ad actum positium, &
per consequens non habere actum positium non erit pecca-
tum, sed erit mera negatio.

Ibid. pag. 298. col. 1. Aduertendum etiam est quòd illud au-
xilium efficax physicè prædeterminans voluntatem, concur-
rit quidem ad productionem operationis, non tamen est ne-
cessarium ex parte principii, tanquam dans virtutem & po-
tentiam; sed est necessarium vt actu operetur, & tenet se
ex parte operationis; & ita qui non habet illud, potest simpli-
citer & absolutè operari: Et quando homo non habet istud au-
xilium, non deest illi aliquid necessarium ex parte potentia, sed
ipsa potentia est PERFECTA ET COMPLETA, ET NON
LICATA SINE ILLO; & propterea homo obligatur diui-
nis præceptis.

Ibid. ar. ii. pag. 233. Prima conclusio. Certissimum est quòd
auxilium sufficiens, vel quod dicitur sufficiens, VERE ET PRO-
PRIE ET IN OMNI RIGORE est sufficiens, etiamsi auxilium
prædeterminans voluntatem sit necessarium ad ipsam operatio-
nem. Hæc tenent communiter omnes discipuli D. Thomæ.

Ibid. Esse auxilium supernaturale, eleuans voluntatem in ordi-
ne ad operationem supernaturalem, &c.

BALTHASAR NAVARRETE
tom. 2. Controu. edit. Vallisoletanae. 1609.

IANSENIVS.

1. Proposit.

*Aliqua Dei
præcepta ho-
minibus ju-
stis volenti-
bus & conan-
tibus secun-
dum presen-
tes, quas ha-
bent vires,
sunt impossi-
bilia: Deest
quoque eis
gratia, quæ
possibilia
siant.*

AD quæst. 19. ar. 8. controu. 12. Post explicatam diuisionem
auxilii supernaturalis in sufficiens & efficax. Ex iis ergo
confutatur error Lutheri & error Caluini, negantium
istam diuisionem, & dicentium nullum habere auxilium suf-
ficiens, qui non habeat etiam auxilium efficax, vt saluetur . .
. . . Confutatur etiam error Pelagianorum & Semipelagianor-
um, seu Massiliensium ponentium initium nostræ justifica-
tionis prouenire ex virtute nostra, **NON EX AVXILIO**
PRÆVENIENTE ET SVFFICIENTE.

— *Ibid. controu. 19.* Auxilium sufficiens tribuit potentia coo-
perationem ad ipsam operationem producendam taliter, vt
per illum cui tribuitur tale auxilium, stet non operari.

Ibid. Dicitur auxilium sufficiens, quia sufficit vt habens il-
lud, sic coaptetur operationi, & sic incipiat excitari ad eam,
vt eidem habenti imputetur quod operatio non sequatur. *Et*
paulò antè: Asserit ergo nostra propositio, quod collato au-
xilium sufficienti, **SI HOMO NON RESISTAT**, Deus ex sua
liberalitate confert auxilium efficax tanquam complemen-
tum actuale.

IOANNES A SANCTO THOMA
tom. 2. in 1. par. D. Tho. edit. Lugd.
anno 1643.

AD quæst. 23. Diff. 10. art. 3. num. 36. pag. 421. Secunda
pars hujus secundi dicti docet pro præceptis adimplen-
dis in adultis semper dari sufficiens auxilium. Et hoc con-
stat, **QVIA SI HOC DEESSET NON PECCARET HO-**
MO, vt dicit Augustinus loco citato, talium præceptorum
non adimplatione, & sic frustra essent præcepta. Et lib. de

IANSENIVS. gratia & lib. arbit. cap. 16. addit, *Non juberet Deus quod sciret ab homine fieri non posse, quis hoc nesciat; sed ideo jubet aliqua, quæ non possumus, ut nouerimus quid ab eo petere debeamus.* Vnde sumpsit Conc. Trid. sess. 6. c. ii. illam definitionem, quod *Deus impossibilia non jubet, sed jubendo monet & facere quod possis, & petere quod non possis; & adjuuat ut possis.* Vbi pondero illud, jubendo monet. Nam in ipsa iussione & præcepto notificato & cognito, inuoluit Concilium auxilium sufficiens ad ejus implementationem, scilicet admonitionem ad faciendum quod possimus, quod est adiutorium seu vires, quæ se tenent ex parte voluntatis. Addit, si hæc auxilia aliquando non recipiantur, *CVLPA MESSE HOMINVM, QVIEA REIICIUNT, OFFERRI ENIMA DEO.*

Aliqua Dei præcepta hominibus iussis volentibus & conantibus secundum præsentia, quæ habent vires, sunt impossibilia: Deest quodque iis gratia, quæ posibilia fiunt.

Ibid. num. 42. pag. 423. At verò viatores in hoc differunt à damnatis, quod recipiunt ad bene operandum auxilium sufficiens, non solum purè speculatiuum, sed etiam affectiuium & influxiuium in voluntatem, de se potens stimulare & excitare voluntatem, quia sunt in statu conuertendi se ad Deum, licet aliqui tanta admiratione cum ignauia recipiant hoc auxilium, ut non relinquant locum dari sibi adiutorium & vires in voluntate.

Ibid. nu. 43. pag. 424. Itaque auxilium sufficiens, quod pertinet præcisè ad rationem medii ad salutem, denegatur aliquando siue paruulis, siue adultis, siue noua culpa. **AUXILIUM VERO SUFFICIENS AD IMPLENDA PRÆCEPTA NON DENEGATUR ALICVI SVARENTE SEV STANTE PRÆCEPTO.**

Iterum ibi. Vnde, **PHARAONI CONCESSVM EST AUXILIUM SUFFICIENS, AD IMPLENDA PRÆCEPTA DEI,** quia erat in statu possibilitatis adimplendi illa. Et generales locutiones scripturæ, quæ etiam quoscumque obduratos ad pœnitentiam vocat, & eos peccare si non conuertantur, & thesaurizare iram significat, clarè loquuntur de **OBVDVATIS IN STATV POSSIBILITATIS PROXIMÆ,** & currente obligatione præcepti.

Ibid. nu. 27. pag. 419. Est autem necessarium ponere tale auxilium, dans sufficientiam & posse, quia ad potestatem & vim operandi non sufficit ipsa capacitas obedientialis, quam

habet naturalis potentia vt eleuetur ad opera supernaturalia; IANSENIVS. sed requiritur FACVLITAS PROXIMA ET PROPOR- 1. Propositio- NATATA AD OPERANDVM.

Ibid. nu. 30. col. 2. §. Secundum est. Sed tamen pro om- Aliqua Dei precepta ho- ni tempore, quo instat adulto præceptum, non denegatur minibus iu- ei à Deo, sed offertur auxilium sufficiens ex parte sua. & stis volenti- ansea *ibid.* Quæ sententia in adultis vniuersaliùs currit, quia bus & co- cum ipsi ex propriis actibus iustificandi sint, multique ex iis nantibus, se- actibus sint in præcepto, euidentius ibi apparet NON POSSE cundum præ- AVXILIUM SUFFICIENS ILLIS DENEGARI, vt præce- sentes, quas sentes, quas habent vi- res, sunt im- pro obligentur.

Antea Disp. 5. art. 6. pag. 205. col. 1. num. 19. Homo potest ser- possibile : uare mandata sine gratia efficaci; distingo, quantum ad vir- Deest quo- tutem & potestatem seruandi, transeat; quantum ad applica- quo iis gra- tionem potentia ad seruandum; nego; Applicatio enim datur tia, quæ pos- per auxilium efficax, posse, per sufficiens. sibilis fiant.

Ex testimoniis jam allatis constat, Thomistas gratia per sei- ipsam efficaci Defensores, huic 1. Iansenii propositioni contradicere in omnibus, & secundum omnem modum, quo eam Ianseniani tuen- tur: nam & impium vocant quod dicit Iansenius, Deum homini præ- cipere aliquid impossibile. Et quod Iansenius impossibilitatem illam petit ex eo quod desit gratia, Thomistæ excludunt, dicentes ex men- te omnium Catholicorum adesse sufficientem: Et quia Iansenius defectum illum gratia limitat ad presentes quas habent vires illi qui præcepta transgrediuntur: Thomistæ contra, potissimum adesse gra- tiam significant pro tempore & loco, quo præceptum obligat. De- nique potentiam tantum remotam positam in non repugnantia, vt Deus homines iuuat, si velit, exsufflant Thomistæ, cum dicunt per diuinam illam gratiam conferri resp. pot. ntiam, expeditam, proxi- mam, promptam, completam, non impeditam, non ligatam, imme- diatam.



IANSENIVS.

2. Proposit.

*Interiori
gratia in sta-
tu natura la-
pse non
quam resisti-
tur.*

DIDACVS ALVAREZ

*locis jam citatis in precedenti propo-
sitione dicit,*

NULLVM Catholicum dubitare de diuisione gratiæ in efficiacem & sufficientem: Et sufficientem istam esse auxilium intrinsecum & supernaturale: Et hoc auxilium esse **VERE** sufficiens, & si non esset **VERE** sufficiens, non imputandam peccatoribus mandatorum transgressionem: Et esse sufficiens ad **IMMEDIATE** agendum, & ita esse sufficiens, ut nullum aliud requiratur ad hoc, ut homo **VERE POSSIT AGERE**: Et constituere potentiam **PROXIMAM** & **EXPEDITAM** ad agendum. *Disp. 117. de auxil. num. 11. & disp. 76. nu. 3.* Conuenire omnes Catholicos, quod gratia excitans exterior non sit eadem cum gratia sufficiente; sufficientem enim tribuere sufficientes vires libero arbitrio, quod non facit gratia excitans exterior.

Habemus igitur auxilium internum supernaturale verè ac proximè sufficiens ad operandum & constituens proximam & expeditam potentiam, & tamen effectû carens ex Didaco. Ergo auxilio interno, supernaturali, verè sufficienti, verè constituenti proximam agendi potentiam in statu natura lapsa voluntas humana resistit, ex Didaco.

Idem. 3. Resp. cap. 5. Vnde hæc propositio, liberum arbitrium motum à Deo auxilio gratiæ sufficientis ad conuersionem, potest conuerti, si velit, est verissima, **ETIAM IN SENSU COMPOSITO ACCEPTA.**

Si est verissima, ergo qui non conuertitur resistit interiori gratiæ, sufficientissima ad conuersionem.

Idem Disp. 71. de auxil. nu. 3. Sanctus Stephanus dixit Iudæis, *vos semper Spiritui sancto resististis*, aperte significans quibusdam inspirari bona desideria, ut conuerti possint, **QUIBUS TAMEN SVA MALITIA RESISTUNT**: si enim per illam vocationem Spiritus Sancti non possent conuerti, non fuissent à Stephano reprehensi Iudæi, **QUIA RESISTERUNT.**

Idem ibid. Item Isaia 5. sic loquitur Dominus, *Habitatores Hierusalem, &c.* ex quibus constat Iudæos, quos reprehendit Dominus, gratiam efficacem non habuisse, aliàs fecissent utique fructum bonum: habuerunt autem gratiam VERE SUFFICIENTEM, per quam conuertere potuerunt, & fructus dignos pœnitentiæ facere, aliàs non reprehendisset Dominus, quòd uas non produxerint, sed labruscas.

Et Diss. 112. nu. 5. Dari auxilium supernaturale intrinsecum necessarium ad implenda præcepta: & ab omnibus recipi saltem pro loco & tempore, quo præceptum obligat. *Igitur qui præcepta transgrediuntur resistunt intrinseco & supernaturali auxilio.*

IANSENIVS.

2. Proposit.

Interiori gratia per Christum in statu naturæ lapsæ nunquam resistitur.

G O N C A L E Z

in 1. par. D. Th.

Diss. 57. sect. 3. nu. 47. *De iis quorum pœnitentia non est à Deo prædestinata*, Quod tamen non impedit, quominus si vellent agerent pœnitentiam, quia per auxilium sufficiens HABENT IN SUA POTESTATE EXPEDITA actum pœnitendi..... Quare suâ culpâ omittunt actum pœnitentiæ.

Ibid. Diss. 58. sect. 1. nu. 16. Quare indubiè tenendum esse censeo, voluntatem creatam solum sufficienter adjunctam à Deo, habere VLTIMUM COMPLEMENTUM POTENTIÆ ACTIVÆ..... Et totam illam virtutem, quæ sufficit & requiritur ut in actu primo sit VLTIMATE COMPLETA ET PROXIME EXPEDITA ad consentiendum Deo vocanti, si velit. QUARE EX SUA MALITIA NON VULT, non verò ex defectu principii proximi, vltimatè compleri.

Ibid. Diss. 77. sect. 3. Instante occasione temporis, quo obligat præceptum naturale aut supernaturale, Deus de facto dat cuicumque viatori auxilium sufficiens, proportionatum, extrinsecum & INTRINSECUM, ut possit si velit tale præceptum adimplere. Ita ut nullus excusari possit à transgressione præcepti, ob defectum auxilii sufficientis, &c. *Igitur omnis transgressor resistit interno auxilio.*

IANSENIVS.

2. Proposit.

*Interiori
gratia per
Christum in
statu natura
lapsa nun-
quam resisti-
tur.*

Ibid. sect. 3. nu. 27. Ad quartum patet quòd peccatoribus quantumcumque obduratis, non denegantur auxilia sufficientia, pro loco & tempore, pro quo currit obligatio præcepti: *Igitur etiam illi resistunt interna gratia.*

IO ANNES PAVLVS NAZARIVS

ad. qu. 27. 1. par. art. 3. Controuers. 2. pag.

840. edit. Bononiensis anni 1620.

EST autem auxilium sufficiens idem quod gratia excitans, quatenus in se comprehendit non solum externam illuminationem, quæ fit per scripturas, Doctores & Miracula, sed comprehendit etiam INTERNAM INTELLECTVS ILLUMINATIONEM, quæ fit à Deo, & MOTIONEM DEI SUPERNATURALEM, receptam in voluntate. *Interna igitur & supernaturali motioni resistunt qui non habent gratiam efficacem.*

Ibid. 3. controu. pag. 851. col. 7. Sextò recolendum est id quod annotauimus in præcedenti controuersia, ex D. Th. 3. con. Gen. c. 159. nimirum quòd licèt homo per motum liberi arbitrii non possit mereri & adipisci gratiam, potest tamen impedimentum ponere gratiæ suscipiendæ; nam de quibusdam dicitur Iob. 21. *Dixerunt Deo, recede à nobis; & cap. 24. Rebelles fuerunt lumini.* Ex quo sequitur primò vt homini qui DIVINÆ GRATIÆ RESISTIT SVSCIPIENDÆ meritò imputeretur ad culpam, quòd eam non suscipiat.

Ibid. col. 2. Piè creditur Deum homini in syluis vel inter bruta enutrito auxilium quoddam conferre SUPERNATURALE; vt naturæ legem non violet, sed obseruet: *Quod si faciat, certissimè tenendum est Deum illi per internam inspirationem reuelaturum ea quæ sunt ad credendum necessaria, vel aliquem fidei prædicatorem ad eum missurum.... Quòd si datum illi diuinitus auxilium contemnat per peccatum, contra legem naturæ commissum, hoc ipso incapax altioris redditur adiutorii, vt apertè docet S. Thom. Quos sunt quæ auxilium illud contemnunt, ac proinde qui diuine gratia supernaturali & interna resistunt?*

Ibid. pag. 852. col. 1. Quarta conclusio. Omnibus venienti-
bus ad vsum rationis Deus confert supernaturale auxilium
intrinsecum, instigans ad bonum. Hæc conclusio est D. Th.
&c. *An sequuntur omnes illam instigationem? An non igitur multi*
auxilio supernaturali intrinseco resistunt?

Ibid. col. 2. S. Augustinus & S. Thomas non intendunt ne-
gare conferri à Deo sufficiens auxilium, etiam obduratis, &
excæcatis, vt à peccato resurgant.... Sæpe loquuntur de
subtractione auxilii efficacis; *Resistunt igitur interiori gratiæ etiam*
obdurati & excæcati.

Ibid. ar. 5. controu. 3. p. 879. Et nota humanam voluntatem
receptis communibus auxiliis opponendo Diuinæ gratiæ obi-
cem siue impedimentum peccati, præuenire secundum ordi-
nem executionis effectum Diuinæ voluntatis, ex se paratæ
ad conferendam gratiam, aut maiora auxilia, SIC VT QUI
RECEPTO INTRA DOMVM NASCENTIS AVRORÆ
FVLGORE, antequam appareant Solis radii, fenestram clau-
deret, diceretur solis illustrationem obstaculo opposito præ-
uenisse. Ex quo apparet injustas esse querelas eorum, qui di-
cunt, si voluit Deus me non eligere ad gloriam &c. *Solis radios*
non videt, qui non videt hominem hic interiori gratiæ resistentem.

DIDACVS NVGNEZ CABEZUDO

tract. de Auxiliis ad quest. 72.

3. par. art. 5.

QVÆST. 2. pag. 87. col. 1. Si verò non orat homo, quando ne-
cessaria est oratio, non imputatur ei quòd non habet auxi-
lium efficax ad orandum: sed imputatur ei ipsum non orare,
quia hoc ipsum est de quo habet præceptum: & licet non re-
ceperit auxilium efficax, RECEPIT TAMEN AVXILIVM
SUFFICIENS, per quod simpliciter loquendo, potuit orare.

Id. ib. tom. 2. ad art. 1. quest. 86. col. 2. Sententia quæ dicit excæca-
tis & obduratis negari auxilia sufficientia ad agendum pœnitentiam,
communiter damnatur, tanquam maximè temeraria, & proxi-
ma errori.... Vt jacet etiam erronea mihi videtur.

IANSENIVS.

2. Proposit.

*Interiori
gratia per
Christum in
statu nature
lapsa non
quam resisti-
tur.*

Ibid. Fides est, ita vt oppositum sit hæresis, quòd omni-
homo, dum est in via potest simpliciter loquendo pœnitentiam agere, atque adeo quòd omnibus dantur auxilia sufficientia, vt possint pœnitere.

Ibid. Quòd dicitur, illuminat omnem hominem, &c. intelligitur etiam de ILLUMINATIONE SUPERNATURALI.

Ibid. pag. 64. Apostolus cùm dicit, *Tu autem secundum duritiam tuam & impœnitens cor tuum thesaurizas tibi iram, in die ira,* LOQUITVR VNIVERSALITER..... Et nihil valet solutio, quòd excipiantur ab ista regula EXCÆCATI ET OBDURATI.

Ibid. Etiam Pharaò habuit multa auxilia, quibus potuit credere & conuerti.

Ibid. pag. 65. col. 1. Qui non recipit auxilium efficax, est potens ad operandum, etiam PER PRINCIPIVM INTRINSECVM, ejusdem ordinis cum operatione supernaturali: idcirco non excusatur à peccato.

Ibid. Veniens ad vsum rationis peccat contra legem naturæ, non se conuertendo, quia ad istam conuersionem habet principium sufficiens; *Hinc colligitur quoties existimet hic Auctor ab hominibus resisti interiori gratiæ in statu nature lapsa.*

PETRVS LEDESMA.

Hic quoque, vt in superiori propositione monstratum est, tenendum putat secundum fidem dari auxilium sufficiens distinctum ab efficaci, & illud esse sufficiens IN OMNI RIGORE, & esse supernaturale intrinsecum, & eleuare potentiam ad operationem supernaturalem, & dari in omni occasione, quâ vrget obligatio præcepti, ad cuius obseruationem necessarium est. *Igitur quicumque peccat non obediendo præceptis huiusmodi, resistit interno & supernaturali auxilio, juxta Ledesmam.*

Adde quod dicit art. 13. pag. 276. Ex quibus locis constat Deum extendere manum, pulsare ad ostium cordis, & alia similia facere, quod est præbere auxilium sufficiens, vt homines possint conuerti: ET TAMEN ALIQVANDO RESISTVNT.

Ibid.

Ibid. pag. 277. Multi peccant, EO QVOD DESINT GRATIÆ DEI: Et paulò antè, qui permittitur peccare, habet auxilium ad non peccandum. *Resistunt igitur auxilio, ad non peccandum dato.*

Ibid. art. 16. col. 1. Resistere contingit dupliciter, vno modo positiuè, quia homo illuminatur ab ipso Deo & excitatur per diuinam gratiam, ET RESISTIT HOMO ILLI positiuè, opponendo impedimentum Diuinæ gratiæ. Alio modo potest esse resistantia, non quidem positiua, sed negatiua, &c.

Ibid. ad 3. Pharaonem habuisse simile auxilium atque Nabuchodonosorem, vt posset conuerti.

Ibid. Etiam induratis tribuere Deum auxilium intrinsecum. At Pharaon & indurati sequuntur impulsu huiusmodi auxilii? *Resistunt igitur interiori*

IANSENIVS.
2. Proposit.
Interiori
gratia in sta-
tu natura
lapsa nun-
quam resisti-
tur.

BALTHASAR NAVARRETE.

AD *quest. 19. 1. par. ar. 8. controu. 19.* Licèt auxilium sufficiens sæpenumero præcedat tempore actualem operationem, tamen non tribuitur per modum habitus, sed per modum impellentis ex parte sua ad operationem, CUI TAMEN IMPVLSV IMVLTOTIES RESISTIT; Asserit ergo nostra propositio, quòd collato auxilio sufficienti SI HOMO NON RESISTAT, Deus ex sua liberalitate confert auxilium efficax, tanquam complementum actuale.

IOANNES A SANCTO THOMA

tom. 2. in 1. par. antea citato.

AD *quest. 23. Diss. 10. art. 3. num. 41. pag. 423.* Non est in dictis D. Thomæ contrarietas; quia in primo instanti vsu rationis, omnes accipiunt sufficiens auxilium ad acceptandam legem, & ad res fidei implicitè tunc propositas. . . . Sed non omnibus proponuntur res fidei in particulari & determinatè, & sic non accipiunt sufficiens auxilium ad explicitè & parti-

IANSENIVS.

7. Proposit.

*Interiori
gratia in statu
nature
lapse nun-
quam resisti-
tur.*

culariter credendum : neque sub motiuo fidei Diuinæ : & hoc ex culpa sua, quia RESISTUNT priori auxilio, nec volunt acceptare legem, neque conuerti ad Deum.

Et antea nu. 27. pag. 419. col. 1. Intrinseca necessaria ad constituendum auxilium sufficiens sunt duo, ex parte intellectus, notitia : ex parte voluntatis, facultas, seu proportionatæ vires ut sufficientiam & potestatem quis habere dicatur ad aliquid faciendum. Nam voluntas nihil potest operari, nisi præsupponendo cognitionem ex parte intellectus, & in se habendo virtutem & adiutorium proportionatum operi supernaturali faciendo, & sic vtrumque eorum pertinet ad sufficiens auxilium.

Adde quod dicit postea nu. 42. pag. 423. Auxilium sufficiens viatorum esse affectiuum & influxiuum in voluntatem. *Loquitur autem de auxilio sufficiens, prout ab efficaci distinguitur, ut constat ex nu. 27. pag. 418.* Datur ergo auxilium sufficiens intrinsecum, illuminatiuum & affectiuum, quod caret effectu. Et licet dicat aliquos insigniter obstinatos impedire se ne recipiant affectiuum illud auxilium in voluntate; supponit tamen multos hoc non impedire, ac proinde hi resistunt etiam auxilio in voluntate recepto. Obstinati verò illi habuerunt auxilium proximè sufficiens, etiam in voluntate, ut non ita obstinarentur & Dei gratiam repellerent.

Et antea Disput. 5. art. 6. pag. 216. col. 1. nu. 54. Respondeo non frustrari auxilium sufficiens à nobis, quoad suum effectum formalem, quem præbet nobis, sed FRUSTRARI QUOAD SVVM FINEM, PROPTER QVEM DATVR NOBIS secundum voluntatem Dei antecedentem. Hoc enim manet frustratum. Quia ipsum auxilium dat potentiam ad actum, ET CARET ACTV; frustratur ergo fine, licet non effectu formali.

Et antea Disput. 3. ar. 5. pag. 98. col. 2. nu. 27. Discrimen Caluini errantis à Thomistis ita explicat. Calvinus autem quia potentiam liberam negauit, & totam operationem ita voluit esse à gratia, quòd non à nobis liberè operantibus, ideo ante efficaciam gratiæ, potentiam denegauit liberam, NEC VOLVIT ESSE ALIVD AVXILIVM SVFFICIENS, QVAM EFFICAX.

Disput. 5. art. 6. pag. 218. col. 1. nu. 60. Quòd si Deus noluerit

dare auxilium efficax, iste non manebit potens, distingo; si noluerit dare absolute & ex se tollendo illud, concedo: si non dederit ex aliquo impedimento voluntario, puta ex eo quod voluntarie homo occupatur circa alium, & habet applicationem quoad illum, nego. Tunc enim Deus non denegat auxilium illud efficax, nisi propter impedimentum voluntarium ipsius hominis. *Et deinde*, Vnde imputatur sibi, si operetur contra præceptum, etiam si non habeat auxilium efficax ad illud. Quia non habere est ex impedimento quod voluntarie præstat, occupando se circa aliud voluntarie & reddendo se incompossibilem & repugnantem illi auxilio efficaci, &c.

Idem paulò antè nu. 58. Deficere applicationem illam, quæ fit per auxilium efficax, deficientiâ voluntariâ, ideóque ESSE IN MANU MEA, & sic non deficere simpliciter aliquid requisitum ad illum primum actum, nisi quia volo.

Disp. 5. ar. 7. pag. 202. col. 2. nu. 10. Quare si illa probatio Concilii (Senonensis) aliquam vim habet, dicendum est quod reuera probationem sumit non ex resistantia facta auxilio efficaci (hoc enim stare non potest) sed facta auxilio sufficienti: & vis illius reducitur ad hoc. **DE FACTO RESTITERVNT IVDÆI SPIRITV SANCTO EOS MONENTI PER AUXILIUM SUFFICIENTI:** Ergo in se habet homo potentiam resistendi auxilio sufficienti; sed hanc potentiam non lædit auxilium efficax. Ergo cum auxilio efficaci manet potentia resistendi.

Ex his constat Thomistas gratia per seipsam efficacis Defensores unanimi consensu putare dari gratiam actualem, internam, supernaturalem, per quam constituatur proxima bene agendi potentia, cui homines resistant, cum possint consentire: Atque hoc putare cum principiis fidei necessario connexum esse. Itaque damnandam censere secundam Iansenii propositionem.



IANSENIVS.

3. Proposit.

*Ad merendum & de-
merendum
in statu na-
tura lapsa
non requiri-
tur in homi-
ne libertas à
necessitate,
sed sufficit li-
bertas à co-
actione.*

DIDACVS ALVAREZ

in tract. de Auxiliis Divinae Gratiæ.

DISP. 92. nu. 8. Concilium Senonense & Tridentinum definiuisse dicit contra hæresim Lutheranorum, quòd IN INSTANTI in quo liberum arbitrium mouetur à Deo efficaciter, manet in eo LIBERA ET EXPEDITA FACULTAS, qua potest non operari, si velit.

Idem 2. Respons. c. 1. nu. 34. Sensus compositus non est ille, qui in argumento insinuat, quòd videlicet quando gratia est in voluntate, non possit voluntas non agere actum illum, ad quem determinatur, ablata verò motione possit non agere, hic enim sensus **CONFICTVS FVIT A CALVINO**, &c. Quando ergo S. Thomas & ejus discipuli dicunt, &c. Nihil aliud intelligunt quàm motionem illam efficacem & actualem dissensum non posse simul poni in eodem arbitrio.

Ibid. cap. 4. nu. 9. dicit, Calvinum in eo deceptum, quia putavit illam propositionem, *Liberum arbitrium motum à Deo gratia efficaci non potest dissentire in sensu composito*, nihil aliud significare, nisi quòd postquam jam gratia efficax in voluntate posita est, non possit liberum arbitrium dissentire ac refragari; ablata verò gratiâ, possit. Nos autem multò aliter intelligendum esse compositum sensum illius propositionis contendimus. Non enim per illam significatur, quòd quando est motio efficax in homine, tunc non possit dissentire ac refragari, ablata verò motione, possit. Si enim hoc semel concederetur, **ABSQVE DVBIO EVERTERETVR LIBERTAS ARBITRII**, nec posset per distinctionem illam sensus compositi & diuisi concordari cum decreto absoluto voluntatis Divinæ, prædeterminantis omnes actus bonos futuros: nec cum efficacia auxilii præoperantis gratiæ. Sensus ergo legitimus illius propositionis in sensu composito acceptæ est, hæc duo simul esse impossibilia, quòd ni-

mirum auxilium efficax ad consentiendum sit in homine, & homo dissentiat.

IANSENIVS.

Idem disp. 117. de auxil. nu. ii. Ad 3. Respondetur quòd potentia potest dupliciter dici proxima & expedita ad operandum, primò, quia nihil aliud requiritur ex parte ipsius potentia, quo in actu primo constituatur ad actualiter operandum, siue ad volendum & nolendum, & hoc modo liberum arbitrium positis omnibus requisitis ad operandum potest **POTENTIA PROXIMA ET EXPEDITA** operari & non operari, velle & nolle. Vnde S. Th. 1. p. quæst. 83. ar. 2. ad 2. ait quòd facultas nominat quandoque potentiam **EXPEDITAM** ad operandum; **ET SIC PONITVR IN DEFINITIONE LIBERI ARBITRII**: secundo modo potest dici facultas proxima & expedita ad operandum; quia in sua operatione non dependet ab alia priori causa, tribuente ipsam cooperationem, vel actualiter concurrente: & in hoc sensu, nulla causa secunda quantumvis ponatur perfecta, est secundum se & seclusa præmotione diuinâ expedita ad operandum.

3. Proposit.
Ad merendum & de merendum in statu naturæ lapsæ non requiritur in homine libertas à necessitate, sed sufficit libertas à coactione.

Idem lib. 4. Respons. cap. 1. nu. 10. Cæterum in voluntate hominis cum omnibus prærequisitis etiam ex parte Dei vt actualiter velit, tale objectum per iudicium rationis sibi propositum, stat simul & conseruatur illæsa vera facultas, quâ potest nolle idem objectum aut velle contrarium, vt dictum est; & ideo tam agere, quàm non agere est in potestate voluntatis. . . . Nec enim vt voluntas agens medio iudicio rationis indifferenti possit non agere, si velit, requiritur quod varietur tale iudicium, vel auferatur, vt argumentum supponit. Nam **CVM EODEM IUDICIO** & omnibus prærequisitis vt voluntas consentiat in tale objectum, manet in eadem voluntate **EXPEDITA FACULTAS, QVA POSSIT DISSENTIRE, SI VELIT.**

Ibid. nu. 13. Quia ergo cum auxilio efficaci præmouente ad aliquam actionem saluatur in libero arbitrio **EXPEDITA** facultas, qua possit dissentire si velit, ideo potest illi imputari & imputatur ad culpam, si non absteineat ab actu prohibito, vel si non operetur actum bonum & pium, qui est in præcepto, quem tamen per auxilium sufficiens potest facere, si velit, & suâ culpâ noluit facere.

Iterum disp. 23. de auxiliis nu. 28. Ad id autem quod dicitur

IANSENIUS.

3. Proposit.

*Ad merendum & de-
merendum
in statu na-
ture lapsæ**non requiri-
tur in homi-
ne libertas à
necessitate,
sed sufficit li-
bertas à cog-
itione.*

quia post receptam motionem efficacem, voluntas necessariò prodit in opus, ita vt non possit non operari; Respondetur quòd simpliciter loquendo non exit voluntas in opus NECESSARIÒ, sed liberè; etiam post acceptam motionem: ET SIMPLICITER POTEST NON OPERARI TOTO TEMPORE, QVO HABET ILLAM MOTIONEM. NAM MOTIO PRÆDETERMINANS NON AVFERT A VOLUNTATE PROXIMAM POTENTIAM AD ACTVM OPPOSITVM. Adde quòd disp. 95. nu. 9. disertè negat amorem beatissimum esse actum liberum libertate arbitrii, defectu proxime huius indifferentiæ: & quòd ad primam propositionem suprà relatum est, sine auxilio sufficienti ad immediatè credendum, non posse imputari peccatum incredulitatis.

GONÇALEZ DE ALBELDA.

DISP. 57. in 1. p. nu. 48. Constantissimè asserimus CONTRA HÆRETICOS CALVINISTAS, quòd voluntas nostra potest non sequi si velit motionem efficacem Dei. Efficacia enim diuinæ motionis non consistit in hoc quòd tollat à voluntate nostra liberam & expeditam facultatem eam abjiciendi, si velit: sed in eo quòd de facto eam non abjiciat, cum possit. Vult enim Deus decreto suo absoluto vtrumque, videlicet quòd liberum arbitrium nostrum sequatur motionem ejus efficacem, & quòd habeat liberam & expeditam facultatem ad non sequendum, si velit.

Ibid. nu. 51. Ly potest, cum dicitur voluntas posse dissentire motioni efficaci, sumi semper pro potentia PROXIMA ET EXPEDITA.

Ibid. nu. 54. dicit necessitatem agendi, quæ sequitur ex suppositione gratiæ efficaci, esse tantum cum habitudine ad nostrum liberum arbitrium, VT EXPEDITA INDIFFERENS AD OPPOSITVM: Et liberum arbitrium esse PROXIME ET EXPEDITE INDIFFERENS AD VTRVMLIBET.

Disp. 58. Sect. 3. nu. 34. Illud verbum, cum dicitur voluntas posse dissentire gratiæ efficaci, non denotare quòd semotà præmotione efficaci, proximè & expeditè possit dissentire, si velit: sed de-

notare, quòd etiam stante illâ, **POTEST PROXIME ET EXPEDITE DISSENTIRE, SI VELIT.**

Ibid. nu. 36. Cùm liberum arbitrium sic excitatum, sit proximè & expeditè indifferens ad vtrumlibet (aliàs liberum arbitrium non esset) **NON IMPLICAT ABSOLVTE, SIMVL PONI DISSENSVM CVM ILLO SIC EXCITATO.**

Ibid. nu. 38. Non inclinat determinatè ad vnum, quasi per modum naturæ, sed **CVM INDIFFERENTIA LIBERA ET EXPEDITA AD OPPOSITVM.....** Ita mouet vt concurrat per modum libertatis **CVM INDIFFERENTIA EXPEDITA** ad oppositum.

Ibid. disp. 61. nu. 5. Liberum arbitrium tam in Deo, quàm in hominibus definitur, quòd sit potestas rationis & voluntatis vnum præ alio eligendi, aut vnum & idem acceptandi & respuendi. Ex eo autem quòd dicitur vnum præ alio, habetur hanc potestatem debere esse **CVM INDIFFERENTIA**, quæ maneat ex parte principii, **ETIAM DVMEXERCETVR ACTIO.....** Contra rationem liberæ facultatis esse, vt ad agendum, siue ex parte principii formaliter, siue ex parte conditionis, requiratur aliquid præuium, quo posito, indifferentia omnis tollatur. Patet ex dictis, quia libertas formaliter in hac præuia, seu per modum principii **POTESTATE INTRINSECE INDIFFERENTI** sita est. Quidquid ergo præuiè omnino determinat ad vnum, & omnino indifferentiam intrinsecam aufert, libertatem tollit.

Ibid. disp. 75. Sect. 2. nu. 41. Ex his colliges, candide Lector, quòd immeritò Aduersarii, cum quibus hîc agimus, nobis imponunt, quòd asseramus gratiam præuenientem prædeterminare **OMNINO** ad vnum voluntatem nostram, ... cùm potius firmissimè teneamus oppositum: Nempe voluntatem nostram per gratiam præuenientem efficacem, qua à Deo excitatur & mouetur, **NON PRÆDETERMINARI OMNINO AD VNVM**, & ejusmodi gratiam præuenientem non tollere à voluntate nostra **POSSIBILITATEM PROXIMAM ET EXPEDITAM** ad oppositum, **ETIAM STANTE TALI GRATIA PRÆVENIENTE EFFICACI.....** Et hinc facilis via aperitur ad conuincendos & reducendos

3. Proposit.

Ad merendum & demerendum in statu naturæ lapsæ non requiritur in homine libertas à necessitate, sed sufficit libertas à conatione.

IANSENIVS. Hæreticos Lutheranos & Calvinistas, qui vsum nostræ liber-
3. Proposit. tatis dicunt destrui ex efficacia Diuinæ gratiæ.

Ad meren- Adde quæ allata sunt suprâ ad 1. propositionem, ideo non
dum & de- excusari peccatorem à transgressione præcepti, quia habet au-
merendum xilium sufficiens ad illud implendum; & ideo suâ malitiâ il-
in statu na- lud omittere, quia habet potentiam vltimatè completam vt ob-
tura lapsa seruare possit.

non requiri-
tur in homi-
ne libertas
à necessitate,
sed sufficit li-
bertas à con-
ditione.

IOANNES PAVLVS NAZARIVS

ad quæst. 19. 1. p.

ART. 1. *contron. unica.* Ex quibus omnibus talis potest con-
strui definitio. Liberum arbitrium, est voluntas, provt
est electiua ex iudicio rationis ad diuersa indifferenti, P-
TENS AGERE ET NON AGERE.... sed jam communiter
est recepta liberi arbitrii *definitio*, quod est potentia libera, quæ
positis omnibus requisitis ad agendum, habet in sua potestate
AGERE ET NON AGERE HOC VEL ILLUD.

Et deinde. Tertiò explicandum est quid sit posse agere &
non agere; & agere hoc vel illud aut oppositum, quòd ni-
hil aliud est, quàm habere potentiam contradictionis & con-
trarietatis; Ex quibus prior dicit libertatem quoad exerci-
tium, posterior quoad specificationem actus. Nec quælibet
potentia contradictionis satis est vt sit potentia libera, sed
requiritur potentia contradictionis, quæ IN EODEM IN-
STANTI, NON TAMEN PRO EODEM CONIUNCTIM,
SED DIVISIM HABET IN SVA FACVLTATE VTRAM-
QUE CONTRADICTIONIS PARTEM.... Nam ea po-
tentia, quæ successiuè tantum potens est ad agendum & non
agendum, vt scilicet nunc possit agere & postea possit non
agere, LIBERA POTENTIA NON EST. Nam & res ra-
tionis expertes aliquando possunt agere & aliquando non
agere, vt patet de brutis sponte se mouentibus, & quando-
que à motu cessantibus. Est igitur de ratione potentiæ libe-
ræ, vt positis omnibus ad agendum requisitis, modo superiùs
allato explicato, PROMPTAM habeat & EXPEDITAM
ad

ad operandum facultatem, possitque seipsam ad agendum applicare, aut se ab agendo continere **IN VNO ET EODEM INSTANTI**, licet non pro eodem.

Addit ibidem, habere potentiam **PROXIMAM** ad exercitium suæ libertatis, quia positis omnibus ad agendum requisitis, potest agere & non agere, agere hoc vel illud.

Ibid. quæst. 20. art. 4. contron. 2. Deus causas necessarias ita mouet, vt necessitate quadam ad vnum determinet. Has verò (*liberas*) nullâ impositâ necessitate præmouet ad singulos actus determinatè. Ita vt non in solius Dei potestate & operatione, **SED IN AGENTIS LIBERI FACULTATE POSITA SIT actionis determinatio.**

Ibid. Hoc ipso quòd Deus constituit dare influxum iuxta modum & naturam liberi arbitrii, constituit etiam dare. **I.** offert & dat influxum **SIMPLICITER INDIFFERENTEM**, quia vt modificatur libertate voluntatis indifferensest, quamuis in ordine ad diuinæ voluntatis efficacitatem ac providentiam Dei infallibilem non sit indifferens, sed infallibilis, & ideo determinatus determinatione, non destruente libertatem.

Ibid. quæst. 22. art. 4. Nedum in sensu diuiso, sed etiam in sensu composito, voluntas cum tali motione est **INDIFFERENS AD VTRVMQUE OPPOSITVM.**

Ibid. Diuinus influxus impellit ad mouendum simul cum voluntate seipsam mouente: & licet inferat actum infallibiliter, potest tamen voluntas, antequam sit per actuale impulsu in actu secundo, **RESISTERE, ET EFFECTVM ILLIVS IMPEDIRE, CVM SIT INDIFFERENS AD VTRVMQUE OPPOSITVM.**

Ibid. ad quæst. 14. art. 13. contron. 6. Ex dictis sequitur necessitatem sensus compositi, **QVÆ EST ETIAM NECESSITAS SUPPOSITIONIS**, non sic esse intelligendam, vt stante v. c. præscientia Dei de locutione futura, nulla maneat contingentia, indifferentia siue libertas in causa, videlicet in voluntate ad loquendum, vel non loquendum. Hic enim sensus nedum falsus est, **SED ETIAM HÆRETICVS.** Nam quid prodest quòd in ea voluntas absolutè, siue secundum naturam suam considerata, libera sit ad legendum, vel non legen-

IANSENIVS.

3. Proposit.

*Ad merendum & demerendum in statu nature lapsæ non requiritur in homine libertas à necessitate, sed sufficit libertas à con-
ditione.*

IANSENIVS.

2. Proposit.

*Interiori
gratia per
Christum in
statu nature
lapsa nun-
quam resisti-
tur.*

Ibid. sect. 3. nu. 27. Ad quartum patet quòd peccatoribus quantumcumque obduratis, non denegantur auxilia sufficientia, pro loco & tempore, pro quo currit obligatio præcepti: *Igitur etiam illi resistunt interna gratia.*

IOANNES PAVLVS NAZARIUS

ad. qu. 27. 1. par. art. 3. Controuers. 2. pag.

840. edit. Bononiensis anni 1620.

EST autem auxilium sufficiens idem quod gratia excitans, quatenus in se comprehendit non solum externam illuminationem, quæ fit per scripturas, Doctores & Miracula, sed comprehendit etiam INTERNAM INTELLECTVS ILLUMINATIONEM, quæ fit à Deo, & MOTIONEM DEI SUPERNATURALEM, receptam in voluntate. *Interna igitur & supernaturali motioni resistunt qui non habent gratiam efficacem.*

Ibid. 3. controu. pag. 851. col. 7. Sextò recolendum est id quod annotauimus in præcedenti controuersia, ex D. Th. 3. con. Gen. c. 159. nimirum quòd licet homo per motum liberi arbitrii non possit mereri & adipisci gratiam, potest tamen impedimentum ponere gratiæ suscipiendæ; nam de quibusdam dicitur Iob. 21. *Dixerunt Deo, recede à nobis; & cap. 24. Rebelles fuerunt luminì.* Ex quo sequitur primò vt homini qui DIVINÆ GRATIÆ RESISTIT SVSCIPIENDÆ meritò imputetur ad culpam, quòd eam non suscipiat.

Ibid. col. 2. Piè creditur Deum homini in syluis vel inter bruta enutrito auxilium quoddam conferre SUPERNATURALE; vt naturæ legem non violet, sed obseruet: *Quod si faciat, certissimè tenendum est Deum illi per internam inspirationem reuelaturum ea quæ sunt ad credendum necessaria, vel aliquem fidei prædicatorem ad eum missurum....* Quòd si datum illi diuinitus auxilium contemnat per peccatum, contra legem naturæ commissum, hoc ipso incapax altioris redditur adiutorii, vt apertè docet S. Thom. *Quot sunt qui auxilium illud contemnunt, ac proinde qui diuina gratia supernaturali & interna resistunt?*

Ibid. pag. 852. col. 1. Quarta conclusio. Omnibus venienti-
bus ad vsum rationis Deus confert supernaturale auxilium 2. Proposit.
intrinsecum, instigans ad bonum. Hæc conclusio est D. Th. *Interiori*
&c. *An sequuntur omnes illam instigationem? An non igitur multi gratia per*
auxilio supernaturali intrinseco resistunt? *Christum in*

Ibid. col. 2. S. Augustinus & S. Thomas non intendunt ne-
gare conferri à Deo sufficiens auxilium, etiam obduratis, & *statu nature*
excæcatis, vt à peccato resurgant. . . . Sæpe loquuntur de *lapse nun-*
subtractione auxilii efficacis; *quam resisti-*
Resistunt igitur interiori gratiæ etiam
obdurati & excæcati. *unt.*

Ibid. ar. 5. controu. 3. p. 879. Et nota humanam voluntatem
receptis communibus auxiliis opponendo Diuinæ gratiæ obi-
cem siue impedimentum peccati, præuenire secundum ordi-
nem executionis effectum Diuinæ voluntatis, ex se paratæ
ad conferendam gratiam, aut maiora auxilia, SIC VT QUI
RECEPTO INTRA DOMVM NASCENTIS AVRORE
FVLGORE, antequam appareant Solis radii, fenestram clau-
deret, diceretur solis illustrationem obstaculo opposito præ-
uenisse. Ex quo apparet injustas esse querelas eorum, qui di-
cunt, si voluit Deus me non eligere ad gloriam &c. *Solis radios*
non vides, qui non videt hominem hic interiori gratiæ resistentem.

DIDACVS NVGNEZ CABEZUDO

tract. de Auxiliis ad quest. 72.

3. par. art. 5.

QVÆST. 2. pag. 87. col. 1. Si verò non orat homo, quando ne-
cessaria est oratio, non imputatur ei quòd non habet auxi-
lium efficax ad orandum: sed imputatur ei ipsum non orare,
quia hoc ipsum est de quo habet præceptum: & licet non re-
ceperit auxilium efficax, RECEPIT TAMEN AVXILIUM
SUFFICIENS, per quod simpliciter loquendo, potuit orare.

Id. ib. tom. 2. ad art. 1. quest. 86. col. 2. Sententia qua dicit excæ-
catis & obduratis negari auxilia sufficientia ad agendum penitentiam,
communiter damnatur, tanquam maximè temeraria, & proxi-
ma errori. . . . Vt jacet etiam erronea mihi videtur.

IANSENIVS.

2. Proposit.

*Interiori
gratia per
Christum in
statu natura
lapsæ non-
quam resisti-
tur.*

Ibid. Fides est, ita vt oppositum sit hæresis, quòd omni-homo, dum est in via potest simpliciter loquendo pœnitentiam agere, atque adeò quòd omnibus dantur auxilia sufficientia, vt possint pœnitere.

Ibid. Quòd dicitur, illuminat omnem hominem, &c. intelligitur etiam de ILLUMINATIONE SUPERNATURALI.

Ibid. pag. 64. Apostolus cùm dicit, *Tu autem secundum duritiam tuam & impenitens cor tuum thesaurizas tibi iram, in die ira,* LOQUITVR VNIVERSALITER..... Et nihil valet solutio, quòd excipiantur ab ista regula EXCÆCATI ET OBDURATI.

Ibid. Etiam Pharaò habuit multa auxilia, quibus potuit credere & conuerti.

Ibid. pag. 65. col. 1. Qui non recipit auxilium efficax, est potens ad operandum, etiam PER PRINCIPIVM INTRINSECVM, eiusdem ordinis cum operatione supernaturali: idcirco non excusatur à peccato.

Ibid. Veniens ad vsum rationis peccat contra legem naturæ, non se conuertendo, quia ad istam conuersionem habet principium sufficiens; *Hinc colligitur quoties existimet hic Auctor ab hominibus resisti interiori gratiæ in statu naturæ lapsæ.*

PETRVS LEDESMA.

Hic quoque, vt in superiori propositione monstratum est, tenendum putat secundum fidem dari auxilium sufficiens distinctum ab efficaci, & illud esse sufficiens IN OMNI RIGORE, & esse supernaturale intrinsecum, & eleuare potentiam ad operationem supernaturalem, & dari in omni occasione, quâ vrget obligatio præcepti, ad cuius obseruationem necessarium est. *Igitur quicumque peccat non obediendo præceptis huiusmodi, resistit interno & supernaturali auxilio, juxta Ledesmam.*

Adde quod dicit art. 13. pag. 276. Ex quibus locis constat Deum extendere manum, pulsare ad ostium cordis, & alia similia facere, quod est præbere auxilium sufficiens, vt homines possint conuerti: ET TAMEN ALIQVANDO RESISTVNT.

Ibid.

Ibid. pag. 277. Multi peccant, EO QVOD DESINT GRATIÆ DEI: Et paulò antè, qui permittitur peccare, habet auxilium ad non peccandum. *Resistunt igitur auxilio, ad non peccandum dato.*

Ibid. art. 16. col. 1. Resistere contingit dupliciter, vno modo positiuè, quia homo illuminatur ab ipso Deo & excitatur per diuinam gratiam, ET RESISTIT HOMO ILLI positiuè, opponendo impedimentum Diuinæ gratiæ. Alio modo potest esse resistantia, non quidem positiua, sed negatiua, &c.

Ibid. ad 3. Pharaonem habuisse simile auxilium atque Nabuchodonosorem, vt posset conuerti.

Ibid. Etiam induratis tribuere Deum auxilium intrinsecum. At Pharaon & indurati sequuntur impulsam huiusmodi auxilii? *Resistunt igitur interiori*

IANSENIVS.

2. Proposit.

Interiori gratia in statu nature lapsa nunquam resistitur.

BALTHASAR NAVARRETE.

AD *quest. 19. 1. par. ar. 8. controu. 19.* Licet auxilium sufficiens sæpenumero præcedat tempore actualem operationem, tamen non tribuitur per modum habitus, sed per modum impellentis ex parte sua ad operationem, CUI TAMEN IMPVLSVIMVLTOTIES RESISTIT; Afferit ergo nostra propositio, quòd collato auxilio sufficienti SI HOMO NON RESISTAT, Deus ex sua liberalitate confert auxilium efficax, tanquam complementum actuale.

IOANNES A SANCTO THOMA

tom. 2. in 1. par. antea citato.

AD *quest. 23. Diss. 10. art. 3. num. 41. pag. 423.* Non est in dictis D. Thomæ contrarietas; quia in primo instanti vsus rationis, omnes accipiunt sufficiens auxilium ad acceptandam legem, & ad res fidei implicitè tunc propositas. . . . Sed non omnibus proponuntur res fidei in particulari & determinatè, & sic non accipiunt sufficiens auxilium ad explicitè & parti-

IANSENIVS.

4. Proposit.

*Interiori
gratia in
in natura
lapse non
quam resisti-
tur.*

culariter credendum : neque sub motiuo fidei Diuinæ : & hoc ex culpa sua, quia RESISTUNT priori auxilio, nec volunt acceptare legem, neque conuerti ad Deum.

Et antea nu. 27. pag. 419. col. 1. Intrinseca necessaria ad constituendum auxilium sufficiens sunt duo, ex parte intellectus, noticia : ex parte voluntatis, facultas, seu proportionatæ vires ut sufficientiam & potestatem quis habere dicatur ad aliquid faciendum. Nam voluntas nihil potest operari, nisi præsupponendo cognitionem ex parte intellectus, & in se habendo virtutem & adiutorium proportionatum operi supernaturali faciendo, & sic utrumque eorum pertinet ad sufficiens auxilium.

Adde quod dicit postea nu. 42. pag. 423. Auxilium sufficiens viatorum esse affectiuum & influxiuum in voluntatem. *Loquitur autem de auxilio sufficienti, prout ab efficaci distinguitur, ut constat ex nu. 27. pag. 418.* Datur ergo auxilium sufficiens intrinsecum, illuminatiuum & affectiuum, quod caret effectu. Et licet dicat aliquos insigniter obstinatos impedire se ne recipiant affectiuum illud auxilium in voluntate; supponit tamen multos hoc non impedire, ac proinde hi resistunt etiam auxilio in voluntate recepto. *Obstinati verò illi habuerunt auxilium proximè sufficiens, etiam in voluntate, ut non ita obstinarentur & Dei gratiam repellerent.*

Et antea Disput. 5. art. 6. pag. 216. col. 1. nu. 54. Respondeo non frustrari auxilium sufficiens à nobis, quoad suum effectum formalem, quem præbet nobis, sed FRUSTRARI QUOAD SVVM FINEM, PROPTER QVEM DATVR NOBIS secundum voluntatem Dei antecedentem. Hoc enim manet frustratum. Quia ipsum auxilium dat potentiam ad actum, ET CARET ACTV; frustratur ergo fine, licet non effectu formali.

Et antea Disput. 3. ar. 5. pag. 98. col. 2. nu. 27. Discrimen Calvini errantis à Thomistis ita explicat. Calvinus autem quia potentiam liberam negavit, & totam operationem ita voluit esse à gratia, quòd non à nobis liberè operantibus, ideo ante efficaciam gratiæ, potentiam denegavit liberam, NEC VOLVIT ESSE ALIVD AVXILIVM SVFFICIENS, QVAM EFFICAX.

Disput. 5. art. 6. pag. 218. col. 1. nu. 60. Quòd si Deus noluerit

dare auxilium efficax, iste non manebit potens, distinguo; si noluerit dare absolutè & ex se tollendo illud, concedo: si non dederit ex aliquo impedimento voluntario, putà ex eo quòd voluntariè homo occupatur circa alium, & habet applicationem quoad illum, nego. Tunc enim Deus non denegat auxilium illud efficax, nisi propter impedimentum voluntarium ipsius hominis. *Et deinde.* Vnde imputatur sibi, si operetur contra præceptum, etiam si non habeat auxilium efficax ad illud. Quia non habere est ex impedimento quod voluntariè præstat, occupando se circa aliud voluntariè & reddendo se incompossibilem & repugnantem illi auxilio efficaci, &c.

IANSENIVS.

2. Proposit.

Interiori gratia in statu nature lapsæ nunquam resistitur.

Idem paulò antiè nu. 58. Deficere applicationem illam, quæ fit per auxilium efficax, deficientiâ voluntariâ, ideóque ESSE IN MANU MEA, & sic non deficere simpliciter aliquid requisitum ad illum primum actum, nisi quia volo.

Disp. 5. ar. 7. pag. 202. col. 2. nu. 10. Quare si illa probatio Concilii (Senonensis) aliquam vim habet, dicendum est quòd reuera probationem sumit non ex resistantia facta auxilio efficaci (hoc enim stare non potest) sed facta auxilio sufficienti: & vis illius reducitur ad hoc. DE FACTO RESISTERVNT IVDÆI SPIRITV SANCTO EOS MONENTI PER AUXILIUM SVFFICIENS: Ergo in se habet homo potentiam resistendi auxilio sufficienti; sed hanc potentiam non lædit auxilium efficax Ergo cum auxilio efficaci manet potentia resistendi.

Ex his constat Thomistas gratia per seipsam efficacis Defensores unanimi consensu putare dari gratiam actualem, internam, supernaturalem, per quam constituatur proxima bene agendi potentia, cui homines resistant, cum possint consentire: Atque hoc putare cum principiis fidei necessario connexum esse. Itaque damnandam censere secundam Iansenii propositionem.



IANSENIVS.

3. Proposit.

*Ad merendum & de-
merendum
in statu na-
ture lapsæ
non requiri-
tur in homi-
ne libertas à
necessitate,
sed sufficit li-
bertas à coa-
ctione.*

DIDACVS ALVAREZ

in tract. de Auxiliis Divina Gratiæ.

DISP. 92. NU. 8. Concilium Senonense & Tridentinum definiuisse dicit contra hæresim Lutheranorum, quòd IN INSTANTI in quo liberum arbitrium mouetur à Deo efficaciter, manet in eo LIBERA ET EXPEDITA FACULTAS, qua potest non operari, si velit.

Idem 2. Respons. c. 1. nu. 34. Sensus compositus non est ille, qui in argumento insinuat, quòd videlicet quando gratia est in voluntate, non possit voluntas non agere actum illum, ad quem determinatur, ablata verò motione possit non agere, hic enim sensus **CONFICTVS FVIT A CALVINO**, &c. Quando ergo S. Thomas & ejus discipuli dicunt, &c. Nihil aliud intelligunt quàm motionem illam efficacem & actualem dissensum non posse simul poni in eodem arbitrio.

Ibid. cap. 4. nu. 9. dicit, Calvinum in eo deceptum, quia putavit illam propositionem, *Liberum arbitrium motum à Deo gratia efficaci non potest dissentire in sensu composito*, nihil aliud significare, nisi quòd postquam jam gratia efficax in voluntate posita est, non possit liberum arbitrium dissentire ac refragari; ablata verò gratiâ, possit. Nos autem multò aliter intelligendum esse compositum sensum illius propositionis contendimus. Non enim per illam significatur, quòd quando est motio efficax in homine, tunc non possit dissentire ac refragari, ablata verò motione, possit. Si enim hoc semel concederetur, **ABSQVE DVBIO EVERTERETVR LIBERTAS ARBITRII**, nec posset per distinctionem illam sensus compositi & diuisi concordari cum decreto absoluto voluntatis Divinæ, prædeterminantis omnes actus bonos futuros: nec cum efficacia auxilii præoperantis gratiæ. Sensus ergo legitimus illius propositionis in sensu composito acceptæ est, hæc duo simul esse impossibilia, quòd ni-

mirum auxilium efficax ad consentiendum sit in homine, & homo dissentiat.

IANSENIVS.

Idem disp. 117. de auxili. nu. ii. Ad 3. Respondetur quòd potentia potest dupliciter dici proxima & expedita ad operandum, primò, quia nihil aliud requiritur ex parte ipsius potentia, quo in actu primo constituatur ad actualiter operandum, siue ad volendum & nolendum, & hoc modo liberum arbitrium positis omnibus requisitis ad operandum potest **POTENTIA PROXIMA ET EXPEDITA** operari & non operari, velle & nolle. Vnde S. Th. 1. p. quæst. 83. ar. 2. ad 2. ait quòd facultas nominat quandoque potentiam **EXPEDITAM** ad operandum; **ET SIC PONITVR IN DEFINITIONE LIBERI ARBITRII**: secundo modo potest dici facultas proxima & expedita ad operandum; quia in sua operatione non dependet ab alia priori causa, tribuente ipsam cooperationem, vel actualiter concurrente: & in hoc sensu, nulla causa secunda quantumvis ponatur perfecta, est secundum se & seclusâ pramotione diuinâ expedita ad operandum.

3. Proposit.
Ad merendum & de-merendum in statu nature lapsæ non requiritur in homine libertas à necessitate, sed sufficit libertas à coactione.

Idem lib. 4. Respons. cap. 1. nu. 10. Ceterum in voluntate hominis cum omnibus prærequisitis etiam ex parte Dei vt actualiter velit, tale objectum per iudicium rationis sibi propositum, stat simul & conseruatur illæsa vera facultas, quâ potest nolle idem objectum aut velle contrarium, vt dictum est; & ideo ram agere, quàm non agere est in potestate voluntatis. . . . Nec enim vt voluntas agens medio iudicio rationis indifferenti possit non agere, si velit, requiritur quod varietur tale iudicium, vel auferatur, vt argumentum supponit. Nam **CVM EODEM IUDICIO** & omnibus prærequisitis vt voluntas consentiat in tale objectum, manet in eadem voluntate **EXPEDITA FACULTAS, QVA POSSIT DISSENTIRE, SI VELIT.**

Ibid. nu. 13. Quia ergo cum auxilio efficaci præmouente ad aliquam actionem saluatur in libero arbitrio **EXPEDITA** facultas, qua possit dissentire si velit, ideo potest illi imputari & imputatur ad culpam, si non absteineat ab actu prohibito, vel si non operetur actum bonum & pium, qui est in præcepto, quem tamen per auxilium sufficiens potest facere, si velit, & suâ culpâ noluit facere.

Iterum disp. 23. de auxiliis nu. 28. Ad id autem quod dicitur

IANSENIVS.

3. Proposit.

*Ad merendum & de-
merendum
in statu na-
tura lapsa
non requiri-
tur in homi-
nelibertas à
necessitate,
sed sufficit li-
bertas à con-
tione.*

quia post receptam motionem efficacem, voluntas necessariò
prodit in opus, ita vt non possit non operari; Respondetur
quòd simpliciter loquendo non exit voluntas in opus NECESSA-
RÌÒ, sed liberè, etiam post acceptam motionem: ET SIM-
PLICITER POTEST NON OPERARI TOTO TEMPORE,
QVO HABET ILLAM MOTIONEM. NAM MOTIO
PRÆDETERMINANS NON AVFERT A VOLUNTATE
PROXIMAM POTENTIAM AD ACTVM OPPOSITVM.
Adde quòd disp. 95. nu. 9. disertè negat amorem beatissimum esse
actum liberum libertate arbitrii, defectu proxime huius indifferen-
tiae: & quòd ad primam propositionem suprà relatum est, sine auxilio suffi-
cienti ad immediatè credendum, non posse imputari peccatum increduli-
tatis.

GONÇALEZ DE ALBELDA.

DISP. 57. in 1. p. nu. 48. Constantissimè asserimus CON-
TRA HÆRETICOS CALVINISTAS, quòd vo-
luntas nostra potest non sequi si velit motionem efficacem
Dei. Efficacia enim diuinæ motionis non consistit in hoc
quòd tollat à voluntate nostra liberam & expeditam faculta-
tem eam abjiciendi, si velit: sed in eo quòd de facto eam non
abjiciat, cùm possit. Vult enim Deus decreto suo absoluto
vtrumque, videlicet quòd liberum arbitrium nostrum sequa-
tur motionem ejus efficacem, & quòd habeat liberam & expe-
ditam facultatem ad non sequendum, si velit.

*Ibid. nu. 51. Ly potest, cùm dicitur voluntas posse dissentire moti-
onì efficaci, sumi semper pro potentia PROXIMA ET EXPE-
DITA.*

*Ibid. nu. 54. dicit necessitatem agendi, quæ sequitur ex suppositione
gratiæ efficaci, esse tantum cum habitudine ad nostrum libe-
rum arbitrium, VT EXPEDITA INDIFFERENS AD OPPO-
SITVM: Et liberum arbitrium esse PROXIME ET EXPE-
DITE INDIFFERENS AD VTRVMLIBET.*

Disp. 58. Sect. 3. nu. 34. Illud verbum, cùm dicitur voluntas posse
dissentire gratiæ efficaci, non denotare quòd semotà præmotione
efficaci, proximè & expeditè possit dissentire, si velit: sed de-

notare, quòd etiam stante illâ, POTEST PROXIME ET EXPEDITE DISSENTIRE, SI VELIT.

Ibid. nu. 36. Cùm liberum arbitrium sic excitatum, sit proximè & expeditè indifferens ad vtrumlibet (aliàs liberum arbitrium non esset) NON IMPLICAT ABSOLVTE, SIMVL PONI DISSENSVM CVM ILLO SIC EXCITATO.

Ibid. nu. 38. Non inclinât determinatè ad vnum, quasi per modum naturæ, sed CVM INDIFFERENTIA LIBERA ET EXPEDITA AD OPPOSITVM..... Ita mouet vt concurrat per modum libertatis CVM INDIFFERENTIA EXPEDITA ad oppositum.

Ibid. disp. 61. nu. 5. Liberum arbitrium tam in Deo, quàm in hominibus definitur, quòd sit potestas rationis & voluntatis vnum præ alio eligendi, aut vnum & idem acceptandi & respuendi. . . . Ex eo autem quòd dicitur vnum præ alio, habetur hanc potestatem debere esse CVM INDIFFERENTIA, quæ maneat ex parte principii, ETIAM DVM EXERCETVR ACTIO..... Contra rationem liberæ facultatis esse, vt ad agendum, siue ex parte principii formaliter, siue ex parte conditionis, requiratur aliquid præuium, quo posito, indifferentia omnis tollatur. Patet ex dictis, quia libertas formaliter in hac præuia, seu per modum principii POTESTATE INTRINSECE INDIFFERENTI sita est. Quidquid ergo præuiè omnino determinat ad vnum, & omnino indifferentiam intrinsecam aufert, libertatem tollit.

Ibid. disp. 75. Sect. 2. nu. 41. Ex his colliges, candide Lector, quòd immeritò Aduersarii, cum quibus hîc agimus, nobis imponunt, quòd asseramus gratiam præuenientem prædeterminare OMNINO ad vnum voluntatem nostram . . . cùm potius firmissimè teneamus oppositum: Nempe voluntatem nostram per gratiam præuenientem efficacem, qua à Deo excitatur & mouetur, NON PRÆDETERMINARI OMNINO AD VNVM, & ejusmodi gratiam præuenientem non tollere à voluntate nostra POSSIBILITATEM PROXIMAM ET EXPEDITAM ad oppositum, ETIAM STANTE TALI GRATIA PRÆVENIENTE EFFICACI..... Et hinc facilis via aperitur ad conuincendos & reducendos

3. Proposit.

Ad merendum & demerendum in statu naturæ lapsæ non requiritur in homine libertas à necessitate, sed sufficit libertas à coactione.

ad operandum facultatem, possitque seipsam ad agendum applicare, aut se ab agendo continere IN VNO ET EODEM INSTANTI, licet non pro eodem.

Addit ibidem, habere potentiam PROXIMAM ad exercitium suæ libertatis, quia positis omnibus ad agendum requisitis, potest agere & non agere, agere hoc vel illud.

Ibid. quest. 20. art. 4. controu. 2. Deus causas necessarias ita mouet, vt necessitate quadam ad vnum determinet. Has verò (liberas) nullâ impositâ necessitate præmouet ad singulos actus determinatè. Ita vt non in solius Dei potestate & operatione, SED IN AGENTIS LIBERI FACULTATE POSITA SIT actionis determinatio.

Ibid. Hoc ipso quòd Deus constituit dare influxum iuxta modum & naturam liberi arbitrii, constituit etiam dare. 1. offert & dat influxum SIMPLICITER INDIFFERENTEM, quia vt modificatur libertate voluntatis indifferens est, quamuis in ordine ad diuinæ voluntatis efficacitatem ac providentiam Dei infallibilem non sit indifferens, sed infallibilis, & ideo determinatus determinatione, non destruyente libertatem.

Ibid. quest. 22. art. 4. Nedum in sensu diuiso, sed etiam in sensu composito, voluntas cum tali motione est INDIFFERENS AD VTRVMQUE OPPOSITVM.

Ibid. Diuinus influxus impellit ad mouendum simul cum voluntate seipsam mouente: & licet inferat actum infallibiliter, potest tamen voluntas, antequam sit per actuale impulsu in actu secundo, RESISTERE, ET EFFECTVM ILLIVS IMPEDIRE, CVM SIT INDIFFERENS AD VTRVMQUE OPPOSITVM.

Ibid. ad quest. 14. art. 13. controu. 6. Ex dictis sequitur necessitatem sensus compositi, QUÆ EST ETIAM NECESSITAS SUPPOSITIONIS, non sic esse intelligendam, vt stante v. c. præscientia Dei de locutione futura, nulla maneat contingentia, indifferentia siue libertas in causa, videlicet in voluntate ad loquendum, vel non loquendum. Hic enim sensus nedum falsus est, SED ETIAM HÆRETICVS. Nam quid prodest quòd mea voluntas absolute, siue secundum naturam suam considerata, libera sit ad legendum, vel non legen-

IANSENIVS.

3. Proposit.

Ad merendum & demerendum in statu naturæ lapsæ non requiritur in homine libertas à necessitate, sed sufficit libertas à coactione.

IANSENIVS.

3. Proposit.

*Ad merendum & de-
merendum
in statu na-
ture lapsæ
non requiri-
tur in homi-
ne libertas à
necessitate,
sed sufficit li-
bertas à con-
stitione.*

dum cras, si supposita præscientia Dei de lectione cras futura, non potest non legere, sed est omnino determinata ad legendum? Sic enim nunquam voluntas sua vteretur libertate, & ex consequenti, nullus esset effectus liber. Igitur necessitas, quam habet propositio sumpta in sensu composito, in eo consistit, quod suppositio exigit ut effectus, putà loquutio, certò ponatur & non ejus oppositum; non autem efficit ut non poterit simpliciter ejus oppositum poni per eandem causam, quæ libera est. Cum hoc autem, ut dicimus, remanet integra libertas. Non enim de ratione libertatis est ut possit in oppositum simul pro eodem instanti.

Ibid. Video nunc te sedentem, & supposito quod videam te sedentem, necessario sedes; sed quoniam hæc suppositio certæ visionis est connexa cum eo objecto, quod est in potestate tua, potes enim sedere & non sedere; ideo hæc suppositio non tollit sessionis tuæ libertatem, seu contingentiam, sed remanet simpliciter libera, siue contingens. Cum itaque suppositio certæ diuinæ præscientiæ sit connexa per quandam habitudinem cum effectu contingente, tanquam effectu secundario, qui effectus contingens est in potestate causæ secundæ, sequitur quod suppositio diuinæ præscientiæ non tollit libertatem, vel contingentiam effectus futuri.

DIDACVS NVGNES CABEZUDO

tract. de auxil. ad quest. 72. 3. par.

Quest. 2. pag. 82. edit. Veneta an. 1612. Liberum arbitrium hominis secundum se ET ESSENTIALITER est indifferens ad utramque partem contradictionis: ergo per solam comprehensionem, supereminentem ipsius liberi arbitrii creati, non cognoscitur certò & infallibiliter determinatio ejus ad alteram partem, etiam si constituatur homo in illo ordine rerum cum talibus circumstantiis & auxiliis. Quia neque ille ordo rerum, neque illæ circumstantiæ determinant liberum arbitrium. ERGO CVM SECUNDVM SE SIT INDIFFERENS, SEMPER MANET ET COGNOSCITVR INDIFFERENS.

Ibid. pag. 99. col. 1. Ratio essentialis libertatis per se i. consistit in productione actus, qui regulatur per cognitionem indifferentiae mediorum; & ex hoc sequitur quod potentia sic operans possit OPERARI ET NON OPERARI.

His adde quae sunt allata ad duas propositiones praecedentes, Ei qui non orat ideo imputari, quod non oret, quia habet auxilium sufficiens ad orandum: Et in vniuersum, ideo reos esse qui carent auxilio efficaci ad vitandum peccatum: quia per auxilium sufficiens habent potentiam completam, non ligatam, non impeditam; Et esse manifestam haeresim hoc negare, etiam in obduratis & excaecatis.

Adde quod ibidem dicit pag. 86. Amorem beatificum non esse liberum, ea scilicet libertate, quae ad meritum requiritur, hoc est libertate arbitrii.

IANSENIV
3. Proposit.
Ad merendum & demerendum in statu naturae lapsae non requiritur in homine libertas à necessitate, sed sufficit libertas à coactione.

PETRVS LEDESMA.

ART. I. de Auxiliis pag. 214. col. 1. Voluntas libera, ut libera est, determinatur iuxta modum suae libertatis taliter, quod absolutè & simpliciter manet indifferens. Igitur ut libera, postulat ita determinari ut maneat indifferens, ac proinde ut excludat necessitatem agendi, contrariam indifferentiae. Ledesma verò non agit de alia indifferentia, quam de illa, quae requiritur ad imputabilitatem bonarum & malarum actionum. Significat insuper cujusmodi sit illa necessitas, quam excludit hac indifferentia libertati intrinseca; ea scilicet est, quae reperitur in beatis, qui vident Deum, qui quidem, inquit, necessariò diligunt illum, *ibid. pag. 215. Vnde dicit postea pag. 226.* Beatos non esse liberos ad non peccandum.

Ibid. pag. 223. Illa definitio (*Causa libera est illa, quae positis omnibus, &c.*) ut bona sit, debet intelligi de requisitis ex parte potentiae, quae constituunt ipsam potentiam in ratione virtutis & potentiae in actu primo, & prius naturâ, quam intelligatur ipse actus secundus, ut dicit etiam Suares. Igitur positis omnibus illis EST NECESSARIUM quod possit operari & non operari. Et ideo mox subdit, auxilium praedeterminans non se tenet ex parte potentiae, nec constituit illam in actu primo, neque complet actum primum. Itaque non impedit quominus in

— — — actu primo completo libera voluntas sit indifferens.
 IANSENIUS. *Ibid. pag. 225.* Ad 12. dicendum est quod per illam determi-
 nationem receptam ab ipso Deo in voluntate, voluntas deter-
 minatur ad operandum, nihilominus tamen non amittit PRO-
 XIMAM INDIFFERENTIAM ACTIVAM AD VOLEN-
 DUM ET NOLENDUM, quam voluntas habet simpliciter &
 absolutè.
Ibid. ar. 13. pag. 273. Ante omnia, hæretici nostri temporis
 affirmant dari auxilium efficax. . . . Et vocant auxilium ef-
 ficax motionem quandam diuinam, quæ ita determinat vo-
 luntatem, VT NECESSITATEM ILLI INFERAT. *Atqui*
hoc ipsum dicit Iansenius, habet igitur locum ex Ledesma inter hæresi-
cos nostri temporis.
Et tamen addendum quod dicit art. 10. pag. 229. col. 1. Consi-
 derandum, quod illa prædeterminatio etiam si physica sit,
 non constituit causam naturalem, quæ non possit CONSEN-
 TIRE, VEL DISSENTIRE, VEL ABIICERE MOTIO-
 NEM. . . . ITAQUE STANTE TALI MOTIONE efficaci,
 voluntas manet libera & non determinata naturaliter; Vnde
 absolutè POTEST DISSENTIRE, SI VELIT. *Iterum:* Etiam
 stante illo auxilio potest dissentire. *En in quo distinguit causam*
liberam contra naturalem, in eo quod libera possit consentire vel dis-

sentire. Et hoc stare vult cum prædeterminatione, propter quod cum illa stare debeat libertas. Atqui Iansenius disertè negat in defensione tertiæ propositionis id esse necessarium.

IANSENIUS.

3. Proposit.

Ad merendum & demerendum in statu nature lapsæ non requiritur in homine libertas à necessitate, sed sufficit libertas à coactione.

BALTHAZAR NAVARETE.

AD *quæst.* 19. *ar.* 8. 1. *par. controu.* 20. Respondetur ergo ad omnia argumenta simul, quod quamvis auxilium efficax sit determinatum ad vnum actum intrinsecè, tamen actuatur liberum arbitrium, RELINQVENDO IN EODEM INSTANTI FACULTATEM EIDEM VT POSSIT RESISTERE tali auxilio, atque aded ex ipso modo actuandi sequitur, vt si liberum arbitrium velit, NON SE SVBICIAT AVXILIO. Quod si non resistat statim idem auxilium ex suo intrinseco modo, tribuit ei efficaciam & determinationem ad vnum. Quo fit vt absolute possit liberum arbitrium IN ILLO INSTANTI NON ADMITTERE AVXILIUM EFFICAX; si tamen non resistat, sequitur per consequentiam necessariam, actus. Itaque auxilium efficax denotat voluntatem diuinam, non quidem indifferentem ad vtrumlibet, sed determinatam ad vnum: atque aded licet ex vi talis determinationis non habeat voluntas indifferentiam ad vtrumlibet in operando, habet tamen illam ex vi actualis concursus Dei, quo voluntati actualiter tribuitur POSSE OPERARI VEL NON OPERARI IN EODEM INSTANTI, in quo voluntas non resistit. Quapropter ex voluntate & auxilio, tanquam ex principio totali confurgit libertas & determinatio ad operandum, & determinatio libera in operando. Nam actuando auxilium efficax voluntatem & liberum arbitrium conformiter ad suam naturam, non actuatur ex modo, quo forma naturalis actuatur subiectum, scilicet attendendo in subiecto ad solam potentiam naturalem, sed potius attendendo AD INDIFFERENTIAM EXPLICATAM: ET RELINQVENDO POTENTIAM AD RESISTENDVM IN EODEM INSTANTI.

Ibid. pag. 311. Quando Deus concurrit cum causa libera, mouendo eam efficaciter ad operandum, communicat eidem

IANSENIVS.

3. Proposit.

Ad merendum & demerendum in statu naturæ lapsæ non requiritur in homine libertas à necessitate, sed sufficit libertas à coactione.

SVAM INDIFFERENTIAM mediâ actuali indifferentiâ, quam causa ipsa habet in eodem instanti, in quo mouetur efficaciter.

Item ibid. Deum promouendo conseruare libertatem ; quia CAUSAT ACTVALEM INDIFFERENTIAM, & quando efficaciter incipit mouere, RELINQVERE LIBERTATEM AD RESISTENDVM. Potuitne clariùs ad constituendam libertatem arbitrii, indifferentia requiri & excludi necessitas illi opposita? Et, potestne non esse proxima indifferentia illa, quæ est in eodem instanti, cum prædeterminatione ad abjiciendam ipsam prædeterminationem?

IOANNES A SANCTO THOMA.

DISP. 3. ar. 5. pag. 93. col. 2. nu. 7. Duplex ergo efficacia in Deo, respectu nostri liberi actus potest considerari; una quæ solum velit determinatum actum, sed non ejus modum libertatis; alia quæ & substantiam actus & modum libertatis velit & causet. Efficacia prima SINE INDIFFERENTIA DATA, & non causans aut non curans de libertate, sed solum de determinatione actus tolleretur libertatem.

Columna priore ibid. Calvinus posuit decretum Dei, necessitans nos seu determinans vt necessariò faciamus, non vt liberè.

Ibid. disp. 4. pag. 110. nu. 2. Libertas est propria intellectualis naturæ; quia ex sua vniuersalissima indifferentia in iudicando petit etiam hanc INDIFFERENTIAM IN VOLENDO ET OPERANDO.

Ibid. Liberum est quod habet dominium sui actus, & POTEST AGERE ET NON AGERE.

Ibid. pag. 111. col. 1. Deum respectu suæ bonitatis habere AMOREM NECESSARIVM; respectu aliorum habere AMOREM LIBERVM.

Ibid. ar. 4. pag. 121. col. 1. nu. 13. Secundò collige hanc indifferentiam & libertatem esse in Deo maximè intrinsecam & formalem.

Ibid. ar. 5. pag. 122. col. 2. nu. 1. Dicimus verissimum esse quòd

in Deo non potest dari indifferentia penes egredi & non egredi à potentia voluntatis; sed dari indifferentiam actus **PENES TANGERE, VEL NON TANGERE IPSVM OBIECTVM CREATVM.**

IANSENIVS.

3. Proposit.

Ibid. pag. 123. col. 1. Si verò intelligatur quòd vt aliquid sit liberum, exigitur quod possit abesse & adesse quasi actiue, id est, quòd possit facere vt adsit, vel absit objectum, quod habet pro effectu, sic verum est, quòd actus ille (Dei) est liber & indifferens actiue entitatiue passiue non est indifferens, entitatiue actiue est indifferens.

Ad merendum & demerendum in statu nature lapsæ non requiritur in homine libertas à necessitate, sed sufficit libertas à coactione.

Ibid. ar. 6. pag. 132. col. 1. num. 12. Secunda ratio denegandi Deo etiam simplicem complacentiam de rebus possibilibus sumitur ex eo quòd nec liberè nec necessariò potest diuina voluntas ferri in illas.

Ibid. ar. 7. pag. 143. nu. 1. Dico 1. Seipsum & quidquid formaliter diuinum est & intra Deum **DEVS DILIGIT NECESSARIÒ**: est sententia communis. *Loquitur de necessario, prout distinguitur contra liberum, vt patet ex inscriptione articuli; Quæ objecta velit Deus necessariò, quæ liberè.*

Disp. 5. ar. 5. pag. 190. col. 2. num. 2. Tum seruatur contingentia & libertas, quando sic fit vnum, quod oppositum seu non esse illius adhuc est possibile. *Et ante: NON EST POSSIBILITAS CONTINGENTIÆ ET LIBERTATIS, SI ITA EST POSSIBILITAS AD VNVM, QVOD SIT IMPOSSIBILITAS AD OPPOSITVM.*

Ibid. ar. 6. pag. 203. col. 1. nu. 12. Vnde sumitur explicatio legitima sensus compositi & diuisi, ex ipsa doctrina S. Thomæ, non vt putant aduersarii, quòd sensus compositus sit, posito auxilio, & sensus diuisus, sublato sed D. Thomas sumit sensum diuisum, etiam stante auxilio, & voluntate, & prædestinatione Dei, ita quòd illo posito sequitur in sensu diuiso, actum esse liberum.

Ibid. col. 2. nu. 13. Id quod in nobis causat illa voluntas efficax, est aperire cor, &c. conseruando potentiam ad oppositum, in quo stat modus libertatis, seu tollere indeterminatorem, & conseruare **INDIFFERENTIAM POTESTATIS ET DOMINII QVOD HABET AD VTRVMQVE ACTVM, AD FACERE ET NON FACERE,**

IANSENIVS.

3. Proposit.

*Ad merendum & de-
merendum
in statu na-
tura lapsæ
non requiri-
tur in homi-
ne libertas à
necessitate,
sed sufficit li-
bertas à con-
ditione.*

Ibid. pag. 204. col. 2. nu. 17. Respondemus Concilium validi-
ssimè allisisse totam Calvinistarum hæresim. Quia Calvinus
.... negavit excitantem gratiam cum excitatione indifferenti
..... Concilium ergo ad extirpandam hanc hæresim à sua ra-
dice, definiuit dari in nobis excitantem gratiam.... Et hanc
ita tangere cor hominis cum indifferentia, quòd homo ali-
quid agat eam recipiens & possit abiicere. Qua definitione
posita, corrumpitur tota hæresis Caluini, quia non sic impellitur vo-
luntas nostra vt necessitetur & non excitetur, siquidem da-
tur excitans gratia tali indifferentia, quod potest abiici à
nobis.

Ibid. nu. 18. Et ita manet EXPEDITA LIBERTAS AD
VTRVMQVE ex parte potentia, NEC LIGATUR FACUL-
TAS per determinationem Dei, sed aperitur cor, &c. Doctri-
na ista de indifferentia excitationis de potentia rejiciendi illam
& dissentendi, si velit, potentia antecedenti & in sensu diuiso,
omni Dei auxilio, etiam specialissimo, communis est.

Ibid. pag. 213. Per determinationem ad vnum actum non im-
pediri facultatem voluntatis ad oppositum.

Ibid. pag. 215. col. 2. nu. 51. Potentia non liberæ remanent sub
potentia antecedenter tantum ad aliam formam, SED NON
INDIFFERENTIA DOMINATIVA & ex arbitrio se mo-
uente.

Ibid. disp. 7. ar. 4. pag. 308. col. 1. nu. 40. Nec currit similis ratio
in illuminante aut in visione beatifica voluntatem rapiente,
quia tales causæ non solum antecedunt, sed etiam non cau-
sant ex parte rei causatæ libertatem & liberum modum agen-
di, sed coarctantur & coarctant ad vnum tantum modum ope-
randi, Diuina verò voluntas, &c.

*Ex his dictis constat Thomistas vno ore damnare 3. Iansenii Pro-
positionem: quatenus negat indifferentiam seu potentiam agendi &
non agendi necessariam esse ad libertatem arbitrii, & admittit necessita-
tem etiam talem, qualis est in beatis ad amandum Deum: Indifferen-
tiam autem illam quæ necessaria est, esse proximam & expeditam, pu-
taréque ita esse sentiendum, ut vitetur error Caluini & Lutheri.*

*Doctrina Thomistarum superius expressa contra tertiam propositionem
Iansenii, huic etiam quarta contraria est, quatenus asserit in secunda
parte*

parte Semipelagianos in hoc fuisse hereticos, quòd talem admitterent
interiorem gratiam praeuenientem, cui posset humana voluntas resistere
vel obtemperare.

IANSENIVS.

4. Proposit.

Semipelagia-
ni admitta-
bant prae-
uenientis gra-
tia interioris
necessitatem

ad singulos
actus, etiam
adiutivum fi-
dei: Et in hoc
erant here-
tici quòd
vellent eam
gratiam
talem esse,
cui posset hu-
mana volun-
tas resistere
vel obtempe-
rare.

DIDACVS ALVAREZ.

SEQUITUR enim inde Semipelagianum fuisse Didacum Alvarez
quando dixit loco superius allato, ex mente Concilii Senonensis &
Tridentini. Quòd in instanti in quo liberum arbitrium mo-
uetur à Deo efficaciter, manet in eo libera & expedita fa-
cultas, qua potest non operari si velit. *Disp. 91. de auxil. nu. 8.*
Item. Sensum esse Caluini, quòd videlicet quando gratia
efficax est in voluntate, non possit voluntas non agere actum
illum, ad quem determinatur, ablatâ verò inotione possit non
agere. *1. Resp. cap. 1. nu. 34.*

Item. Caluinum in eo deceptum, quia putauit illam proposi-
tionem, liberum arbitrium motum à Deo gratia efficaci non
potest dissentire in sensu composito, nihil aliud significare,
nisi quòd postquam jam gratia efficax in voluntate posita est,
non possit liberum arbitrium dissentire ac refragari, ablatâ
verò gratiâ possit. Et si hoc semel concederetur, sine du-
bio euerteretur libertas arbitrii, nec posset per distinctionem
illam sensus compositi & diuisi concordari cum decreto ab-
solutò voluntatis Diuinæ, prædeterminantis omnes actus bo-
nos futuros; nec cum efficacia auxilii præoperantis gratiæ.
Ibid. cap. 4. nu. 9.

Ibid. Liberum arbitrium positis omnibus requisitis ad ope-
randum posse potentiâ proximâ & expeditâ operari & non ope-
rari, velle & nolle. *Disp. 117. de auxil. nu. ii.*

Idem. In voluntate hominis cum omnibus prærequisitis etiam
ex parte Dei vt actualiter velit tale objectum per iudicium ra-
tionis sibi propositum, stare simul & conseruari illæsam ve-
ram facultatem, quâ potest nolle idem objectum aut contra-
rium: Et ideo tam agere quàm non agere esse in potestate vo-
luntatis. Et cum iudicio rationis indifferenti & omnibus præ-
requisitis vt voluntas consentiat in tale objectum, manere
in eadem voluntate expeditam facultatem, quâ possit.

IANSENIVS.

dissentire, si velit. 4. *Resp. cap. 1. num. 10.*

4. Proposit.

Item. Cum auxilio efficaci præmouente ad aliquam actionem saluari in libero arbitrio expeditam facultatem, qua possit dissentire, si velit. *Ibid. nu. 13.*

*Semipelagiani admittere-
bant præuen-*

nientis gratia interioris

necessitatem

ad singulos

actus, etiam

ad initium fi-

dei: Et in hoc

erant heretici

quod vel-

lent eam ta-

lem esse, cui

posset huma-

na voluntas

resistere vel

obtempera-

re.

Item. Simpliciter loquendo voluntatem non exire in opus necessarium, sed liberè, etiam post acceptam motionem & simpliciter posse non operari toto tempore, quo habet illam: nec auferri potentiam proximam ad actum oppositum. *Disp. 23. de auxil. nu. 28. & Disp. 22.*

Idem est voluntatem posse resistere vel obtemperare etiam illi gratia quæ est efficax, ac posse illi consentire vel dissentire, posse agere vel non agere, illà supposità, quod toties & tot modis Didacus asserit; Ac proinde vel illud non est Semipelagianum, vel Semipelagianus est Didacus.

GONCALEZ DE ALBELDA.

IDEM erit dicendum de Ioanne Goncaliz, nam etiam inculcare non cessat indifferentiam & potestatem agendi expeditam & proximam esse ad libertatem necessariam, ac proinde manere cum gratia & sub gratia efficaci, ut monstratum est in superiori proxima propositione.

Recolendum est illud ex *disp. 57. sect. 3. nu. 48.* Contra Hæreticos Calvinistas constantissimè asserendum, quod voluntas nostra potest non sequi, si velit, motionem efficacem. Efficaciam enim diuinæ motionis non consistere in hoc quod tollat à voluntate nostra LIBERAM ET EXPEDITAM FACULTATEM eam abjiciendi, si velit, sed in eo quod de facto eam non abjiciat, cum tamen possit. Velle enim Deum decreto suo absoluto vtrumque, quod liberum arbitrium nostrum sequatur motionem ejus efficacem, & quod habeat LIBERAM ET EXPEDITAM FACULTATEM ad non sequendum, si velit.

Et nu. 51. Ly. potest, cum dicitur liberum arbitrium posse dissentire, interpretandum de potentia proxima expedita.

Et nu. 54. Ex suppositione gratiæ efficacis sequi necessitatem agendi tantum cum habitudine ad nostrum liberum arbitrium, ut expeditè indifferens ad oppositum, quod ter, aut quater repetit *num. 55. & 56. Et nu. 63.* Relinqui potentiam proximam & li-

beram facultatem ad determinandum se ad hoc potius, quàm illud. IANSENIUS.

Disp. 58. sect. 1. nu. 7. Prædeterminari voluntatem per modum libertatis, manente intrinseca indifferentia PROXIMA ET EXPEDITA ad vtrumlibet. 4. Proposit. Semipelagiani admittere-
bant præue-

Ibid. sect. 3. nu. 34. Illud verbum, quo dicitur liberum arbitrium posse dissentire, non denotare quoddam semotà præmotione efficaci, potest proximè & expedite dissentire, si velit; sed denotare, quoddam ETIAM STANTE ILLA POTEST PROXIME ET EXPEDITE DISSENTIRE, SI VELIT. nientis gratia interioris necessitatem ad singulos actus, etiam ad initium

Et num. 36. Non dici dissensum impossibilem libero arbitrio excitato per gratiam efficacem, quia implicet absolutè poni simul dissensum cum libero arbitrio, sic excitato. Hoc enim falsum esse. Et si sic excitatum NON ESSET PROXIME ET EXPEDITE INDIFFERENS AD VTRVMLIBET, NON FORE LIBERVM. fidei: Et in hoc erant hæretici quod vellent eam gratiam talem esse, cui posset humana voluntas resistere vel obtemperare.

Et nu. 38. Gratiam efficacem non inclinare determinatè ad vnum, quasi per modum naturæ, sed cum indifferentia libera & expedita ad oppositum. . . . ET NON ADÆQVARE TOTAM VIM RESISTENDI, QUAM HABET VOLUNTAS.

Et discut. 75. sect. 3. nu. 41. Firmissimè teneri à Thomistis, voluntatem nostram per gratiam præuenientem efficacem, quâ à Deo excitatur & mouetur, non prædeterminari OMNINO ad vnum; NEC TOLLERE POSSIBILITATÈM PROXIMAM ET EXPEDITAM ad oppositum, etiam stante tali gratia.

Denique Gonzalez citatis locis quinquies supra vigesies, requirit PROXIMAM ET EXPEDITAM FACULTATEM AD VTRVMLIBET OPPOSITORVM, ut saluetur libertas, & contendit stare illam cum gratia efficaci, quod est dicere cum illa gratia conjungi potè posse dissentire, seu non consentire, ac proinde resistere. Est igitur etiam ille Semipelagianus, si vera est propositio Iansenii.



IANSENIVS.

4. Proposit.

IOANNES PAVLVS NAZARIVS.

Semipelagiani admissabant preuenientis gratia interioris necessitatem ad singulos actus, etiam ad initium fidei: Et in hoc errant haeretici quod vellent eam gratiam tantum esse, cui posset humana voluntas resistere vel obtemperare.

NIHILO magis excusari poterit Ioannes Paulus Nazarius, qui etiam ipse intrinsecam esse putat libero arbitrio indifferentiam, & promptam atque expeditam facultatem agendi & non agendi, & consequenter resistendi vel obtemperandi etiam gratia efficaci, siquidem cum illa stat libertas. Constat hoc ex iis quae dicuntur ad art. 20. quaest. 19. 1. part. controu. unica. Definitionem liberi arbitrii sic posse constitui. Liberum arbitrium est voluntas, prout est electiua, ex iudicio rationis, AD DIVERSA INDIFFERENTI, POTENS AGERE ET NON AGERE. Esse etiam communiter receptam ab omnibus illam definitionem, Potentia libera est illa, quae positis omnibus ad agendum requisitis, potest agere & non agere hoc vel illud: Et cum dicitur posse agere & non agere, & agere hoc vel illud, nihil aliud esse, quam habere potentiam contradictionis & contrarietatis; nec quamlibet potentiam contradictionis satis esse, ut sit potentia libera, sed requiri potentiam contradictionis, quae in eodem instanti, non tamen pro eodem coniunctim, sed diuissim habeat in sua facultate VTRAMQUE CONTRADICTIONIS PARTEM . . . Eam enim potentiam quae successiue tantum potens est ad agendum & non agendum, ut scilicet nunc possit agere, & postea possit non agere, non esse potentiam liberam. Debere potentiam liberam, positis omnibus ad agendum requisitis, IN EODEM INSTANTI, habere PROMPTAM ET EXPEDITAM ad operandum facultatem; posseque se ipsam ad agendum applicare, aut se ab agendo continere.

Item ad quaest. 20. art. 4. controu. 2. Deum quidem causas necessarias ita mouere, ut ad vnum determinet necessitate quadam: liberas autem NULLA IMPOSITA NECESSITATE premouere ad singulos actus determinate; ita ut non in solius Dei potestate & operatione, sed in agentis liberi facultate posita sit agentis determinatio.

Item ad quaest. 22. art. 4. Diuinum influxum impellere ad mouendum simul cum voluntate seipsam mouente, & licet inferat actum infallibiliter, posse tamen voluntatem antequam sit

per actuale influxum in actu secundo RESISTERE ET EFFECTVM ILLIVS IMPEDIRE, cū sit indifferens ad vtrumque oppositum.

Item ad quæst. 14. art. 13. controu. 6. ESSE SENSVM HERETICVM, ita intelligere necessitatem ex suppositione, vt cāstante nulla maneat contingentia, indifferentia siue libertas in voluntate Ita enim voluntatem numquam exercere suam libertatem; nec ex consequenti superesse vllum effectum liberum: & debere voluntatem posse non facere id ad quod determinatur.

Vides totam hanc Nazarii doctrinam hoc stabilire quod Iansenii propositio Semipelagianum pronuntiat.

IANSENIVS
4. Proposit.

Semipelagiani admittentis gratia interioris necessitatem ad singulos actus, etiam ad initium fidei: Et in hoc erant heretici quod velent eam gratiam talem esse, cui posset humana voluntas resistere vel obtemperare.

DIDACVS NVGNES CABEZVDO.

RECOGNOSCENDA pariter sunt ea quæ producta sunt ex Cabezudo, vt constat ipsum quoque Semipelagianismi damnatum esse à Iansenio, cū dicit tract. de Auxiliis ad quæst. 72. 3. part. quæst. 2. liberum arbitrium secundum se & essentialiter esse indifferens ad vtramque partem contradictionis, pag. 82. edit. Venetæ.

Item. Auxilium efficax præsupponere potentiam OMNINO COMPLETAM, NON LIGATAM, NON IMPEDITAM AD VTRVMLIBET. pag. 83.

Item pag. 99. Rationem essentialem libertatis per se primò consistere in productione actus, qui regulatur per cognitionem indifferentiæ mediorum. Et ex hoc sequi quòd potentia sic operans POSSIT OPERARI ET NON OPERARI.

Ex iis manifestè sequi auxilium efficax, datum ab ipso Deo, & existens simul tempore & prius naturâ, quàm nostra operatio, nullo modo tollere vel minuere libertatem illius, propterea quòd non tollat cognitionem indifferentiæ mediorum.

Vnde inferas, cū diuina gratia non tollat libertatem, consequenter esse talem, vt ei creata voluntas possit resistere vel obtemperare: ac proinde Semipelagianam esse Cabezudi doctrinam, si Iansenii Catholica est.

IANSENIVS.

4. Proposit.

Semipelagiani admittentibus praeuenientis gratia interioris necessitatem ad singulos actus, etiam ad initium fidei: Et in hoc erant heretici quod velent eam gratiam talem esse, cui posset humana voluntas resistere vel obtemperare.

PETRVS LEDESMA.

HVC quoque referenda sunt quae sunt allata superius ex Ledesma de necessitate indifferentia, ad constituendam libertatem. Et quod illa retineatur etiam sub gratia efficaci, & quod sint haeretici qui hoc negant. Nam cum indifferentiam retineri sit idem ac retineri potestatem non consentiendi, quod est resistere impulsui diuinae gratiae, sequitur ex Ledesma voluntatem resistere posse gratiae efficaci, & si hoc Semipelagianum est, Semipelagianum esse Ledesmam, qui ex aduerso Calvinistas vocat eos qui contradicunt. Hac inter alia notari possunt.

Ar. 1. pag. 49. Ex eo quod sit necessarium ut voluntas praedeterminetur ab ipso Deo per auxilium, non colligitur quod non sit in potestate voluntatis consentire vel dissentire.

Art. 10. pag. 225. col. 2. Voluntas libera est absolute loquendo & ABSOLVTE POTEST RESISTERE DEI AVXILIO, quamuis non in sensu composito, quia determinatur secundum conditionem suae naturae. *Estigitur illa naturalis conditione causa libera.*

Ibid. pag. 229. col. 1. Itaque stante tali motione efficaci, voluntas manet libera & non determinata naturaliter, unde absolute POTEST DISSENTIRE SI VELIT, etiam STANTE ILLO AVXILIO POTEST DISSENTIRE.

Ibid. ar. 13. pag. 284. Auxilium efficax relinquit potentiam in qua recipitur habilem ut possit ACTVM VITARE, CONSENTIRE, DISSENTIRE, & voluntatem posse ei RESISTERE absolute loquendo.

Ibid. 285. Ad auxilium efficax consequi actum infallibiliter, non tamen INEVITABILITER. *Potest igitur evitari consensus. Et quid hoc aliud est, quam liberum arbitrium posse consentire vel dissentire diuinae gratiae, quod Iansenio in quarta propositione Semipelagianum videtur?*

BALTHAZAR NAVARETTE.

IANSENIVS.

4. Proposit.

Semipelagia-
ni admittere-

EX dictis ab hoc Authore contra tertiam propositionem hic tantum repetenda sunt ista. Auxilium efficax actuare liberum arbitrium relinquendo in eodem instanti facultatem eidem ut possit resistere tali auxilio: Ex isto modo actuandi sequi, ut si liberum arbitrium velit, non se subiciat auxilio: Absolutè posse liberum arbitrium in illo instanti non admittere auxilium efficax: Habere indifferentiam ex vi actualis concursus Dei, quo voluntati actualiter tribuitur posse operari vel non operari in eodem instanti, in quo eadem voluntas non resistit: Auxilium efficax actuare liberum arbitrium conformiter ad suam naturam, attendendo ad indifferentiam explicatam & relinquendo potentiam ad resistendum in eodem instanti; Deum mouendo efficaciter causam liberam communicare illi indifferentiam, conseruare libertatem, quia causat actua- lem indifferentiam, & quando incipit efficaciter mouere, relinquere libertatem ad resistendum. *Non potest expressius con- tradici Ianseniana propositioni quarta.*

bant prae-
nientis gra-
tia interioris
necessitatem
ad omnes a-
ctus, etiam
ad initium fi-
dei: Et in hoc
erant hereti-
ci, quòd vel-
lent eam gra-
tiam talem
esse, cui pos-
set humana
voluntas resi-
stere vel ob-
temperare.

IOANNES A SANCTO THOMA

tom. 2. in 1. part. antea citato.

DISPVTAT. 3. art. 5. pag. 98. col. 1. nu. 25. Secunda propositio: Supposito decreto efficaci de se solo, non possumus non velle dissentire, aut resistere, apud Thomistas secundum Catholicam doctrinam habet hunc sensum; non possumus dissentire aut resistere POTENTIA ANTECEDENTI, EST FALSVM ET HÆRETICVM: potentia consequenti, est verum & Catholicum; Potentia antecedens est potentia sine actu resistantiæ, SED CVM POTESTATE RESISTENDI... Positâ ergo efficaciâ Dei, dante actum & libertatem actus, MANET POTESTAS RESISTENDI ANTECEDENS, id enim conseruat gratia, conseruando libertatem.

IANSENIVS. *Ibid. disput. 5. pag. 178. col. 1. nu. 16.* Sicut aquæ non resistunt diuisioni, quæ manu hortulani fit, ita etiam cor Regis MANENTE POTESTATE ET LIBERTATE SUA ANTECEDENTI AD RESISTENDVM de facto non resistit Deo, mouenti quocumque voluerit.

4. Proposit. *Semipelagianismum admittere præuenientis gratia interioris necessitatem* *Ibid. arti. 6. pag. 202. nu. 9. col. 1.* Gratia Dei quantumcumque efficax non tollit posse sibi resisti, & dissentiri, & deficere:

ad omnes actus, etiam ad initium fidei: Et in hoc erant heretici, quod velent eam gratiam talem esse, cui posset humana voluntas resistere vel obtemperare. *Ibid. pag. 204. col. 2. nu. 17.* Si homo potest abjicere gratiam excitantem, potest consequenter dissentiri gratiæ efficaci.

Ibid. nu. 18. Quare Concilium non definiuit quòd possumus resistere auxilio sufficienti tantum, omisso efficaci, in quo faciunt vim Calvinistæ, SED ETIAM EFFICACI POSSVMVS DISSENTIRI.

Disput. 7. arti. 4. pag. 307. col. 1. num. 36. Voluntas Dei prædefinitioni & operationi resistere potest potentiâ antecedenti, quia hoc ipsum Deus illi tribuit, vt sic possit oppositum; non potentiâ consequenti, quia sic mouet, vt de facto non resistat.

Ibid. pag. 308. col. 1. nu. 39. Quantum ad modum istius infalibilitatis, respectu effectus, NULLAM NECESSITATEM INFERT DEVS, sicut infert Sol, quia iste est causa omnino coarctata, &c.

Huc spectant omnia quæ sunt allata superius ad probandum indifferentiam includi in ratione liberi, si enim manet indifferentia cum gratia efficaci, sicut manet libertas, consequenter manet etiam potestas resistendi.

Ex his constat Thomistas gratia per seipsam efficacis defensores conuenire omnes ad damnandam secundam partem quartæ Propositionis Iansenii, ac putare pertinere illam ad errorem recentium hereticorum: Primam etiam partem disertè rejiciunt ex jam citatis Ledesma arti. 13. pag. 275. & Nauarette controu. 12. Qui fatentur Semipelagianos etiam negasse necessitatem interioris gratiæ sufficientis ad initium fidei.





DIDACVS ALVAREZ.

IANSENIVS.

5. Proposit.

Semipelagianum est dicere Christum pro omnibus omnino hominibus mortuum esse, aut sanguinem fuisse.

DISPVT. 71. de *Auxil. du.* 7. Appellat autem S. Augustinus vocationem secundum propositum eam, quæ procedit ex opposito seu decreto absoluto & efficaci voluntatis diuina conuertendi, vel ad se per piam operationem trahendi, vel iustificandi hominem: aut etiam saluandi & glorificandi: vocationem verò non secundum propositum eam dicit, quæ procedit ex voluntate Dei antecedente, *QVA VULT OMNES HOMINES SALVOS FIERI*, & ad cognitionem veritatis venire.

Item nu. ii. relatis D. Th. verbis super cap. 26. Matth. Ex his desumitur argumentum, Passio Christi satisfecit pro omnibus hominibus, quantum ad sufficientiam, & pro aliquibus quantum ad efficaciam. Ergo similiter gratia quam nobis per passionem meruit, *DISTINGVI POTEST ET DEBET IN GRATIAM SVFFICIENTEM*, per quam potest homo piè operari *ET SALVARI*, & in gratiam efficacem, per quam reipsa piè operatur & saluatur.

Ibid. nu. 6. post allata verba Concilii Arauscani can. 25. Quibus verbis apertè docet omnes existentes in gratia, per Dei auxilium posse perseuerare, si velint, & ea quæ ad salutem pertinent adimplere. *Et post allata verba Trid.* Ergo, *inquit*, secundum Tridentinum datur gratia sufficiens, qua potest homo seruare omnia diuina mandata.

Ibid. num. 7. Ex Augustino auxilium sufficiens procedere ex voluntate Dei antecedente, qua vult omnes homines saluos fieri.

Et antea disp. 33. num. 1. post allatas tres explicationes sancti Augustini in illud, Deus vult omnes homines saluos fieri. Quarta explicatio, *inquit*, docet loqui Apostolum de voluntate Dei antecedente, quæ est voluntas signi & voluntas secundum quid Hanc explicationem etiam tradit S. Augustinus ad ar. sibi falso impositos, & cap. 15. de corrept. & grat. & S. Thomas &c. • *Et ante disput. 30. num. 7.* Ad secundum responderetur quodd omnes homines ordinantur ad beatitudinem super-

IANSENIVS. naturalem voluntate antecedenti : voluntate autem confe-
s. Proposit. quenti seu beneplaciti , solum prædestinati ordinantur ad
illam.

*Semipelagianum est
dicere Christi-
stum pro om-
nibus omni-
no homini-
bus mortuū
esse, aut san-
guinem fū-
disse.*

Et Disp. 33. num. 4. Sed contrā, quilibet dum est in via po-
test per auxilium gratiæ saluari: Ergo Deus vult voluntate be-
neplaciti vt omnes salui fiant, nisi per eos steterit. Respondetur
negando consequentiam; solum enim infertur DEVM VELLE
VT OMNES SALVARI POSSINT: Quod quidem ve-
rissimum est, quia quantum est ex parte sua, paratus est om-
nibus gratiam dare, vt disp. 112. & 113. manifestum fiet.

Ibid. Disp. 34. num. 5. Quarta conclusio: Voluntas antecedens
importat formaliter actum conditionatum, quo vult salutem
omnium, nisi ex hoc impediretur pulchritudo vniuersi & bo-
num vniuersale diuinæ iustitiæ & misericordiæ.

Ibid. Deus amore actuali amicitiae amat reprobum, dum
existit in gratia; ERGO VOLITIONE FORMALI VULT
ILLI BEATITVDINEM..... Ergo est formaliter volitio
conditionalis ex parte objecti voliti, videlicet si perseuera-
uerit vsque in finem.

Adde quæ docet disp. 112. n. 5. 6. 7. Deum omnibus OFFER-
RE QVANTVM EST EX SE AVXILIA INTRINSECA
SVFFICIENTIA AD SALVTEM, quod Christus pro om-
nibus mortuus sit. Et deinde omnibus adultis conferre auxi-
lium supernaturale intrinsecum ad implenda præcepta natu-
ralia, quæ supposito peccato per vires naturæ impleri non pos-
sunt; Et illud auxilium recipi ab omnibus pro loco & tempore,
quo præceptum obligat; Et præsertim dari omni homini ad
vsu rationis venienti; Et si eo bene vtatur, infallibiliter dan-
dum auxilium sufficiens ad immediatè credenda mysteria
fidei.

Et num. 9. Pro quolibet momento posse quemlibet peccato-
rem, quandiu est in via, habere speciale auxilium sufficiens: &
HANC POTENTIAM FVNDARI IN VIRTUTE CHRISTI
ET MISERICORDIA DEI: & in hoc esse differentiam in-
ter viatores & damnatos.

Et lib. 3. Resp. c. 5. num. 5. Voluntatem creatam per habitus
infusos, & motionem gratiæ excitantis habere sufficiens auxi-
lium, QVO POSSIT PIÈ OPERARI ET PERSEVERARE

VSQUE IN FINEM, ET SALVARI SI VELIT, etiam si non recipiat præmotionem efficacem, quâ piè operetur, perseueret vsque in finem, & saluetur.

Ibid. num. 10. Per auxilium sufficiens posse saluari dum sunt in via, ETIAM ILLOS, QUI DE FACTO NON SALVABUNT VR; non sequi quòd non possit saluari etiam ille, qui non habet donum perseuerantiæ, sed solùm quòd reipsa non saluabitur. *Et num. 27.* Potentiam, quæ per huiusmodi auxilium sufficiens constituitur, ITA ESSE PROXIMAM, VT NIHIL MEDIET, QVOD TRIBVAT SVBIECTO POTESTATEM, SEV VIRTVTEM IN ACTV PRIMO.

Ex his omnibus constat iuxta Didacum esse in Deo formalem actum voluntatis, quo velit omnes homines saluos fieri, quandiu sunt in via, qui quamuis sit conditionatus, & voluntas secundum quid, non desinit tamen esse efficax, quantum ad hoc quod est dare media extrinseca iis, qui extrinsecorum tantùm sunt capaces, ut sunt infantes: intrinseca vero & supernaturalia iis, qui eorum capaces sunt, ut sunt adulti, quibus omnibus dantur auxilia, per quæ possint, vel immediatè credere diuina mysteria, vel immediatè tollere impedimenta, & ponere dispositiones ad habenda vltiora illa ad immediatè credendum auxilia, idque ob eam causam, quia Christus pro omnibus mortuus est, & quia virtus passionis ejus est infinita. Et non esse talem voluntatem circa eos, qui sunt extra viam in statu damnationis.

JO. GONCALES DE ALBELDA.

DISP. 73. in 1. sect. 3. num. 24. Electio efficax aliquorum antecedens præuisionem meritorum non est contraria vlllo modo SINCERÆ VOLVNTATI DEI GENERALI, QVÆ VULT OMNES HOMINES SALVOS FIERI. Quia ad sinceritatem hujus voluntatis sufficit communis prouidentia supernaturalis, quâ OMNIBVS VULT AVXILIA SVFFICIENTIA, VT ÆTERNAM POSSINT, SI VELINT, CONSEQVI SALVTEM.

Ibid. resp. 77. sect. 3. num. 24. Quàto dico, si auxilia sufficientia ad salutem considerentur in generali, omnibus conferuntur à Deo ejusmodi auxilia, quia pro omnibus mortuus est Chri-

— — stus: & pro omnibus instituit Sacramentum regenerationis, & IANSENIVS. suis Apostolis iussit, vt prædicarent Euangelium omni creaturæ.

5. Proposit. Et ita quandiu quis manet in hac vita, exclusus non est à remedio salutis æternæ, siue adultus sit, siue paruulus, cui per alios subueniri potest.

Semipelagianum est dicere Christum pro omnibus omnino hominibus mortuum esse, aut sanguinem fuisse.

Ibid. Illi qui in Scriptura peculiariter dicuntur, deserti à Deo, NON IDEO TALES DICVNTVR, QVIA AVXILIIS SVFFICIENTIBVS PRIVENTVR PRO LOCO ET TEMPORE, QVO INSTAT OCCASIO ADIMPLENDI PRÆCEPTVM; sed quia etiamsi auxilia sufficientia habeant, non tamen efficacia, . . . sic desertis per quandam exaggerationem dicitur impossibilis salus, quia valde difficilis, aut impossibilis solum impossibilitate, sequenti permissionem & præscientiam Dei, QVÆ NVLLO MODO TOLLIT AVT MINVIT INTRINSECAM FACVLTATEM AD OPPOSITVM.

Adde quacumque sunt allata superius de auxilio sufficienti, quod nemini deest ad perseverandum, nec ad pœnitendum suo tempore, nec ad alia implenda præcepta. Habeturenim ex meritis Christi, & constitutæ expeditæ facultatem bene viuendi & seruandi mandata, quâ ratione possent etiam qui damnantur ad vitam ingredi, quandiu sunt in via.

IOANNES PAVLVS NAZARIVS.

AD quest. 19. 1. part. art. 6. controu. 1. Cùm Deus vniuersos homines propter beatitudinem fecerit, dicitur voluntate antecedente, omnium salutem velle. Sed quia nonnulli propriæ aduersantur saluti, ob quem defectum eos ad salutem diuinæ Sapientix dispositio venire non patitur, implet in eis alio modo id quod suam concedet bonitatem, iustè illos condemnans; atque ita à primo deficientes diuinæ voluntatis ordine, in secundum labuntur, & dum Dei voluntatem non faciunt, impletur in eis diuina voluntas.

Ibid. Secundò sciendum est, quòd licèt, vt diximus, Deus vniuersos homines & Angelos propter beatitudinem creauerit, atque adeò VERE ET REALITER ILLIS OMNIBVS ÆTERNAM BEATITVDINEM VELIT CVM OMNIBVS AD EAM CONSEQVENDAM MEDIIS NECESSARIIS, non tamen hæc voluit absolutâ voluntate, sed sub conditione, vt dicit

Ambrosius, si ipsi voluerint. . . . Ea verò conditione, videlicet, si ipsi voluerint, id est, si per ipsos non steterit, comprehenduntur nedum adulti, sed ETIAM INFANTES, ratione tamen diuersa. Nam adulti includuntur immediatè & per ipsos, infantes mediantibus aliis saltem primis parentibus.

Ibid. Augustinus (*suas interpretationibus circa illud, QUI VULT OMNES HOMINES SALVOS FIERI*) non excludit interpretationem Damasceni, quæ prius fuit Chrysostomi, imò & Ambrosij. Illa igitur prima voluntas, QVA VULT OMNES HOMINES SALVOS FIERI, ABSOLUTA EST, SED INEFFICAX: conditionata verò dicitur, quia sub conditione continet efficacem voluntatem.

Ibid. Etiam si sit voluntas secundùm quid, ESSE TAMEN FORMALITER IN DEO, ET ESSE VOLUNTATEM BENEPLACITI.

Ibid. ad quæst. 23. art. 3. controu. 1. In eo instanti, siue signo, in quo præuidet Deus peccatum originale, priori modo (*id est prout est in Adam, aut etiam prout præcisè ab eius posteris contractum, non tamen ut perseverans finaliter*) non intelligitur exclusisse ab æterna beatitudine eos omnes, qui de facto tamen excluduntur. Nam in illo eodem signo statuit Deus humano generi DE SUFFICIENTI REMEDIO SALVTIS PROVIDERE. Igitur in eo signo nullum exclusit à regno. Item in illo signo, VOLUIT QUANTVM EST EX SE OMNES HOMINES SALVTEM CONSEQVI.

Ibid. Obseruandum est Deum decreuisse illis quos elegit, dare remedia & auxilia efficacia, quibus infallibiliter salutem consequerentur; illis autem, quos non elegit, statuit AUXILIA TANTVM CONFERRE SUFFICIENTIA, non autem efficacia.

Ibid. ad quæst. 23. art. 3. controu. 2. Secunda conclusio. Quilibet homo viator habet auxilium gratiæ NECESSARIVM ET SUFFICIENTIENS AD SALVTEM CONSEQUENDAM. Ex hac conclusione sequitur, quòd Deus det omnibus hominibus auxilium sufficiens ad salutem, si utamur verbo *dare*, PROVT RELATIVVM EST AD ACCIPERE. Tertia conclusio. Deus omnibus dat, siue offert auxilia extrinseca sufficientia ad salutem, licèt non omnes ea recipiant. Probat, quia Deus vult omnes homines saluos fieri. 4. Conclusio. Omnibus venientibus ad vsum rationis Deus confert supernaturale auxilium intrinsecum, instigans ad bonum.

IANSENIVS.

5. Proposit.

Semipelagianum est dicere Christum pro omnibus omnino hominibus mortuum esse aut sanguinem fuisse.

Hæc conclusio est D. Thomæ 1. 2. quæst. 89. art. 6.

Ibid. Quinta conclusio. S. Augustinus & S. Thomas NON INTENDVNT NEGARE CONFERRIA DEO AVXILIVM SUFFICIENS ETIAM OBDVRATIS ET OBCÆCATIS, VTA PECCATO RESVRGANT.

Ibid. Septima conclusio. Paruulis omnibus providit Deus auxilium supernaturale sufficiens, non tamen immediatè in seipsis, sed per alios.

Ibid. ar. 5. contron. 3. Falsum supponitur in eadem minori, videlicet secundùm hanc nostram sententiam Deum non velle dare reprobis media sufficientia, cuius oppositum suprà latè stabilivimus. Pag. 880. col. 1.

Dei voluntas circa hominum salutem, & voluntas Christi mortem suam offerentis, sunt parallela; & media sufficientia illa, quæ dicuntur reprobis data, non aliunde sunt quàm ex meritis mortis Christi. Ergo sicut Deus vult omnes homines salvos fieri voluntate subministrante media sufficientia; ita necessariò concedendum est Christum voluisse meritum Passionis suæ offerre ad eadem media impetranda.

DIDACVS NVGNES CABEZUDO.

TOM. 2. in 3. part. ad ar. 1. quæst. 86. pag. 64. editionis Vene-
tæ, an. 1612. in 2. conclusione. Impossibile est quòd peccatores salventur, nisi agant pœnitentiam; SED OMNIBVS DAT DEVS AVXILIVM SUFFICIENS AD SALVTEM, ergo etiam ad pœnitentiam. Minor patet Ioan. 3. Sic Deus dilexit mundum, vt filium suum vnigenitum daret, vt omnis qui credit in ipsum non pereat, sed habeat vitam æternam. Et 1. Ioan. 3. Ipse est propitiatio pro peccatis nostris, non pro nostris autem tantùm, sed etiam pro totius mundi. Et 1. Tim. 4. Saluator omnium, maximè fidelium.

Ibid. quæst. 1. huius 3. partis art. 2. Probatum Christum satisfecisse pro omnibus quantum ad sufficientiam; HOC ENIM EST DEDISSE OMNIBVS AVXILIVM SUFFICIENS vt agant pœnitentiam.

Vnde quæ allata sunt antea, hæresim esse manifestam, negare quòd omnis homo dum est in via & compos rationis, po-

test simpliciter loquendo agere pœnitentiam de peccatis, atque adeò quòd omnibus datur auxilium sufficiens, vt possint pœnitere; & nihil valere solutionem, quòd excipiantur excæcati & obdurati ab hac regula.

Item. Venientem ad vsum rationis habere principium intrinsecum sufficiens, vt se in Deum conuertat; quòd si faceret, habiturum sufficiens ad immediatè credendum.

Item. Etiam infantes, qui pereunt in utero materno, secundum potentiam ordinariam posse baptizari, & saluari.

IANSENIVS.
§. Proposit.
Semipelagianum est dicere Christum pro omnibus omnino hominibus mortuum esse, aut sanguinem suum

PETRUS LEDESMA.

ART. I. *de auxiliis, pag. 51. col. 1.* Ad sextum argumentum negatur sequela, & ad probationem quòd tales admonitiones & exhortationes non sint simulatæ & fictæ, sed veræ. quia licet non procedant à voluntate Dei consequente quam Deus poterat habere & non habet, circa salutem hominum in particulari, procedunt à VOLUNTATE ANTECEDENTE QUAM DEVS HABET DE SALUTE OMNIUM HOMINUM, ET QUAM IPSI ETIAM REPROBI CONSEQUI POSSENT PER AUXILIA SUFFICIENTIA QUÆ DEVS ILLIS CONFERT; Vnde sicut voluntas Dei antecedens non est fictitia & simulata, ita neque admonitiones & exhortationes, & vocationes ejus; Et ita multa sunt testimonia sacræ Scripturæ quæ pertinent ad istam rem quæ verificantur SECUNDUM VOLUNTATEM DEI ANTECEDENTEM, QUÆ DEVS VULT OMNES SALVARE, ET QUOD NON CARENT AUXILIO NECESSARIO AD SVI CONVERSIONEM. Et etiam verificantur. Quia dat Deus OMNIBVS SUFFICIENTIAM AD SALVTEM & tempus pœnitentiæ. Et sufficit dedisse auxilium sufficiens VT PECCATOR POSSIT CONVERTI. Quòd si non fecerit, suâ culpâ perit.

Adde quòd dicitur art. 13. pag. 276. Ex eo quòd datur auxilium sufficiens iusto, imputari ad culpam quòd non perseveret in bono. Et qui peccare permittuntur habere auxilium ad non peccandum.

IANSENIVS:
§. Proposit.

Semipelagianum est dicere Christum pro omnibus omnino hominibus mortuum esse, aut sanguinem fudisse.

Ibid. ar. 16. pag. 237. Esse probabile quòd omnibus detur auxilium intrinsecum ad salutem.

Et antea ar. 13. pag. 277. Distinctionem auxilii in sufficiens & efficax dicit habere fundamentum in simili loquutione antiquorum Theologorum de merito & redemptione Christi. Dicunt enim quòd satisfecit pro omnibus, quantum ad sufficientiam satisfactionis, non tamen quantum ad efficaciam. Quo dicto significat eis impetrasse auxilia sufficientia, pro quibus dicitur quantum ad sufficientiam satisfecisse.

BALTHAZAR NAVARETTE.

AD *quest. 23. contron. 36.* In instanti sequenti prauisionem peccati originalis, Deus tribuit hominibus infectis maculâ originalis peccati remedium illud VNIVERSALISSIMUM Incarnationis & Passionis Filii sui, & Sacramenta atque alia remedia Hoc supposito, rejicienda est sententia Gregorii, tenentis Deum non velle voluntate etiam antecedenti illos paruulos qui decedunt in vteris maternis, saluos fieri: Et enim Apostolus VNIVERSALITER LOQVITVR I. Tim. 2. qui vult omnes homines saluos fieri. Qui locus non solum intelligitur de voluntate, quam Deus habet ante peccatum originale, SED ETIAM DE ILLA QVAM HABVIT POST PECCATVM ORIGINALE.

IOANNES A SANCTO THOMA

tom. 2. in 1. par. S. Th. edit. Lugdun.

DI. §. ar. 6. pag. 205. nu. 19. De auxiliante autem gratia sic intelligitur (quod dicit Concilium Trid. neminem à Deo deferi) quòd Deus de se paratus est semper eam dare & perficere opus suum quod incepit, nisi per nos steterit, &c.

Ibid. pag. 207. col. 1. nu. 24. Ad illud testimonium Is. 5. Quid ultra debui facere vinea mea & non feci, &c. Respondeo quòd loqui-

loquitur DE OMNIBVS PERTINENTIBVS AD AVXILIUM SUFFICIENS ET AD POSSE FACERE: Nihil enim Deus subtrahit de necessariis; non tamen dat omnia etiam *ultrà necessaria.*

Ibid. pag. 232. col. 2. num. 15. Deus vult multos peccatores conuerti, & de se ponit media ad id sufficientia, per prædicationes, per exempla, per miracula, quæ omnia ordinantur ad conuersionem peccatoris, quæ tamen non est futura, & sic neque efficaciter volita, sicut prædicauit & fecit miracula apud Iudæos multos qui non sunt conuersi, ut conuenitur Matth. 11. & 23. *Quoties volui, &c. Ezech. 18. Nolo mortem, &c. Is. 5. Quid ultra debui, &c.* Ergo ORDINAT ET VULT DEVS CONVERSIONEM PECCATORVM ETIAM QUI CONVERTENDI NON SVNT. Et patet, quia ponit eis præceptum conuertendi, monet illos, instigat alios ut maneant, &c. Hæc autem ordinatio & præceptum, & admonitio, & VOLUNTAS IN DEO FORMALITER EST IN ORDINE AD CONVERSIONEM; IDEO enim inspirat & mouet quia illa conuersio placet illi: Ergo placet aliquid Deo de facto, NEC PLACET SOLA POSSIBILITAS, quia complacentia si datur in Deo, est communis omnibus possibilibus; Hæc autem conuersio PLACET DEO UT FIAT, ET AD ID CAVSAS ORDINAT, QUÆ AD POSSIBILITATEM SOLAM ORDINANTVR. Et tamen est inefficax voluntas respectu principalis intenti, scilicet conuersionis, licet habeat adjunctam aliquam voluntatem efficacem circa ordinationem causarum; quia de facto ponit inspirationem & admonitionem, & DE FACTO DAT SUFFICIENTIA AVXILIA; sed hoc est habere voluntatem efficacem quoad aliquid adjunctum, inefficacem verò quoad principale intentum.

Ibid. art. 8. pag. 237. col. 1. num. 32. Expositiones Augustini, (circa illud, qui vult omnes homines saluos fieri) non contradicunt expositioni Damasceni, sed vtrique procedit in diuerso sensu & diuersa ratione. . . . Et verum est quod Deus voluntate ANTECEDENTE ET INEFFICACI VULT OMNES SIMPLICITER, NVLLO EXCEPTO, SALVOS ESSE, & verum est quod non vult omnes voluntate efficaci. *Et deinde*

IANSENIVS.

s. Propositu

Semipelagiã.

num est disce-

re Christum

pro omnibus

omnino ho-

minibus

mortuum es-

se, aut san-

guinem fu-

disse.

IANSENIVS

de, voluntatem illam antecedentem nos non negamus Deo conuenire, nec fictitiam dicimus, &c.

5. Proposit.

Disput. 10. ar. 2. pag. 410. nu. 53. Ad 3. Replicam dicitur volun-

Semipelagia.

tatem Diuinam SALVANDI OMNES non contrariari volun-
tati reprobandi seu non eligendi aliquos.... NEC SINCERI-

num est dice-

TATEM DIVINAM OBNUBILARE.

re Christum

pro omnibus

omnino ho-

minibus

mortuum es-

se, aut san-

guinem fu-

disse.

Ibid. art. 3. pag. 419. num. 30. col. 2. Nihilominus in hac difficultate duo dico. Primum est, si loquamur de auxilio sufficienti communi & ex parte ipsius remedii quod datur & proponitur à Deo, tum in Sacramento pro paruulis, tum in Sacramentis & doctrina ATQVE OBLATIONE VIRIVM SUFFICIENTIVM PRO ADULTIS, omnibus paratum est & donatum à Deo auxilium sufficiens, vel in se proximè, vel in suis causis, vt in meritis & virtute Passionis Christi.

Ibid. pag. 420. col. 1. num. 31. Primum dictum negari non potest salua fide, cum innitatur vniuersalissimæ virtuti Redemptionis Christi, vniuersalitati Ecclesiæ Catholicæ, vniuersalitati illuminationis Diuinæ, tam in ordine naturali, quàm supernaturali, vniuersalitati prædicationis Apostolorum & aliorum ministrorum, & aliis similibus causis, quæ in omnes de se influxiux sunt, saltem remotè, NISI HOMINVM AVT NEGLIGENTIA AVT PECCATIS IMPEDIANTVR. NAM REDEMPTIO CHRISTI PRO OMNIBVS HOMINIBVS FACTA EST quoad sufficientiam, & Sacramenta omnibus proposita, & ad omnes qui virtutem habent, ipse est propitiatio pro peccatis nostris, non pro nostris autem tantum, sed etiàm pro totius mundi. Qui dedit redemptionem semetipsum pro omnibus. Si vnus pro omnibus mortuus est, ergo omnes mortui sunt, & pro omnibus mortuus est Christus, vt pro omnibus gustaret mortem.

Ex dictis constat Thomistas omnes gratia per seipsam efficacis defensores id docere quod Iansenio videtur Semipelagianum, Deum ita velle antecedenter omnes homines saluare, vt ex illa voluntate sequantur media sufficientia pro cuiusque capacitate omnibus collata; Et quod ad adultos spectat, vel dari omnibus vel offerri auxilia

etiam intrinseca sufficientia, ita ut per ipsos stes quod non saluentur: Atque hoc maximè verum esse de iis qui vixere aliquamdiu in statu gratiæ, quibus non defuerunt auxilia sufficientia ad perseverandum: Hæresim esse ab eo numero excludere etiam induratos, ex quo fit ut restrictio illa qua Iansenius Dei voluntatem contrahit ad salvandos tantum predestinatos, nullo modo admitti possit juxta sensum Thomistarum. Iam Christus Dominus mortuus est & sanguinem fudit pro salute illorum omnium quos Deus salvari voluit. Quod negatur in hac quinta propositione.





CAVILLI
IANSENIANORVM
CONTRA
LATAM IN IPSOS
A SEDE APOSTOLICA
SENTENTIAM.

SEV
CONFVTATIO
LIBELLI TRIVM COLVMNARVM
ET ALIARVM CONIECTVRARVM,
qucis Ianseniani obtinere conantur vt non vi-
deantur esse damnati.

CAVILL

MANUFACTURING

CO.

1841 12 14

TO THE

MANUFACTURING

CO.

CO. LTD.

1841 12 14

TO THE

MANUFACTURING

1841



*ADMONITIO AD LECTOREM,
& Nota in Diarium Santamorii.*

PROMVLGATA Innocentii X. Constitutione contra Quinque Propositiones, Ianseniani qui se de cælo tactos esse sensere, non potest dici quàm varia quàmque perturbata inierint consilia. Quinque-viri qui causam illam Romæ tunc sustentabant, ad primam suæ damnationis auram, veriti ne suscribere cogerentur, cogitare cœperunt, si qua ratione illam à se necessitatem amoliri possent. Agebatur tantùm de propositionibus à D. Corneto, vt solent dicere, fabricatis, hoc est, de illis solis de quibus adhuc quæstio perseverat. Ergo si vrgerentur vt earum damnationi subscriberent, mirabili inter ipsos consensu erexerunt scalam illam, quam deseribit Auctor Diarii, vt non subito sed pedetentim & per gradus ad summam contumaciam ascenderent. Responsuros enim primò subscriptionem imperantibus, Nullam sibi factam ab Episcopis à quibus erant missi subscribendi facultatem. | Secundò, objicientibus ipsosmet Episcopos, si fortè tunc Romæ reperirentur, ad subscribendum adigendos: Dicturos, suæ illos voluntatis esse dominos, cauendum autem Procuratoribus, ne commissæ procurationis limites excedant. Terriò, si diceretur, non agi cum ipsis tanquam cum Procuratori-

*Journal par 62
ch. 2. pa. 52.*

bus, sed tanquam cum priuatis Doctoribus; ac Sacerdotibus Ecclesiæ Capiti subiectis; Responsuros, se Romæ nullam aliam exhibere figuram, quàm simplicium Procuratorum. Quartò, si quis instaret Summum Pontificem absolutam ab illis obedientiam exigere; nec pati velle vt id genus distinctionibus imperium eludant: Responsuros *obseruantiam & animi affectum*, quem se debere fatebantur S. Pontifici, non adimere ipsis jus perstandi intra præfixos suæ procuratori limitibus. Quintò demum, si prædicta minimè satisfacerent, essetque non obscura suspicio vim passuros nisi parerent; tunc subscriptionem oblaturos duplici adhibitâ conditione, nempe vt facta tecta maneat doctrina de Gratia per seipsam efficaci, itémque authoritas Sancti Augustini in istiusmodi quæstionibus.

Aduerte, Lector, Procuratores istos nullam hæcenus habuisse à suis auctoribus subscribendi facultatem, in primo, secundo, tertio & quarto hujus scalæ gradu. In transitu verò à quarto ad quintum, en illam tibi subito Parisiis missam, per motum videlicet *instantaneum*. Iterum aduerte eorundem modestiam, in ea quam præseferunt circa bonum Ecclesiæ vniuersum sollicitudine. Catholica de Gratia efficaci doctrina, & recepta per totam Ecclesiam S. Augustini Auctoritas visa est illis periclitari, sub tutela Romani Pontificis: & ideo ad suam ipsorum prouidentiam pertinere iudicarunt, non aliter parendum præcepto subscribendi, quàm illa duplici conditione ligando Pontificem, vt videat ne quid detrimenti vel Apostolica doctrina, vel SS. Patrum auctoritas capiat.

Sed

Sed quid si tam inepta subscriptio, tamque injuriosa Christi vicario rejiciatur, imperetur verò pura & simplex, cum comminatione debitæ pœnæ? Hic Quinque-viri, quasi jam in supremo contumaciæ gradu constituti, nihil amplius sibi superesse rati nisi præcipitium, ruendum statuerunt in extrema quæ à summo in rebelles imperio timeri possunt supplicia, idque cum tanta cæcitate, vt non dubitarent affore sibi Gratiâ efficacem ad exequenda tam nefaria consilia. Diceres illos falsa Christianæ atque heroicæ constantiæ umbra illudente martyrii palmam quasi manu jam tangere. Et erat spes illa satis consentanea votis Ecclesiæ Regioportuensis, vt quia non desunt illi quos inter cælitæ colat & inuocet, nouæ creationis Confessores & Virgines: non deessent quoque Martyres, quos suis fastis inscriberet ad annuam memoriam & venerationem. Fuisset enim verò hæc longè efficacissima veri Martyrii probatio, cum dicerentur Romæ passi, in persecutione Innocentii Decimi Episcopi Romani, Vicarii Christi, & S. Petri successoris legitimi, pro tuenda impossibilitate mandatorum Dei: concordia necessitatis antecedentis cum libertate arbitrii sine agendi indifferentia: & contracta Dei & Christi voluntate circa hominum salutem ad solos prædestinatos cæteris omnibus exclusis, &c.

Hæc erat Iansenianorum animi præparatio decimo tertio Iunii, dum vocati à Summo Pontifice ad palatium pergerent, cum paulo antè, hoc est, decimono Mayo, in illa longa Declamatione, quâ legendi, dicendo, recitando & illum & compositam ab eo ad hoc negotium Cardinalium Doctorumque Con-

Et parce que nous considérons qu'il se pourroit me faire qu'on ne se contenteroit pas de notre soufession avec cette clause, & qu'on nous la demanderoit pure & simple, nous nous résolvons de souffrir plusieurs des dernières extrémités, que de ne les point apposer. *Journal* p. 6. c. 27. p. 532.

Diarii p. 6. c. 21. pag. 471.

gregationem, ad silentium & inuictam quatuor horarum patientiam adegerant, vnius dicendi finem alterius exordio excipiente, hæc legissent ex libello *variorum sensuum*, hoc est *Trium columnarum*, Profitemur, Beatissime Pater, coram ipso, nos & vniuersos S. Augustini Discipulos ac Defensores pro indubitata tanti Doctoris atque adco Ecclesiæ doctrina, prædictas propositiones, vt à nobis superius expositæ sunt perpetuò defensuros, quandiu de iis expressè vt à nobis superius expositæ sunt intellectis, prolatum non erit (quod à S. V. postulamus) solemne definitiuum, que iudicium: QVO NOBIS APERTE CONSTET, EAS IN SENSU QUEM ASSERTIMVS CATHOLICVM, ESSE DAMNATAS....., QVÆ OMNIA CORRECTIONIS VESTRÆ IUDICIO SVBIICI MVVS.

Vnde intelligis, Optime Lector, hoc ipso quòd constaret Quinque-viris, propositiones D. Cornet fuisse damnatas (nihil enim aliud timebant, & hoc solum supposebant in illa quam dixi trepidatione vt patet ex Diario) constitisse pariter, fuisse damnatas in eo sensu quem asseruerant esse Catholicum. Si enim hoc illis non constabat, quod tantum scelus in subscriptione pertimescere poterant, vt carceres & supplicia præoptarent? Iterum, si pro eodem habebant, damnatas esse absolutè quinque propositiones, & esse damnatas in eo sensu quem ipsi contendebant esse legitimum, diuersumque ab eo quem non habent, & qui malignè eis affingitur, vt ipsimet loquuntur, quid facient, ne semendacem, & infidam coram Christi Vicario fidei suæ professionem edidisse conuincantur?

Quid enim est, se perpetuò propositiones illas in sensu ab ipsis exposito defensuros, *donec aperte constet in eodem sensu esse damnatas*, quàm, si hoc constet, se sensum hujusmodi reuocatu-
 ros? Et quid aliud significabat clausula illa, qua *hæc omnia correctionis S. S. judicio subiciebantur*?

Poterat, inquam, aliquis tali quadam argumentatione compellare Doctores istos: Timor quem timebatis leuenit vobis. Propositiones quas Cornetinas dicitis, proscriptæ damnatæque sunt. Vestrum est modò definire, an illa damnatio cadat in sensum in quo eas sustinuis-
 tis, nec ne. Si cadit, præstate quod promisistis, & judicio Sedis Apostolicæ vestrum corrigite: & quia vester erat ille sensus, *donec constaret de illis esse prolatum solemne definitiuumque judicium*, jam quia prolatum constat, non sit in posterum, qui hætenus fuit vester sensus. Si verò, quæ facta est absoluta & definitiua damnatio illarum propositionum, vestros illos sensus minimè petit, O miseri, quis vos turbo transuersos agit, vt malitis adire carceres & patibula & restes, quàm illi condemnationi subscribere, quæ vos, judicio quoque vestro, indemnes esse finit? Subscribite, inquam, vester antea fuerat ille sensus, porro quoque vester erit, quid timetis?

Sed quod fulguritis hominibus & casu quodâ inexpectato perculsis vsu venit, vt mente moueantur neque sui compotes sint, id accidisse viderur Quinque-viris: vnde factum vt illa turbatione, nec quid sentirent, nec quid dicerent satis prospexerint. Non fuit tamen hæc perturbatio diuturna. vbi se ipsi ex illo stupore collegerunt, ad notas artes reuersi fingendo, fallendo, damnatæque

fucando mendacia, tantam rerum conuerſionem in animo ſuo, momento ferè temporis effecere, vt è carceribus quos timebant ad triumphos, è vinculis ad coronas, ex cauſa deſperata perditàque ad ſpecioſam victoriam tranſire viſi ſint. Dies erat vt dixi 13. Iunii, quodum pergerent ad palatium, metuebant ne redeuntès carcer exciperet, illi verò ſuo ipſorum iudicio redièrè triumphantes, cùm dicerent, ſe ex iis quæ in eo congreſſu ultro citroque dicta fuerant, certò comperiſſe totius negotii ſcenam eſſe mutatam. Audiendus eſt ſuis

Vous
voyez, Meſ-
ſieurs,
que les cinq
proposi-
tions ne
ſont con-
damnées qu'
à cauſe du
mauuiſ
ſens qu'on
leur peut
donner,
dans lequel
nous les
auons nous
meſme tou-
jours con-
damnées: &
que le ſens
dans lequel
nous auons
dit que
nous les enten-
dions & defen-
dions ou plu-
toſt que les
propoſitions
particulieres
que nous auons
preſenté à S. S.
& ſoutenues
deuant elle,
comme tres
Catholiques,
n'en reçoient
aucun prejudi-
ce, mais doi-
uent meſmes

verbis qui hæc narrat Auctor Diarii: Videtis, inquit,
» Illuſtriſſimi Domini, (ſcribit ad quosdam Gallia Epi-
» ſcopos) quinque propoſitiones non alia de cauſa
» fuiſſe damnatas, quàm ob ſenſum peruerſum, qui
» poteſt illis dari, & in quo nos quoque ſemper eas dam-
» nauimus. Senſum verò in quo nos eas & interpreta-
» ri & tueri profeſſi ſumus, aut potiùs propoſitiones
» proprias & particulares quas obtulimus ſuæ Sanctitati
» coram ipſo propugnatas veluti Catholicas, non ſo-
» lum nullum ex hoc præiudicio damnum pati, quin
» potiùs cenſendas eſſe à ſua Sanctitate approbatas, vt
» ex ſequentibus planum fit.

Iſta ſibi ſomnia ſingebant viri boni, ſuo ſenſu victi
proſtratique dum ad Palatium pergunt, ouantes verò
& victoribus ſimiles dum redeunt. Rationes verò
tam mirificæ mutationis ad hanc vnã ferè reducun-
tur, quòd Pontifex illos humaniter exceperit, audi-
uerit & dimiſerit. Nempe pro illo quo ſeiſpos amore
proſequuntur, ſanitatẽ interpretantur, quæ Medici
facilitas & vrbãitas eſt, & ex mollicie falciarum col-
ligere malunt ſe intactos eſſe, quàm confiteri ſua vul-

niera. Affabilitatem Pontificis de ipsorum contumacia nihil suspicantis in argumenta ducunt approbationis : & conjecturis vli puerilibus apertissimam damnationem eludere nituntur.

passer pour approuvées de S. S. comme il se voit par les raisons qui suivent. *Journal. p. 6. c. 27. pa. 335.*

Hæc causa fuit, cur ego vt opellam meam conferrem, ad impediendam, quæ simplicibus animis imminebat, illusionem, Opusculum hoc ediderim sub initium anni 1654. inscriptum, *Cauilli Iansenianorum contra sententiam à Sede Apostolica in ipsos latam*, & fuisse aliquod operæ pretium, vel ex eo intelligi potest, quod ab eo tempore nullum ferè scriptum alicujus nominis ab eorum officina prodierit, quo non ostendant incommodos sibi esse hos cauillos, & quamcumque se in partem vertant, ad omnem animi sui situm molestiam exhibere.

Sunt verò in eo mirabiles Ianseniani, quòd ex illis beneuolentiæ signis Innocentii X. sequi putent, & damnatas ab eo propositiones in eo sensu quem non habent, sed qui malignè illis affingi potest; & quod addunt, se quoque illas eodem modo perpetuò damnaße. Cogunt enim nos vt dicamus, esse illos Censores iniquissimos atque etiam ineptos. Qua enim æquitate damnare vnquam potuere propositionem in sensu quem non habet? Numquid damnaturi quoque sunt hominem, propter crimen quod non commisit? Si propositio non habet sensum illum qui damnabilis est, damnetur sensus & absoluator propositio, sicuti damnantur iniqui accusatores, & absoluitur reus innocens. Quidni enim pariter semper damnauerint fidei professionem, quam facimus omnes Christiani, cùm dicimus, *Credo in Deum Patrem omnipotentem*? Est enim hæreticus sensus

Diarii. par. 6. c. 22. pa. 469. & seq.

quem non habet, sed qui malignè illi affingi potest ab Arriano, cùm intelligit Patrem Omnipotentem esse majorem filio, ortu posteriori, cùm sensus legitimus & Catholicus intelligat Patrem Omnipotentem esse Patrem filii coæui & coæqualis. Damnent igitur & damnabile dicant fidei Catholicæ Symbolum. Quòd si horret animus, sicut Arrianum sensum abominantur, saluâ integrâ atque absolutâ veneratione Symboli, quid eos mouet, ut non etiam sanctas, ut ipsi putant, propositiones distinguant ab hæretico sensu quem non habent, ut hunc damnent, illas approbent? Et cùm hæc eorum agendi ratio absurdissima sit, in eandem absurditatem conantur pertrahere summum Pontificem, dum contendunt verissimas propositiones & maximè Catholicas ab eo esse damnatas propter sensum quem non habent. Hoc illi grati animi testimonium rependunt humanitati & gratiæ quæ sunt ab eo excepti.

Crescit autem injuria dum volunt absurdam hanc iniquitatem admisisse Pontificem ab ipsis monitum rogatumque ne faceret. Sunt enim hæc eorum verba „ dicta scriptoque relicta in ejus manibus. De propo- „ sitionibus autem non in sensu alieno ad quem trahi „ possent, quique à nobis respuitur, sed in sensu legi- „ timo, qui à nobis defenditur, patque adeò de fide Ca- „ tholica in iis contenta controuersia est; DE QUÆ IIS „ SIC SUMPTIS DISTINCTVM ET PERSPICVVM „ IUDICIVM EXPECTAMVS. Hoc expectabant, hoc expectabant Quinque-viri 19. Maii & 13. Junii sequenti, gaudent, exultant, triumphant quòd non obtinuerint, quia inde sequi putant approbatam esse

*Diarii p. 6.
c. 22. p. 469.*

ipforum doctrinam.

Mirabilius est quod sequitur, Quinque-viri eodem tempore Pontifici disertè significant, votum esse Episcoporum Galliae, ut de iis quæ inter ipsos & aduersarios in controuersiam vocata sunt, expressam sententiam ferat, NON DE IIS DE QUIBUS NVLLA FUIT CONTENTIO, NVLLA QVÆSTIO, NVLLA DIFFICVLITAS EXORTA. *Addunt*, De propositionibus non in sensu alieno ad quem trahi possunt, & quem ipsi rejiciunt; sed in sensu legitimo quem ipsi defendunt, esse controuersiam. Nullam de Calvinianis Lutheranisve hæresibus (hic est sensus quem alienum vocant) inter ipsos & Aduersarios fuisse quæstionem. Si eas illi anathematizant, inquit, & nos anathematizamus, semperque anathematizauimus: neque cum de iis quæstio non sit, eorum impugnationem contra nos suscipere possunt, nisi ut nos calumnientur &c. Iterum atque iterum, Beatissime Pater, Sanctitati vestræ CVM OMNIBVS GALLIÆ EPISCOPIS humillimè supplicamus, ut DE RE PROPOSITA ET CONTROVERSA CLARAM FIRMAMQUE PROFERAT SENTENTIAM.

Quod dicunt de *omnibus Galliae Episcopis*, neque de illis vndecim intelligi potest, qui pro Iansenianis stabant, quippe qui suis literis tantum abest ut controuersiae definitionem postularint, ut conati sint potius à decidendo Pontificem auertere, ut constat ex iis quæ referuntur in Diario: neque de illis 85. qui contra Iansenii doctrinam apertè pugnabant. Quamuis enim illi vehementer vrgerent & examen controuersiae & definitionem vltimam, absit tamen ut cogi-

tarint vnquam de danda Quinque-viris procuratione aliquid agendi aut petendi eorum nomine. Quare quod dicunt, de omnibus Galliæ Episcopis, à vero procul abest. Sed vt vt sit, hoc semper fixum manet, octoginta quinque Galliæ Episcopos contra vndecim instituisse apud Pontificem, vt controuersiam de Quinque Propositionibus dirimeret. Idenim ipsi apertè significant, suis ad eum literis: Decennium est, in-
 „ quiunt, ex quo vehementissimis turbis Gallia magno
 „ nostro mœrore commouetur, ob librum posthumum,
 „ & doctrinam R^{mi} Cornelii Iansenii Iprensis Episco-
 „ pi. Ideoque rogant vt iudicium ferat de Propositio-
 nibus, *de quibus disceptatio periculosior & ardentior erat:*
vt discutiat caliginem, vt animas fluctuantes componat, dissidia
prohibeat, Ecclesie tranquillitatem splendorémque restituat. Hoc
 pariter fixum ratumque habemus, Quinque-viros; cum vidissent obtineri non posse quod vndecim petierant, vt ab ea discussione abstineretur, instituisse ipsos quoque, vt ferretur iudicium *de sensu legitimo & controuerso, non de alieno, de quo non erat ulla contentio.*

Vnde sequitur, Innocentium X. si controuersiam dirimere voluit, de germano & legitimo sensu pronuntiasse, vtraque Parte id postulante. Voluisse autem controuersiam dirimere ipsemet apertissimè profitetur, dum se ad hoc iudicium incitatum dicit, *ob exortam in Galliis controuersiam, INTER ALIAS IANSENI*
OPINIONES SUPER QVINQVE EX ILLIS
..... & vt Ecclesia Dei purgatis prauarum opinionum er-
roribus tutò militare & tanquam nauis in tranquillo mari se-
datis omnium tempestatum fluctibus ac procellis securè nauigare
& ad optatum salutis portum peruenire posset.

En ergo, Amice Lector, quò tota de Quinque Propositionibus causa refundatur. Colligantes conueniunt primò, se nihil habere de quo disputent, si propositiones trabantur ad sensum alienum & hæreticum, vtrique enim illas damnant. Conueniunt secundò, totam quæ ipsos diuidit controuersiam, spectare propositiones legitimè sumptas, in sensu proprio & germano, dum illas Ianseniani sustinent vt Catholicas, Orthodoxi verò vt hæreticas putant esse damnandas. Tertio igitur conueniunt, vt hanc controuersiam Summi Pontificis iudicio decidendam subijciant. Quartò. Summus Pontifex Innocentius X. causam oblatam occupat, & post longam & assiduam nouem mensium discussionem, præfatus se controuersiam decidere, atque adeò se de propositionibus iudicium ferre in sensu controuerso, qui supponitur esse legitimus atque germanus, Quinque Propositiones damnat vt hæreticas: itaque causam Accusatoribus adjudicat.

Non est ita, inquiunt Defensores, damnat eas tantum in sensu non controuerso. Ergo restat intacta controuersia? Ergo fluctus tempestatum & procellarum perseverare sinuntur? Ergo nulla sequi potest ex illo iudicio maris tranquillitas, nec securitas navigationis? Quid dicitis Ianseniani? Titius cum Caio litigant v. g. de sylua pistrino contermina. Prætorem adeunt monentque nullam inter ipsos esse de pistrino controuersiam, totam esse de sylua quam quisque suam esse contendit, de ea rogant vt ius dicat. Præter causam examinat, allegata & probata serio expendit, & consensu tribunali specie judicantis prout

de jure, de pistrino pronuntiat, de silua silet. Quid, inquam, dicitis? Ille si aliquid sapit, nec molæ alligandus est, sic judicando non nugatur? non ridet? non illudit collitigantibus? non habet ludibrio munus ipse suum & dignitatem? Similem illi Christi Vicarium, Iudicem controuersiarum de fidei doctrina constitutum à Deo fingitis, dum interrogatus ab omnibus ferè Galliaë Episcopis in causa fidei grauissima, ad vnionem animorum & regni pacem spectante, urgente quoque Regis nomine Oratore Regio, professus quæstionem se soluere velle, itaque serenum reducere, per vos, de re controuersa silet, de non controuersa respondet. Hoc est, & Collitigantes, & Episcopos, & Regem Christianissimum, vel illusus ipse, vel illusor spontaneus ludificat. Rogamus, Beatissime Pater, inquit Ianseniani, vt de re controuersa pronunties, res autem controuersa sunt propositiones in sensu proprio & germano quem habent, non in alieno quem non habent. Id ipsum rogamus & nos, inquit Anti-Ianseniani. Hoc quoque mihi propositum est, inquit Pontifex, & quando controuersum est inter vos, sint-ne vel non sint damnandæ, rebus omnibus maturè diuque perpenſis, Iudico & Decerno esse damnandas. Reponunt Ianseniani, Non facit Pontifex quod se facere & vult & putat, non facit quod vtrique nostrum expetimus & expectamus. Decipit se ipse primus, decipit vos, decipit nos, & pro eodem habet pistrinum & siluam: cùmque putaretur imperaturus ventis & mari, nauem Ecclesiæ fluctibus & procellis ludibrioque ventorum iactandam permittit. Ianseniani quousque tandem? Nullus-ne vnquam

erit vestrorum ludorum finis? Nullus præstigiæ quibus infatuatos vestris erroribus animos perditum itis? Si quid superest candoris, si quæ pudoris reliquæ; non veremini vel silente lingua cordatorum omnium tacita occultaque iudicia? Tanti scilicet erat, post acres decem annorum contentiones, post acerba Theologorum dissidia, post curas Episcoporum hinc& inde Sedem Apostolicam consulentium, post interposita Principum officia, indicere Cardinalium & celebrium Doctorum numerosas Congregationes, Consultationes habere frequentissimas, preces ad Deum fundere atque aliorum implorare, ad impetrandam lucem causæ maximi momenti finiendæ necessariam, tanti inquam erat, tam longo tamque operoso apparatu præludere solemnî iudicio, quo decernitur, nihil? Quærimus enim de lite quid conclusum est? nihil, inquiunt. Quid responsum Episcopis decisivum controuersiæ postulanti? Nihil. Quid Regi Christianissimo ab hoc iudicio pacem datum iri Ecclesiis & Scholis Galliæ speranti? Nihil. Quid Orbi Christiano in exitum tantæ tamque celebris causæ intento? Nihil. Quid igitur statuit Constitutio illa de Quinque Propositionibus per totam Ecclesiam missa & ubique recepta? Continet, inquiunt, præclara multa, sed de re propter quam solam est quæsitæ concessaque, prorsus nihil.

Nec quemquam moveat, quod post *Canillos* editos Ianseniani dixerent, veluti emendaturi Trium Columnarum defectus, Propositiones præcisè sumptas, proprium habere ac legitimum sensum, illum scilicet quem Quinque viri vocauerunt alienum. Hoc enim

non impedit, quo minus semper verum sit, quod iidem quoque sunt confessi, sensum hunc seu proprium, seu alienum, ut volent, nec esse nec fuisse inter Partes controuersum. ut enim damnatur ab illis, ita & à nobis: ac proinde damnare propositiones in illo sensu, idem est ac nihil definire quod sit controuersum.

Addo, Propositiones à Quinque-viris fuisse oblatas Pontifici, ut præcisè sumptas, & abstractas à doctrina Iansenii. Fatetur enim Auctor Diarii, *veruisse Pontificem, ne de Iansenio loquerentur*. Alludit ad id quod in primo congressu anni superioris significarat illis Pontifex, non passurum se, ut Constitutio Urbani VIII. Decessoris sui damnantis in vniuersum doctrinam Iansenii vocaretur in controuersiam. Quare, non aliter prohibebantur de Iansenio loqui, quam ne de damnatione illa dubitare aut disputare sibi liberum crederent. Ergo cum non possent de Propositionibus agere, ut sunt contractæ ad doctrinam Iansenii, consequens fuit ut de illis agerent ut sunt præcisæ.

Ergo in illis etiam sic sumptis, inuenerunt sensum legitimum & germanum, quem ipsi sustinerent, quem Aduersarii impugnarent: atque adeò sensum controuersum, qui reipsa sensus Iansenianus est. Ac proinde sensus germanus & proprius quem habent Propositiones, siue contractæ ad doctrinam Iansenii, siue abstractæ, cum sensu Iansenii reuera concurrunt. Vnde fit ut semper verum sit, si Pontifex de controuersia pronuntiare voluit, sicuti voluisse certissimum est, vel pronuntiassè de sensu controuerso & consequenter de Ianseniano, vel fecisse nihil.

Occasio jam monebat, ut quæ contra *Canillos* obje-

Le Pape nous
auoit defendu
de parler de
Iansenius. *Jour-
nal par. e. ch.
21. pag 457.*

Quæ sunt diluerem, sed id abunde præstitum est in aliis Opusculis Gallicè scriptis: Auctor Diarii sibi blanditur, quòd in hoc libello inuenerit nescio quæ adju-
menta suæ causæ, vide Lector quæ dicit & quæ refert, *In Addit. pag. 575.*
& ride.

Alii valde odiosum mihi crimen impingunt, & gra-
uem conflant inuidiam apud Discipulos S. Augustini,
quòd dixerim S. Pontificem *non intendisse in Augustinum*
&c. quòd illi sic interpretantur, vt idem sit ac *non attendis-*
se ad Augustinum. Condonanda esset hæc calumnia in-
scitiæ Accusatorum, nisi eam sibi potiùs vendicaret ini-
quitas odii & malignitas, qua excæcati vndecumque
colligunt quod hostibus objiciant sine delectu. Non
aduerrunt quantum sit discriminis inter *intendere in*
aliquid quòd finem agenti propositum designat, & *at-*
tendere ad aliquid, quòd spectat ad electionem & aptitu-
dinem mediorum: Concilium Tridentinum non *in-*
tendit in Augustinum vt ejus authoritatẽ sanciret, quan-
do damnauit impossibilitatem mandatorum, quia hoc
non erat illi propositum: non attendisse autem, adeò
non est verum, vt damnationem illam ipsissimis S. Au-
gustini verbis expresserit. Et non pudet Iansenianos ob-
jicere nobis quòd velimus istarum controuersiarum Iu-
dices auertere à cogitatione Augustinianæ doctrinæ,
cùm omnia ferè quæ de hoc argumento contra illos
scripta sunt, iisdẽque Iudicibus inculcata S. Augustini
auctoritate densissimisque testimoniis fuerint semper
communita: vt necesse fuerit, si mens erat subtrahere
Iudicibus doctrinam Augustini, subtrahere quoque il-
lis scripta nostra omnia & probationes contra Iansen-
ianos.


Vide infra c. 4.

*Vide infra c. 3.
§. addo quod
attinet &c.*

*Apol. 4. p. 6. 19.
p. 22.*

*1. p. à cap. 6.
ad 10.*

Restat quod dixi cap. 5. & quod nuperus Apologista rebellium virginum vehementer vrget de Propositionibus quas dixi apud Iansenium *totidem verbis contineri*. Non vult vidisse nec audiuisse quod sapius responsum est, præsertim in libro cui titulus est, *La Conduite de l'Eglise*. Solutam difficultatem recoquit, atque vt hoc facilius exequatur, textum quem producit pro suo & aliorum Iansenianorum more euiscerat & corrumpit. Verba mea sunt, *Propositiones damnatae constant verbo & significatione. Si verba spectemus, sunt propositiones indiuiduae ac singulares totidem verbis apud Iansenium contentae*: ET DE PRIMA QUIDEM IPSIMET PATENTUR, DE CETERIS DEMONSTRATVM EST CAP. I. *Ac proinde si quis est &c.* Apologista verba ista *ac proinde* immediata subiicit illis, *apud Iansenium contentae*, & quæ sunt intermedia suppressit. Quippe hoc erat illi necessarium, vt esset locus acerbæ declamationi quam subiungit, quæque alioqui insulsa redditur & euanida, facile est Iansenianis Scriptoribus impedire sese beneficio laruarum sub quibus latent, ne erubescant, sed num suam quoque conscientiam ita fallunt, vt toties tam mala fide, tot versutiis & fraudibus irritata, neque latret intus neque mordeat.



LECTORI.

Quia fieri poterit, Amice Lector, ut quæ
 sequuntur in hoc opusculo conferre velis
 cum iis, quæ in Constitutione Summi Pontificis,
 contra Jansenium continentur. Ne cogaris eam
 procul querere, ecce illam tibi in ipso limine, unâ
 cum Apostolico rescripto ad Episcopos Gallie.

CONSTITVTIO

SANCTISSIMI IN CHRISTO PATRIS

AC D. N. D. INNOCENTII

Diuina Providentia Papæ IX.

*Quâ declarantur, & definiuntur quinque Propositiones
in materia Fidei.*

INNOCENTIVS EPISCOPVS

SERVVS SERVORVM DEI.

*Vniuersis Christi fidelibus salutem, &
Apostolicam benedictionem.*

CVM occasione impressionis libri, cui titulus, *Augustinus Cornelii Iansenii Episcopi* *ſprensus*, inter alias ejus opiniones orta fuerit, præſertim in Galliis, controuersia ſuper quinque ex illis, complures Galliarum Episcopi apud Nos inſtiterunt, vt eaſdem Propositiones Nobis oblatas expenderemus, ac de vnaquaque earum certam, & perſpicuam ferremus ſententiam.

Tenor

Tenor verò præfatarum Propositionum est
prout sequitur.

Prima: Aliqua Dei præcepta hominibus justis, volentibus, & conantibus secundum præsentès, quas habent vires, sunt impossibilia; deest quoque illis gratia, quâ possibilia fiant.

Secunda: Interiori gratie, in statu nature lapsa nunquam resistitur.

Tertia: Ad merendum, & demerendum in statu nature lapsa non requiritur in homine libertas à necessitate, sed sufficit libertas à coactione.

Quarta: Semipelagiani admittebant præuenientis gratie interioris necessitatem ad singulos actus, etiam ad initium fidei, & in hoc erant heretici, quòd vellent eam gratiam talem esse, cui posset humana voluntas resistere, vel obtemperare.

Quinta: Semipelagianum est dicere, Christum pro omnibus omnino hominibus mortuum esse, aut sanguinem fudisse.

NO S, quibus inter multiplices curas, quæ animum nostrum assiduè pulsant, illa in primis cordi est, vt Ecclesia Dei nobis ex Alto commissa, purgatis prauarum opinionum erroribus, tutò militare, & tanquam nauis in tranquillo mari, sedatis omnium tempestatum fluctibus, ac procellis, securè nauigare, & ad optatum sa-

Gggg

lutis portum peruenire possit.

Pro rei gravitate, coram aliquibus S. R. E. Cardinalibus ad id specialiter sæpius congregatis, à pluribus in sacra Theologia Magistris, eisdem quinque Propositiones, vt suprà nobis oblatas, fecimus singillatim diligenter examinari, eorúmque suffragia, tum voce, tum scripto relata maturè considerauimus; eosdémque Magistros, variis coram nobis actis Congregationibus, prolixè super earum qualibet differentes audiuius.

Cùm autem ab initio huiusmodi discussionis ad Diuinum implorandum auxilium multorum Christi fidelium preces, tum priuatim, tum publicè indixissemus, postmodum iteratis eisdem feruentius, ac per nos sollicitè imploratâ sancti Spiritus assistentiâ, tandem Diuino Numine fauente, ad infrascriptam deuenimus declarationem, & definitionem.

Primam prædictarum Propositionum: *Aliqua Dei præcepta hominibus iustis, volentibus, & conantibus, secundum præsentem, quas habent vires, sunt impossibilia; deest quoque illis gratia, quâ possibilia fiant*: Temerariam, impiam, blasphemam, anathemate damnatam, & hæreticam declaramus, & vti talem damnamus.

Secundam: *Interiori gratie, in statu natura lapsæ nunquam resistitur*: hæreticam declaramus, & vti talem damnamus.

Tertiam : *Ad merendum , & demerendum in statu natura lapsa non requiritur in homine libertas à necessitate , sed sufficit libertas à coactione : hæreticam declaramus ; & vti talem damnamus.*

Quartam : *Semipelagiani admittebant prauenientis gratia interioris necessitatem ad singulos actus ; etiam ad initium Fidei : & in hoc erant hæretici , quòd vellent eam gratiam talem esse , cui posset humana voluntas resistere , vel obtemperare : falsam & hæreticam declaramus , & vti talem damnamus.*

Quintam : *Semipelagianum est dicere , Christum pro omnibus omnino hominibus mortuum esse , aut sanguinem fudisse ; falsam , temerariam , scandalosam ; & intellectam eo sensu , ut Christus pro salute dumtaxat Prædestinatorum mortuus sit , impiam , blasphemam , contumeliosam , diuinæ pietati derogantem , & hæreticam declaramus , & vti talem damnamus.*

Mandamus igitur omnibus Christi fidelibus vtriusque sexus, ne de dictis Propositionibus sentire , docere , prædicare aliter præsumant , quàm in hac præsentì nostra declaratione , & definitione continetur , sub censuris , & poenis contra hæreticos , & eorum fautores in iure expressis.

Præcipimus pariter omnibus Patriarchis , Archiepiscopis , Episcopis , aliisque locorum Ordinariis , nec non hæreticæ prauitatis Inquisitoribus , vt contradictores , & rebelles quoscumque

per censuras, & poenas prædictas, cæteraque juris, & facti remedia opportuna, inuocato etiam ad hoc (si opus fuerit) auxilio brachii secularis, omnino coërceant, & compescant.

Non intendentes tamen per hanc declarationem, & definitionem super prædictis quinque Propositionibus factam, approbare vllatenus alias opiniones, quæ continentur in prædicto libro Cornelii Iansenii. Datum Romæ apud sanctam Mariam Majorem, anno Incarnationis Dominicæ 1653. pridie Kal. Iunii, Pontificatus nostri anno nono.

HI. DATARIVS.

G. GVALTERIVS.

P. CIAMPINVS.

Anno à Natiuitate D. N. IESV CHRISTI millesimo sexcentesimo quinquagesimo tertio, Indictione sexta, Pontificatus Sanctissimi in Christo Patris & D. N. INNOCENTII Diuina Providentia Papa X. anno ejus nono, die verò nona mensis Iunii supradicta Constitutio affixa, & publicata fuit in Ecclesia Lateranens. ac Basilica Principis Apostolorum de Vrbe, nec non Cancellaria Apostolica valuis, ac in acie Campi Flora per me Hieronymum Mascellam Sanctissimi D. N. Papa Cursorem.



LITTERÆ

INNOCENTII PAPÆ X.

AD EPISCOPOS GALLIÆ.

INNOCENTIVS PP. X.

Venerabiles Fratres; salutem, & Apostolicam Benedictionem. Rectè, atque ordine facit Fraternitatum vestrarum pietas, quæ cum in Ecclesiis istis propositionum, de quibus ad Nos scripsistis, occasione turbas ingentes excitari cerneret, ascendit ad locum hunc sanctum, quem elegit Dominus, ut Catholicam super his veritatem a nobis quæreret. Nos igitur post longam accurati examinis indaginem, & preces luminum Patri Deo enixè porrectas, quid sentiendum sit de propositionibus illis declarauimus, ac definiuimus hac constitutione, quam his literis ad vos mittimus. Ex ea sententiam orthodoxæ Fidei in graui hoc negotio à Nobis audietis, nec dubitamus quin futura sit cum populis Christianis salutaris, tum summopere grata insigni zelo Fraternitatum vestrarum, quibus benedictionem Apostolicam peramanter impartimur. Datum Romæ apud sanctam Mariam Maiorem sub Annulo Piscatoris, die XXXI. Maii M. DC. LIII. Pontificatus nostri anno nono.

F. FLORENTINVS.

Gggg iij

THE UNIVERSITY OF CHICAGO
LIBRARY

INNOVATION IN THE
ECONOMY

BY J. V. KENNEDY
AND
J. H. B. PHILLIPS

CHICAGO, ILL.
UNIVERSITY OF CHICAGO PRESS
1962

THE UNIVERSITY OF CHICAGO
LIBRARY

INNOVATION IN THE
ECONOMY

BY J. V. KENNEDY
AND
J. H. B. PHILLIPS

CHICAGO, ILL.
UNIVERSITY OF CHICAGO PRESS
1962

THE UNIVERSITY OF CHICAGO
LIBRARY



IANSENIANORVM CAVILLI

CONTRA
LATAM IN IPSOS
A SEDE APOSTOLICA
SENTENTIAM.

PERCVSSVS error Iansenii nupera Sedis Apostolicæ Constitutione, sed non extinctus est. Ianseniani dissimulare malunt vulnera, quàm sanari. Et cùm mutata sententiâ facilè possent innocentem reddere censuram; malunt incolumes videri, quàm fieri. Nimirum in illa fulminatione non modò intactam mansisse doctrinam suant, sed insuper, *totè* *saltem*, fuisse approbatam prædicare non verentur. Estque inter eos quidam, quantum conjicere possum, Legisperitus, qui solam Iesuitarum doctrinam decreto illo Innocentii X. proscriptam contendit, auctoritate scilicet Digestorum, & Codicis. Nihil equidem necesse erat refigendis hisce cavillis immorari, si consilium esset cordatis tantùm hominibus facere satis. Vident enim statim has esse artes exacerbat animi & recalcitrantis: sed subueniendum est incautis atque

simplicibus, & providendum ne imperitis illudat ingeniosus error & contumax. Et quia in illa potissimum trium Columnarum distinctione, quam se obtulisse dicunt Summo Pontifici, latebras quærunt, discutiendum est paucis quid inde præsidii expectare Ianseniani possint; quod fiet solutione sequentium quæstionum, quibus quæritur

1. An Quinque Propositiones fabricatæ sint à Sorbonicis Doctoribus, an ex Iansenio ipso desumptæ.
2. An, & quo sensu damnatæ sint Iansenianæ Propositiones.
3. Quid significet exceptio, quâ declaravit Summus Pontifex non esse mentis suæ damnare doctrinam S. Augustini; nec attingere controuersiam de Gratia per seipsam efficaci.
4. Quid probent aliæ quædam conjecturæ Iansenianorum circa mentem Summi Pontificis.
5. An Quinque Propositiones damnatæ sint tantùm in genere.
6. An seruatus sit ordo legitimus in hoc negotio, dum recurritur ad Summum Pontificem, non præmisso Episcoporum Galliarum concilio.
7. Tertia columna Iansenianorum examinatur.
8. Quæ sit vera columnarum dispositio ad repræsentandam Iansenianorum doctrinam, & Censuræ Pontificiæ vim intelligendam.



CAPVT I.

An damnata propositiones fabricata sint à Sorbonicis Doctoribus, an ex ipso Iansenio desumpta.



IANSENIANORVM solenne est, centies inculcata dissimulare, centies confutata contritæque reponere. A plerisque jam erat demonstratum, damnatis quinque propositionibus præcipua Iansenii Dogmata, de libero arbitrio & diuinæ gratiæ abundantia efficacique, atque ipsam veluti doctrinæ medullam contineri. Pergunt tamen illi propositiones illas vocare *fabricatas* nimirum à Sorbonicis Doctoribus, qui eas ex Iansenio excerpserunt; in eoque notant artificium vnius ex partiaris ut vocant Molinæ, qui propositiones *ambiguas, æquiuocas, captiosas*, ad censuram concepit & exhibuit. Primam tantum excipiunt, quippe quam negare non possunt totidem verbis apud Iansenium haberi. Sed queruntur esse *dolosè auulsam à loco suo*. In quo equidem ridendi sunt. Nam quod accusant auulsam à loco suo, quid quæso, volunt? exhibendum fuisse totum librum ad examinandum? atqui tunc quoque auellendæ sigillatim erant propositiones, quæ in controversiam vocantur. Et quod addunt, *dolosè id factum*, tunc probauerint, quando constabit auulsæ atque vnitæ sensum esse diuersum. Interea concessis utamur, & dicamus propositionem primam, quæ à Sede Apostolica declaratur esse *temeraria, impia, blasphema, anathemate damnata, atque hæretica, & ut talis damnatur*, Iansenianam esse propositionem, quippe apud Iansenium expressam, assertam, probatam & defensam. Et si respondeant, bonum illam sensum habere apud Iansenium; erit ipsorum sapientiæ, quæ magna est, iudicare, num deceat Catholicum Episcopum, sensum etiam bonum exprimere per blasphemam & impiam & damnatam anathemate, & hæreticam propositionem.

H h h h

Sed ostendo cæterarum quoque propositionum non alium esse fabrum, quàm eundem Iansenium. Tertiam intueamur quæ est huiusmodi:

Ad merendum & demerendum in statu naturæ lapsæ non requiritur in homine libertas à necessitate, sed sufficit libertas à coactione.

Hæc, inquiunt, fabricata & exhibita est à sectatore Molinistarum. Est igitur sectator Molinistarum Iansenius. Illum audiamus. Et primò quòd loquatur de libertate arbitrii ad merendum & demerendum necessaria, & de statu naturæ lapsæ, Ianseniani nobiscum consentiunt. Quo supposito, componere oportet damnatam propositionem cum Iansenianis.

Tertia propositio
damnata.

IANSENII PROPOSITIO

Tom. 3. l. 7. cap. 5.

Ad merendum & demerendum in statu naturæ lapsæ non requiritur in homine libertas à necessitate, sed sufficit libertas à coactione.

Vt igitur diuisionis ipsius naturæ percipiat, memoria repetendum est id quod tam prolixè ex Augustino, Bernardo, cæterisque tum Patribus, tum Scholasticis asseruimus, libertatem arbitrii generalem & naturalem NON ESSE ALIAM NISI A NECESSITATE, per quam patet eos SOLAM COACTIONEM intellexisse. Ex quo fit ut apud eos liber actus idem sit, qui non coactus: Et in alio loco eiusdem libri septimi. Quæ si vera sunt, sicut juxta Sanctissimi Doctoris principia vera sunt,

non poterit amplius de ejus mente dubitari, quàm cum sentire & constanter docere diximus, libertati arbitrii SOLAM NECESSITATEM COACTIONIS, seu quæ etsi nolumus, efficit id quod potest, esse contrariam, omnémque actum voluntarium seu spontaneum hoc ipso esse liberum.

Qui dicit *solum necessitatem coactionis* contrariam esse libertati, quid magis minusve dicit, quàm qui dicit, sufficere ad libertatem, quòd sit libertas à coactione? Et qui dicit omnem actum voluntarium, seu spontaneum hoc ipso esse liberum, & liberum actum eundem esse ac non coactum, quid magis

minusve dicit, quàm qui dicit, ad liberum actum non requiri libertatem ab alia necessitate, quàm à necessitate coactionis: & ut sit liber actus, sufficere, quòd non sit coactus? Ergo quidquid est in illa tertia propositione controuersum, & censuræ subiectum, nimirum, non requiri ad meritum, libertatem ab alia necessitate quàm à necessitate coactionis, & sufficere ut actus sit liber, quòd non sit coactus, etiamsi alià quādam necessitate sit expressus; expressissimum est apud Iansenium.

Idem clariùs explicat in l. 6. c. 38. ubi negat, *Immutabilem necessitatem* impedire libertatem, sed *sola* necessitatem coactionis & violentiæ, & , *Nullam immutabilitatis, inenitabilitatis, vel quocumque voces nomine, sed sola* coactionis necessitatem ei repugnare. Item, *Esse impossibile, ut omnis omnino voluntas; hoc est volitio, non sit libera, & , Solam* coactionis necessitatem ei repugnare; Quæ si quis attentius inspexerit, dicere cogetur, id quod accusatur in tertia propositione ad censuram exhibita, distinctiùs exprimi ac copiosiùs apud Iansenium, quàm exprimat in ipsa propositione: & qui eam concepit, vno tantum modo fabricasse, quod fuerat à Iansenio multis modis fabricatum priùs: esseque impossibile, ut ejusmodi propositionem vlla feriat censura, quæ non feriat eadem Iansenianas, easque multas. Superest ut opponamus quintam damnatam cum Ianseniana.

Quinta propositio *PROPOSITIO IANSENIANA*
damnata.
ro. 3. lib. 3. cap. 21.

Semipelagianum est dicere Christum pro omnibus omnino hominibus mortuum esse, aut sanguinem fudisse.

Nec enim juxta Doctrinam antiquorum, pro omnibus Christus passus aut mortuus est, aut pro omnibus omnino tam generaliter sanguinem fudit. Cum hoc potiùs tamquam errorem à fide Catholica abhorrentem doceant esse respiciendum.

Satisne distinctè, Lector, videtur tibi Iansenius negare Christum pro omnibus omnino hominibus mortuum esse, aut

sanguinem fudisse? Sed quæris fortè quorum errorem intelligat, cum dicit, contrarium esse errorem à fide Catholica abhorrentem; hoc autem constat, ex initio capitis, ubi dicit argumentum illud sumptum ex vniuersitate redemptionis, jam olim ad nauseam usque à Pelagianis, præsertimque Massiliensibus fuisse inculcatum, &c., mirum esse recentiores tanto studio trita hæreticorum arma colligere. Et capite præcedenti, ubi generalem Dei voluntatem saluandi omnes omnino homines refutat, eo nomine refutat quòd asserta fuerit ab hostibus gratiæ Pelagianis & Semipelagianis, & ab Augustino tunc tantum approbata, quando in Semipelagianorum errore fuit. Et iterum cap. 21. Augustinum, Prosperum, Fulgentium, & antiquam Ecclesiam, sententiam illam veluti machinam à Semipelagianis erectam repudiasse. Ergo tota illa propositio, Semipelagianum est dicere, Christum pro omnibus omnino hominibus mortuum esse, & sanguinem fudisse, quoad singula verba, & minimos apices, Ianseniana est. Ac proinde qui fabricatam dicunt, non alium debent appellare fabrum quàm ipsum Iansenium: & consequenter propositio quæ iudicio Sedis Apostolicæ falsa, temeraria, & scandalosa est, Iansenii propositio est.

Sed ulterius respexit Apostolica Sedes; suppleuitque quod in exhibita propositione deerat ad expressionem integram Ianseniani erroris, dum addidit, Intellectam eo sensu, ut Christus pro salute duntaxat prædestinatorum mortuus sit, impiam, blasphemam, diuinæ pietati derogantem, & hæreticam declaramus, & uti talem damnamus. Quà in re facillimè ostendi potest, & eo sensu intellectam esse propositionem à Iansenio, & si fabricatum dicunt, quod suppletur, ab eodem esse fabricatum. Opponamus hæc duo.

Damnatus error.

I A N S E N I I S E N T E N T I A

10. 3. lib. 3. cap. 21.

Christus pro salute
duntaxat prædesti-
natorum mortuus
est.

saluandos dicimus: aliis charitatem sine perseverantia, aliis fidem si-

Per illa occultissimè justa, & iustissimè
occulta consilia sua, quibusdam homini-
bus dare prædestinauit fidem, charitatem,
& in ea usque in finem perseverantiam,
quos absolute prædestinatos, electos, &

ne charitate. Pro primi generis hominibus tamquam veris ouibus suis, vero populo suo, tamquam absolutè saluando, semetipsum dedit ac tradidit: pro istorum peccatis omnibus omnino delendis, & æternâ obliuione sepeliendis propitiatio est: pro istis in æternum viuificandis mortuus est: pro istis ab omni malo liberandis rogauit patrem suum, **NON PRO CÆTERIS QUI A FIDE ET CHARITATE DEFICIENTES IN INIQUITATE MORIUNTUR. Et iterum.**

Vanum est & stultum pro eo irritando vel auertendo rogare Deum, quod immutabili decreto sancitum & prædestinatum esse jam nosti: vanum est etiam pro talibus saluandis, seriâ voluntate pati ac mori: vanum pro talibus à perditione decreta liberandis offerre patrivota, preces, mortem, ac sanguinem suum. *Et iterum.*

Quæ sanè cum in Augustini Doctrina perspicua certaque sint, nullo modo principiis ejus consentaneum est, vt Christus Dominus, vel pro infidelium in infidelitate morientium, **VEL PRO IVSTORVM NON PERSEVERANTIUM ÆTERNA SALVTE MORTVVS ESSE, SANGVINEM FVDISSE, SEMETIPSVM REDEMPTIONEM DEDISSE, PATREM ORASSE SENTIATUR.** Addit, Iuxta Sanctissimum Doctorem, non magis Patrem pro æterna liberatione ipsorum, **QVAM PRO DIABOLI, DEPRECATVM ESSE. Et iterum.**

Sicut non voluit (Augustinus) voluntatem Dei ad salutem omnium omnino hominum extendi, **SED ILLORVM DVMTAXAT** qui ex omni gente & lingua, ex omni hominum genere **PRÆDESTINATI SUNT:** ita nec voluit effectus illius voluntatis, hoc est, mortem, sanguinem, redemptionem, propitiationem, orationem Christi, ad omnes homines dilatari, &c.

Cæcum esse necesse est, qui non videt sensum illum quem Sedes Apostolica damnauit, variis modis expressum esse à Iansenio. Nam quodd Pontifex, dum salutem prædestinatorum nominat; salutem æternam intelligat, insanus sit qui dubitet: æternæ verò salutis voluntatem Iansenius ad prædestinatos *duntaxat* locis allatis sæpe restringit; sensus ergo ratione cujus Sedes Apostolica quintam Propositionem *impiam, blasphemam, contumeliosam, diuinæ pietati derogantem & hæreticam* declarat, ipsius Iansenii sensus est.

Ex his patet quinque propositionum à Sede Apostolica damnatarum, Primam, Tertiam, & Quintam, à Iansenio reuera fabricatas esse, & à Sorbonicis Doctoribus, atque etiam ab Episcopis Galliæ tantum exhibitas; cum quibus Secunda & Quarta tam necessariam, tamque indissolubilem habent connexionem, vt frustra sit contendere illas quoque Ian-

senianas esse. Ne tamen quisquam putet, id esse difficile, iur-
uat illas etiam committere cum Iansenianis.

Secunda propositio
damnata.

PROPOSITIO IANSENII

c. 3. l. 2. c. 11. ubi approbat id quod
imputat Augustino.

Interiori gratia in sta-
tu naturæ lapsæ num-
quam resistitur.

Hominem operanti Deo per gratiam non
posse resistere. *Ibid.*

Tales de gratiâ cogitationes, nempe, ut
sit quædam potentialis gratia cum qua ho-
mo credat, conuertatur, operetur si velit,

sin autem nolit, nullus sequatur voluntatis aut operationis effectus, jam
olim conuellit Augustinus. *Iterum cap. 27.*

Augustinus nullam aliam agnouit actualem Christi gratiam, nec agno-
scere potuit, præter efficacem. *Iterum cap. 31.*

Veram Christi gratiam semper agere & peragere effectum suum : &
quæ hoc non facit, relegari ab Augustino ad legem atque doctrinam.

De statu naturæ lapsæ loquitur Iansenius, atque etiam de
Gratia interiori, ut constar ex toto ipso tractatu. Iam quid
discrepantis est inter hæc duo, *Illi gratia nunquam resisti*, &
Deo per salutem gratiam operanti non posse resisti, nisi quod posterior
oratio, quæ Ianseniana est, pejor videtur quàm illa prior, quæ
est condemnata? Eadem propositio, ut vides, à Iansenio aliis
verbis explicatur; nam, *Numquam resisti gratiæ*, & *nullam esse*
Christi gratiam quæ non sit efficax; *Nullam esse, quæ non agat & pera-*
gat suum effectum; *Nullam esse, cum qua homo operetur si velit, & si*
nolit, nullus sequatur effectus; adeò sunt germanæ, ut nihil vni
negari possit, quod alteri conueniat: ac proinde si vna est heret-
ica, non potest alia non esse. Idem prorsus eodémque modo
dicendum de quarta.

Quartæ propositio-
nis damnatæ

PROPOSITIO IANSENII

tom. 1. lib. 8. de heresi Pelag.

PRIMA PARS.

Semipelagiani admit-
tebant præuenientis
gratiæ interioris ne-

Tertia gratia generalis Massiliensium est,
actualis interna & sufficiens ad creden-
dum, non ad operandum, &c.

Nam & illi (Massilienses) ipsissimam

ceſſitatem ad ſingulos actus, etiam ad initium fidei. ipſam Ad gratiam libero arbitrio NECESSARIAM ESSE ſtuebant, quacredere ſi vellet.

En tibi neceſſitatem interna, ſive interioris gratiæ ad credendum, hoc eſt, ad fidem: nec dubium quin Ianſeniani libentiſſimè ſuppleant, incipientem, hoc eſt, etiam ad initium fidei: atque ita pars illa prima propoſitionis tota eſt Ianſenii.

SECUNDA PARS
Quartæ propoſitionis damnatæ.

PRO SECUNDA PARTE
Ianſenius tom. 3. lib. 3. c. 4.

Sed in hoc erant hæretici, quòd vellent eam gratiam talem eſſe, cui poſſet humana voluntas reſiſtere, vel obtemperare.

Clariùs fortasſe dici poſteſt quòd gratia ſanctæ voluntatis in ejus libero arbitrio relinqueretur, vt eam ſi vellet deſereret, aut ſi vellet, vteretur; Gratia verò lapſæ ægrotaque voluntatis nullomodo in ejus relinquatur arbitrio, vt eam deſerat aut arripiat, ſi voluerit, ſed illa ſit potius illa poſtrema gratia quæ inuictiſſimè facit vt velit & à voluntate non deſeratur. Quod diſcrimen tradit Auguſtinus in lucubrationibus quas aduerſus hoſtes gratiæ exarauit, vt impoſſibile ſit legenti non aduertere.

En tibi hoſtes gratiæ à ſancto Auguſtino debellatos, ac proinde hæreticos, qui dicerent, in eo conuenire Medicinalem Chriſti gratiam cum gratia Adami, quòd vtraque poſſit ab homine, hoc eſt ab humana voluntate vel deſeri, ſi velit, vel arripi & eà vti. Deſerere Chriſti gratiam internam illam & actualem, & illi reſiſtere apud Ianſenianos, vt opinor, nihil differunt, nec pariter gratiam illam arripere, atque ea vti diuerſum quid eſt ab eo quod eſt illi obtemperare? Superreſt igitur vt (juxta Ianſenium) in eo fuerint hæretici Maſſilienſes ſeu Semipelagiani, quòd vellent talem eſſe interiorem gratiam, cui poſſet humana voluntas reſiſtere vel obtemperare: Ergo Ianſeniana eſt quarta Propoſitio, eique vt tali conuenit cenſura Sedis Apoſtolicæ, quòd ſit falſa & hæretica; falſa nimirum, quoad primam partem hæretica, quoad ſecundam.

Ex his constat quinque damnatas Propositiones vel ipsissimas esse Iansenii, vel Iansenianis adeò germanas, vt impossibile sit de vnis quidquam pronuntiare, quod aliis eodem prorsus modo non conueniat. Colligamus hæc ergo, & demus interea Iansenianis quod ab illis mox repetendum erit, sed demus *verum*, *Augustinianum*, & *Catholicum* esse sensum, quo & Iansenius propositiones illas defendit, & illi se defendere profitentur. Attamen semper sequitur, Iansenium, Magistrum illum traditionis incomparabilem, illum interpretem Augustini fidelissimum, Domitorem illum Pelagianismi renascentis, illum Reformatorem Scholasticæ Theologiæ, jam à multis sæculis corruptæ, illum Expurgatorem Catholicæ fidei Philosophicis principiis & humanis rationibus inquinatæ, Iansenium inquam talem ac tantum virum, tam ingeniosum, tam perspicacem, tam eruditum, tam sapientem, sensum verum, Augustinianum, & Catholicum expressisse Propositionibus, irrefragabili iudicio Sedis Apostolicæ, *falsis, temerariis, scandalosis, contumeliosis, impiis, blasphemis, anathemate damnatis, diuine pietatis derogantibus, & hæreticis*, quod est Iansenianos magistri sui vestigiis insistentes, & Augustini doctrinam, & fidem Catholicam explicare execrando & abominabili sermone. Hoc, inquam, vt minimùm sequitur, licet admittatur excusatio, qua illi declinare conantur Ecclesiasticæ Censuræ fatalem ictum.

CAPVT II.

Quo sensu damnata sint Iansenianæ Propositiones?

IANSENIANI damnatarum propositionum duos sensus distinxere: vnum alienum, ad quem trahi possent, & quem ipsi respuunt; alium legitimum, quem dicunt à se defendi veluti fidem Catholicam. Hæc sunt eorum verba in eo scripto quod tradiderit Summo Pontifici ante damnatas propositiones. *De propositionibus autem non in SENSU ALIENO, ad quem trahi possent, quique à nobis respuitur, SED IN SENSU LEGITIMO, qui à nobis defenditur, atque adeò de fide Catholica in iis contenta controversia est.*

Sensus *legitimus* prout opponitur *alieno*, non potest esse alius, quàm sensus *proprius*; idèmq; ut opponitur sensui, ad quem Propositiones trahi possent, non potest esse alius, quàm sensus naturalis, seu germanus, quem propositiones habent, nullâ vi verbis illatâ, sed ex ipsa vocum institutione, & communi atque vñtata inter homines acceptione. Et verò paulò pòst eosdem sensus vocant *veros & germanos*. Atque ita facti sunt, pro ea quâ valent prudentiâ & perspicaciâ, se damnatas propositiones tueri juxta *legitimum*, hoc est, *verum, proprium, naturalem, seu germanum, communemque* eorum sensum. Et ut damnationis fulmen auerant, dicunt cadere illud in sensum *alienum*, ad quem trahi possent. Hæc illi in libello trium columnarum, cujus specimen hic exhibendum est in prima propositione, eadem erit de cæteris ratio.

PRIMA PROPOSITIO.

Aliqua Dei præcepta hominibus justis volentibus & conantibus, secundum præsentem quas habent vires, sunt impossibilia : deest quoque iis gratia, qua possibilia fiant.

Sensus hæreticus,

Qui primæ propositioni malignè affingi posset; quem tamen legitime sumpta non habet.

Iustis omnibus quantumlibet volentibus & conantibus secundum præsentem, quantascumque vires, quæ à gratia magna & efficaci habentur, man-

PRIMA PROPOSITIO
ut à nobis defenditur.

Aliqua Dei præcepta aliquibus justis volentibus & conantibus inualidè & imperfectè, secundum, præsentem quas habent vires, parvas scilicet & infirmas : seu auxilio efficaci ad plenè volendum & operandum necessario destitutis, impossibilia sunt proximè & completè, seu ab iis adimpleri proximè non possunt: deest quoque illis gratia efficax, quâ præcepta illis proximè possibilia fiant : seu deest illis speciale illud auxilium, sine quo justificatus, ut ait Concilium Tridentinum, in

Propositio prima contraria ut ab Aduersariis defenditur.

Omnia Dei præcepta iustis volentibus, &c.

data Dei sunt impossibilia: deest quoque illis semper & quandiu viuunt gratia, quâ possint vel vnum ex mandatis Dei adimplere.

Hec propositio est heretica; Calviniana, aut Lutherana, & à Concilio Tridentino damnata.

justitia, id est in obseruatione mandatorum Dei perseverare non potest.

Sustinemus, ac demonstrare parati sumus hanc propositionem ad fidem Ecclesia pertinere, & in sancti Augustini Doctrina indubitatam esse, atque à Concilio Tridentino definitam.

In prima columna vt vides, est sensus hæreticus, quem propositio non habet, vt dicunt, sed ad quem *malignè trahi posset*, ideóque vocant sensum *alienum*. In secunda columna est sensus, quem illi *vti fidem Catholicam defendunt*, nos vti damnatam hæresim impugnamus; In tertia non continetur sensus propositionis, sed ponitur propositio contraria tum primo tum secundo sensui, juxta doctrinam, vt ipsi putant, Molinæ ac Semipelagianorum. Ergo damnatam esse propositionem cum negare non possunt, contendunt in sensu tantum primæ columnæ, damnatam esse, non in sensu secundæ, quæ media est.

Nolo hîc exagitare auctoris harum columnarum ingenium artemve, nec immorari persequendis verborum, quibus constant, ineptâ & inutili congerie; Eruditus lector oculos tantum aduertat ad illas orationis restrictiones, limitationes, modificationes, statim videbit specimen esse hominum, qui sermonis candorem, perspicuitatem, & breuitatem vel sponte fugiunt, vel ingenii ac scientiæ defectu adhibere non possunt; & quicumque tandem sit columnarum istarum faber, reuera fabrum esse lignarium, an ferrarium, an cæmentarium viderint alii, sed tamen rudem admodum & imperitum; & quem dicere possis cognitos vulgò columnarum ordines omnes ignorare, excepto fortasse rustico.

Sed iis omissis, examinandum est id quod dicunt de duplici sensu, quo sunt & non sunt damnatæ quinque Propositiones. Quod ego, quæ ipsius rei facilitas est & veritatis euidentiâ, ita me perfecturum spero, vt lector eruditus & sagax nescire cogatur, vtri stupore majori corripiantur, an qui hæc proponunt, ad eludendam Constitutionem Pontificiam:

an qui proponentibus assentiuntur, seque patiuntur ludificari ejusmodi præstigiis.

Age igitur: damnata est, inquiunt, Propositio in sensu hæretico primæ columnæ, non in Catholico secundæ. Ego in primis ex ore tuo & ex Pontificis te judico. De primo sensu, inquis, nulla est controuersia, quia pars vtræque in illius condemnationem consentit; controuersia est tantum de secundo, quem pars altera Catholicum, altera hæreticum esse contendit. Verba tua sunt; *De Propositionibus in sensu alieno, in quem trahi possent, non est controuersia, sed de sensu legitimo, qui à nobis defenditur.* Rursus, *Episcopi Galliarum petunt ut de iis quæ in Controuersiam inter nos & aduersarios vocata sunt, expressam sententiam ferat* (Sanctitas Vestra) *non de iis, de quibus nulla contentio, nulla questio, nullæ difficultas exorta est.* Possem ab hoc homine postulare ut procurationem ostenderet ab Episcopis Galliarum ad petendum eorum nomine quod à Pontifice petit. Vix enim sex, septemve nominaret contra octoginta & amplius, qui Legatis paulo melioribus, pauloque fidelioribus uti voluerunt. Possem & obicere, inter paucos illos quorum nomina prætexuere, non deesse qui negent se auctores fuisse hujusmodi legationis, queranturque nomen suum fuisse ab illis suppositum. Sed hæc & id genus multa dissimulanda sunt. Hoc tantum manifestò constat ex dictis, postulatam à Pontifice ut de Propositionibus pronuntiaret in sensu controuerso; & sensum controuersum esse sensum secundæ columnæ, quem ipsi tuentur.

Addamus jam verba Pontificis, quibus quid ipse intenderit satis ostendit in ipsamet constitutione, Cum occasione *impressionis libri, cui titulus, Augustinus Cornelii Iansenii Episcopi Iprensis* inter alias ejus opiniones orta fuerit præsertim in Gallia controuersia super quinque ex illis, &c. Nos quibus inter multiplices curas . . . illa inprimis cordi est, ut Ecclesia Dei . . . purgatis prauarum opinionum erroribus tutò militare & tamquam navis in tranquillo mari sedatis omnium tempestatum fluctibus ac procellis, securè nauigare, & ad optatum salutis portum peruenire possit; Pro rei gravitate coram aliquibus &c. In litteris autem Apostolicis ad Episcopos Galliarum sic loquitur: Recte atque ex ordine fecit

” Fraternitatum vestrarum pietas , quæ cùm in Ecclesiis istis
 ” propositionum, de quibus ad nos scripsistis occasione **TUR-**
 ” **BAS INGENTES EXCITARI CERNERET**; ascendit ad
 ” locum hunc sanctum , vt Catholicam super iis veritatem à
 ” nobis quæreret.

Ex his verbis nemo est, vt opinor, qui non videat quid mouerit Pontificem , & quid ille intenderit. Mouit illum *Controuersia in Galliis orta de quinque propositionibus, & ingentes turba eâ occasione excitata.* Intendit autem componere turbas illas , atque efficere suâ definitione , vt Ecclesia, *Sedatis omnium tempestatum fluctibus ac procellis, tanquam navis in tranquillo mari* cursum suum teneret. Hocce non est voluisse controuersiam dirimere, vel de sensu controuerso pronuntiare? Potest-ne quidpiam concipi magis ridiculum, quàm post apparatus illum & specimen iudicis, accincti ad dirimendam litem , totam litigandi causam relinquere, deque eo pronuntiare, de quo nulla est controuersia? Hoc est sedare tempestates? Hoc dissipare procellas , & efficere vt tranquillo mari nauigetur? Ergo velint nolint Ianseniani, fateri debent Pontificis mentem fuisse de controuersia iudicare, siue de quinque propositionibus vt controuersis: ac proinde vt intellectis in sensu controuerso. Hoc confirmant peculiare ejusdem Pontificis literæ ad quosdam Episcopos, vt ad Illustrissimum Gratianopolitanum scriptæ 29. Septembris anni superioris 1653. In quibus dicitur *lata esse sententia de quinque controuersis propositionibus* , & ad Illustrissimum Nouiodunensem eodem tempore , in quibus dicitur, *Apostolicâ Declaratione statutus de quinque controuersis propositionibus Ecclesiæ Catholica sensus.* Quomodo enim dici potest lata esse sententia de controuersis propositionibus, si non est lata de sensu illarum controuerso? Neque enim controuersæ sunt quoad solas voces, nisi velint disputatum esse apud Grammaticos. Ergo sumi debent voces, vt conjunctæ atque concretæ cum significatione controuersa. Si enim cum non controuersa , nec ipsa propositio controuersa dici potest.

Iam vide quid sequatur. Sensus controuersus , est legitimus & germanus quinque propositionum sensus , quem Ianseniani vti Catholicum tuerentur; Sensus controuersus est ille,

de quo Summus Pontifex intendit pronuntiare : Ergo sensus de quo Summus Pontifex intendit pronuntiare, est legitimus & germanus quinque propositionum sensus, quem Ianseniani uti Catholicum tuentur. Ergo pronuntiando de sensu controuerso, & quem Ianseniani tuentur ut Catholicum, dicit pontifex primam Propositionem esse *temerariam, impiam, blasphemam, anathemate damnatam, & hæreticam*. Ianseniani quid dicitis? Deductio manifesta est: principiorum alterum est vestrum, alterum Pontificis. Eligite utrum malitis, falli dolatorem trium columnarum, dum fatetur sensum legitimum & germanum illum esse, qui vocatur in controuersiam, & quem ipsi Catholicum putatis; an Pontificem, dum significat se de sensu controuerso pronuntiare.

Secundo, In primo tantum sensu damnabilis est, inquiunt, Propositio. Et ille est sensus *quem legitime sumpta non habet: sed qui malignè illi affingi posset*. Quis autem aded insaniuit vnquam, ut damnatam vellet propositionem, propter sensum quem legitime sumpta non habet, sed qui posset illi affingi? Si non habet illum sensum, nunquid ipsa innoxia est? Absoluatur ergo Propositio, & sensus damnetur. Quid minus est damnare propositionem propter sensum, quem non habet, sed qui posset ei malignè affingi, quàm accusatum damnare propter crimen, quod non commisit, sed quod ei posset malignè imponi? Nunquid hoc est Iudicem ipsum accusare vel stuporis horrendi, vel nequissimæ voluntatis? Quare inuoluit damnatio noxium crimen cum homine innoxio, si separata sunt? Quare etiã sensum hæreticum cum Catholica propositione, si sunt similiter disparata? Et non vident hanc esse in Iudicem ipsum, atque aded in Pontificem atrocissimam calumniam, & tetrum conuitium? Et sperant vllum fore verè Christianum, qui non malit desipere ipsos, quàm Pontificem? Quod si propter sensum quem non habet, sed qui malignè illi affingi posset, *hæretica & blasphema* est aliqua Propositio, quid facient, ne tota Scriptura sacra, hæretica & blasphema dici possit? Age, *verba quæ loquutus sum vobis spiritus & vita sunt*, propositio Christi est. Sensus hæreticus non tantum illi affingi potest, sed affictus reuera est à Caluino, qui putauit his verbis significari spiritualiter tantum accipiendâ,

quæ de Christi præsentia in Sanctissimo Eucharistiæ Sacramento Catholica docet Ecclesia. Ergo hæretica est Christi propositio illa?

Erit & illa, quâ dixit, *Quia Pater major me est*, quia hæreticus est sensus, quem non habet, & qui tamen illi non solum affingi potuit, sed affixus est ab Ario, cum diceret significatam æterni Verbi cum æterno Patre inæqualitatem in Natura; Ergo Christus hic iterum erit damnandus? Damnandum erit & quod dixit, *Ego & Pater unum sumus*, propter sensum hæreticum, quem illi Sabellius affinxit, cum diceret significari unitatem personarum in Diuinis, relictâ solâ distinctione nominum.

Damnandum & quod dixit, *Spiritus qui à Patre procedit*, quia Photius cum cæteris Græcis Schismaticis, negatiuum illi sensum, eumque hæreticum affinxerunt, quo negarent Spiritum Sanctum à Filio procedere.

Damnandum & illud, *Paracletus autem Spiritus Sanctus, quem mittet Pater in nomine meo*. Quia Macedoniani sensum hæreticum affinxerunt, cum dicerent, significari Spiritum Sanctum inæqualem, & minorem Filio, inæquali etiam & minore, Patre ipso; ac proinde tres personas ita se habere in Diuinis, sicut in humanis Sacerdotem, Diaconum, & Subdiaconum.

Apocalypsis tota Beati Ioannis Apostoli damnanda, propter sensum hæreticum, quem illi attribuunt nostrates hæretici, Babylonem interpretati Romanam Ecclesiam, & Antichristum, Pontificem.

Damnanda propositio Sancti Pauli, quâ dixit, *Neminem justificari ex operibus legis*, quia Lutherus hæreticum illi sensum affinxit, cum dixit, omnia opera nostra inutilia esse, nec conferre quidquam posse ad justificationem.

Damnanda propositio Danidis, *Beati quorum remissa sunt iniquitates, & quorum tecta sunt peccata*; quia idem Lutherus, hæreticum illi sensum affinxit, in justificatione regi tantum peccata, & non imputari; non verò deleri.

Genesis tota damnanda erit; & Mosis narratio dicenda hæretica: quia Manichæi hæreticum illi sensum affinxerunt, cum dicerent, designari Deum veteris testamenti, condi-

torum materiarum, Principemque gentis tenebrarum, diuersum ab alio Noui Testamenti Deo.

Denique nihil dixerit Pontifex de quinque propositionibus, quod non potuerit perinde dicere de vniuersa Scriptura. Et sicut non potest vocare Sacram Scripturam hæreticam, ita nec quinque propositiones vocare potuisse; vel si jure potuit quinque propositiones hæreticas vocare, potuisse ac posse eodem jure, & illum & nos ejus exemplo, Scripturam Sacram, hoc est, intemeratum Dei verbum, dicere *hæreticum*.

Quin etiam addo, id dictum iri potiori jure de Sacra Scriptura juxta Iansenianos, quàm dici possit de quinque propositionibus. Nam Scripturæ, vt vidimus, affixus est hæreticus sensus ab hæreticis: quinque propositionibus hæreticum illum sensum quis affinxit? Quis inquam nostrum vnquam dixit, primam propositionem de impossibilitate mandatorum, significare hominem justum peccare in quolibet opere bono, quod elicit beneficio gratiæ efficacis? eò enim reducitur implexus ille atque confusus primæ columnæ sensus. Sed quis nostrum illi sensum hujusmodi affinxit? Calvinianum nos quidem non affingimus, quia reuera tanquam proprium attribuimus: illum videlicet, quo censuit Calvinus hominem justum, dum impellente concupiscentiâ vincitur, necessitate vinci atque impossibilitate resistendi, in qua tunc reperitur. Hoc contendimus & à Prima Propositione propriè ad mentem Iansenii significatum, & esse Calvinianum atque hæreticum. Significari autem hominem justum, etiam in opere bono peccare per illam propositionem, nec diximus vnquam, nec intelleximus, nec intelligi voluimus. Vnde ita jam licet argumentari, Si damnanda est aliqua propositio propter alienum sensum hæreticum, vt volunt Ianseniani, euidentius est, damnari debere potius propter sensum, qui reuera affingitur, quàm propter illum, qui tantum affingi potest: eo quod malum actuale & præsens magis urgeat, quàm quod est tantum possibile. Sed propositionibus Scripturæ Sacræ sensus alienus & hæreticus reuera affingitur: ille verò quem designant Ianseniani, quinque propositionibus tantum affingi potest: Ergo si valet eorum ratio, dam-

nandæ sunt potius propositiones Scripturæ Sacræ, quàm propositiones illæ quinque Ianseniani. Quid dicitis? Videtis in quæ barathra cogitationum vestra vos principia præcipiunt? Quanti apud vos est vel Scriptura Sacra, vel Christi Vicarius, dum eò rem deducitis, ut definire possit hæreticum esse verbum Dei, sicuti definiuit propositiones Iansenii esse hæreticas? Si quæ vobis superest boni sanguinis gutta, non subibit ora rubor?

Atque in ea notandus est candor & bona fides, quæ sunt vñ Quatuor-viri Ianseniani qui Româ post suam damnationem scripsere ad Episcopos Galliarum 16. Iunii, cum dicunt, causam acceleratæ damnationis eam fuisse, quod aduersarii persuassissent Consultoribus & Cardinalibus, Iansenianos aliud profiteri in Gallia, & aliud Romæ; Et esse qui propositiones defenderent in malo sensu; Itaque nouam hæresim, à Concilio Tridentino damnatam in Luthero & Caluino, spargerent. Hæc ab illis fuisse proposita & voce tenus dum Cardinales & Consultores inuiferent, & scriptis informationibus quæ in ipsorum deinde manus venerunt. Nimirum hæc mera calumnia est; numquam enim illi qui contra Iansenianos Romæ pugnarunt, sensum illum, quem alienum vocant & hæreticum Iansenianis attribuerunt, sed illum potius quem & legitimum esse iidem fatentur, & ut Catholicum defendunt. Quare nego Iansenianos apicem vllum vel in scriptis aduersariorum, vel in eorum libris inuenire posse, quo probent quod asserunt.

Tertiò, Nisi deueniamus ad hoc principium, Ecclesiam dum propositionem aliquam absolutè damnat, eam damnare iuxta propriam & vsitatam, quam communiter habet, significationem, ruit auctoritas omnis Conciliorum in decidendis fidei controuersis; neque vim habet vllam, vel ad fidei doctrinam illustrandam, vel ad soluendas dubitantium difficultates, vel ad componenda disputantium dissidia. Quæ enim vsquam est Propositio, quæ cum proprio germanoque sensu, non admittat alienum? Ergo dum absolutè damnatur, vnde sciam in proprio-ne an in alieno damnetur? Quod mihi inquam omnia illa Tridentini Decreta, si Ianseniani non delirant? *Si quis dixerit, inquit, hominem suis operibus absque diuina gratia posse justificari, anathema sit: be-*

ne habet, intelligo hæreticam esse propositionem, sed vnde sciam hæreticam vocari in proprio sensu, & non in alieno & qui affingi posset? *Si quis dixerit ad hoc solum divinam gratiam per Christum Iesum dari, ut homo facilius iuste vivere possit, &c.* Esto inquam, hæreticum sit hoc dicere, sed in quo sensu? In proprio an in alieno & qui malignè affingi posset? *Si quis dixerit sine præueniente Spiritus Sancti inspiratione atque ejus adjutorio, hominem credere, sperare, diligere, aut penitere posse sicut oportet, anathema sit*: Sit inquam anathema, qui hoc dixerit, sed in quo sensu? in proprio, an in alieno, & qui malignè affingi posset?

Proclive est cætera omnia istius Concilii Decreta ex principiis Iansenianorum enervare omnino in eum modum, & irritare reddere penitus ac cassâ. Quòdque de Tridentino dicitur, pari modo dicendum erit de Valentino, de Lugdunensi, de Lingoniensi, deque cæteris omnibus, quorum auctoritate Ianseniani conantur aliquando errores suos communire. Interrogandi enim statim erunt quomodo intelligendas velint propositiones, quas obijciunt in illis damnatas; in proprio & legitimo sensu, quem habent; an in alieno & qui malignè affingi posset? Quid habent quod respondeant?

Sed & auctoritas Augustini, quem adorare se simulant, eum porius eum traducant veluti auctorem execrabilium sententiarum, quid eis proderit? Sint aliquæ propositiones, quas ille damnat, sicuti Pelagianas, concedo: sed illæ nunquid intelligi quoque possunt in sensu vel proprio & germano, vel alieno & qui malignè affingi posset? Non potest contingere propositionibus à Sancto Augustino damnatis, quod contingit damnatis à Sede Apostolica? Ergo si damnatæ à Sede Apostolica intelliguntur damnatæ in sensu tantum alieno & qui malignè affingi posset, non in proprio & legitimo; quidni cum eadem distinctione intelligi possint damnatæ, quæ damnatæ sunt à Sancto Augustino? Quid igitur fiet tot machinis, quot in Molinam & Molinistas erexere? Non vident ab ipsismet suggeri vnde statim in fumum & cineres redigantur?

Agite inquam Ianseniani, Molina exterminandus est: ille ille hostis Divinæ gratiæ, ille corruptæ, ingratiæque naturæ de-

fenfor, ille interpolator Semipelagianismi. Ergo deuocemus hominem. Sed videndum prius quis in illum sententiam dicat. Concilium, inquiunt, Diospolitenum, Carthaginense, Mileuitanum, Arausicanum. Illa verò quid tandem dicunt? Damnant, inquiunt, Propositiones quæ Molinæ sunt. Interea transeat impostura. Sed in quo sensu eas damnant, in proprio, an in alieno & qui malignè affingi posset? Totus, inquiunt, in illum detonat Augustinus. Quid verò dicit? Hæreticas, inquiunt, esse illius assertiones. Hæc quoque calumnia interim transeat. At in quo sensu hæreticas dicit, in proprio, an in alieno & qui malignè affingi posset? Adeone tardi sunt Ianseniani, ne cæcos dicam, vt non intelligant petitiones ipsorum omnes per ipsosmet irritas reddi penitusque inutiles?

Quare nisi prodire volunt in hanc arenam inermes & nudi, omniâque diruere munimenta, quibus causam suam hactenus tueri conati sunt; euidens est debere nobiscum in hoc principium conuenire, vt cùm aliqua propositio absolutè damnatur, censenda sit damnari non in alieno sensu & quem non habet; sed in proprio, atque germano iuxta communem hominum acceptionem. Figamus igitur hoc principium, & jungamus eorundem Iansenianorum confessionem, quâ dicunt, sensum *controuersum* in quo ipsi *sustinent* quinque propositiones, esse *legitimum*, *germanum*, *verum* illarum sensum oppositum *alieno*, ac proinde *proprium*; inde statim sequitur damnatas esse Quinque Propositiones in sensu, in quo illas Ianseniani sustinent. Atque ex his cernere Lector potest quomodo Ianseniani suis se verbis implicuerint, & ad suas ipsi columnas alligati verberentur.

Quartò, qui suos nobis sensus inculcant, eiusmodi sunt, vt de iis ne cogitarint quidem Episcopi, qui Propositiones Romam ad censuram misere: sed ne illi quidem, qui vt censerentur, institere Romæ. Quid sentiant, quid non sentiant, viderint ipsi. De sensu Iansenii actum est semper; ille controuersus, ille propositus fuit huius causæ iudicibus. Fatentur-ne damnatas esse propositiones in sensu Iansenii nec-ne? Si fatentur, consulant ipsi sibi vt volent. Nos enim deinceps de sensu ipsorum nihil admodum erimus solliciti, nisi vt vi-

deamus quomodo suum ipsi à Ianseniano distinguant; si non fatentur, legant Apostolicam Constitutionem: Cùm occasione impressionis libri cui titulus, Augustinus Cornelii Episcopi Iprensis INTER ALIAS EIVS OPINIONES orta fuerit, præsertim in Gallia, controuersia super QVINQVE EX ILLIS, complures Galliarum Episcopi apud nos institerunt ut easdem propositiones nobis oblatas expenderemus, ac de vnaquaque earum certam & perspicuam ferremus sententiam. Quid videtur? Satis-ne declarat Pontifex rem de qua iudicat esse *opiniones Iansenii*? Satis-ne monstrat se pro eodem habere *opiniones Iansenii* & oblatas propositiones? Iterum legant: Non intendentes tamen per hanc declarationem & definitionem super prædictis quinque propositionibus factam, approbare vllatenus ALIAS OPINIONES QUÆ CONTINENTVR IN PRÆDICTO LIBRO CORNELII IANSENI. Quid est *alias opiniones in eodem libro contentas*, relatum ad *prædictas quinque Propositiones*? Grammatica Regio-portuensis posset-ne rationem aliquam inuenire ita interpretandi, ut *prædictæ quinque propositiones* non intelligerentur esse *opiniones in prædicto libro contentæ*? Ergo de opinionibus Iansenii iudicat Pontifex, cùm de Quinque Propositionibus iudicat. Ostendant autem Ianseniani, subtiles nimirum Philosophi, quantum sit in præsentī materia discriminis, inter sensus Iansenii & opiniones Iansenii. Quòd si nullum est, fateantur ergo, dum lata est de Quinque Propositionibus sententia, latam esse ex ejus declaratione qui eam tulit, de opinionibus, deque sensibus Iansenii, seu quod idem est, latam esse de Quinque Propositionibus ut Iansenianis, hoc est, ut expressiuis sensus & mentis Iansenii: ac proinde opiniones & sensus Iansenii damnatos esse in censura quinque propositionum.

Atque hoc confirmari potest ex sculptore trium columnarum, dum propositiones omnes, exceptà primâ, vocat *fabricatas*. Hoc enim idem est ac non contineri apud Iansenium sub iisdem terminis. Nam cùm constet nullam propositionem attribui posse vlli scriptori, quæ non ad illum pertineat, vel ratione verborum, quibus constat, vel ratione significationis & sensus: & quatuor illæ non pertineant ad Ian-

senium, ratione verborum quibus constant, ut vult columnarum faber; superest, ut vel nullomodo pertineant, vel pertineant ratione significationis & sensus. Pertinere autem, & Episcopi Galliarum qui eas misere censendas, & Christi Vicarius, qui censuit, apertè significant: Ergo pertinent ratione significationis & sensus, qui communis est illis cum similibus propositionibus Iansenianis. Et quid cogitant qui repugnant? Non erunt iterum ad suas columnas ligandi eademque, si contendere pergant Pontificem de capis interrogatum, de aliis respondisse? Controversia est, inquit, de sensu Ianseniano, de controversia recurritur ad Pontificem, ut eam dirimat; respondet Pontifex de sensu non Ianseniano. Quis hic non clamet, Ianseniani ad columnam.

C A P V T III.

Quid significet exceptio quâ usus est Summus Pontifex dum declaravit non esse mentem suam damnare Doctrinam Sancti Augustini, nec controversiam attingere de Gratia per seipsam efficaci.

PSEUDO-AUGUSTINIANI ut eludant vim Apostolicæ Constitutionis contra Quinque Propositiones, argumentantur ex eo quod se dicunt a Pontifice in privato quodam colloquio audivisse, non esse mentis suæ damnare ullo modo Sancti Augustini doctrinam: sed nec controversiam attingere de gratia per seipsam efficaci, agitatam inter Thomistas & Iesuitas. Unde ita debent argumentari, si aliquid obtinere cupiunt. Damnare Quinque Propositiones in sensu Ianseniano, est damnare Sanctum Augustinum: Sed Pontifex apertè declaravit non esse mentis suæ damnare Sanctum Augustinum: Ergo consequenter declaravit non esse mentis suæ damnare Quinque Propositiones in sensu Ianseniano. Item, Damnare Quinque Propositiones in sensu Ianseniano, est

tangere controuersiam de Gratia per seipsam efficaci agitatum sub Clemente VIII. & Paulo V. eamque definire: Sed Pontifex declarauit se controuersiam illam nec definire velle, nec tangere: Ergo declarauit se damnare nolle Quinque Propositiones in sensu Ianseniano. Ego breuiter respondeo, & vicissim sic argumentor. Qui non vult damnare doctrinam Sancti Augustini, & damnare vult Quinque Propositiones in sensu Ianseniano, consequenter ostendit propositiones illas in sensu Ianseniano non esse doctrinam Sancti Augustini: Sed Innocentius X. non vult damnare doctrinam Sancti Augustini, & tamen vult damnare Quinque Propositiones in sensu Ianseniano: Ergo Innocentius X. consequenter ostendit propositiones illas in sensu Ianseniano non esse doctrinam Sancti Augustini. Major per se patet, minoris pars prima datur ab aduersariis, secunda jam demonstrata est, & ex ipso tenore Constitutionis patet: consequentia est manifesta.

Iterum argumentor: Qui vult damnare Quinque Propositiones in sensu Ianseniano, & non vult definire controuersiam de Gratia per seipsam efficaci aliàs disceptatam, supponit esse differentes controuersias: Sed Innocentius Decimus vult damnare Quinque Propositiones in sensu Ianseniano, & non vult definire controuersiam de gratia per seipsam efficaci, aliàs disputatam; Ergo Innocentius X. supponit differentes esse controuersias, de Gratia per seipsam efficaci disputatam aliàs, & de quinque propositionibus. Major per seipsam manifesta est: minoris pars prima superius demonstrata est: secunda conceditur vltro à Iansenianis: consequentia negari non potest,

Ianseniani quid vobis videtur? *Parati sumus*, inquiunt, *demonstrare*, Quinque Propositiones ad sensum Iansenii, easdem esse ad sensum etiam Augustini. Respondeo, demonstratum esse à Pontifice vos demonstrare velle quæ non sunt: Et cum dicitis vos quoque demonstrare paratos hanc esse ipsissimam controuersiam de Gratia per seipsam efficaci; Respondeo pariter demonstratum à Pontifice vos polliceri demonstrationes rerum indemonstrabilium.

Addo, quod attinet ad Sanctum Augustinum, Summum Pontificem non intendisse aliud definire, quàm quod illi propositum fuit. Cum ergo in propositione definiendorum nulla

fuerit facta mentio doctrinæ Sancti Augustini, nec intendisse ipsum in Augustinum, ut ejus doctrinam vel sanciret, vel damnaret: Sciuisse quid esset jam in majorum traditione circa propositiones oblatas, quive sensus præsentis Ecclesiæ, de quo etiam interrogavit præcipuas per orbem Christianum Academias, præter assiduam illam per sesquiannum à præclaris variorum Ordinum Doctoribus factam discussionem: Quod definitum est, auctoritatem petere non tam à Sancti Augustini consensu, quàm à præsidio speciali Spiritus Sancti, Christi Vicario in Scripturis sacris promisso: Quod est, auctoritatem petere ab ipsa Scriptura sacra, ut Augustinus ipse interpretatur in Epistola ad Innocentium I. Si deinde conuinceretur id quod definitum est contrarium esse quibusdam aliis ejusdem Sancti Augustini pronuntiatis, deferendam potius Augustini sententiam, quàm sententiam Summi Pontificis, idque auctore atque hortatore ipsomet Augustino faciendum; sed reuera faciendum non esse; quod enim definitum est, minimè contrarium esse Augustini doctrinæ: esse illi potius quàm maximè consentaneum: Mutandam esse tantùm Iansenianis illam, quâ vñ sunt inuestiganda Theologiæ Augustinianæ intelligentia, rationem, persimilem illi quâ vsus est etiam Calvinus, qui sua omnia de Gratia & libero arbitrio perpetuò prædicat esse Augustiniana.

Nullam esse certiore viam ad cognoscendam Augustini sententiam, quàm Ecclesiæ interpretationem: Non licere nobis Augustinum interrogare de dubiis, quæ circa ejus scripta suboriri possunt, adire autem Ecclesiam licere. Quid igitur tutius quàm ut præsentem & loquentem Ecclesiam interrogemus de sententia Sancti Augustini tacentis & absentis? Esto, scripto loquatur Augustinus, non posse tamen scripto dubia soluere, quæ circa scriptum ipsum nascuntur. Si veram putamus ejus sententiam, cum sit certius veram etiam esse Summi Pontificis, certò concludendum non intelligi Augustinum ab iis, à quibus trahitur in sententiam Pontifici contrariam.

Circa Gratiā per seipsam efficacem, & controuersiam inter Thomistas, & Theologos Societatis disputatam, similiter dico duas esse quæstiones, in quarum vna consentientes habemus Thomistas, in altera dissidentes. Eum qui libere trans-

greditur præcepta, habere proximam & expeditam potentiam ad ea seruanda; Et consequenter resistere interiori gratiæ, per quam illa potentia completur; Et esse necessarium ad libertatem meriti ac demeriti vt facultas libera, sit eâ ratione in vtramque partem contradictionis expedita, proindeque absoluta, non solum à necessitate coactionis, sed à quacumque alia, quæ indifferentiam illam impediat; talem igitur esse debere gratiam interiùs mouentem, vt voluntas pro sua libertate possit ei vel resistere vel obtemperare: Iustificatos denique omnes, qui finaliter cadunt & damnantur, potuisse perseverare, atque saluari: Et Christum esse mortuum, vt gratiam per quam hoc possent, illis mereretur; Res sunt de quibus inter nos & Thomistas nulla fuit vnquam contentio; vnanimi enim consensu supposuimus illa semper tanquam indubitata Catholicorum Theologorum principia. An ea conueniant cum gratia physicè prædeterminante ad sensum Thomistarum, hoc verò est de quo disputamus, negantibus nobis, illis affirmantibus. Ergo id in quo conuenimus sancit Pontifex; id in quo dissidemus disputationi nostræ reliquit. Sed est, inquis, necessaria consequentia à positione illorum principiorum, ad negationem gratiæ prædeterminantis. Respondeo hoc ipsum inter nos disputari, an scilicet necessaria sit illa consequentia. Nobis videtur necessaria, illis non videtur: Vtri melius sentiant, nondum definitum est. Vicerint illi, qui suam sententiam melius probauerint, meliusque defenderint. Atque hoc est Pontificem attingere noluisse controuersiam inter nos & Thomistas disputatam de gratia per se ipsam efficaci. Quod enim non attingitur nisi per consequentias vtrinque disputabiles, non attingitur definitiuè; neque censi potest facta decisio de causa illa, de qua litigare per iudicem liberum est. Ac proinde cum sit liberum de eiusmodi consequentiis inter nos disputare, non fuit mens Pontificis de eorum necessitate ferre iudicium. Vanum igitur est quod Ianseniani colligere sibi videntur, ex illæsa testimonio Pontificis Sancti Augustini auctoritate, intactaque gratiæ per se ipsam efficaci controuersia.

Ex his intelligi potest quid de illis quoque sentiendum, qui Romanam Quinque Propositionum censuram admittunt;

cum exceptione illibata auctoritatis Sancti Augustini, atque etiam Sancti Thomæ. Suspecta, Deus immortalis! exceptio, vel certè ut mitissimè loquar, superflua. Vel enim supponunt certiozem esse Sancti Augustini sententiam, decisione Romani Pontificis; vel è contrario, tutiozem esse Romani Pontificis decisionem, sententiâ Sancti Augustini; vel vtramque æquè certam aut æquè dubiam: Si Sancti Augustini sententiam Romani Pontificis decisione præferunt, dico suspectam esse exceptionem, & à mente Sancti Augustini alienissimam. Si tutiozem putant definitionem Romani Pontificis Augustini sententiâ; cùm possem vocare ridiculam exceptionem, dicere malui tantùm esse superfluam.

Quid enim est, cum qui tutiozem partem se putat sequi, contestari se ita illi adhærere, ut non cogatur recedere à minùs tuta? Num paratus est, si non possint ambæ conciliari, relinquere quam certam credit, ut amplectatur eam, quæ illi videtur incertior? Idem dicendum si vtraque sententia Episcopi Romani & Augustini, vel æquè certa vel æquè incerta supponatur. Quis enim tunc esse potest exceptioni locus, aut quæ ratio præferendi aut postponendi alteram alteri? Quod de Sancto Augustino dictum est, idem eadèmq; ratione dicendum de Sancto Thoma; qui si viueret, dubito num seruaturus esset modum in persecuendis hominibus illis, à quibus intelligeret se cum Christi Vicario committi.

Et hoc ipsum est in quo perpetuè Ianseniani hallucinantur, quando scilicet ut Sedis Apostolicæ sanctiones eludant, Sanctum Augustinum & Sanctum Thomam opponunt. Nec animaduertunt quantopere illis aduersetur affectata hæc erga sanctos viros assentatio. Quippe illos amplectuntur qui ejusmodi officiis offenduntur grauissimè. Et miror quomodo illos tanta subierit fiducia, ut Christi Vicarii tutores esse, feu Pædagogi non dedignentur, dum suam illi necessariam esse prouidentiam arbitrantur, in præformandis causarum fidei definitionibus, timèntque ne imprudentiâ labatur, quòd distinguere nesciat inter Augustinianam doctrinam & hæreticam, hoc est, ne feriat Augustinum, dum in hæreticos jactatur. Pupillus scilicet est ac per ætatem infirmus, nisi adsint qui verba ipsius interpretentur ac retractent.

Necesse

Neceſſe autem eſt ipſos in Sanctorum illorum placitis par-
tiri: ac dum partem vnam approbare ſe ſimulant, rejicere
alteram. Age enim, demus quod iniquiſſimè poſtulant Ianſe-
niani, quòdque omni ratione negari debet, Auguſtino vi-
ſum eſſe, Aliqua Dei præcepta hominibus juſtis ſecundùm
præſentes, quas habent vires, impoſſibilia; Interiori gratiæ
actuali numquam reſiſti; Ad meritum & demeritum ſuffice-
re libertatem à coactione, eſto, non fit libertas à neceſſita-
te: Hæreſim eſſe Semipelagianam, quòd quis putet liberum
eſſe reſiſtere vel obtemperare præuenienti gratiæ; Chriſtum
denique pro æterna ſalute prædeſtinatorum tantùm eſſe mor-
tuum, non verò pro æterna ſalute vllius reprobi. Demus in-
quam quod falſiſſimum eſt, hæc Auguſtino placuiſſe. Do-
ctor eſt, inquiunt, irrefragabilis, bene habet. Sed nunquid eſt
etiam irrefragabilis cùm Donatiſtas mittit ad *Petri ſedem*, tan-
quam ad *Petram* contra quam non prævalent inferorum por-
tæ? Nunquid eſt irrefragabilis, quando Iulianum Pelagianum
negat *erraturum fuiſſe*, ſi audire voluiſſet ejuſdem Petri ſuc-
ceſſorem? Nunquid eſt irrefragabilis, quando dicit Inno-
centium Romanum Episcopum *non poſuiſſe aliud reſpondere inter-*
rogantibus, quàm quod Apoſtolica Sedes & Romana cum cæteris
tenet perſeueranter Eccleſia? Nunquid eſt irrefragabilis, quando
dicit *neſus eſſe* dubitare de eo quod Apoſtolica Sedes ſanxiſ-
ſet? Nunquid eſt irrefragabilis, dum Pelagianos aduerſus cæ-
teros Episcopos, & congregata tam in Oriente, tum in Africa
contra ipſos Concilia pertinaces, ceſſuros ſperat ejuſdem Inno-
centii auctoritati majori? Nunquid eſt irrefragabilis, quando
Apoſtolatus principatum, & quod idem eſt, Apoſtolica Eccleſie prin-
cipatum cuiuslibet Episcopatus præferendam, agnoſcit in Eccleſia Ro-
mana? His & ſimilibus locis eum tam clarè monſtret Auguſti-
nus, quàm tutum ſit adhærere Sanctionibus Apoſtolicæ Sedis,
audent aliqui contra prodeuntem ab illa Conſtitutionem exci-
pere pro Sancto Auguſtino & proteſtari: Nec intelligunt nihil
aliud hoc eſſe, quàm excipere & proteſtari contra ipſummet
Sanctum Auguſtinum? Imponere quoque D. Thomæ non ve-
rentur, qui eorum doctrinam jam olim vocauit hæreticam.

Pſal. in par.
Donati.
L. 1. contra
Iul. c. 4.

Ibidem.

Epif. 157.

Epif. 92.

L. 2. c. 1. de
Bapt. & ep.
162.

CAPVT IV.

Quid probent alia quadam conjectura Iansenianorum circa mentem Summi Pontificis ?

Ex Epistola
quam Qua-
m viri Iā-
seniani Ro-
ma scripse-
runt ad Epi-
scopos Gal-
lia 16. In-
nu.



IANSENIANI Doctores ex humanitate, quā fuerunt excepti à Summo Pontifice, qui liberaliter Indulgentias eis dedit, qui laudauit ipsorum agendi rationem, qui eloquentiam & eruditionem commendauit, qui dixit se noluisse, in ipsorum scilicet gratiam, in sua Constitutione vti clausulis illis, quæ communiter vsurpari solent, *De plenitudine potestatis, &, indignationem Beatorum Apostolorum Petri & Pauli se nouerit incursum.* Ex his inquam atque aliis Summi Pontificis responsis, verbis, factisque, conficere conantur noluisse illum damnare Quinque Propositiones in sensu quem habent Iansenii, sed in eo quem non habent, quique illis *malignè tantum assignari potest.* Ad hæc omnia paucis respondeo.

Primò contra fidem obsignatarum tabularum minimè dubiam minimèque obscuram, non esse agendum conjecturis. Testamentum condidit Sempronius, Caium scripsit hæredem, Tabulæ producuntur; quis cum audiat, qui ex diuinatione conjecturarum contendit voluisse instituere Titium? Profero Constitutionem Pontificis, quā disertè significat se in quinque propositionibus damnare *opiniones*, hoc est, *sensum* Iansenii, quem fateris esse proprium illarum sensum: hic tu mihi conjecturas affers, quibus obtineas noluisse damnare sensum Iansenii quem habent, sed alium quem non habent. Abi vir bone, tēque hominum risui, si sapias, subtrahere.

Secundò, Respondeo Iansenianos in suis relationibus id omittere solitos, quod est efficacius ad intelligendam Pontificis mentem. Tertio vel quarto mense quàm Romam peruenierant, admissi sunt tandem atque auditi à Pontifice, cum ea humanitate ac beneuolentia, quā solet aduenas excipere.

Scripsere id statim in Galliam & curarunt inferi Gazetis, cœperuntque gestire lætitiâ, qui sectam illam sequuntur, spe præcipiti euentum causâ occupante. Atqui in eodem primo congressu Pontifex disertissimis verbis significarat, nolle se vlla ratione vt Constitutio Urbani decessoris sui reuocaretur in dubium, quod erat, nolle se vt quisquam ambigeret, an sit verum quod in ea Constitutione exprimitur, doctrinam pridem damnatam à Iansenio defensam esse cum scandalo totius Orbis Christiani, cum contemptu Sedis Apostolicæ, cum periculo fidei Christianæ. Hæc Ianseniani pro candore suo premienda censuere, scribenda cætera & gazetis commendanda.

Iam similiter ex variis beneuolentiæ signis, quibus probauit Pontifex posse bene conuenire, atque in vna Sede morari maiestatem & humanitatem, conijciunt illi probatam fuisse ipsorum doctrinam: dicere omittunt quomodo fuerint excepti Doctores alii, quorum est doctrina contraria, D. Hallier, D. Ioyzel, & D. Lagaut, quibus inter cætera paterni amoris argumenta Pontifex propriam effigiem auro atque argento impressam dedit, Beneficia contulit Ecclesiastica, quæ ad manum erant, vacatura expectare iussit, &c. Hinc scilicet constat, ita erga vtrosque se gessisse Pontificem, vt istis gratulari voluerit pro re feliciter gesta, & pro nauata fideliter opera fidei Catholicæ gratificari: de illis autem sperasse meliora; ideoque ad resipiscentiam & errorum retractationem humanitate suâ inuitare voluisse.

Laudatam dicunt ipsorum agendi rationem. Dubito an sit verum: Accepi enim ab hominibus fide dignis, non sine admiratione cognouisse Pontificem quantam illi vim pecuniarum Romæ consumpsissent. Sunt qui asserant supra quadraginta nostratum scutorum millia fuisse ab illis expensa. Quæ non modica est Ecclesiæ Romanæ laus; quippe cujus æquitate atque integritate factum est, vt inermis & nuda veritas splendens aureis armis conficeret errorem. Addunt, eloquentiam quoque commendatam, quod si est verum, necesse est ipsos eloquentiores esse dicendo, quàm scribendo. Latine enim dicebant, & constat vel ex ipso trium columnarum opusculo, si tyrocinium vnquam posuere Latine dicendi, certè non absoluisse. Quidquid

id est, dicere omittunt, ita laudatam ipsorum eloquentiam, ut fuerit desideratum iudicium. Nam cum dicturi essent de Quinque Propositionibus, coeperunt dicere de Iesuitis, ducto ab illis verbis exordio, *Semipelagiana Iesuitarum Societas*, tenuitque duas horas inuicta, pugnante in omnium auditorum animis cum indignatione patientia. Satyram illam excepit effusa in commendationem Sancti Augustini & gratiae per seipsam efficacis oratio, de quibus nulla erat controuersia; & post longa quatuor circiter horarum fastidia, comperitum est nondum coepisse dicere *de tribus capellis*.

Indulgentias concessit Pontifex, quia putauit retinere illos fidem purgatorii & communionis Sanctorum. Voluit ut gratiae tribuerent, quod in sua Constitutione omisisset de industria, extremae indignationis verba, bene habet. Igitur putauit ad eos pertinere hanc damnationem; sed, spe resipiscientiae & opinione docilitatis ipsorum, iudicauit leniendum esse decretum & pillulam condiendam.

In praedicta
Epistola Ro-
ma scripta
26. Iunii.

Expendamus quasdam alias eorum ratiocinationes ad hoc caput spectantes. Cum proposuissemus, inquit, & scripto & viva voce proprium & particularem sensum Quinque Propositionum, professi nos illum defensuros donec definituum de eo iudicium preferretur: sua Sanctitas pronuntiauit de propositionibus sine vlla expressione sensus proprii & particularis; Ergo certum est argumentum, quod probauerit, ut propositiones illas tueremur in sensu proprio & particulari, quem dicimus esse Catholicum.

Respondeo, argumentum non tantum non esse certum, sed esse etiam ridiculum; & concludendum esse potius oppositum. Quia si quando exprimendum est in quo sensu damnetur aliqua propositio, id potissimum exprimi debet, quando damnatur in alieno, aut valde remoto; quando enim simpliciter damnatur, damnari censenda est in proprio. In quo enim sensu damnantur quae damnantur in Tridentino? In quo sensu quae damnantur in Arausicano, & in Conciliis Africanis? Fit-ne ibi vlla expressio particularis & proprii sensus? Et tamen ille potissimum damnatur. Si damnetur alienus, & non proprius, hoc potius erat exprimendum, ut monerentur fideles, & tolleretur manifestum errandi periculum. At-

que ita, quæ lata est in Quinque Propositiones sententia, Iudicium fuit definitivum, quale Ianseniani postulabant, de proprio scilicet atque germano earum sensu. Pergunt.

Cum exposuissimus, inquiunt, sensum in quo defendimus Quinque Propositiones, sua Sanctitas non solum non improbavit, sed quidquid dixeramus excepit *extraordinariis approbationibus*, quod est signum positivum, vnde intelligatur non esse damnatas in eo sensu.

Respondeo, Si positum erat in illa expositione sensum Iansenianum quinque propositionum esse Catholicum, vel eorundem sensum *proprium, germanum, legitimum*, esse approbandum: aut esse doctrinam Sancti Augustini, aut esse necessarium connexum cum fide Catholica de necessitate divinæ gratiæ, aut quid simile, nego Pontificem approbasse quidquid illa expositio continebat. Et si quis hoc affirmet, dico imponere illum Summo Pontifici. Romam petat quicumque se hanc responsione offensum putabit, ut injuriam vicietur, & suam fidem atque innocentiam probet Pontifici; si habebit vnde viuat eundo, spondeo non fore necessarium redituro viaticum. Pergunt.

Sua Sanctitas adeo persuasum habuit veras esse quinque propositiones in sensu nostro, ut non curaret ulterius id examinari: neque enim deinceps indictam esse ullam Congregationem; fuisse autem indicendam si qua fuisset dubitandi ratio, circa ea quæ fuerant à nobis proposita.

Respondeo esse hoc quoque argumentum perquam ridiculum, & cujus vis tota in ipsos argumentatores retorqueatur. Nimirum Summus Pontifex adeo persuasum habuit illos tantâ contentione, tamque longâ oratione nihil dixisse, quod dubiam redderet jam conceptum definitionem, ut judicaverit esse superfluum super ea re ulteriorem instituere deliberationem. Et reuera fuit hoc quoque iudicium eorum qui dicentibus aderant; aderant autem Cardinales & Consultores omnes ad hoc negotium deputati, qui palam professi sunt se prorsus nihil audiuisse, quod non occurrisset prius, quod non expensum, quod non discussum amplissime fuisset.

Atque hinc soluitur alia eorundem cavillatio, cum di-

cunt, Constitutionem Pontificiam testari examinatas fuisse à Consultoribus quinque propositiones: non fuisse autem examinatas in eo sensu, quem ipsi proposuerunt, postquam ab illa propositione nulla deinceps est habita Congregatio; Ergo neque in eo sensu damnatas, quòd non sit verisimile, damnatum esse quod examinatum non est. Soluitur inquam, Quia sensus ille ante ipsorum declamationem erat notissimus. Nimirum ille erat qui ab Orthodoxis Doctoribus & viuâ & scriptâ voce ad examinandum fuit ab initio propositus; cuius rei manifestam faciunt fidem scripta omnia Cardinalibus & Consultoribus ad informandum oblata. Inter quæ recenseri potest, *Informatio de quinque propositionibus*, quæ deinde in lucem prodiit. Sensus igitur quem Ianseniani Catholicum vocant, tanquam *proprium, germanum, legitimum* Quinque Propositionum sensum spectauit ab initio Congregatio, & illum damnavit Pontifex tanquam hæreticum. Pergunt.

In ultimo congressu, cùm jam essemus discessuri, testatus est Pontifex se *illas propositiones* approbasse, suæque menti impressisse, & quidem verbis *quàm credi aut exprimi possit, honorificentioribus atque efficacioribus*. Respondeo, Iansenianos hîc quoque ludere. Quid est quod dicunt *illas propositiones*? Quòd inquam referunt, *illas*? Ad Quinque Propositiones damnatas? Nego verum esse quod dicunt; ad inania cantica illa de gratia per seipsam efficaci, & de auctoritate Sancti Augustini? Esto, non repugnat Pontifex quominus gratiam per seipsam efficacem intra præscriptos ipsis Thomistis limites propugnarent: probauerit etiam ut Sancti Augustini doctrinam colerent: quid hoc ad defensionem Quinque Propositionum, quas & Thomistæ & Augustiniani damnant? Si dixissent Româ discessuri, tueri se Quinque Propositiones, tanquam Catholicas juxta sensum *particularem, proprium, legitimum, germanum*, non pertransissent Pontem Miluium, Roma illos adhuc haberet, vel in ciuitate vbi turris nouæ carceres sunt, vel in suburbio, vbi sunt ergastula Romanæ Inquisitionis.



CAPVT V.

*An Quinque Propositiones damnatae sint tantum
in genere?*



He est alius Iansenianorum cauillus, quem illi inculcare non cessant, Propositiones in vniuersum damnatas, intacto sensu particulari, quo defenduntur à Iansenistis: Relictas esse in sua ambiguitate generali: Ab iis qui eas conceperunt fuisse affectatam illam confusionem; ideòque conceptas equiuocis vocibus, atque indefinitis. Potuisse damnari illa generalitate, fuisseque reuera damnatas ab ipsis quoque Iansenianis: Damnationem cadere in propositiones vniuersim acceptas, non in sensus particulares & controuersos, &c.

Quæ verba meras umbras significant; nec aliò spectant, quàm vt offusis imperitorum animo tenebris occultetur splendor lucidissimæ veritatis. Propositiones damnatae constant verbis & significatione; si verba spectemus, sunt propositiones indiuiduæ ac singulares, totidem verbis apud Iansenium contentæ. Et de prima quidem ipsimet fatentur; de cæteris demonstratum est cap. i. ac proinde, si qua est ex hoc capite ambiguitas, Iansenium accusent & eorum innocentiam fateantur, qui quod apud illum inuenere, id ipsum fideliter obtulere Pontifici, vt dispiceret, an esset censurâ dignum.

Superest ergo vt generalitas illa & confusio cadat in significationem. Quomodo autem potest esse vaga & confusa significatio propositionis, quæ non habet nisi vnum sensum, eumque proprium ac legitimum? Ianseniani duos proferunt in suis columnis: alterum hæreticum, alterum vt ipsi putant, Catholicum, & quia nos hoc negamus, controuersum. Sensum hæreticum vocant *alienum*; Catholicum verò *proprium*. Ex aliena & propria quomodo potest colligi vniuersalis quædam significatio propositionis? Vel si potest; vllane vspiam esse potest, cuius non sit pariter vaga & indefinita significatio, ac proinde quæ non laboret eo vitio, cuius istæ jam ac-

cusantur? Dicite Ianseniani, vestram excutite Grammaticam, vestrum vocabularium percurrite; possetis aliquâ propositione ita Iansenii sensum exprimere propriè, ut nullus esset locus alienæ interpretationi? Ergo quid facere potuerunt quod non fecerint qui Quinque Propositiones conceperunt, ut ipsissimum Iansenii sensum exprimerent?

Obtrudere, inquiunt, sensum alienum. Sed quibus? Consultoribus, Cardinalibus, Pontifici, scilicet illiteratis imperitisque, qui nescirent in censendis propositionibus sensum alienum distinguere, atque à legitimo separare? Digna hæc quidem est cogitatio religione vestra, modestiâque, ut satius videatur stuporem affingere Principibus Ecclesiæ, atque ipsi Christi Vicario, quàm proprium confiteri. Nam quis majores esse potest animi stupor, quàm propositionem, quæ juxta proprium germanumque sensum Catholica est, nullâ distinctione, nullâ monitione præmissâ, damnare propter alienum?

Sed neque verum est quod dicunt, sensum hæreticum illum & alienum fuisse obtrusum ab Orthodoxis Doctoribus in informationibus secretis. Et quia jaçant, oblata Consultoribus eorum scripta in ipsorum manus peruenisse, pronoco ut producant, probentque imposturam, de qua queruntur. Constabit nimirum non solum non fuisse unquam insinuatum sensum illum Consultoribus ac iudicibus, quin potius eos qui negotium urgebant sollicitè cauissè ne proponeretur, & omnibus modis contendissè ut ferretur Iudicium de Ianseniano, hoc est proprio, legitimo & controuerso?

Atque hinc fit illius peccati, quod Ianseniani possibile putant, cum dicunt, sensum hæreticum non conuenire Quinque Propositionibus, *sed illi malignè affingi posse*, non alios esse reos quàm Romanos Iudices, atque aded Pontificem ipsum. Nam cum hæreticas esse, idem sit ac habere sensum hæreticum, consequens est, ut qui hæreticas esse absolute pronuntiat, absolute quoque pronuntiet habere sensum hæreticum. Atqui hoc est, inquiunt, *affingere*. Affingit ergo qui pronuntiat. Nec aliud restat in quo gratificentur Pontifici, quodque illi condonent, quàm si concedant non fecisse hoc *malignè*, sed vel imprudenter, vel inscitè, vel aliâ quâdam ratione minus culpabili.

Possent

Possem hîc quoque Philosophiam Iansenianorum appellare, cùm dicunt, Quinque Propositiones *in genere* fuisse damnatas: & dum damnantur, *relictas esse in sua generalitate*. Nam cùm hæc intelligantur de earum sensu, consequens est, ut sensus *in genere vel in sua generalitate relictus*, intelligatur esse damnatus. Quid autem intelligunt per sensum *in genere, vel in sua generalitate relictum*? Sisciant quid loquantur, fateri debent esse sensum præcisum ab alieno & proprio, à Catholico & hæretico; ac proinde sensum qui sub tali præcisione, nec hæreticus est nec Catholicus, sed potest ad utrumlibet determinari. Iam videant quid dicant. Scilicet, Quinque Propositiones in sua generalitate relictas, hoc est quatenus nec hæreticæ, nec Catholicæ sunt, damnatas esse ut hæreticas. Et quis est ille qui damnat? Et quâ æquitate damnari potest, aut etiam pronuntiari res aliqua ut mala, sub ea ratione, sub qua nec bona nec mala est? Potest esse mala, inquit, ergo dicatur hoc tantum esse posse malam; sed non dicatur absolute malam esse. Sancti, quamdiu sunt in hac vita possunt esse mali, ergo-ne dici possunt absolute mali? Deinde, hoc ipsum contradictionem implicat, ut sensus ille possit esse malus, *relictus ut dicunt in sua generalitate*, quia quamdiu relinquitur in sua generalitate, relinquitur in illa præcisione à bono & malo: nec potest esse malus nisi relictâ generalitate & admissâ contractione ac determinatione ad malum.

Objiciendum hoc fuit Thraſonibus istis, qui post amissam victoriam videri volunt formidabiles, negantque aduersarios *arcana vi tremende veritatis impeditos, & micantibus radiis testimoniorum Sancti Augustini stupefactos, prodire ausos in publicum* ut cum ipsis manus confererent coram Summo Pontifice, cùm jam constet esse quod discant, vel in ipsis elementis dialecticæ.

Ex eadem
Epistola 16.
Iunii scri-
pta.

Atque ex his etiam constat Quinque Propositiones nec *æquivocas* rectè dici posse, neque *ambiguas*: quippe quæ vnum tantum habent sensum legitimum & proprium, ita ut omnis alius alienus sit. Nam si hoc sit æquivocum esse, vel ambiguum, impossibile est quidquam unquam ab aliquo pronuntiari quod ambiguum & æquivocum non sit. Atque ita quod Iesuitis perperam impropierant, ipsimet Ianseniani Doctores fient, Auctoresque æquivocorum.

CAPVT VI.

*An seruatus sit ordo legitimus in hoc negotio dum
recurritur ad Pontificem, non præmisso
Episcoporum Gallie Concilio?*



OST scriptam ab Episcopis Gallie ad Romanum Pontificem Epistolam illam, quâ postulabant certam super controuersis propositionibus definitionem, Ianseniani, quia rebandur huiusce consilii vel auctorem esse vel promotorem Illustrissimum Vabrensem, igneam contra illum Epistolam scripsere, quâ nulla dignitatis, pietatis & singularis eruditionis habitâ ratione, insignem in Ecclesia Antistitem ludibrio habent. Reprehendunt autem inter cætera hoc maxime, quòd cum id temporis conuenissent Parisios ad negotia Cleri Gallicani missi variis ex Prouinciis Episcopi, non ad illos retulerit hanc causam post legitimam discussionem publico ipsorum iudicio definiendam. Quod tunc ut fieret Ianseniani postularant, ideòque prætermissum modò queruntur. Et sunt, qui quamuis Decretum Pontificis admittendum putent, reprehendunt tamen veluti peccatum contra morem antiquum Ecclesie, & institutionem primæuam atque inuiolabilem Spiritus Sancti, quod pronuntiatum sit nullo præmisso Episcoporum Gallie Concilio; id quod illi tribuendum putant occultæ operationi Spiritus inimici. Optandum erat, ut quemadmodum Decretum à Spiritu inimico procuratum, admittendum tamen concludunt; ita Iansenii doctrinam tametsi diuinitus inspiratam, censerent nihilominus esse rejiciendam. Diceremus Italicâ phrasi, *manco male*, sed ut satisfiat huic querelæ,

Primum, Si quod est in hoc recurſu peccatum, recurrentium peccatum est. Is enim ad quem recurrere, quid peccauit, quando instanter interrogantibus respondit? Ergo ipsimet Episcopi Gallie sunt, qui peccarunt, si iusta querela

est: ipsi qui vel nesciuerunt morem Ecclesiæ, vel contempserunt: ipsi qui violarunt Institutionem inuiolabilem Spiritus Sancti: ipsi qui passi sunt implicari se cassibus inimici Ecclesiæ ac perturbatoris Hierarchici Ordinis: Ipsi qui traditionem antiquam amisere, magnum equidem malum, magnūque opprobrium Episcopalis Ordinis, si verum esset. At quot sunt, qui lapsi dicuntur in hanc foueam? Octoginta & amplius numerantur, qui litteris illis subscripsere, quibus postulata est à Pontifice Quinque Propositionum decisio. Deus immortalis! Octoginta Episcopi Galliæ, vel nesciuerunt, vel neglexere consuetudinem Ecclesiasticam! Octoginta violarunt inspiratum à Deo Ecclesiæ morem! Octoginta decepti sunt ab inimico Spiritu! Scire velim cum accusentur octoginta, quot sint qui accusant? Si respondeatur, controuersia soluta est.

Creuerit adhuc hoc malum post acceptam constitutionem Apostolicam. Quotquot enim erant tunc Parisiis Episcopi Galliæ, erant autem vnus & triginta, conuenere, vt de acceptanda & promulganda deliberarent: & fuit vnanimis omnium consensus acceptantium, decretūque vt omnium nomine agerentur gratiæ Summo Pontifici, & reliqui per Galliam Episcopi circulatoribus litteris inuitarentur ad promulgandam pariter illam Definitionem. Missæ sunt litteræ, sequuta Bullæ promulgatio per omnes ferè Dioceses, quæ est approbatio quædam Vniuersorum ferè Galliæ Episcoporum. Ac proinde non octoginta modò, sed quotquot ferè sunt Episcopi Galliæ rei sunt acceptatæ Constitutionis quæ illegitimè & contra Ecclesiasticum ordinem lata est. Iterum quæro cum tot accusentur, quot sunt qui accusant? si respondeatur, dirempta lis est, & absoluti rei.

Debuerant autem animaduertere Ianseniani, accusare se non modò nostrates Episcopos, sed verò etiam antiquos illos qui heroicis Ecclesiæ temporibus tum veræ fidei fundamenta, tum veræ sanctitatis exempla posuere futuris deinceps sæculis. Reus, inquam, est Iulius primus dum ad Antiochenos scribens, *consuetudinem* esse dicit vt ad Sedem Romanam de nascentibus controuersis *primum scribatur*. Reus Athanasius ipse, qui hæc Iulii verba in secunda Apologia refert & ap-

probat. Reus Innocentius Primus, qui Exuperium Tolosanum laudat, quòd de rebus dubiis ipsum consuluerit, *sequitur* in hoc *vetus institutum*. Reus Exuperius ipse, reus Victricius, Rothomagensis Episcopus, reus Decentius Episcopus Eugubinus, reus Prosper, reus Hilarius, qui causas in Prouinciis indiscussas ad Romanum Tribunal detulerunt. Et qui non erunt in tota illa antiquitate rei, si Ianseniani, qui accusant innocentem sunt?

Sed quis necessitatem illam imposuit, & vbinam fixit Spiritus Sanctus legem illam inuiolabilem, ne quis ad Romanum Episcopum quæstionem fidei definiendam deferret, quæ non esset in Concilio Episcoporum vel nationali, vel prouinciali agitata prius? Factum est, inquis, aliquando: ita inquam est, & rectissimè factum est: sed aliquando etiam non est factum, nec tamen ideo minùs rectè. Quippe pro diuerso rerum occurso contraria sæpe consilia incunda sunt, & omnia tamen optima. Vt autem facti vnus exemplum regulam præscribat generalem potiùs quàm alterius, nulla ratio est. Nam quòd non vna & eadem ratio in vrgendo controuersiarum iudicio seruata semper sit, quis meritò dubitauerit?

Quando Pius Romanus Episcopus, vt refert Baronius, sanctione suâ præuenit errorem Quarta-decimanorum, & Iudæizantes correxit Ecclesias, quod Concilium præcesserat? Quando Eleutherus scripsit ad Episcopos Gallix contra dogmata Montanistarum & Marcionistarum; Quando Victor Theodorum Coriariu damnavit; Quando Zephirinus Montanum & Montanistas similiter damnavit, quod Concilium præcesserat? Quando Innocentius I. in Epistolis ad Decentium Eugubinum Episcopum, ad Victricium Rothomagensem, ad Exuperium Tolosanum, tam multa sancit de Sacramento Confirmationis, Extremæ Vnctionis, Matrimonii, de votis, de libris canonicis, de cœlibatu Sacerdotum; Quando Celestinus à duobus Episcopis interrogatus Prospero & Hilario Decreta fidei misit ad omnes Episcopos Gallix, contra Semipelagianos; Quando Leo morem aboleuit, qui per Campaniam, Picenum & Samnium irrepserat, exigendi à peccatoribus publicam peccatorum confessionem, docuitque secretam sufficere, quod Concilium

præcesserat? Quod Concilium præcesserat, quando Felix ad Episcopos in Arausicana ciuitate congregatos Decreta fidei contra Semipelagianos acceptanda & promulganda misit? Et quid auctoritatis haberet Arausicanum Concilium præ Carisiaco, quod Ianseniani ludibrio habent, si non eam peteret ex illa prædefinitione Sedis Apostolicæ, quæ causa fuit, cur de ejus decretis nihilo magis deinde sit dubitatum, quamuis essent Decreta quindecim tantum Episcoporum, quàm de Decretis Concilii Oecumenici? Quod Concilium præcesserat, quando Leo X. Lutheri Propositiones damnavit quamplurimas? Quod etiam, quando Pius V. & Gregorius XIII. quamplurimas item Bani damnarunt, obediēte totâ Ecclesiâ Catholicâ huic damnationi vsque ad tempora Iansenii?

Primis, mediis & infimis Ecclesiæ temporibus vsurpatum reperimus morem illum, & recurrendi ad Romanum Pontificem, & ab eo responsa petendi in causis fidei, nullo præmisso earum Prouinciarum, quæ hoc petebant Concilio, nec quisquam Catholicorum restitit vnquam, aut quidquam opposuit, quo putaretur illegitimus aut inordinatus agendi modus; & violatam dicemus inuiolabilem Ecclesiasticæ Traditionis consuetudinem in eo quod nuper post tot exempla gestum est?

Afferunt Innocentii I. Decretum tertium in Epistola ad Vindicticum Rothomagensem Episcopum, cùm dicit: *Si autem majores cause in medium fuerint deuolutæ, ad Sedem Apostolicam, sicut Synodus statuit, post Episcopale iudicium referatur*: Sed constat non ideo hæc dici, quòd sit necessarium vt Episcopale iudicium præcedat Sedis Apostolicæ definitionem; sed quia necessarium est vt Sedis Apostolicæ definitio superueniat Episcopali iudicio, si quod sit in huiusmodi causis, ad complementum firmitatis atque auctoritatis. Quod est non egere Sedis Apostolicæ definitionem Episcopali iudicio præuio, sed egere Episcopale iudicium Sedis Apostolicæ definitione subsequente. Et hoc euidenter colligitur ex ipso Decreto Innocentii, cùm dicit ante superius posita verba illa, *Nec alicui liceat, SINE PRÆIUDICIO TAMEN ROMANÆ ECCLESIAE CUI IN OMNIBVS CAUSIS DEBET REVE-*

RENTIA CVSTODIRI, *relictis suis Sacerdotibus, qui in eadē prouincia Dei Ecclesiam nutu diuino gubernant, ad alias conuolare prouincias, &c.* Hoc enim quid aliud significat, quàm etsi non liceat relictis suis Sacerdotibus ad alias conuolare Prouincias, vt contentiones inter clericos *tam superioris, quàm inferioris ordinis* motæ dirimantur; licere tamen adire Romanam Ecclesiam? Et hoc apertissimè confirmatur ex ejusdem Innocentii Epistola 91. inter Augustinianas, cùm dicit: *Non humanâ sed diuinâ sententiâ decretum à Patribus, vt quidquid de disjunctis remotisque Prouinciis ageretur, non PRIVS DVCERENT FINIENDVM NISI AD HVIVS SEDIS NOTITIAM PERVENIRET, VBI TOTA HVIVS AVCTORITATE IVSTA QVÆ FVERIT PRONVTIATIO FIRMARETVR, indeque sumerent cetera Ecclesie velut de natali suo fonte, &c.* Adde quod est in Concilio Romano I V. sub Symmacho, vbi dicitur *Romanum Episcopum consueuisse per totum orbem TRIBVERE FIRMITATEM STATVTIS SYNODALIBVS.*

Nec quisquam meritò repugnare potest, nisi velimus Ecclesiam Christi relictam esse in multis casibus, sine remedio contra gliscentes hæreses. Nam quid fiet, si quod aliquando contingit, Principes nolint in suis Ditionibus haberi Concilia? Quid fiet, si nolint ipsimet Episcopi conuenire, quod etiam contingens est? Quid si cùm conuenerint, majori parti ne tamen saniori videatur nihil decernendum, sed permittendum disputationibus hominum id de quo iusta suspicio est? Et qui putant octoginta & ampliùs errauisse, dum fidei causam indiscussam ad Pontificem referunt, non possunt timere ne faciliùs errent nouem decémve, qui fortè ad Concilium prouinciale vocabuntur, dum majori eorum parti doctrina, quæ reuera periculosa est, tuta videtur, ac proinde nec Pontifici proponenda? Quàm numerosa fuere olim Arianorum Episcoporum Concilia? Quàm fuerunt etiam densa refertaque Donatistarum? Legimus apud Augustinum non nisi per centurias numeratos. Ergo quid fieret sicubi contingeret Iansenismum ita propagari, vt Concilium eogi non posset, quod non constaret majori ex parte Iansenistis? Demus, verbi gratia, esse saltem possibile quòd Ianseniani per insignem calumniam in Clerum Gallicanum, contigisse mentiuntur in Se-

cunda pro Iansenio Apologia, *Episcoporum Gallia majorem melioremque partem* adhærere Iansenio. Pudendum equidem mendacium & Illustrissimis Præsulibus injuriosissimum. Sed demus fieri saltem posse quod factum illi calumniantur. Vt ea controuersia rite soluatur ab Episcopo Romano, necessarium erit causam prius agitâ à congregatis in Concilio aliquo Episcopis Gallia, uti jam volunt. Ergo quid putamus concludendum in eo Concilio cujus pars major minori, nequicquam repugnante Iansenio, fauebit? Et cùm in gratiam Iansenii fuerit ab illis pronuntiatum, Christi Vicarius quid faciet? Debebit confirmare quod ab illis fuerit definitum? An etiam confirmare debuit quod definitum olim fuit à tali quodam Concilio Donatistarum, Arrianorum, Nouatianorum & similium? Hoc est, an debebit errare? Ergo contradicere poterit? Dicant modò Ianseniani, qui potest fidei causam definire contradicentibus Episcopis, definire non poterit iisdem silentibus: neque hoc solum, sed insuper definitionem postulantibus? Quid grauius est, quid-ve operosius petentibus suggerere quod credant, an ingerere repugnantibus? Quid inquam difficilius, statuere aliquid nullo existente, qui resistat, an resistantibus & in contrarium nitentibus iis quorum interest? Et si hoc potest Romanus Episcopus, illud non poterit?

Scio prudentiæ legibus cauere, ne de controuersis fidei quæstionibus Pontifex pronuntiet, nisi præmissa seria, maturaque consultatione: & scio quoque non passurum Spiritum Sanctum, qui caput Ecclesiæ regit, ut huic officio desit vnam; sed quàm certum est consultationem illam interdum habitam in Prouinciis, in quibus controuersia nascebantur, conuenientibus earum Episcopis, tam certum est sæpe quoque habitam Romæ tantum conuenientibus tum Episcopis aliquot, tum aliis etiam Doctoribus, quod cùm in hac quoque causa cumulatissimè seruatum sit, Ianseniani immeritò queruntur.

Sed video quid sperauerint, si fuissent hæ controuersia in Concilio quodam particulari agitata. Experti jam erant, quid eorum artes, quid patrocinia, quid audacia, quid vires possent, in illo Sorbonicorum Doctorum congressu, quo

ferenda erat ante aliquot annos de Quinque Propositionibus sententia. Nam cum certissima esset condemnatio mox futura, ita turbauere conuentum tumultu suo, ita vociferati sunt, ita rixati, motis de industria causarum aliarum controuersis, ut de illa propter quam conuenerant, nihil vnquam proponi, nihil deliberari, nihil definiri potuerit.

Non deerat illis ratio, quâ simile aliquid obtinerent, si fuisset hæc causa in Concilio paucorum Episcoporum tractata. Et hoc illis dolet, quod Romæ de hac controuersia institutum sit ejusmodi Iudicium, quod nec factione, nec intercessione, nec pecuniâ, nec patrociniis, nec amicitis corrumpi turbarive posset.

C A P V T VII.

Tertia columna Iansenianorum examinatur.



ERTIAM columnam Ianseniani erigunt ex Doctrina, quam dicunt esse Molinæ & Aduersariorum, & quæ opponitur tum primæ, in qua sensus hæreticus exprimitur, tum secundæ, in qua exprimitur sensus controuersus, quem iidem Catholicum esse arbitrantur. Concludunt autem Pelagianam, vel Semipelagianam esse doctrinam hujus columnæ, utpote damnatam in Congregatione Romana de Auxiliis, sub Clemente VIII. & Paulo V.

Antequam hæc refutem, dicam quid mihi contigerit. Incidi in scriptum quoddam alicujus Legisperiti, cujus antea memini, datum 4. Iulii, qui cum supponat tres illas columnas, tres sensus continere damnatarum propositionum, argumentatur & dicit, Pontificem non damnare propositiones in primo sensu hæretico, quod hoc videatur esse superfluum: nec in secundo, quod ille sit, ut ipse putat, Catholicus; concludit esse igitur damnatas in tertio, qui sensus est Molinæ ac Patrum Iesuitarum: & hæc ratione sibi persuadet, atque aliis persuadere conatur, solos Patres Iesuitas in Constitutione

ratione Innocentii fuisse damnatos. Nunquam vidi argumentum magis ridiculum. Nam tertius ille sensus non est sensus propositionis, nec ut talis affixus est illi columnæ; sed est sensus propositioni contrarius. Confer hæc duo pronuntiata.

Prima Propositio
damnata.

PROPOSITIO PRIMA
contraria.

*Aliqua Dei præcepta
hominibus iustis vo-
lentibus & conan-
tibus secundum præ-
sentes quas habent
vires, sunt impos-
sibilia, deest quoque
iis gratia, quâ pos-
sibilia fiant.*

Omnia Dei præcepta iustis volentibus & conantibus secundum præsentes quas habent vires, sunt semper possibilia per gratiam eorum libero arbitrio subjectam: Nec unquam ipsis deest gratia ad operandum, vel saltem ad orandum proximè necessaria, quâ possibilia fiant.

Vide Lector quid monstri sit, putare secundam Propositionem in prima esse damnatam, vel quod idem est, primam esse damnatam ad sensum secundæ: & miserere hujus Legisperiti, si fortè regulas juris nihilo melius callet, quàm regulas Dialecticæ.

Iam quod dicit columnarum Architectus, in illa tertia columna sculptam esse doctrinam Societatis: Primum, imponit, quod dicamus possibilia esse præcepta per gratiam, *libero arbitrio subjectam*. Neque enim solemus ita loqui. Quod si per illa verba, nihil aliud intelligi vult, quàm talem esse gratiam, quæ præcepta facit esse possibilia, ut ei resistere vel obtemperare liberi arbitrii sit, hoc igitur utatur loquendi modo. Et si pergat doctrinam ita expositam vocare Pelagianam & Semipelagianam, intelligat se idipsum facere, quod prior fecerat Calvinus, hoc est Thomistas, Scotistas, Iesuitas, Nominales, Reales, Sorbonicos, Louanienses, Salmanticenses, & omnis generis Scholasticos vocare Pelagianos & Semipe-

lagianos. Intelligat quoque, dum addit doctrinam illam fuisse damnatam in Congregatione de Auxiliis, sub Clemente VIII. & Paulo V. se immane mendacium addere; tum quia sequeretur damnatos fuisse Iesuitas, Thomistas, & ceteros Scholasticos; tum quia jam sæpe demonstratum est, nullam doctrinam ab illa Congregatione fuisse damnatam. Hæc peccata sunt adhuc manifestiora in Secunda Propositione, quæ sic habet.

Secunda propositio
damnata.

PROPOSITIO SECUNDÆ
contraria.

Interiori gratiæ in statu naturæ lapsæ numquam resistitur.

Gratiæ Christi ad singulos pietatis actus, seu operandi, seu saltem orandi necessariæ in statu naturæ lapsæ aliquando resistitur: hoc est illa aliquando frustratur effectu, ad quem à Deo proximè datur.

Secundam illam, damnatæ contrariam paratus est Columnarum faber demonstrare esse Pelagianam vel Semipelagianam: quòd destruat vim & efficaciam gratiæ Christi ad singulos actus necessariæ: itaque declaratum dicit in Congregatione Romana de Auxiliis. Nugæ. Hæc propositio non destruit vim & efficaciam gratiæ, sed adstruit distinctionem gratiæ efficacis & sufficientis, cui quotidie resistitur, & necessarium est Pelagianos vel Semipelagianos atque in Congregatione de Auxiliis damnatos esse Thomistas, qui gratiam illam sufficientem agnoscunt, cum cæteris Catholicis. Audi Tertiam.

Tertia propositio
damnata.

PROPOSITIO TERTIÆ
contraria.

Ad merendum & demerendum in statu naturæ lapsæ, non requiritur libertas à necessitate, sed

Ad merendum & demerendum in statu naturæ lapsæ: requiritur in homine libertas à NECESSITATE INFALLIBILITATIS: seu necessaria est indifferencia PROXIMA agendi & non agendi, quæ voluntas instructa omnibus ad agendum prærequisitis, pro suo nutu, modò se flectit in unam partem, modò in oppositam.

*sufficit libertas à
coactione.*

Hic quoque demonstraturum se spondet secundam Propositionem damnatæ contrariam, esse Pelagianam vel Semipelagianam: & id declaratum in Congregatione de Auxiliis, quòd destruat necessitatem gratiæ efficacis. Sed non est expectandum ut aliud demonstret, quàm imperitiam & errorem suum atque etiam vafritiem. Nam dum dicit requiri libertatem à *necessitate infallibilitatis*, laqueum tendit, sed ante oculos pennatorum. Non enim negamus aliquam necessitatem infallibilitatis, verbi gratià, illam quæ petitur ex præscientia futurorum euentuum, & ex prædefinitione affectuum præscitorum, negamus tantùm illam quæ sequitur ex *inevitabilitate, immutabilitate, vel quocumque vocetur nomine*, dummodo supponat plenam cognitionem. Breuiùs dico, requirimus libertatem ab omni necessitate, quæ talis sit & tanta, ut PROXIMA dissentientiendi potentiam consumat. Hoc si Pelagianum est vel Semipelagianum, damnatùmque in Congregatione Romana de Auxiliis, damnauit Congregatio Romana de Auxiliis Thomistas omnes cum cæteris Scholasticis, tanquam Pelagianos vel Semipelagianos.

Et summopere notandum est quòd *proximam agendi & non agendi potentiam* pertinere dicat ad indifferentiam Pelagianam vel Semipelagianam. Hoc enim ipso manifestè significat, quam ipse agnoscit in statu naturæ lapsæ non esse *proximam* ad vtrumlibet, sed si sit ad agendum proxima, esse ad non agendum remotam: & si sit ad non agendum proxima, esse remotam tantùm ad agendum. Qui modus indifferentiæ totus quidem Iansenianus est, sed totus etiam Calvinianus, idemque à Thomistis, in defendenda prædeterminatione physica semper rejectus. Hoc enim vult Didacus Aluares, cum distinctionem *sensus compositi & sensus diuisi*, ad eum modum expositam, consistam esse dicit à Caluino 2. Respons. cap. 1. num. 34. & cap. 4. num. 9. eaque ratione *absque dubio euerit liberum arbitrium asserit*. Sequitur Quarta.

Quarta propositio
damnata.

PROPOSITIO QUARTÆ
contraria.

Semipelagiani admittebant præuenientis gratiæ interioris necessitatem ad singulos actus, etiam ad initium fidei: Et in hoc erant hæretici, quòd vellent eam gratiam talem esse, cui posset humana voluntas resistere vel obtemperare.

Semipelagiani non admittebant præuenientis gratiæ interioris necessitatem ad singulos actus imperfectos, nec ad initium fidei: nec in hoc erant hæretici, quòd vellent eam gratiam talem esse vt ex se efficax non esset.

Sustinet columnarum opifex, & demonstrare paratus est, Pelagianam vel Semipelagianam esse secundam propositionem quartæ damnatæ contrariam, quòd gratiæ efficacis Catholicam fidem destruat: & simul omnem Sancti Augustini authoritatem. Itaque declaratum dicit in Congregatione Romana de Auxiliis: sed pergit spargere fumum & in latibulis ambiguum verborum abscondere veritatem, quâ convincitur. Nam quod ait, non ideo creditos hæreticos, Semipelagianos, quòd vellent talem esse gratiam, quam admittebant, vt ex se efficax non esset: nec affirmamus nec negamus. Dicimus tantum non ideo fuisse hæreticos, quòd gratiam ita ponerent efficacem, vt relinqueret in libero arbitrio proximam & expeditam dissentendi potentiam; contrà quàm putent Ianseniani. Et hoc si Pelagianum aut Semipelagianum est, si Augustino contrarium, si declaratum in Congregatione Romana de Auxiliis, Pelagiani vel Semipelagiani sunt cum cæteris Scholasticis Thomistæ omnes, iidemque

damnati in Congregatione Romana de Auxiliis tanquam destructores auctoritatis Sancti Augustini. Sequitur quinta.

Quinta, propositio
damnata.

PROPOSITIO QUINTÆ

CONITATIA.

Semipelagianum est dicere Christum pro omnibus omnino hominibus mortuum esse, vel sanguinem fudisse.

Non est Semipelagianum, sed Catholicum dicere Christum morte sua, omnibus omnino hominibus, seu nemine excepto, communicasse gratiam proximè necessariam ad operandum aut saltem ad incipiendum & orandum.

Sustinere ac demonstrare paratus est hic miles gloriosus secundam propositionem quintæ damnatæ contrariam, *quæ est Molina & aduersariorum*, continere doctrinam Concilio Tridentino repugnantem, eamque Pelagianam aut Semipelagianam, quod destruat gratiæ ex se efficacis necessitatem. *Ecce ita esse declaratum in Congregatione Romana de Auxiliis.*

Sed pergit in impostura atque mendacio. Nec Molina, nec ullus Sociorum vnquam dixit communicatam infantibus reprobis gratiam proximè necessariam ad operandum, vel saltem ad incipiendum & orandum. Dicunt tantum communicatam multis adultis, qui eam non vtuntur: Dicunt aliis communicandam fuisse, si non obstarat ex parte ipsorum voluntarium impedimentum. Denique dicunt abominabilem esse cogitationem, quam Iansenius imponit Sancto Augustino, Christum de æterna salute eorum, qui vocantur ad fidem, atque etiam ad justificationem, quique in eo statu viuunt aliquo tempore, sed tandem tentationi succumbunt & damnantur, nihilomagis cogitasse *quàm de salute diaboli*. Hoc dicere si Pelagianum aut Semipelagianum est, si damnatum à Congregatione Romana, si Tridentino repugnat, damnati sunt Thomistæ, cum cæteris Scholasticis tanquam Pelagiani, vel Semipelagiani, Tridentino repugnantes. Videndus est *Iansenius à Thomistis gratiæ per seipsam efficacis defensoribus condemnatus*.


natus. Inde enim liquet Thraſonem hunc, qui nihil niſi demonſtrationes loquitur, dum jaculari vult in Ieſuitas, contra Thomiſtas collimaſſe. Conuenientius erat vt ſpeciem indueret Tubicinis vel Tympaniſtæ, quàm fabricatoris, ſeu dolatoris columnarum.

CAPVT VIII.

*Qua ſit vera columnarum diſpoſitio ad repræſentandam Ianſenianorum doctrinam,
& cenſura Pontificia vim intel-
ligendam.*



X dictis conſtat columnas Ianſenianorum eſſe columnas mendacii, ad fallendos imprudentium hominum oculos diſpoſitas. Si Lector velit ſinceram & candidam eorum expreſſionem habere, quæ Ianſeniani diſſimulare conantur & inuoluere, poterit ſubjectas intueri paginas.



*PRIMA PROPOSITIO
damnata.*

Aliqua Dei præcepta hominibus iuſtis volentibus & conantibus ſecundùm præſentes quas habent vires, ſunt impoſſibilia: deeſt quoque iis gratia, quâ poſſibilia fiant.

Senſus alienus.

*Senſus germanus &
proprius.*

*CONTRARIA
Propoſitio.*

Homines iuſti
etiã cùm per
Dei gratiam bene
operantur, pec-

Homines iuſti
quotieſcumque di-
uina præcepta trans-
grediuntur, ea trans-

Homines iuſti nun-
quam labuntur, quin
ſtare poſſint, ſi velint:
& quin hoc velle poſ-

tant tamen in omni opere bono, & hoc modo impossibile illis est servare præcepta.

Hic sensus est Calvinii, quem nemo Catholicorum, vel Iansenio vel Iansenianis, vel damnata propositioni ascriptit: ideoque ineptæ & extra rem adducitur ab autore columnarum.

grediuntur ex impossibilitate servandi, quæ sequitur ex defectu gratiæ, ad constituendam servandi potentiam necessariæ: esto non desit servandi voluntas & conatus.

Hic sensus est germanus Iansenii & Iansenianorum sensus, idemque hæreticus.

sint, quia numquam subtrahitur gratia, quæ necessaria est ad habendam potentiam vel immediatè servandi præceptum, vel orandi sicut oportet ad impetrandum quod deest.

Hæc est Catholica doctrina Thomistarum, Jesuitarum & cæterorum Theologorum, fidesque omnium Catholicorum.

SECUNDA PROPOSITIO.

Interiori gratiæ in statu naturæ lapsæ numquam resistitur.

Sensus alienus.

Sensus germanus & proprius.

CONTRARIA PROPOSITIO.

Voluntas se habet merè passivè respectu gratiæ efficaciæ, & velut inanime quoddam nihil omnino agit.

Vel,

Numquam resistitur illuminationi cuidam intellectus, & suasioni voluntatis, quæ non est gratia per Christum.

Vel,

Parvæ gratiæ, & parvo effectui adæquatæ, numquam suspenditur ulterior

Interior & actualis gratia per Christum semper habet totum effectum cuius est capax, & quem Deus intendit ut habeat.

Hic est Iansenii, & Iansenianorum sensus, idemque hæreticus.

Vitio voluntatis humanæ sæpe fit ut actualis & interior Christi gratia, quæ constituit proximam & expeditam bene agendi potentiam, vel omnino priuetur effectui, cuius est capax, vel non tantum habeat, quantum habere capax est.

Hæc est Doctrina Thomistarum, Jesuitarum, & cæterorum Ecclesiæ Catholice Doctorum.

& majore effectus.

Primus sensus est hereticus, alii inepti, omnes autem ejusmodi ut nemo unquam putaveris damnate propositioni affingendos.

TERTIA PROPOSITIO.

Ad merendum & demerendum in statu Naturæ lapsæ non requiritur in homine libertas à necessitate, sed sufficit libertas à coactione.

Sensus alienus.

Sensus germanus & proprius.

*CONTRARIA
Propositio.*

Ad merendum & demerendum in statu naturæ lapsæ non requiritur in homine libertas à necessitate naturali, qualis reperitur in motibus indeliberatis, qualis etiam reperitur in motibus puerorum, amentium, phreneticorum, &c. Sed sufficit libertas à coactione.

Hic sensus hereticus quidem est, sed qui non respondet adequate damnate propositioni, nec ei ab illo affingitur.

Ad merendum & demerendum in statu naturæ lapsæ non requiritur in homine libertas ab ulla necessitate, quæ steterit cum judicio rationis, sed sufficit libertas à coactione, quæ fit ut voluntas vel sit potens tantum in unam partem contradictionis; vel proximè in unam, remotè tantum in alteram.

Hic sensus Iansenianus est, idemque hereticus, & olim & nuper ab Ecclesia damnatus.

Ad merendum & demerendum in statu naturæ lapsæ requiritur in homine libertas ab omni necessitate, quæ tollat proximam & expeditam agendi & non agendi facultatem, seu quæ ita determinet voluntatem ad unum oppositorum, ut non relinquatur physica vis expedita & proxima ad aliud.

Hæc est Doctrina Catholica, in qua Thomistæ cum Jesuitis & omnibus inter se Catholici Doctores conveniunt.

mortuus, est vt illi soli veram fidem & iustitiam recipiant, & contrarium est Sempipelagianum.

Hic sensus est hereticus, quam tamen nemo affingit damnata propositioni.

tuus est, vt de æterna salute vllius reprobis nihilo magis cogitauerit, quàm de salute diaboli; & contrarium est Sempipelagianum.

Hic sensus est Iansenianus, idemque hereticus, & olim à Concilio Tridentino, & nuper ab Innocentio X. damnatus.

ita mortuum esse pro omnibus, vt omnibus prouiderit de mediis sufficientibus ad salutem, pro ratione status ipsorum. Dicere autem non esse mortuum pro æterna salute vllius reprobis, hæreticum est.

Hæc est Doctrina Catholica à Thomistis & Iesuitis ceterisque Theologis vnanimi consensu recepta.

Hæc legitima est ac germanissima *alieni, proprii, & oppositi* sensus Quinque Propositionum expressio, quam Ianseniani perturbare conantur atque confundere, ne ipsorum error teneatur, ne species veritatis appareat, ne nullus sit contumaciæ prætextus, nulla rationis vmbra contra Sedis Apostolicæ definitionem, nulla excusatio superbi contemptus Ecclesiasticarum Sanctionum, nulla ratio declinandi publici, quo redarguuntur, Catholicorum omnium iudicii.

Habes, optime Lector, vnde ipsorum artes atque astum detegere queas, fraudes cauere, bonam illis mentem optare, amoremque veritatis sincerum ac docilem apprecari.





CONSTITVTIO

ALEXANDRI VII. PP.

quâ damnantur Quinque Propositiones, excerptæ ex libro Cornelii Iansenii.

ALEXANDER EPISCOPVS
SERVVS SERVORVM DEI,

Vniuersis Christi fidelibus salutem, & Apostolicam benedictionem.



D sacram B. Petri Sedem, & vniuersalis Ecclesiæ regimen inscrutabili diuinæ Pro- uidentia dispositione, nullis nostris suffragantibus meritis euecti, nihil nobis antiquius ex muneris nostri debito esse duximus, quàm ut sanctæ fidei nostræ, ac sacrorum dogmatum integritati, tradita nobis à Deo potestate opportunè consuleremus. Ac licet ea, quæ Apostolicis Constitutionibus abundè fuerunt definita, nouæ decisionis, seu declarationis accessione nequaquam indigeant; quia tamen aliqui publicæ tranquillitatis perturbatores illa in dubium reuocare, vel subdolis interpretationibus labefactare non verentur, ne morbus iste latius diuagetur, promptum Apostolicæ auctoritatis remedium censuimus non esse differendum. Emanauit siquidem aliàs à fel. recordationis Innocentio P. P. X. Prædecessore nostro Constitutio, declaratio, & definitio tenoris, qui sequitur, videlicet: INNOCENTIVS Episco-

pus seruus seruorum Dei, Vniuersis Christi fidelibus salutem & Apostolicam benedictionem. Cùm occasione impressionis libri, cui titulus, *Augustinus Cornelii Iansenii Episcopi Iprensis*, inter alias ejus opiniones orta fuerit, præsertim in Galliis, controuersia super quinque ex illis, complures Galliarum Episcopi apud nos institerunt, vt easdem Propositiones nobis oblatas expenderemus, ac de vnaquaque earum certam & perspicuam ferremus sententiam. Tenor verò prædictarum Propositionum est prout sequitur:

PRIMA: *Aliqua Dei præcepta hominibus justis volentibus, & conantibus secundum præsentem, quas habent vires, sunt impossibilia: deest quoque illis gratia, quâ possibilia fiant.*

SECUNDA: *Interiori gratiæ in statu naturæ lapsæ nunquam resistitur.*

TERTIA: *Ad merendum, & demerendum in statu naturæ lapsæ non requiritur in homine libertas à necessitate, sed sufficit libertas à coactione.*

QUARTA: *Semipelagiani admittebant præuenientis gratiæ interioris necessitatem ad singulos actus, etiam ad initium fidei; & in hoc erant hæretici, quòd vellent eam gratiam talem esse, cui posset humana voluntas resistere vel obtemperare.*

QUINTA: *Semipelagianum est dicere, Christum pro omnibus omnino hominibus mortuum esse, aut sanguinem fudisse.*

Nos, quibus multiplices inter curas, quæ animum nostrum assidue pulsan, illa in primis cordi est, vt Ecclesia Dei nobis ex alto commissa, purgatis prauarum opinionum erroribus, tutò militare, & tanquam nauis in tranquillo mari, sedatis omnium tempesta-

tum fluctibus ac procellis securè nauigare, & ad optatum salutis portum peruenire possit. Pro rei gravitate coram aliquibus S. R. E. Cardinalibus, ad id specialiter sapiùs congregatis, à pluribus in sacra Theologia Magistris eisdem quinque Propositiones vt supra nobis oblatas fecimus sigillatim diligenter examinare, eorùmq; suffragia tum voce tum scripto relata maturè considerauimus; eosdèmq; Magistros variis coram nobis actis congregationibus prolixè super eisdem, ac super earum qualibet differentes audiuius. Cùm autem ab initio huiuscemodi discussionis ad diuinum implorandum auxilium multorum Christi fidelium preces, tum priuatim, tum publicè indixissemus, postmodum reiteratis eisdem feruentius, ac per nos sollicitè imploratâ sancti Spiritus assistentiâ, tandem diuino Numine fauente ad infra scriptam deuenimus declarationem, & definitionem. Primam prædictarum Propositionum : *Aliqua Dei præcepta hominibus iustis volentibus, & conantibus secundùm præsentem, quas habent vires, sunt impossibilia : deest quoque illis gratia, quâ possibilia fiant*, Temerariam, impiam, blasphemam, anathemate damnatam, & hæreticam declaramus, & vti talem damnamus. Secundam : *Interiori gratiæ in statu naturæ lapsæ nunquam resistitur*, Hæreticam declaramus, & vti talem damnamus. Tertiam : *Ad merendum, vel demerendum in statu naturæ lapsæ non requiritur in homine libertas à necessitate, sed sufficit libertas à coactione*, Hæreticam declaramus, & vti talem damnamus. Quartam : *Semipelagiani admittebant præuenientis gratiæ interioris necessitatem ad singulos actus, etiam ad initium fidei, & in hoc erant*

*hæretici , quòd vellent eam gratiam talem esse , cui posset
humana voluntas resistere , vel obtemperare , Falsam , &
hæreticam declaramus , & vti talem damnamus. Quin-
tam ; Semipelagianum est dicere , Christum pro omni-
bus omnino hominibus mortuum esse , vel sanguinem fu-
disse , Falsam , temerariam , scandalosam ; & intelle-
ctam eo sensu , vt Christus pro salute dumtaxat Prædesti-
natorum mortuus sit , Impiam , blasphemam , contume-
liosam , diuinæ pietati derogantem , & hæreticam decla-
ramus , & vti talem damnamus. Mandamus igitur om-
nibus Christi fidelibus vtriusque sexus , ne de dictis Pro-
positionibus sentire , docere , prædicare aliter præsu-
mant , quàm in hac præsentì nostra declaratione , & de-
finitione continetur , sub censuris , & pœnis contra hæ-
reticos , & eorum fautores in iure expressis. Præcipimus
pariter omnibus Patriarchis , Archiepiscopis , Episcopis ,
aliisque locorum ordinariis , necnon hæreticæ prauita-
tis Inquisitoribus , vt contradictores , & rebelles quos-
cumque per censuras , & pœnas prædictas , cæteraque ju-
ris , & facti remedia opportuna , implorato etiam ad
hoc , si opus fuerit , auxilio brachii sæcularis , omnino
coërceant , & compescant. Non intendentes tamen per
hanc declarationem , & definitionem super prædictis
quinque Propositionibus factam , approbare vllatenus
alias opiniones , quæ continentur in prædicto libro Cor-
nelii Iansenii. Datum Romæ apud S. Mariam Majo-
rem , anno Incarnationis Dominicæ millesimo sexcen-
tesimo quinquagesimo tertio. Pridie Kal. Iunii , Ponti-
ficatus nostri anno nono. Cùm autem , sicut accepimus ,
nonnulli iniquitatis filii prædictas quinque Propositio-
nes , vel in libro prædicto ejusdem Cornelii Iansenii non*

reperiri, sed fictè, & pro arbitrio compositas esse, vel non in sensu ab eodem intento damnatas fuisse asserere magno cum Christi fidelium scandalo non reformident. Nos, qui omnia, quæ hac in re gesta sunt, sufficienter, & attentè perspeximus, utpote qui ejusdem Innocentii Prædecessoris jussu, dum adhuc in minoribus constituti Cardinalatus munere fungeremur, omnibus illis congressibus interfuimus, in quibus Apostolica auctoritate eadem causa discussa est cû profectò diligentia, quâ major desiderari non posset, quamcumque dubitationem super præmissis in posterum auferre volentes, ut omnes Christi fideles in ejusdem fidei unitate sese contineant; ex debito nostri Pastoralis officii, ac matura deliberatione præinsertam Innocentii Prædecessoris nostri Constitutionem, declarationem, & definitionem harum serie confirmamus, approbamus, & innouamus; & quinque illas Propositiones ex libro præmemorati Cornelii Iansenii Episcopi Iprensis, cui titulus est *Augustinus*, excerptas, ac in sensu ab eodem Cornelio intento damnatas fuisse declaramus, & definimus; & uti tales, iniusta scilicet eadem singulis nota, quæ in prædicta declaratione, & definitione, unicuique illarum sigillatim inuritur, iterum damnamus, ac eundem librum sæpe dicti Cornelii Iansenii, cui titulus, *Augustinus*, omnesque alios tam manuscriptos, quàm typis editos, & si quos forsan in posterum edi contigerit, in quibus prædicta ejusdem Cornelii Iansenii doctrina, ut suprà damnata defenditur, vel astringitur, aut defendetur, vel astringetur, damnamus iterum, atque prohibemus. Mandantes omnibus Christi fidelibus, ne prædictam doctrinam teneant, prædicent, doceant, verbo, vel scripto exponant, vel interpretentur publicè, vel priuatim, palam, vel occultè imprimantur, sub

pœnis, & censuris contra hæreticos in jure expressis, ipso facto, absque alia declaratione incurrendis. Præcipimus igitur omnibus Venerabilibus fratribus nostris Patriarchis, Primatibus, Metropolitanis, Archiepiscopis, Episcopis, cæterisque locorum Ordinariis, ac hæreticæ prauitatis Inquisitoribus, & Iudicibus Ecclesiasticis, ad quos pertinet, ut præinsertam Innocentii Prædecessoris Constitutionem, declarationem, & definitionem, juxta præsentem nostram determinationem ab omnibus obseruari faciant ac inobedientes & rebelles prædictis pœnis, aliisque juris & facti remediis, inuocato etiam, si opus fuerit, brachii secularis auxilio, omnino coërceant. Datum Romæ apud S. Mariam Majorem anno Incarnationis Dominicæ 1656. 17. Kal. Nouembris: Pontificatus nostri anno secundo.


IAC. CARDINALIS Prodatarius.

Visa de Curia P. CIAMPINVS.

G. GVALTERIVS.

A tergo. In nomine Domini, amen. Anno à Natiuitate ejusdem D. N. Iesu Christi millesimo sexcentesimo sexto, Indict. 9. Pontificatus autem Sanctissimi in Christo Patris, & D. N. D. Alexandri diuina prouidentia PP. VII. anno ejus 2. die verò 7. mensis Nouembris, retrospectæ literæ sub plumbo expeditæ, affixæ fuerunt ad valuas Basilicæ Principis Apostolorum de Vrbe, Cancellariæ Apostolicæ, & aliis locis solitis & consuetis Urbis, per me P. PAVLVM DE GRASSIS Apostolicum Cursorem. Pro D. Magistro Cursorum IACOBVS CORNELIVS Cursor.

Supradictam copiam relationis Cursoris, quam ex suo publico sumpto extraxi, & transumptauì, & sic extractam & transumptatam de verbo ad verbum collationauì, in omnibus cum supradicto sumpto concordare attestor, & fidem facio. Datum Parisiis hac die 3. mensis Martii 1657. Ego BARTHOLOMÆVS DE COMITIBVS Protonotarius Apostolicus.



INDEX RERVM.

A

Apologista.

APOLOGISTA Iansenii in multis imponit. pag. 248. 249
Bulla Urbani est illi subreptitia. 248

Apologistæ virginum Regioportuensium mala fides. 598

Illustrissimus Vabrensis ab Apologista Iansenii reprehensus, laudatur, & defenditur. 209

Appetitus.

Appetitus sensitiui & voluntatis differentia. 281

Arbor.

Arbor bona, & mala positæ sunt pro homine justo, & injusto. 142

Augustinus.

Vera ratio inuestigandæ mentis diui Augustini. 632

Densissimis S. Augustini testimoniis confutatur prima propositio Ianseniana. 369. & seq. secunda. 426. tertia. 438. quarta. 450. quinta. 466

Nullum Sancti Augustini testimonium à Iansenio productum, impossibilia esse Dei præcepta significat, plurima verò negant, sed Iansenius suam causam fallaciis tuetur, quæ notantur duodecim. à pagina 372. ad paginam 416

Mens S. Augustini de Deo omnes saluare volente. 472

Quis sit ex Augustino sensus Pelagianus verborum Apostoli, *Deus*

vult omnes homines saluos fieri.

472

Dux vocationes hominum ad æternam vitam ex Augustino. 473

Dux item voluntates. 474

Suam Augustinus sententiam, non vt vult Iansenius, Pelagianam exprimit cap. 37. libri de spiritu & littera. 477. & seq. Vera ratio conciliandi Augustini testimonia in speciem diuersa, circa voluntatem Dei de salute omnium. 479

Distinctio voluntatis Dei antecedentis & consequentis, circa salutem hominum, est Augustiniana. *ibid.*

Quomodo velit & non velit Deus omnes saluos facere. 481

Mens Augustini ex Prospero intelligitur. *ibid.*

Antecedens voluntas circa salutem hominum ante & post peccatum eadem. De Christo pro omnibus mortuo mens Augustini. 484

In Christo quoque duplex voluntas in oblatione meritorum suorum pro salute hominum ex doctrina S. Augustini. *ibid.*

Iansenii doctrina vacillat hoc loco, & inconstans est. 486. 488

Quidquid non retractauit Augustinus, censendus est approbasse, ex Iansenio. 158

B

Baius.

MICHAELIS Baii propositiones non sunt tantum prohibite ad tempus, sed in perpetuum damnatæ. 8. & 9

P P P P

INDEX RERV.M.

Bonum.

In quolibet particulari bono reperitur ratio alicuius boni, & defectus alicujus boni. 282

C

CALVINISTARVM & Iansenianorum parallelus. 87. & seq.

Calvinus scholasticos, & Sorbonicos doctores Pelagianos & sophistas vocat, ideo quoddam noster juris esse gratiam vel respuendo irritam facere, vel obedienter sequendo confirmare. 213

Christus.

Quomodo Christus sit & non sit omnium redemptor. 492

Quo sensu nullus perire dicatur eorum, pro quibus Christus mortuus est. 493

Clemens VIII.

Clemens VIII. puncta quindecim ad disputandum proposuit, sed non definiuit. 337

Clemens VIII. disputari coram se iussit controuersiam de auxiliis. 343

Suffragia consultorum suffragiis opposita. 344

Petri Lombardi Archiepiscopi Armacani epistola ad Paulum V & iudicium de suffragiis sociorum. 353

Sensus Bovii ex sacra Carmelitarum familia, & conclusio disputationum de auxiliis. 353. 354

Coactio.

Coactio late sumpta necessitatem violentam, & naturalem comprehendit. 106

Coactio interdum sumitur pro omni necessitate antecedenti, seu in dependenti à voluntate. 260. 261

Columna.

De columnis, quas Ianseniani erexerunt. 618

Impostura de sensu tertiae columnae. 649. & seq.

Quae sit legitima trium columnarum dispositio. 654 & seq.

Concupiscentia.

Actus concupiscentiae carnalis est peccatum, secundum quod motus eius potest impediti, vel refranari ratione. 266

Consentire.

Consentire proprie dicitur de homine, non de brutis. 282

Consilium.

Locus Ecclesiastici de homine posito in manu consilii sui intelligendus est etiam de naturalis lapsa, ex mente Sancti Augustini. 170

D

Dens.

DEVS omnia mouet secundum modum eorum. 265

Deus habet liberum arbitrium circa quae & quale. 270

Deus impossibilia non jubet, fuisse explicatum. 166. & seq.

E

Ecclesia.

DVM iudicat de aliqua propositione, germanum & legitimum ejus sensum attendit. 614

Ecclesia primitiua Iansenianorum. 29

Ecclesia praesentis temporis Iansenianis impura. 29

Ecclesiae hodiernae disciplinam Ianseniani accusant. 27

Ecclesiae hodiernae doctrinam Ianseniani oppugnant. 27

Ecclesia sola mater quae pabulum praestat. 35. 36

INDEX RERVM.

Ecclesia primitiua aſſerit Eccleſiam
etiam non primitiuam eſſe infal-
libilem in materia fidei. [39. & ſeq.](#)
Auguſtini ſentus de Eccleſiæ incor-
ruptibilitate in materia fidei. [41](#)
Donatiſtæ dicebant Eccleſiam ſuo
tempore periſſe. [41. 47](#)
Eccleſiæ Romanæ firmitas uſque
ad finem promiſſa. [45](#)
Eccleſia promiſſa à Deo per totum
orbem diſfuſa. [47](#)
Durabit uſque in finem. *ibid.*
Incorrupta in fide *ibid.*
Illi credendum eadem neceſſitate,
qua diuino teſtimonio credi de-
bet. [48](#)
Eccleſia præſentis temporis infal-
libilis. [48](#)
Eccleſiæ præſentis temporis autho-
ritati neceſſe eſt ſubiici. [57](#)
Eccleſia toto orbe diſfuſa & mater
& uirgo. [58](#)
Ejus uirginitas qualis. *ibid.*
Eccleſia depoſitorium ueritatis. [62](#)
Eccleſia Romana antiquiſſima,
matrix & originalis fidei. In ea
ſola ueri diſcipuli traditionis.
[64. & 65](#)
Eccleſia errare non poteſt in intel-
ligentia eorum, quæ rectè credit.
[67. & ſeq.](#)
Authoritas infallibilis Eccleſiæ
antiquæ fidem præſtat hodiernæ.
[69](#)
Eccleſia errare non poteſt etiam ſi-
ne pertinacia. [70](#)
Negligentiæ in inquirenda ueritate
argui non poteſt. [70](#)
Non tantum ſanciendo, ſed etiam
ſimpliciter credendo falli non
poteſt. [74](#)
Auguſtinus Eccleſiæ authoritatem
non tantum in ſanciendo, ſed in

credendo, & in uſu, & ſenſu uer-
infallibilem proponit. [78. & ſeq.](#)
Veritas non ab vno, aut altero,
ſed ab Eccleſia, & à comuni
conſenſione petenda. [82. & ſeq.](#)

Eccleſiaſticus.

Expenditur locus ille Eccleſiaſtici,
*Beatus qui potuit transgredi, &
non eſt transgreſſus.* [127. & 128](#)

G

Gibienuſus.

G I N I E V F I liber de libertate
Dei, & creaturæ, primum
à Ianſenio approbatus, deinde
ab eodem damnatus eſt. [109](#)

I

Ianſeniani.

M I R A C U L A Ianſeniana. [172](#)
& ſeq.

Hæreſis item Ianſeniana. [174](#)

D. Thomas Ianſenianas opiniones
acerbè carpit. [203](#)

Ianſeniana diſtinctio inter gratiam
naturæ integræ, & naturæ la-
pitæ. [215. & 216](#)

Quid respondeant Ianſeniani pro
deſenſione primæ propoſitionis.
[363. pro deſenſione ſecundæ. 424.](#)
pro deſenſione tertiæ. [435.](#) pro
deſenſione quartæ. [447.](#) pro de-
ſenſione quintæ. [465.](#)

Ianſenianæ Theologiæ contradi-
ctiones. [232. & ſeq.](#)

Quantum differat controuerſia
Ianſeniana à controuerſia de Au-
xiliis olim diſceptata. [498](#)

Quam procul errent qui cauſam
Ianſenii cum cauſa Auguſtini
confundere conantur. [499. 503](#)

An fuerit tacendum, & diſſimu-
landa Ianſenianorum in Theolo-
giam irruptio. [500](#)

INDEX RERVM.

- Fasciculus sententiarum à communi sensu Ecclesiæ abhorrentium, & ex Theologia Ianseniana collectarum. 303. & seq.
- Ianseniani quantum in ipsis fuit dissuadere conati sunt examen quinque propositionum. 306
- Eorum inconstantia in recipiendis, & relucendiis quinque propositionibus. 307
- Scala contumaciæ à Quinqueviris Iansenianis composita Romæ post suam damnationem. 583
- Quinqueviri Ianseniani pugnant pro defensione quinque propositionum ad martyrium vsque. 585
- Quinqueviri Ianseniani timent ne Romanus Pontifex perdat depositum antiquæ doctrinæ. 584. 632
- Quinqueviri duplicis fidei. 586
- Martyrii subeundi propositum breui mutant. 588
- Ianseniani librorum censores iniqui. 589
- Eandem iniquitatem affingunt Summo Pontifici. 590
- Eorundem peruersitas & mala fides in interpretanda mente Summi Pontificis, damnantis quinque propositiones. 591. & seq.
- Ex ignorantia latini sermonis obijciunt imaginariam injuriam in doctrinam S. Augustini. 597
- Ianseniani calumnias fingunt. 624
- Ianseniani doctrinam de gratia efficaci cum Ianseniana perperam confundunt. item cum sensu S. Augustini. 629
- Quibus conjecturis, & quàm puerilibus Ianseniani conentur eludere suam damnationem. 634. & seq.
- Ianseniani Thomistas cum Molinistis damnant. 651
- Bullæ Summorum Pontificum contra Baium & Iansenium. 237. 239
- Quomodo & quàm futiliter eludantur à Iansenianis. 239. 240
- Iansenius.*
- Iansenius admisit gratiam necessitantem. 288. & seq.
- Iansenii sensus idem cum sensu hæreticorum. 308
- Iansenii sensus circa primam propositionem euidenter colligitur ex verbis Iansenii. 355. & seq. circa secundam. 418. & seq. circa tertiam. 429. circa quartam. 442. circa quintam. 452
- Conformitas hæreticorum cum prima Iansenii propositione. 358. cum secunda. 420. cum tertia. 431. cum quarta. 444. 445. cum quinta. 443
- Ecclesiæ doctrina, & Iansenio, & hæreticis opposita circa primam propositionem. 361. circa secundam. 420. circa tertiam. 433. circa quartam. 446. circa quintam. 454
- Iansenii principia ingratum erga Christum animum formant. 488
- Eadem peccatores ad impœnitentiam adducunt. 489. pietati fidelium inimica sunt. 490. Augustino ex diametro opponuntur. ibid.
- Iansenii lapsus in referenda Augustini doctrina. 494. 495. 496
- Laudandi sunt vnde accusantur qui Iansenio contradicunt. 304
- Quinque propositionum Iansenii damnatio. 523
- Iansenius & Vincentius D. Thomam Pelagianum, Peripateticum & Aristotelicum facere co-

INDEX RERVM.

nantur. 105. & 106
 Iansenius in multis sibi contrarius, aut vacillans. 107. & 108
 Iansenius admisit libertatem hominum viatorum indifferentem esse in speciem tantum, sed re ipsa negat. 111. & 112. & seq.
 Episcopi Galliarum plusquam octoginta contra Iansenium scripserunt ad Summum Pontificem. 249
Ignorantia.
 Ignorantia & concupiscentia, quæ sunt pœna peccati, sunt etiam peccatum improprie, sed negligentia discendi, & consensus deliberatus in motum concupiscentiæ sunt proprie peccata. 153. & 154.
Indifferentia.
 Indifferentia non perditur per consuetudinem malam, sed difficultate aliter faciendi vincitur, & per diuinam gratiam restituitur. 148
 Benignitas ante te, iniquitas ante te, compara & elige, expressissima est apud S. Augustinum potentiæ ad verumlibet immediatæ, hoc est, indifferentiæ confessio. 156
 Per Dei gratiam non aufertur, sed confertur potius indifferentia illa, quam Deus homini dedit in prima conditione. 157
 Indifferentia proxima ad vnum oppositorum, & remota ad aliud non sufficit ad libertatem. 150
 Thomistarum sententia de indifferentia ad libertatem necessaria, qualis sit. 191
 Indifferentia liberi arbitrii, & gratia merè sufficiens distinctè exprimitur in Concilio Triden-

tino. 193
 D. Thomas libertatem indifferentiæ confirmat. 198
 Sententiam contrariam vocat hæreticam. ibid.
 Indifferentia quam ad libertatem postulat Augustinus, in eo sita est quodd voluntas agens possit non agere, & non agens possit agere. 214
 Ecclesia, D. Augustinus, & Patres agnoscunt rem & nomen indifferentiæ, quam Iansenius & hæretici negant. 217
 Indifferentiæ Iansenianæ larua & species in quo consistat, & quadruplex status voluntatis. 218. & seq. 220
 In doctrina indifferentiæ Iansenius sibi ipsi contradicit. 221
 Inter Iansenii & Thomistarum indifferentiam quid inter sit. 223
 Ianseniana indifferentia contraria est Augustinianæ. 227. & seq.
 Contradicit etiam Concilio Tridentino, & Scripturæ. 225. & seq.
 Indifferentia Ianseniana contraria est sensui communi. 228. & 229.
 Est passiva tantum respectu voluntatis. 232
 Indifferentia quæ potest adesse & abesse, stante illa libertate, vana est, Manichæa & Ianseniana. 231. & seq.
 Indifferentia verò prout dicit proximam & immediatam potentiam agendi, & non agendi, est catholica & Augustiniana, spectatque ad essentiam libertatis, & cum ea conuertitur. 229. & seq.
 Indifferentiam propugnauit Augustinus aduersus pestes libertatis Manichæos & Stoicos, veluti ba-

INDEX RERVM.

sim immobilem Catholicæ fidei.

231. & 232

Sublata indifferentia destruitur liberi arbitrii definitio. 235

D. Thomas in Summa contra gentes multis locis docet & probat, indifferentiam ad libertatem arbitrii necessariò requiri. 241. & seq.

Indifferentia ad contraria alia est ab indifferentia ad contradictoria.

260

Coactio interdum latè sumitur pro omni necessitate antecedenti, seu independenti à voluntate. 260.

261.

L

Liberalitas.

LA v's liberalitatis & misericordie non consistit in eo quòd habeant adjunctam facultatem benefaciendi & subueniendi miseris, sed in eo quòd de facto benefaciant & subueniant. 261

Libertas.

Iansenii sententia de libertate, & quæ necessitas eam tollat. 106

Libertas primariò, & immediatè conuenit actibus internis voluntatis, seu volitionibus, mediatè autem actionibus externis. 108. & 111.

Quomodo hinc proberetur libertatem esse non posse absque indifferentia necessitati ad vnum determinanti opposita. 110. & 111

Mors non libertati, sed necessitati subiacet, & quare. 111

Quid sit plena rationis aduertentia, & an sit ad libertatem necessaria. 114

Indifferentia iudicii radix liberta-

tis.

114

Sicut memoria præteritorum non obest libertati rei præteritæ, ita nec præscientia futurorum nocet libertati rei futuræ. 119. & 113

Si homo suo vitio indifferentiam perdidisset, denegatâ omni ad eam recuperandam facultate, æquè stultum esset illi aliquid præcipere, ac præcipere illi qui sibi oculos effodit, vt stellas numeret. 155

Libertas ab Iansenio bicornis vocata, qualis sit. 157. & 158

Diuisio libertatis in essentialem, & accidentalem à Vincentio excogitata explicatur, & exploditur. 185. 186. 187. & seq.

Non sufficit ad libertatem vt potentia proximè ad vnum oppositorum sit vno tempore, & alio tempore, seu successiue sit potentia ad oppositum, sed vtraque debet esse eodem tempore. 190. & 191

Non est meritorium nec demeritorium, quòd aliquis ex necessitate sic agit, vt vitare non possit. 198

Libertas specificationis & exercitii. 201

Quæstio de libertate Christi ostendit, omnes Scholasticos in illa explicanda tam sollicitos, censere illum liberum fuisse libertate exercitii, quia de re certi, tantùm de modo disputant. 202

Scholastici veteres quid senserint de libertate. 207. & 208

Libertas alia est naturalis, alia arbitraria quæ versatur tantùm circa contingentia. 247

Libertas & indifferentia Christi

INDEX RERVM.

- viatoris explicatur. 162. & seq.
- Bruta non habent libertatem nisi conditionatam, & quare. 168
- Libertas Christi in quo sita erat. 171
- Deus est liber, & quomodo. 171.
- & 175
- Libertum arbitrium.*
- Quomodo sit intelligendum quod dicitur: illud esse liberum quod est in nostra potestate, illud autem esse in nostra potestate, quod cum volumus facimus, & cum nolumus non facimus. 109. 110
- Motus primi, seu indeliberati quare non sint liberi. 110. 111
- Vivere & præscire in Deo non est arbitrium, seu liberum. 116. 117
- Minimè reus tenetur qui caruit libero ad faciendum, & non faciendum animi motu: nec habuit potestatem abstinendi ab opere suo. 136
- Deus homini dedit liberum arbitrium ut posset habere meritum, quia oportet non necessitate, sed voluntate bonum esse, ex Sancto Augustino. 140
- D. Augustinus negat se tollere liberum arbitrium, & potius illud fusè probat. 158. 169
- S. Augustinus admittit idem arbitrium, quod Pelagius, sed non eundem motum gloriæ adjuuantis. 158. 169
- Liberum sic confitemur arbitrium, ut dicamus nos Dei semper indigere auxilio, hæc est fides Catholica Ecclesiæ, ex S. Augustino. 170
- Manichæi & Iovinianus tollebant liberum arbitrium, diuerso quidem modo, sed ambo tollebant indifferentiam. 171
- Liberum arbitrium inalligatum & inimpeditum, quando, & quomodo dici debeat. 129. 130
- In potestate liberi arbitrii est impedire, & non impedire gratiæ receptionem. 145
- Deus habet liberum arbitrium, circa quæ, & quale. 170
- Homo per arbitrium potest seruare mandata quoad substantiam, non tamen quoad modum, id est, ita ut observatio sit *meritoria*. 171
- Libertum arbitrium dicitur subiectum peccato, in quantum ex peccato inclinatur ad peccandum, sicut à disponente, non sicut à compellente, quia sibi in peccatum non imputaretur. 174
- Processio Spiritus Sancti non est libera, & quare. 176
- Amor beatificus non est liber, & quare. 177
- Quo sensu Deus dicatur amare se libere, & Spiritum Sanctum procedere libere. 177
- Locobonus.*
- De Doctore Locobono, de quæ il-
lius opere perperam inscripto
Gratia victrix. 195
- Quanti faciat sanctiones Apostolicas. 196
- Iansenismum profitetur post constitutionem Urbani octavi. 197
- Causæ decisionem præuenit, & constituta jam à Summo Pontifice damnat. 198. 199. & seq.
- Quam sit contumeliosus in Iesuitas. 301
- Qui non soli Iansenio contradicunt. 302
- Locobonus frustra recurrit ad doctrinam Thomistarum de gratia efficaci. 309. & seq. ubi breuiter

INDEX RERVM.

percurruntur quinque propo-
sitiones, & testimonio Didaci
Aluaris, & Gonzalis de Albelda
refutantur.

Corollaria ex doctrina Locoboni.
316

Origo tot errorum, quod principia
quæ Thomistæ necessariò putant
contingentia, ipse dissolu^{er}it. 317

Fabulæ Locoboni de damnata le-
suitarum doctrina, quæ spectat
ad disputationem de auxiliis, re-
futantur. 318. & seq.

Lutheri frans & simulatio: 20

M

B VLLA in Molinam chimærica.
V. Penna.

N

• *Necessitas.*

E S T quædam necessitas volun-
taria ex mente Iansenii, qua-
lem in Christo viatore, in beatis,
& demonibus reperiri dicit, quæ
non tollit, sed perficit liberta-
tem. 107

Necessitas non est semper negativa
perfectionis, sed aliquando af-
fertiua. 118

Necessitas consequens stat cum an-
tecedenti voluntatis indifferen-
tia. 121

Non potest esse necessitas si præsci-
tur voluntas; vel non est vo-
luntas, si sequitur necessitas. 122

Quæ Deus nouit futura non ideo
facit, quia præsciendo nullam in-
uehit causalem necessitatem. 123

Necessitas malè faciendi in quam
præcipitati sumus per peccatum
Adami, cuiusmodi sit. 141. 142

Necessitas Ianseniana eadem est
cum Calviniana, Manichæa,

Stoica & Astrologica. 181. & seq.
184

Necessitas ferrea & strangulans
opposita molli & plumeæ à Vin-
centio. 100

Nolle.

Nolle & non posse apud S. Augu-
stinum opponuntur. 147

O

Obstinatio.

O B S T I N A T I O in malo non
dicit impossibilitatem, sed
magnam difficultatem bene a-
gendi. 170

P

Passiones.

H O M O potest passiones sub-
ortas admittere, vel refu-
tare iudicio rationis; bruta non
item. 169

Omnes inclinationes subjacent ju-
dicio rationis, etiam quæ sunt
ex habitibus. 178

Peccatum.

Ideo peccatori non esset imputan-
dum peccatum, si cauere ab eo
non posset, quia non putaretur
peccare libere. 124

Illud axioma D. Augustini: Nemo
peccat in eo quod cauere non
potest; non tantum valet in sta-
tù naturæ integræ; sed etiam
lapsæ. 124. & seq.

Etiam supposita ignorantia & con-
cupiscentia verum est, quod ne-
mo peccat in eo quod cauere non
potest. 126

Non damnatur peccator propter
peccatum Adami & Eue; sed
propter propriam negligentiam,
quæ oblati à Deo remediis adde-
pelledam ignorantiam, & sa-
nandam libidinem abu^{itur}. 128

Fru-

INDEX RERVM.

Frustra queruntur homines de peccato Adami & Eux, deque ignorantia & libidine, quæ ab eo fluxerunt, cum ad utramque vincendam gratia Dei præsens sit.

128

Anima tenetur rea peccati, cum per ignorantiam, vel concupiscentiam superatur, quia potest ab iis non superari.

129. 130

Non esse peccatum, nisi sit liberum ab eo abstinere, ex Augustino, & præcluduntur effugia Iansenianorum.

131

Illa peccati definitio nota est lumine naturali.

133

Nec tantum Adami peccato, sed omnibus quæ nunc sunt conuenit.

134

Parvulorum peccatum originale quomodo voluntate contrahitur.

136. 133. 154

Propterea corporea diligendo peccamus, quia spiritualia diligere, & iustitiâ iubemur; & naturâ per gratiam adiutâ possumus, ex Augustino.

136 137

Pœnitentiam peccati vtilem esse lex naturæ docet.

137

Voluntas quæ non est aded libera, vel liberata ut possit excutere jugum cupiditatis, non debet dici voluntas, sed cupiditas, ex Augustino.

138. 139

Aut negandum est peccatum committi, aut fatendum est voluntate committi.

151

Qui obstinatè negant hominem in hac vita posse esse sine peccato, & libero hominis arbitrio, & misericordiæ Dei derogant.

158. 161

Quomodo homo in hac vita possit esse sine peccato, & cur non sit.

119. & seq. fusc.

Querenti cur homines non sint sine peccato, cum esse possint, efficacissimè respondetur, quia nolunt. ex Augustino.

163

Non posse peccatum mente decerni, nisi à dominio indifferentis voluntatis.

172

Diuturna in peccato vitando constantia, difficilis, & quare.

161

Omne peccatum est in arbitrio voluntatis.

166

Homo existens in peccato mortali quomodo possit vitare omnia peccata mortalia.

170. 171

Homo existens in gratia potest omnia peccata mortalia vitare.

172

Si ita coguntur homines peccare, ut potestas resistendi nulla sit, non peccant.

231

Pelagius.

Pelagii confessio ad Sedem Apostolicam missa, in seipsa Catholica est, licet ut est à Pelagio, sit mendax.

22

Venenum erroris Pelagianum in quo latebat.

167. 169

Penna.

Quantum probet autoritas D. Pennæ, dum narrat ea quæ gesta sunt in congregationibus de Auxiliis.

132

Quam sit authenticum ejus manuscriptum.

ibid.

Exceptiones contra testimonia Pennæ, quæ dicit, retorquentur in Aduersarios.

133

Bulla contra Molinam Pennæ incognita. eademque fabulosa.

345. 247. 350.

Conuincitur ex Penna non fuisse damnatam à Clemente VIII. So-

351

INDEX RERVM.

cietatis doctrinam de Gratia effici-
caci. 315

Fabulo um quoque, vel ex ipso
Penna, quod dicitur de iudicio
Pauli V. contra doctrinam Socie-
tatis. 338

Conuincitur quoque nec à Congre-
gationibus *de Auxilijs* damna-
tam esse Societatis doctrinam, ex
eodem Penna, & alijs. 339. sed
neque à Consultoribus. 340. 341.
342. & seq.

Non queritur an Deus physice mo-
ueat voluntatem ad bonos actus,
sed an physice prædeterminet.
340. 341.

Perseuerantia.

Donum perseuerantiæ quomodo
non sit in potestate hominis ju-
sti, sed à Deo petendum sit. 272

Pena.

Malum pœnz bene fit à Deo. 143

Pœnitentia.

Pœnitendi affectio, quæ prodir malè
fecisse pœnitentem, & bene fa-
cere potuisse restatur. 137

Pontifex summus.

Intendit ferre iudicium de sensu
Iansenii. 624

Non peccasse Episcopos Galliz qui
recurrerunt ad Summum Ponti-
ficem, vt obtinerent quinque
propositionum decisionem, nec
sine antiquorum exemplo id fe-
cisse. 642. & seq.

Nec obstat decretum Innocentii
primi. 645

Possibilitas.

Si possibilitas rei alicujus pendet à
conditione impossibili, res abso-
lutè dicitur impossibilis, vt bo-
nem volare, si haberet alas. 163

Potestas.

Deus nihil potest præcipere quod
non sit positum in potestate illius
cui præcipitur. 141. 142

In nostra potestate est, vt vel infe-
ri bonitate Dei, vel excidi me-
reamur. 143. 144

Qui legem seruare non vult, in
potestate ejus est seruare si velit.
147

Stultum est dare ei præcepta, cui
liberum non est, quod præcipi-
tur facere: & iniquum est eum
damnare, cui non fuit potestas
jussa complere, ex Augustino. 154

Qui ad cœnam vocati noluerunt
venire, non alteri debent tribuere
quod exclusi sunt, quàm sibi,
quia vt venirent vocati erant in li-
bera potestate, ex Augustino. 158

Præscientia.

Præscientia futurorum non adimit
libertatem, & quare. 113. 114. 118.
119.

Propositiones.

Quinque propositiones, siue ab-
tractæ, siue conjunctæ cum re-
liquo Iansenii textu eundem ha-
bent sensum legitimum & ger-
manum. 596

Quinque propositiones Iansenianæ
sunt omnes. 60. & seq.

Summus Pontifex de sensu propo-
sitionum controuerso omnino
pronuntiavit. 620. & seq.

Tertia propositio damnata à Do-
ctoribus Sorbonicis nuper in
Iansenio, & olim in Erasmo. 251

Anonymus propositionem damna-
tam absurde tueretur. 252

Superflua & injuriosa est conceptio
Augustinianæ doctrinæ, dum
datur assensus damnationi quin-

INDEX RERV.M.

que propositionum. 631
 Absurda cauillatio eorum, qui dicunt quinque propositiones esse damnatas in sensu quodam vniuerso & confuso. 639. & seq.

Resistere.
 Quomodo id sit intelligendum; qui potest resistere non cogitur cedere. 130

Sancyranni.
IANSENII & Sancyrani conspiratio. 22
 Sancyrani dogmata injuriosa Ecclesiae. 23
 Episcopi Lingonensis testimonium de doctrina Sancyrani. 21
 Episcopi Vabrensis testimonium de doctrina Sancyrani. 24

Santamorii.
 De diario Santamorii. 23
 Autor diarii fatetur se non legisse Iansenii librum. 289
 Santamorii conuicia; & cogitationes secum pugnantes. 314. & seq.
 Equiuocationes in Thomistarum doctrina frustra fingit. 316
 Santamorii conatus, & sollicitudo pro supprimendo libro de inuocata libertate. 24
 Ejusdem fragmenta. 95. 96.

Scrupulosus.
 Scrupulosus dubitans de actu suspendendo vel eliciendo quando dici debet liber ad vtrumlibet. 188. 189.

Substantia.
 Solae substantiae rationales habent dominium sui actus; ita quod in eis est agere, & non agere, aliae vero magis aguntur quam agunt. 266

T

Thomista.

THOMISTARVM doctrina longe diuersa à Ianseniana.

284
 Thomistae Iansenio aduersantur, & nominatim Didacus Aluarez. 325. 338. 346. 369
 Gonzal. de Albelda contra primam propositionem. 327. contra secundam. 339. contra tertiam. 340. contra quartam. 362. contra quintam. 371
 Ioannes Paulus Nazarius contra primam propositionem. 328. contra secundam. 340. contra tertiam. 350. contra quartam. 364. contra quintam. 372
 Didacus Nugnes-Lalezudo contra primam propositionem. 328. contra secundam. 341. contra tertiam. 354. contra quartam. 365. contra quintam. 374
 Petrus Ledesma contra primam propositionem. 333. contra secundam. 342. contra tertiam. 355. contra quartam. 366. contra quintam. 375
 Balthasar Nauarrette contra primam propositionem. 335. contra secundam. 343. contra tertiam. 357. contra quartam. 364. contra quintam. 376
 Ioannes à S. Thoma contra primam propositionem. 335. contra secundam. 343. contra tertiam. 358. contra quartam. 367. contra quintam. 376
 Thomistarum doctrina consentit cum damnatione quinque propositionum. 631

Traditio.

Traditionis certitudo stare non potest.

QQqq ij.

INDEX RERVM.

- test sine infallibilitate Ecclesie hodiernæ. 18
- Traditionis discipuli, defensores, & Theologi, quid apud Iansenianos. 29
- Traditiones ab Ecclesia hodierna accipiendæ. 30
- Traditionis depositum in Ecclesia seruatur. 31
- Augustini sensus de traditione ab Ecclesia accipiendâ. 33
- Traditio quid sit. 39
- Traditionis discipulus quis verè dicendus sit. 38
- Traditionis discipuli minimè omnium sunt Ianseniani. 61
- Successio sine interruptione ad traditionem necessaria. 61. & seq.
- V
- Vincentius Lenis.*
- P**ONS fabricatus à Vincentio ad voluntatem ab vno opposito ad aliud traducendam, quàm ineptè, & inscitè fabricatus sit. 193
- Interpretatio verborum Concilii à Vincentio allata refutatur fuscè, absurda, ridicula & Concilio indigna ostenditur. 194. & seq.
- Fabula de D. Thoma ad mensam Galliarum Regis accumbente à Vincentio relata irridetur. 199
- Refutatur responsio Vincentii ad authoritatem Sancti Thomæ. 200. & seq.
- Vincentii Lenis variz elucubrationes, & aliorum Iansenianorum. 176. 177
- Vincentii de Iansenio iudicium contrarium decretis Pontificum. 178
- Vincentii sententia de duplici necessitate simplici seu voluntaria explicatur, & rejicitur. 180. 181. 183.
- Vana distinctio Vincentii de prioribus, & posterioribus operibus D. Thomæ. 204
- Virtus.*
- Virtus rationalis se habet ad opposita. 165
- Voluntas, Voluntarium.*
- Voluntas seipsa quodammodo vitur, quæ vitur cæteris. 111
- Voluntati primitus & ex proprio quod habet in suos actus dominio conuenit, posse agere, & non agere. 112
- Voluntas est motus animi, cogente nullo. 130. 131
- Nusquam nisi in voluntate esse peccatum, quo sensu dicat Augustinus. 130. 131
- Peccatum quo consentitur concupiscentiæ, non nisi voluntate committitur. 131. 140
- Naturâ, non voluntate aliquid facere, est carere libero ad faciendum, & non faciendum animi motu. 135
- Qui voluntate aliquid facit, id sine ulla necessitate facit, ex D. Augustino. 147. 148
- Homines libera voluntate faciunt consuetudinem, quam cum fecerint facile superare non possunt. 148
- Non vult Deus te in necessitate seruiatur, sed voluntate, ex Augustino. 151. 153
- Crederè, vel non credere est in arbitrio voluntatis, quando voluntas præparatur à Domino, ex Augustino. 164
- Consentire vel dissentire propriæ voluntatis est. 169. & seq.

INDEX RERVM.

- Dominium** quod habet voluntas
supra suos actus excludit deter-
minationem virtutis ad vnum. 295
- 243
Est quædam perfectio in volun-
tate, quodd contingenter agat, &
non habeat virtutem limitatam
ad vnum. 268
- 244
Natura & naturale opponuntur
voluntati & voluntario. 278
- 247
Voluntas in quantum voluntas ad
vtrumlibet se habet, potest enim
agere, vel non agere, sic vel sic
facere. 279
- 265
Voluntas in quantum voluntas non
potest esse principium diuinarum
productionum. *ibid.* 280
- Homo** appetens beatitudinem na-
turaliter, non meretur, secus si
appetat voluntariè. 203
- Voluntas** nullius peccati respectu
habet necessitatem. 150
- Voluntas** cogi non potest, intel-
ctus potest. 150
- An** diuina voluntas imponat neces-
sitatem rebus volitis. 150
- Omissio** voluntaria tunc est pecca-
tum, quando voluntas potest a-
gere, & debet, ad cuius imputa-
bilitatem requiritur indifferentia. 150
- 279
Voluntas à nullo objecto ex neces-
sitate mouetur. 150
- Actus** oppositi non sunt simul, sed
simul inest homini potentia vo-
luntatis ad vtrosuis. 150
- Deus** iudex voluntarum est, creator
autem naturarum. 150

FINIS.



INDEX RERVM.

A

Apologista.

APOLOGISTA Iansenii in multis imponit. pag. 248. 249.
Bulla Urbani est illi subreptitia.

248

Apologista virginum Regiopotuensium mala fides. 398

Illustrissimus Vabrensis ab Apologista Iansenii reprehensus, laudatur, & defenditur. 209

Appetitus.

Appetitus sensitiui & voluntatis differentia. 281

Arbor.

Arbor bona, & mala positæ sunt pro homine iusto, & iniusto. 142

Augustinus.

Vera ratio inuestigandæ mentis diui Augustini. 630

Densissimis S. Augustini testimoniis confutatur prima propositio Ianseniana. 369. & seq. secunda. 426. tertia. 438. quarta. 450. quinta. 466

Nullum Sancti Augustini testimonium à Iansenio productum, impossibile esse Dei præcepta significat, plurima verò negant, sed Iansenius suam causam fallacis tuetur, quæ notantur duodecim, à pagini 372. ad paginam 416

Mens S. Augustini de Deo omnes saluare volente. 472

Quis sit ex Augustino sensus Pelagianus verborum Apostoli, *Dens*

vult omnes homines saluos fieri.
472

Dux vocatiōes hominum ad æternam vitam ex Augustino. 473

Dux item voluntates. 474

Suam Augustinus sententiam, non ut vult Iansenius, Pelagianam exprimit cap. 37. libri de spiritu & littera. 477. & seq. Vera ratio conciliandi Augustini testimonia in speciem diuersa, circa voluntatem Dei de salute omnium. 479

Distinctio voluntatis Dei antecedentis & consequentis, circa salutem hominum, est Augustiniana. *ibid.*

Quomodo velit & non velit Deus omnes saluos facere. 481

Mens Augustini ex Prospero intelligitur. *ibid.*

Antecedens voluntas circa salutem hominum ante & post peccatum eadem. De Christo pro omnibus mortuo mens Augustini. 484

In Christo quoque duplex voluntas in oblatione meritorum suorum pro salute hominum ex doctrina S. Augustini. *ibid.*

Iansenii doctrina vacillat hoc loco, & inconstans est. 486. 488

Quidquid non retractauit Augustinus, censendus est approbasse, ex Iansenio. 158

B

Baius.

MICHAELIS Baii propositiones non sunt tantum prohibitz ad tempus, sed in perpetuum damnatz. 8 & 9

P P P P

INDEX RERVM.

Bonum.

In quolibet particulari bono reperitur ratio alicuius boni, & defectus alicuius boni. 282

C

CALVINISTARVM & Iansenianorum parallelus. 87. & seq.
Calvinus scholasticos, & Sorbonicos doctores Pelagianos & sophistas vocat, ideo quoddam dicant nostri juris esse gratiam vel respuendo irritam facere, vel obedienter sequendo confirmare. 213

Christus.

Quomodo Christus sit & non sit omnium redemptor. 492
Quo sensu nullus perire dicatur eorum, pro quibus Christus mortuus est. 493

Clemens VIII.

Clemens VIII. puncta quindecim ad disputandum proposuit, sed non definiuit. 317

Clemens VIII. disputari coram se iussit controuerfiam de auxiliis. 343

Suffragia consultorum suffragiis opposita. 314

Petri Lombardi Archiepiscopi Armacani epistola ad Paulum V & iudicium de suffragiis sociorum. 353

Sensus Bovii ex sacra Carmelitarum familia, & conclusio disputationum de auxiliis. 353 354

Coactio.

Coactio late sumpta necessitatem violentam, & naturalem comprehendit. 106

Coactio interdum sumitur pro omni necessitate antecedenti, seu in dependenti à voluntate. 160. 161

Columna.

De columnis, quas Ianseniani erexerunt. 618

Impostura de sensu tertiae columnae. 642. & seq.

Quae sit legitima trium columnarum dispositio. 654. & seq.

Concupiscentia.

Actus concupiscentiae carnalis est peccatum, secundum quod motus eius potest impediri, vel refranari ratione. 366

Consentire.

Consentire proprie dicitur de homine, non de brutis. 182

Consilium.

Locus Ecclesiastici de homine posito in manu consilii sui intelligendus est etiam de naturalis lapsa, ex mente Sancti Augustini. 170

D

Deus.

DEVS omnia mouet secundum modum eorum. 269

Deus habet liberum arbitrium circa quae & quale. 270

Deus impossibilia non iubet, fuisse explicatum. 166. & seq.

E

Ecclesia.

DV M iudicat de aliqua propositione, germanum & legitimum eius sensum attendit. 614

Ecclesia primitiva Iansenianorum. 35

Ecclesia praesentis temporis Iansenianis impura. 35

Ecclesiae hodiernae disciplinam Ianseniani accusant. 37

Ecclesiae hodiernae doctrinam Ianseniani oppugnant. 17

Ecclesia sola mater quae pabulum praestat. 35. 36

INDEX RERVM.

Ecclesia primitiua aſſerit Eccleſiam
etiam non primitiuam eſſe infal-
libilem in materia fidei. 39. & ſeq.
Augustini ſenſus de Eccleſiæ incor-
ruptibilitate in materia fidei. 41
Donatiſtæ dicebant Eccleſiam ſuo
tempore periſſe. 41. 47
Eccleſiæ Romanæ firmitas uſque
ad finem promiſſa. 45
Eccleſia promiſſa à Deo per totum
orbem diſfuſa. 47
Durabit uſque in finem. ibid.
Incorrupta in fide. ibid.
Illi credendum eadem neceſſitate,
qua diuino teſtimonio credi de-
bet. 48
Eccleſia præſentis temporis infal-
libilis. 48
Eccleſiæ præſentis temporis autho-
ritati neceſſe eſt ſubiſci. 57
Eccleſia toto orbe diſfuſa & mater
& uirgo. 58
Ejus uirginitas qualis. ibid.
Eccleſia depoſitorium ueritatis. 62
Eccleſia Romana antiquiſſima,
matrix & originalis fidei. In ea
ſola ueri diſcipuli traditionis.
64. & 65
Eccleſia errare non poteſt in intel-
ligentia eorum, quæ rectè credit.
67. & ſeq.
Authoritas infallibilis Eccleſiæ
antiquæ fidem præſtat hodiernæ.
15
Eccleſia errare non poteſt etiam ſi
ne pertinacia. 70
Negligentiæ in inquirenda ueritate
argui non poteſt. 70
Non tantum ſanciendo, ſed etiam
ſimpliciter credendo falli non
poteſt. 74
Augustinus Eccleſiæ authoritatem
non tantum in ſanciendo, ſed in

credendo, & in uſu, & ſenſu ut
infallibilem proponit. 78. & ſeq.
Veritas non ab vno, aut altero,
ſed ab Eccleſia, & à communi
conſenſione petenda. 82. & ſeq.

Eccleſiaſticus.

Expenditur locus ille Eccleſiaſtici,
*Beatus qui potuit transgredi, &
non eſt transgreſſus.* 227. & 228

G

Gibienuſus.

G LIBER II liber de libertate
Dei, & creaturæ, primùm
à Ianſenio approbatus, deinde
ab eodem damnatus eſt. 209

I

Ianſeniani.

M IRACVLA Ianſeniana. 172
& ſeq.

Hæreſitem Ianſeniana. 174

D. Thomas Ianſenianas opiniones
acerbè carpit. 103

Ianſeniana diſtinctio inter gratiam
naturæ integræ, & naturæ la-
pſæ. 215. & 216

Quid reſpondeant Ianſeniani pro
defenſione primæ propoſitionis.
361. pro defenſione ſecundæ. 424.
pro defenſione tertiæ. 435. pro
defenſione quartæ. 447. pro de-
fenſione quintæ. 465.

Ianſenianæ Theologiæ contradi-
ctiones. 232. & ſeq.

Quantum differat controuerſia
Ianſeniana à controuerſia de Au-
xiliis olim diſceptata. 498

Quam procul errent qui cauſam
Ianſenii cum cauſa Augustini
confundere conantur. 499. 503

An fuerit tacendum, & diſſimu-
landa Ianſenianorum in Theolo-
giam irruptio. 500

INDEX RERVM.

- Fasciculus sententiarum à communi sensu Ecclesiæ abhorrentium, & ex Theologia Ianseniana collectarum. [303. & seq.](#)
- Ianseniani quantum in ipsis fuit dissuadere conati sunt examen quinque propositionum. [306](#)
- Eorum inconstantia in recipiendis, & reiiciendis quinque propositionibus. [307](#)
- Scala contumaciæ à Quinqueviris Iansenianis compolita Romæ post suam damnationem. [383](#)
- Quinqueviri Ianseniani pugnant pro defensione quinque propositionum ad martyrium vsque. [385](#)
- Quinqueviri Ianseniani timent ne Romanus Pontifex perdat depositum antiquæ doctrinæ. [384.](#)
- [332](#)
- Quinqueviri duplicis fidei. [386](#)
- Martyrii subeundi propositum breui mutant. [388](#)
- Ianseniani librorum censores iniqui. [389](#)
- Eandem iniquitatem, affingunt Summo Pontifici. [390](#)
- Eorundem peruersitas & mala fides in interpretanda mente summi Pontificis, damnantis quinque propositiones. [391. & seq.](#)
- Ex ignorantia latini sermonis obijciunt imaginariam injuriam in doctrinam S. Augustini. [397](#)
- Ianseniani calumnias fingunt. [624](#)
- Ianseniani doctrinam de gratia efficaci cum Ianseniana perperam confundunt, item cum sensu S. Augustini. [629](#)
- Quibus conjecturis, & quàm puerilibus Ianseniani conentur eludere suam damnationem. [634.](#)
- [& seq.](#)
- Ianseniani Thomistas cum Molinistis damnant. [651](#)
- Bullæ Summorum Pontificum contra Baium & Iansenium. [237. 238](#)
- Quomodo & quàm futiliter eludantur à Iansenianis. [239. 240](#)
- Iansenius.*
- Iansenius admisit gratiam necessitantem. [288. & seq.](#)
- Iansenii sensus idem cum sensu hæreticorum. [303](#)
- Iansenii sensus circa primam propositionem euidenter colligitur ex verbis Iansenii. [335. & seq.](#)
- circà secundam. [418. & seq.](#)
- circà tertiam. [429.](#)
- circà quartam. [441.](#)
- circà quintam. [451](#)
- Conformitas hæreticorum cum prima Iansenii propositione. [338:](#)
- cum secunda. [420.](#)
- cum tertia. [431.](#)
- cum quarta. [444. 445.](#)
- cum quinta. [443](#)
- Ecclesiæ doctrina, & Iansenio, & hæreticis opposita circa primam propositionem. [361.](#)
- circà secundam. [410.](#)
- circà tertiam. [433.](#)
- circà quartam. [446.](#)
- circà quintam. [454](#)
- Iansenii principia ingraturum erga Christum animum formant. [488](#)
- Eadem peccatores ad impietatem adducunt. [489.](#)
- pietati fidelium inimica sunt. [490.](#)
- Augustino ex diametro opponuntur. [ibid.](#)
- Iansenii lapsus in referenda Augustini doctrina. [494. 495. 496](#)
- Laudandi sunt vnde accusantur qui Iansenio contradicunt. [504](#)
- Quinque propositionum Iansenii damnatio. [523](#)
- Iansenius & Vincentius D. Thomam Pelagianum, Peripateticum & Aristotelicum facere co-

INDEX RERVM.

nantur.

Iansenius in multis sibi contrarius, aut vacillans. 205. & 206

Iansenius admisit libertatem hominum viatorum indifferentem esse in speciem tantum, sed re ipsa negat. 211. & 212. & seq.

Episcopi Galliarum plusquam octoginta contra Iansenium scripserunt ad Summum Pontificem. 249

Ignorantia.

Ignorantia & concupiscentia, quæ sunt pœna peccati, sunt etiam peccatum improprie, sed negligentia discendi, & consensus deliberatus in motum concupiscentiæ sunt proprie peccata. 153.

& 154

Indifferentia.

Indifferentia non perditur per consuetudinem malam, sed difficultate aliter faciendi vincitur, & per diuinam gratiam restituitur. 148

Benignitas ante te, iniquitas ante te, compara & elige, expressissima est apud S. Augustinum potentiæ ad vtrumlibet immediatæ, hoc est, indifferentiæ confessio.

156

Per Dei gratiam non auferitur, sed confertur potius indifferentia illa, quam Deus homini dedit in prima conditione. 157

Indifferentia proxima ad vnum oppositorum, & remota ad aliud non sufficit ad libertatem. 190

Thomistarum sententia de indifferentia ad libertatem necessaria, qualis sit. 191

Indifferentia liberi arbitrii, & gratia merè sufficiens distinde exprimitur in Concilio Triden-

tino.

D. Thomas libertatem indifferentiæ confirmat. 191
198

Sententiam contrariam vocat hæreticam. ibid.

Indifferentia quam ad libertatem postulat Augustinus, in eo sita est quod voluntas agens possit non agere, & non agens possit agere, 214

Ecclesia, D. Augustinus, & Patres agnoscunt rem & nomen indifferentiæ, quam Iansenius & hæretici negant. 217

Indifferentiæ Iansenianæ larua & species in qua consistat, & quadruplex status voluntatis. 218. & seq. 220

In doctrina indifferentiæ Iansenius sibi ipsi contradicit. 222

Inter Iansenii & Thomistarum indifferentiam quid intersit. 223

Ianseniana indifferentia contraria est Augustinianæ. 221. & seq.

Contradicit etiam Concilio Tridentino, & Scripturæ. 225 & seq.

Indifferentia Ianseniana contraria est sensui communi. 228. & 229.

Est passiuæ tantum respectu voluntatis. 229

Indifferentia quæ potest adesse & abesse, stante illa libertate, vana est, Manichæa & Ianseniana. 231. & seq.

Indifferentia verò prout dicit proximam & immediatam potentiam agendi, & non agendi, est catholica & Augustiniana, spectatque ad essentiam libertatis, & cum ea conuertitur. 229. & seq.

Indifferentiam propugnauit Augustinus aduersus pestes libertatis Manichæos & Stoicos, veluti ba-

INDEX RERVM.

sim immobilem Catholicæ fidei.

231. & 232

Sublata indifferentia destruitur liberi arbitrii definitio. 136

D. Thomas in Summa contra gentes multis locis docet & probat, indifferentiam ad libertatem arbitrii necessariò requiri. 141. & seq.

Indifferentia ad contraria alia est ab indifferentia ad contradictoria.

160

Coactio interdum latè sumitur pro omni necessitate antecedenti, seu independenti à voluntate. 160.

161.

L

Liberalitas.

LA v's liberalitatis & misericordie non consistit in eo quòd habeant adjunctam facultatem benefaciendi & subueniendi miseris, sed in eo quòd de facto beneficiant & subueniant. 162

Libertas.

Iansenii sententia de libertate, & quæ necessitas eam tollat. 106

Libertas primariò, & immediatè conuenit actibus internis voluntatis, seu volitionibus, mediatè autem actionibus externis. 108. & 111.

Quomodo hinc probetur libertatem esse non posse absque indifferentia necessitati ad vnum determinanti opposita. 110. & 111

Mors non libertati, sed necessitati subjacet, & quare. 111

Quid sit plena rationis aduertentia, & an sit ad libertatem necessaria. 114

Indifferentia iudicii radix liberta-

tis.

114

Sicut memoria præteritorum non obest libertati rei præteritæ, ita nec præscientia futurorum nocet libertati rei futuræ. 119. & 123

Si homo suo vitio indifferentiam perdidisset, denegatâ omni ad eam recuperandam facultate, æquè stultum esset illi aliquid præcipere, ac præcipere illi qui sibi oculos effodit, vt stellas numeret. 155

Libertas ab Iansenio bicornis vocata, qualis sit. 157. & 158

Diuisio libertatis in essentialem, & accidentalem à Vincentio excogitata explicatur, & exploditur, 185. 186. 187. & seq.

Non sufficit ad libertatem vt potentia proximè ad vnum oppositorum sit vno tempore, & alio tempore, seu successiuè sit potentia ad oppositum, sed vtraque debet esse eodem tempore.

190. & 191

Non est meritorium nec demeritorium, quòd aliquis ex necessitate sic agit, vt vitare non possit.

198

Libertas specificationis & exercitii. 201

Quæstio de libertate Christi ostendit, omnes Scholasticos in illa explicanda tam sollicitos, censere illum liberum fuisse libertate exercitii, quia dere certi, tantum de modo disputant. 209

Scholastici veteres quid senserint de libertate. 207. & 208

Libertas alia est naturalis, alia arbitraria quæ versatur tantum circa contingentia. 247

Libertas & indifferentia Christi

INDEX RERVM.

viatoris explicatur. 162. & seq.
Bruta non habent libertatem nisi
conditionatam, & quare. 168
Libertas Christi in quo sita erat. 171
Deus est liber, & quomodo. 171.

& 175

Libenum arbitrium.

Quomodo sit intelligendum quod
dicitur: illud esse liberum quod
est in nostra potestate, illud au-
tem esse in nostra potestate, quod
cum volumus facimus, & cum
nolumus non facimus. 109. 110

Motus primi, seu indeliberati qua-
re non sint liberi. 110. 111

Viuere & præscire in Deo non est
arbitrarium, seu liberum. 116. 117

Minimè reus tenetur qui caruit li-
bero ad faciendum, & non fa-
ciendum animi motu: nec ha-
buit potestatem abstinendi ab o-
pere suo. 136

Deus homini dedit liberum arbi-
trium vt posset habere meritum,
quia oportet non necessitate, sed
voluntate bonum esse, ex Sancto
Augustino. 140

D. Augustinus negat se tollere li-
berum arbitrium, & potius illud
fusse probat. 168. 169

S. Augustinus admittit idem arbi-
trium, quod Pelagius, sed non
eundem motum gloriæ adiuuan-
tis. 168. 169

Libenum sic confitemur arbitrium,
vt dicamus nos Dei semper in-
digere auxilio, hæc est fides Ca-
tholicæ Ecclesiæ, ex S. Augu-
stino. 170

Manichæi & Iovinianus tollebant
liberum arbitrium, diuerso qui-
dem modo, sed ambo tollebant
indifferentiam. 171

Libenum arbitrium inalligatum &
inimpeditum, quando, & quo-
modo dici debeat. 119. 120

In potestate liberi arbitrii est impe-
dire, & non impedire gratiæ re-
ceptionem. 145

Deus habet liberum arbitrium, cir-
ca quæ, & quale. 170

Homo per arbitrium potest serua-
re mandata quoad substantiam,
non tamen quoad modum, id est,
ita vt obseruatio sit meritoria. 171

Libenum arbitrium dicitur subje-
ctum peccato, in quantum ex
peccato inclinatur ad peccan-
dum, sicut à disponente, non si-
cut à compellente, quia sibi in
peccatum non imputaretur. 174

Processio Spiritus Sancti non est li-
bera, & quare. 176

Amor beatificus non est liber, &
quare. 177

Quo sensu Deus dicatur amare se
liberè, & Spiritum Sanctum pro-
cedere liberè. 147

Locobonus.

De Doctore Locobono, deque il-
lius opere perperam inscripto
Gratia viatrix. 195

Quanti faciat sanctiones Aposto-
licas. 196

Iansenismum profitetur post con-
stitutionem Urbani octauæ. 197

Causæ decisionem præuenit, &
constituta jam à Summo Ponti-
fice damnat. 198. 199. & seq.

Quàm sit contumeliosus in Iesuitas.
301

Qui non soli Iansenio contradi-
cunt. 302

Locobonus frustra recurrit ad do-
ctrinam Thomistarum de gratia
efficaci. 102. & seq. vbi breuiter

INDEX RERVM.

percurruntur quinque propo-
sitiones, & testimonio Didaci
Aluaris, & Gonçalis de Albelda
refutantur.

Corollaria ex doctrina Locoboni.

326

Origo tot errorum, quod principia
quæ Thomistæ necessario putant
contingentia, ipse dissoluerit. 327

Fabulæ Locoboni de damnata Ie-
suitarum doctrina, quæ spectat
ad disputationem de auxiliis, re-
futantur. 328. & seq.

Lutheri fraus & simulatio. 20

M

B V L I A in Molinam chimærica.
V. Penna.

N

Necessitas.

E S T quædam necessitas volun-
taria ex mente Iansenii, qua-
lem in Christo viatore, in beatis,
& demonibus reperiri dicit, quæ
non tollit, sed perficit libera-
tem. 107

Necessitas non est semper negativa
perfectionis, sed aliquando af-
fertiua. 113

Necessitas consequens stat cum an-
tecedenti voluntatis indifferen-
tia. 111

Non potest esse necessitas si præsci-
tur voluntas, vel non est vo-
luntas, si sequitur necessitas. 112

Quæ Deus nouit futura non ideo
facit, quia præsciendo nullam in-
uehit causalem necessitatem. 123

Necessitas malè faciendi in quam
præcipitati sumus per peccatum
Adami, cuiusmodi sit. 141. 142

Necessitas Ianseniana eadem est
cum Caluiniana, Manichæa,

Stoica & Astrologica. 181. & seq.

184

Necessitas ferrea & strangulans
opposita molli & plumæ à Vin-
centio. 100

Nolle.

Nolle & non posse apud S. Augu-
stinum opponuntur. 147

O

Obstinatio.

O B S T I N A T I O in malo non
dicit impossibilitatem, sed
magnam difficultatem bene a-
gendi. 170

P.

Passiones.

H O M O potest passiones sub-
ortas admittere, vel refu-
tare iudicio rationis; bruta non
item. 169

Omnes inclinationes subjacent ju-
dicio rationis, etiam quæ sunt
ex habitibus. 178

Peccatum.

Ideo peccatori non esset imputan-
dum peccatum, si cauere ab eo
non posset, quia non putaretur
peccare libere. 124

Illud axioma D. Augustini: Nemo
peccat in eo quod cauere non
potest, non tantum valet in sta-
tu naturæ integræ, sed etiam
lapsæ. 124. & seq.

Etiam supposita ignorantia & con-
cupiscentia verum est, quod nemo
peccat in eo quod cauere non
potest. 126

Non damnatur peccator propter
peccatum Adami & Euz, sed
propter propriam negligentiam,
qua oblati à Deo remediis adde-
pellendam ignorantiam, & sa-
nandam libidinem abutitur. 138

Fru-

INDEX RERVM.

Frustra queruntur homines de peccato Adami & Euxæ, deque ignorantia & libidine, quæ ab eo fluxerunt, cum ad utramque vincendam gratia Dei præsens sit.

128

Anima tenetur rea peccati, cum per ignorantiam, vel concupiscentiam superatur, quia potest ab iis non superari.

129. 130

Non esse peccatum, nisi si liberum ab eo abstinere, ex Augustino, & præcluduntur effugia Iansenianorum.

131

Illa peccati definitio nota est lumine naturali.

133

Nec tantum Adami peccato, sed omnibus quæ nunc fiunt convenit.

134

Parvulorum peccatum originale quomodo voluntate contrahitur.

136. 137. 154

Propterea corporea diligendo peccamus, quia spiritualia diligere, & iustitiâ jubemur, & naturâ per gratiam adiutâ possumus, ex Augustino.

136 137

Pœnitentiam peccati vilem esse lex naturæ docet.

137

Voluntas quæ non est aded libera, vel liberata ut possit excutere jugum cupiditatis, non debet dici voluntas, sed cupiditas, ex Augustino.

138. 139

Aut negandum est peccatum committi, aut fatendum est voluntate committi.

151

Qui obstinatè negant hominem in hac vita posse esse sine peccato, & libero hominis arbitrio, & misericordiæ Dei derogant.

158. 161

Quomodo homo in hac vita possit esse sine peccato, & cur non sit.

119. & seq. sust.

Querenti cur homines non sint sine peccato, cum esse possint, efficacissimè responderetur, quia nolunt: ex Augustino.

163

Non posse peccatum mente decerni, nisi à dominio indifferentis voluntatis.

172

Diuturna in peccato vitando constantia, difficilis, & quare.

161

Omne peccatum est in arbitrio voluntatis.

266

Homo existens in peccato mortali quomodo possit vitare omnia peccata mortalia.

270. 271

Homo existens in gratia potest omnia peccata mortalia vitare.

272

Si ita coguntur homines peccare, ut potestas resistendi nulla sit, non peccant.

231

Pelagius.

Pelagii confessio ad Sedem Apostolicam missa, in seipsa Catholica est, licet ut est à Pelagio, sit mendax.

22

Venenum erroris Pelagiani in quod latebat.

167. 169

Penna.

Quantum prober autoritas D. Pennæ, dum narrat ea quæ gesta sunt in congregationibus de Auxiliis.

332

Quam sit authenticum ejus manuscriptum.

ibid.

Exceptiones contra testimonia Pennæ: 333. quæ dicit, retorquentur in Aversarios.

Bulla contra Molinam Pennæ incognita. 334. eademque fabulosa. 345. 347. 350. fictitia bulla non vna.

351

Convincitur ex Penna non fuisse damnatam à Clemente VIII. So-

cietatis doctrinam de Gracia effici-
caci. 335
Fabulo um quoque, vel ex ipso
Penna, quod dicitur de iudicio
Pauli V. contra doctrinam Socie-
tatis. 338
Conuincitur quoque nec à Congre-
gationibus de *Auxiliis* damna-
tam esse Societatis doctrinam, ex
eodem Penna, & aliis. 339. *fed*
neque à Consultoribus. 340. 341.
342. & seq.
Non quaeritur an Deus physicè mo-
ueat voluntatem ad bonos actus,
sed an physicè prædeterminet.
340-341
Persuerantia.
• Donum perseuerantiz quomodo
non sit in potestate hominis iu-
sti, sed à Deo petendum sit. 172
Pena.
Malum pœnz bene fit à Deo. 143
Pœnitentia.
Pœnitendi affectio, quæ prodiit malè
fecisse pœnitentem, & bene fa-
cere potuisse testatur. 137
Pontifex summus.
Intendit ferre iudiciũ de sensu
Iansenii. 624
Non peccasse Episcopos Gallie qui
recurrunt ad Summum Ponti-
ficem, vt obtinerent quinque
propositionum decisionem, nec
sine antiquorum exemplo id fe-
cisse. 642. & seq.
Nec obstat decretum Innocentii
primi. 645
Possibilitas.
Si possibilitas rei alicujus pendet à
conditione impossibili, res abso-
lutè dicitur impossibilis, vt bo-
nem volare, si haberet alas. 163

Potestas.

Deus nihil potest præcipere quod
non sit positum in potestate illius
cui præcipitur. 141. 142

In nostra potestate est, vt vel infe-
ri bonitate Dei, vel excidi me-
reamur. 143. 144

Qui legem seruare non vult, in
potestate ejus est seruare si velit.
147

Stultum est dare ei præcepta, cui
liberum non est, quod præcipi-
tur facere: & iniquum est eum
damnare, cui non fuit potestas
iussa complere, ex Augustino. 154

Qui ad cœnam vocati noluerunt
venire, non alteri debent tribuere
quodd exclusi sunt, quàm sibi,
quia vt venirent vocati erant in li-
bera potestate, ex Augustino. 158

Præscientia.

Præscientia futurorum non adimit
libertatem, & quare. 113. 114. 118.
119.

Propositiones.

Quinque propositiones, siue abs-
tractæ, siue conjunctæ cum re-
liquo Iansenii textu eundem ha-
bent sensum, legitimum & ger-
manum. 596

Quinque propositiones Iansenianæ
sunt omnes. 60. & seq.

Summus Pontifex de sensu propo-
sitionum controuerso omnino
pronuntiavit. 620. & seq.

Tertia propositio damnata à Do-
ctoribus Sorbonicis nuper in
Iansenio, & olim in Erasmo. 151

Anonymus propositionem damna-
tam absurdè tuetur. 152

Superflua & injuriosa est conceptio
Augustinianæ doctrinæ, dum
datur assensus damnationi quin-

INDEX RERVM.

que propositionum. 631

Absurda cauillatio eorum, qui dicunt quinque propositiones esse damnatas in sensu quodam vniuerso & confuso. 639. & seq.

Resistere.

Quomodo id sit intelligendum; qui potest resistere non cogitur cedere. 139

S

Sancyrannus.

IANSENI & Sancyranni conspiratio. 22

Sancyranni dogmata injuriosa Ecclesiae. 13

Episcopi Lingonensis testimonium de doctrina Sancyranni. 23

Episcopi Vabrensis testimonium de doctrina Sancyranni. 24

Santamoriinus.

De diario Santamorii. 3

Autor diarii fatetur se non legisse Iansenii librum. 289

Santamorii conuicia, & cogitationes secum pugnautes. 514. & seq.

Aequiuocationes in Thomistarum doctrina frustra fingit. 516

Santamorii conatus, & sollicitudo pro suppressendo libro de incoacta libertate. 94

Ejusdem figmentum. 95. 96

Scrupulosus.

Scrupulosus dubitans de actu suspendendo vel eliciendo quando dici debet liber ad utrumlibet. 188. 189

Substantia.

Solae substantiae rationales habent dominium sui actus, ita quod in eis est agere, & non agere, aliae vero magis aguntur quam agunt. 266

T

Thomista.

THOMISTARVM doctrina longè diuersa à Ianseniana. 284

Thomistae Iansenio aduersantur, & nominatim Didacus Aluarez. 525. 538. 546. 569.

Gonzal. de Albelda contra primam propositionem. 527. contra secundam. 539. contra tertiam. 540. contra quartam. 562. contra quintam. 571

Ioannes Paulus Nazarius contra primam propositionem. 518. contra secundam. 540. contra tertiam. 550. contra quartam. 564. contra quintam. 572

Didacus Nugnes Lalezudo contra primam propositionem. 528. contra secundam. 541. contra tertiam. 554. contra quartam. 565. contra quintam. 574

Petrus Ledesma contra primam propositionem. 533. contra secundam. 541. contra tertiam. 555. contra quartam. 566. contra quintam. 575

Balthasar Nauarrette contra primam propositionem. 535. contra secundam. 543. contra tertiam. 557. contra quartam. 564. contra quintam. 576

Ioannes à S. Thomà contra primam propositionem. 535. contra secundam. 543. contra tertiam. 558. contra quartam. 567. contra quintam. 576

Thomistarum doctrina consentiens cum damnatione quinque propositionum. 631

Traditio.

Traditionis certitudo stare non potest.

QQqq ij.

INDEX RERVM.

test sine infallibilitate Ecclesie
hodiernæ. 28
Traditionis discipuli, defensores,
& Theologi, quid apud Iansen-
ianos. 29
Traditiones ab Ecclesia hodierna
accipiendæ. 30
Traditionis depositum in Ecclesia
seruatur. 31
Augustini sensus de traditione ab
Ecclesia accipienda. 33
Traditio quid sit. 39
Traditionis discipulus quis verè di-
cendus sit. 39. 58
Traditionis discipuli minimè om-
nium sunt Ianseniani. 61
Successio sine interruptione ad tra-
ditionem necessaria. 61. & seq.

V

Vincentius Lenis.

PONS fabricatus à Vincentio
ad voluntatem ab vno oppo-
sito ad aliud traducendam, quam
ineptè, & inscitè fabricatus sit.
193
Interpretatio verborum. Concilii
à Vincentio allata refutatur fuscè,
absurda, ridicula & Concilio in-
digna ostenditur. 194. & seq.
Fabula de D. Thoma ad mensam
Galliarum Regis accumbente à
Vincentio relata irridetur. 199
Refutatur responsio Vincentii ad
authoritatem Sancti Thomæ.
200. & seq.
Vincentii Lenis variz elucubrati-
ones, & aliorum Iansenianorum.
176. 177
Vincentii de Iansenio iudicium
contrarium decretis Pontificum.
178
Vincentii sententia de duplici ne-
cessitate simplici seu voluntaria

explicatur, & rejicitur. 180. 181.
183.

Vana distinctio Vincentii de priori-
bus, & posterioribus operibus D.
Thomæ. 204

Virtus.

Virtus rationalis se habet ad oppo-
sita. 265

Voluntas, Voluntarium.

Voluntas seipsa quodammodo vti-
tur, quæ vtitur cæteris. 111
Voluntati primitus & ex proprio
quod habet in suos actus domi-
nio conuenit, posse agere, &
non agere. 112
Voluntas est motus animi, cogente
nullo. 130. 131
Nusquam nisi in voluntate esse
peccatum, quo sensu dicat Au-
gustinus. 130. 131
Peccatum quo consentitur concu-
piscentiæ, non nisi voluntate
committitur. 131. 140
Naturâ, non voluntate aliquid fa-
cere, est carere libero ad facien-
dum, & non faciendum animi
motu. 135
Qui voluntate aliquid facit, id si-
ne vlla necessitate facit, ex D. Au-
gustino. 147. 148
Homines libera voluntate faciunt
consuetudinem, quam cum fe-
cerint facile superare non pos-
sunt. 148
Non vult Deus vt sine necessitate ser-
uiatur, sed voluntate, ex Augu-
stino. 151. 153
Credere, vel non credere est in ar-
bitrio voluntatis, quando volun-
tas præparatur à Domino, ex
Augustino. 164
Consentire vel dissentire propriæ
voluntatis est. 169. & seq.

INDEX RERVM.

- Dominium quod habet voluntas
 supra suos actus excludit deter-
 minationem virtutis ad vnum. 243
 Est quædam perfectio in volun-
 tate, quodd contingenter agat, &
 non habeat virtutem limitatam
 ad vnum. 244
 Natura & naturale opponuntur
 voluntati & voluntario. 247
 Voluntas in quantum voluntas ad
 vtrumlibet se habet, potest enim
 agere, vel non agere, sic vel sic
 facere. 265
 Voluntas in quantum voluntas non
 potest esse principium diuinarum
 productionum. *ibid.*
 Homo appetens beatitudinem na-
 turaliter, non meretur, secus si
 appetat voluntariè. 295
 Voluntas nullius peccati respectu
 habet necessitatem. 268
 Voluntas cogi non potest, intelle-
 ctus potest. 273
 An diuina voluntas imponat neces-
 sitatem rebus volitis. 275
 Omissio voluntaria tunc est pecca-
 tum, quando voluntas potest a-
 gere, & debet, ad cuius imputa-
 bilitatem requiritur indifferentia.
 279
 Voluntas à nullo objecto ex neces-
 sitate mouetur. 280
 Actus oppositi non sunt simul, sed
 simul inest homini potentia vo-
 luntatis ad vtrosuis. 203
 Deus iudex voluntatum est, creator
 autem naturarum. 150

FINIS.



5-5-1. fl.

